








# দিব্য জীবন বার্তা

প্রথম খণ্ড

সর্বগত ব্রহ্ম এবং বিশ্ব



শ্রীঅরবিন্দ



প্রকাশক—

শ্রী অরবিন্দ পাঠমন্দির

১৫, কলেজ স্কোয়ার

কলিকাতা—১২

প্রথম সংস্করণ

১৯৫৩

শ্রী অরবিন্দ আশ্রম কর্তৃক

সর্বস্বত্ব সংরক্ষিত

৩৮নং শিবনারায়ণ দাস লেনস্থ

রতিকান্ত ঘোষ দ্বারা

ঘোষ মেসিন প্রেসে

১ হইতে ৬৪ পৃষ্ঠা পর্য্যন্ত

এবং বাকি সমস্ত

লক্ষীসরস্বতা প্রেসে

২০৯, কর্ণওয়ালিস স্ট্রীট

কলিকাতা—৬


রামকৃষ্ণ পান দ্বারা মুদ্রিত।

বাঁধিয়েছেন

৮২, ভবানী দত্ত লে

জ্ঞানানাল বাইণ্ডার্স কলিকাতা।

মূল্য ৫৯



SRI AUROBINDO



## অনুবাদকের নিবেদন

দিব্য জীবন বার্তা ( ১ম খণ্ড ) শ্রীঅরবিন্দের Life Divine ( vol I ) গ্রন্থের মৰ্ম্মানুবাদ, আক্ষরিক অনুবাদ নহে । প্রথমে মনে করিয়াছিলাম একটু সংক্ষেপে প্রতি অধ্যায়ে শ্রীঅরবিন্দ যাহা লিখিয়াছেন, তাহার মৰ্ম্ম যতটুকু বুঝিয়াছি তাহাই বলিব । সেইজন্য প্রথম দুই তিন অধ্যায়ে মূল হইতে অল্প কিছু বাদ দিয়াছি, কিন্তু পরে মনে হইল, সেরূপ করিলে শ্রীঅরবিন্দের কথা স্পষ্টরূপে প্রকাশ করিবার পক্ষে বাধা হইবে, কারণ অপ্ৰয়োজনীয় কোন কথাই তিনি বলেন নাই । তারপরে যতদূর পারিয়াছি মূলে যাহা আছে তাহার সকল ভাব রক্ষা করিবার চেষ্টা করিয়াছি । এ অতি কঠিন কার্য্যে কতদূর সফলকাম হইয়াছি তাহা স্বধীর্ণের বিচার্য্য ।

শ্রীঅনিৰ্ব্বাণ কৃত অতি সূক্ষ্ম অনুবাদ থাকিতে কেন এ দুৰূহ কার্য্যে আমি হস্তক্ষেপ করিয়াছি তাহার একটা কৈফিয়ৎ দিতে চাই । সে অনুবাদের অতি উচ্চাঙ্গের ভাষা মাধুর্য্য ও কবিত্বময়, ওজোগুণ সম্পন্ন ওরূপ বৈশিষ্ট-পূর্ণ ভাষা আর কোথাও দেখিয়াছি বলিয়া মনে হয় না । তাই আমি মনে করি শ্রীঅনিৰ্ব্বাণের 'দিব্য জীবন' বঙ্গভাষার শ্রেষ্ঠতম গ্রন্থের অন্ততম । কিন্তু তৎসঙ্গেও তাহাতে বাঙ্গালা ভাষাতে সাধারণতঃ চলিত নাই, সংস্কৃত শাস্ত্রের তাঁহার নিজের বিশাল জ্ঞান ভাণ্ডার হইতে, তেমন কথা এত অধিক পরিমাণে গ্রহণ করিয়াছেন যে সাধারণ পাঠকগণের পক্ষে গ্রন্থখানা অতি দুৰূহ হইয়াছে । যাহারা ইংরাজী ভাষায় অভিজ্ঞ এমন অনেকেও Life Divine পড়িয়া ভালভাবে বুঝিতে পারেন না । অথচ তাহাতে যে অমৃতময় ভাবধারার প্রবাহ আছে, যে নূতন দৃষ্টিভঙ্গীতে প্রাচ্য ও পাশ্চাত্যের প্রায় সকল দর্শন ও সাধন পথের সমন্বয় ও সামঞ্জস্য আছে, যে পরম আশা ও আশ্বাসের বাণীর সাক্ষাৎ তাহাতে পাওয়া যায়, তাহা আর কোথাও তেমন ভাবে আছে বলিয়া আমি জানি না বা বিশ্বাসও করি না । এই অমূল্য সম্পদ সাধারণ বাঙ্গালী পাঠকের হাতে তুলিয়া দেওয়ার আকাঙ্ক্ষা

আমাকে মাঝে মাঝে আকুল করিত। এমন সময় অপেক্ষাকৃত সহজবোধ্য ভাষায় Life Divine এর একটা অনুবাদ করিতে আমি অমুগ্ধ হই। নিজের অযোগ্যতা এবং অপটুতার স্পষ্ট জ্ঞান থাকা সত্ত্বেও এই প্রস্তাবে সম্মত না হইয়া পারি নাই। কার্য্যারম্ভ করিয়া শ্রীশ্রীমার নিকট আমার সঙ্কল্পের কথা জানাই এবং তাঁহার অনুমতি ও আশীর্ব্বাদ প্রার্থনা করি। তাহার পর প্রায় একবৎসরব্যাপী যত্ন ও চেষ্টার ফলে মূল সম্বন্ধে আমি যাহা বুঝিয়াছি এবং ভাষায় তাহার যে রূপ দিবার প্রয়াস পাইয়াছি, তাহা পাঠকগণের নিকট উপস্থিত করিতেছি। যাহারা ইংরাজী জানেন না অথবা যাহা জানেন তাহার সাহায্যে Life Divine বুঝিতে পারেন না তাঁহাদের পক্ষে শ্রীঅরবিন্দের ভাষধারা বুঝিতে ইহা কথঞ্চিৎ সাহায্য করিলেও আমার শ্রম সার্থক মনে করিব।

এই অনুবাদ কার্য্যে যে সমস্ত বন্ধু আমাকে উৎসাহিত করিয়াছেন এবং যাহারা মুদ্রাক্ষরের ব্যয় নির্ব্বাহে সাহায্য করিয়াছেন তাঁহাদিগকে আন্তরিক ধন্যবাদ জ্ঞাপন করিতেছি।

অবশেষে সানন্দ চিত্তে জানাইতেছি বন্ধুবর শ্রীযুক্ত নলিনীকান্ত গুপ্ত এই বইয়ের আচ্ছোপাস্ত্র পড়িয়া ও সংশোধন করিয়া দিয়া আমাকে অশেষ কৃতজ্ঞতা-পাশে আবদ্ধ করিয়াছেন। ইতি—

শ্রীগুরেন্দ্রনাথ বসু।

## সূচীপত্র


অধ্যায়	বিষয়	পত্রাঙ্ক
১ম	মামুষের আত্মপূহা	১
২য়	দুইটি নাস্তিবাদ—জড়বাদীর নাস্তি	৬
৩য়	দুইটি নেতিবাদ—সম্মাসীর নেতিবাদ	১৭
৪র্থ	সর্বগত ব্রহ্ম	২৭
৫ম	জীবের নিয়তি	৩৬
৬ষ্ঠ	বিশ্বে মানব	৪৬
৭ম	অহং এবং দ্বন্দ্ববোধ	৫৭
৮ম	বৈদাস্তিক জ্ঞানের ধারা	৬৮
৯ম	শুদ্ধ সত্তা	৮১
১০ম	চিৎ শক্তি	৯২
১১শ	আনন্দ ব্রহ্ম—সমস্তা	১০৫
১২শ	আনন্দ ব্রহ্ম—সমাধান	১১৭
১৩শ	ভাগবতী মায়া	১৩১
১৪শ	অতিমানস—স্রষ্টারূপে	১৪৩
১৫শ	ঋতচিৎ	১৫৭
১৬শ	অতিমানসের ত্রিধারা	১৭০
১৭শ	দিব্যজীব	১৮০
১৮শ	মন ও অতিমানস	১৯১
১৯শ	প্রাণ	২০৯
২০শ	যত্ন, বাসনা এবং অসামর্থ্য	২২৮
২১শ	প্রাণের উর্দ্ধায়ণ	২৪১
২২শ	প্রাণশক্তির সমস্তা	২৫৩
২৩শ	মানবাত্মার দ্বিবিধরূপ	২৬৮

অধ্যায়	বিষয়	পত্রাঙ্ক
২৪শ	জড়	২৮৫
২৫শ	জড়ের গ্রহি	২৯৬
২৬শ	বস্তুর উর্দ্ধগ পরস্পরা	৩১২
২৭শ	সত্তার সপ্ততন্ত্রী	৩২৫
২৮শ	অতিমানস, মানস এবং অধিমানসী মায়া	৩৩৬

---







SRI AUROBINDO

Photo: Henri Cartier-Bresson

## প্রথম অধ্যায়

### গানুয়ের আত্মহা

যে সমস্ত উষা অনন্তকাল ধরিয়া পরপর আসিতেছেন তাহাদের প্রথমা এই উষাও সেই লক্ষ্য অনুসরণ করিয়া চলিতেছেন, যে লক্ষ্য ধরিয়া পূর্ববর্তিনী উষাসকল বিশ্বাতীত সভাতে মিলিয়া যাইতেছেন ; এই উষা আত্মবিস্তার করিতেছেন, যাহারা বাঁচিয়া আছে তাহাদিগকে ফুটাইয়া তুলিতেছেন, মরিয়াছিল এমন কাহাকেও জাগাইয়া দিতেছেন ।.....কি তাহার লক্ষ্য যখন তিনি সামঞ্জস্য বিধান করেন সেই সমস্ত উষার সঙ্গে পূর্বে যাহারা দীপ্তিমন্ত ছিলেন এবং এখন যাহারা দীপ্তিমন্ত হইবেন ? পুরাতন উষাদের জন্ত তিনি ব্যাকুলা এবং তাহাদের আলোককে পরিপূর্ণ করিয়া তোলেন ; তাহার দিব্যপ্রভা সম্মুখের দিকে বিস্তৃত করিয়া যোগস্থাপন করেন বাকী সেই সমস্ত উষার সঙ্গে যাহারা পরে আসিবেন । কুৎস আঙ্গিরস—ঋগ্বেদ ( ১।১১৩।৮, ১০ )

বিশ্বে এই যে দিব্যশক্তি তাহার দিব্যজন্ম বা আবির্ভাব তিন ধারায় ঘটে—তাহারা সত্য, তাহারা কাম্য । অনন্তের মধ্যে বিস্তারলাভ করিয়া তিনি চলেন প্রকাশে ; তাহার দীপ্তি পবিত্র ও আলোকময় এবং সব কিছুকে পরিপূর্ণ করিয়া তোলে ।..... মর্ত্যের মধ্যে যিনি অমৃত এবং যিনি সত্যকে পাইয়াছেন, তিনি দেবতা, তিনি বীৰ্য্যরূপে অন্তরে প্রতিষ্ঠিত থাকিয়া আমাদের মধ্যস্থিত দিব্য শক্তিসমূহকে ফুটাইয়া তুলিতেছেন ।.....হে মহাবীৰ্য্য তুমি উত্থিত হও, সমস্ত আবরণ বিদীর্ণ কর, ভাগবদ বিভূতি আমাদের মধ্যে ফুটাইয়া তোলে ।

বামদেব—ঋগ্বেদ ( ৪।১।৭ ; ৪।২।১ ; ৪।৪।৫ )

স্মরণাতীত কাল হইতে দেখা গিয়াছে যে যখনই মানুষের চিত্ত জাগরিত হইয়াছে, তখনই তাহার চিন্তা-জগতের সর্বোচ্চ স্তরে বাহ্য অবস্থিত তাহাতে পৌছিতে চাহিয়াছে। ভগবানের দিকে বাইবার আকৃতি, পূর্ণতা প্রাপ্তির আবেগ, নিখাদ সত্য এবং অবিমিশ্র আনন্দের সন্ধান, অমরত্ব ও অমৃতত্বের একটা বোধ ও তন্নাভের ইচ্ছা তাহার মধ্যে দেখা দিয়াছে। মাঝে মাঝে এ সমস্ত তাহার কাছে অস্পষ্ট ও সংশয়সঙ্কুল হইয়া উঠিলেও সে অস্পষ্টতা এবং সংশয় চিরস্থায়ী হইতে পারে নাই। তাইতো মানব-জীবনের ইতিহাসে দেখিতে পাই প্রাচীন উষা পুনঃ পুনঃ আসিয়াছে—তাহার কাছে অবিশ্রান্ত অভীষ্মার বাণী বহন করিয়া। বর্তমান যুগে আমরা দেখিতে পাই মানুষ যখন বিজ্ঞান দ্বারা বাহ্য প্রকৃতিকে জয় করিয়া, জলে, স্থলে, আকাশে, বাতাসে আধিপত্য বিস্তার করিয়াছে তখনও তাহার অতৃপ্ত অন্তরে সেই আদিম অভীষ্মা পুনরায় জাগিয়া উঠিতেছে। ভগবান, আলোক, স্বাধীনতা, অমৃতত্ব যেমন পুরাকালে তাহার সর্বশ্রেষ্ঠ আশ্ৰয়স্থান বস্তু ছিল আজিও যেন তাহাই রহিয়াছে।

অহমিকাক্ষিপ্ত এই পাশব চৈতন্তের পক্ষে দিব্য পরমপুরুষকে জানা বা পাওয়া অথবা তাহার সহিত এক হইয়া যাওয়া, আমাদের জড় মনের অস্পষ্ট প্রদোষালোক অতিমানসের পরিপূর্ণ জ্যোতিরূপে উদ্ভাসিত করা, আধিব্যাধি-প্রপীড়িত মানব-জীবনের ক্ষণিক তৃপ্তির মধ্যে স্বতঃস্ফূর্ত আনন্দ ও শান্তির প্রাপন প্রণীত করা, বাহ্য জগতের যান্ত্রিক নিয়তি ও নিয়মের মধ্যে অনন্ত স্বাধীনতাকে স্থাপিত করা, সদাপরিবর্তনশীল মর্ত্যদেহে অমৃতময় শাশ্বতজীবনকে আবিস্কার এবং লাভকরা, —এমনি করিয়া জড়ের মধ্যে পরমদেবতাকে প্রকাশ ও প্রতিষ্ঠিত করা, ক্রমপরিণতিশীল প্রকৃতির চরম লক্ষ্য বলিয়া মনে হয়। কিন্তু সাধারণ জড়বুদ্ধি ইহা স্বীকার করিতে চায় না, সে মনে করে বর্তমানে তাহার চৈতন্ত যে অবস্থায় পৌছিয়াছে তাহাই তাহার সম্ভাবনার শেষ সীমা। এ আদর্শ যখন বর্তমান জীবন ও চৈতন্তের বিরোধী তখন ইহা নিশ্চয়ই মিথ্যা এবং নিষ্ফল। কিন্তু যদি আমরা গভীর ভাবে বুঝিবার চেষ্টা করি তবে দেখিব যে এই বিরোধ প্রকৃতির অনভিপ্রেত তো নয়ই, বরং তাহার কর্মপদ্ধতির সহিত গভীরভাবে সংশ্লিষ্ট।

মূলতঃ জড়জীবন এবং মনের সকল ক্ষেত্রে প্রকৃতি সৌষম্য ও সমন্বয় খুঁজিতেছে। মানুষের জীবনে যে বিরোধ ও বেহুস আছে তাহাতে

তাহার মনের ব্যবহারিক বা পাশব অংশ তৃপ্ত থাকিতে পারে, কিন্তু তাহার মন যখন পূর্ণরূপে জাগ্রত হয় তখন এ তৃপ্তি রাখা অসম্ভব। বাহিরের বিরোধ ও বেসুর বতই প্রবল হয়, বতই তাহাদের মিলন করা অসম্ভব মনে হয়, ততই বৃহত্তর ভাবে প্রবুদ্ধ মনে তাহাদিগকে সমন্বিত করিবার চেষ্টা চলিতে থাকে। প্রকৃতির মধ্যে নানা বিরোধের যে সমন্বয় সাধিত হইতেছে তাহা আমরা সর্বদা দেখিতে পাইতেছি। যে জড়ের প্রকৃতি অসাড়তা তাহার মধ্যে প্রাণের বিপুল ক্রিয়াশীল প্রকৃতিকে রূপায়িত করিয়া প্রাণী-জগতের উদ্ভব হইয়াছে এবং সেখানে তাহার ক্রমশঃ উৎকর্ষ সাধন চলিতেছে। ইহার পূর্ণ পরিণতি হইলে প্রাণীদেহ অমরত্ব লাভ করিবে। আবার একটা বড় বিরোধ আমরা দেখিতে পাই চৈতন্যময় মন এবং যান্ত্রিক স্পষ্টতঃ সচেতন নয় সেই প্রাণ ও জড়ের মধ্যে। এখানেও এই বিরোধের এক আশ্চর্য্য সমন্বয় হইয়াছে মানবদেহে, এখানেও শেষ মহাশ্রম সাধিত হইবে যখন মনকে সত্য এবং আলোক খুঁজিয়া বেড়াইতে হইবে না কিন্তু একটা সাক্ষাৎ এবং পূর্ণ জ্ঞান লাভ করিয়া মন কার্য্যতঃ সর্বশক্তি-মত্তা লাভ করিবে। সুতরাং বিরোধ ও প্রতিকূলতা দেখিলেই ভীত হইবার কারণ নাই। বিরোধের মধ্য দিয়া সমন্বয় ফুটাইয়া তোলাই প্রকৃতির কার্য্যপদ্ধতি।

ক্রমপরিণতি ক্ষেত্রে আমরা জড়ে প্রাণ এবং প্রাণে মনের উদ্ভব দেখিতে পাই বটে কিন্তু তাহার কারণ খুঁজিয়া পাই না। বেদান্ত এ বিষয়ে যে সিদ্ধান্ত করিয়াছে যে, জড়ে প্রাণ এবং প্রাণে মন সংবৃত হইয়া গুপ্তভাবে অবস্থিত আছে, ইহা স্বীকার করিলে কারণ পাওয়া যায়। মানস-চৈতন্য সংবৃত হইয়া প্রাণ এবং প্রাণ সংবৃত হইয়া জড়ে পরিণত হইয়াছে। তাই জড় হইতে প্রাণ এবং প্রাণ হইতে মনের বিকাশ সম্ভব হইয়াছে। একথা স্বীকার করিলে আর একটু অগ্রসর হইয়া আমরা বলিতে পারি—যে অমনী বা মনের অতীত এক চেতনা সংবৃত হইয়া মনে পরিণত হইয়াছে। মন হইতে আবার সেই চৈতন্যের প্রকাশ হইতে পারে। ইহা স্বীকার করিলে মানুষের মধ্যে ভগবান, আলোক, আনন্দ, স্বাধীনতা, অমরত্ব প্রভৃতির জন্ম যে আকূল আকৃতি আছে—বাহা সকলের মধ্যে সমান পরিমাণে প্রকাশিত না থাকিলেও অল্পাধিক পরিমাণে সকলের মধ্যে প্রকাশিত দেখিতে পাই—তাহার কারণ খুঁজিয়া পাওয়া যায়।

উর্দ্ধগতিলা যে প্রকৃতি এখানে জড়ের মধ্যে প্রাণের এবং প্রাণের মধ্যে মনের বিকাশের আবেগ সঞ্চার করিয়া তাহা সিদ্ধ করিয়াছে, সেই প্রকৃতি এখন মনের উপরের তত্ত্ব ফুটাইয়া তুলিতে চায়; তাহারই অলঙ্ঘনীয় আবেগ এই আকৃতিক্রমে প্রকাশ পাইয়াছে ইহা বুঝা সহজ ও স্বাভাবিক হয়। ইহা বলা হইয়াছে যে প্রাণীদেহের জীবন্ত বীক্ষণাগারে প্রকৃতি তাহার যুগ যুগান্তের সাধনায় মানুষ্য গড়িয়া তুলিয়াছে; তাহা হইলে মানুষ্যের প্রাণ মনের বীক্ষণাগারে তাহারই সচেতন সহযোগিতার অতিমানব বা দেবতা গড়িবার সাধনাই হইতে চলিতেছে, অথবা আমরা কি ইহাই বলিতে পারি না যে মানুষ্যের এই মর্ত্য আধারে দিব্যপুরুষকে মূর্ত্ত করিবার সাধনাই চলিতেছে? কারণ উর্দ্ধগমনের মধ্যে প্রকৃতি তাহার মধ্যে যাহা সূপ্ত বা গুপ্তভাবে আছে শুধু তাহা প্রকাশ করিতে যে চায় তাহা নহে, পরন্তু তাহার যে আত্মস্বরূপ আজ তাহার কাছে গুপ্ত এবং অন্ধকারাবৃত আছে তাহারও স্পষ্ট এবং প্রকাশ্য অভুভূতি এবং সিদ্ধিও তাহার কাম্য। অতএব এই প্রগতির পথে কোথাও প্রকৃতিকে থামিতে বলিতে পারি না—যদি সে আরও অগ্রসর হইয়া তাহার বর্তমান প্রকাশের অতীত ক্ষেত্রে পৌঁছিতে চায়, তবে কোন কোন ধর্মবাদীর মত তাহার এ চেষ্টাকে বিকৃতস্পর্ধা বা ব্যক্তিবাদীর মত ইহাকে কল্লনার বিকার বা বিভ্রম বলিতে পারি না। একথা যদি সত্য হয় যে জড়ের ভিতরে দিব্য পুরুষই সংবৃত হইয়া আছেন এবং প্রকাশমানা এই প্রকৃতি তাহার গোপনসম্ভার শ্রীভগবানের সত্ত্বিত একীভূত, তবে অন্তরে ও বাহিরে শ্রীভগবানের প্রকাশ ও অভুভব করা মর্ত্য মানুষ্যের চরম ও পরম পুরুষার্থ।

চিরন্তন সমস্তা এবং পরম বিশ্বের বিষয় এই যে প্রাকৃত পাশবদেহে শাস্বত সত্য ও সম্ভাবনা ফুটিয়া উঠিতেছে, মর্ত্য আধারে অমৃতত্বের একটা আত্মতা বা সত্য বাস কবিতোছে, এক সার্বভৌম বিশ্বচেতন বহু সীমিত চিন্তা এবং খণ্ড অহং এর মধ্য দিয়া আত্মপ্রকাশ করিতেছে, বিশ্বাতীত অনির্দেশ্য দেশ কালের অতীত অথচ যাহা হইতে দেশ কাল ও জগৎ জাত হইয়াছে সেইরূপ এক সত্তা সদা বর্তমান রহিয়াছে এবং মানুষ্য এই দুই ভাবের নিম্নতর অবস্থার অবস্থিত থাকিয়াও উচ্চতর অবস্থার অভুভূতি ও

সাক্ষাৎকর্ষন লাভ করিতে পারে, এবিধাশ মানুষের সহজাত সংস্কার, তাহার বোধিলক্ষ জ্ঞান এবং গভীর বিচারশীল বুদ্ধি স্বীকার ও সমর্থন করে। প্রথম দৃষ্টিতে ইহা প্রহেলিকা বা অসম্ভব বোধ হইলেও তাহার মার্জিত বুদ্ধি অথবা বোধিচৈতন্যের উন্মেষে প্রস্ফুটিত সহজ জ্ঞান ও অভীক্ষা সেই অসম্ভবকে সম্ভব করিয়া তুলিতে চায়। সাধারণ তর্কবুদ্ধি অনেক সময় বলে যে এসব সমস্তার সমাধান আজিও হয় নাই, সুতরাং ইহাদিগকে বাদ দিয়া আমাদের দৈনন্দিন জীবনের সমস্তা সমূহের সমাধান চেষ্টায় আমরাদিগের নিযুক্ত থাকা উচিত। বস্তু-তান্ত্রিকের এ উপদেশ মানুষ বহুবার শুনিয়াছে কিন্তু তবুও পুনরায় এ সমস্ত জানিতে এবং পাইতে চাহিয়াছে, বরং বাধা পাইয়া তাহার জ্ঞানের পিপাসা আরও বাড়িয়া গিয়াছে। সেই পিপাসার ফলে সাধক-জীবনে সত্যের নব নব রূপ ফুটিয়াছে। যে প্রাচীন ধর্মমত সমূহ সংশয় দ্বারা বিনষ্ট হইয়াছে অথবা যাহার প্রকৃত তাৎপর্য লুপ্ত হইয়াছে তাহার স্থানে দেখা দিয়াছে নব নব ধর্মের নূতন আকার ও শক্তি। সত্যের পরিপূর্ণরূপ মানুষ প্রথমেই দেখিতে পায় না, অনেক সময় অন্ধ কুসংস্কার বা যুক্তিহীন বিশ্বাসের মধ্য দিয়াই তাহার প্রথম আভাস জাগে, কিন্তু তাহার প্রকাশ অস্পষ্ট ব্যাহত বলিয়াই তাহাকে অস্বীকার করা বা তাহার মূল আরো গভীরভাবে অনুসন্ধান না করা একপ্রকার অন্ধতা। যে সত্যের ক্ষুরণ বিশ্বের নিয়তি, তাহার সাধনার পথ দুর্গম ও কষ্টসাধ্য অথবা তাহার পরিণাম প্রত্যক্ষের অগোচর হইলেও তাহাকে ত্যাগ করা উচিত নয়। ত্যাগ করিলে প্রকৃতির সত্যকে অস্বীকার করা হইবে এবং তাহার গোপন ইচ্ছার বিরুদ্ধে বিদ্রোহ ঘোষণা করা হইবে, বরং যে আকৃতিকে বিশ্বজননী মানুষের ভিতর জাগাইয়া রাখিয়াছেন অভীক্ষার অনির্বাক্য গোপন শিথারূপে, তাহাকে স্বীকার করিয়া লইয়া পূর্ণভাবে প্রজ্জ্বলিত করা তাহার পৌরুষের যথার্থ পরিচয়। এ আলোক আজ তাহার কাছে কুণ্ঠিত বা স্তিমিত হইলেও ইহার ক্ষণিক আভাস সে মাঝে মাঝে যখন পাইয়া আসিতেছে তখন সেই আলোকের ইসারাতেই সে তাহার প্রকৃত পথ, মানব-জীবনের চরম ও পরম লক্ষ্য দেখিতে ও জানিতে পারিলে।

## দ্বিতীয় অধ্যায় দুইটি নাস্তি বাদ

( ১ )

### জড়বাদীর নাস্তি

তিনি তপস্কার দ্বারা চিৎশক্তিকে উদ্বোধিত করিলেন এবং জানিলেন যে অন্ন বা জড় ব্রহ্ম । কারণ জড় হইতে সকল সত্তা জাত হয়, জাত হইয়া জড় দ্বারা তাহার বর্দ্ধিত হয় এবং এখান হইতে যখন চলিয়া যায় তখন জড়ের মধ্যেই অন্তঃপ্রবিষ্ট হয় । তারপর তিনি তাঁহার পিতা বরুণের কাছে গিয়া বলিলেন— “ভগবন্, আমাকে ব্রহ্ম সম্বন্ধে উপদেশ দান করুন ।” কিন্তু তিনি তাহাকে বলিলেন “চিৎশক্তিকে আবার তোমার মধ্যে উদ্বীপ্ত কর, কারণ শক্তিই ব্রহ্ম ।”

তৈত্তিরীয় উপনিষদ ( ৩১—২ )

এই জগতে ভাগবত বা দিব্য জীবন প্রতিষ্ঠার বা মরণশীল স্থল পার্থিব জীবনকে অমরত্ব ও অমৃতত্বের ভাবে রূপায়িত করিবার জন্য দুইটি সত্যকে জানা ও স্বীকার করা প্রয়োজন । নানা দেহের মধ্যে যিনি বাস করিতেছেন, এই সদা পরিবর্তনশীল নানা সাজে যিনি সজ্জিত হইতেছেন, তিনি নিত্য শাস্ত পরমপুরুষ এবং এই সমস্ত দেহ ও সাজের যে জড়-উপাদান তাহাও তাঁহারই সাজের ও বাসের উপযুক্ত, সার্থক ও মহান—এউভয়ই সত্য না হইলে জগতে দিব্য জীবন ফুটিতে পারে না ।

প্রাকৃত বুদ্ধির নিকট চিৎ ও জড় এ দুইটি একান্ত বিরোধী তত্ত্ব । তাই স্থল জগতে দিব্য জীবন প্রতিষ্ঠা অসম্ভব মনে করিয়া, জীবন ও দেহ তুচ্ছ জ্ঞান করিয়া তাহাদিগকে ছাড়িয়া বা তাহাদের এড়াইয়া ব্রহ্মে অন্তঃপ্রবিষ্ট হইবার যে চেষ্টা দেখিতে পাই তাহার প্রতিকার হইতে পারে, যদি

উপনিষদে যে সত্য উক্ত হইয়াছে যে ‘জড় ও ব্রহ্ম’ তাহাকে বুঝি ও স্বীকার করি এবং জড় জগতকে শ্রীভগবানের দেহ বলিয়া যে বর্ণনা করা হইয়াছে সে বর্ণনার পূর্ণ মূল্য দিই। চিং এবং জড়ের মধ্যে আপাত দৃষ্টিতে এতই বিভেদ দেখা যায় যে তাহারা যে মূলতঃ একই, একথা আমাদের পক্ষে বুঝা আরও কঠিন হয় যদি এ দু'এর মধ্যে ধারাবাহিক আরও যে কতকগুলি পর্ব আছে যথা প্রাণ, মন, মনের উচ্চতর ভূমিসকল এবং অতিমানস, তাহাদিগকে স্বীকার না করি। তখন মনে হয় চিং ও জড় যে বিবাহ-বন্ধনে বদ্ধ দেখিতেছি তাহা স্বথের বা শাস্তির কারণ হয় নাই, এ বিবাহ বিচ্ছেদই সমস্ত সমাধানের একমাত্র উপায়।

আমরা যদি বলি যে কেবলমাত্র এক অদ্বিতীয় পুরুষ বা বিত্ত এক চিন্ময় সত্তা এবং যাহার ক্রিয়া যন্ত্রের মত পরিচালিত হয় এমন একটা অচিং বস্তু বা শক্তিরূপা প্রকৃতিমাত্র আছে তবে আমাদের বুদ্ধি ও জীবনকে চলার পথে ইহাদের একজনকে অস্বীকার করিয়া অপরকে সত্য বলিয়া মানিতে হয়। তখন আমাদের চিন্তা, হয় চিংকে কল্পনার ভ্রান্তি অথবা জড়কে ইন্দ্রিয়বোধের ভ্রান্তি মনে করিয়া বসিবে। তখন জীবন ও চিন্তাদ্বারা হয় চিংস্বরূপের পরমানন্দের দিকে আকৃষ্ট হইয়া, মিথ্যা এবং অসার ভাবিয়া জগত হইতে, এমন কি নিজের নিকট হইতে পলাইতে চাহিবে অথবা নিজের অমৃতময় স্বরূপ বিস্মৃত হইয়া ভগবানকে অস্বীকার করিয়া পশুজের সাধনাতেই মগ্ন হইবে। তাই দেখিতে পাই সাংখ্য দর্শন চিং স্বরূপ নিষ্ক্রিয় পুরুষ এবং জড়াত্মিকা বোধহীন ক্রিয়াশীল প্রকৃতির মধ্যে কোন সাম্য খুঁজিয়া না পাইয়া প্রকৃতির সহিত সকল সম্বন্ধ শূন্য হইয়া যেখানে প্রকৃতি তাহার নিষ্ফল ক্রিয়ার প্রতিবিম্ব আর ফেলিতে পারিবে না, পুরুষকে সেই তার পরিণাম-শূন্য পরম প্রশান্তি বা স্বরূপে অবস্থিতিতে পৌছিতে বলিয়া জড় ও চিতের একান্ত বিরোধ মিটাইতে চাহিয়াছে। শব্দরও তাহার জীবজগৎ পরিশূন্য ব্রহ্ম এবং বহু নাম-রূপাত্মিকা প্রকৃতির মধ্যে মিলন অসম্ভব বোধ করিয়াছেন, তাই তিনি পরম সং স্বরূপের শাস্ত নৈঃশব্দের মধ্যে বহুদা বিচিত্র হইলেও মিথ্যা প্রকৃতির একান্ত অবসান করাইয়া এ শব্দের মীমাংসা করিতে চাহিয়াছেন।



## দ্বিতীয় জীবন বার্তা

জড়বাদীর সমাধান ইহা অপেক্ষা সহজ। ঈশ্বর বা চিৎসত্তাকে অস্বীকার করিয়া জড় বা শক্তিকে একমাত্র তত্ত্ব বলিয়া স্থির করিয়া জড়বাদ একরূপ বাস্তব এক অদ্বৈতবাদ খাঁড়া করিয়াছে যাহা সহজেই বুঝা বা বুঝানো যায়। কিন্তু জড়বাদীর পক্ষেও তাহার এ উক্তি কঠোরভাবে বজায় রাখা অসম্ভব হইয়া পড়ে। গভীরভাবে চিন্তা করিয়া তাহাকেও স্বীকার করিতে হইয়াছে তাহার কল্পিত সে অদ্বয় তত্ত্বও অকর্ত্তা পুরুষ বা অশব্দ আত্মার মতই প্রত্যক্ষের অগোচর ও অজ্ঞেয়।

কিন্তু এইরূপে বিরোধের এক কোটিকে মিথ্যা বলিয়া অত্র কোটিকে মানিতে গেলে মানুষের মন ও বুদ্ধি তৃপ্ত হয় না অথবা তাহার জীবন সার্থক ও পরিপূর্ণ হয় না। সে চায় এক পরিপূর্ণ সমন্বয়ের পথে তাহার অন্তর-চৈতন্যকে পর্বে পর্বে অগ্রসর হইতে হইবে। এখন জড়কে বাহির হইতে দেখিয়া ও বিশ্লেষণ করিয়া বিজ্ঞান চলিতেছে, সেই বিশ্লেষণ প্রাণ ও মনের ক্ষেত্রে প্রয়োগ করিয়াই হউক অথবা ভিতরের দিকে তাকাইয়া অন্তরের আলোকে আলোকিত করিয়া সমন্বয়ের দৃষ্টি সাহায্যেই হউক তাহাকে এমন ক্ষেত্রে পৌছিতে হইবে যেখানে বহু বিচিত্র প্রকাশের শক্তিকে অস্বীকার না করিয়া চরম ঐক্যের এক পরম প্রশান্তির দেখা পাওয়া যাইবে। সেইরূপ উদার সমন্বয়ের মধ্যে সমস্ত বিরোধের অবসান হইবে এবং আমাদের প্রাণ ও মন এখানে নানারূপে যে এক পরমসত্তার প্রকাশের জন্ম সৃষ্ট হইয়াছে এই মূল সত্য আবিস্কৃত হইবে। এই সত্যের সন্ধান পাইলে আমাদের বুদ্ধি চক্রাকারে ভ্রমণ ছাড়িয়া এমন এক সত্য কেন্দ্রে প্রতিষ্ঠিত হইবে যেখানে উপনিষদের ব্রহ্মের মত বিশ্বের বহুবিচিত্র কর্মে সানন্দে রত থাকিয়াও স্বপ্রতিষ্ঠায় ঐব ও অচঞ্চল ভাবে অবস্থিত থাকিতে পারিবে।

কিন্তু যখন ছন্দোভঙ্গ হইয়াছে, ভেদ ও বিরোধ দেখা দিয়াছে তখন এই দুই তত্ত্বের একটিকে ভুলিয়া বা অস্বীকার করিয়া অন্টটিকে সত্য বলিয়া একান্তভাবে ধরিবার একটা উপযোগিতা আছে। ইহা হইতেই সেই পরম সাম্যে ফিরিয়া আসিবার পথ পাওয়া যাইবে। ফিরিয়া আসিবার পথে চিৎ ও জড়ের মধ্যবর্তী মন ও প্রাণের একতরকে একান্ত-ভাবে ধরিয়া একপ্রকার সত্তবাদ খাঁড়ি করা যাইতে পারে। তখন মনের

ধারণা বা জীবনের শক্তিকে একমাত্র মৌলিক তত্ত্ব এবং অন্তর সমস্ত তত্ত্ব পদার্থ বা ভাব তাহা হইতে জাত হইয়াছে, এরূপ সিদ্ধান্ত করা যাইতে পারে। কিন্তু এরূপ ব্যতিরেকী (exclusive) মীমাংসায় একটা অবাস্তবের সংস্পর্শ যেন সর্বদা লাগিয়া থাকে, যে মন শুধু ভাব লইয়া কারবার করে সে মন এ সিদ্ধান্তে তৃপ্ত হইলেও মনের যে বাস্তববুদ্ধি আছে সে ইহাকে একস্থানে ক্রমাগত অস্বীকার করিতে থাকে। সে মন জানে যে তাহার পিছনে এমন কিছু আছে যাহা শুধু মাত্র ভাব নয় অথবা এমন কিছু আছে যাহা শুধু মাত্র প্রাণবায়ুর লীলা নয়। প্রাণ বা মনকে একান্ত ভাবে না ধরিয়া চিং বা জড়কে পরমতত্ত্ব বলিয়া ধরিলে বরং মন কিছুক্ষণ স্বস্তি পায়। একান্তভাবে এ দুইটিকে পৃথকভাবে দেখিবার পর ইহাদের সমন্বয়ে সফলভাবে পৌছানো যাইতে পারে। স্বভাবতঃ ইঞ্জিয়বোধ সত্তার অংশগুলিকেই স্পষ্টরূপে দেখিতে পারে, ভাষাও তখনই স্পষ্ট হইয়া উঠে যখন বিভক্ত ও সীমাবদ্ধ কোন কিছুকে সে প্রকাশ করে। এই ইঞ্জিয়বোধ ও ভাষার সাহায্য লইয়াই বুদ্ধিকে চলিতে হয়, তাই যখন সে একত্ব খোঁজে তখন তাহার সম্মুখে উপস্থিত বহু বৈচিত্র্যকে ভাস্কিয়া চুরিয়া একাকার করিয়া কোন প্রকারে একত্বে পৌছান ছাড়া অন্য উপায় খুঁজিয়া পায় না। তাই একত্বে পৌছিবার জন্ত কার্য্যতঃ সে জড় ও চিত্তের এককে রাখিয়া অপরকে অস্বীকার করিবার চেষ্টা করিতে থাকে। এ দুইএর মূল সত্যকে আবিষ্কার করিতে হইলে মনের পক্ষে হয় নিজেকে অতিক্রম করিয়া যাইতে হইবে অথবা বিকাশ ধারা পূর্ণ করিয়া এমন এক সত্যে পৌছিতে হইবে যাহা কোন বিশেষণ দ্বারা ভাষায় প্রকাশ করা যায় না—অথচ তাহা যে কেবলমাত্র সত্য তাহা নহে, আমরা অল্পভব দ্বারা তাহাকে লাভ করিতেও পারি। আমরা যাত্রা শেষ করিয়া পথের মধ্যে কোন স্থানে থামিয়া যাইতে যদি না চাই তবে যে পথে চলি না কেন অবশেষে আমাদিগকে এই সত্যেই পৌছাইতে হইবে।

তাই আজ আমরা আবার সেই দুই চরম মতের সম্মুখীন হইয়াছি। বহু পরীক্ষা ও সমীক্ষা দ্বারা এ দুইটি পুঙ্খ ও বর্জিত হইয়াছে, অনেক যুক্তি বিচার ও অভিজ্ঞতা দ্বারা ইহার সমর্থিত হইয়াছে বটে, কিন্তু বিশ্বমানবের সহজবুদ্ধি,

যে সকল সত্যের গোপন বিচারক, সার্বভৌম সত্যের রক্ষক ও প্রতিনিধি সে ইহার কোনটাকেই পূর্ণ সত্য বলিয়া গ্রহণ করিয়া তৃপ্ত হইতে পারিতেছে না। ইহার একটিকে বলিতে পারি জড়বাদীর নাস্তি, যাহা জড়কে, জগৎকে, প্রকৃতিকে সত্য বলিয়া চিৎকে, আত্মাকে বা পুরুষকে অস্বীকার করিয়াছে, অপরটিকে সন্ন্যাসীর নাস্তিবাদ বলিতে পারি যাহা ইহার ঠিক বিপরীত, যাহা চিৎকে বা আত্মাকে একমাত্র সত্য পদার্থ বলিয়া জড় জগৎ বা প্রকৃতিকে মিথ্যা বলিয়াছে। জড়বাদ ও সন্ন্যাসীর নাস্তিবাদ যথাক্রমে ইউরোপে এবং ভারতে প্রাধান্য লাভ করিয়া অল্প সকল মত ঢাকিয়া ফেলিতে এবং জীবনকে নিয়ন্ত্রিত করিতে চাহিয়াছে। ভারতে ইহার ফলে আত্মার পরমৈশ্বর্য (অথবা সেই পরমৈশ্বর্যের) একদিক উদ্ঘাটিত হইয়াছে বটে কিন্তু জীবনের বা জগতের প্রতিযোগিতার ক্ষেত্রে সে হইয়াছে প্রায় দেউলিয়া, ইউরোপ তেমনি জাগতিক ধন সম্পদের, পার্থিব শক্তির বিপুল ঐশ্বর্য লাভ করিলেও আত্মজ্ঞানের ক্ষেত্রে হইয়াছে প্রায় তেমনি দেউলিয়া। পরস্পর বিরোধী এই যে দুইটা মত, দুইটা আদর্শ আজ আমাদের সম্মুখে উপস্থিত হইয়াছে এক হিসাবে ইহাকে গুণভলক্ষণ বলিতে হইবে। কারণ এই দুইটির প্রত্যেকের মধ্যে যে ন্যূনতা আছে তাহা আজ বিবেকীর দৃষ্টিতে ধরা পড়িয়াছে এবং এক নূতন সমৃদ্ধতর স্তরে অন্তর ও বাহির, চিৎ ও জড়ের সমন্বয় সাধন, মানবের ব্যাপ্তি ও সমষ্টিগত পূর্ণ জীবনের জন্য যে একান্ত প্রয়োজন এবোধ জাগিয়া উঠিয়াছে।

জড়বাদীর নেতি বা নাস্তিকতাতে মানুষ হ্রত সহজে আকৃষ্ট হইতে পারে কিন্তু তাহাকে ভাঙ্গা বা খণ্ডন করা সন্ন্যাসীর নেতি বাদের মত শক্ত নয়। তাহার ভুল ভাবিবার অস্ত্র তাহার নিজের মধ্যেই রহিয়াছে। জড়বাদীর সবচেয়ে প্রধান অস্ত্র অজ্ঞেয়বাদ। প্রকট জগতের পিছনে কি আছে তাহা জানা যায় না ইহাই সে বলে। কিন্তু ক্রমশঃ সে অজ্ঞেয় তত্ত্বের সীমানা অতিরিক্ত বাড়াইয়া যাহা জানা যায় অথচ এখনও জানিতে পারা যায় নাই তাহাও জানা যাইবে না ইহা বলে। তাহার যুক্তিধারা এই—চক্ষু কর্ণ নাসিকাদি আমাদের বাহ্য ইন্দ্রিয় সমূহই আমাদের জ্ঞান-লাভের একমাত্র উপায়। আমাদের বুদ্ধি যতই উন্নত উঠুক না কেন সে

কখনও ইন্দ্রিয়জ্ঞানের সীমা ছাড়াইয়া যাইতে পারে না। ইন্দ্রিয় যে সমস্ত বিষয় বুদ্ধির কাছে উপস্থিত করে বুদ্ধিকে কেবলমাত্র তাহা লইয়াই চলিতে হইবে। ইন্দ্রিয়বোধকে সেতুরূপে ব্যবহার করিয়া সে বোধের বাহিরে বা উপরে গিয়া ইন্দ্রিয় অপেক্ষা কম সীমাবদ্ধ ও অধিকতর শক্তিশালী কোন বৃত্তিতে পৌছিয়া তাহার সাহায্যে জ্ঞানলাভ করা যায় একথা সে কিছুতেই স্বীকার করিবে না।

এ ধরনের অধৌক্তিক বৃত্তির দুর্বলতা সহজেই ধরা পড়ে। ইহার বিরুদ্ধে যে অগণিত প্রমাণ ও অভিজ্ঞতা আসিয়া উপস্থিত হইতেছে সে সমস্তকে অস্বীকার বা অবজ্ঞা করিয়া অথবা তাহাদের বিরুদ্ধ ব্যাখ্যা করিয়া এ মতকে বাচিয়া থাকিতে হয়। মাহুষের ভিতর যে সমস্ত মহৎ এবং সার্থক বৃত্তি কোথাও স্পষ্ট কোথাও অস্পষ্ট কোথাও বা গুপ্তভাবে অবস্থিত আছে যাহা ইন্দ্রিয়াতীত বিষয়ের খবর দিতে পারে তাহাদিগের দিকে দৃষ্টিপাত না করিয়া, জড়ের মধ্যে যাহার প্রকাশ নাই এমন অতিপ্রাকৃত ঘটনাকে বুঝিতে এবং অহুসন্ধান করিতে বিরত থাকিয়া অথবা সে সমস্তকে জড় শক্তির গোণক্রিয়া বলিয়া একটা কপটতার সাহায্যে এ মতকে বজায় রাখিতে হয়। মন হইতে জড়ের আড়ষ্ট সংস্কার মুছিয়া ফেলিয়া মন ও অতিমানসের স্বক্ষেত্রে যদি ইহাদের গতি ও ক্রিয়া দেখিতে যাই তখন দেখিব আমাদের সম্মুখে এমন সমস্ত ঘটনা এবং অভিজ্ঞতা বহুল পরিমাণে আসিয়া উপস্থিত হইতেছে যাহাদিগকে জড় বিধানের সংকীর্ণ-গণ্ডির মধ্যে আবদ্ধ রাখা যায় না। এই সমস্ত অভিজ্ঞতা আমাদের দেখিতে বাধ্য করিবে যে ইন্দ্রিয় ক্ষেত্রের সীমার বাহিরে যাহা সত্যই অজ্ঞেয় নয় এমন অনেক জিনিষ আছে। আরও দেখাইবে যাহা ইন্দ্রিয়-সংবিতের নিয়ন্ত্রণ মানে না বরং যাহারাই ইন্দ্রিয়গণকে নিয়ন্ত্রিত করে, অহুভব করিবার এমন সমস্ত শক্তি ও বৃত্তি আমাদের মধ্যে আছে—যাহাদের সাহায্যে অতীন্দ্রিয় জগতের বিষয় আমরা জানিতে পারি। ইহা হইলেই জড়বাদীর অজ্ঞেয়ত্বের যুক্তিধারার ভ্রম ধরা পড়ে এবং তখন উদারতর এবং প্রশস্ততর দৃষ্টিভঙ্গী লইয়া সত্যাহুসন্ধানের পথে অগ্রসর হওয়া সম্ভব হয়।

যুক্তি যাহার ভিত্তি এমন এক জড়বাদ কিছুদিন হইতে মাহুষকে পরিচালিত করিতেছে কিঙ্ক তাহাতে তাহার উপকারও হইয়াছে প্রচুর। অলৌকিক তত্ত্বের

যে সমস্ত প্রমাণ ও অভিজ্ঞতা মানুষের নিকট উপস্থিত হইতে আরম্ভ করিয়াছে, অপক এবং অপরিণীলিত মন লইয়া তাহাদের মধ্যে প্রবেশ করিলে এই সর্ব অলৌকিক সত্য অনেক সময় কিছুতকিমাকার হইয়া উঠে এবং নানা অনর্থের সূচনা করে। অতীতে অনেক সময় এইরূপ কণিকা-প্রমাণ সত্যের চারিপাশে এত বিস্তৃত ও বিকৃত কুসংস্কার ও মতবাদ জড় হইয়াছে যাহাতে সত্য জ্ঞানের পথে অগ্রসর হওয়া অসম্ভব হইয়া উঠিয়াছিল। সে সময় এ মিথ্যার সঙ্গে সত্যের কণাটুকুকেও একেবারে দূর করিয়া দিয়া আবার সত্যের নূতন অভিব্যক্তি আরম্ভ করা প্রয়োজন হইয়াছিল। জড়বাদের মধ্যে যে যুক্তিপ্রবণতা আছে তাহা মানুষের এই পরম উপকার করিয়াছে।

সুতরাং জ্ঞানের পথে আমাদের গুরু, সংস্কৃত এবং মার্জিত বুদ্ধি লইয়া চলিতে হইবে। মানুষকে ইন্দ্রিয়গ্রাহ্য জড় জগতের সত্যের কঠোর শাসন দ্বারা অনেক সময় তাহার অতীন্দ্রিয় ক্ষেত্রের চলনের ক্রটিকেও সংশোধন করিয়া নিতে হয়। এমনকি একথা পর্যন্ত বলা চলে যে জড় জগতের অটল ভিত্তির উপর দাঁড়াইয়াই আমরা জড়াতীত সত্যের পূর্ণ সাক্ষাৎকার এবং অধিকার পাইতে পারি। উপনিষদ ‘পদভ্যাম্ পৃথ্বী’ ‘পৃথিবীপাজন্তম্’ ‘এই পৃথিবীর বক্ষে তাহার চরণ স্থাপিত’ এই বলিয়া এই সত্যেরই ইঙ্গিত করিয়াছে। তাই একথা সত্য যে পার্থিব জগতের জ্ঞান আমাদের যত সূক্ষ্মশীত এবং সম্প্রসারিত হইবে, আমাদের উচ্চতর জ্ঞানের এমন কি ব্রহ্মবিষ্ণুর ভিত্তিও ততই উদার, গভীর ও দৃঢ় হইবে। অতএব জড়বাদীর মতবাদের মোহকে অতিক্রম করিয়া যাইবার সময় আমাদের গুরু দেখিতে হইবে জড়বাদ সত্যের যে দিককার প্রতি আলোকপাত করিয়াছে তাহা যেন উপেক্ষা না করি। জড়বাদ খণ্ডনের অতি আগ্রহে আমরা যেন তাহার দেওয়া সত্যের একটা কণিকাও না হারাই। বরং ভগবানের মহিমা বুঝিবার জন্য নিরীশ্বরবাদ এবং জ্ঞানের অনন্ত প্রসারের জন্য অজ্ঞেয়বাদ প্রকারান্তরে সাহায্যই করিয়াছে ইহা যেন মনে রাখি। এ জগতে ভ্রান্তি চিরকাল সত্যের পরিচারিকা এবং পথপ্রদর্শিকার কার্য করিয়া আসিয়াছে। কারণ ভ্রান্তি প্রত্যুত অর্দ্ধ সত্য, সীমার মধ্যে থাকে বলিয়াই তাহাতে পদাঙ্কলন আছে। এমন কি অনেক সময় সত্যই ভ্রান্তির মুখোশ পরিয়া গোপনে তাহার শেষ লক্ষ্যে উপস্থিত হয়। বিজ্ঞানের যে মহৎ যুগ আমরা

অতিক্রম করিয়া যাইতেছি সে সময় ভ্রান্তি যেমন সত্যের বিশ্বস্ত পরিচারিকার কার্য্য করিয়াছে, যেমন নির্ভার সহিত ছলনাশূন্য হইয়া নিজের সীমার মধ্যস্থিত জ্ঞানের আলোকে দীপ্তিমন্ত হইয়া সত্যের অর্ধ প্রকাশমাত্র করিয়াছে তাহা বাস্তব জ্ঞানহীন ধৃষ্ট উদ্ভ্রান্ত কল্পনার চেয়ে যে অনেক শ্রেয়ে তাহা কে অস্বীকার করিবে ?

একরকম অজ্ঞেয়বাদ সকল জ্ঞানের শেষ কথা। যে পথেই আমরা চলি না কেন অবশেষে আমরা দেখি এক অজ্ঞেয় তত্ত্বই বিশ্বরূপে, জড়, প্রাণ, ইন্দ্রিয় বুদ্ধি, ভাব, অধ্যাত্ম প্রভৃতি কতরূপে আমাদের কাছে প্রতিভাত হইতেছে। সে তত্ত্ব যতই আমাদের কাছে সত্য হইয়া উঠে ততই বেশী করিয়া বুঝিতে থাকি যে তাহা বাক্য ও মনের অগোচর “ন তত্র বাগ্ গচ্ছতি নো মনঃ।” কিন্তু মায়াবাদী জগতের নামরূপের অবাস্তবতা যেমন অতি মাত্রার বাড়াইয়া তুলে, তেমনি যিনি বাক্য মনের অজ্ঞেয় তাহার অজ্ঞেয়তাকেও আমরা অতি মাত্রায় বাড়াইয়া তুলিতে পারি। যখন তাহাকে অজ্ঞেয় বলি তখন এই অর্থে বলি যে যে মন এবং বাক্য ভেদজ্ঞান হইতে জাত এবং ভেদদর্শন করানই যাহাদের ধর্ম্ম সে মন ও বাক্য দিয়া তাহাকে ধরিতে পারি না বটে কিন্তু চৈতন্যের পরম প্রসারণ দ্বারা তাহার সহিত একাত্মবোধ জাগিলে তাহাকে জানা যায় একথা বলা চলে। ইহা নিশ্চিত যে সে জানাকে বাক্য বা মন দ্বারা প্রকাশ করা যায় না কিন্তু একাত্মবোধে সে উপলব্ধি হইলে জগতের নিখিল প্রতীকের মধ্য দিয়া তাহাকে দেখা যায় এবং আমাদের অন্তর ও বাহিরের জীবনে এক দিব্য রূপান্তর ঘটে।

যাহা অজ্ঞাত তাহাই যে অজ্ঞেয় হইবে ইহা ঠিক নহে। যদি আমরা অজ্ঞানে ডুবিয়া থাকিতে না চাই অথবা যদি আমাদের জ্ঞানের প্রথম সীমা সকলকে ছাড়াইয়া উঠিতে চাই তবে বর্ত্তমানে জগতের সকল অজ্ঞাত পদার্থের জ্ঞান আমাদের মধ্যে ফুটিতে পারে, কারণ সকল পদার্থ জানিবার বৃত্তিসকল মানবরূপী এই ক্ষুদ্র ব্রহ্মাণ্ডে আছে, শুধু আছে নয় সে সমস্ত বৃত্তি মানবের পরিণতির এক অবস্থায় নিশ্চয় ফুটিবে। মাহুষের মধ্যে আত্মোপলব্ধির যে দুর্নিবার আকাঙ্ক্ষা ও আকৃতি আছে তাহার ফলে, আমাদের বুদ্ধি এ সমস্ত অন্তর্নিহিত শক্তিকে সঙ্কুচিত করিতে চাহিলেও তাহাতে সফল হইতে পারে না। যখন আমরা জড়ের রহস্তোদ্ঘাটনের চেষ্টার ফলে তাহার গোপন শক্তিসমূহকে আয়ত্ত করিব তখন জড়ের যে জ্ঞান আমাদের কাছে অস্থায়ী সীমার মধ্যে আবদ্ধ করিতে চেষ্টা করিয়াছে

তাহাই যেন আমাদের বলিবে ‘বাহির হও ছুটিয়া চল জ্ঞানের আরও বস্ত  
কেন্দ্র আছে তাহাদের অভিমুখে’—“নিরারত” (ঋগ্বেদ)। আধুনিক জড়বাদের  
লক্ষ্য যদি হইত শুধু মুক্তির মত জড় জীবনকে আঁকড়িয়া ধরিয়া থাকা তাহা হইলে  
মাহুষের প্রগতি বহু বিলম্বিত হইতে পারিত কিন্তু জড় বাদীরও মর্শ্বসত্য জ্ঞানার  
অভীক্ষা, জ্ঞানান্বেষণ, তাই সে মধ্য পথে থামিয়া থাকিতে পারিবে না। যেমন  
সে ইন্দ্রিয় জ্ঞানের এবং ইন্দ্রিয়বোধের উপর প্রতিষ্ঠিত বিচারবুদ্ধির সীমায় আসিয়া  
পৌছিবে তাহার জ্ঞানের পথে অগ্রসর হইবার সেই আকৃতি, সেই প্রবেগই  
তাহাকে সীমার বাহিরে লইয়া যাইবে। এখন যেরূপ ঐকান্তিকতা এবং প্রবল  
আবেগে যে দৃশ্য জগৎ জয়ে অগ্রসর হইয়াছে আমরা আশাকরি সীমার বাহিরে  
গিয়া অতীন্দ্রিয় বিষয়েও সেইরূপ একান্তভাবে প্রবলবেগে অগ্রসর হইবে।

শুধু চরম-তত্ত্ববিচার নয়, জ্ঞানের সাধারণ ধারাতেও দেখিতে পাই যে বিভিন্ন  
পথে চলিয়াও জ্ঞানের বিভিন্ন ধারা অনেক সময় একই সত্যে পৌছিয়াছে।  
আশ্চর্যের বিষয় সন্দেহ নাই যে উপনিষদের বৈদান্তিক ঋষিগণ যে ভাবে ও  
ভাষায় সত্য সমূহ বলিয়া গিয়াছেন প্রায় সেই ভাবে ও ভাষায় তাহাদের ধারণা  
বিজ্ঞান বহুস্থানে সমর্থন করিতেছে। শুধু তাই নয় বর্তমান বিজ্ঞানের আবিষ্কারের  
নবীন আলোকে প্রাচীন বেদান্তের অনেক সত্য আমাদের কাছে আরও স্ফুটতর  
হইয়াছে, তাহাদের ভিতরকার পূর্ণ অর্থ ও মর্শ্বসত্য প্রকাশ পাইয়াছে। যেমন  
ধরা বাইতে পারে স্বেতাশ্বতর উপনিষদের এই উক্তিটা “বহুনামেকং বীজং বহুধা যঃ  
করোতি” ‘বহুর একটি বীজ বিশ্বশক্তি বহুধা রূপায়িত করিয়াছে’। বিশেষ ভাবে  
লক্ষ্য করিবার বিষয় এই যে বেদের উক্তি—‘এক মূলতত্ত্ব বহুরূপে রূপায়িত  
হইতেছে’ ইহাই যেন সমর্থন করিয়া বিজ্ঞান বহুত্বের সহিত সামঞ্জস্য রক্ষা করিয়া  
এক অদ্বৈতবাদের দিকে অগ্রসর হইতেছে। জড় ও শক্তির (matter and  
energy’r) দৃশ্যতঃ যে ভেদ আছে তাহাতে এ অদ্বৈতবাদ খণ্ডিত হইতেছে না।  
কারণ বৈজ্ঞানিকের মতেও মূল জড় তত্ত্ব সাংখ্যের প্রধানের মতই অতীন্দ্রিয় অব্যক্ত  
পদার্থ। বস্তুতঃ বিজ্ঞানেরও ক্রমশঃ বেশী করিয়া এবোধ জাগিতেছে যে জড়ের  
রূপে এবং জড় শক্তির রূপে আমাদের ভাবনায় ছাড়া অন্য কোন ভেদ নাই।

কোন অজ্ঞাত শক্তি রূপায়িত হইয়া জড়রূপে ফুটিয়া উঠিতেছে ইহাই তাহার  
শেষ পরিচয়। প্রাণের গভীর রহস্য আজিও আমরা ভেদ করিতে পারি নাই,

জড় রূপের আধারে বন্দী একটা অস্পষ্ট সংবেদন রূপে যে শক্তি প্রকাশিত হইতেছে তাহাকে আমরা প্রাণ বলিয়া মনে করি। ভেদাভিহীনা যে অবিজ্ঞা দ্বারা আমরা আবৃত হইয়া আছি তাহাই আমাদের কাছে জড় ও প্রাণের মধ্যে এক সমুদ্র ব্যবধান দেখাইতেছে। এই অবিজ্ঞার কবল হইতে যখন মুক্ত হইব তখন বৈদিক ঋষি যাহাকে ত্রিভুবন বলিয়াছেন সেই জড় প্রাণ ও মন যে একই বিশ্বশক্তির ত্রিধা প্রকাশ বা রূপায়ণ তাহা বুঝিতে পারিব। তখন এক নিশ্চেষ্টন জড়শক্তিই যে মননের জননী এ ধারণা আর টিকিতে পারিবে না। যে শক্তি বিশ্বশক্তি করিয়াছে তাহা যে একটা ইচ্ছাশক্তি ছাড়া অতৃপ্তি কিছু হইতে পারে না ইহা স্বীকার করিতেই হইবে। ইচ্ছা বা সঙ্কল্পের অর্থই এই যে ইহা প্রবৃত্তি বা কর্ম ও তাহার পরিণামের দিকে প্রযুক্ত একটা চেতন শক্তি।

এই ইচ্ছা এই কর্ম ও পরিণামের স্বরূপ কি? ইহা পরমচেতনের আত্ম সংবৃত্তি ( Involution ) এবং আত্মবিবৃত্তি ( Evolution ) ছাড়া আর কিছু নয়। তিনি আত্মচেতন ক্রমশঃ সংবৃত্ত বা সঙ্কুচিত করিয়া নিশ্চেষ্টন এবং জড়ে পরিণত হইয়াছেন। আবার জড়ের সেই গুপ্ত অবস্থা হইতে নিত্য নূতন সম্ভাবনাকে মূর্ত করিয়া তুলিতেছেন। এ ইচ্ছা মানুষের মধ্যে অন্তহীন প্রাণ, অসীম জ্ঞান এবং অকুণ্ঠ শক্তি ফুটাইয়া তুলিতে চাহিতেছে। তাই ত বিজ্ঞান এই মর্ত্যদেহে মৃত্যুকে জয় করিতে, তাহার চির অতৃপ্ত জ্ঞানের বিপুল প্রসার করিতে, জড়শক্তিতে পূর্ণশক্তিশালী হইবার স্বপ্ন দেখিতেছে। দেশ ও কালের গতি সে কাটাইয়া উঠিতে চাহিতেছে। তাহার সিদ্ধির যে সীমা আছে, জগতে অসম্ভব বলিয়া যে কিছু আছে, ইহা যেন আর সে মানিতে চাহিতেছে না। বোধ হইতেছে যে মানুষ যাহা সত্য ইচ্ছা করে তাহা অবশেষে করিবার সামর্থ্য সে লাভ করে, কারণ সমষ্টি মানবের চেতনাতে অবশেষে তাহা লাভ করিবার শক্তি ফুটিয়া উঠে—ব্যক্তিকে উপায় স্বরূপ ব্যবহার করিয়া কিন্তু যদি আমরা গভীরতরভাবে পর্যবেক্ষণ করি তবে বুঝিব যে ইহা সমষ্টি-মানবের ইচ্ছা শক্তি বলেই হয় নাই, পরন্তু অতিচেতন কোন মহাশক্তি ব্যক্তি চেতনাকে কেন্দ্র ও সাধনোপায় করিয়া সমষ্টির উদার পরিবেশের মধ্যে আত্মপ্রকাশ করিতেছে। যিনি নরকে নিজের প্রতিবিম্বরূপে গড়িয়া তুলিয়াছেন সর্বশক্তিমান সেই নারায়ণই ব্যক্তি ও সমষ্টির ভিত্তর দিয়া তাহার একমুখ, সর্বজ্ঞ এবং সর্বশক্তি ও ঐশ্বর্যের আভাস



এইভাবে ফুটাইয়া তুলিতেছেন। “মর্ত্যের মাঝে যিনি অমৃত সেই ভগবানই অন্তরে শক্তিরূপে অধিষ্ঠিত থাকিয়া জগৎকে এই পরিণতির পথে লইয়া চলিয়াছেন।” আধুনিক জগৎ নিজের লক্ষ্য সজ্ঞানে না জানিয়াও তাহার সকল কর্মে ও সাধনায় অবচেতন ভাবে বিশ্বশক্তির এই দ্বিব্য প্রেরণাকেই অনুসরণ করিয়া চলিয়াছে।

জড় জগতের এই শক্তিলাভের একটা সীমা ও বাধা তবু এখনও আছে। সীমা, কেন না এ জ্ঞানের ক্ষেত্র এখনও জড় জগৎ, বাধা, কেন না এ শক্তিকে এখনও জড় যন্ত্র ব্যবহার করিতে হয়। কিন্তু বিজ্ঞান যে ভাবে অগ্রসর হইতেছে তাহাতে এ বাধা ও সঙ্কোচও যে দূর হইবে তাহাই যেন মনে হয়। বেতার বার্তায় আমরা একটা নূতন ধারার সন্ধান পাই; যেখান হইতে বার্তা প্রেরিত হয় এবং যেখানে তাহা গৃহীত হয় এই দুই স্থানে মাত্র যন্ত্রের ব্যবহার এখন চলিতেছে। মধ্যবর্তী ক্ষেত্রে যন্ত্রের প্রয়োজন এখন দূরীভূত হইয়াছে। বিজ্ঞানের জ্ঞানের সীমা যতই অজড়ের দিকে পৌছাইতে থাকিবে ততই যন্ত্রের প্রয়োজনীয়তা এবং অধীনতা কমিতে থাকিবে। কারণ যখন জড়াতীতের গতি প্রকৃতি বুঝা যাইবে তখন শুধু মনঃ-শক্তিদ্বারা জড়শক্তির প্রশাসন কৌশল আবিষ্কৃত হইবে এবং জড়-যন্ত্রের সাহায্য না লইয়া বার্তা প্রেরণ সম্ভব হইবে। এ সত্য যখন আমরা ঠিক বুঝিতে পারিব তখন আমাদের দৃষ্টির সম্মুখে অতিবিশাল সম্ভাবনার দিক চক্রবাল উদ্ঘাটিত হইবে।

একথা হয়ত সত্য যে জড় জগতের অব্যবহিত উর্দ্ধভূমির জ্ঞানলাভ করিলেও এবং তথা হইতে শক্তি প্রয়োগের সামর্থ্য জন্মিলেও আমাদের সকল সঙ্কোচ ও বাধা কাটিবে না, কারণ তত্ত্ব জগতের বিধান আমাদের মানিয়া চলিতে হইবে। আমাদের পূর্ণ-মুক্তি হইবে—যখন আমাদের অহংস্ব স্বল্প হইতে হইতে, শূণ্যে মিলাইয়া যাইবে এবং যখন আর নানা ভাবনাকে জোড়াতালি দিয়া আমাদের একত্ব গড়িয়া তুলিতে হইবে না পরন্তু যে পরম এক বহুরূপে আত্মপ্রকাশ করিতেছেন তাহার পরম প্রকাশে আমাদের ভিতর বাহির একাকার হইয়া যাইবে। আমাদের মধ্যে বিশ্বজ্ঞানের অবাধ প্রকাশ হইবে এবং বিশ্বশক্তির উপর অকুণ্ঠ অধিকার বা যোগীজন বাঞ্ছিত স্বরাজ্য এবং সাম্রাজ্য লাভ করিব। সালোক্য মুক্তির সহিত সাধন্য মুক্তি আমাদের অধিগত হইবে অর্থাৎ ভগবৎ প্রকৃতি লাভ করিয়া ভগবদ্ ভাবে বিভাবিত হইয়া তাহার সহিত নিত্যযুক্ত হইয়া বাস করিবার পরম স্বাধীনতা ও অধিকার প্রাপ্ত হইব।

## তৃতীয় অধ্যায়

### দুইটী নেতিবাদ

( ২ )

#### সন্ন্যাসীর নেতিবাদ

এ সমস্তই ব্রহ্ম, এই আত্মাই ব্রহ্ম এবং এই আত্মা চতুশ্চাং ।  
ইনি নির্বিশেষ, অচিন্ত্য, ব্যবহারিক জগতের অতীত, ইহাতে  
সমস্ত স্থির হইয়া আছে ।

মাণ্ডুক্য উপনিষদ ( ২।৭ )

বিশ্বচেতনার পরপারে বাহ্য শুধু আমাদের ব্যক্তিগত অহংকে নয় বিপুল  
বিশ্বকেও অতিক্রম করিয়া গিয়াছে, নিখিল ব্রহ্মাণ্ড বাহ্যের অপরিমেয় পট-  
ভূমিকায় অতি তুচ্ছ একটা ক্ষুদ্র ছবি মাত্র, এরূপ এক বিশ্বাতীত চৈতন্য আছে ।  
ইহা সমস্ত বিশ্ব ও তাহার ক্রিয়াবলিকে ধারণ করিয়া অথবা কেবল উপদ্রষ্টাক্রমে  
বর্তমান আছে । অতি বিশাল এই বিশ্বপ্রাণকে ইহা আলিঙ্গন করিয়া রহিয়াছে  
অথবা আপন আনন্ত্য হইতে বহিস্কৃত করিয়া দিয়াছে ।

জড়বাদী তাহার দিক হইতে যেমন বলিতে পারে জড়ই সত্য পদার্থ, বাহ্যের  
সম্বন্ধে আমরা একরূপ নিশ্চিত হইতে পারি তাহা এই ব্যবহারিক জগৎ ;  
তাহার অতীত যদি কিছু থাকে তাহা সম্পূর্ণ অজ্ঞেয়, একেবারে অসং বা  
শূন্য না হইলেও মনের একটা স্বপ্ন, সত্যবস্তু হইতে বিচ্ছিন্ন একটা ভাবনা মাত্র ;  
ঠিক তদ্রূপ সন্ন্যাসী বিশ্বাতীতের ভাবে বিমূৰ্খ ও বিভোর হইয়া তাহার দিক হইতে  
বলিতে পারে যে শুদ্ধ চিংই সত্য, ইহাই জন্ম, মৃত্যু ও পরিণাম রহিত একমাত্র  
তত্ত্ব, এই ব্যবহারিক জগৎ মন ও ইন্দ্রিয়ের সৃষ্ট কল্পনা বা স্বপ্ন, শুদ্ধ ও শাস্ত  
জ্ঞান হইতে পরাঙ্মুখ চিন্তের একটা মিথ্যা জ্ঞান মাত্র ।

যুক্তি ও অহুতবের সাক্ষ্য পরস্পর বিরোধী এ উভয় মতের অহুতবের সমানভাবে উপস্থিত করা যাইতে পারে। জড়বাদ ইন্দ্রিয়ানুভূতির সাক্ষ্যকে যাত্রা বিশ্বাস করিতে বলে, ইন্দ্রিয়দ্বারা জড়জগৎ অহুতব হয় স্মৃতির ইহা সত্য, জড়াতীত কিছু অহুতব হয় না স্মৃতির অতীন্দ্রিয় বাহ্য কিছু তাহা মিথ্যা বা অ-সৎ (non-existent) ইন্দ্রিয়ের এই দাবী যে সত্য নয় তাহা সহজেই প্রমাণ করা যায়। যাহা ইন্দ্রিয়গ্রাহ্য কেবল তাহাকেই সত্য মনে করিবার অভ্যাসের ফলে জড়বাদী বলে যে জড়াতীত কোন সত্য নাই কিন্তু জড়জগতে এমন সব সূক্ষ্ম পদার্থ আছে যাহা ইন্দ্রিয় দ্বারা ধরিতে না পারিলেও তাহাদের অস্তিত্বে অবিশ্বাস করা জড়বাদীর পক্ষেও অসম্ভব। তাহার যুক্তি বিশ্লেষণ করিলে দেখিতে পাওয়া যায় জড়াতীত কিছু নাই ইহা প্রমাণ করিতে গিয়া সে ধরিয়া লইয়াছে যাহা ইন্দ্রিয় গ্রাহ্য নয় তাহা সত্য নহে। ইহাতে যাহা প্রমাণ করিতে হইবে তাহাকেই ধরিয়া লওয়া হইয়াছে, নিরপেক্ষ ভাবে দেখিলে এরূপ বিচারের কোন মূল্য নাই—[এরূপ ভুল বিচারকে ইংরাজীতে argument in a circle বলে—স্থায়শাস্ত্র মতে সিদ্ধসাধন]।

ইন্দ্রিয় দ্বারা যাহাকে ধরা যায় না এমন জড়বস্তু যে কেবল আছে তাহা নহে, আমাদের মধ্যে এমন সূক্ষ্ম ইন্দ্রিয়বোধ বা দৃষ্টিশক্তি আছে যাহা দ্বারা জড়-ইন্দ্রিয়ের সাহায্য না লইয়াও জড়বস্তুকে জানা যায়। যাহাদের উপাদান এবং গঠনপ্রণালী আমাদের পুঞ্জজগতের মত নয় এমন সকল অতীন্দ্রিয় বস্তু বা জগতের সন্ধেও এই সমস্ত সূক্ষ্ম ইন্দ্রিয় আমাদের পরিচিত করাইয়া দিতে পারে।

মানুষের মধ্যে যখন চিন্তাশক্তির প্রথম উন্মেষ হইয়াছে সেই বহু পুরাকাল হইতে অতীন্দ্রিয় বস্তু ও জগৎ সম্বন্ধে মানুষ তাহার বিশ্বাস ও অহুতবের কথা বলিয়া আসিতেছে। মধ্যে জড় জগতের রহস্তনির্ণয়ের জ্ঞান মানুষের মন একান্তভাবে অহুতব হইয়া পড়িয়াছিল, তখন এ সমস্ত বিষয়ের আলোচনাতে তাহার উৎসাহ কমিয়া গিয়াছিল কিন্তু নূতন ভাবের বৈজ্ঞানিক অহুতবসন্ধিৎসা আবার এ সমস্তের দিকে তাকাইতে আরম্ভ করিয়াছে। এ সমস্ত বিষয়ের প্রমাণ এমনভাবে বাড়িয়া চলিতেছে যে যাহাদের মন কেবলমাত্র অতীতের মোহে আবদ্ধ অথবা যাহাদের বুদ্ধি শাণিত থাকে সত্ত্বেও অহুতব এবং অহুতবসন্ধানের স্বরচিত সন্ধীর্ণ গণ্ডির বাহিরে কিছু দেখিতে চায় না কিম্বা যাহারা পূর্বযুগের

মৃত বা মুমূর্ষু মতবাদগুলিকে রক্ষা করিবার একান্ত চেষ্টা করা এবং তাহাদের পুনরাবুত্তি করাই যুক্তি এবং জ্ঞানালোক বলিয়া ভুল করে তাহারা ছাড়া অস্ত্র সকলে অতীন্দ্রিয় বস্তুর অস্তিত্ব স্বীকার করিতে বাধ্য হইতেছে। এই সমস্ত প্রমাণের মধ্যে দূর-অমৃতভূতি ( প্রাকাম্য ) বা তদন্তরূপ অলৌকিক রহস্যের কোন কোন বাহ্য-বিভূতিকে এখন আর কেহ বড় সন্দেহের চক্ষুতে দেখে না।

রীতিমত ভাবে অহুসন্ধানের ফলেও জড়াতীত তত্ত্বের আভাস মাত্র মাহুষ পাইয়াছে বলিতে হয়, যে আভাস পাইয়াছে তাহাও অপূর্ণ এবং অস্পষ্ট। কারণ যেভাবে যে পদ্ধতিতে এবিষয়ের গবেষণা চলিয়াছে তাহা এখনও অনেকটা অপক এবং দোষত্রুটিপূর্ণ, তৎসত্ত্বেও আমাদের বাহ্যেন্দ্রিয় দ্বারা জানা যায় না জড়-জগতের তেমন অনেক তথ্য পুনরাবিষ্কৃত এই সমস্ত হৃদয় ইন্দ্রিয় আমাদের দিয়াছে। সেই সমস্ত হৃদয় ইন্দ্রিয় আমাদের দিয়াছে জড়াতীত জগতের সংবাদ যখন দিতে আসে তখনই তাহাদের সাক্ষ্য মিথ্যা হইবে একথাও সমর্থন করা যায় না। সকল সাক্ষ্যকে এমন কি আমাদের স্থূল ইন্দ্রিয় দত্ত সাক্ষ্যকেও যুক্তি দ্বারা পরীক্ষা করিয়া সাজাইয়া গুছাইয়া যেমনভাবে বুঝিয়া লইতে হয়, তাহাদের কর্মক্ষেত্র, বিধান এবং পদ্ধতির সম্যক জ্ঞানলাভ করিয়া তবে তাহাদিগকে যেমন গ্রহণ করিতে হয়, এ সমস্ত হৃদয় ইন্দ্রিয়ের সাক্ষ্যকে তেমনি ভাবে বুঝিতে এবং গ্রহণ করিতে হইবে একথা খুবই সত্য। কিন্তু জড়জগতের সত্যের জড় ইন্দ্রিয় দ্বারা উপলব্ধ হইয়া আত্মপরিচয় দিবার যেমন দাবি আছে, বৃহত্তর অমৃতভূতির ক্ষেত্রে হৃদয়তর উপাদানে গঠিত বস্তু ও জগতের তদুপযোগী হৃদয় ইন্দ্রিয় দ্বারা উপলব্ধ হইয়া আত্মপরিচয় দিবার ঠিক তেমনিভাবে দাবি নিশ্চয়ই আছে। এই জগতের অতীত মহান্ রূপরেখায় তাহাদের রূপায়ন, বিপুল শক্তি ও বিধানের যাহারা আধার সেইরূপ অনেক জগৎ আছে। তাহাদের সম্বন্ধে জ্ঞানলাভের জন্য তদুপযোগী জ্যোতির্শস্য বৃত্তি ও সাধন আমাদের মধ্যে আছে। তথা হইতে তাহাদের শক্তির আবেশ এই জড় আবেষ্টনে এই জড় দেহে অনেক সময় নামিয়া আসে এবং এইখানেই তাহাদের প্রকাশ ক্ষেত্র গড়িয়া তোলে। তাহারা যে আলোর দূত পাঠায় তাহাদের কাছে তাহাদের পরিচয়ও কিছু পাওয়া যায়।

আমাদের সকল অমৃতভবের মূলে রহিয়াছে চৈতন্য বাহাকে সাক্ষী-চৈতন্য বলা যায়। বিশ্বজগৎ তাহার অমৃতভবের ক্ষেত্র এবং ইন্দ্রিয়গণ অমৃতভবের দ্বার

বা উপায়। জড় জগৎ এবং তাহার বস্তুনিচয় হউক অথবা জড়াতীত বস্তু বা জগৎই হউক, জগৎ এক বা বহু হউক এই সাক্ষী-চৈতন্তের কাছে সত্য বলিয়া যাহা প্রতিভাত হইবে কেবলমাত্র তাহাই সত্য বলিয়া আমরা জানিব। মানুষ জগৎকে নিজ চৈতন্তে বিষয়রূপে প্রতিভাত দেখিতে বাধ্য ; কারণ—ইহা মানব-চৈতন্তের বৈশিষ্ট্য। এক পক্ষের যুক্তি এই...মানুষের এইভাবে দেখা শুধু মানুষের দেখার বেলায় সত্য তাহা নহে। সমস্ত জগৎ ব্যাপারেটা এইরূপ, এখানে এক সাক্ষী-চৈতন্ত আছে, জগতের সমস্ত পদার্থ ক্রিয়া বা ভাব এই সাক্ষী-চৈতন্তের বিষয় ; সাক্ষী থাকিবে না সাক্ষ্য বা বিষয় ও ক্রিয়া থাকিবে ইহা হইতে পারে না, কারণ এই চৈতন্তের মধ্যে এই চৈতন্তের জন্মই বিশ্ব বর্তমান রহিয়াছে, বিশ্বের বা তাহার কোন ক্রিয়ার তদতিরিক্ত কোন স্বাধীন সত্তা নাই। জড়বাদীর পক্ষ হইতে ইহার এই উত্তর দেওয়া হয় যে জড়জগতের একটা শাস্ত্র সত্তা আছে তাহা কাগরও দ্বারা সৃষ্ট নহে। এজগতে জীবন এবং মনের আবির্ভাবের পূর্বেও ইহা বর্তমান ছিল এবং প্রাণ ও মনের ক্ষণিক দাপ্তি আবার বেদিন নির্দীপিত হইয়া তাহাদের বিলয় হইবে সেদিনও জড় জগৎ থাকিবে। তবে জিজ্ঞাসার বিপরীতমুখী এ ধারা দুইটির ব্যবহারিক ক্ষেত্রে মূল্য খুব বেশী। কারণ এই তর্কবিজ্ঞা হইতে মানুষের দৃষ্টিভঙ্গী গড়িয়া উঠে যাহা দ্বারা তাহার জীবন, যে জন্ম সে সাধনা করে সেই লক্ষ্য এবং যেখানে তাহার শক্তি নিবদ্ধ রাখে সেই ক্ষেত্র পূর্ণরূপে নিয়ন্ত্রিত হয়। কেননা ইহার মূলে রহিয়াছে ‘বিশ্ব সত্য কিনা’ এবং তদপেক্ষা প্রয়োজনীয় বিষয় ‘মানব জীবনের মূল্য কি’ এই গুরুতর প্রশ্ন।

জড়বাদের সিদ্ধান্তকে যদি আমরা একান্ত করিয়া ধরি তবে দেখিব যে ব্যক্তির বা জাতির জীবন ও নিয়তি আমাদের কাছে তুচ্ছ এবং অসম্ভব হইয়া উঠিবে। এ মতে ভাগভাবে আমরা ইহাই জানিব যে ব্যক্তি নাড়ীচক্রের বা স্নায়ু-মণ্ডলীর বিকার হইতে জ্ঞাত ক্ষণস্থায়ী এবং জ্ঞাত তাহারই একটু দীর্ঘতর কালস্থায়ী একটা মিথ্যা মানসিক বোধ মাত্র। তখন স্মারতঃ হয় এই ক্ষণস্থায়ী জীবন হইতে যতটা সুখ ও ভোগ আদায় করা যায় তাহা করা উচিত হইবে (—বাবজ্ঞাবেৎ সুখং জীবৎ স্বং কৃত্বা মৃতং পিবেৎ) না হয় জাতি ও ব্যক্তির নিঃস্বার্থ কিন্তু লক্ষ্যহীন সেবায় জীবন কাটাইতে হইবে। আমরা যে জড়শক্তির তাড়নায়

কাজ অথবা ভোগ করি তাহা আমাদেরকে ক্ষণস্থায়ী এবং মিথ্যা একটা জীবন দিয়া বিভ্রান্ত করে অথবা নৈতিক এবং মানসিক পূর্ণতার মিথ্যা একটা মহত্তর বোধ দিয়া বঞ্চনা করে। জড়বাদও শেষকালে আধ্যাত্মিক অন্ধত্ব বাদের মত সদসদাঙ্গিকা এক মারাত্মক আসিয়া পৌছে। সং, কেন না ইহা প্রত্যক্ষ এবং ইহাকে স্বীকার না করিয়া পারা যায় না, অসং, কেননা ইহা প্রাতিভাসিক এবং ক্ষণস্থায়ী। অপর পক্ষে বাহিরের এই জগৎ মিথ্যা, মায়াবাদের এই মতের উপর যদি বেশী জোর দিই তবে অন্য পথে জড়-বাদের সিদ্ধান্তের অনুরূপ কিন্তু তদপেক্ষা কঠোরতর এক সিদ্ধান্তে পৌঁছিব। তখন বলিব এই জগৎ, আমাদের অহং, মানবের জীবন স্বপ্নের মত অলীক, ইহাদের কোন লক্ষ্য নাই, প্রাকৃত জীবনের অর্থশূন্য জটিল জালের এই বন্ধন হইতে মুক্ত হইয়া এক নির্বিশেষ সং বা এক পরম অ-মতের মধ্যে বিলীন হইয়া যাওয়া মানবজীবনের যুক্তিসূক্ত সার্থকতা।

আমাদের প্রাকৃত জীবন হইতে যে সমস্ত তথ্য সংগ্রহ করিতে পারি, তাহাকে ভিত্তি করিয়া যুক্তি-তর্ক দ্বারা এ রহস্য আগরা সমাধান করিতে পারিব না। অন্তর্ভূতির যেখানে অভাব বা ফাঁক আছে সেখানে শুধু বিচার দ্বারা স্থির সিদ্ধান্তে পৌঁছানো যায় না। আমাদের প্রাকৃত চেতনায় একদিকে যেমন আমরা দেহধারী ব্যক্তিত্বের অতিবিক্ত বিশ্ব-মন বা অতিমানস বলিয়া যে কিছু আছে তাহা স্পষ্টভাবে অনুভব করি না, অপরদিকে আশাদের অন্তরাঙ্গাকে দেহের উপর পূর্ণরূপে নির্ভর করিতেই হইবে, দেহ পাতের সঙ্গে সঙ্গে তাহারও লয় হইবে অথবা দেহকে ছাপাইয়া গিয়া তাহার সম্প্রসারণ যে একেবারে অসম্ভব জোর করিয়া একপ বলিবার কোন প্রামাণ্য অনুভবও আমাদের নাই। সুতরাং হয় আমাদের চৈতন্যের ক্ষেত্রের আরও সম্প্রসারণ করিয়া না হয় জ্ঞানলাভের যে যন্ত্র আমাদের আছে তাহার অপ্রত্যাশিত উৎকর্ষসাধন করিয়া আমাদেরকে মায়াবাদ ও জড়বাদের এই প্রাচীন তর্কের সমাধান করিতে হইবে।

সন্তোষজনক ভাবে চৈতন্যের এই সম্প্রসারণ করিতে হইলে ব্যক্তিগত চৈতন্যের অন্তর্জীবন সম্প্রসারণ করিয়া তাহাকে বিশ্বচেতনায় পৌঁছিতে হইবে, কারণ যে সাক্ষীচৈতন্যের কথা উক্ত হইয়াছে সে সাক্ষীচৈতন্য যদি সত্যই থাকে তবে তাহা

জগতে জ্ঞাত ব্যক্তিগত শারীর চৈতন্য বা মন নহে। পরন্তু যিনি বিশ্বচৈতন্য, নিখিল বিশ্বে সর্বগত ভাবে বা অন্তর্যামী বোধি-চৈতন্যরূপে নিত্য প্রতিষ্ঠিত, বিশ্ব তাকে আশ্রয় করিয়া আছে তাহারই শাস্ত ও সত্য প্রকাশরূপে, অথবা তাহারই জ্ঞান ও শক্তির প্রভাবে তাহা হইতে জাত হইয়াছে এবং তাহাতেই লয় পাইবে। যুগপৎ যিনি প্রাণবন্ত পৃথিবী এবং সজীব মানব দেহের মধ্যে শাস্ত ও শাস্তরূপে অবস্থিত আছেন এবং ভিতর হইতে ইহাদিগকে ফুটাইয়া তুলিতেছেন, যিনি মন ছাড়া মনন চক্ষুরাদি ইন্দ্রিয় ছাড়া দর্শনাদি করিতে পারেন, শারীরচৈতন্য নয় তিনিই বিশ্বের সাক্ষীচৈতন্য ও প্রভু।

মানুষের মধ্যেও বিশ্ব-চেতনার প্রকাশ যে হইতে পারে এ সম্ভাবনা আধুনিক মনোবিজ্ঞানও ধীরে ধীরে স্বীকার করিতেছে, আমাদের জ্ঞানলাভের আরও যে মুহূর্ত উপায় আছে একথাও মানিতে চাহিতেছে—যদিও ইহার মূল্য এবং শক্তি যখন স্বীকার করিয়াছে তখনও ইহাকে চিত্তবিভ্রমের পর্যায়ে ফেলিতে বিরত হয় নাই। প্রাচ্যের মনোবিজ্ঞান ইহাকে সত্য বলিয়া বরাবরই স্বীকার করিয়াছে এবং ইহাকে অনুভব করার দিকে আমাদের ভিতরের পরিণতির গতি রহিয়াছে ইহা বলিয়াছে। আমাদের অহং বোধ যে সীমা নির্দেশ করে তাহাকে অতিক্রম করিয়া যাহা সজীব এবং আমরা যাহাকে নির্জীব মনে করি সে সমস্তই যাহার পক্ষপট তলে আশ্রিত রহিয়াছে সেই বিশ্বচৈতন্যের সহিত একাত্মতা অনুভব করা যে আমাদের সাধনার লক্ষ্য তাহা স্বীকৃত হইয়াছে।

বিশ্বচেতনার মধ্যে অল্পপ্রবিষ্ট হইয়া বিশ্ব সত্তার সহিত তাহারই মত আমরা এক হইয়া থাকিতে পারি, তখন আমাদের চেতনার এবং এমনকি ইন্দ্রিয়ানুভবেরও রূপান্তর হইতে আরম্ভ হয়। ফলে আমরা বৃদ্ধিতে পারি জড়ও সেই অর্থও সত্তা। সমুদ্রের তরঙ্গের তায় প্রত্যেক জড় পদার্থ জড় সত্তায় অন্ত পদার্থ হইতে বিচ্ছিন্ন হইয়াও সেই সত্তা এবং তাহার অন্ত বহুরূপের সহিত যোগরক্ষা করিয়াছে। তেমনিভাবে মন এবং প্রাণও একেরই বহুরূপে প্রকাশ, প্রত্যেক প্রকাশ পৃথক হইয়াও প্রত্যেকের ক্ষেত্রের অনুরূপ ভাবে অপরের সহিত একত্রে মিলিত হইতেছে। এইভাবে যদি আমরা অগ্রসর হইতে চাই তবে অনেক ধাপের পরে অতিমানসের জ্ঞানলাভ করিব এবং সকল নিরন্তর জিন্মা তাহারই ক্রিয়া বলিয়া বৃদ্ধিতে পারিব। তখন আমরা যে কেবল বিশ্বচৈতন্যের

অস্তিত্ববোধ লাভ করিব, সজ্ঞানে তাহাকে অহুভব করিতে পারিব তাহা নহে পরন্তু তাহাতে অহুপ্রবিষ্ট হইয়া তাহার সহিত এক হইয়া যাইতে পারিব। এখন যেমন আমরা অহং বুদ্ধিতে অধিষ্ঠিত রহিয়াছি তখন তেমনি এই অতিমানসে প্রতিষ্ঠিত হইয়া কর্ম করিতে পারিব, ক্রমশঃ অল্প মন প্রাণ অল্প শরীরের সহিত একত্ব বোধে বৈশী করিয়া মিলিত হইব এবং নিজেদের এবং অপরের এমনকি প্রাকৃত জগতের উপর এমন দিব্য প্রভাব বিস্তার করিতে সমর্থ হইব বাহা আমাদের বর্তমান সমুচিত অহমিকার শক্তির এমনকি কল্পনারও অগোচর।

যে লোক বিশ্বচৈতন্তের এইপ্রকার সংস্পর্শ লাভ করিয়াছে এবং তাহাতে বাস করিতেছে তাহার পক্ষে এ চৈতন্ত পার্থিব জগৎ হইতে অধিকতর সত্য। ইহা যে শুধু স্বরূপে সত্য তাহা নহে, ইহা কর্মে এবং পরিণামেও সত্য। এইভাবে যে জগৎ তাহার নিজের আত্মপ্রকাশ সে জগতের কাছে ইহা সত্য এবং জগৎও ইহার কাছে সত্য। কিন্তু স্বতন্ত্র সত্তারূপে জগৎ সত্য নয়। সেই উচ্চতর অবস্থা, যেখানে আমাদের সকল সংস্কার ধসিয়া পড়ে, যেখানে চৈতন্ত এবং সত্তাতে কোন ভেদ নাই, তাহার ক্রিয়া এবং গতিও স্বপ্ন বা মিথ্যা নহে। তাহার চৈতন্তে অবস্থিত আছে বলিয়াই জগৎ সত্য, কারণ তাহার সত্তার সহিত অভিন্ন চৈতন্তময়ী শক্তি এ জগতের স্রষ্টা। বরং জড়ের বিবিধ স্বতন্ত্র সত্তা অসম্ভব এবং মিথ্যার ছলনা।

কিন্তু যে চিৎসত্তা এই অতিমানসের স্বরূপ সত্য তিনি একদিকে নিজেকে বিশ্বছন্দে লীলায়িত করিলেও বিশ্বের অতীতও বটে এবং বিশ্ব ভিন্নও তাহার স্বতন্ত্র সত্তা আছে। জগৎ তাহাকে আশ্রয় করিয়া আছে কিন্তু তিনি জগৎ আশ্রয় করিয়া নাই। আমরা যেমন বিশ্বচৈতন্তে অহুপ্রবিষ্ট হইয়া সমস্ত বিশ্ব-সত্তার সহিত এক হইয়া যাইতে পারি—তেমনি এই বিশ্বাতীত চৈতন্তেও আমরা অহুপ্রবিষ্ট হইতে পারি এবং বিশ্বসত্তাকেও অতিক্রম করিয়া যাইতে পারি, তখন আমাদের মধ্যে জাগে সেই পুরাতন প্রশ্ন ‘এই বিশ্বাতীত কি অপরিহার্য রূপে জীব-জগৎ-বিশ্ব-বিসর্জিত’ ‘সেখানে পৌছিলে তাহার সহিত বিশ্বের সম্বন্ধ কি হইবে’।

বিশ্বাতীত অবস্থায় পৌছিবার দুয়ারে উপনিষদ যাহাকে শুদ্ধ ক্রিয়ামুক্ত অঙ্গাবির (স্বায়মুখ্য) বলেন, যিনি সমস্ত জগতের আশ্রয় স্থান, যাহাতে বৈজ্ঞানিক



মালিন্য নাই, ভেদের ব্রণ নাই, বহুত্বের কোন প্রকাশ নাই, অর্থেত বেদান্তীরা যাহাকে নিষ্ক্রিয় নির্বিশেষ ব্রহ্ম বলেন তাহার সাক্ষাৎ পাই। সাধকের মন যখন মধ্যবর্তী পরীকুলিকে বাদ দিয়া হঠাৎ এই স্থানে প্রবেশ করে তখন জগৎমিথ্যা এবং এই অমের্য নৈশঙ্ক্যই একমাত্র সত্য এইরূপ মনে করে। মাছুষের মন যে সমস্ত অতিবিশাল এবং প্রতীতিজননক্ষম অভিজ্ঞতা লাভ করিতে পারে—এ অল্পভূতি তাগদের অতম। এই বিশুদ্ধ আত্মস্বরূপের অথবা ইহার অতীত অসত্ত্বতির (non-being) যে অল্পভূতি হয় সেখানে আমরা দ্বিতীয় নেতিবাদের মূল দেখিতে পাই। সম্বাদীর এই নেতিবাদি অপর প্রাপ্তস্থিত জড়বাদীর নেতিবাদের অল্পরূপ কিন্তু তাহা অপেক্ষা আরও পূর্ণ, আরও চূড়ান্ত এবং আরও বেশী বিগজ্জনক—সেই ব্যক্তি ও জাতির পক্ষে যাহার কানে ইহার সেই গভীর আহ্বানধ্বনি আসিয়া পৌছে।

প্রাচীন আৰ্য্য জাতি চিৎ ও জড়ের মধ্যে যে সমন্বয়ের সন্ধান পাইয়াছিলেন বৌদ্ধ ধর্ম আসিয়া জড়ের বিরুদ্ধে চিত্তের বিদ্রোহ তুলিয়া সেই সমন্বয়ের ভিতরে এক বিক্ষোভ আনয়ন করে এবং তাগাব পর হইতে ২০০০ বৎসর পর্য্যন্ত এই নেতিবাদ ভারতীয় মনকে প্রাণ ভাবে পরিচালিত করিয়াছে। জগৎ মিথ্যা এই বোধই যে ভাবতায় ভাবধারার সর্বস্ব তাহা নহে, যাহারা ইহা স্বীকার করে নাই এমন অনেক দর্শন এবং ধর্মমত ও অভীপ্সা ভারতে দেখা গিয়াছে। চরম পন্থী দার্শনিক মতের যে মিলনেব চেষ্টা হয় নাই তাহাও নহে। তৎসঙ্গেও একথা বলা চলে যে ভারতবর্ষে এই বিশাল নেতিবাদের ছায়াতলেই সে যুগে বাস করিয়াছে এবং সম্বাদীর গৈরিক বাস জীবনের শেষ কাম্য মনে করিয়াছে। বুদ্ধদেব প্রচারিত কর্মের শৃঙ্খল, বন্ধন এবং মুক্তির একান্ত বিরোধ, জন্মেই বন্ধন এবং জন্মরহিত হইতে পারিলেই মুক্তি, এই সমস্ত জ্ঞান আসিয়াছে। তাই প্রায় সকলেই সমন্বরে বলিয়াছেন যে এই বৈতের জগতে স্বর্গরাজ্য স্থাপিত হইতে পারে না, নিত্য বৃন্দাবনের পরমানন্দ অথবা ব্রহ্মলোকের অন্তহীন রসোন্মাস অথবা অনির্বচনীয় এক নির্বাণ যেখানে এক নির্বিশেষ একত্বের মধ্যে সকল বহুত্বের চির অবসান তাগাই পরম কাম্য। পরবর্তী যুগেও বহু শতাব্দী পর্য্যন্ত বহু সাধু সন্ত বহু গুরু আসিয়াছেন, ভারতবাসীর হৃদয়ে যাহাদের পবিত্র এবং উজ্জল স্মৃতি রহিয়াছে তাহারা এই স্মৃতির অভিযানের পথেই মাছুষকে

ডাকিয়াছেন। বৈরাগ্যই যে জ্ঞান লাভের একমাত্র পথ, পার্থিব জীবন গ্রহণ করা অজ্ঞানের নামাস্তর, মানুষের জন্মের ণটি ব্যবহার জন্মের শৃঙ্খল হইতে মুক্তি, চিং স্বরূপের আহ্বান, জড় হইতে পলায়ন, ইহাই তাহারা বলিয়া আসিয়াছেন।

বর্তমানে সন্ন্যাসীর বৈরাগ্যের যুগ চলিয়া গিয়াছে বা যাইতে বসিয়াছে। তাই এ যুগের মানুষ বলিতে আরম্ভ করিয়াছে যে যে জাতি একদিন মানব-সভ্যতাকে অগ্রগতি দিবার বিপুল দায় বহন করিয়াছে, মানুষের জ্ঞানের ও কর্মের ভাণ্ডারের জন্ত নানাপ্রকার সম্পদ আহরণ করিয়াছে সেই প্রাচীন জাতি আজ কর্মক্রান্ত এবং অবসন্ন হইয়া পড়িয়াছে; তাহার প্রাণশক্তিতে ভাটা ধরিয়াছে বলিয়া তাহার কর্মবিমুখতা সমর্থনের জন্ত এই বৈরাগ্যের ধূয়া তুলিয়াছে; কিন্তু তাহারা ভুলিয়া যায় যে আমাদের জীবনের সম্ভাবনা সমূহের অতি উচ্চতম শিখরে অবস্থিত এক পরম ও সচেতন অমৃতত্বের সহিত এই অবস্থা অচ্ছেদ্যভাবে বিজড়িত এবং ইহার মধ্য দিয়া সত্যের একটি সত্য বিভাব প্রকাশ পাইয়াছে। তাহা ছাড়া ব্যবহারিক ক্ষেত্রে মানুষের পূর্ণতা লাভের পথে এখনও ইহা একটি অপরিহার্য উপাদান এবং যতদিন পর্যন্ত জীবনের অন্ত প্রান্তে মানুষের মন ও প্রাণ পাশবিকতার হাত হইতে মুক্ত না হইতেছে ততদিন এ বৈরাগ্যের বিশেষ সাধনাও শ্রেয়স্কর।

জীবনের সার্থকতার জন্ত আমরা একটা বৃহত্তর এবং পূর্ণতর ইতি খুঁজি ইহা ঠিক। আমরা ইহা বোধ করি যে সন্ন্যাসীর আদর্শে বেদান্তের এক মহাসত্য ‘একমেবাদ্বিতীয়ং’ স্বীকার করা হইয়াছে কিন্তু ‘সর্বং ধর্মিণং ব্রহ্ম’ এই দ্বিতীয় মহাবাক্যের মর্যাদা সেরূপ পূর্ণভাবে দেওয়া হয় নাই। মানুষের আকুল অভীশা ইহাতে যেরূপ উর্দ্ধে ব্রহ্মাভিমুখে গিয়াছে সেইভাবে সেই ব্রহ্মেরই প্রকাশ ক্ষেত্র এই জগতের বৃকে ভাগবতী জ্যোতি ও শক্তিকে নামাইয়া আনিবার চেষ্টা হয় নাই। আত্মাতে সত্য যেরূপ পূর্ণ ও স্ফূর্তভাবে দেখা হইয়াছে জড়ের ক্ষেত্রে তাহার অর্থ তেমনভাবে বুঝা হয় নাই। সন্ন্যাসী পরমতত্ত্বের উত্তম শিখরে পৌছিয়াছে বটে কিন্তু প্রাচীন বৈদান্তিকের মত ব্যাপ্তি ও পূর্ণতা তেমন ভাবে লাভ করিতে পারে নাই। কিন্তু আমাদের পূর্ণতর ইতির ক্ষেত্রে পাড়াইয়াও ইহার বিজ্ঞ আধ্যাত্মিক আবেগ ও আকৃতিকে

আমরা যেন ছোট করিয়া না দেখি। আমরা দেখিয়াছি জড়বাদ কিভাবে ভগবদ্দেশ্য সাধনে সহায় হইয়াছে কিন্তু একথা আমাদের অকপটে স্বীকার করিতে হইবে যে সন্ন্যাসীর নেতিবাদ সে উদ্দেশ্য সাধনে বৃহত্তর সহায়তা করিয়াছে। জড়বিজ্ঞানের অনেক সত্যের আকার হয়ত ভবিষ্যতে পরিবর্তন করিতে হইবে তবু আমরা যে বৃহৎ ও পূর্ণ সাম্য চাই তাহাতে বিজ্ঞানের সত্যকে স্থান দিতেই হইবে, তেমনি প্রাচীন আৰ্য্য সভ্যতা হইতে আমরা যে সত্য পাইয়াছি তাহার পরিমাণ হ্রাস হওয়া বা মূল্য কমিয়া যাওয়া সত্ত্বেও তাহার মধ্যে যে সত্য ছিল তাহাকে রক্ষা করা এবং আমাদের অতীত জীবনে তাহার স্থান দেওয়া আরও বেশী প্রয়োজন একথা যেন না ভুলি।

## চতুর্থ অধ্যায়

### সর্বগত ব্রহ্ম

যে ব্রহ্মকে অসৎ বলিয়া জানে সে অসৎসমূহ হইয়া থাকে,  
ব্রহ্মকে যদি সৎ বা অস্তিস্বরূপ বলিয়া কেহ জানে তাহাকে  
সৎস্বরূপ বলিয়া উল্লেখ করা যায়।

তৈত্তিরীয়োপনিষৎ (২।৩)

শুদ্ধ চিৎস্বরূপ যিনি তিনি আমাদের মধ্যে অকুণ্ঠভাবে প্রকাশিত হইতে চান এবং বিশ্বজড় আমাদের প্রকাশের কারণ ও আধার হইতে চায়, জীবনের পূর্ণতার জন্য এ উভয়ের কাহারও দাবি যখন অস্বীকার করিলে চলে না, তখন আমাদেরকে এমন একটি সত্যকে আবিষ্কার করিতে হইবে যেখানে কাহারও মর্যাদা ও অধিকার বিন্দুমাত্র থর্ব না করিয়া এ দুয়ের পূর্ণ সমন্বয় সাধিত হইতে পারে। কারণ যেখানেই কোন চরম উক্তি মানুষের মনকে প্রবলভাবে অভিভূত করে সেখানে যে কেবল ভ্রান্তি ও কুসংস্কার মাত্র আছে তাহা হইতে পারে না, আমরা দেখিতে না পাইলেও সেখানে প্রচ্ছন্নভাবে সত্যের এমন একটা বৃহৎ দিক আছে যাহাকে অস্বীকার বা অবজ্ঞা করিলে আমাদেরকে তজ্জন্ত দণ্ডভোগ করিতে হইবে। অনেক সময় আমরা এ উভয়ের মধ্যে একটা জোড়াতালি দেওয়া আপোষ করিয়া কাজ চালাইতে চাই কিন্তু তাহা বেশী দিন টিকেনা, কারণ আপোষ ত সত্যকার সমন্বয় নয়। খাঁটিভাবে সমন্বয় হয় তখন, যখন এমন এক সত্যের সাক্ষাৎ লাভ হয় যাহাতে উভয়ের পূর্ণ পরিচয় উভয়ে পায় এবং যাহার শেষ পরিণাম উভয়ের একাত্মবোধের অন্তরঙ্গতায়। জড় ও চিত্তের এইরূপ পূর্ণ সমন্বয় সাধন করিয়াই আমাদের জীবনের এমন এক অটল ভিত্তি স্থাপন করিতে হইবে, যেখানে দাঁড়াইয়া জীবন ভিতরে ও বাহিরে পূর্ণ ও সার্থক হইয়া উঠিবে।

আমরা দেখিয়াছি যে বিশ্বচেতনাতে জড় চিত্তের কাছে সত্য এবং চিৎ জড়ের কাছে সত্য। অহমিকাময় সাধারণ চিত্তে প্রাণ ও মন ভেদের কারণ হইয়া অবিলম্বে পরমার্থতত্ত্বের ইতি ও নেতিমূলক দুইটা বিভাবের মধ্যে যেন একটা কলহ সৃষ্টি করে। কিন্তু বিশ্বচেতনায় অল্পপ্রবিষ্ট হইলে মন যে জ্ঞানের দীপ্তি পায় তাহাতে এক্ষেত্রে সত্য, বহুত্বের সত্য এবং তাহাদের পরস্পরের মধ্যে যে সমস্ত যোগসূত্র রহিয়াছে তাহাদের সত্য বুঝিতে পারে। তখন তাহার কাছে সকল বিরোধের শাস্তি হয় এবং এক দিব্য সুরসঙ্গতির মধ্যে সকল তারের ঝংকার সমন্বিত হইয়া গিয়াছে দেখিতে পায়, তখন সে মন ভগবান ও জীবের মধ্যে পরম মিলন সাধনের উপায় হয়। তখন অপরোক্ষাত্মভূতি-লক্ষ জাগ্রত সূক্ষ্মইন্দ্রিয় বোধ যুক্ত সেই মনে জড় চিত্তের বিগ্রহ, দেহ বা আধাররূপে এবং চিৎ জড়ের আত্মা, সত্য এবং সারতত্ত্বরূপে প্রকাশ পায়। তখন উভয়ের পক্ষে উভয়কে দিব্য সত্য এবং মূলতঃ এক বলিয়া বুঝিতে আর কোন বাধা থাকে না। পরমচেতনায় যে সত্তা আত্মবিস্তার করিয়াছেন ও সমস্ত জড় আকারের মধ্যে বাস করিয়া প্রতিচিৎকেন্দ্র হইতে আত্মপ্রকাশ করিতেছেন, মন ও প্রাণ তাহার রূপায়ন ও যন্ত্র, এ সত্য আত্মপ্রকাশ করে। মন যখন তাহাকে ধারণ ও প্রকাশ করিবার স্বচ্ছ মুকুরে পরিণত হয় এবং প্রাণ যখন নিত্য নবীন রূপ ও ক্রিয়ার মধ্য দিয়া তাহারই অভিব্যক্তির শক্তিস্বরূপ হইয়া উঠে তখন মন প্রাণও সার্থক হইয়া উঠে।

এইভাবে দেখিলে আমরা বুঝিতে পারি যে এই জগতেই মানুষের পক্ষে দিব্য জীবন লাভের সত্য সম্ভাবনা আছে। এ দৃষ্টি জগৎ এবং পার্থিব পরিণতির মধ্যে একটা সুস্পষ্ট লক্ষ্য এবং সজীব অর্থ দেখিতে পাইয়া যেমন একদিকে বিজ্ঞান সাধনার সার্থকতা দেখাইবে তেমনি অন্যদিকে মানুষের সত্তাকে দিব্য ভাগবৎ সত্য রূপান্তর করিয়া সকল প্রধান ধর্ম যে বৃহৎ আদর্শের স্বপ্ন দেখে মানুষের সেই আধ্যাত্মিক আকৃতিরও পূর্ণতা সাধন করিবে।

দিব্য জীবনের মধ্যে প্রকাশের দিক দেখিতে গিয়া নিষ্ক্রিয় শুদ্ধ স্বয়ম্ভু নিগুণ নির্বিকার যে সত্তা, যাহাতে পৌছা সন্ন্যাসীর জীবনের পরম পুরুষার্থ, তাহাকে কি অস্বীকার করিব? না, তাহা করিব না, আমরা উভয়কে স্বীকার করিয়া এ উভয়ের মধ্যে এক পরম সমন্বয় আবিষ্কার করিব। দেখিব নিগুণ নিষ্ক্রিয়

এবং সগুণ সক্রিয় ব্রহ্ম একে অপরকে অস্বীকার করে না, ইহারা এ পরমব্রহ্ম বা পরমতত্ত্বের নেতি এবং ইতিবাচক দুইটি দিক মাত্র। একে অপরকে ছাড়িয়া সত্য নহে। প্রকাশলীলা ক্রিয়াময়ী বিশ্বজননী যাহাকে পরাবাক্ বলা হয়, এই নৈঃশব্দের মধ্য দিয়াই নিত্য প্রকাশিত হন এবং নৈঃশব্দের মধ্যে যাহা গূঢ় (latent) ভাবে স্থিত তাহাকেই জীবজগৎরূপে প্রকাশ করেন। এই যে শাশ্বত নিষ্ক্রিয়তা নিত্য বর্তমান আছে তাহাকেই ভিত্তি করিয়া অগণিত ব্রহ্মাণ্ড সৃষ্টির অকুণ্ঠিত দিব্য লীলা চলিতেছে। নিষ্ক্রিয়তা ক্রিয়া-লীলতাকে সম্ভব করিয়াছে। সত্ত্বতির (বা becoming-এর) সমস্ত শক্তি ও সম্ভাবনা সেই শাশ্বত নিগুণ সত্তা হইতে আসিতেছে। তিনি স্বয়ং অপরিণামী হইয়াও অনন্ত সৃষ্টির নিরপেক্ষ ভর্তা ও অহুমন্তা।

মানুষও যখন তাহার অন্তরে এক পরম শান্তি এবং নিষ্ক্রিয়তার সাক্ষাৎ পায় অথচ ইহাও বুদ্ধিতে পারে যে ভিতরের সেই নৈঃশব্দ্য হইতে তাহারই দিব্য আনন্দে ও অহুমোদনে তাহার নিজের ও বিশ্বের অকুণ্ঠ ও অফুরন্ত কর্মধারা প্রবাহিত হইতেছে তখনই সে পূর্ণতা লাভ করে। অতএব নৈঃশব্দের প্রকৃতি যে বিশ্ব কর্মের নিরোধ একথা সত্য নহে। যে মন ইতি এবং নেতির দ্বন্দ্বের মধ্যে বাস করিতে অভ্যস্ত, সেই মন যখন ক্ষর জগতের কোটি হইতে অক্ষরের কোটিতে উপনীত হয় তখন সাধারণতঃ সেই ব্যাপক ও উদার চৈতন্তের অহুভূতি পায় না যে চৈতন্ত নিষ্ক্রিয়তা এবং সক্রিয়তা, ক্ষর ও অক্ষর এ উভয় ভাবে যুগপৎ ধারণ করিয়া আছে। তাই সে ভুল করিয়া ক্রিয়ালীলতাকে, জগৎকে মিথ্যা মনে করে। যিনি জগদতীত অশব্দ তিনি জগৎকে, কর্মকে নিরাাকৃত করেন না, পরন্তু ধারণ করিয়া রাখেন; অথবা কর্ম প্রবৃত্তি এবং কর্ম নিবৃত্তি উভয়ই সমভাবে তাহাকে অবলম্বন করিয়া প্রকাশ পায় এবং তাহারই অহুমোদনে মানুষ আত্মাতে স্বাধীন ও স্থির অথচ সর্বকর্মে লিপ্ত থাকিয়াও নিষ্ক্রিয়তা এবং সক্রিয়তার সমন্বয় সাধন করিতে পারে।

আর একটা খট্কা উঠিতে পারে। তৈত্তিরীয় উপনিষদে আছে ‘অসৎ-ইদমগ্রাসীৎ ততো বৈ সদজায়ত’ অসৎ বা (non-being) ছিল সকলের আগে, তথা হইতে সৎ (existence or being) জাত হইয়াছে। তাহা হইলে অসত্তের মধ্যে নিশ্চয়ই সকলকে আবার ফিরিয়া বাইতে হইবে, স্মরণ্য কর্ম ও

জগতের অত্যন্তনিবৃত্তিই শেষ কথা। অনন্ত নিষ্ক্রিয় সংস্কারের মধ্যে ক্রিয়াশীল বহুত্বের প্রকাশ সম্ভাবনা আছে স্বীকার করিলেও এই অসং, যাহা সকল অবস্থার আদিভূত এবং একমাত্র শাস্ত্র সত্য, বিশ্বের সকল সম্ভাবনাকে কি প্রকৃতই নিরাকৃত করিতেছে না? কোন কোন বুদ্ধিদর্শনে আমরা যে শূন্যবাদের দেখা পাই, তাহাই যেন এ যুক্তিতে সমর্থিত হয়। এ মতে অহং এর মত আত্মা ও প্রকাশে বা ক্ষণস্থায়ী চিত্তবৃত্তি প্রবাহে একটা বোধ মাত্র, স্বরূপে সত্য নয়।

কিন্তু আমরা আবার শব্দ বা বাক্য দ্বারা ভুল পথে চালিত হইতেছি। আমাদের সঙ্কীর্ণ চিত্ত, দ্বন্দ্ব ও বিরোধের সংস্কারে জর্জরিত, অতিমানস অভিজ্ঞতার অনুবাদ করিতে গিয়া তাহাতেও সেই দ্বন্দ্বের আরোপ না করিয়া পারে না। অসং একটি শব্দ মাত্র। এ শব্দের মূলে কি আছে তাহা যখন তলাইয়া বুঝিতে চাই তখন বুঝিব বস্তুর প্রকৃত সত্তা সম্বন্ধে আমাদের যে শুদ্ধতম ধারণা ও সূক্ষ্মতম অভিজ্ঞতা আছে তাহাকেও অতিক্রম করিয়া গিয়াছে বলিয়াই ইহাকে অসং আখ্যা দেওয়া হইয়াছে। অসং কেবলমাত্র একান্ত অবাস্তব শূন্যতা নহে। আমরা যাহা জানি বা সচেতন ভাবে আমরা নিজদিগকে যাহা মনে করি সেই অনুভবের ও সেই বিশিষ্ট চেতনার সকল সীমা পার হইয়া যাওয়ার ফলে শূন্যবাদের একটা কল্পনাকে অসং নাম দিয়া খাঁড়া করা হইয়াছে। বাস্তবিক দার্শনিকের শূন্যবাদ গভীরভাবে পরীক্ষা করিলে আমরা বুঝিব যে শূন্য আসলে সর্বেরই নামান্তর। মন শুধু সান্ত্বের ধারণায় অভ্যস্ত, তাই অনির্দেশ্য ও অনির্বিচ্ছিন্ন এই অনন্ত মনের কাছে ফাঁকা বা শূন্য বলিয়া মনে হয় কিন্তু বস্তুতঃ এই অসংই একমাত্র সত্যিকার সং। তাই দেখিতে পাই অল্প একখানি উপনিষদ অসং হইতে সত্যের উৎপত্তি অসম্ভব বলিয়াছে— বলিয়াছে যে, সং শুধু সং হইতেই জন্মিতে পারে। অসং শব্দে একান্ত শূন্যতা না বুঝিয়া যদি বুঝি সত্তা সম্বন্ধে আমাদের সকল ধারণা ও অনুভবের অতীত একটা অনির্দেশ্য তবু তবে সে অসং হইতে সত্যের জন্ম হইয়াছে, একথা আর অসম্ভব থাকে না।

যখন বলি অসং হইতে সত্যের উৎপত্তি তখন কালাতীত তবুকে আমরা কালের ভিতর টানিয়া আনিতে চাই। কারণ শাস্ত্র অসংয়ের মধ্যে কবে

সংস্কৃষ্ট সর্বের জন্ম হইল বা আবার স্বরূপতঃ মিথ্যা এই সর্ব কবে চিরবর্তমান অসতে লয় পাইবে তাহা ত কেহ বলিতে পারে না। সৎ ও অসৎ এ দুয়ের কথা যদি বলিতেই হয় তবে বলিতে হইবে যে তাহার পরস্পর মিলিত হইতে না পারিলেও উভয়ই বুগপৎ বর্তমান আছে অথবা কালের ভাবায় উভয়ই শাশ্বত। এই শাশ্বত সত্তাকে কে কেমন করিয়া বুঝাইবে যে সে নাই শুধু অসৎ আছে? সকল অভিজ্ঞতার একরূপ পরম বিনাশের মধ্যে সকল অভিজ্ঞতার মীমাংসা কি করিয়া মিলিবে?

সমস্ত বিশ্বসত্তার অধিষ্ঠান ও আশ্রয় স্থান স্বরূপ হইয়াও এ সমস্ত হইতে মুক্ত ব্রহ্মের অবিজ্ঞেয় স্বরূপকে শুদ্ধ-সত্তা বলা যাইতে পারে। বিশ্বের সমস্ত সত্তা বা সত্ত্বতির যত প্রকার ইতিবাচক ভাব বা ধারণা চৈতন্তে দৃষ্ট বা জগদতীত অবস্থায়ও আগিতে পারে তাহা হইতেও নিম্নুক্ত তাহার যে পরম স্বাভাব্য আছে তাহাকেই অসৎ আখ্যা দেওয়া হইয়াছে। সত্তার অনন্ত প্রকাশের দ্বারা তাহাকে নিঃশেষ করা যায় না বা কোনপ্রকার প্রকাশের সীমা দ্বারা সীমিত করা যায় না বলিয়াই এই নেতিবাচক অসৎ আখ্যা। কিন্তু তাহা বলিয়া ইতিবাচক সকল বিশ্বসত্তা যে তাহারই সত্য আত্মপ্রকাশ ইহা তাহাতে অস্বীকৃত হয় না। এই ইতিবাদ ও নেতিবাদ পরস্পরকে ধ্বংস করে না, পরস্তু ইহার উভয়ে উভয়ের পরিপূরক, এ উভয় ভাবের বুগপৎ উক্তির দ্বারা প্রবুদ্ধ মানব সচেতন আত্ম সত্তাকে সত্য বলিয়া যেমন জানিতে পারে, তেমনি ইহার অতীত অবিজ্ঞেয় পরমতত্ত্বকেও সেই সত্য বলিয়া একসঙ্গে বুঝিতে পারে। তাহাঁত বুদ্ধ নির্মাণের পরমপদে আকৃষ্ট হইয়াও জগতে অতি প্রবল কৰ্মের আন্দোলন তুলিয়াছিলেন, অন্তশ্চেতনায় নৈব্যক্তিক হইয়াও কৰ্মে ও জীবনে জগতের মধ্যে সর্বোচ্চ শক্তিশালী ব্যক্তিত্বের প্রকাশ তাহাতে সম্ভব হইয়াছিল।

যখন এই সকল কথা গভীরভাবে চিন্তা করি তখন বুঝিতে পারি যে যে সমস্ত কথা আমরা জোর গলায় প্রচার করি তাহার ভিতরে লুকাইয়া থাকে কত ভাবের দৈন্ত, ভাবাকে স্পষ্ট করিতে গিয়া ভাবের অস্পষ্টতাকে আরও বাড়াইয়া তুলি এবং ভ্রান্ত পথে পরিচালিত হই। তখন ইহাও বুঝিতে পারি যে আমরা ব্যক্তিগত অভিজ্ঞতার সঙ্গীর্ণতার জন্ম আমরা ব্রহ্মের উপরও সীমার আরোপ করিতে কুণ্ঠিত হই না। আমাদের এই দন অজ্ঞেয়



ত্বের একটা বিভাবের উপর কেন্দ্রীভূত হইয়া তাহাকেই একমাত্র সত্য বলিতে এবং অন্য সব বিভাবকে অবজ্ঞা বা অস্বীকার করিতে দ্বিধাবোধ করে না। আমরা তখন অহংকার বশে নিজের সর্কারী অভিজ্ঞতা এবং তজ্জাত মতবাদ অপরের তজ্জপ সর্কারী অভিজ্ঞতা ও মতবাদের বিরুদ্ধে খাঁড়া করিয়া তর্কবুদ্ধে লাগিয়া যাই। ইহার চেয়ে অনেক ভাল হয়, যদি সহিষ্ণু হইয়া শিক্ষার্থীর বিনয় লইয়া নিজের পরিণতির দিকে দৃষ্টি রাখি এবং অভিজ্ঞতা ও জ্ঞানের ভাণ্ডার বাড়াইতে চেষ্টা করি। নিজেদের পূর্ণতা সাধনের জন্য যিনি ভাষাভীত তাহার কথা যখন আমাদের কাছে ভাষার মধ্যে বলিতেই হইবে তখন তৎসম্বন্ধে এমন বাঁকা আমাদের খুঁজিয়া বাহির করিতে হইবে যাহা হইবে সর্বাপেক্ষা বৃহৎ, স্বচ্ছন্দ ও উদার এবং যাহা বৃহত্তম ও পূর্ণতম স্মৃতি স্থাপন করিতে সক্ষম।

সুতরাং আমরা স্বীকার করি যে ব্যক্তিগত চেতনা এমন এক অবস্থায় পৌছিতে পারে যেখানে ব্যবহারিক সমস্ত সত্তা এক অব্যক্তে লয় যাইয়া যায়, এমন কি আত্মজ্ঞানের ধারণাও সেখানে অপ্রচুর হইয়া পড়ে। নৈশব্যয়ের পরপারে অবস্থিত গভীরতর নৈশব্যয়ের মধ্যেও প্রবেশ করা তাহার পক্ষে সম্ভব। কিন্তু ইহাই একমাত্র সত্য নয় অথবা এ অভিজ্ঞতাই আমাদের পূর্ণ ও চরম অভিজ্ঞতা নয়। কারণ আমরা দেখিতে পাই এই নির্বাণ, এই আত্মবিলয় আমাদের অন্তরে পরাশাস্তি এবং পরমস্বাতন্ত্র্য দিলেও তৎসঙ্গে বাহিরে এবং ব্যবহারিক ক্ষেত্রে কামনাবর্জিত অথচ কার্যসাধক কর্ম-প্রবাহ সতত বর্তমান থাকিতে পারে। বুদ্ধের শিক্ষার মূলকথা বোধ হয় এই ছিল, ভিতরে নৈব্যক্তিকতা এবং প্রশান্ত রিক্ততাকে রক্ষা করিয়া, অহমিকার উপরে উঠিয়া ব্যক্তিগত কর্মশৃঙ্খল এবং ক্রমভঙ্গুর নামরূপের অভিনিবেশ হইতে মুক্ত হইয়া সত্য, মৈত্রী ও সত্যতার শাস্ত্র সত্য কার্যে নিযুক্ত থাকা; স্থূল দেহধারণের দুঃখ ও যন্ত্রণা হইতে পলায়ন করিবার ক্ষুদ্র আদর্শ তাহার নহে। যে যাহাই হউক না কেন, পূর্ণ সিদ্ধপুরুষের মধ্যে যেমন নৈশব্যয় এবং কর্মধারার পরম মিলন দেখা দিবে তেমনি পূর্ণরূপে সচেতন জীবাত্মা একদিকে যেমন অসত্যের পরমস্বাধীনতা প্রাপ্ত হইবে তজ্জপ অন্যদিকে বিশ্ব-সমুত্তির সঙ্গে সম্বন্ধচ্যুত হইবে না।

এমনি ভাবে বিশ্বচৈতন্যের মধ্যে জড় ও চিত্তের সমন্বয় সাধন করিয়া অবশেষে বিশ্বাতীত চেতনায় সকল ইতি ও নেতিয় শেষ সমন্বয় আমরা

দেখিতে পাইব। অজ্ঞের তত্ত্বের হিতি ও ত্রিয়ার অর্থহা আমরা ইতিবাদের মধ্যে দেখিতে পাই এবং এই সমস্ত হিতি ও ত্রিয়ার মধ্যে সর্বদা অইহাই থাকিবার তাহা হইতে সে তত্ত্ব সর্বদা নিমুক্ত, ইহাই নেতিবাদের মধ্যে আমরা আবিষ্কার করি। অবিজ্ঞের এমন একটা পরমাস্বা ও অনির্বচনীয় কিছু বাহা আমাদের চৈতন্তে সর্বদাই রূপায়িত হইয়া উঠিতেছে অথচ সর্বদা তাহা সে রূপায়নকে অতিক্রম করিয়া বর্তমান আছে। আমাদের এক মিথ্যা হইতে অস্ত্র মিথ্যাতে লইয়া গিয়া অবশেষে সব যেখানে লয় পায় এমন এক মায়াময় চাকুরী ইহাকে নিশ্চয়ই বলা চলে না, পরন্তু আমাদের সকল জ্ঞানের অতীত এক পরম জ্ঞানময় সত্তা আমাদের এক সত্য হইতে তদপেক্ষা বৃহত্তর ও গভীরতর সত্যের দিকে পরিচালিত করিতেছেন ইহাই সত্য কথা। ব্রহ্ম সর্বব্যাপী বা সর্বগত সত্য, দূরপন্থের ভ্রমের সর্বগত নিমিত্ত তিনি নহেন।

যদি এইভাবে এক পরম ইতিবাদকে সকল স্বপ্নের পরম সমন্বয় ক্ষেত্ররূপে গ্রহণ করি—বস্তুতঃ ইহা ছাড়া সমন্বয়ের অন্য কোন দৃঢ় ভিত্তি নাই—তবে সেই অবিজ্ঞের তত্ত্বের প্রত্যেক প্রকাশ বা বিভাব আমাদের স্বীকার করিতে হইবে এবং অন্যান্য প্রকাশ বা বিভাবকে নিরাকৃত বা অযথোচিতভাবে খর্ব না করিয়া পরম্পরের সহিত কি সম্বন্ধ আছে তাহা বুঝিতে চেষ্টা করিতে হইবে। সত্য এবং মিথ্যা, আত্মা এবং অনাত্মা, সত্য আত্মা এবং মিথ্যা অথচ সত্তা বর্তমান মায়ী, এইরূপ দুই পরম্পর বিরোধী ভাবে ব্রহ্মকে ভাগ না করিয়া ‘সর্বং ধ্বনিং ব্রহ্ম’ এই দর্শনই খাটি অষ্টৈতদর্শন। একমাত্র ব্রহ্মই আছেন ইহা যদি সত্য হয় তবে যেখানে যাহা কিছু আছে তাহাও ব্রহ্ম ইহাও সত্য। এই ব্রহ্ম দেখর বা আত্মা যদি অসহায় না হন, যদি তাহার শক্তি অসীম হয়, যদি তিনি স্বয়ংপ্রজ্ঞ এবং সর্বময় হন তবে প্রকাশের বা জগৎ সৃষ্টির মূলে একটা সত্য কারণ বা গূঢ় উদ্দেশ্য নিশ্চয়ই আছে। সেই গূঢ় উদ্দেশ্য আবিষ্কার করিতে গেলে আমাদের একটা শক্তি, একটা জ্ঞান, সত্তার একটা সত্য বিস্তারিত আছে ইহা স্বীকার করিয়া লইয়াই অগ্রসর হইতে হইবে। বৈষম্য ও আপাত-প্রতীয়মান অনর্থ প্রাকৃত জগতের মধ্যে রহিয়াছে তাহা স্বীকার করিতে হইবে কিন্তু মানুষকে তাহাদের কাছে পরাজয় স্বীকার করিলে চলিবে না। মানুষের অন্তরের গভীরতম সহজবুদ্ধি যে মানুষকে মিথ্যার চলনা অগ্রসরণ করিতে

বলে নাই পরন্তু সর্বজগৎ এক নিগূঢ়-কল্যাণশক্তিকে খুঁজিভেঁই নিরন্তর আছে; ইহাতে তাহার জ্ঞানেরই পরিচয় আছে।

দৃশ্যমান জগতের অজ্ঞান, দুঃখ ও অনর্থের ভীত ও পরাভূত হইয়া আমাদের প্রাকৃত খণ্ড চেতনা ব্রহ্মকে এ সমস্তের দায় হইতে মুক্তি না দিলে চলে না মনে করিয়া এ সমস্তের ব্যাখ্যা করিতে গিয়া মায়া, মার, সমতান প্রভৃতি ব্রহ্মের বিরোধী কোন স্বয়ংজাত অশুভশক্তি আছে ইহা মনে করে। কিন্তু আমরা ত বলিতে পারি না যে সেই অদ্বিতীয় সত্তা তাহার বাহিরের কিছু দ্বারা বাধ্য হইয়া কোন কিছু করেন, কারণ তদতিরিক্ত কিছু যে নাই। একথাও বলা চলে না যে ব্রহ্মের সত্তার এক দেশে একটা বিরুদ্ধ ভাব আছে বাহা তাহার সমস্ত সত্তার বিরুদ্ধে কাজ করিতে পারে, কারণ তাহাতেও প্রকারান্তরে সেই সর্বময়ের বাহিরে একটা কিছুই অস্তিত্ব স্বীকার করিতে হয়; এমনকি একথাও বলিতে পারি না বাহা কিছু ঘটতেছে ব্রহ্ম তাহার উদাসীন এবং নিরপেক্ষ দ্রষ্টা মাত্র, কারণ জগৎ সৃষ্টি বা প্রকাশের মূলে যে সংকল্প বা ইচ্ছা রহিয়াছে তাহা ত তদতিরিক্ত আর কাহারও হইতে পারে না। প্রকৃত সত্য এই যে ব্রহ্ম এক এবং অদ্বিতীয়, তিনি ছাড়া আর কিছু নাই। বহু তাহারই প্রতীক, মূর্তি বা বিভূতি।

স্বতরাং স্বীকার করিতে হইবে যে জগৎ যদি স্বপ্ন বা মিথ্যা বোধ মাত্র হয়, তবু তাহা অথও এক আত্মস্বরূপের ইচ্ছা হইতে জাত হইয়াছে এবং তাহা তিনিই নিত্য ধারণ করিয়া রহিয়াছেন। আমাদেরকে ইহাও মনে রাখিতে হইবে যে এ বোধ যে উপাদানে গঠিত তাহা মূলতঃ সত্য স্বরূপ হইতে আসিয়াছে, কারণ জগতের আধার অধিষ্ঠান ও উপাদান সমস্তই ব্রহ্ম। যে স্বপ্ন দিয়া পাত্র গঠিত হয়, সে স্বপ্ন যদি সত্য হয় তবে পাত্র মিথ্যা বা মরীচিকা হইবে কি করিয়া? প্রকৃতপক্ষে জগৎ স্বপ্ন, মিথ্যা এসব শুধু কথার চাতুর্য্য অথবা প্রাকৃত চেতনার সংস্কার। এ সমস্ত কথার মধ্যে কিছু সত্য আছে, সে সত্যের মূল্যও কম নয় কিন্তু তবুও তাহারা সত্যকে বিকৃত করিয়াছে ইহাও ঠিক।

সর্বব্যাপী ও সর্বগত এক পরম সত্যের ধারণা লইয়া আমাদের সাধনা আরম্ভ করিতে হয়। এই পরম সত্যের এক কোটিতে সর্বাঙ্গীত অসং, অন্ত কোটিতে বিশ্বজগৎ, কিন্তু এ উভয় কোটি পরস্পর বিরোধী নয়, উভয়ই সেই পরমতত্ত্বের দুইটা বিভাব। বিধে অথবা প্রকাশে, এই তত্ত্বের সর্বোত্তম

অহুতবে আমাদের নিকট বিনি প্রকাশিত হন, তিনি সৎ চিং ও আনন্দ স্বরূপ। আবার বিশ্ব বা প্রকাশের অতীত অবস্থায় তাহারই এক অবিচ্ছিন্ন সৎ বা এক অনির্বচনীয় চরম ও পরম আনন্দ স্বরূপের অহুতবও মাহুতবের মধ্যে জাগিতে পারে। আমরা যদি ইন্দ্রিয় বোধজাত একদেশদর্শী বৃত্তির অধীন না হইয়া প্রকৃত বুদ্ধি ও অহুতবের সাহায্যে দেখিতে চেষ্টা করি তবে সকল দ্বৈতলীনার ধ্বংসও তাহারই লোকোত্তর মহিমা দেখিতে পাইব। অবশ্য যতদিন আমরা দ্বৈতবুদ্ধিকে অতিক্রম করিতে না পারিতেছি ততদিন প্রজ্ঞা ও বিশ্বাসের দ্বারা এ ধারণা আমাদের কাছে বজায় রাখিতে হইবে। কিন্তু বুদ্ধির উচ্চতম দীপ্তি বা বিচারের গভীর প্রসারতা এ বিশ্বাসকে অস্বীকার না করিয়া বরং সমর্থনই করিবে। মাহুতবের উত্তরায়ণের যাত্রাপথের পাথেররূপে তাহাকে এই বিশ্বাস দেওয়া হইয়াছে। তাহার আধ্যাত্মিক পরিণামে এমন একদিন আসিবে যখন এই বিশ্বাস জ্ঞানে এবং পূর্ণ অভিজ্ঞতায় পরিবর্তিত হইয়া যাইবে।

## পঞ্চম অধ্যায়

### জীবের নিয়তি

তাহারা অবিজ্ঞা দ্বারা মৃত্যুকে অতিক্রম করিয়া বিজ্ঞতার দ্বারা  
অমৃত ভোগ করেন।.....তাহারা বিনাশের দ্বারা মৃত্যুকে অতিক্রম  
করিয়া সজ্জতি দ্বারা অমৃত ভোগ করেন।

ঈশোপনিষদ ( ১১, ১৪ )

এক সর্বব্যাপী সর্বগত পরম সৎই সর্বজীবের এবং সর্বসত্তার মূল সত্তা।  
ব্যবহারিক মূল জগৎ হইতে আরম্ভ করিয়া অনির্বচনীয় পরম রহস্যের সীমানা  
পর্যন্ত সবিশেষ বা নিবিশেষ, সাকার বা নিরাকার, সচেতন বা অচেতন প্রভৃতি  
যত প্রকার দ্বন্দ্ব, বিরোধ বা বহুত্ব আছে সে সমস্তই সেই পরম তত্ত্বের প্রকাশ ও  
অভিব্যক্তি, অথচ সমস্ত দ্বন্দ্ব ও বিরোধের মধ্যেও সে তত্ত্ব এক এবং অখণ্ড,  
বহুত্বের সমাহার বা সমষ্টি নহে। বহু বৈচিত্র্য সেই অবিভাজ্য সত্তা হইতে  
উদ্ভূত হইয়াছে, তাহাকে অবলম্বন করিয়া বর্তমান আছে এবং তাহাতে লয়  
পাইবে। ব্রহ্মই সকল প্রকাশ ও ভাবের আদি ও অন্ত, একমাত্র ব্রহ্ম ভিন্ন  
দ্বিতীয় কিছু নাই, তিনি “একমেবাদ্বিতীয়ং।”

কিন্তু ব্রহ্মের এই পরম একত্ব স্বরূপতঃ অনির্বচনীয়। মন দিয়া যখন তাহাকে  
বুঝিতে চাই, তখন একের পর আর একটা করিয়া অন্তহীন ধারণা ও অনুভবের  
মধ্য দিয়া আমাদের অগ্রসর হইতে হয় বটে, কিন্তু তারপর অবশেষে আমাদের  
বৃহত্তম ধারণা এবং সর্বগ্রাহী অনুভবেও তাহাকে ধরা যায় না একথা আমরা  
জ্ঞানিতে বাধ্য হই। তখন ভারতীয় ঋষিরা ‘নেতি’ ‘নেতি’ ইহা-নয় ইহা নয়,  
এই স্বরে যেভাবে সে তত্ত্বের কথা বলিয়াছেন আমাদের প্রত্যয়কে ব্যক্ত  
করিতে তাহাই ব্যবহার করিতে হয়।

আমরা বাহ্যকে আমি বলি অথবা আমাদের বুদ্ধি ও ইন্দ্রিয় আমাদের  
নিকট যাহা কিছু উপস্থিত করে তাহার সমস্তই স্বরূপতঃ সেই পরমতত্ত্ব ভিন্ন

কিন্তু না হইলেও সে তব আমাদের মনের কাছে স্বরূপতঃ অবিলম্বে।  
বহু সত্তা, বহু চেতনা, বহু শক্তির মধ্য দিয়া সেই জন্মের প্রকাশ হইতেছে, বহু  
শেষ পর্য্যন্ত এই কথা শুধু বলিতে পারে। অবিলম্বেকে জানিবার পক্ষে  
সত্তা চৈতন্য বা শক্তিই সেই প্রকাশিত ভাব, রূপ বা জিয়ার মধ্য দিয়া মন-  
ধর্মী মানুষকে অগ্রসর হইতে হয় ইহাও সত্য। কিন্তু এক্ষেপে পৌছিবাব বা  
অনন্তকে আমাদের আলোকনের মধ্যে ধরবার অতিক্রান্তার যদি তাহার সত্তা,  
শুণ, শক্তি বা চৈতন্য সম্বন্ধে বৃহত্তম ও মহত্তম যে ধারণা আমাদের মন করিয়া  
উঠিতে পারে, তাহাতে পৌছিয়া, তাহাকেই সেই পরমত্ত্ব বলিয়া নির্দেশ  
করিতে চাই এবং সে ধারণার বাহিরে বাহা আছে তাহাকে বাদ দিয়া ফেলি,  
তবে আমাদের পক্ষে অবিলম্বেয়ের পরম মহত্ত্বকে ধর্ম করা হইবে। তাহাতে  
আমরা যে বোধে পৌছিব তাহা সে পরম একজন্মের অঞ্চল বোধ নয়। তাহাতে  
অঞ্চল তত্ত্বকে খণ্ড করিয়া দেখিবার পাশে পাশী হইব।

প্রাচীন বৈদান্তিক ঋষিদের মনে এই ধারণা এত গভীর ছিল যে তাঁহারা  
সচ্চিদানন্দের অল্পভূতিকে আমাদের চৈতন্যের নিকট পরমসত্যের চরম প্রকাশ  
বলিয়া মনে করিয়াও সেখানে থামিয়া যান নাই। ইহারও অতীত এক  
অন্তিমের অল্পভব পাইয়াছিলেন যাহাকে তাহারা ‘অসং’ আখ্যা দিয়াছিলেন—  
কেননা সং চিং বা আনন্দ বলিতে আমাদের উচ্চতম ও বিপুলতম যে  
ধারণা হইতে পারে ইহা তাহারও উপরে অবস্থিত। বৌদ্ধেরা শাস্ত্র মানে না  
বলিয়া এদেশের পণ্ডিতেরা কতকটা অর্থোক্তিক ভাবে তাহাদিগের মত  
অবৈদিক বলিয়াছেন কিন্তু তাহাদের শূন্যবাদ মূলতঃ উপনিষদের অসংবাদ হইতে  
ভিন্ন নহে। কেবলমাত্র উপনিষদের সমন্বয়মূলক শিক্ষার আমরা পাই যে  
সং এবং অসং পরস্পরকে অস্বীকার বা বিনষ্ট করে না কিন্তু তাহাদের  
আপাতবিরোধের মধ্য দিয়াই যিনি পরমঅজ্ঞেয় তাহার দিকে দৃষ্টি দিতে হয়।  
উপনিষদই শিক্ষা দিয়াছে একত্বকেও বহুত্বকে মানিয়া চলিতে হয়, কারণ বহুও  
যে স্বরূপতঃ ব্রহ্ম। বিত্তা বা একজন্মের জ্ঞান দিয়া আমরা ভগবানকে জানিতে  
পারি, বিত্তাকে বাদ দিলে অবিত্তা বা বহুজন্মের জ্ঞান ‘অজ্ঞঃ তমঃ’ বা অজ্ঞকারের  
স্বাত্মিকে শুধু প্রকাশ করে অঞ্চ বহুজন্মের জ্ঞানকে একেবারে অস্বীকার করিয়া  
বহু নাই বলিয়া যদি শুধু একত্বকে লইয়া থাকিতে চাই তবে আমরা

‘ভূমি ইব তমঃ’ যেন আরও গভীর অন্ধকারে প্রবেশ করি, সে জ্ঞান প্রকাশ আমাদের অপূর্ণতারই কারণ হয়। বিচার আলোকে অবিচার ক্ষেত্রে উদ্ভাসিত করিয়া না দেখিয়া তখন যেন বিচার আলোকে আমাদের চক্ষু বলসিয়া গিয়াছে ইহাই মনে হয়।

আমাদের প্রাচীনতম ঋষিগণ যে শিক্ষা দিয়াছেন তাহাতে জ্ঞানের এইরূপ নির্মল ও স্থির দৃষ্টি দেখিতে পাই। সত্যকে আবিষ্কার করিবার ও জানিবার ধৈর্য্য ও বীৰ্য্য এ উভয়ই তাহাদের ছিল। মানুষের জ্ঞানের সীমাকে তাহারা নত হইয়াই স্বীকার করিয়াছেন। ইহার পরের যুগে হৃদয় ও মনের একটা অধীরতা আসিয়া পড়িল। তখন চরম আনন্দের এবং শুদ্ধ সংবিতের ছুনিবার আকর্ষণে আকৃষ্ট বুদ্ধি উপর হইতে মুক্তির বাতাস পাইল কিন্তু নিরস্থিত অতলের মধ্যে যে পরমরহস্য নিহিত আছে তাহার খোঁজ করিল না। তাই সে বহুত্বকে অস্বীকার করিয়া একত্বকে প্রতিষ্ঠিত করিতে চাহিল। কিন্তু প্রাচীন জ্ঞানের স্থির দৃষ্টি জানিত যে ভগবানকে খাঁটিভাবে জানিতে গেলে তাঁহাকে সর্বত্র সমানভাবে দেখিতে হইবে। স্বন্দের লীলাকে বুঝিতে হইবে, তাহার প্রকৃত মূল্যও দিতে হইবে কিন্তু তাহার দ্বারা অভিভূত না হইয়া স্বন্দের উভয় কোটির মধ্য দিয়া তিনিই প্রকাশ পাইতেছেন, ইহা দেখিতে হইবে। আমাদের এক-দেশদর্শী বিচারবুদ্ধি বলে যে যেহেতু একই সত্য, বহু অবস্থা মিথ্যা হইবে, যেহেতু নির্বিশেষ তত্ত্বই সৎ বা সত্য স্তবরাং সবিশেষ অসত্য বা অলীক। এইরূপ বিচার বুদ্ধিকে আমাদের দূরে সরাইয়া রাখিয়া সত্যকে দেখিতে হইবে। আমরা বহুর মধ্যে এককে খুঁজিতেছি ইহা সত্য কিন্তু সেই একত্বে পৌছিয়া বহুত্বকে অস্বীকার করিব তাহা নহে, পরন্তু তাহারই আলোকিত লইয়া আসিয়া বহুত্বের মধ্য দিয়া যে একেরই প্রকাশ হইতেছে ইহারই পূর্ণাঙ্গভূতি লাভ করিবার জন্ত।

মন যখন এক বিশেষ ভূমিতে একটা শক্তিশালী প্রসারতা লাভ করে তখন অনেক সময় একটা একদেশদর্শী দৃষ্টিভঙ্গীকে অতিমাত্রায় প্রাধান্য দেয়। এবিষয়ে আমাদের বিশেষ সতর্ক হইতে হইবে। যে মন শুধু ইন্দ্রিয় বোধের সাক্ষ্য গ্রহণ করিতে এবং সত্য ও সত্তাকে জড় আকারের সহিত সদা যুক্ত মনে করিতে অভ্যস্ত, অস্ত্র কোন উপায়ে যে জ্ঞানলাভ হইতে পারে এ অভিজ্ঞতা

বাহার নাই অথবা জড়াতীত কোন সত্য পরার্থের অস্তিত্ব যে মন কল্পনা করিতে পারে না, সেই জড়ভাবাপন্ন মন বলে ভগবান বা জগদ্বাসী কোন কিছু নাই। পক্ষান্তরে যে মন অপার্থিব সত্য বা সত্তার প্রবল অনুভবে ডুবিয়া যায়, আধ্যাত্মিক ভাবাপন্ন সে মন, ইন্দ্রিয় বাহার খবর দেয় সেই জড় জগৎ মিথ্যা এইরূপ মনে করিয়া বসে। ইহাদের কোনটাই আমরা পূর্ণ সত্য বলিয়া গ্রহণ করিতে পারি না বটে কিন্তু এই উভয় মত যে ধারণাকে বিকৃত করিয়া দেখায় তাহার মধ্যে যে সত্য আছে তাহা আমাদের কাছে দেখিতে হইবে। ইহা সত্য যে এই জড়রূপের জগতে আমরা আত্মোপলব্ধির জন্য প্রতিষ্ঠিত হইয়াছি, এখানে বাহ্য আমাদের প্রাকৃত বা জড় চেতনাকে অধিকার ও উচ্চতর ভূমির সহিত সামঞ্জস্য রক্ষা করিয়া নিয়তম ক্ষেত্রে আত্মপ্রকাশ না করে তাহা আমাদের কাছে পূর্ণরূপে সত্য হইয়া উঠে না। আবার রূপ বা জড়ের অন্তর্নিরূপক স্বতন্ত্রসত্তা যে আছে ইহা অজ্ঞানতা জাত মিথ্যা জ্ঞান মাত্র, জড়াতীত ও বিদেহ সত্যের উপাদান হওয়া বা তাহাদের রূপায়িত করিয়া তোলাই জড়ের সত্য পরিচয়। তাহার প্রকৃত স্বরূপে সে ভাগবৎ চৈতন্যের লীলার জন্য তাহা হইতে জাত এবং আত্মার এক বিশিষ্ট ভাবে আত্মপ্রকাশের জন্যই তাহার প্রয়োজন।

ব্রহ্ম যে আপন সত্তাকে রূপায়িত করিয়া জড়ে পরিণত ও তাহাতে অনুপ্রবিষ্ট হইয়াছেন তাহার একমাত্র কারণ এই হইতে পারে যে তিনি সবিশেষের মধ্যে রূপের ক্ষেত্রে আত্মবিস্তৃতি ও প্রকাশের আনন্দ-সন্তোষ করিতে চান। তিনি প্রাণের বিচিত্র লীলায় নিজেকেই ফুটাইয়া তুলিতেছেন। প্রাণ ব্রহ্মের মধ্যে রহিয়াছে তাহার নিজের মধ্যে ব্রহ্মকে আবিষ্কার করিতে বলিয়া। মানুষের একটা বড় বৈশিষ্ট্য এই যে সে তাহার চৈতন্য এমনভাবে পরিশুদ্ধ করিয়া তুলিতে পারে, যাহাতে তাহা রূপান্তর প্রাপ্ত হইয়া তাহার পরিপূর্ণ আত্মোপলব্ধি সম্ভব করিতে পারে। জীবনে ভগবানকে ফুটাইয়া তোলাই মানুষের ষাট মহত্ব। পান্থজীবন ও সাধনা লইয়া তাহার বাত্রারম্ভ, কিন্তু দিব্য ভাগবত জীবন লাভই তাহার শেষ গন্তব্য স্থান।

মন ও প্রাণের ক্ষেত্রের বিধান এই যে আমরা ক্রমশঃ আত্মোপলব্ধির পথে অগ্রসর হইব। ব্রহ্মের মধ্যে একই কালে বহু বিচিত্র চেতনা যুগপৎ বর্তমান আছে বটে কিন্তু প্রকাশের জগতে তিনি তাহা পর পর ফুটাইয়া তোলেন।



তাই প্রাণের কাছে তাহার সত্তার নিত্য নূতন ভাবের প্রকাশ হয়। কিন্তু এক অবস্থা হইতে অবস্থান্তর প্রাপ্তির সময় যদি পূর্বের অবস্থা ত্যাগ করিয়া চলি যদি মনোময় জীবনে পৌঁছিয়া যে অন্নময় জীবন আমাদের ভিত্তি তাহাকে প্রত্যাখ্যান বা ত্যাগ করিয়া বসি অথবা আধ্যাত্মিক জীবনের আকর্ষণে যদি প্রাণময় ও মনোময় জীবনকে বিসর্জন দিয়া ফেলি তবে আমাদের মধ্যে ভগবানকে পূর্ণরূপে ফুটাইয়া তোলা হয় না। এভাবে আমরা পূর্ণতা পাই না, আমাদের অপূর্ণতাকে এক ক্ষেত্র হইতে ক্ষেত্রান্তরে লইয়া চলি মাত্র। আমাদের ভিত্তিভূমিকে ভুলিয়া যত উচ্চে আরোহণই করি না কেন, এমনকি অসং বলিয়া পরমসত্তার যে উচ্চতম অবস্থার কথা বলা হইয়াছে সেখানেও যদি পৌঁছি তাহাতেও আমাদের জীবনের পরিপূর্ণ সার্থকতা হইতে পারে না। নিম্নতর ক্ষেত্রকে ত্যাগ করা নহে পরন্তু যে উচ্চতর ক্ষেত্রে সে পৌঁছিয়াছে তাহার আলোকে তাহাকে আলোকিত ও রূপান্তরিত করা দিব্য প্রকৃতির স্বার্থ। পূর্ণ-ব্রহ্ম অথও, তাহার মধ্যে বহু বিচিত্র চেতনা যুগপৎ বর্তমান আছে এক পরম সমন্বয়ে বিধৃত হইয়া, আমাদের মধ্যে ব্রাহ্মীচেতনা বা তাহার দিব্য প্রকৃতি প্রকট করিতে হইলে আমাদের চেতনাতেও সেইরূপ সর্বক্ষেত্রে বজায় রাখিয়া এক অথও চেতনায় তাহাদিগকে সুসঙ্গত করিয়া মিলাইতে হইবে।

চেতনার তিনটি রূপ আছে, জীব বা ব্যক্তি চেতনা, বিশ্বচেতনা এবং বিশ্বাতীত চেতনা; প্রাণে এই তিন চেতনা মিলিত হইয়া পরম্পরের সহিত সম্বন্ধযুক্ত হইয়া বর্তমান আছে। সাধারণতঃ জীব মনে করে যদিও সে বিশ্বের অন্তর্গত তবুও তাহার নিজ সত্তাতে সে পৃথক, আরও মনে করে যে তাহার নিজস্ব এবং বিশ্বসত্তা বিশ্বাতীতসত্তার অধীন। এই বিশ্বাতীতসত্তাকে আমরা সাধারণতঃ ঈশ্বর নামে অভিহিত করি। আমরা যতটা ভাবি যে তিনি বিশ্বকে ছাপাইয়া আছেন তাহার চেয়ে বেশী করিয়া মনে করি যে তিনি বিশ্বের সম্পূর্ণ বাহিরে অবস্থিত। এই বোধে আমরা ব্যক্তি ও বিশ্বকে তুচ্ছ এবং নিকৃষ্ট জ্ঞান করি বলিয়া জীব ও বিশ্বের পরম নিবৃত্তি সাধন করিয়া বিশ্বাতীত চেতনাতে পৌঁছানই বৃত্তিমুক্ত চরমসিদ্ধি মনে করি। আমাদের পূর্ণ দৃষ্টিতে এ তিন চেতনাকে এক বলিয়া বুঝিতে পারিলে একরূপ সিদ্ধান্তের প্রয়োজন বা অর্থ থাকে না। যেমন আমাদের মনোময় অথবা আধ্যাত্মিক জীবন ফুটাইয়া তুলিতে গিয়া

আমাদিগকে দৈহিক জীবনকে ছাড়িতে হয় না তজ্জপ ব্যক্তিগত জীবন ও কর্মধারা বজায় রাখিয়াও আমরা বিশ্বচেতনা অথবা বিশ্বাতীত চেতনার অনুভব করিতে এবং তাহাতে অবস্থিত হইতে পারি। কারণ বিশ্বাতীত সেই চেতনার মধ্যেই বিশ্ব রহিয়াছে, বিশ্বের সহিত সে চৈতন্য একীভূত, বিশ্ব তাহার সত্তার বাহিরের কোন কিছু নয়; তজ্জপ বিশ্বের মধ্যেই ব্যক্তি রহিয়াছে, বিশ্বের সহিত সে একীভূত সে বিশ্বসত্তার বাহিরের কোন কিছু নয়। জীব সমগ্র বিশ্বচেতনার একটা কেন্দ্র, আর অনির্দেশ্য এবং অরূপ বিশ্বাতীত সত্তারই এক বিশেষ রূপ হইল বিশ্ব।

ইহাই জীব জগৎ ও ব্রহ্মের সত্য সম্বন্ধ। অবিজ্ঞা এবং ভ্রমজ্ঞানের আবরণে আমরা আবৃত আছি বলিয়া এ সত্যের বোধ আমাদের মধ্যে জাগে নাই। আমরা যখন সত্যচেতন জাগরিত হই তখনও দেখিতে পাই যে এই নিত্য সম্বন্ধের কোন পরিবর্তন হয় না, কেবল আমাদের ব্যক্তিচেতনার অন্তর ও বাহিরের দৃষ্টিভঙ্গী গভীররূপে রূপান্তর প্রাপ্ত হয় এবং তাহাতে তাহার কর্মের ধারা এবং তাহার পরিণামও এক নূতন আকার ধারণ করে। বিশ্বের মধ্যে বিশ্বাতীত সত্তার কর্মের জন্ত ব্যক্তিচেতনার প্রয়োজন আছে, ব্যক্তিচেতনাতে পরম জ্ঞানের আলোক আসিয়া পড়িলেও তাহার কর্মের নিরুত্তি হওয়া প্রয়োজন হয় না। পক্ষান্তরে ব্যক্তিচেতনায় বিশ্বাতীত সত্তার সচেতন প্রকাশ হইতে সমষ্টি বা বিশ্বচেতনা আত্মসচেতন হইয়া উঠে; সেই জন্ত জগতে প্রবুদ্ধ ও লক্ষ-জ্ঞান ব্যক্তিচেতনার অবস্থিতি ও কর্মধারা বিশ্বলীলার জন্তই একান্ত প্রয়োজন। তাই পরম জ্ঞান লাভ হইলে জীবের অত্যন্তবিলয়ই যদি বিধান হয় তবে এ বিশ্ব চির অন্ধকার, মরণ ও জালাঘস্তনার আবাসভূমিই থাকিয়া যাইবে অনন্তকাল পর্য্যন্ত, ইহাই হয় বিশ্বের নিয়তি। এমন জগৎ হয় জীবের পক্ষে একটা নিষ্ঠুর পরীক্ষার স্থান, না হয় সমস্ত বিশ্ব, সমস্ত প্রকাশ ভ্রম মাত্র।

বৈরাগ্যবাদী জগৎকে ভ্রম বলিয়াই দেখে। কিন্তু জগৎ যদি মিথ্যাই হয় তবে ব্যক্তিগত মুক্তির কোন বাস্তবিক অর্থ থাকে না। অদ্বৈতবাদীর মতে জীব এবং ব্রহ্ম এক। ভেদ জ্ঞান যে আছে তাহা অবিজ্ঞা জনিত, ভেদ জ্ঞান হইতে মুক্ত হইয়া ব্রহ্মের সহিত এক হইয়া যাওয়া তাহার মুক্তি। এইখানে প্রশ্ন উঠে, এই মুক্তিতে ইষ্টসিদ্ধি হইল কাহার? ব্রহ্মের নয়, কারণ তিনি ত

নিত্য মুক্ত, শান্ত, নিরব ও নির্বিকার এবং তাঁহার এ স্বরূপ হইতে কখনও ত তিনি চ্যুত হন না। জগতেরও নয়, কারণ এই সার্বভৌম মিথ্যা হইতে একজন জীবের মুক্তিতে ত তাহার মুক্তি হয় না, তাহার বন্ধন পূর্বের জ্ঞানই অটুট থাকে। একমাত্র জীবই দুঃখ জালা এবং ভেদ বুদ্ধি হইতে মুক্তি পাইয়া আনন্দ ও শান্তির মধ্যে প্রবেশ করে। তাহা হইলে একথা মানিতে হয় যে, অন্ততঃ জ্ঞানলাভ ও মুক্তির ক্ষেত্রে ব্যষ্টিজীবের একটা বাস্তব সত্তা কিছু আছে। কিন্তু মায়াবাদীর মতে ব্যষ্টিজীবও অসৎ ও মিথ্যা, মায়ার অনির্বচনীয় রহস্যের মধ্যে মিথ্যা জ্ঞানরূপে থাকা ছাড়া তাহার বাস্তব কোন অস্তিত্ব নাই। তাহা হইলে শেষ পর্য্যন্ত কথাটা এই দাঁড়ায় যে বাহার অস্তিত্ব নাই এমন এক মিথ্যা জগতের, বাহার অস্তিত্ব নাই এমন এক মিথ্যার বন্ধন হইতে, বাহার অস্তিত্ব নাই এমন এক মিথ্যা জীবের মুক্তিরূপ পরম পুরুষার্থের পথে, বাহার অস্তিত্ব নাই এমন এক মিথ্যা জীব অগ্রসর হইতেছে। কেননা যেখানে সমস্তই অসৎ অথবা একটা মিথ্যা বোধ মাত্র সেখানে “বন্ধ বা মুক্ত বলিয়া যেমন কেহ নাই, তেমনি মুমুকু বলিয়াও কেহ নাই”—এই হইল জ্ঞানের শেষ কথা। এ জ্ঞানের নাম যদি বিত্তা হয় তবে ইহা পূর্বে ছিল না পরে আসিয়াছে সুতরাং অবিত্তার মত এ বিত্তাও ত কোন নিত্য শাস্ত পদার্থ নহে। আমাদের এ মুক্তির ক্ষেত্রেও আমরা আবার মায়ার সাক্ষাৎ পাই এবং দেখিতে পাই, যে বিজয়িনী বুদ্ধি তাহার সকল রহস্য সমাধান করিয়াছিল বলিয়া মনে করিতেছিল তাহাকে সে যেন উপহাস করিতেছে।

মায়াবাদীরা বলেন যে এ সমস্ত যুক্তি দিয়া বুঝানো যাইবে না। এ রহস্য অনাদি, ইহার কোন সমাধান নাই। আমাদের জীবনের বাস্তব তথ্য বলিয়া এ সমস্ত মানিতে হইবে। ইহার অর্থ যেন এই দাঁড়ায় যে একটা ধাঁধার গীমাংসার জন্ত অল্প ধাঁধা সৃষ্টি করিতে হইবে, অহমিকার একটা চরম ক্রিয়া একটা গুরু অভিযাত দ্বারা জীবকে তাহার অহংকারের গ্রন্থিচ্ছেদন করিতে হইবে, ব্যষ্টিকে তাহার নিজের মুক্তির দিকে একান্তভাবে অভিনিবিষ্ট হইতে হইবে,— তাহাতে মায়ার মধ্যে তাহার নিজের বিবিধ ভেদাত্মক সত্তাকে অতি উগ্র ও চরমভাবে স্থাপন করা হইলেও। এমতে আমাদের একমাত্র স্থানে লইয়া যায় যেখানে অল্প জীবকে যেন আমার মনের কল্পনা মনে হইবে, তাহাদের মুক্তির

প্রশ্ন আমার কাছে নিরর্থক, ইহাতে আমার নিজের আত্মা ও তাহার মুক্তিই আমার কাছে একমাত্র সত্য পদার্থ হইয়া দাঁড়াইবে। আর সব আত্মা আমার আত্ম-স্বরূপ হইলেও তাহাদের বন্ধন মুক্তির দিকে আমার দৃষ্টি থাকিবে না।

ব্রহ্ম অথবা আত্মা এবং জগতের মধ্যে যদি একটা দুরতিক্রমণীয় বিরোধ সৃষ্টি না করি তবেই এসমস্তের স্তমীমাংসা পাওয়া যাইবে। আমাদেরিগকে স্বীকার করিতে হইবে সমস্ত প্রকাশই একের আত্মপ্রকাশ, কিন্তু তাহা বহুমুখীভাবে এবং বহুরূপে। সর্বত্রইত এসমস্তের নিদর্শন রহিয়াছে। চৈতন্যময় সংস্করণের অতি স্বাভাবিক এবং সরল রহস্য এই যে তিনি একত্ব বা বহুত্ব কিছু দ্বারা বদ্ধ নহেন। তিনি এই অর্থে নির্বিশেষ যে অনন্ত ভাবে তাহার আত্মরূপায়ণের সামর্থ্য ও স্বাতন্ত্র্য তাহার মধ্যে আছে। বস্তুতই ‘কেহ বদ্ধ কেহ মুক্ত বা কেহ মুক্ত নাই’ কারণ সে পরম তত্ত্ব নিত্য মুক্ত। তিনি এত স্বাধীন এত স্বতন্ত্র যে তাহার স্বাধীনতা দ্বারাও তিনি বদ্ধ নহেন। প্রকৃতভাবে বদ্ধ না হইয়াও তিনি বন্ধনলীলার অভিনয় করিতে পারেন। তাহার বন্ধন স্বাধীনভাবে নিজের ইচ্ছায় নিজের উপরে আরোপিত সীমা নির্দেশের সন্মতি। অহংএর সীমার মধ্যে যে আপনাকে তিনি বাঁধিয়াছেন বলিয়া বোধ হইতেছে তাহা শুধু একটা সাময়িক কোশলমাত্র। ইহার উদ্দেশ্য ব্রহ্ম চেতনার এই ব্যষ্টিবিভাবের মধ্যে বিশ্ব এবং বিশ্বাতীত চৈতন্তের পরমৈশ্বর্য তিনি ব্যক্ত করিবেন।

বিশ্বাতীত নির্বিশেষ সত্তা তাহার নিজের স্বাতন্ত্র্যে দেশ কালের অতীত। মনের দ্বারা আমরা সান্ত ও অনন্তের যে ভাবনা করি তিনি তাহার অতীত। কিন্তু তাহার আত্মরূপায়ণের স্বাধীন শক্তি বা মায়া দ্বারা একত্ব ও তাহার পরিপূরক বহুত্ব এ উভয় ভাবই বিশ্বসৃষ্টিতে অবচেতন, চেতন এবং অতিচেতন এই তিন ক্ষেত্রে তিনি প্রতিষ্ঠিত করেন। কারণ আমরা দেখিতে পাই আমাদের জড়জগতে নানা আকারে আকারিত বহুর মূলে রহিয়াছে একটা অবচেতন একত্ব। বিশ্বের সমস্ত উপাদান এবং শক্তি ও ক্রিয়া সেই একত্ব হইতে আসিলেও বিশ্বের বহুত্ব সে একত্বের বোধ বা স্পষ্ট কোন চেতনা জাগে নাই। সচেতন অহংরূপী চৈতন্তের বিন্দুতে এই একত্বের বোধ জাগিতে পারে। কিন্তু অহং তাহার বাহিরের রূপ জগতের উপাদানে ও ক্রিয়াতে তাহার এ বোধ জাগাইতে সক্ষম হইলেও যাহা তাহার অন্তরালে থাকিয়া ক্রিয়া করিতেছে তাহাকে চিনিতে এবং

ধরিতে পারে নাই বলিয়া সে নিজেও অল্প সকলের সহিত এক ইহা অনুভব করিতে পারিতেছে না। বিশ্বগত অহংকে ভেদগত ব্যাটী অহংএর চেতনার সীমায় সীমিত করিয়াই আমাদের অপূর্ণ ব্যক্তিত্বের গড়িয়া উঠিয়াছে। কিন্তু অহং যখন তাহার ব্যক্তিত্বের অতিক্রম করিয়া আজ যাহা তাহার কাছে অতিক্রম তাহার মধ্যে প্রবিষ্ট এবং তাহারই ভাবে অনুপ্রাণিত হইয়া উঠিলে তখন তাহার বিশ্বাত্ম বোধ জাগিলে এবং যে বিশ্বাতীত আত্মা একের মধ্যে বহুরূপে আত্মপ্রকাশ করিতেছেন তাহাতেও সে পৌঁছিতে পারিলে।

ব্যাটী জীবের মুক্তিতেই ভাগবতী ইচ্ছা ও ক্রিয়ার মূল সুরটী বাজিয়া উঠে, দ্বিতীয় উদ্দেশ্য সাধনের জন্ম ইহাই প্রথম প্রয়োজন। অল্প সমস্ত ইহার উপর নির্ভর করে। ব্যাটীর মধ্যে তাহার প্রকাশের আলোক হইতেই বহুর মধ্যে যে পূর্ণ প্রকাশ ভগবদভিষিক্ত তাহা সুরু হয়। মুক্ত আত্মা একদিকে যেমন উচ্চ অবস্থিত তথেষ্ট সহিত একাত্মবোধ করেন তদ্রূপ তাহার চারিদিকে অবস্থিত বিশ্বের সহিতও একাত্মবোধ করেন। কারণ বিশ্বাতীত পরম একের সহিত তাহার একাত্মতা বিশ্বের সহিত একাত্মবোধ না জাগিলে পূর্ণ হয় না। পশু জগতে যেমন এক দেহ হইতে সম্ভব সম্ভবতার মধ্যে বহু দেহ জাত হয় তদ্রূপ দ্বিতীয় মুক্ত পুরুষ বহুর মধ্যে বহু মুক্ত পুরুষরূপে জাত হন। তাই জগতের একটা জীবাত্মার মুক্তি ঘটিলে বহুজীবের সঞ্চারিত হয় তাহার শক্তি ও প্রবেশ, ফলে জগতের মানব-জাতির অল্প ব্যাটী জীবের মধ্যেও সেই দ্বিতীয় চৈতন্য যেন বিস্ফোরণের মতই ফুটিয়া উঠে। হয়ত ইহার শক্তি পার্থিব চৈতন্যকেও অতিক্রম করিয়া যায়। চৈতন্যের এ প্রসারণের কি কোন সামান্য নির্দেশ করা যায়? কথিত আছে যে নির্বাকের দ্বারদেশে পৌঁছিয়া বুদ্ধ ফিরিয়া দাঁড়াইয়া প্রতিজ্ঞা করিলেন যে জগতের একটা মাত্র জীবও যতদিন অহংএর ও দুঃখের জালে আবদ্ধ থাকিলে ততদিন তিনি 'যদ্ গচ্ছা ন নিবর্তন্তে' যেখানে গেলে কেহ ফিরিয়া আসে না সেই পরম ধামে প্রবেশ করিবেন না—ইহা কি একটা কিম্বদন্তি মাত্র?

কিন্তু আমরা বিশ্বব্যাপ্তি হইতে নিজেদিগকে মুছিয়া না ফেলিয়াও সর্বোচ্চ অবস্থা লাভ করিতে পারি। ব্রহ্ম যেমন বহুরূপে আত্মপ্রকাশ করিতেছেন তেমনি সে প্রকাশ হইতে নির্লিপ্ত ও স্বতন্ত্র আছেন—এ দুই ভাব তাহাতে সদা বর্তমান। আমরাও স্বরূপে ব্রহ্ম বলিয়া যুগপৎ এ দুইভাব লাভ করিতে পারি। বস্তুতঃ যে

জীবন সত্যই ভগবদ্জীবন হইতে চায় তাহাকে এই দুই ভাবের সমন্বয় সাধন করিতেই হইবে। যাহার মধ্যে থাকিয়া তাহাকে অতিক্রম করিয়া মুক্তি পাইতে হয়, নিবৃত্তি পথের যাত্রী হইয়া তাহাকে বর্জন করিলে ভগবান যাহাকে স্বীকার করিয়া লইয়াছেন তাহাকে ত্যাগ করা হয়। পক্ষান্তরে প্রবৃত্তি এবং কর্মের মধ্যে যদি একান্তভাবে ডুবিয়া যাই তাহা হইলে উচ্চতম ও মহত্তম সত্যকে অস্বীকার করিয়া এক নিম্নভূমিবাসী হইয়া থাকিতে হয়। কিন্তু ব্রহ্মের মধ্যে যখন এই প্রবৃত্তি ও নিবৃত্তি সমন্বিত হইয়া রহিয়াছে তখন মানুষ কেন তাহাদিগকে বিযুক্ত করিতে চাহিবে। ব্রহ্ম যেমন পূর্ণ আনন্দের সত্তা তেমনি পূর্ণ হইতে হইবে, ইহাই পূর্ণ সিদ্ধি।

যেখানে মৃত্যু এবং দুঃখতাপের প্রবল প্রতাপ অহমিকার সেই আত্ম-প্রকাশকে আমাদের পার হইয়া যাইতে হইবে বটে কিন্তু অবিজ্ঞা বা বহুত্বের মধ্য দিয়াই এ চলার পথ। বিজ্ঞা এবং অবিজ্ঞার একত্র মিলনে অর্থাৎ বহুকে একেরই বহুরূপ বলিয়া দেখিতে পারিলে আমরা পূর্ণভাবে অমরত্ব ও অমৃতত্ব লাভ করিতে পারি। সকল সৃষ্টির পর-পারস্থিত অসৃষ্টির জ্ঞান লাভ করিলে আমরা এই নিম্নতর ক্ষেত্রের জন্ম মরণ হইতে মুক্তিলাভ করিতে পারি। আবার সৃষ্টিকে ব্রহ্মজ্ঞানে পূর্ণরূপে স্বীকার করিলে মৃত্যুকেও অমরত্ব ও অমৃতত্বে পরিবর্তিত করিয়া মানবপ্রকৃতিকে সচেতন ভাবে তাহার দিব্য জ্যোতির ও চৈতন্যের প্রকাশ ক্ষেত্র করিয়া তুলিতে সমর্থ হইব।

## ষষ্ঠ অধ্যায়

### বিশ্বে মানব

নিজ পথের পরিচালক হইতে নিজেকে পৃথক মনে করিয়া  
পরিব্রাজক মানবাত্মা, যাবতীয় জীবনধারার এবং চেতনার যাবতীয়  
ভূমির সমষ্টি এই বৃহৎ ব্রহ্মচক্রে পরিভ্রমণ করিতেছে ! অবশেষে  
তিনি যখন তাহাকে গ্রহণ করেন তখন সে অমৃতত্ব লাভ করে ।

( শ্বেতাশ্বতর উপনিষদ ১,৬ )

বহু বিচিত্র এই যে জগৎ আমরা দেখিতে পাইতেছি এবং যে সমস্ত  
জগৎ আজও আমাদের প্রত্যক্ষ গোচর হয় নাই ইহাদিগকে উপায় ও উপাদান,  
নিমিত্ত ও পরিবেশরূপে গ্রহণ করিয়া বিশ্বাতীত এক পরম সত্য বা সত্তা  
ক্রমশঃ স্পষ্টতররূপে আশ্রয়প্রকাশ করিতেছেন—ইহাই বিশ্বের তাৎপর্য মনে হয় ।  
কারণ বিশ্বস্থষ্টির অর্থ ও উদ্দেশ্য নিশ্চয়ই আছে, ইহা একটা আকস্মিক ঘটনা  
অথবা লক্ষ্যশূন্য মিথ্যাবোধ মাত্র নহে । শেষ যুক্তিতে আমরা মনে করি যে  
জগৎ-সত্তা একটা চতুর মনের প্রবঞ্চনা মাত্র নহে সেই যুক্তিতেই আমাদের  
স্বীকার করায় যে একটা অজ্ঞান শক্তিদ্বারা পরিচালিত অসংখ্য বিভিন্ন বস্তু  
বা সত্তা নানারূপ সংঘাত ও বিকোভের মধ্য দিয়া অন্ধ অসহায় ও লক্ষ্যহীন  
ভাবে চলিতে চলিতে কোনরূপে একত্র হইয়া এই বিশ্বরূপে ফুটিয়া উঠিয়াছে ইহা  
সত্য নহে । বরং ইহাই সত্য বলিয়া মনে করা যুক্তিযুক্ত—আপনাকে আপনি  
পূর্ণরূপে জানেন, স্মৃতরাং নিজেরই নিজের প্রভু, এমন এক সত্তা জগতের মধ্যে  
আবিষ্ট ও অন্তর্গতভাবে থাকিয়া নিজেকে নানারূপে রূপায়িত করিতেছেন এবং  
ব্যক্তিরূপে ফুটিয়া উঠিতেছেন ।

জ্যোতির্ষ্ম এই প্রকাশের ঘটনাকে আমাদের আৰ্য্য পিতৃপুরুষেরা উষ্মরূপে পূজা করিয়াছেন। ইহার পূর্ণতাকে তাঁহার। সর্বব্যাপী বিষ্ণুর পরমপদরূপে তাঁহাদের মানসস্বর্গের বিদগ্ধ আকাশে বিস্তৃত প্রজ্ঞাচক্কুরূপে দেখিয়াছিলেন। (তদ্বিকোঃ পরমংপদং সদ্দা পশ্চন্তি স্বরয়ঃ দিবীব চক্কুরাততম্)। নিত্য বর্তমান ইনি বিশ্বের সকল বোধ, সকল চেতনাকে ফুটাইয়া তুলিতেছেন, সকল বস্তুকে পরিচালিত করিতেছেন, সাক্ষীরূপে থাকিয়া মানুষকে প্রতিনিয়ত আকর্ষণ করিতেছেন, তাইত মানুষ প্রকৃতির সাধারণ প্রগতির স্রোতে প্রথমে না জানিয়াও তাঁহার দিকে অগ্রসর হয় এবং ক্রমবর্দ্ধমান আত্মজ্ঞান ও আত্ম-প্রসারতা লাভ করিতে থাকে—অবশেষে সজ্ঞানে সেই পরমপদ লাভের জন্ত ছুটিয়া চলে। দিব্য জীবনের দিকে তাহার উর্দ্ধগতিই মানুষের বিজয় যাত্রা, তাহার পরম ব্রত, তাহার ভগবদ্বাহিত যজ্ঞ। এই জগতে ইহাই তাহার প্রকৃত কার্য্য, ইহার জন্তই তাহার জীবন ধারণ, ইহা না হইলে মানুষ ত বিশাল বিশ্বের মধ্যে একটুখানি কর্দম ও জলের রেখামাত্র, অতি ক্ষণস্থায়ী যে সমস্ত কীট ইহার বক্ষে বিচরণ করে মানুষও তাহারই একজন।

ব্যবহারিক জগতের সকল ঘন্দ ও বিরোধের মধ্য দিয়া সকল পদার্থের সত্যস্বরূপ যিনি ফুটিয়া উঠিবেন বলা হইয়াছে, তিনি সর্বত্র সকল পদার্থে সকল কালে ও কালাতীতে ভাবে এক অখণ্ড পরমানন্দময় চিন্ময় সত্তা; বিশ্বের অন্তরালে তিনি চির জাগ্রত রহিয়াছেন। বিশ্বের প্রবলতম স্পন্দ বা বিপুলতম ক্রিয়ার মধ্যেও তাহার পরিপূর্ণ প্রকাশ হইতে পারে না অথবা সে সমস্ত দ্বারা কোনরূপে সীমিত হন না। কারণ তিনি স্বয়ম্ভু, কোন প্রকাশের উপর তাঁহাকে নির্ভর করিতে হয় না। বিশ্বের সমস্ত তাঁহারই প্রতিক্রিয়া বা প্রতীক হইলেও ইহার। তাঁহাকে নিঃশেষে প্রকাশ করিতে পারে না। বিশ্বের সমস্তই তাঁহাকে ইঙ্গিতে দেখাইয়া দিতে পারে কিন্তু তাঁহাকে প্রকট করিবার সামর্থ্য কাহারও নাই। রূপের মধ্যে থাকিয়া তিনি নিজেই নিজের কাছে প্রকট হন। রূপের মাঝে সংবৃত বা গুপ্ত যে চিংসত্তা রহিয়াছেন তিনি ক্রমপরিণতির পর্বে পর্বে বোধি দ্বারা আত্মদর্শন ও আত্মভাব করিতে থাকেন। তাঁহার আত্মজ্ঞান হইতেই তিনি জগতে সম্ভূত হন এবং সম্ভূতি দ্বারা তাঁহার আত্মোপলব্ধি ঘটে। এষ্টভাবে ভিতরে



আত্মজ্ঞানে পরিপূর্ণ থাকিয়া তিনি তাঁহার নানারূপ ও ভাবের মধ্যে সচ্চিদানন্দের চিদানন্দধারা চালিয়া দেন। দেহ-মন-ও-প্রাণের অতীত ক্ষেত্রে সচ্চিদানন্দ নিত্য শাস্ত্ররূপে বর্তমান আছেন, দেহ মন ও প্রাণের মধ্যে এই আনন্দ এই সত্তা, এই জ্ঞানকে মূর্ত করিয়া তোলার উদ্দেশ্যে জীবজগৎ সৃষ্ট হইয়াছে, ইহাই তাহার উপযোগিতা।

যিনি অজ্ঞেয় তিনি নিজেকে সচ্চিদানন্দরূপে জানিতেছেন ইহাই বেদান্তের চরম সিদ্ধান্ত। অগ্র সকল ইহারই অন্তর্গত বা ইহাকেই আশ্রয় করিয়া বর্তমান আছে। ইহা নয় তাহা নয় বলিয়া আমরা যখন সমস্ত আকার ও আবরণকে নিরাকৃত করি, অথবা তিনি ইহা এবং তিনি তাহা এই বলিয়া সমস্ত নাম ও রূপের অন্তরে অধিষ্ঠিত নিত্য সত্যে যখন আমরা পৌছি তখন আমাদের চরম অনুভবে জাগিয়া থাকে ঐ একটীমাত্র সত্যদর্শন ও অভিজ্ঞতা। জীবনকে পরিপূর্ণ করিয়া তুলি বা তাহাকে অতিক্রম করিয়া যাই, আত্মার শুদ্ধ নির্বিচল স্বাতন্ত্র্য অথবা শক্তি আনন্দ বা পূর্ণতা যাহাই আমাদের পুরুষার্থ হউক না কেন অবিজ্ঞেয় সর্বগত সচ্চিদানন্দই সেই পরম রহস্য। জ্ঞানে অথবা ভাবে, ইন্দ্রিয় সংবেদনে অথবা কর্মে তাঁহারই মহা আকর্ষণে আকৃষ্ট হইয়া মানবচৈতন্য যুগ যুগান্ত ধরিয়া তাঁহাকেই খুঁজিয়া ফিরিতেছে।

ব্যক্তি এবং বিশ্বের আকারে যে অবিজ্ঞেয় তত্ত্ব নামিয়া আসিয়াছেন, তাহাতে পৌছিতে হইলে এই দুইএর ভিতর দিয়াই যাইতে হইবে। পরম সত্যের এই অবতরণের প্রকৃতি আত্মগোপন; তিনি ধাপে ধাপে নামিয়া আসিয়াছেন আবরণের পর আবরণ দিয়া নিজেকে গোপন করিয়া। তাই উন্নয়নের পথে মানুষকে ধাপে ধাপে অগ্রসর হইতে হইবে—অবতরণের প্রত্যেক ধাপ উত্তরণের পথের একটি ক্ষেত্র বা ভূমি হইবে। ভগবদগ্বেষী প্রেমিক সাধকের কাছে যে আবরণে তিনি নিজেকে আবৃত করিতেছেন সেই আবরণই আবার হইবে আবরণ মোচনের উপায়। ছন্দোময়ী জড়-প্রকৃতি যেন নিদ্রিতা, তাহার আত্মজ্ঞান নাই। যে ভাবের প্রভাবে তাহার বোধহীন এই জড় সমাধির মধ্যেও তাহার অব্যাহত জিয়ার ছন্দ নিয়ন্ত্রিত হইতেছে তাহাকে সে চিনেন। কিন্তু সেই নিদ্রার মধ্য দিয়াই গতিশীল চকল নানা বৈচিত্র্যপূর্ণ প্রাণ প্রবল প্রচেষ্টায় আত্মপ্রকাশ করিয়াছে এবং

আত্ম-সংবিতের (self-consciousness) প্রাপ্তি আসিয়া পড়িয়াছে তাহার রূপায়ণের পরিণতি। প্রাণ হইতে মন তাহার তপস্কার বলে জাগিয়া উঠিয়া নিজের এবং জগতের সম্বন্ধে সচেতন হইয়াছে, আর এই জাগরণে বিশ্ব তাহার পরম উদ্দেশ্য সাধনের উপায় লাভ করিয়াছে, সে আত্মসংবিতঃসম্পন্ন ব্যক্তিত্ব লাভ করিয়াছে। মন এ প্রবাহকে আরও অগ্রসর করিয়া দিবে কিন্তু তাহাকে পূর্ণতা দিবার শক্তি তাহার নাই। মনের তীক্ষ্ণ কিন্তু সীমাবদ্ধ ধীশক্তি আছে, সে দিনমজুরের কাজ করে, প্রাণ যে সমস্ত এলোমেলো উপকরণ আনিয়া উপস্থিত করে, মন নিজ শক্তি অনুসারে তাহাদের উন্নতি বিধান করিয়া, সাজাইয়া গুছাইয়া, আমাদের দিব্য মানব জীবন যিনি গড়িয়া তুলিতেছেন সেই পরম শিল্পীর হস্তে সমর্পণ করে। অতিমানসে বাস করেন সে শিল্পী—এই অতিমানসের অবতরণেই মানুষ হইবে অতিমানব (Superman)। সুতরাং জগৎকে মনের ভূমি পার হইয়া আরও উপরে উঠিয়া এমন এক উচ্চতর মহত্তর শক্তিশালী তত্ত্বে পৌছিতে হইবে, যেখানে গেলে জীব ও জগৎ বুঝিতে পারিবে তাহাদের উভয়ের স্বরূপ এবং এক দিব্য অমুভূতিতে পরম্পরের আত্মপরিচয় লাভ করিয়া পরম সমন্বয়ের মধ্যে মিলিত হইয়া একত্ব লাভ করিবে।

জড় প্রকৃতির ছন্দ অপেক্ষা একটা পূর্ণতর ছন্দের গোপন রহস্য আবিষ্কার করিতে পারিলে মন ও প্রাণের মধ্যে যে বিশৃঙ্খলা ও বৈস্মর্য আছে তাহা দূর করা যাইতে পারে। মন ও প্রাণের নিম্নতর ভূমিতে জড়ের ক্ষেত্রে তাহার অপ্রমেয় শক্তির ক্রিয়া এবং স্থির প্রশান্তির মধ্যে একটা সমতা আছে কিন্তু সেখানে চৈতন্য অবরুদ্ধ ও নিদ্রাচ্ছন্ন, যে নিজশক্তি দ্বারা সে পরিচালিত হয় সেই শক্তির বোধ পর্য্যন্ত যেখানে জাগে নাই সেই জড়, এই যে সমস্ত সমতা এবং সমন্বয় রহিয়াছে তাহা সচেতন ভাবে অনুভব করিবার আনন্দ হইতে বঞ্চিত।

জড় প্রকৃতির যে বোধ ছিল না সেই বোধ মন ও প্রাণের মধ্যে জাগিয়াছে—ব্রাহ্মজ্ঞান বিজড়িত অভাবের তাড়না এবং বিক্ষোভিত ও অকৃতার্থ বাসনারূপে। আত্মজ্ঞান লাভের বা নিজের পূর্ণতা প্রাপ্তির পথে এ সমস্ত তাহার প্রথম পদক্ষেপ। কিন্তু এ পূর্ণতা পাইতে হইবে মন ও প্রাণের নিজেদিগকে অভিক্রম করিয়া এক উপরের ক্ষেত্রে পৌছিয়া। মন ও প্রাণের পরপারে গিয়া আমরা আবার সেই দিব্য সত্যের সন্ধান পাই যাহার আভাস মাত্র

জড়ের অন্ধ সমন্বয়ে ফুটিয়াছে। কিন্তু এবার যে দিব্য প্রশান্তির দেখা পাই তাহা জড়ত্ব বা মূর্ছিত চেতনার অসাড়া নহে। এখানে পূর্ণ শক্তি ও আত্মজ্ঞান ঘনীভূত হইয়া রহিয়াছে—অমেয় ক্রিয়াশক্তির মধ্যে রহিয়াছে এক অনির্বচনীয় আনন্দের বিপুল ছন্দ, কারণ এখানে প্রত্যেক ক্রিয়া পরম শান্তি ও স্বাধীনতা হইতে জাত, অভাব বা অজ্ঞান হইতে নহে। এখানে আসিলে অবিচা সেই আলোকের পরিচয় লাভ করে যাহার অপূর্ণ প্রতিবিম্ব হইতে সে জন্মিয়াছে ; অপ্রবুদ্ধ জড়ের মধ্যেও আমাদের বাসনাসমূহ অজ্ঞানে ও অস্পষ্টভাবে যাহাকে খুঁজিতেছিল সেই সুবিশাল পরিপূর্ণতা লাভ করিয়া তাহারা সানন্দে বিলুপ্ত হইয়া যায়।

উত্তরণের পথে ব্যাষ্টি ও বিশ্ব উভয়কে উভয়ের প্রয়োজন, বস্তুতঃ তাহারা একে অপরকে সাহায্য করে এবং একের অন্যকে না হইলে চলে না। বিশ্ব সর্বস্বরূপ ঈশ্বরেরই আত্মপ্রসারণ বা আত্মবিকীরণ, অনন্ত দেশ ও কালে। ব্যাষ্টি জীব তাহারই কেন্দ্রীভূত বা ঘনীভূত প্রকাশ ক্ষেত্র—দেশ ও কালের সীমার মধ্যে। বিশ্ব দিব্য পূর্ণতাকে চায় অনন্ত প্রসারণের মধ্যে, কিন্তু সে উপলব্ধি পূর্ণভাবে সে লাভ করিতে পারে না, কারণ সম্প্রসারণে সত্তার গতি হয় বহু প্রকাশের দিকে, সে বহুকে যোগ করিয়াও আদি বা চরম একত্ব লাভ হয় না, পৌনঃপুনিক দশমিকের মত সে বহুত্বের আদি ও অন্ত খুঁজিয়া পাওয়া যায় না। তাই বিশ্ব স্বীয় অভীপ্সার প্রকাশ ক্ষেত্র রূপে নিজের মধ্যে সেই সর্বস্বরূপের একটি কেন্দ্রীভূত বনবিন্দুরূপে আত্মসচেতন ব্যাষ্টিকে গড়িয়া তোলে ; এই আত্মসচেতন জীবের মধ্য দিয়া প্রকৃতি পুরুষকে অস্থভব করিবার জন্ত ফিরিয়া দাঁড়ায়, জগৎ খোঁজে আত্মাকে। পুরুষ পূর্ণরূপে প্রকৃতিতে পরিণত হন, পরে প্রকৃতি আবার ক্রমশঃ পুরুষে পরিবর্তিত হইতে চান ইহাই জীবনচক্রের তাৎপর্য।

পক্ষান্তরে বিশ্বকে ধরিয়াই ব্যাষ্টি জীব তাহার আত্মোপলব্ধির পথে চলিতে পারে। বিশ্ব যে কেবল তাহার দিব্য কন্ঠের ভিত্তি, ক্ষেত্র, উপায় ও উপাদান তাহা নহে ; কিন্তু যেহেতু বিশ্বপ্রাণ সীমার মধ্যে কেন্দ্রীভূত বা ঘনীভূত হইয়া ব্যাষ্টি জীবনে পরিণত হইয়াছে, সর্বপ্রকার বন্ধন ও সকল বিশেষণের কল্পনামুক্ত ব্রহ্মের গভীর একত্ব ব্যক্তিতে নাই, সেই জন্য দিব্য পুরুষের বিশ্বভাব তাহার আত্মস্বরূপ হইলেও তাহার প্রকাশক্ষেত্র হইবার জন্ত তাহাকেও বিশ্বভূত ও

নৈব্যক্তিক হইতে হইবে ; তথাপি বিশ্বচেতনায় অসীম ব্যাপ্তির মধ্যে মূর্ত প্রসারিত করিয়া দিয়াও তাহার ব্যক্তিত্ব যে পরম রহস্যপূর্ণ বিশ্বাতীত একটা ভাব বা বৈশিষ্ট্যকে অজ্ঞান এবং অহংবোধের আশ্রয়েই রূপ দিতে চায় তাহা রক্ষা করিতে হইবে। তাহা না হইলে সে লক্ষ্য ভ্রষ্ট হইবে, যে সমস্ত তাহাকে সমাধান করিতে দেওয়া হইয়াছিল তাহা অমীমাংসিত থাকিয়া যাইবে, যে উদ্দেশ্যে সে জীবজন্ম স্বীকার করিয়াছিল সেই দিব্য কর্ম করা হইবে না।

বিশ্ব ব্যাপ্তির কাছে আসিয়াছে গতি ও শক্তিময় প্রাণরূপে। এই প্রাণশক্তির অন্তরালে নিহিত রহস্য মানুষকে আয়ত্ত করিতে হইবে। তাহাতে বহুমুখী পরিণামের যে বিপুল সংঘর্ষ, প্রচ্ছন্ন শক্তির যে দারুণ ঘূর্ণাবর্ত রহিয়াছে তাহার মধ্য হইতে তাহাকে পরম শৃঙ্খলার একটা ছন্দ, অনাগত সমন্বয়ের একটা সুর আবিষ্কার করিতে হইবে। ইহাই মানুষের প্রগতির খাঁটি তাৎপর্য। জড়-প্রকৃতি যাহা লাভ করিয়াছে, এ জিনিষ একটু ভিন্ন ভাষায় তাহারই পুনরাবৃত্তি নয়। অথবা মননের উচ্চ পর্দায় পশুবৃত্তিরই সুরসাধা মানব জীবনের আদর্শ হইতে পারে না। যদি তাহা হইত তবে জীবনে মোটামুটি ভাবে কতকটা সুখ-স্বাচ্ছন্দ্য, কতকটা মানসিক তৃপ্তির উপাদান পাইলে মানুষের অগ্রগতি বন্ধ হইয়া যাইত। আংশিক ভাবে প্রয়োজন মিটিলে পশু তৃপ্ত হয়, অতুল ঐশ্বর্য্য দেবতাদের তৃপ্তি দেয়। কিন্তু পরম শিবকে লাভ করিতে না পারিলে মানুষ কখনও স্থায়ীভাবে বিগ্রাম নিতে পারে না। সমস্ত জীবের মধ্যে মানুষ শ্রেষ্ঠ, কেননা সেই সবার চেয়ে বেশী অতৃপ্ত, সীমার মধ্যে থাকিবার পীড়া সর্বাপেক্ষা তাহার বেশী। দূরস্থিত অনাগত আদর্শের দিব্যোন্মাদ একমাত্র তাহাকেই স্পর্শ করিতে পারে।

চিন্ময় প্রাণের দিব্য সম্ভাবনাসমূহ মানুষের মধ্যেই বিশেষভাবে নিহিত রহিয়াছে। একমাত্র মানুষের সেই পরম সামর্থ্য আছে যদ্বারা ভগবানকে সে তাহার মধ্যে মূর্ত করিয়া তুলিতে পারে। প্রাচীন ঋষিরা মানুষকে ‘মহু’ (মনন যাহার স্বভাব) মনোময় পুরুষ, মনোময় ব্যক্তি বা আত্মা প্রভৃতি আখ্যা দিয়াছেন। প্রাণীতত্ত্ববিদেরা যাহাদিগকে স্তন্যপায়ী জন্তু বলেন মানুষ তাহাদের উন্নত সংস্করণ মাত্র নয়—পরন্তু সে পশুদেহকে আশ্রয় করিয়া মনন ধর্ম্মী আত্মা। রূপকে, দেহকে সে স্বীকার করিয়াছে তাহার বাহনরূপে, তাহার সাহায্যে সে প্রাকৃত উপকরণের যথাযথ ব্যবহার করিতে পারিবে বলিয়া। জড়প্রকৃতি হইতে

বিকশিত যে পাশব প্রাণ তাহার মধ্যে জাগিয়াছে তাহা মানুষের সত্তার নিম্নতর ভাগ মাত্র। ভাবনা, সংবেদন, সঙ্কল্প ও সচেতন কর্ম প্রবৃত্তির মধ্য দিয়া তাহার যে জীবন প্রকাশিত হইতেছে যাহার সবটাকে আমরা মন বলি, যাহা জড় ও প্রাণকে পরিচালিত করিয়া তাহাদিগকে তাহার নিজের ভাবে রূপান্তরিত করিতে চাহিতেছে, তাহাই তাহার সত্তার মধ্যভাগ। এখানেই তাহার বর্তমান কার্যক্ষেত্র। কিন্তু ঠিক তেমনই তাহার সত্তার একটা চরম অবস্থা আছে, যাহা আজিও তাহার অধিগত হয় নাই কিন্তু তাহা তাহার দিব্য জীবনের ভিত্তি— তাহাকেই সে প্রতিনিয়ত খুঁজিয়া বেড়াইতেছে, তাহার শক্তি সে তাহার দেহ মন ও প্রাণের মধ্যে সঞ্চারিত করিবে বলিয়া, তাহার বর্তমান জীবন অপেক্ষা মূলতঃ উচ্চতর এইরূপ কিছুকে কার্য্যতঃ স্বীকার করাই তাহার মানবীয় সত্তায় দিব্য জীবন স্থাপনের ভিত্তি।

আত্মস্বরূপের সম্বন্ধে মানুষের মনের প্রাথমিক যে সংস্কার আছে তদপেক্ষা গভীরতর ভাবে অনুভব করার শক্তি যখন মানুষের মধ্যে জাগে তখন যাহা তাহার অভীপ্সার বস্তু তাহাতে পৌঁছিবার কোন একটা সূত্র, তাহার কোন রূপের স্পষ্ট অনুভব সে চায়। তখন তাহার সাধারণ অবস্থার সীমা ছাড়াইয়া সে এক আত্মসচেতন অনন্ত সত্তার অনুভব বা স্পর্শ লাভ করে। সেই স্পর্শ সেই অভিজ্ঞতাকে সে তাহার মনের অনুকূল ভাবে অনুবাদ করিয়া তাহাকে সর্বজ্ঞ, সর্বশক্তিমান, অমৃতস্বরূপ, স্বাধীনতা, প্রেম ও সৌন্দর্যের আধার ভগবান বলিয়া মনে করে। কিন্তু দুইদিকে দুই অন্ধকার রাত্রির মধ্যেই যেন তাহার দৃষ্টির এ দীপ্তি প্রকাশ পায়। এক অন্ধকার নীচের দিকে এবং আর এক গাঢ়তর অন্ধকার তাহার অনুভবের পরপারে। কারণ, যখন মানুষ ইহাকে পূর্ণভাবে জানিবার অভীপ্সায় আকুল হয় তখন সে দেখিতে পায়, অনুভবের যে সমস্ত সংজ্ঞা বা উপায় আছে তাহার কোনটির মধ্যে এমন কি সমস্ত সংজ্ঞার একত্র সমাহারেও তাহাকে ধরা যায় না। তখন অবশেষে তাহার মন নিজ ধারণা লব্ধ ঈশ্বরকেও প্রত্যাখ্যান বা অতিক্রম করিয়া এক মহাশূন্যে নিজেকে মিলাইতে চায়। আবার জগতের দিকে, নিজের ভিতরে ও বাহিরের দিকে তাকাইয়া সে দেখিতে পায় তাহার সম্পূর্ণ বিপরীত সব চেতনায় প্রকাশ পাইতেছে। মৃত্যু এখানে তাহার চিরসার্থী, তাহার সত্তা ও তাহার অনুভূতি সঙ্কোচ ও

সীমার মধ্যে যেন আড়ষ্ট। ভ্রান্তি, নিশ্চৈতন্যতা, দুর্বলতা, জড়তা, দুঃখ, শোক প্রভৃতি সর্বদা তাহার চেষ্টা ও সাধনার প্রবল অন্তরায়; এখানেও অবশেষে সে ভগবানকে অস্বীকার করিয়া বসে। এই তাহার নীচের দিকের রাত্রি। কিন্তু এই অস্বীকৃতি দূরস্থিত অপর নাস্তিবাদের মত স্বভাবতঃ অনির্বচনীয় রহস্যপূর্ণ এবং বুদ্ধির অগোচর নয়, মনে হয় যেন ইহা তাহার জ্ঞানগম্য অথবা জ্ঞাত এবং সুস্পষ্ট, অথচ গভীরভাবে বুঝিতে গেলে দেখা যায় যে ইহাও রহস্যপূর্ণ। ইহারা কি, কেন আছে, কোথা হইতে আসিল তাহা সে জানে না। যে ভাবে এ সমস্ত তাহার বোধে ভাসে তাহা দেখিতে পাইলেও তাহাদের মূলস্বরূপ তাহার বুদ্ধির অগোচর।

হয়ত ইহাদিগকে বুঝা যায় না, মূলতঃ ইহারা অজ্ঞেয়। অথবা তদন্তঃ কোন সত্তা তাহাদের নাই, ইহারা শুধু ভ্রান্তি, শুধু অসৎ। উচ্চতর নাস্তিবাদ আমাদের নিকট যেমন মূলতঃ অসৎ বা শূন্য মনে হইতে পারে, এই নিম্নতর নাস্তিবাদ মূলতঃ তেমনি শূন্য মনে হইতে পারে। উচ্চতর নাস্তিবাদ সমস্তার মীমাংসা না করিয়া পাশ কাটাইয়া যে চলিয়া যাইতে চাহিয়াছে আমরা যেমন তাহাতে সম্মত হই নাই সেইরূপ এই নিম্নতর নাস্তিবাদের সিদ্ধান্তও আমরা স্বীকার করিতে প্রস্তুত নই। জাগতিক সত্যকে পূর্ণরূপে অস্বীকার করিলে অথবা কেবলমাত্র শূন্য বলিয়া ইহাকে পরিহার করিয়া চলিলে আমাদের সমস্তার সম্মুখীন না হওয়া বা জীবনের কর্মকে পরিত্যাগ করা মাত্রই হইবে। এই যে সমস্ত পদার্থ যেন ঈশ্বরকে অস্বীকার করিতেছে বা সচ্চিদানন্দের বিরোধী বা বিপরীত কিছু বোধ হইতেছে, ক্ষণস্থায়ী হইলেও জীবনের পক্ষে যে তাহারা সত্য ইহা ত অস্বীকার করা যায় না। ইহা এবং ইহার বিপরীত যে সমস্ত বিষয় শ্রেয়, জ্ঞান, আনন্দ, সুখ, শক্তি, ঋদ্ধি প্রভৃতিকে উপাদান রূপে গ্রহণ করিয়াই ত প্রাণের লীলা ও খেলা চলিতেছে।

হয়ত এ সমস্ত বিরোধী প্রত্যয় একান্ত মিথ্যা বা মায়া'র ফল বা সহচর না হইয়া বরং একটা ভ্রান্ত সঙ্কল্প-বোধ হইতে আসিয়াছে। ভ্রান্ত বলিতেছি এই জন্য যে বিশ্বের মধ্যে জীবের স্বরূপ সঙ্কল্পে ভুল ধারণা আমাদের রহিয়াছে এবং সেই ভ্রান্তি ঈশ্বর এবং প্রকৃতির প্রতি আমাদের দৃষ্টিভঙ্গীকেও বিকৃত করিয়াছে। যে জগতে মানুষ বাস করে, মানুষকে যাহা হইয়া উঠিতে হইবে তাহাদের স্বরূপের

সহিত সে এখন যাহা হইয়াছে তাহার সামঞ্জস্য নাই, তাই বিশ্বের গোপন মূল সত্যের বিরোধী এই সমস্ত ভাবের সে অধীন হইয়া পড়িয়াছে। তাহা হইলে এ সমস্ত তাহার পতনের জন্য দণ্ড নয় কিন্তু উন্নতি পথের বিধান ও উপায়। এই সমস্ত উপাদান লইয়াই সাধনা আরম্ভ করিয়া তাহাকে পূর্ণতার পথে অগ্রসর হইতে হইবে। যে রাজমুকুট লাভ করিবার সে আশা করে এই সাধনাই তাহার মূল্য। এই সাধনার সঙ্গী রক্তপথে চলিয়া প্রকৃতি জড় হইতে মুক্তি পাইবে, চৈতন্ত্যে গিয়া পৌঁছাবে। এ সমস্ত একাধারে তাহার মূলধন এবং মুক্তি-পথ।

কারণ এই সমস্ত ভ্রান্ত এবং বিকৃত সম্বন্ধের মধ্য হইতে ইহাদের সাহায্যেই সত্যে পৌঁছিতে হইবে। অবিচার দ্বারা মৃত্যুকে অতিক্রম করিতে হইবে— ‘অবিজ্ঞা মৃত্যুং তীৰ্ণা’। বেদ তাই নিগূঢ় ইন্দ্রিতপূর্ণ ভাষায় এই সমস্ত শক্তিকে তুলনা করিয়াছে ছুট্টা নারীর সঙ্গে যাহারা দুশ্চরিত্রের বশে বিপথে চলে, আপন পতির অহিত সাধন করে, কিন্তু তবুও নিজেরা অসত্য এবং অন্তর্হী হইয়াও শেষ পর্যন্ত ‘আনন্দ যাহার স্বরূপ সেই বৃহৎ সত্যকে গড়িয়া তোলে’। তাই প্রকৃতির এই কলুষতাসমূহকে নৈতিক অস্ত্রোপচার দ্বারা ছাঁটিয়া ফেলিলে অথবা ঘৃণাভরে জীবনকে উপেক্ষা করিয়া দূরে সরিয়া গেলে চলিবে না পরন্তু মৃত্যুকে পূর্ণ জীবনে, মাহুঘের মধ্যে যে সঙ্গীর্ণতা ও তুচ্ছতা আছে তাহাদিগকে দিব্য ভূমার বৈভবে, দুঃখ যজ্ঞনাকে পরমানন্দে, সমস্ত কলুষতাকে শিবস্বরূপের সার্থকতায়, সমস্ত ভ্রান্তি এবং মিথ্যাকে তাহাদের অন্তরস্থিত গোপন সত্যে রূপান্তর সাধন করিতে পারিলে মাহুঘের যজ্ঞ ও তপস্যা পূর্ণ হইবে এবং এই ভাবে যখন পরম পুরুষের দিব্য আনন্দে স্বর্গ ও মর্ত্য একাকার হইয়া যাইবে, তখন তাহার যাত্রা শেষ হইবে।

তথাপি দুর্লভ প্রেম থাকিয়া যায়। এই দারুণ বিরোধী ভাব কিরূপে, পরস্পরের সঙ্গে মিশিবে? মরতার এই লৌহ কোন্ দিব্য সত্তার স্পর্শমণিযোগে সোনা হইবে? এ সমস্তা মিটিতে পারে, যদি ইহাদের দুইই একই সত্যের প্রকাশ বলিয়া জানা বা বুঝা যায়—যদি মূলতঃ ইহারা একই তত্ত্ব হয় তবে এ দিব্য রূপান্তর সাধন সম্ভব।

পূর্বে আমরা দেখিয়াছি যে বিশ্বের সর্বভাবের অতীত ব্রহ্মের যে অবস্থা, যাহাকে অসৎ আখ্যা দেওয়া হইয়াছে, তাহা আমাদের ধারণার অতীত এক

অস্তিত্ব, আমরা যাহাকে বাক্য ও মন দ্বারা ধরিতে ও প্রকাশ করিতে পারি না এমন এক আনন্দ। অন্ততঃপক্ষে আধ্যাত্মিক জীবনের ইতিহাসে যে সমস্ত সাধনা সত্যের আলোকে সৰ্ব্বাপেক্ষা অধিক উদ্ভাসিত তাহাদের অন্যতম বৌদ্ধ-ধর্মের অসং, শূন্যবাদ ও নির্ব্যাণের কথাতেও বলা হইয়াছে যে মানুষ যখন মুক্ত হয়, তখন যে অবস্থায় পৌঁছে তাহাতে তাহার অল্পভবে এক অনির্বচনীয় শান্তি, এক পরম আনন্দ ফুটিয়া উঠে। এ অবস্থায় অহমিকা বা তজ্জাত সমস্ত ধারণা ও বোধ লুপ্ত হইয়া যাওয়ার সঙ্গে সমস্ত দুঃখের ঐকান্তিক এবং আত্যন্তিক প্রলয় ঘটে। সে অবস্থা ভাষায় ব্যক্ত করা যায় না, তবু ইহা এক অনির্বচনীয় পরম আনন্দের অবস্থা যাহার মধ্যে আত্মসত্তার সমস্ত অল্পভব ডুবিয়া ও বিলুপ্ত হইয়া যায়—ইহা বলিলে সে অবস্থার সৰ্ব্বাপেক্ষা নিকটের বর্ণনা, তটস্থরূপ দিতে পারি। ইহাও সচ্চিদানন্দ বটে কিন্তু সং, চিং ও আনন্দের আমরা যে সর্বোচ্চ ধারণা করিতে পারি সে ধারণাও তাহাতে আরোপ করিতে আমরা সাহস করি না। কারণ মানুষের সকল ধারণার, সকল জ্ঞানবৃত্তির অতীত সে অবস্থা।

পক্ষান্তরে যে হেতু “সর্বং খবিদং ব্রহ্ম,”—“এ সমস্তই ব্রহ্ম” সূত্রের নিম্নতর ক্ষেত্রের এই নেতি, যাহা সচ্চিদানন্দের অস্তিত্ব স্বীকার করিতেছে না বা যাহা তাহার বিরোধী বোধ হইতেছে তাহাও সচ্চিদানন্দ ভিন্ন অন্য কিছু নহে। আমাদের বুদ্ধি, অধ্যাত্ম-দর্শন, এমন কি ইন্দ্রিয় সংবেদনও ইহাকে সচ্চিদানন্দ রূপে অল্পভব করিতে সমর্থ এবং ইহাদের সেই অল্পভূতিই সর্বদা হইত যদি অজ্ঞান, মায়া অথবা অবিজ্ঞা দ্বারা ইহার অস্তিত্ব বা ভ্রান্ত না হইয়া থাকিত। এই ভাবে দেখিলে বিশ্ব সমস্তার একটা সমাধান হয়ত পাওয়া যাইবে যদিও দার্শনিকের তর্কবুদ্ধি হয়ত সে সমাধানে তৃপ্ত হইবে না। কারণ, আমরা অবিজ্ঞেয় রহস্যের প্রাস্তভূমিতে আসিয়া দাঁড়াইয়াছি এবং তথা হইতে বিশ্বাতীত তত্ত্বের দিকে আকুল দৃষ্টিপাত করিতেছি। কিন্তু ইহাতে দিব্য জীবন সাধনার একটা উপযুক্ত ভিত্তিভূমির অল্পভব লাভ করিব।

এই সাধনার জন্ত আমাদের মন যেক্রপ সকল পদার্থের উপরকার স্পর্শে আবদ্ধ থাকিতে অভ্যস্ত তাহাতে চলিবে না, তাহাকে চৈতন্যের পরম গভীরে ডুবিতে ও তথায় স্রষ্টাভিষ্ঠিত হইতে হইবে, আজ যাহা তাহার কাছে স্পর্শ



রহিয়াছে সেই ভূমার সঙ্গে পরিচিত হইতে হইবে এবং সেখানে আপাততঃ যাহা তাহার আপন নয়, সত্তার সেই সমস্ত অবস্থার সহিত একত্ব স্থাপন করিতে হইবে। মাহুষের ভাষা এই পরম অম্লসন্ধানের পথে বিশেষ সাহায্য করিতে পারে না। তবুও আমরা ইহার ভিতর হইতে সেই অজ্ঞেয় তত্ত্বের দু' একটি প্রতীক, দু' একটি রূপরেখা, দু' একটি ইঙ্গিতের সাক্ষাৎ পাইব যাহা আত্মার আলোক ফুটাইয়া তুলিতে সাহায্য করিবে এবং মনের উপর অনির্বচনীয় পরিকল্পনার কিছু আভাস জাগাইবে।

## সপ্তম অধ্যায়

### অহং এবং বন্দ্ববোধ

একই প্রকৃতি-বৃক্ষে আসীন পুরুষ প্রভু নয় বলিয়া শোকে  
ডুবিয়া মুহুমান হইয়া আছে কিন্তু যিনি প্রভু তাঁহার সেই অল্প  
মহিমাময় আত্মাকে যখন দেখিতে পায় এবং তাহার সহিত যুক্ত  
হয় তখন সে বীতশোক হয়।

খেতাস্থতর উপনিষদ ৪।৭

স্বরূপতঃ সমস্তই যখন সচ্চিদানন্দ, তখন যে চৈতন্ত্য তাহা পূর্ণ ও একমুখ  
বিধায়ক পরমজ্ঞান হইতে ভ্রষ্ট হইয়া ভেদ এবং আংশিক অমুভবের ভ্রান্তিরূপে  
বিকৃত হইয়াছে, তাহা হইতেই মৃত্যু, দুঃখ, পাপ (evil) এবং সীমার বোধ সৃষ্ট  
হইয়াছে ; ব্যবহারিক জীবনে ইহারা সত্য বলিয়া অনুভূত হইলেও মূলতঃ ইহারা  
সত্য নহে। নিজেকে এবং ঈশ্বরকে আরও ভাল ভাবে বলিতে গেলে নিজের  
মধ্যে ঈশ্বরকে পূর্ণ এবং অবিসম্প্রভাবে অনুভব ও গ্রহণ করিবার অসামর্থ্যের  
জন্ত সেই উচ্ছ্বাসিত হইতে ভ্রষ্ট হইয়া খণ্ডিত সত্তার ভেদদর্শী বিকৃতকারক চৈতন্ত্যের  
মধ্যদ্বারা দেখার ফলে, জীবন এবং মৃত্যু, স্ন এবং কু, সুখ এবং দুঃখ, পূর্ণতা এবং  
অভাব প্রভৃতি বন্দ্ববোধ আসিয়া উপস্থিত হইয়াছে—এই কথাই ইহুদী শাস্ত্রে  
কবিশ্বের ভাষায় বর্ণনা করা হইয়াছে—প্রকৃতিপ্রলুপ্ত হইয়া পুরুষ জ্ঞান বৃক্ষের  
ফল ভক্ষণ এবং সেই জন্ত নন্দন কানন (ইডেন) হইতে প্রকৃতি পুরুষরূপী আদম  
এবং ইভের পতন হয়। ব্যক্তি-চৈতন্ত্যের মধ্যে বিশ্বাসবোধ আগিলে, জড়  
স্থল-চেতনায় আধ্যাত্মিকতা ছুটিলে শাপমুক্তি ঘটিবে। কেবল তখনই প্রকৃতি-  
গত পুরুষ জীবন বৃক্ষের ফল ভোজনের অধিকার লাভ করিবে এবং ভগবানের  
স্বাধীন্য লাভ করিয়া অমর হইবে। কেবল তখনই তাহার জড়-চৈতন্ত্যে নামিয়া

আসার উদ্দেশ্য সিদ্ধ হইবে—যখন মানবাত্মা এমন এক উন্নতর জ্ঞান অধিকার করিবে যাহার সহায়ে সু এবং কু, সুখ এবং দুঃখ, জীবন এবং মৃত্যুরও সম্যক জ্ঞান তাহার লাভ হইবে এবং সকল স্বন্দের সামঞ্জস্য সেই সার্বভৌম প্রজ্ঞার ক্ষেত্রে দেখিতে পারিবে যেখানে তাহাদের ভেদ দিব্য একত্বের নৃষ্টিতে রূপান্তরিত হইবে।

সচ্চিদানন্দ নিখিল জগতের সর্বপদার্থে সমভাবে ব্যাপ্ত হইয়া আছেন। তাঁহার কাছে মৃত্যু, দুঃখ, পাপ, সীমা প্রভৃতি ইহাদের দিব্য জ্যোতির্গ্নয় বিপরীত ভাবের পৃষ্ঠ বা ছায়া মাত্র। আমরা এ সমস্তর মধ্যে একটা বেল্লর অহুভব করি। যেখানে একত্ব থাকিবার কথা সেখানে তাহারা ভেদবোধ জাগায়, যেখানে বুদ্ধির স্বচ্ছতা থাকিবার কথা সেখানে বিকৃত জ্ঞান ও প্রমাদের সৃষ্টি করে, যেখানে সমগ্রের বৃহৎ সুরসঙ্গতির সহিত নিজের সুর মিলাইবার কথা সেখানে প্রত্যেকে আপন আপন ভেদভাবাপন্ন সুরগ্রাম স্থাপনের চেষ্টা করে। সর্বপ্রকার সমগ্রতা তা বিশ্ব স্পন্দনের কোন এক বিশিষ্ট ধারার অথবা এমন কি শুধু স্থূল-চৈতন্তের সমগ্রতাই ইউক—সেখানে পশ্চাতে বা উর্দ্ধে যাহা কিছু সক্রিয় সে সব তাহার অধিকারবহির্ভূত থাকিলেও সর্বত্রই পরস্পর-বিরোধী-তত্ত্বের সৌম্য ও সমন্বয় সাধনের ন্যূনাধিক চেষ্টা আছে। পক্ষান্তরে বিশ্বাতীত সচ্চিদানন্দে এ স্বন্দ আরোপিত হইতে পারে না। বিশ্বাতীত অবস্থা স্বন্দের সমন্বয় সাধন করে না কিন্তু এরূপ রূপান্তর ঘটায়, যে বিরোধ অতিক্রম করিয়া সমস্ত অপরূপ অলৌকিক কিছুতে পরিবর্তিত হইয়া যায়।

প্রথমে আমাদিগকে ব্যক্তিজীবনের সুর সমগ্র বিশ্বসুরের সঙ্গে মিলাইয়া রাখিতে চেষ্টা করিতে হইবে। একটা কথা আমাদিগকে মনে রাখিতে হইবে—যাহা না হইলে আমরা সমস্তা পার হইয়া বাইতে পারিব না। সে কথাটা এই যে বিশ্বের তবসমূহকে আমাদের বর্তমান চৈতন্ত যে ভাষায়, যে অর্থে প্রকাশ করিতেছে, ব্যবহারিক জগতের কার্যক্ষেত্রে মানুষের অভিজ্ঞতা এবং উন্নতিপথে তাহার সমর্থন থাকিলেও তাহাই একমাত্র ভাষা বা একমাত্র অর্থ নহে, তাহাতে মূল তত্ত্বগুলির পূর্ণ, পর্যাপ্ত বা চরম পরিচয় পাওয়া যায় নাই। যেমন যে ইন্দ্রিয় এবং ইন্দ্রিয়সামর্থ্য দিয়া আমরা বর্তমানে জড় জগৎ

দেখিতেছি তদপেক্ষা পূর্ণতর ও অধিকতর শক্তিশালী ইন্দ্রিয় বা ইন্দ্রিয়সামর্থ্য থাকিতে পারে, যাহা দ্বারা জড় জগৎকে ভিন্নরূপে এবং পূর্ণতর রূপে দেখা সম্ভব, তেমনি আমাদের বর্তমান প্রাকৃত দৃষ্টি বহুশূণ্যে অতিক্রম করিয়া যাইতে পারে মনের এবং অতিমানসের সেরূপ দৃষ্টিশক্তিও আছে, যাহা সাধারণ মানুষের মধ্যে আজিও প্রকাশ হয় নাই। চৈতন্তের এমন ভূমিও আছে যেখানে পৌছিলে মৃত্যু অমৃতজীবনে উত্তরণ, সকল যন্ত্রণা বিদ্বানন্দের বিপরীত প্রবাহ, সীমা অসীমের নিজের মাঝেই কুণ্ডলীরচনা, অমঙ্গল বা অশিব শিবস্বরূপের পূর্ণতার চারিপাশে চক্রাবর্তন বলিয়া মনে হইবে। কেবল মনের সাধারণ ধারণা বা কল্পনায় নহে কিন্তু অপরোক্ষদৃষ্টি ও নিত্যনিবিড় ভাবের অভিজ্ঞতা ও বোধে ইহা প্রমাণিত করিবে। ব্যক্তি জীবনের পূর্ণতালাভের পথে চৈতন্তের এইরূপ ভূমিতে উত্তীর্ণ হওয়া একটা মুখ্য ও অপরিহার্য সোপান।

আমাদের ইন্দ্রিয় এবং ইন্দ্রিয়নিষ্ঠ ভেদ-দর্শী মন যে সত্য প্রকাশ করিবার জন্য সৃষ্ট হইয়াছে তাহাকে বিসর্জন না দিয়া ইহাদিগকেই উচ্চতর ভূমিতে বৃহত্তর সমন্বয়ের মধ্যে উন্নীত করিয়া রূপান্তরিত করিতে হইবে; যতক্ষণ পর্যন্ত ইহা সম্ভব না হইতেছে ততক্ষণ অবশ্য বৈতর্ভাবাপন্ন থাকিয়া সাধারণ ব্যবহারিক জীবনে ইহাদের যে মূল্য নিরূপিত হইয়াছে তাহা নিশ্চয়ই মানিয়া চলিতে হইবে। কিন্তু ইন্দ্রিয়শক্তির উৎকর্ষই যদি শুধু ঘটে, অথচ তাহার সঙ্গে যাহা নূতন আলোকের ক্ষেত্রে অধিষ্ঠিত থাকিয়া পুরাতন ইন্দ্রিয় জ্ঞানের খাঁটি অর্থ বুঝাইয়া দিতে পারে এমন জ্ঞান যদি না পাই, তবে আমরা গুরুতর বিশৃঙ্খলা ও বিপর্যয়ের মধ্যে পড়িতে পারি; ফলে তাহা আমাদের ব্যবহারিক জীবনে অহুপযুক্ত ও অশক্ত করিয়া তুলিতে এবং আমাদের বুদ্ধির সংযত প্রবৃত্তিকে উদ্ভাস্ত করিয়া দিতে পারে। ঠিক তেমনি ভাবে আমাদের মানসিক চৈতন্ত সজ্জারিত করিয়া, ক্ষুদ্র অহং পরিচালিত বৈতবুদ্ধির অহুভূতি ও অভিজ্ঞতা পার হইয়া যদি কোন প্রকার সমগ্র চৈতন্তের একত্রে অনিয়ন্ত্রিত ভাবে প্রবেশ করিতে যাই, তবে তাহাতেও সহজে আমাদের মধ্যে একটা বিপর্যয়, ব্যবহারিক জগতের স্বাভাবিক ও স্প্রতিষ্ঠিত গতি ভঙ্গ করিয়া আমাদের স্বাভাবিক কর্তব্য প্রবৃত্তিতে একটা কুঠা, একটা শক্তিশূন্যতা আসিয়া পড়িতে পারে। এই জন্ত গীতার উপদেশ জ্ঞানীব্যক্তি অজ্ঞানীর জীবন ও চিন্তার ভিত্তিতে বিপ্লব

আনিবেন না—‘ন বুদ্ধিতেদং জনয়েদজ্ঞানাং কর্মসঙ্গীনাম্’। কারণ জ্ঞানীর কর্মের রহস্য না বুঝিয়া অজ্ঞানী যদি তাহার দৃষ্টান্তের অনুকরণ করে তবে সে স্বার্থহীন হইবে অথচ জ্ঞানীর উচ্চতর ক্ষেত্রেও পৌঁছিতে পারিবে না।

গাময়িক সাধনা হিসাবে অথবা ব্যাপকতর চৈতন্যের প্রবেশের মূল্য রূপে অনেক মহাপুরুষ কখনও কখনও এরূপ বিপর্যয় ও শক্তি-হীনতা স্বীকার করিয়া নেন। কিন্তু ব্যক্তিগত জীবনে যাহাই হউক না কেন মানব জাতির প্রগতির পথে এরূপ বিশৃঙ্খলা আনিলে চলিবে না। তাহার পক্ষে উচ্চতর চৈতন্যের প্রকাশে এমন এক নূতন ভাবের সত্যের মূর্তি ফুটিয়া উঠা চাই, যাহাতে পার্থক্য জীবনের সমস্ত উপাদান সমন্বিত হইবে, তাহাদের অর্থ, উদ্দেশ্য ও সার্থকতা নূতন ভাবে বুঝা যাইবে, তাহারা আরও শক্তিশালী হইয়া খাঁটি ভাবে কার্য করিতে সমর্থ হইবে। সাধারণ ইঞ্জিয়-বোধে মনে হয় সূর্য্য পৃথিবীকে বেষ্টিত করিয়া ঘুরিতেছে, এই ধারণাকে কেন্দ্র করিয়া মানুষ তাহার জীবনের গতি নিয়ন্ত্রিত করে কিন্তু এ ধারণা ভুল—সত্য ইহার বিপরীত, সূর্য্য ঘোরে না, পৃথিবীই সূর্য্যকে প্রদক্ষিণ করে। কিন্তু এই সত্যকে কেন্দ্র করিয়া যুক্তি যদি একটা বিজ্ঞান গড়িয়া তুলিতে না পারিত এবং তাহার মধ্যে ইঞ্জিয়-বোধের যথাযথ মূল্য না দিত, তবে এ আবিষ্কার মানুষের বিশেষ কাজে আসিত না। তেমনি ভাবে মানসচৈতন্য মনে করে যে ঈশ্বর আমাদের ব্যক্তিগত অহংকে বেষ্টিত করিয়া ঘুরিতেছেন, তাঁহার সমস্ত কর্ম ও বিধান সে বিচার করে অহংগত ধারণা, ভাবনা এবং অনুভব দিয়া। ইহাতে প্রকৃত পক্ষে সত্য বিকৃত ও বিপর্য্য হইয়া পড়ে। কিন্তু তথাপি মানব জীবনের একটা অবস্থায় এ ভুল ধারণাও মানুষের ব্যবহারিক জীবনের পক্ষে পর্যাপ্ত এবং তাহাকে প্রগতির পথে ইহা কিছু দূর অগ্রসর করিয়াই দেয়। কিন্তু মানুষের উচ্চতম অবস্থায় ও জ্ঞানে এ ধারণা টিকে না। ‘সত্যই প্রকৃত পথ, অসত্য নয়’। প্রকৃত সত্য এই যে ঈশ্বরই বিশ্বের কেন্দ্র, আমাদের ক্ষুদ্র বস্তু-বোধ-পীড়িত অহংকে দিয়া তাহার কর্ম ও বিধানের বিচার করা চলে না। আমাদের ব্যক্তিগত অনুভবের স্বরূপও তখনই আমরা জানিতে পারিব যখন বিশ্বের মধ্যে এবং বিশ্বাতীত ভাবে যিনি রহিয়াছেন তাঁহারই মধ্যে ইহাকে দেখিতে পাইব। তবু যথাযথ ভাবে জ্ঞানের ভিত্তি স্থাপন না করিয়া অহংকেন্দ্রিকভাৱ

স্থানে যদি সত্যের এই ধারণাকে বসাইতে চাই তাহাতে পুরাতনের স্থানে এক নূতনকে বসান হইতে পারে কিন্তু মিথ্যা থাকিয়া যাইতে পারে এবং সত্যের একটা বিষয় বিপর্যয় দেখা দিতে পারে। এমন বিপর্যয় হয়ত অনেক সময় নূতন ধর্ম ও নূতন ধর্মের সূচনা আনিয়া দেয় এবং সমাজজীবনে সার্থক বিপ্লব ঘটায়। কিন্তু প্রকৃত লক্ষ্যে পৌছিতে হইলে মূল সত্য ও ধারণার চারিদিকে এমন যুক্তিযুক্ত এবং সার্থক জ্ঞানের সমাবেশ করিতে হইবে যাহাতে ব্যক্তিগত জীবনের সকল সম্পদ পুনরাবিষ্কৃত হইবে, তাহাদের সকল ক্রটি-বিচ্যুতি দূর হইবে এবং সে-সমস্তই দিব্য ভাবে রূপান্তর লাভ করিবে। তখন আমরা সত্যের এমন এক নূতন ধারণা পৌছিব যাহাতে এখন যে ভাবে আমরা জীবন যাপন করিতেছি তাহার স্থানে এক দিব্যতর জীবনের প্রতিষ্ঠা করিতে পারিব এবং জগতে পার্থিব জীবনের বৃত্তি ও উপাদান সমূহকে দিব্যতর ভাবে অধিকতর শক্তির সহিত ব্যবহার করিতে শিখিব।

এই নূতন জীবন এবং শক্তি লাভ করিতে হইলে যে সমস্ত মহাসম্ভ্রামাদের বোধ ও ধারণার মধ্যে পরমপুরুষের প্রকৃতি ফুটাইয়া তুলিবে তাহাদিগকে প্রত্যক্ষভাবে অনুভব করা চাই। এ জন্ত আমাদের অহং এবং ব্রাহ্ম দৃষ্টিভঙ্গী ত্যাগ করিতে হইবে, যে সমস্ত মিথ্যাকে সে স্থির সত্য বলিয়া বোধ করিতেছে তাহাদিগকে প্রত্যাখ্যান করিতে হইবে। যে সমগ্রতার সে অংশ এবং যে বিশ্বাতীত সত্য হইতে সে অবতীর্ণ, তাহাদের সহিত সমন্বয় সাধন করিতে হইবে, তাহাদের সহিত যে সত্য সঙ্গত আছে তাহা উপলব্ধি করিতে হইবে। যে সত্যের মধ্যে তাহার নিজের পূর্ণতা এবং যে বিধানে যুক্তি, তাহার দিকে নিজেকে অসঙ্কোচে মেলিয়া ধরিতে হইবে। এ সাধনার উদ্দেশ্য হইবে অহং-এর দৃষ্টিভঙ্গীর ফলে যে সমস্ত ব্রাহ্ম সংস্কার তাহার মধ্যে আসিয়াছে তাহার উচ্ছেদ। হুঃখ অমঙ্গল, সীমা, অজ্ঞান, মৃত্যুকে অতিক্রম করিয়া তাহাকে পরম পুরুষার্থ লাভ করিতে হইবে।

আমাদের জীবনের এই সমস্ত বিষয় যদি আমাদের অহংগত বর্তমান ধারণার সহিত অবিস্ফেদ্য ভাবে যুক্ত ও বদ্ধ থাকে তবে এখানে এই পৃথিবীতে আমাদের মানব জীবনের পক্ষে এই ভাবে ইহাদিগকে অতিক্রম বা উচ্ছেদ করা অসম্ভব। জীবন যদি কেবল ব্যক্তি চেতনার ঘটনা মাত্র হয়, যদি

তাহার মূলে সর্বত্র ব্যাপ্ত এক সত্তার অধিষ্ঠান না থাকে, যদি বিশ্বাত্মার মহাপ্রাণ দ্বারা তাহা সজীবিত না হয়, বিষয় সংস্পর্শে ব্যক্তিস্বেচ্ছার প্রতিক্রিয়ায় যে ঘনবোধ জাগে তাহা শুধু প্রতিক্রিয়া না হইয়া যদি সমস্ত প্রাণনের মর্মসত্য হয়, দেহ মন প্রাণ যে সমস্ত উপাদানে গঠিত হইয়াছে, সীমা এবং স্ফোচাই যদি তাহাদের অবিচ্ছেদ্য প্রকৃতি হয়, মৃত্যুই যদি জীবনের একমাত্র পরিণাম হয়, যদি জীবনের আদি ও অন্তে মৃত্যু ভিন্ন অস্ত কিছু না থাকে, সমস্ত সংবেদনের মূলে যদি সুখ ও দুঃখের ঘন অবিচ্ছেদ্য ভাবে জড়িত থাকে, আনন্দ এবং যন্ত্রণা যদি সকল আবেগের মধ্যে আলোছায়া রূপে বর্তমান থাকে, সত্য ও মিথ্যা এই দুই প্রান্তের মধ্যে চির আবর্তিত হওয়া ছাড়া জ্ঞানের যদি গতি না থাকে—এই সমস্ত যদি আমাদের নিশ্চিত বিশ্বাস হয় তবে মুক্তি পাইতে গেলে হয় আমাদের সমস্ত জীবন, সমস্ত বিশ্ব যেখানে লয় পাইবে তেমন এক নির্বাণের মধ্যে অল্পপ্রবৃষ্টি হইতে হয় অথবা এ জড় জগৎ হইতে ভিন্নভাবে গঠিত কোন লোকোত্তর ধামে বা জগতে চলিয়া যাইতে হয়—এ জগতে দ্বিতীয় জীবন প্রতিষ্ঠা অসম্ভব হইয়া পড়ে।

মানুষের জীবনে যাহা বর্তমানে অবশ্যস্বাবী ঘটনা বা নিশ্চিত অবস্থা রূপে রহিয়াছে তাহা আমূল পরিবর্তিত হইবে এই মর্ত্য জীবনেই, এ কথা অতীত ও বর্তমানের সংস্কারবদ্ধ প্রাকৃত মন সহজে কল্পনা করিতে পারে না। ডারউইনের অভিব্যক্তি বাদে (theory of evolution), বানরই রূপান্তর প্রাপ্ত হইয়া মানুষে পরিণত হইয়াছে, এ কথা বলা হইয়াছে। মানুষ যখন সৃষ্ট হয় নাই সেই আদিম কালে অরণ্যের শাখাবিহারী বানরের পক্ষে ইহা ধারণা করা অসম্ভব ছিল যে ভবিষ্যতে এক দিন এক জাতির প্রাণী এই পৃথিবীতে আবির্ভূত হইবে যে তাহার অন্তর ও বহিঃপ্রকৃতির উপর বুদ্ধি ও বিচারশক্তি নামক এক অদ্বিতীয় নূতন শক্তি প্রয়োগ করিবে, তাহার জীবনের পারিপার্শ্বিক অবস্থার সে ঘটাবে পরিবর্তন, তাহার চিরাত্যন্ত জীবনের সমস্ত সংস্কারের মধ্যে আনিবে একটা রূপান্তর, একটা বিপ্লব, পাথর দিয়া প্রস্তুত করিবে তাহার বাসগৃহ, প্রকৃতির শক্তিকে করিবে নিয়ন্ত্রিত, সমুদ্রের উপর করিবে আবাসে বিচরণ, গগনে করিবে স্বচ্ছন্দে বিহার, নৈতিক ও ধর্মবিধানে করিবে সমাজের নিয়ন্ত্রণ, তাহার মানসিক ও আধ্যাত্মিক উন্নতির জন্ত আবিষ্কার করিবে সাধনায়

সহজ পছন্দ। বানরের চিন্তে একরূপ ধারণা জাগা যদি বা কোনক্রমে সম্ভব হইত তবু প্রকৃতির কোন ক্রমপরিণতির ফলে অথবা সংকল্পের কোন সুদীর্ঘ সাধনা দ্বারা সে নিজেই ঐ জীবের কোন দিন পরিণত হইবে ইহা সে কিছুতেই মনে করিতে পারিত না। কিন্তু মানুষের মধ্যে বুদ্ধির জাগরণ হইয়াছে বিশেষতঃ কল্পনা করিবার শক্তির সঙ্গে তাহার মধ্যে বোধির উদ্বেগ খটিয়াছে, তাই তাহার বর্তমান জীবনের চেয়ে উন্নততর জীবনের কল্পনা করা তাহার পক্ষে সম্ভব হইয়াছে, এমন কি তাহার বর্তমান অবস্থা অতিক্রম করিয়া সেই উন্নততর জীবনে সে নিজে একদিন পৌছিতে পারিবে ইহাও সে মনে করিতে পারে। তাহার ধারণা ও সহজাত অভীশার যাহা চরম কাম্য তাহা দিয়া সে একটা পরম অবস্থার কল্পনা করিয়াছে—সেখানে জ্ঞান, আনন্দ ও শক্তি আছে অথচ তাহাদের বিরোধী ভ্রম, দুঃখ বা অসামর্থ্যের লেশ মাত্র নাই, সেখানে স্বচ্ছতা এবং ঐশ্বর্য আছে কিন্তু তদ্বিরোধী দোষ ক্রটি বা সীমার দৈন্ত নাই। এই ভাবে সে দেবতার পরিকল্পনা করে, স্বর্গের ছবি আঁকে। বস্তুতঃ ঐশ্বর ও স্বর্গের সম্বন্ধে তাহার যে স্বপ্ন তাহা নিজের পূর্ণতারই স্বপ্ন। কিন্তু এখানে এই মর্ত্যজীবন বাস্তব ক্ষেত্রে এ স্বপ্ন যে সফল হইবে বা সফল করিয়া তোলাই যে তাহার জীবনের উদ্দেশ্য এ কথা মনে করিতে, তাহার পূর্বপুরুষ বানর নিজে অনাগত ভবিষ্যত মানুষের পরিণত হইবে ইহা ভাবিতে যেকোন ভীত ও কুণ্ঠিত হইত সেইরূপ ভীত ও কুণ্ঠিত হয়। তাহার কল্পনা ও আধ্যাত্মিক অভীশা এই উদ্দেশ্য জাগাইতে পারে কিন্তু বুদ্ধি যখন আপন আত্মপ্রতিষ্ঠা করে তখন ইহাকে জড় জগতের কঠোর সত্যের বিরোধী উজ্জ্বল কুসংস্কার মাত্র মনে করে। সে ভাবে সীমিত ক্ষুদ্র জ্ঞান, সুখ, শক্তি ও মঙ্গলই মানুষ পাইতে পারে, ওরূপ অভিপ্রাকৃত কোন অবস্থা লাভ করা তাহার পক্ষে উদ্ভীপনাময় স্বপ্নছবি মাত্র।

তথাপি বুদ্ধির মধোই তাহাকে অতিক্রম করিয়া যাওয়ার প্রবৃত্তি দেখা যায়। কারণ বুদ্ধির স্বরূপ ও লক্ষ্য জ্ঞানের অন্বেষণ অর্থাৎ ভ্রম-প্রমাদ-শূন্য সত্যকে লাভ করা। বৃহত্তর ভ্রম হইতে ক্ষুদ্রতর ভ্রমে পৌঁছা তাহার উদ্দেশ্য নয়, সে বিশ্বাস করে একটা শুদ্ধ নিত্য সত্য পূর্ণ হইতে বর্তমান আছে, আমরা জ্ঞান এবং ভ্রম-জ্ঞানের স্বন্দেহ মধ্য দিয়া ক্রমশঃ অধিকতর ভাবে সে সত্যের নিকে অগ্রসর হইতে পারি। মানুষের অজ্ঞাত অভীশার



সম্মুখে বুদ্ধির যে ঠিক তরুণ সহজাত নিশ্চয়তা নাই তাহার কারণ তাহাদের সম্মুখে স্বরূপবোধ তাহার বর্তমান ক্রিয়ারই মধ্যে এখনও সে লাভ করে নাই। চূড়ান্ত স্থলের একটা কল্পনা আমরা করিতে পারি কারণ স্থূলভাষ্যে হৃদয়ের সহজ ধর্ম বলিয়া তাহা যে লাভ করা যায় সে সম্মুখে হৃদয়ের একটা বিশ্বাস ও একরূপ নিশ্চয় বোধ আছে। আমাদের দুঃখের আপাতপ্রতীয়মান কারণ বাসনার যে অতৃপ্তি তাহার উচ্ছেদ সাধন করিতে পারিলে দুঃখের ঐকান্তিক নিরুত্তি যে হইতে পারে আমাদের মনও তাহা স্বীকার করে। কিন্তু দ্বায়বিক বোধ হইতে বেদনার বিলোপ সাধন অথবা দৈহিক জীবন হইতে মরণ সম্ভাবনার অপসারণ আমরা কিরূপে কল্পনা করিব? অথচ ইন্দ্রিয় বোধের সহজ ধর্মই এই যে সে চায় বেদনার উচ্ছেদ, প্রাণ-চেতনার মূলে মরণকে অস্বীকার করিবার একটা প্রচণ্ড দাবি রহিয়াছে ইহা ত দেখিতে পাওয়া যায় কিন্তু বুদ্ধি এ সমস্তকে সহজাত অভীক্ষা বলিয়া দেখিলেও এ অভীক্ষার চরিতার্থতা অসম্ভবই মনে করে।

তবু একই নিয়ম সর্বত্র খাটিবে ইহাই ত সম্ভব। ব্যবহারিক বুদ্ধির ভ্রম এইখানে যে আপাতপ্রতীয়মান বিষয়েরই সে অত্যন্ত অধীন, যে সমস্ত গভীরতর বিষয় এখনও তাহার কাছে সম্ভাবনারূপে রহিয়াছে তাহাদিগকে যুক্তিসম্মত ভাবে তাহাদের পরিণামের দিকে লইয়া যাইবার উপযুক্ত সাহস তাহার নাই। অতীতে যাহা সম্ভাবনারূপে ছিল তাহারই পরিণামে বর্তমান দেখা দিয়াছে, বর্তমানে যাহা সম্ভাবনারূপে রহিয়াছে ভবিষ্যতে কি ঘটিবে তাহার ইঙ্গিত তাহাতে ব্যক্ত হইতেছে। কেন এবং কি ভাবে কোন বিষয় ঘটে তাহা জানিতে পারিলে সে বিষয়ের উপর প্রভুত্ব করা যায়, আমরা যদি ভ্রম, দুঃখ, যন্ত্রণা এবং মৃত্যুর কারণ জানিতে পারি তবে সে সমস্ত দূর করিবার আশাও করিতে পারি। কারণ জানই শক্তি, জ্ঞানের ফলেই প্রভুত্ব লাভ হয়।

বস্তুতঃ এই সমস্ত প্রতিকূল ও অবাস্তবিক ব্যাপারকে আমাদের সাধ্যানুসারে উন্নীত করিবার আদর্শই আমরা অনুসরণ করিতেছি। ত্রাস্তি দুঃখ শোকের কারণকে ধর্ম করিবার চেষ্টা সর্বদাই করিতেছি। জ্ঞান বুদ্ধির সঙ্গে সঙ্গে বিজ্ঞান স্বপ্ন দেখিতেছে যে সে জগৎকে নিয়ন্ত্রিত করিবে এবং মৃত্যুকে একেবারে জয় করিতে না পারিলেও জীবনকে অতি দীর্ঘ করিয়া তুলিবে। কিন্তু আমরা

বাহু এবং গৌণ কারণ মাত্র দেখিতে পাইয়াছি, মূল কারণ খুঁজিয়া পাই নাই ; কেবল প্রকৃতির কর্ম পদ্ধতির ( process ) অর্থাৎ কি ভাবে ঘটনা ঘটে তাহার কিছু জ্ঞানলাভ করিয়াছি, সেই জ্ঞান আমরা ইহাদিগকে দূরে সরাইয়া দিবার কথা মাত্র ভাবিতে পারিতেছি কিন্তু একেবারে উচ্ছেদ করিবার শক্তি লাভ করি নাই। সেই জ্ঞান লাভ হইলে আমাদের প্রকৃতির মধ্যে ইহাদিগকে পূর্ণরূপে দূরীভূত করিবার যে বিপুল সহজাত প্রবৃত্তি আছে তাহা সমর্থিত হইবে। এমন কি সমস্ত অকল্যাণের একান্ত বিলয় সাধন করিয়া আমাদের আন্তরপ্রকৃতি যাহা মাহুতের চরম ও পরম সার্থকতা বলিয়া জানে সেই পূর্ণজ্ঞান ও আনন্দ, শিবত্ব ও অমরত্ব লাভ করিবে।

যিনি সমগ্র বিশ্বের একমাত্র মূল সত্য এবং সৎ-চিত্ত-আনন্দ যাহার স্বরূপ ও প্রকৃতি, সেই ব্রহ্মের ধারণা ও অনুভূতি হইলে এ সমস্ত সমস্তার সমাধান হইবে, প্রাচীন বেদান্ত ইহাই শিক্ষা দিয়াছে। এই মতে এক বিশ্বব্যাপ্ত অমৃতময় সত্তার গতি ও স্পন্দন সমস্ত জীবনের, সর্বগত স্বয়ম্ভু এক আনন্দ স্বরূপের খেলা সমস্ত ইন্দ্রিয়-বোধ ও আবেগের, বিশ্বময় এক সত্যের বিকীরণ সমস্ত ভাবনা ও বোধের, এক বিশ্বব্যাপী স্বতঃপরিণামী শিবশক্তির প্রবাহ সমস্ত কর্মের—মূল সত্য। কিন্তু এই যে গতি ধারা, এই যে লীলা, তাহা রূপের বাহুল্য, প্রবৃত্তির বহুমুখী বৈচিত্র্য, বহু শক্তির পরস্পর ঘাতপ্রতিঘাতের মধ্য দিয়া প্রকাশিত হইতেছে। বহুত্বই এই খেলাকে সাময়িকভাবে এক বিশেষ রূপে লাক্ষিত করিতে বা তাহার মধ্যে বিকৃতি আনিতে সক্ষম হইয়াছে, এমন কি ব্যক্তিগত অহং এর উৎপত্তি সম্ভব করিয়া তুলিয়াছে। অহং এর প্রকৃতিই এই যে এক বিশেষ রূপের, প্রবৃত্তির এক বিশেষ ধারার, শক্তির এক বিশেষ ক্ষেত্রের মধ্যে ডুবিয়া বা অভিনিবিষ্ট হইয়া অন্ত্যন্ত বিভাবের সম্বন্ধে স্বেচ্ছায় অজ্ঞ থাকিতে পারে এরূপ এক চৈতন্ত্যের মধ্যে নিজকে সীমাবদ্ধ করা। জাগতিক শক্তি ও গতির প্রতিক্রিয়ায় অহংই ভ্রম, দুঃখ, শোক, অমঙ্গল ও মৃত্যুর বোধ জাগাইয়া তোলে বা এই ভাবে তাহাদের মূল্য নিরূপণ করে, নহিলে এই গতি এক পরম সত্তার সহিত প্রকৃত সম্বন্ধযুক্ত হইয়া আনন্দ, সত্য ও শিবস্বরূপের প্রকাশ করিত। ঋতের ছন্দ বা সত্য সম্বন্ধ আবার লাভ করিতে পারিলে অহং এর দ্বারা নিয়ন্ত্রিত এ সমস্ত বোধ দূর হইয়া চেতনার কাছে ইহাদের সত্য রূপ উদ্ঘাটিত হইতে পারে। এ অবস্থা লাভের উপায় বিশ্বচৈতন্ত্যের এবং

বিশ্বচৈতন্য বাহার প্রকাশ ক্ষেত্র সেই বিশ্বাতীত চৈতন্যের সঙ্গে ব্যক্তিগত চৈতন্যের প্রকৃত মিলন ও স্বর-সম্বন্ধ সাধন করা।

শেষের দিকে বেদান্তের মধ্যেও এই ধারণা ক্রমশঃ প্রবেশ করিয়াছে যে সীমিত অহং শুধু স্বপ্নের কারণ মাত্র নহে, বিশ্বসত্তাও তাহার উপর নির্ভর করে। অহং এর অজ্ঞানতা দূর করিতে পারিলে স্বপ্ন দূর হইবে বটে কিন্তু সেই সঙ্গে বিশ্ব-ক্রিয়া হইতে আমাদের অস্তিত্বও লোপ হইবে। এই মত অল্পসারে মাছুষের অস্তিত্বের প্রকৃতি হয়, অসার ও অলীক বলিয়া স্বীকার করিতে হয় এবং এ জগতে থাকিয়া পূর্ণতালাভের প্রয়াস মোহের ছলনা মাত্র হইয়া দাঁড়ায়। এখানে বাহ্য ভাব বা স্ব তাহার সহিত তাহার বিপরীত হু কিছু মিশ্রিত থাকিবেই। কিন্তু যদি আমরা এই বৃহত্তর, গভীরতর ধারণা পোষণ করিতে পারি যে অহং তাহার অতীত কিছুর প্রকাশের পথে তাহারই একটা গোণ ও সাময়িক ব্যাপার মাত্র তাহা হইলে এ বিলুপ্তি আমাদের স্বীকার করিতে হয় না, এবং বেদান্তকে জীবন হইতে পলায়নের সাহায্যে ব্যবহার না করিয়া জীবনের উন্নতি ও অভ্যুদয়ের সাধনায় প্রয়োগ করিতে পারি। জগতের যিনি প্রভু সেই ঈশ্বর বা পুরুষই জগতের কারণ এবং অধিষ্ঠান, তিনিই বিশ্ব এবং ব্যক্তির মধ্যে অল্পশূন্য থাকিয়া আত্মপ্রকাশ করিতেছেন। চৈতন্যের এক প্রকার বিশিষ্ট ধারার ক্রম বিকাশে, সীমিত অহং-এর প্রকাশ একটা মধ্যবর্তী ঘটনা মাত্র। এই ধারা অল্পসরণ করিয়া ব্যক্তি বাহার প্রতিভূ স্বরূপে প্রকাশ পাইয়াছিল, নিজেকে অতিক্রম করিয়া সেই স্বোত্তর ভূমিতে সে পৌছিতে পারে এবং তাহার এই প্রতিভূ স্বরূপ ক্ষণ না করিয়া, অজ্ঞানাত্মক সীমিত অহংভাবে প্রকাশিত না হইয়া সেই পরম পুরুষের প্রকাশ-ক্ষেত্র রূপে বর্তমান থাকিতে পারে। ব্যক্তি চৈতন্য তখন বিশ্ব চৈতন্যের সহিত মিলিত হয় এবং সমস্ত ব্যক্তি চৈতন্য ভগবানেরই প্রকাশক্ষেত্র জানিয়া তাহাদের সহিত পরম সম্বন্ধে সমন্বিত হয়।

সুতরাং দেখা যাইতেছে যে নিখিল জড় প্রকৃতিতে চিন্ময় দিব্যপুরুষের প্রকাশ জগতে মানব জীবনের ভিত্তি। এই চিন্ময় পুরুষ জড়ে সংবৃত ছিলেন এবং প্রাণ মন অতিমানসকে ফুটাইয়া তোলা তাহার অবশ্যস্বাভাবী পরিণতি, তিনি আছেন বলিয়া আমাদের সকল ক্রিয়া সকল গতি সম্ভব হইয়াছে। পরিণতির এই ধারাই জড়ের মধ্যে মাছুষকে আনিয়াছে এবং ইহাই একদিন এই স্থলদেহেই ত্রিভুবানকে

ফুটাইয়। তুলিবে, তাহার বিশ্বজনীন অবতরণকে সম্ভব করিবে। ঋগ্বেদে যাহাকে ‘ঋগ্‌ সমুদ্র’ বলা হইয়াছে, নিরূপ গহন সেই অবচেতনা হইতে পরম-এক এই মধ্য-বর্তী খণ্ড অহং এর দ্বারা ধরিয়া সচেতন বহুরূপে প্রথমে প্রকাশ পাইয়াছেন। অহং-চেতনার এই প্রাথমিক প্রকাশে জীবন ও মৃত্যু, সুখ ও দুঃখ, সত্য ও মিথ্যা, স্মৃ ও কু এইরূপ দ্বন্দ্ব দেখা দিয়াছে। কারণ অখণ্ড সত্য, কল্যাণ, আনন্দ ও প্রাণের লীলা হইতে বিচ্ছিন্ন করিয়া ভেদ দৃষ্টি দ্বারা একটা কৃত্রিম পরিবেশের মধ্যে একত্ব খুঁজিলে তাহার স্বাভাবিক এবং অপরিহার্য পরিণামে এই ব্ৰহ্মবোধ আসিয়া উপস্থিত হইবে। পশু-জীবনের মধ্যে যেমন মানবজীবনের পূর্বাভাস রহিয়াছে— তেমনি মানব জীবন যে পরিপূর্ণ পরম জীবনের পূর্বাভাস, তাহাতে পৌছিবার উপায় স্বরূপে মানুষ যখন নিজের ব্যক্তিগত জীবনকে বিশ্ব এবং বিশ্বেশ্বরের দিকে পূর্ণরূপে খুলিয়া ধরে তখন তাহার এ খণ্ড অহং জ্ঞান খসিয়া পড়ে ! এই সিদ্ধিতে পৌছিলে সীমিত অহং দিব্য অদ্বয় জ্ঞান ও স্বাধীনতার সচেতন প্রকাশকে ক্রমভাবে রূপান্তর প্রাপ্ত হয়, ফলে ব্যক্তির মধ্যে সমষ্টির অন্তর্ভব জাগিয়া উঠে। তখন জগতে বহুর উপর অনন্ত, অপ্রমেয় সংস্বরণের সত্য, কল্যাণ ও আনন্দের দ্বারা প্রবাহিত হয় ; এবং ক্রম পরিণতি যে দিব্য উদ্বেগ সাধনের পথে অগ্রসর হইতেছে তাহা সিদ্ধ হয়। ভবিষ্যতে যে পরম আবির্ভাব আসিবে তাহার জগৎকে জগজ্জননী প্রকৃতি আপনার গর্ভে আজও ধারণ করিয়া রাখিয়াছেন এবং যাহাতে এই দিব্য জন্ম হয় তাহার সাধনা ও আয়োজন করিতেছেন।

## অষ্টম অধ্যায় বৈদান্তিক জ্ঞানের ধারা

সর্বভূতে গূঢ়ভাবে অবস্থিত এই আত্মা (সাধারণের নিকট)  
প্রকাশ পান না। কিন্তু সূক্ষ্মদর্শীরা সূক্ষ্মা অগ্র্যাবুদ্ধি দ্বারা তাহাকে  
দেখিতে পান। কঠোপনিষদ ( ৩।১২ )

সচ্চিদানন্দের লীলা জগতে কিভাবে প্রকাশিত হয়? যে অহং তাহারই  
প্রথম জ্ঞাত এক রূপ, তাহার সঙ্গে যোগ সাধন হয় কোন্ ধারার মধ্য দিয়া এবং  
পরে সে যোগের চরম পরিণতি হয়ই বা কোন্ পন্থায়? ভগবানের সহিত জীবের  
এই সম্বন্ধ এবং সংযোগের ধারার উপরই দিব্য জীবনের দর্শন ও সাধনা নির্ভর  
করিতেছে।

ইন্দ্রিয়ের প্রমাণকে অতিক্রম করিয়া জড় মনের আবরণ ভেদ করিয়া  
আমাদিগকে দিব্য সত্তার ধারণা ও জ্ঞানলাভ করিতে হয়। যতক্ষণ আমরা  
ইন্দ্রিয়বোধ ও বাহ্য চেতনার মধ্যে থাকিব—ততক্ষণ আমরা জড় জগৎ এবং  
সেখানকার বাহ্য ঘটনা ও ক্রিয়া ছাড়া আর কিছু দেখিতে পাইব না। কিন্তু  
আমাদের মধ্যে এমন কতকগুলি বৃত্তি আছে যাহাদের সাহায্যে দৃশ্য জগতের  
স্থূল তথ্য হইতে যুক্তি বিচার অথবা কল্পনার যোজনায় দ্বারা এ সম্বন্ধে একটা  
মানসিক ধারণায় পৌঁছিতে পারা যায় যদিও কেবলমাত্র জাগতিক ঘটনা অথবা  
অনুভবের দ্বারা এ ধারণাকে স্থাপিত বা প্রমাণিত করা যায় না। এই সমস্ত  
বৃত্তির প্রথমটী শুদ্ধ বুদ্ধি।

মহত্ত্ব বুদ্ধির দুই প্রকারের ক্রিয়া আছে, একটা মিশ্র বা পরতন্ত্র, অপরটী শুদ্ধ  
বা স্বতন্ত্র। যখন বুদ্ধি ইন্দ্রিয়ানুভবের গণ্ডির মধ্যে থাকে, তাহার বিধানকেই  
চরম সত্য বলিয়া স্বীকার করে, যখন জাগতিক ঘটনা বা প্রতিভাস লইয়াই তাহার  
কান্নবার অর্থাৎ ইন্দ্রিয়গ্রাহ্য বস্তুনিচয়ের পরস্পর সম্বন্ধ, প্রকাশের ধারা এবং

প্রয়োজনের বাহিরে তাহার দৃষ্টি যখন চলে না, তখন মিশ্র বুদ্ধির ক্রিয়া চলিতেছে ইহা বুঝিতে হইবে। মিশ্র বুদ্ধি বস্তুর স্বরূপ সত্য কি তাহা জানিতে পারে না ; বস্তু আমাদের নিকটে ধেরূপ প্রতিভাত হয়, যাহাকে তাহার প্রাতিভাসিক সত্য বলা হয়, ইহা কেবল তাহাই জানিতে পারে। পক্ষান্তরে যখন ইন্দ্রিয়ানুভূতি হইতে যাত্রারম্ভ করিলেও সে অল্পভবের গতির মধ্যে আবদ্ধ থাকিতে অস্বীকৃত হইয়া তাহার উপরে উঠিয়া মন নিজের স্বাতন্ত্র্যের সাহায্যে সার্বজনীন এবং সত্য যাহা প্রতিভাসের পশ্চাতে লুকাইয়া আছে তাহাকে বাহির করিবার চেষ্টা করে তখন শুদ্ধ বুদ্ধির ক্রিয়া আরম্ভ হয়। এইভাবে যে সত্য সে সাক্ষাৎভাবে লাভ করে, ইন্দ্রিয়ানুভূতি হইতে যাত্রারম্ভ করাতে ইন্দ্রিয়বোধেরই পরিণাম এবং তাহার উপর নির্ভরশীল বোধ হইলেও বস্তুতঃ তাহা বুদ্ধির স্বতঃস্ফূর্ত অল্পভব। কিন্তু শুদ্ধ বুদ্ধির বিশিষ্ট ধর্মের প্রকাশ তখনই পায়, যখন সে ইন্দ্রিয়ানুভূতিকে ওজর, অজুহাত বা অছিলামাত্র রূপে গ্রহণ করিয়া তাহাকে বহু পশ্চাতে ফেলিয়া স্বকীয় অল্পভবে বা ধারণায় পৌছে। তখন ইন্দ্রিয়ানুভব আমাদের কাছে যাহা সত্য বলিয়া স্বীকার করাইতে চায় তাহার একান্ত বিপরীত কিছুও সত্য বলিয়া স্বীকৃত হইতে পারে। শুদ্ধ বুদ্ধির এই গতি স্বাভাবিক এবং অপরিহার্য, কারণ আমাদের সাধারণ অল্পভব বিশ্ব ব্যাপারের অতি সামান্য অংশেই সীমাবদ্ধ ; সেই সীমার মধ্যেও ইন্দ্রিয়াদি যে সমস্ত যন্ত্র ব্যবহৃত হয় তাহার ক্রটি ও অপূর্ণতার জগৎ এ অল্পভব অপূর্ণ। তাই পূর্ণতার রূপে সত্যের ধারণা করিবার জগৎ এ অল্পভবকে অতিক্রম করিয়া যাইতে, দূরে সরাইয়া রাখিতে অথবা এ অল্পভব যাহা সত্য বলিয়া আমাদের নিকট উপস্থিত করে অনেক সময় তাহাকে অস্বীকার করিতে হয়। মানুষ বুদ্ধির দ্বারা ইন্দ্রিয়বোধের ভ্রান্তিকে শোধন করিতে পারে এই যে অতি মূল্যবান শক্তি সে অর্জন করিয়াছে তাহাই জাগতিক জীবের মধ্যে তাহার প্রাধান্যের প্রধান কারণ।

শুদ্ধ বুদ্ধির পূর্ণ বিকাশ হইলে আমরা জড়-গত জ্ঞানের জগৎ হইতে দর্শন বা তত্ত্ববিজ্ঞান জগতে পৌছিতে পারি। কিন্তু এইভাবে তত্ত্ববিজ্ঞান যে সমস্ত ধারণা আমরা লাভ করি, নিজ সত্তারই উপাদান বলিয়া শুদ্ধ বুদ্ধি তাহাতে তৃপ্ত হইলেও আমাদের সমগ্র সত্তার দাবি তাহা মিটাইতে পারে না। কারণ আমাদের প্রকৃতি সর্বদাই দুই চক্ষুতে সব কিছু দেখিতে চায়—এক চক্ষুতে ভাবরূপে অল্প

চক্ষুতে বস্তুরূপে। কাজেই শুদ্ধ বুদ্ধিদত্ত ধারণা আমাদের নিকট অপূর্ণ এবং যতক্ষণ আমাদের অভিজ্ঞতায় তাহা বাস্তব হইয়া না উঠে ততক্ষণ পর্যন্ত আমাদের প্রকৃতির এক অংশের কাছে প্রায় অলীক। কিন্তু যে সমস্ত সত্যের কথা আমরা এখন আলোচনা করিতেছি তাহা এমন জাতীয় যে আমাদের সাধারণ অল্পভূতির অমুগত তাহার নয়। তবুও স্বভাবতঃ অতীন্দ্রিয় হইলেও বুদ্ধি তাহাদের সম্বন্ধে ধারণা করিতে পারে; সুতরাং আমাদের প্রকৃতির দাবি পূর্ণরূপে মিটাইতে গেলে এ সমস্ত অমুভব করিতে পারি এমন কোন বৃত্তি আমাদের মধ্যে প্রস্তুত হওয়া চাই, এবং ইহারা জড়াতীত বলিয়া, সেজন্ত প্রয়োজন আমাদের মনোময় অল্পভবের সম্প্রসারণ।

এক হিসাবে আমাদের সকল অল্পভবই মনোময়, কারণ ইন্দ্রিয়ের নিকট হইতে আমরা বাহা পাই তাহা মনের ভাষায় অনুবাদ করিয়া যতক্ষণ নিতে না পারি, ততক্ষণ তাহার অর্থ বা মূল্য আমাদের কাছে কিছু থাকে না। এজন্ত ভারতীয় দর্শনে মনকে ষষ্ঠ ইন্দ্রিয় বলা হইয়াছে। এমন কি আমরা বলিতে পারি যে মনই একমাত্র ইন্দ্রিয়; রূপ, রস, গন্ধ, স্পর্শ ও শব্দ যাহারা গ্রহণ করে আমাদের সেই পঞ্চেন্দ্রিয় মনোরূপী ইন্দ্রিয়েরই বিশেষ ভাবের প্রকাশ ক্ষেত্র মাত্র। সাধারণতঃ এই সমস্ত ইন্দ্রিয়ের সাহায্যে অভিজ্ঞতা লাভ করিলেও মন ইহাদিগকে অতিক্রম করিয়া বর্তমান আছে। ইহার প্রকৃতিসিদ্ধ শক্তিবলে ইন্দ্রিয়ের সাহায্য না লইয়াও মন সাক্ষাৎভাবে বিষয়ের অল্পভূতি লাভ করিতে পারে। তাই বুদ্ধি বা বিচার শক্তির মত মনোময় অল্পভবেরও মিশ্র বা পরতন্ত্র এবং শুদ্ধ বা স্বতন্ত্র এই দুই ভাবের ক্রিয়া আছে। সাধারণতঃ যখন মন বহির্জগৎ বা বিষয়কে জানিতে চায় তখন মিশ্র ক্রিয়া এবং যখন নিজেকে বা বিষয়ীকে অল্পভব করে তখন শুদ্ধ ক্রিয়া হয়। প্রথম ক্রিয়াতে মন ইন্দ্রিয়ের উপর নির্ভর করে এবং তাহাদের সাক্ষ্য অনুসারে তাহার প্রত্যয় বা ধারণা গড়িয়া তোলে; দ্বিতীয় ভাবে মন নিজের উপর নিজে ক্রিয়া করে এবং সাক্ষাৎভাবে এক প্রকার একত্ব বোধ দিয়া তাহার বিষয়াল্পভব হয়; এইভাবে আমরা আমাদের নিজ হৃদয়ের ভাব বা আবেগ সমূহ অল্পভব করি; যেমন একটা খাটি কথা আছে যে আমরা ক্রোধস্বরূপ হইয়া যাই বলিয়াই ক্রোধকে অল্পভব করি। আমি যে আছি এ অল্পভবও আমরা করি ঠিক এই ভাবে, এ ক্ষেত্রে একত্ব বোধ হইতেই যে আমাদের জ্ঞান আসে তাহা

অবশ্য খুব স্পষ্ট। বস্তুতঃ সকল অল্পভবের গোপনস্বরূপ এই একত্ব বোধ হইলেও আমরা জগতের অল্প সকল হইতে নিজেকে পৃথক করিয়া নিয়াছি বলিয়া এ অল্পভবের খাঁটি প্রকৃতি আমাদের কাছে গুপ্ত থাকিয়া যায়। আমরা নিজেকে বিষয়ী বা জ্ঞাতা এবং অল্প সকলকে বিষয় বা জ্ঞেয় মনে করি। তাই ভেদ বুদ্ধি দ্বারা যে সমস্তকে আপনা হইতে পৃথক করিয়া দিয়াছি তাহাদের সহিত যোগ স্থাপন দ্বারা তাহাদের মর্ম্ম সত্য পুনর্বার জানিবার জন্ত আমাদেরকে ইন্দ্রিয় ও ইন্দ্রিয়-বোধের ধারা গড়িয়া লইতে হইয়াছে। তাই একত্ব বোধ দ্বারা সাক্ষাৎ জ্ঞানের স্থানে বাহ্যস্পর্শ এবং মনের সহবেদন দ্বারা পরোক্ষভাবে জ্ঞান লাভ করিতেছি। এই সীমার বন্ধন বস্তুতঃ অহং এর সৃষ্টি এবং অহং বরাবর যে ভাবে চলিয়া আসিয়াছে তাহার একটা দৃষ্টান্ত। গোড়ায় এক মিথ্যা হইতে যাত্রারস্ত্র করাতে সত্যের স্বরূপকে পরেও আবাস্তিক মিথ্যার দ্বারা আবৃত করিতে হইয়াছে। তাহাই আমাদের সকল সম্বন্ধের ব্যবহারিক সত্য হইয়া পড়িয়াছে।

ইহা হইতে এ অল্পমান করা কঠিন নহে যে আমাদের মানসজ্ঞান ও ইন্দ্রিয়বোধ বর্তমানে যে সীমার মধ্যে প্রকাশ পাইতেছে সে সীমা অপরিহার্য্য নয়। ক্রমপরিণতির একটা অবস্থায় জড় জগতের সহিত সম্বন্ধ স্থাপনের জন্ত মন শরীরের কতকগুলি বৃত্তি বা অঙ্গ ও তাহাদের ক্রিয়া প্রতিক্রিয়ার উপর নির্ভর করিতে অভ্যস্ত হইয়াছে। তাই যখন আমরা বাহ্য জগতের সম্বন্ধে কিছু জানিতে চাই তখন ইন্দ্রিয় এবং তাহাদের অল্পভবের দ্বারাই মাহুষ ও পদার্থের সম্বন্ধে যতটা জ্ঞান তাহারা দিতে পারে তাহা সংগ্রহ করা আমাদের সাধারণ নিয়ম হইয়া দাঁড়াইয়াছে ; তথাপি এ বিধান দুর্ভাগ্যক্রমে অভ্যাসের ফল মাত্র। এই সংস্কার ও অধীনতা হইতে মনকে মুক্ত করিতে পারিলে, ইন্দ্রিয়ের সাহায্য ব্যতীত বর্তমানে যাহা আমাদের ইন্দ্রিয়-গ্রাহ্য বিষয় তাহার সাক্ষাৎ অল্পভব মনের পক্ষে শুধু সম্ভব হয় তাহা নহে, তাহাই তাহার স্বাভাবিক ধর্ম্ম বলিয়া বোঝা যায়। সম্মোহন ও তজ্জাতীয় মানসিক ব্যাপারে ইন্দ্রিয় নিরপেক্ষ হইয়া বিষয়াল্পভবের এই শক্তি যে মনের আছে তাহা দেখা যায়। প্রাণক্রিয়ার ফলে পরিণতি দ্বারায় জড় ও মনের মধ্যে যেটুকু সমতা ও সামঞ্জস্য স্থাপিত হইয়াছে, আমাদের আগ্রহ চেষ্টনা তাহা দ্বারা নিয়ন্ত্রিত ও সীমিত হয় বলিয়া এক্ষণ সাক্ষাৎ অল্পভূতি



সাধারণতঃ অসম্ভব। তাই সম্মোহনাদি ব্যাপারে আগ্রহত মনকে ঘুমাইয়া রাখিয়া অধিচেতনের ভূমিস্থিত প্রকৃত মনকে কার্যকর করা হয়। মন তখন তাহার ঋটি প্রকৃতি অনুসারে কাজ করিতে পারে এবং ইন্দ্রিয়নিরপেক্ষ হইয়া ইন্দ্রিয়গ্রাহ্য বিষয়ানুভাবে সক্ষম হয় এবং তখন বাহিরের এ সমস্ত বিষয়েও তাহার মিশ্র বা পরতন্ত্র ক্রিয়ার স্থানে শুদ্ধ বা স্বতন্ত্র ক্রিয়ার প্রকাশ হয়। আগ্রহত চেতনাতেও মনের এ শক্তি ফুটাইয়া তোলা দুঃসাধ্য হইলেও অসম্ভব নহে, মনঃসমীক্ষণের বিশেষ ধারা ধরিয়া যাহারা অনেকটা অগ্রসর হইয়াছেন তাহারা ইহা জ্ঞাত আছেন।

আমরা সাধারণতঃ যে পঞ্চেন্দ্রিয় দ্বারা বিষয়কে জানিতে অভ্যস্ত, আমাদের ইন্দ্রিয়গত মানসের অবাধ শক্তিসাধনার দ্বারা তদতিরিক্ত অল্প ইন্দ্রিয় বা বোধশক্তি ফুটাইয়া তোলাও সম্ভব। উদাহরণ স্বরূপ বলা যাইতে পারে যে কোন পদার্থ হাতে করিয়া বাহিরের যন্ত্রাদির সাহায্য ছাড়া তাহার ভারের নিখুঁত পরিমাণ বলিয়া দেওয়ার শক্তি মানুষ লাভ করিতে পারে। বস্ত্ততঃ শুদ্ধ মন ইন্দ্রিয়ানুভূতি হইতে যেকুপ যাত্রারম্ভ করে তদ্রূপ এক্ষেত্রে মন কোন জিনিসের সহিত ইন্দ্রিয়ের স্পর্শ শুধু তাহার সহিত যোগস্থাপনের উপায় মাত্র রূপে গ্রহণ করিয়া ইন্দ্রিয়ের সাহায্যের উপর নির্ভর না করিয়া নিজের স্বতন্ত্র অনুভবশক্তির দ্বারা এ জ্ঞান লাভ করে, স্পর্শবোধের দ্বারা নহে। শুদ্ধ বুদ্ধির মত ইন্দ্রিয়গত মানসও ইন্দ্রিয়ানুভূতিকে কেবল আশ্রয় রূপে গ্রহণ করিয়া এমন জ্ঞানে পৌছিতে পারে যাহার সহিত ইন্দ্রিয়ের কোন সম্বন্ধ নাই, এমন কি অনেক সময় এমন জ্ঞানের উদয় হইবে যাহা ইন্দ্রিয় বোধের বিরোধী বা বিপরীত কিছু। মানস জ্ঞানের এ সম্প্রসারণ শক্তি যে কেবল বাহিরের বিষয়েই আবদ্ধ তাহা নহে। একবার যে কোন ইন্দ্রিয়ের সাহায্যে কোন বিষয়ের সহিত যুক্ত হইলে মনকে এমন ভাবে ব্যবহার করা যাইতে পারে যাহাতে কোন পদার্থের অন্তর্নিহিত বিষয়ও জানা সম্ভব হয়। যেমন এই ভাবে কোন ব্যক্তির কথাবার্তা আকার ঈজিত বা চাল চলনের সাহায্য না লইয়া (এমন কি ইহার বাহ্যতঃ যে সাক্ষ্য দেয় তাহার বিপরীত হইলেও) যে অনুভব ও চিন্তাধারা তাহার মধ্যে রহিয়াছে তাহা জানা যায়। আরও কথ্য এই যে আমাদের সমগ্র ইন্দ্রিয় শক্তির একাংশ মাত্র জীবনের প্রয়োজনে

স্থূল ইন্দ্রিয় রূপে প্রকাশ পাইয়াছে। আমাদের অন্তর ইন্দ্রিয় বা ইন্দ্রিয়শক্তি স্বরূপতঃ যাহা, তাহাকে সূক্ষ্মভাবে ও শুদ্ধ মনোময় রূপে ব্যবহার করিয়া এই বাহ্য জগতের পরিবেশের বাহিরে যে সমস্ত অল্পভূতির বস্তু বা রূপায়ন আছে তাহাদের সন্ধান পাওয়াও মানুষের পক্ষে সম্ভব। আমাদের স্থূলমন আমাদের ইন্দ্রিয়শক্তির এই সম্প্রসারণ দ্বিধা ও সন্দেহের চক্ষুতে দেখে, কারণ এ সমস্ত আমাদের অভ্যন্ত সাধারণ জীবন ও অভিজ্ঞতার কাছে অস্বাভাবিক। তাহা ছাড়া ইহাদিগকে কার্যকর করা কঠিন, আরও কঠিন ইহাদিগকে সূক্ষ্মস্থূল রূপে নিয়ন্ত্রিত করিয়া জ্ঞানলাভের উপযুক্ত যন্ত্ররূপে ব্যবহার করা। তথাপি ইহা স্বীকার করিতে হইবে অনিয়ন্ত্রিত ভাবেই হউক অথবা জানিয়া বুঝিয়া সূনিয়ন্ত্রিত ভাবেই হউক মানুষ যখন তাহার বাহ্য চেতনার ক্ষেত্র সম্প্রসারিত করিতে সাধনা করে তখন এ শক্তি অনিবার্যরূপে তাহার নিকট প্রকাশ হয়।

আমাদের উদ্দেশ্য ইন্দ্রিয়দ্বারা যাহাকে ধরা যায় না তাহাকে মনোময় ভূমিতে রহিয়া শুদ্ধ বুদ্ধিদ্বারা অল্পভব করা যাহার কথা গীতার ভাষায় বলা হইয়াছে ‘বুদ্ধিগ্রাহ্যমতীন্দ্রিয়ম’। কিন্তু সূক্ষ্ম ইন্দ্রিয়বৃত্তিদ্বারাও তাহা সম্ভব নয়। ইহারা আমাদিগকে বৃহত্তর জগতের খবর দেয় অথবা আমাদের পর্য্যবেক্ষণ করিবার শক্তি বাড়াইয়া তোলে কিন্তু বস্তুর স্বরূপ জ্ঞান স্থূল বা সূক্ষ্ম কোন ইন্দ্রিয় কখনই দিতে পারে না। তথাপি বুদ্ধিগ্রাহ্য সত্য যদি কিছু থাকে তবে বুদ্ধির মধ্যেই সে সত্যে পৌছিবার অথবা অভিজ্ঞতার দ্বারা তাহার যথার্থ উপলব্ধি করিবার কোন উপায় থাকিবে, ইহা বিশ্বসত্যের একটা মর্ম-গত বিধান। একত্বজ্ঞানের যে ধারা আমাদিগের নিজের নিকট নিজের অস্তিত্বের প্রত্যয় জাগায় সেই ধারার সম্প্রসারণ ছাড়া এ জ্ঞানে পৌছিবার অল্প উপায় নাই। বস্তুতঃ আমাদের নিজের স্বরূপ সম্বন্ধে অল্প বিস্তর সচেতন হইয়াই আমাদিগের মধ্যে কি আছে তাহা জানিতে পারি। সূত্রাকারে বলিতে গেলে এ জ্ঞানকে বলা যায় যে ‘আধারের জ্ঞানে আধেয়ের জ্ঞান’। আমাদের স্বল্পভবের মনোময়ী বৃত্তিকে সম্প্রসারিত করিয়া উপনিষ-দোক্ত ব্রহ্ম বা আত্মাতে যদি পৌছিতে পারি তাহা হইলে সেই বিশ্বাত্মার মধ্যে অবস্থিত সমস্ত তত্ত্ব বা সত্যের অপরোক্ষাঙ্গভূতি আমাদের লাভ হইবে। এই সম্ভাবনার উপরই ভারতীয় বেদান্ত তাহার ভিত্তি স্থাপন

করিয়েছে। তাই বেদান্ত আত্মার জ্ঞান দ্বারা জগতের জ্ঞান লাভের চেষ্টা করিয়েছে।

মনের সহিত বিষয়ের একত্ববোধ হইতে জ্ঞাত হইলেও মনের অন্তর্ভব অথবা বুদ্ধির ধারণা, তাহাদের উচ্চতম অবস্থায়ও, শাখত চরম একত্বে পৌঁছে না। আমাদেরকে মন এবং বুদ্ধিকে পর্যন্ত অতিক্রম করিয়া যাইতে হইবে। পরিণতির ধারায় যে সর্বময় অবচেতন হইতে আমরা আসিয়াছি এবং সর্বময় যে অতিচেতনের দিকে আমরা চালিত হইতেছি আমাদের জাগ্রত চৈতন্তের ক্রিয়াশীল বুদ্ধি সেই দুই এর মধ্যবর্তী তত্ত্ব। অবচেতন এবং অতিচেতন এ দুইই আবার অথও এক সর্বময় সত্তার দুই রূপ। অবচেতনের প্রধান কথা যেমন প্রাণ, তেমনি অতিচেতনের প্রধান কথা জ্যোতি বা আলোক। অবচেতনে জ্ঞান বা চৈতন্ত প্রাণের মূলস্বরূপ ক্রিয়াশক্তির মধ্যে সংবৃতভাবে অবস্থিত, অতিচেতনে ক্রিয়াশক্তি আলোকের মধ্যে প্রবিষ্ট হয় তখন তাহার মধ্যে জ্ঞান আর সংবৃত থাকে না বরং নিজেই তখন পরাসংবিতের অন্তর্ভুক্ত হইয়া যায়। বোধিপ্রত্যয় এ উভয় অবস্থার মধ্যে সাধারণ, জ্ঞানের মধ্যে যেখানে জ্ঞাতা এবং জ্ঞেয় সচেতন এবং সক্রিয় ভাবে এক হইয়া যায় সেখানেই বোধিপ্রত্যয়ের ভিত্তিভূমি। কিন্তু অবচেতনায় বোধির প্রকাশ ক্রিয়া এবং পরিণতির প্রবেগের অন্তরালে সমগ্র ভাবে বা অল্পবিস্তর রূপে ঢাকা পড়িয়া থাকে। পক্ষান্তরে জ্যোতি বা আলোকই অতিচেতনের বিধান বা তত্ত্ব বলিয়া সেখানে বোধি তাহার স্বকীয় স্বরূপগত একত্বের জ্ঞানরূপে প্রকাশ পায় এবং ক্রিয়া তাহার আনুষঙ্গিক অংশ বা অবশ্যম্ভাবী ফলরূপে দেখা দেয়, প্রধান স্থান অধিকার করিতে পারে না। এই দুই অবস্থার মধ্যে মন ও বুদ্ধি মধ্যস্থের কাজ করে এবং ক্রিয়াশক্তির মধ্যে অবরুদ্ধ জ্ঞানকে মুক্ত করিয়া তাহার স্বভাবগত নিজস্ব প্রাধান্য পুনরধিকার করিবার জন্য প্রস্তুত করিয়া তোলে। মনের অল্পভূতিবৃত্তি যখন আধার ও আধেয়কে, নিজের আত্মা এবং অপরের আত্মাকে এক স্বয়ংপ্রকাশ একত্বের জ্যোতির্ময় মহিমায় উদ্ভাসিত করিয়া দেখে তখন সে নিজেও বোধিপ্রত্যয়ে রূপান্তরিত হইয়া যায়। ইহাই আমাদের জ্ঞানের চরমভূমি যেখানে প্রাকৃতমন অতিমানসের মধ্যে নিজের পূর্ণতা খুঁজিয়া পাইয়া তাহার সহিত এক হইয়া যায়।

মানবচিন্তের এইরূপ পরিকল্পনার উপরই প্রাচীনতম বেদান্তের সিদ্ধান্ত সমূহ প্রতিষ্ঠিত হইয়াছিল। এই ভিত্তিকে অবলম্বন করিয়া প্রাচীন ঋষিরা যে সব তত্ত্ব আবিষ্কার করিয়াছিলেন তাহার বিস্তার করা আমাদের উদ্দেশ্য নয়। দিব্যজীবনের সমস্তা সমূহের আলোচনাই আমাদের মুখ্য উদ্দেশ্য। সেই জ্ঞান ঋষিদের কতগুলি প্রধান প্রধান সিদ্ধান্ত বিচার করা প্রয়োজন। কারণ আমরা যে জিনিষ পুনর্গঠন করিতে চাই তাহার সর্বোত্তম প্রাচীন ভিত্তি রহিয়াছে ঐ সমস্ত ভাবে ও ধারণায়—যদিও একাধা করিতে গিয়া প্রাচীন বাক্যভঙ্গীকে কতকটা আধুনিক কালের উপযোগী আকার দিতে বা প্রাচীন উদ্যার আলোক নূতন উদ্যার আলোকে মিশাইতে হইবে। তথাপি আমাদের সেই প্রাচীন সম্পদ অথবা তাহার যতটা পুনরুদ্ধার করিতে পারি তাহা মূলধন রূপে লইয়াই নিত্যস্থির অথচ চিরচঞ্চল অনন্তের সহিত আদানপ্রদানে আমাদিগকে প্রবৃত্ত হইতে হইবে—এবং তাহাতেই আমরা সর্বাপেক্ষা অধিক লাভবান হইতে পারিব।

বেদান্ত বিধকে বিশ্লেষণ করিয়া নির্বিশেষ অনন্ত শুদ্ধ সং স্বরূপ এক চরম সত্য বা ব্রহ্মে পৌছিয়াছে; দৃশ্য জগতের সকল ক্রিয়া, সকল আকারের পিছনে এই ব্রহ্ম মূল বস্তু রূপে রহিয়াছে ইহাই বৈদান্তিক অমুভূতিজাত আবিষ্কার। বলা বাহুল্য এই অমুভব যখন আমরা লাভ করি তখন আমাদিগকে প্রাকৃত চেতনা এবং ব্যবহারিক জগতের অগ্র সকল অমুভূতিকে পূর্ণরূপে অতিক্রম করিয়া যাইতে হয়। শুদ্ধ নির্বিশেষ এই সত্যের কোন খবরই ইন্দ্রিয় বা ইন্দ্রিয়গত মানস (sense mind) দিতে পারে না। রূপ জগতের অথবা তাহার ক্রিয়ার কথাই ইন্দ্রিয়ামুভব বলিতে পারে। রূপ আছে বটে কিন্তু তাহার শুদ্ধ অস্তিত্ব নাই তাহা মিশ্র, অপরের সহিত সম্বন্ধ যুক্ত বা সমাহৃত হইয়াই সর্বদা তাহার প্রকাশ। যখন আমরা আমাদের অন্তরে প্রবেশ করি তখন দেখিতে পাই সেখানে নির্দিষ্ট রূপ না থাকিলেও গতি বা পরিবর্তন আছে। কালে পরিবর্তনের এবং দেশে জড়ের গতি ও ক্রিয়া আমাদের অস্তিত্বের সহিত যেন অবিচ্ছেদ্য ভাবে সংশ্লিষ্ট। ইচ্ছা হইলে আমরা একথা বলিতে পারি যে ইহাই আমাদের সত্তার শেষ পরিচয়, যেখানে সত্তা নিজের মধ্যেই নিজে পূর্ণ এমন কোন অবস্থার বা সত্যের আবিষ্কার কখন সম্ভব হইবে না। কিন্তু আমাদের স্বামুভূতির মধ্যে বা

পশ্চাতে কদাচিৎ আমরা নিষ্পন্দ এবং সকল পরিবর্তন শূন্য একটা কিছুই কণিক আভাস পাই, অতি অস্পষ্টভাবে এমন একটা ধারণা বা কল্পনা আমাদের মধ্যে জাগে যখন মনে হয় যে স্বরূপতঃ আমরা জীবন, মৃত্যু, গতি, রূপ বা পরিবর্তনের অতীত একটা কিছু। আমাদের মধ্যে এই একটা দরজা আছে যাহা কণকালের জগৎ খুলিয়া যায় এবং তাহা বন্ধ হইবার পূর্বে জ্যোতির্ময় মহাসত্যের একটি রশ্মি আমাদের মধ্যে স্পর্শ করিয়া যাইতে পারে। সেই স্পর্শ আমাদের মধ্যে জ্ঞানহীনা যায় যে যদি আমাদের শক্তি ও দৃঢ়তা থাকে যদি আমরা বিশ্বাস ও নিষ্ঠাকে ধরিয়া থাকিতে পারি তবে এই অবস্থা হইতে যাত্রারম্ভ করিয়া ইন্দ্রিয়-মানসের সীমা অতিক্রম করিয়া বোধির রাজ্যে পৌছিয়া চৈতন্যের আর এক খেলা খেলিতে পারি।

যদি আমরা বিশেষভাবে বুদ্ধিতে চেষ্টা করি তবে দেখিব বোধিই আমাদের প্রথম শিক্ষক, আমাদের মনের সকল ব্যাপারের অন্তরালে প্রচ্ছন্নভাবে বোধি রহিয়াছে। অজ্ঞানার জ্যোতির্ময় বাণীবাহকরূপে বোধিই মানুষের নিকট সেই সমস্ত বার্তা পৌছাইয়া দেয় যাহা হইতে উচ্চতর জ্ঞান ও বোধের সূচনা হয়। তারপর বুদ্ধির কাজ সেই জ্যোতিরঞ্জল ফল হইতে যতটুকু আমরা লাভবান হইতে পারি তাহা বিচার করিয়া দেখা। আমরা যাহা জানি অথবা আমরা নিজেদিগকে যাহা মনে করি সে সমস্ত অতিক্রম করিয়া যাহা আছে এমন কিছুই বোধ বোধিই আমাদের মধ্যে জাগায়, যদিও সে বোধ আমাদের নিম্নতর বুদ্ধি ও স্বাভাবিক প্রাকৃত অল্পভবের বিপরীত। এই বোধিই তাহাদের অরূপ বোধকে রূপ দিতে মনকে বাধ্য করে বলিয়া মানুষের মধ্যে ঈশ্বর, অমরত্ব, স্বর্গরাজ্য প্রভৃতির ধারণা জাগিয়া উঠে। প্রকৃতির মর্ম হইতে উৎসারিত এই বোধি প্রকৃতির মতই শক্তিশালী, সেইজন্য যে বোধ সে জাগায় তাহা সাধারণ বুদ্ধি বা অভিজ্ঞতার বিরোধী হইলেও ইহাকে তাহা গ্রাহ্য করে না। যাহা সত্য তাহাই তাহার স্বরূপ, এবং সত্য হইতেই তাহা আসিয়াছে, এই জন্য যাহা কেবলমাত্র ব্যবহারসম্মত এবং যাহা কেবল প্রতিভাস মাত্র তাহার শাসন মানিয়া সে চলিতে পারে না। বোধি সং বা থাকার (existence) চেয়ে সং বা যে আছে তাহারই (existent) ধরন বেশী দেয়। আমাদের মধ্যে জ্যোতিরিন্দুরূপে যিনি অবস্থিত, আমাদের আত্মাত্মভের মধ্যে যাহার প্রকাশের দুয়ার কখনও খুলিয়া যায় তাহার নিকট হইতে

আসে বলিয়া বোধির সত্য জ্ঞান লাভের এ সুবিধা ও সুযোগ। প্রাচীন বৈদাস্তিক বোধির এই বাণীকে লাভ করিয়াছিলেন এবং তাহাই উপনিষদে তিনটি মহাবাক্যে প্রকাশ করিয়াছেন ‘অহং ব্রহ্মাস্মি’ আমি ব্রহ্ম, “তত্ত্বমসি শ্বেতকেতো” হে শ্বেতকেতু তুমি তাহাই, “সৰ্বং হেতদ্ ব্রহ্ম, অয়মাত্মা ব্রহ্ম” যাহা কিছু আছে সে সব ব্রহ্ম এই আত্মা ব্রহ্ম।

সাধারণতঃ বোধিচৈতন্যকে মানুষের মধ্যে পরদার আড়ালে থাকিয়া প্রধানতঃ তাহার যে অংশ অনেকটা অপ্রবুদ্ধ রহিয়াছে, যাহার প্রকাশ এখনও স্পষ্ট হইয়া উঠে নাই সেখানে কার্য্য করিতে হয়; তাহার জাগ্রত চৈতন্যে ঘরনিকার সম্মুখভাগে যে সমস্ত বৃত্তি তাহার জ্ঞানের বাহক ও করণ সে সকলের সঙ্কীর্ণ সীমার মধ্যে বোধির বাণী পূর্ণরূপে প্রকাশ হইতে পারে না। তাই আমাদের প্রকৃতি যেরূপ সুসমঞ্জস এবং স্পষ্টভাবে সত্যকে চায় তেমনভাবে বোধির সত্য আসিয়া পৌছিতে পারে না। বোধি যখন আমাদের বাহ্য চেতনায় স্থান লাভ করিয়া সেখানে নিজের নেতৃত্ব স্থাপন করিতে পারিবে তখন সে পূর্ণভাবে সাক্ষাৎ জ্ঞান দিতে সমর্থ হইবে। কিন্তু আমাদের বহিষ্চেতনায় বোধি নয় বুদ্ধিই নেতা, সেই আমাদের ধারণা, ভাবনা এবং কার্য্য নিয়ন্ত্রিত করে। তাই প্রাচীন ঔপনিষদিক বোধির যুগের পরে দেখা দিল বুদ্ধির যুগ; অহুপ্রেরণালব্ধ শ্রুতির স্থান অধিকার করিল দার্শনিক বিচার; অবশেষে তাহাকেও স্থান ছাড়িয়া দিতে হইল পরীক্ষামূলক বহির্বিজ্ঞানের কাছে। বোধি অতিচৈতন্যের বার্তাবহ, তাই সে আমাদের জ্ঞানের উচ্চতম বৃত্তি। তাহার স্থানে যে শুদ্ধ বুদ্ধি আসিল তাহা বোধির প্রতিনিধিমাত্র, সে আমাদের সম্ভার মধ্যস্থত্রে অবস্থিত তাহার উচ্চতাও মধ্য পর্য্যের। শুদ্ধ বুদ্ধির পর যে মিশ্র বুদ্ধি আসিয়াছে সে আমাদের সাধারণ স্তরের অধিবাসী, শুদ্ধ বুদ্ধির মত উচ্চগ্রামে সে পৌছিতে পারে না, আমাদের জড় মন ও ইন্দ্রিয় শক্তি অথবা তাহাদের উদ্ভাবিত যন্ত্র সাহায্যে অভিজ্ঞতার দিকচক্রবাল যতটা প্রকাশ হইতে পারে, মিশ্র বুদ্ধির দৃষ্টি তাহা অতিক্রম করিতে পারে না। ইহাতে মনে হয় বটে যে ইহাতে আমরা অবনতির দিকেই চলিয়াছি কিন্তু প্রকৃতপক্ষে উন্নতিরই পথে ইহা একটা চক্রাবর্তন; কারণ প্রতিক্ষেত্রে উচ্চতর বৃত্তি যাহা আনে তাহার যতটা পারে নিম্নতর বৃত্তি গ্রহণ এবং পরিপাক করিতে বাধ্য হয় এবং তাহার নিজের বিশিষ্ট ধারার মধ্য

দ্বিতীয় উচ্চতরকে পুনঃ প্রতিষ্ঠিত করিতে চেষ্টা করে। সেই চেষ্টার ফলে নিম্নতর বৃত্তি প্রসারিত লাভ করে এবং অবশেষে অধিকতর সূক্ষ্মরূপে উচ্চতর বৃত্তির সহিত নিজেকে খাপ খাওয়াইয়া লইতে পারে। এইভাবে একটার পর আর একটার প্রাধান্যলাভ এবং পৃথকভাবে অপরগুলি আত্মসাৎ করিবার চেষ্টা না থাকিলে আমরা আমাদের প্রকৃতির এক অংশ দ্বারা সম্পূর্ণরূপে পরিচালিত হইতাম, বাকী অংশগুলি হয় অবনত থাকিয়া যাইত অথবা আমাদের প্রকৃতির সেই অংশের একান্ত অধীন হইয়া পড়িত অথবা তাহাদের কার্যক্ষেত্র পৃথক থাকিত, ফলে সে অংশগুলি সম্যক্রূপে পুষ্ট ও পরিণত হইতে পারিত না। তাই এরূপ হওয়াতে একটা সমতা রক্ষা করা সহজ হইয়াছে এবং আমাদের জ্ঞানবৃত্তির বিভিন্ন অংশের মধ্যে একটা পূর্ণতর সামঞ্জস্য আনিবার ক্ষেত্র প্রস্তুত হইয়াছে।

উপনিষদ এবং তাহার পরবর্ত্তী যুগে ভারতীয় দর্শনের মধ্যেও আমরা এই ক্রম দেখিতে পাই। বেদ ও বেদান্তের ঋষিরা বোধি এবং আধ্যাত্মিক অভিজ্ঞতার উপরই পূর্ণরূপে নির্ভর করিতেন। পণ্ডিতেরা যখন বলেন যে উপনিষদের মধ্যে কোথাও কোথাও বিচার ও বিতর্কের কথা আছে তখন তাহারা সেখানে ভুল বুঝিয়াছেন ইহাই বলিতে হইবে। উপনিষদের মধ্যে যেখানে বাদানুবাদের প্রসঙ্গ আছে মনে হয়, সেখানেও যুক্তি তর্ক নাই, সেখানেও আছে বোধি ও অনুভবজাত জ্ঞানের তুলনা করিয়া সংকীর্ণ দোষযুক্ত বা গোণপ্রত্যয়ের স্থানে উদারতর পূর্ণতর মূখ্য প্রত্যয়ে পৌছিবার চেষ্টা; সেখানে একজন অপরকে ‘তুমি কি চিন্তা করিয়াছ’ বা ‘কোন চিন্তাধারা অবলম্বনে তুমি সিদ্ধান্তে উপনীত হইয়াছ’ এ প্রশ্ন করেন নাই, ‘তুমি কি জ্ঞান বা অনুভব করিয়াছ’ ইহাই জিজ্ঞাসা করিয়াছেন। উপনিষদে বৈদান্তিক সত্যকে স্থাপনা করিবার জন্য কোথাও যুক্তির আশ্রয় নেওয়ার চিহ্ন মাত্র নাই। ঋষিদের যেন ইহাই বিশ্বাস ছিল যে বোধিজাত জ্ঞানের ন্যূনতাকে পূর্ণ করিতে বিচারশক্তি সক্ষম নহে, বোধিরই পূর্ণতর উৎকর্ষ সাধন ও প্রকাশ দ্বারাই কেবল তাহা সম্ভব।

তথাপি মানুষের বুদ্ধি নিজের বিচারধারা দ্বারা না বুঝিলে তুষ্ট হয় না। তাই যখন বুদ্ধির যুগ আসিল তখন ভারতীয় দার্শনিকেরা অতীতের প্রতি প্রকৃত রক্ষা করিয়া একটা দ্বৈত ধারায় অনুসন্ধানের প্রবৃত্ত হইলেন। ঋতি বা বোধি-লব্ধ পূর্বতন প্রত্যয় সমূহকে তাহারা আগম বা আপ্ত বাক্য নামে অভিহিত

করিলেন এবং প্রামাণ্য হিসাবে তাহাদের স্থান বিচারেরও উপর নির্দেশ করিলেন। তত্ত্ব বিচার বিচারে অনেক সময় একটা গুরুতর গলদ আসিয়া পড়ে ; শব্দ ভাবের প্রতীক, ব্যবহার কালে শব্দের অর্থ-ব্যঞ্জনার দিকে সর্বদা দৃষ্টি রাখিয়া চলিতে হয় কিন্তু তাহা ভুলিয়া শব্দকেই সার সত্য মনে করিয়া অনেক সময় শব্দ লইয়া বাদ বিতণ্ডা চলিতে থাকে, ইহা যেন বাতাসের সঙ্গে লড়াই হইয়া উঠে। কিন্তু শ্রুতির প্রামাণ্যকে প্রধান স্থান দিয়া বিচার করিলে এ দোষ অনেকটা নিরাকৃত হয়। গোড়ায় উচ্চতম ও গভীরতম অমুভব সমূহকেই কেন্দ্র করিয়া এ সমস্ত দার্শনিক বিচার চলিত তাহাতে বুদ্ধি ও বোধি উভয়ে মিলিত হইয়া সত্য নির্ণয়ের পথে অগ্রসর হইত। কিন্তু অবশেষে নিজের প্রাধান্য স্থাপনের দিকে বুদ্ধির যে একটা স্বাভাবিক প্রবণতা আছে তাহাই কার্যতঃ জয়লাভ করিল— মুখে বা মতে বোধির প্রাধান্য স্বীকার করিয়াও। এইভাবে শ্রুতিকে মানিয়াও দার্শনিকগণের মধ্যে নানা সম্প্রদায় দেখা দিল, তাহারা শ্রুতিকেই অন্তরূপে ব্যবহার করিয়া পরস্পরের মত খণ্ডনে প্রবৃত্ত হইল। বোধিজাত উচ্চতম জ্ঞান জিনিসকে সমগ্রভাবে দেখে বলিয়া তাহার ক্ষুদ্র অংশসমূহের সামঞ্জস্য সে হারায় না, পক্ষান্তরে বুদ্ধি প্রথমে বিশ্লেষণ ও বিভাগ করিয়া পৃথকরূপে বস্তুবিচার করে, পরে সেই খণ্ডগুলিকে একত্র করিয়া সমগ্র বস্তুকে গড়িতে চায়, একত্র করিবার সময় বিভিন্ন খণ্ডের মধ্যে নানা বিরোধ ও বৈষম্য দেখিতে পায়। পরস্পর-বিরোধী যুক্তি আসিয়া দেখা দেয় ; এ সময় বুদ্ধির স্বাভাবিক প্রবৃত্তি আসে যে তাহার সিদ্ধান্তের অমুকূল বিষয়গুলিকে রক্ষা এবং প্রতিকূল বিষয় সমূহ খণ্ডন করিয়া একটা নিখুঁত যুক্তিসম্মত মতকে স্থাপিত করিবে। এইরূপে বোধি হইতে যে অখণ্ড একত্ববোধ আসিয়াছিল তাহা ক্রমশঃ ভাঙ্গিয়া পড়িল ; তখন দার্শনিকের কুট প্রতিভা শ্রুতির নানা প্রকার ব্যাখ্যা আবিষ্কার করিয়া এবং তদ্বারা নিজ মতের বিরুদ্ধ শ্রুতিবাক্যকে কার্যতঃ উড়াইয়া দিয়া নানা মতবাদের সৃষ্টি করিল এবং এইভাবে বুদ্ধি ও বিচারের পূর্ণ স্বাধীনতা লাভ করিল।

তথাপি প্রাচীন বেদান্তের প্রধান প্রধান ভাবগুলি বিভিন্ন দর্শনের মধ্যে বিক্ষিপ্তভাবে রহিয়া গিয়াছে এবং প্রাচীন উদার বোধিজ্ঞানের অখণ্ড একত্ব তাহাদিগকে সমন্বিত করিবার চেষ্টাও মধ্যে মধ্যে দেখা দিয়াছে। তাই নানারূপে প্রকাশ হইলেও এ সমস্ত দর্শনের মধ্যে পুরুষ, আত্মা বা সদ্ব্রহ্ম, উপনিষদোক্ত শুদ্ধ



সত্তার মূল ধারণা আজিও বাঁচিয়া আছে। অনেক সময় বুদ্ধি এ সমস্ত ধারণাকে চিন্তাভূমিতে বিচারের ক্ষেত্রে আনিয়া ফেলিতে চাহিয়াছে বটে কিন্তু তথাপি তাহাদের অনির্বচনীয় সত্যের ভাব ও আভাস হারাইয়া যায় নাই। সত্ত্বতির যে গতিশীলতাকে আমরা জগৎ নামে অভিহিত করি তাহার সহিত চরম ও পরম একের সম্বন্ধ কি, অহং জগতের ক্রিয়াশীলতার ফল বা কারণ বাহাই হউক না কেন, সে কি ভাবে তাহার আত্মা, ভগবান বা সত্যস্বরূপে ফিরিয়া যাইবে এই সমস্ত প্রশ্নই ভারতীয় চিন্তা ও সাধনার ধারা সর্বদা আলোচনা করিয়াছে।

## নবম অধ্যায়

### শুদ্ধ সত্তা

সং স্বরূপ—এক অদ্বিতীয় ।

ছান্দোগ্য উপনিষদ ( ৬।২।১ )

সাধারণতঃ যে সমস্ত সঙ্গীর্ণ ও চঞ্চল অহংসর্বস্ব ভাবনার জালে আমরা বিজড়িত, তাহা হইতে মুক্ত হইয়া সত্যসন্ধানীর জিজ্ঞাসু এবং অবিন্দুক দৃষ্টি লইয়া যদি আমরা বিশ্বের দিকে তাকাই, তাহা হইলে অসীম দেশ এবং শাস্ত কালের বিশাল পটভূমিকায় এক অনন্ত সত্তার অমেয় এবং অনন্ত গতি ও ক্রিয়া প্রথমেই আমাদের চোখে পড়ে ; যে সত্তা আমাদের ক্ষুদ্র ও বৃহৎ সকল অহংব্যাপ্তি অথবা যে কোন অহংসমষ্টিকে অনন্তগুণে অতিক্রম করিয়া বর্তমান আছে, যাহার কাছে সংখ্যার অগণ্য অরূপাত নগণ্য, যাহার মানদণ্ডে কোটি কোটি যুগব্যাপী সৃষ্টির বিপুল ঐশ্বর্য কণিক ধূলামুষ্টিমাত্র ! আমরা সহজাত সংস্কারবশে এরূপভাবে কাজ বা বোধ করি অথবা জীবনের চিন্তাজাল বয়ন করি যাহাতে মনে হয় যেন জগতের এই অতি বিপুল ক্রিয়া ও গতি আমাদেরকে কেন্দ্র করিয়া আমাদের জন্ত আমাদের শত্রু অথবা মিত্ররূপে আবর্তিত হইতেছে অথবা মনে করি যে আমাদের ব্যক্তিগত আকাঙ্ক্ষা, উচ্ছ্বাস, ভাবনা অথবা কল্পনা যেমন আমাদের প্রধান প্রয়োজন তেমনই সেই সমস্ত চরিতার্থ ও সমর্থন করা এ বিপুল বিশ্বশক্তিরও উপযুক্ত কর্ম । কিন্তু যখন সত্য দৃষ্টিতে দেখিতে আরম্ভ করি তখন বুঝি যে আমাদের জন্ত নহে, বিশ্ব রহিয়াছে নিজের জন্তই, দেখি ইহার লক্ষ্য বিপুল, ধারণা ও ভাবনা অসীম, বিচিহ্ন ও জটিল, ইহার অপরিমিত বাসনা ও আনন্দ আছে যাহার পরিপূরণ সে চায়, ইহার অমেয় বিপুল মানদণ্ডের মধ্য দিয়া যেন আমাদের ক্ষুদ্রতার দিকে স্নেহভরে দৃষ্টি কোঁতুক হাতের দৃষ্টিতে চাহিয়া আছে ! কিন্তু তাই বলিয়া আবার জন্ত প্রাপ্তে গিয়া আমাদের অকিঞ্চিৎকরতাকেই একান্ত বড় করিয়া যেন না দেখি,

সে রূপভাবে দেখাও অবিজ্ঞার দেখা হইবে, তাহাতেও বিশ্বব্যাপারের সত্য পরিচয় পাইব না।

কারণ ক্রিয়াশীল। এই অসীমশক্তি আমাদের তুল্য মনে করেনা। এ শক্তি তাহার মহৎ কর্মের মত ক্ষুদ্র কর্মের মধ্যেও বিরূপ সূক্ষ্মভাবে বিরূপ নিপুণতার সহিত, বিরূপ গভীর অভিনিবেশসহকারে ক্রিয়া করে তাহা বিজ্ঞান আমাদের নিকট প্রকাশ করিয়াছে। এ দিব্য মাতৃশক্তি পক্ষপাতশূন্য, সকলের প্রতি তাহার দৃষ্টি সমান, 'সমং ব্রহ্ম' এই মহাবাক্যে গীতা ইহার কথা বলিয়াছে। একটা সৌর জগৎ সৃষ্টি ও ধারণা করিতে এ শক্তির সংবেগ যতটা একটা পিপীলিকার টিপির জীবন নিয়ন্ত্রণেও ঠিক ততটা। আমরা যে একটা বড় অমৃতটা ছোট মনে করি তাহা আয়তন বা পরিমাণের একটা ছলনা মাত্র। পক্ষান্তরে যদি পরিমাণের দিকে দৃষ্টি না করিয়া গুণের দিকে তাকাই তবে দেখিব যে সমস্ত সৌর জগতের চেয়ে তাহার অধিবাসী একটা পিপীলিকা বড় এবং একজন মানুষ সমস্ত জড় প্রকৃতির যোগফল হইতে বৃহত্তর কিন্তু ইহা আবার গুণের ছলনা-জাত বিভ্রান্তি। যদি আমরা গভীরতর ভাবে দেখি তবে দেখিব যে গুণ ও পরিণাম যাহার বিভূতিমাত্র সেই এক ব্রহ্ম সকলের মূলে সমভাবে অবস্থিত। সকল সত্তার মধ্যে তাহার স্থান সমানভাবে আছে বলিয়া আমরা বলিতে প্রস্তুত হই যে তাহার শক্তি সর্বত্র সমানভাবে ভাগ করিয়া দেওয়া আছে। কিন্তু তাহা বলিলে আবার আমরা পরিমাণের ছলনায় পড়িব। বস্তুতঃ ব্রহ্ম অবিভক্ত হইয়াই সকলের মধ্যে বাস করিতেছেন তথাপি যেন বিভক্ত হইয়া পৃথক হইয়া আছেন এরূপ বোধ হইতেছে! যদি আমরা আমাদের মানসিক ধারণা দ্বারা পরিচালিত না হইয়া যে বোধি চরমে আমাদের একত্ববোধে লইয়া যায় সেই বোধির নিকট জ্ঞান পাইয়া দর্শনমূলক অহুত্বুতি দ্বারা দেখি তবে দেখিব যে এই অনন্ত শক্তির চেতনা আমাদের মনোময়ী চেতনা হইতে স্বতন্ত্র, সে চেতনা অবিভাজ্য এবং তাহা একই সময় সৌরজগৎ এবং পিপীলিকার টিপিকে নিজের সমান অংশ দেয় না পরন্তু প্রত্যেককে সমগ্র সত্তা দ্বারা আবিষ্ট করে। ব্রহ্মের কাছে সমগ্র ও অংশের ভেদ নাই, প্রত্যেক বস্তুই সর্বরূপী ব্রহ্মময় এবং অখণ্ড ব্রহ্ম দ্বারা অহুপ্রাণিত। পরিমাণ ও গুণে ভেদ আছে কিন্তু আত্মা এক। আকার, প্রক্রিয়া ও পরিণামে অন্তহীন বৈচিত্র্য আছে কিন্তু তাহার মধ্য দিয়া একই শাস্ত

অনাদি অনন্ত শক্তি প্রকাশ হইতেছে। সবলের মধ্যে যে শক্তি বলরূপে ফুটিয়াছে সেই পূর্ণশক্তিই দুর্বলের মধ্যে দুর্বলতা রূপে দেখা দিয়াছে। প্রকাশে এবং নিরোধে, ইতিতে এবং নেতিতে, নৈঃশব্দ্যে এবং শব্দে একই শক্তি ক্রিয়াশীল।

সুতরাং জগৎ ও জীবরূপে সত্তার অনন্ত ক্রিয়াশীলতা যে শক্তি রূপায়িত হইয়া উঠিয়াছে তাহার সহিত হিসাব নিকাশ আমাদের প্রথম প্রয়োজন; বর্তমানে আমাদের নিকট যে হিসাব আছে তাহা ভুল। এ হিসাবে সর্বস্বরূপের কাছে আমাদের মূল্য খুব বেশী কিন্তু আমাদের কাছে সর্বের মূল্য অতি তুচ্ছ—নিজের মূল্যই আমাদের কাছে সর্বাপেক্ষা বেশী। মূল যে অবিজ্ঞা হইতে আমাদের অহংকার জন্মিয়াছে, ইহা তাহারই চিহ্ন। ইহারই প্রভাবে আমাদের ক্ষুদ্র অহংকে আমরা কেন্দ্ররূপে দেখি, মনে করি এই অহংই যেন সব, আর যাহা সে নয় তাহার যে টুকুতে আমাদের মনের সার আছে অথবা বিবেকের ধাক্কা যাহাকে না মানিয়া পারি না তাহারই হিসাব শুধু রাখি। এমন কি এই অহং যখন দর্শনালোচনা করে তখন এতদূর পর্যন্ত বলিয়া বসে যে সমস্ত জগৎ ইহা দ্বারা সৃষ্ট হইয়া ইহারই চৈতন্তে অবস্থিত আছে। ইহার নিজের চৈতন্ত অথবা মনের মাণকাঠি দিয়াই সকল সত্যকে সে মাণিতে চায়। ইহার দৃষ্টি বা পরিবেশের বাহিরে যাহা অবস্থিত তাহা যেন ইহার কাছে মিথ্যা বা অলীক হইয়া যায়। ব্যাপ্তি অহংকে এইরূপে বড় করিয়া দেখার ফলে হিসাবে ভুল হইয়া যায় এবং জীবন সম্পদের খাঁটি ও পূর্ণ মূল্যলাভ আমাদের ভাগ্যে ঘটে না। মাহুষের অহং এবং মনের এই দাবির মূলে একটা সত্য আছে কিন্তু সে সত্য প্রকাশ হইবে তখনই, যখন মন আপনার অবিজ্ঞাকে চিনিতে পারিবে, অহং যখন সর্বস্বয়ের কাছে আত্মসমর্পণ করিয়া তাহার ভেদজ্ঞানে আত্ম-প্রতিষ্ঠার দাবি তুলিয়া যাইবে। যখন আমরা জানিব যে যে রূপ বা প্রকাশকে আমরা অহং বলিয়া অভিহিত করি তাহা অনন্তভাবে ক্রিয়াশীল। এক শক্তির একটা আংশিক ক্রিয়া মাত্র এবং যখন বুঝিব যে এই অনন্তকে আমাদের জানিতে হইবে বা ইহার সহিত সজ্ঞানে একীভূত হইয়া গিয়া নিজেকে পূর্ণ করিয়া তুলিতে হইবে, তখনই আমাদের সত্যজীবন আরম্ভ হইবে। আমরা আমাদের আত্ম-স্বরূপে কাহারও অধীন বা গোণপ্রকাশ নই পরন্তু এই পূর্ণশক্তির সহিত এক, এই জ্ঞান আমাদের হিসাবের অন্ত দিক। আমাদের সত্তায় ও চিন্তায়, আবেগে

ও কার্যে এই শক্তি ফুটাইয়া তোলাই আমাদের প্রকৃত বা দিব্য জীবনলাভের অপরিহার্য সাধনা।

সর্বময়ী অনন্ত এই সর্বশক্তিস্বরূপাকে না জানিলে আমরা হিসাব মিলাইতে পারিব না। কিন্তু এইখানে আবার এক নূতন গোলযোগ উপস্থিত হয়। শুদ্ধ-বুদ্ধি বলে এবং মনে হয় যেন বেদান্তেরও তাহাতে সমর্থন আছে যে যেমন আমরা এই শক্তির একটা পরতন্ত্র রূপণ তেমনি এই শক্তিও আবার আপনা হইতে অগ্ন্যতর, দেশকালাতীত অক্ষয় অব্যয় এক মহৎ স্বাম্বস্বরূপের অধীনস্থ রূপণ, তাহা শক্তি নয়, শুদ্ধ সং স্বরূপ, নিষ্ক্রিয়, কিন্তু তাহার মধ্যেই সমস্ত ক্রিয়া রহিয়াছে। যাহারা বিশ্বশক্তির লীলাই শুধু দেখে তাহারা বলিতে পারে পরিবর্তন-শূন্য শাস্ত্র শুদ্ধ সং বলিয়া কিছু নাই, নিশ্চলতার ধারণা হইতে জাত ইহা একটা ভ্রান্ত মানসিক বোধ মাত্র, কারণ নিশ্চল বা স্থানু কিছুই নাই, সকলই গতিশীল, গতিকে বুঝিবার জগ্ন স্বাম্বস্বের একটা কল্পনা মন করিয়া লইয়াছে, যাহাকে আমরা নিশ্চল বা স্থির বলিয়া মনে করি তাহাতেও গতি রহিয়াছে। শক্তির ক্রিয়া এই ভাবে রূপায়িত হয় যে আমাদের চৈতন্যে একটা স্বাম্বস্বের বিভ্রম সৃষ্টি হয়, যেমন পৃথিবী গতিশীল হইয়াও আমাদের নিকট নিশ্চল মনে হয় অথবা যেমন চলন্ত ট্রেনে বসিয়া আমরা যেন দেখি ট্রেনটা নিশ্চল রহিয়াছে, চারিপাশের দৃশ্য পদার্থগুলি ছুটিয়া চলিয়াছে। কিন্তু এই ক্রিয়া এই গতিকে ধারণ করিয়া আছে এরূপ নিশ্চল পরিবর্তনশূন্য কিছু নাই, ইহা কি সত্য? শুধু কি শক্তির ক্রিয়াই সম্ভারূপে প্রতিভাত হয়? বরং ইহাই কি সত্য নয় যে শক্তি সম্ভারই বহিঃবিকাশ?

এরূপ সম্ভা যদি কিছু থাকে তবে তাহা শক্তিরই মত অনন্ত ইহা সহজেই বুঝা যায়। যুক্তি, অল্পভব, বোধি অথবা কল্পনা ইহাদের কেহই একটা সব শেষ বা ইতি আছে সে সম্ভাবনা সম্বন্ধে সাক্ষ্য দেয় না। যখন আমরা আদি বা অন্তের কল্পনা করিতে যাই তখনই আমাদেরিগকে ধরিয়া লইতে হয় যে এ আদির পূর্বে কিছু ছিল এবং অন্তেরও পরে কিছু থাকিবে। একটা চরম আদি বা চরম অন্ত শুধু যুক্তি বিরুদ্ধ নয় বস্তুর মূল স্বভাবের বিরুদ্ধে একটা মিথ্যা কল্পনা মাত্র। যাহাকে কোন ক্রমেই মুছিয়া ফেলা যায় না এমন এক অনন্ত, আত্মসম্ভার দ্বারা সান্ত্বের প্রতিভাসের উপর চাপিয়া বসিয়া আছে।

কিন্তু দেশ ও কালকে লইয়া এ অনন্তত্বের প্রকাশ সীমাহীন পরিব্যাপ্তিতে অথবা কালের শাখত প্রবহমানতায়। কিন্তু শুদ্ধবুদ্ধি আরও অগ্রসর হইয়া নিজের বর্ণহীন প্রথর জ্যোতি দেশ ও কালের উপর ফেলিয়া দেখাইয়া দেয় যে এ দুইটা চৈতন্তের দুইটা মুখ মাত্র; আমাদের জাগতিক ঘটনার অল্পভব এই দুই তত্ত্বের দ্বারা আমরা শৃঙ্খলিত করি। যখন আমরা সত্যের স্বরূপ সত্যের দিকে তাকাই তখন দেশ ও কাল অন্তর্হিত হইয়া যায়। তখন ব্যাপ্তি যদি কিছু থাকে তবে তাহা দেশের ব্যাপ্তি নয় তাহার স্থান মনে, তেমনি প্রবহমানতা যদি কিছু থাকে তবে তাহাও কালের নয় মনের। তখন ইহা বুঝা সহজ হয় যে ব্যাপ্তি ও কালপ্রবাহবোধ মনের কাছে এমন একটা কিছুই প্রতীক যাহাকে বুদ্ধির ভাষায় অল্পবাদ করা যায় না। সেই শাখত এমন একটা কিছু যাহা সকল কালকে নিজের মধ্যে রাখিয়াও এক ক্ষণ রূপে অথবা সেই অনন্ত এমন কিছু যাহা সর্বসাধারণ ও সর্বতোব্যাপ্ত হইয়াও পরিমাণশূন্য বিন্দু রূপে আমাদের কাছে প্রতীত হয়। এইরূপ উৎকট এবং পরস্পর বিরোধী শব্দ ও ভাষা দিয়াই এই যে কিছু আমরা অল্পভব করি তাহা কতকটা খাটি ভাবে প্রকাশ করা যায়। তখন বুঝা যায় মন ও ভাষা তাহাদের স্বাভাবিক সীমা অতিক্রম করিয়া গিয়া এমন এক সত্যকে প্রকাশ করিতে চাহিতেছে যেখানে একটা অনির্বচনীয় একাত্মবোধে তাহারা তাহাদের প্রচলিত সংস্কার এবং পরস্পরবিরোধী প্রত্যয় সমূহ বিসর্জন দিয়া মিলিয়া গিয়াছে।

কিন্তু এখানে প্রশ্ন হইতে পারে এ বিবরণ কি সত্য? যে শুদ্ধ সত্যের কথা বলা হইতেছে তাহা কি বুদ্ধির একটা মিথ্যা কল্পনা হইতে পারে না? আমরা কি একটা অদ্ভুত শূন্যতাকে ভাষার চাতুরী দ্বারা সত্য বলিয়া উপস্থিত করিবার চেষ্টা করিতেছি না? এ প্রশ্নের উত্তরে সেই স্বরূপ সত্যের দিকে তাকাইয়া আবার বলি এ সংশয় অমূলক। প্রতিভাসের বা প্রতিভাত বাহ্য জগতের পশ্চাতে এমন একটা কিছু আছে যাহা শুধু অনন্ত নয় অনির্দেশ্যও বটে। ব্যাপ্তি অথবা সমষ্টিগত কোন প্রতিভাস স্বতন্ত্র বা অন্ত-নিরপেক্ষ হইয়া বর্তমান আছে ইহা আমরা বলিতে পারি না। যদি সমস্ত প্রতিভাসকে শক্তি বা গতির একটা মৌলিক প্রতিভাসে পর্যাবসিত করি

তথাপি তাহা একটা অনির্দেশ্য প্রতিভাসই থাকিয়া যাইবে। গতির ধারণার মধ্যে অবিচ্ছেদ্য ভাবে স্থিতির সম্ভাবনা বর্তমান আছে এবং আমরা গতিকে এক সত্তার ক্রিয়া না ভাবিয়া পারি না। শক্তির ক্রিয়াশীলতার ধারণার মধ্যেই শক্তির একটা নিশ্চল অবস্থার ধারণা অহুত্ব্যত হইয়া আছে। শক্তির ক্রিয়ার চরম বিরামের অবস্থাই নির্বিশেষ সত্তার সহজ ও শুদ্ধাবস্থা। এখানে আমাদের কাছে দুই পক্ষের একতরকে গ্রহণ করিতেই হইবে, হয় অনির্দেশ্য শুদ্ধ সংকে স্বীকার করিতে হইবে অথবা বলিতে হইবে ক্রিয়াশীল অনির্দেশ্য এক শক্তি আছে যাহার কোন স্বাক্ষরপী আধার বা কারণ নাই। যদি শুধু শক্তিই সত্য হয় অথচ তাহার আধাররূপে কোন সত্তা যদি না থাকে তবে শক্তি গতি ও ক্রিয়ার পরিণতি ছাড়া অন্য কিছু নয় ইহাই বলা হয়। এই মতই বৌদ্ধগণের শূন্যবাদ, যেখানে ক্রিয়া কৰ্ম বা গতি মাত্র শাস্ত্রত প্রতিভাস রূপে দেখা হয় সত্তার জ্ঞান তজ্জাত একটা গুণ বা বোধ মাত্র, স্বরূপে সত্য নয়। কিন্তু শুদ্ধবুদ্ধি বলে এরূপ মতবাদে আমার ধারণা বা বোধ অতৃপ্ত থাকিয়া যায়, ইহা আমার মৌলিক দৃষ্টির বা অহুত্ববের বিরোধী, সুতরাং ইহা সত্য হইতে পারে না। কারণ যে সিঁড়ি দিয়া ধাপে ধাপে উপরে উঠিতেছিলাম, এ বোধ সত্য হইলে তাহার ধাপ যেন হঠাৎ শেষ হইয়া যায় এবং সমস্ত সিঁড়িটাই আশ্রয় বা অবলম্বনশূন্য হইয়া মহাশূন্যে ঝুলিতে থাকে।

দেশ ও কালের অতীত অনন্ত অনির্দেশ্য শুদ্ধ সং বলিয়া যদি কিছু থাকে তাহা স্বরূপতঃ নির্বিশেষ হইবে। কোন পরিমাণ বা গুণ বা তাহাদের কোন সমষ্টি দিয়া তাহাকে গড়িয়া তোলা যাইবে না। তাহাকে বহুরূপের সমাহার অথবা রূপের আধারভূত মৌলিক উপাদানও বলা যায় না। যদি বিশ্বের যাবতীয় রূপ গুণ বা পরিমাণ বিলুপ্ত হইয়া যায় তথাপি ইহা বর্তমান থাকিবে। পরিমাণ গুণ বা রূপ শূন্য সত্তের ধারণা করা যে শুধু সম্ভব তাহা নহে—সমস্ত প্রকাশের বা প্রতিভাসের অন্তরালে এইরূপ কিছু আছে একমাত্র এই ধারণাই আমরা করিতে পারি। কাজেই যখন আমরা বলি যে ইহা পরিমাণ রূপ বা গুণশূন্য তখন আমরা ইহাই বুঝি যে সে সত্তা এ সমস্তকে অতিক্রম করিয়া গিয়াছে, ইহা এমন একটা কিছু যাহাতে

এসমন্ত একরূপভাবে মিলাইয়া যাইতে পারে যে তাহাদের বিশিষ্ট প্রকাশ ( অর্থাৎ রূপ গুণ বা পরিমাণ ) আর থাকে না, আবার তাহা হইতেই গতি বা প্রকাশের মাঝে তাহারা রূপ গুণ বা পরিমাণ রূপেই প্রকাশ হয়। এ সমস্ত যে এক আকারে এক গুণে এক পরিমাণে মিলাইয়া যায় তাহা নহে কারণ সেরূপ কিছু বস্তুতঃ নাই। সমস্ত প্রকাশ বা প্রতিভাস তাহা হইতে আসিয়াছে এবং যখন আবার তাহাতে মিলাইয়া যায় তখন যে ভাবে তাহাতে তাহারা থাকে সে ভাবের সঙ্গে, প্রকাশ কালে যে সমস্ত সংজ্ঞাধারা তাহারা পরিচিত হইত তাহাদের কোনটাই আর থাকেনা। এইজন্য আমরা বলি সেই শুদ্ধ সং স্বরূপতঃ নির্কিশেষ অচিন্ত্য ও অজ্ঞেয়; তথাপি আমাদের জ্ঞানের সকল সংজ্ঞা ও ভাবকে অতিক্রম করিয়া গেলেও এক পরম একান্ত-বোধের দ্বারা আমরা তাহাতে পৌছিতে পারি। পক্ষান্তরে গতি ও প্রাতিভাসিক জগৎ সর্বিশেষের প্রকাশ ক্ষেত্র, তথাপি প্রকাশ বলিলেই বুদ্ধিতে হইবে যে তাহার মধ্যে নির্কিশেষ সত্তা রহিয়াছে আবার সমস্ত প্রকাশের আধেয় রূপে সেই সত্তা বর্তমান আছে অথবা প্রতি প্রকাশই স্বরূপতঃ সেই নির্কিশেষ তত্ত্ব। সর্বিশেষ ও নির্কিশেষের মধ্যে এই ভেদাভেদ সম্পর্কের দৃষ্টান্ত স্বরূপ বেদান্ত সর্বপদার্থের মূল আকাশকে গ্রহণ করিয়াছে; আকাশ হইতে সর্ব-পদার্থ সৃষ্ট হইয়াছে, আকাশই তাহাদের উপাদান ও আশ্রয় স্থান তথাপি সৃষ্ট অস্ত্র পদার্থ হইতে আকাশ এমনই স্বতন্ত্র পদার্থ যে তাহাতে মিলিয়া গেলে এসমস্ত পদার্থ বর্তমানে যাহা তাহার কিছুই যেন আর থাকে না।

পদার্থ সকল যাহা হইতে আসিয়াছে তাহাতে লয় হইবার কথা যখন আমরা বলিতেছি তখন বাধ্য হইয়া আমাদিগকে কালাবচ্ছিন্ন চেতনার ভাষা ব্যবহার করিতে হইতেছে। সুতরাং তাহাতে যে ভুল হইতে পারে সে সম্বন্ধেও আমাদের সতর্ক থাকা প্রয়োজন। অপরিবর্তনীয় নির্মিকার সংস্বরূপ হইতে গতির প্রতিভাসের উন্মেষ বা প্রকাশ একটা শাস্ত্র ঘটনা। আমরা কালাতীত শাস্ত্রতের আন্তঃশূন্য নিত্যনব কণের ধারণা করিতে পারি না বলিয়া প্রবাহ রূপে কালের মধ্যস্থিত চিরন্তন রূপে আমরা এসমস্তকে আদি অন্ত এবং মধ্য যুক্ত করিয়া দেখি, এবং তাহাদের পুনঃ পুনঃ আবর্তন দেখিতে পাই।



কিন্তু তবু একথা বলা যাইতে পারে যে যদি শুদ্ধ বুদ্ধির ধারণাকে স্বীকার করি এবং তাহাকে মানিয়া চলি তবে এ সব উক্তি সত্য হইতে পারে। কিন্তু বুদ্ধির ধারণাকে যে মানিতেই হইবে এমন কোন বাধ্যবাধকতা নাই। যাহা আছে বলিয়া আমরা দেখিতে পাই তাহা দিয়া সস্তার পরিচয় পাইতে হইবে, যাহা মনে কল্পনা করি তাহা দিয়া নয়। আমাদের গভীরতম ও শুদ্ধতম অন্তর্দৃষ্টি দিয়াও আমরা গতি ও ক্রিয়া ছাড়া আর কিছু দেখিতে পাইনা। দেখিতে পাই কেবল দুইটা পদার্থ আছে, দেশের মধ্যে গতি যাহা বস্তুগত এবং কালের মধ্যে গতি যাহা মনগত; ব্যাপ্তি এবং প্রবাহ, দেশ এবং কাল সত্য। আমরা হস্ত ব্যাপ্তিকে অতিক্রম করিয়া গিয়া দেশকে একটা মনের বোধ যাত্র ভাবিতে পারি, মনে করিতে পারি সত্তাকে ধরিবার বা বুঝিবার চেষ্টা করিতে গিয়া অবিভাজ্য সমগ্রতাকে এক কল্পিত দেশের মধ্যে বিস্তীর্ণ করিয়া দেখা হইয়াছে। কিন্তু কালের প্রবাহ ও পরিবর্তনকে আমরা ছাড়াইয়া যাইতে পারি না। ইহা আমাদের চেতনার উপাদান। জীব ও জগৎ একটা গতির প্রবাহ। অতীতের প্রবাহ পরম্পরা দ্বারা ক্রমশঃ উপচিত হইয়া উহা আমাদের বর্তমানে পরিণত হইয়াছে এবং বর্তমানকে আদি করিয়া আবার ভবিষ্যৎ পরম্পরার সৃষ্টি করিবে। অথচ এই বর্তমান একটা ক্ষণমাত্র, যাহাকে ধরিতে গেলে সে আমাদের এড়াইয়া যায়, যেন সে জন্মিবার আগেই মরিয়া যায়। অতএব যাহা আছে তাহা এই শাশ্বত অথও কালের একটা পরম্পরা এবং তাহার প্রবাহে ভাসিয়া চলিয়াছে এমন এক নিত্য উপচিত অথও চেতনার গতি। \* অনন্ত কালপ্রবাহই একমাত্র শেষ তত্ত্ব। সত্ত্বতিই একমাত্র সত্তা।

বস্তুতঃ খাঁটি অন্তর্দৃষ্টির সঙ্গে শুদ্ধ বুদ্ধির কল্পনার যে বিরোধের কথা এখানে বলা হইয়াছে তাহার মধ্যে ভ্রম আছে। সত্য সত্যই বোধিজ্ঞানের দ্বারা

\* সমগ্রভাবে প্রবাহ বা গতি অথও বা অবিভাজ্য। কাল অথবা চেতনার একটা ক্ষণ তাহার পূর্বতন অথবা পরবর্তী ক্ষণ হইতে পৃথক করিয়া দেখাও যায়। শক্তির ক্রিয়া পরম্পরার প্রত্যেকটিকে একটা নূতন বলক বা নূতন সৃষ্টি বলাও চলে কিন্তু তাহাতে প্রবাহের অবিচ্ছিন্নতা বিলোপ হয় না কেননা অবিচ্ছিন্ন প্রবাহ না থাকিলে কালের ব্যাপ্তি অথবা চেতনার পূর্ণাপন্ন সমগ্রত থাকে না। একটা মানুষ বধন হাঁটিয়া দৌড়াইয়া বা লাকাইয়া চলে তখন তাহার প্রতিপদক্ষেপ পৃথক বটে কিন্তু এমন একটা কিছু নিশ্চয়ই সেখানে আছে যে পদক্ষেপ করিতেছে এবং গতির প্রবাহ অবিচ্ছিন্ন রাখিয়াছে।

যদি শুদ্ধবুদ্ধি বাধিত হয় তবে সে মূল অন্তর্দৃষ্টির বিরুদ্ধে বুদ্ধির ধারণা সমর্থন করা উচিত নয়। কিন্তু এখানে যে বোধির অভিজ্ঞতার দোহাই দেওয়া হইয়াছে তাহা অস্পষ্ট। বোধি এ ক্ষেত্রে যতদূর পর্য্যন্ত অগ্রসর হইয়াছে ততদূরের মধ্যে বোধি যাহা বলিয়াছে তাহা সত্য কিন্তু এখানে পূর্ণ বা সমগ্র অহুভূতিতে পৌঁছিতে পারে নাই বলিয়া এ ভ্রম হইয়াছে। বোধি যতক্ষণ আমাদের সঙ্ঘটি বা আমরা যাহা হইয়া উঠিতেছি তাহাতেই নিজেকে নিবদ্ধ করে ততক্ষণ পর্য্যন্ত শাস্ত্রত কালের পরস্পরার মধ্যে আমাদের চৈতন্য নিয়ত গতি ও পরিবর্তনশীল ইহাই দেখিব। এই সত্যই বুদ্ধগণের ভাষায় “আমরা নদীর প্রবাহ বা নীপের শিখা” এই ভাবের দৃষ্টান্ত দ্বারা বুঝান হইয়াছে। কিন্তু এই অহুভবের উপরে আছে পরম সোধোধির এক চরম অহুভব যাহাতে আমরা আমাদের বহিষ্কৃতনাকে অতিক্রম করিয়া যাইতে পারি, তখন দেখিতে পাই যে এই সঙ্ঘটি এই পরিবর্তন এবং প্রবাহ আমাদের সত্তার একটা রূপ মাত্র এবং আমাদের মধ্যে এমন একটা কিছু আছে যাহা সঙ্ঘটিতে কখনও লিপ্ত হয় নাই। আমাদের ভিতরে অচল ও সনাতন এই যে কিছু তাহার সম্বন্ধে কেবল যে বোধিপ্রত্যয় জাগিতে পারে তাহা নহে, কেবল যে নিয়ত প্রবহমান আমাদের সঙ্ঘটির আবরণের পশ্চাতে অবস্থিত সে কিছুর আভাসমাত্র যে আমরা পাইতে পারি তাহাও নহে। পরন্তু আমরা তাহাতে সমাহিত হইয়া যাইতে পারি। তাহাতেই পূর্ণরূপে বাস করিতে পারি। ফলে আমাদের বাহ্য জীবন, আমাদের দৃষ্টিভঙ্গী, জাগতিক গতির মধ্যে আমাদের ক্রিয়ার ধারা, এ সমস্তই আমূল পরিবর্তিত হইয়া যাইতে পারে। এই যে এক স্থানান্তরের মধ্যে আমরা বাস করিতে পারি ইহারই কথা শুদ্ধ বুদ্ধি আমাদের পক্ষে পূর্বেই বলিয়াছিল, যদিও বুদ্ধির কোন সাহায্য না লইয়াও, এ অবস্থা কি পূর্বে তাহা না জানিয়াও, ইহাতে পৌছিতে পারা যায়। তখন অহুভব করা যায় যে ইহা শুদ্ধ সং, শাস্ত্রত, অনন্ত, অনির্দেশ্য, কালের প্রবাহ বা দেশের ব্যাপ্তিধারা অস্পষ্ট; ইহা রূপ, গুণ বা পরিমাণের অতীত কেবল নির্বিশেষ আত্মস্বরূপ।

অতএব শুদ্ধ সং একটা বাস্তব তত্ত্ব শুধু মনের কল্পনা নহে। ইহাই মূলগত সত্য। কিন্তু সৎ সৎ ইহাও যেন না ভুলি যে গতি-শক্তি-সঙ্ঘটি ও সত্য এবং বাস্তব তত্ত্ব। সোধোধির চরম অহুভব ইহাকে খাঁটিভাবে দেখিতে শিখাইতে

পারে ইহাকে ছাড়াইয়া যাইতে এমন কি ইহাকে শুদ্ধ রাখিতে পারে কিন্তু ইহার বিনাশ সাধন করে না। হুতরাং আমরা দুইটি মূল সত্ত্ব পাইলাম। একটি শুদ্ধ-সত্তা বা অস্তি অপরটি জগদ্রূপে সঙ্কৃতি। এ দুইটির একটিকে উড়াইয়া দেওয়া হয়ত সহজ কিন্তু এ উভয়কে চৈতন্তের মধ্যে দেখিতে পাওয়া এবং ইহাদের সম্বন্ধ নির্ণয় করা সত্য এবং সার্থক জ্ঞানের পরিচয়।

আমরা যেন মনে রাখি যে গতি ও গতিশূন্যতা এ উভয়রূপেই এক চরমতত্ত্ব আমাদের চৈতন্তের নিকট আত্মপ্রকাশ করে যেমন একস্থ এবং বহুস্থ এ উভয়ের মধ্য দিয়া তাহারই প্রকাশ হয়। বস্তুতঃ সে চরমতত্ত্ব অচলতা এবং সচলতা, এক এবং বহু, এ উভয়ের অতীত। গতিশূন্য একস্থে তাহার শাস্বত প্রতিষ্ঠা এবং এই স্থিতিকে কেন্দ্রে রাখিয়া ইহার চতুর্দিকে বহুরূপে অনন্ত গতিধারার অনির্বচনীয়ভাবে নিত্য আবর্তিত হইবার এক পরমলীলার খেলা চলিতেছে। জগদ্রূপ যেন নটরাজ শিবের আনন্দ তাণ্ডব নৃত্য, যাহার ফলে তাহার অনন্ত প্রতিমূর্তি চতুর্দিকে দেখা দিতেছে, কিন্তু তাহার শুভ্রসত্তা যেখানে যে ভাবে ছিল তাহাই আছে এবং থাকিবে। এই তাণ্ডবের উল্লাসই তাহার বিশ্বলীলার একমাত্র উদ্দেশ্য।

কিন্তু স্বরূপতঃ এই চরমতত্ত্বকে আমরা চিন্তা বা বর্ণনা করিতে পারি না, তাহার প্রয়োজনও কিছু নাই। ইহা গতিশীলতা এবং গতিশূন্যতা, এক এবং বহু, এ সমস্ত অতিক্রম করিয়া বর্তমান। তাহার এই ভাববৈচিত্র্যকে, শিব এবং কালী এ উভয়কে আমরা স্বীকার করিয়া জানিতে চাহিব, যাহাকে মেয় এবং অপ্রমেয় কিছু বলা চলে না, দেশ ও কালাতীত এক স্থানু সেই শুদ্ধসত্তের সহিত দেশ ও কালের মধ্যে যে অসীম ও অপ্রমেয় গতির প্রকাশ হইতেছে তাহার সম্বন্ধ কি। শুদ্ধসত্তের সম্বন্ধে শুদ্ধবুদ্ধি, বোধি ও অভিজ্ঞতা কি বলে তাহা আমরা দেখিয়াছি। গতি এবং শক্তি সম্বন্ধে তাহারা কি বলে তাহা এবার আমাদের দেখিতে হইবে।

প্রথমেই আমাদের মীমাংসা করিতে হইবে এই শক্তি কি শুধু মাত্র শক্তি, কেবল কি ইহাতে নিশ্চৈতন্য গতির প্রকাশ? অথবা যে জগতে আমরা বাস করি সেখানে ইহা হইতে যে চৈতন্ত ফুটিয়া উঠিয়াছে বলিয়া বোধ হইতেছে সে চৈতন্ত এই নিশ্চৈতন্য শক্তির একটা প্রাতিভাসিক

প্রকাশ নয় পরন্তু এই চৈতন্যই শক্তির খাঁটি ও গূঢ় প্রকৃতি—ইহাই কি সত্য নয়? এ প্রশ্নকে বেদান্তের ভাষায় বলিতে গেলে বলিতে হয়, শক্তি কি শুধু প্রকৃতি, ক্রিয়া এবং ক্রিয়াধারার একটা গতি একটা স্পন্দমাত্র অথবা প্রকৃতি স্বরূপতঃ চিৎশক্তি আত্ম-চৈতন্যের সৃষ্টি শক্তি? এ প্রশ্নের সমাধানের উপর বাকী সব নির্ভর করিতেছে।

## দশম অধ্যায়

### চিংশক্তি

নিজের সচেতন ক্রিয়াধারার মধ্যে গভীরভাবে লুক্কায়িত  
ভগবৎ সত্তার এই আত্মশক্তি তাঁহারা দেখিতে পাইলেন ।

শ্বেতাশ্বতর উপনিষদ ( ১১৩ )

যাহারা নিদ্রিত তাহাদের মধ্যে যাহা জাগ্রত তাহাই তিনি ।

কঠ উপনিষদ ( ৫৮ )

গভীরভাবে দেখিলে দেখা যায় যে প্রাতিভাসিক এই নিখিল-বিশ্ব শক্তি  
অথবা শক্তির গতি ও স্পন্দনে পর্যাবসিত হয় । শক্তিই নিজের অল্পভূতির  
কাছে নিজে অল্পবিস্তর স্থল স্বল্প অথবা ন্যূনাধিক জড় ভাবাপন্ন নানারূপে রূপায়িত  
হইয়া উঠিতেছে । যাহা হইতে সৃষ্টি ও সৃষ্ট পদার্থের বিধান আসিয়াছে অনন্ত  
সেই মহাশক্তিকে নিজের চेतনায় স্পষ্ট ও সত্য করিয়া তুলিতে গিয়া  
প্রাচীরের আদিতে স্থির স্তবরাং রূপবিবর্জিত এক সমুদ্রের সঙ্গে ইহার তুলনা  
করিয়াছেন । সেই সমুদ্রের মধ্যে প্রথমে এক আলোড়নের, এক গতির উদ্ভব  
হইতেই রূপসৃষ্টির প্রয়োজন জাগিয়া উঠে, তাহাই বিশ্বের বীজ স্বরূপ ।

শক্তি যখন জড় আকারে রূপায়িত হইয়া উঠে, তখনই আমাদের বুদ্ধি তাহা  
সহজে ধারণা করিতে পারে । কারণ, জড়ের সংস্পর্শে জড় মস্তিষ্কের অধিগত  
মনে সাড়ার ক্রম জাগরণে এ বুদ্ধি গঠিত হইয়াছে । প্রাচীন ভারতের পদার্থ-  
বিজ্ঞাবিদগণ জড় শক্তির আদিম অবস্থার নাম দিয়াছিলেন ব্যোম বা আকাশ, যে  
অবস্থার স্বরূপ দেশে শুদ্ধব্যাপ্তি, কম্পন যাহার বিশেষগুণ বা ধর্ম যাহা আমাদের  
নিকট শব্দ রূপে প্রকাশ হয় । কিন্তু শুধু আকাশের কম্পন হইতে রূপ সৃষ্টি সম্ভব  
নয় । তার জন্ত চাই শক্তি সমুদ্রের প্রবাহে একটা বাধা, সঙ্কোচন এবং সম্প্রসারণ,  
যিচিহ্ন কম্পনের পরস্পর মিলন, শক্তির উপর শক্তির অভিঘাত, যাহার ফলে  
পরস্পরের মধ্যে একটা নির্দিষ্ট সম্বন্ধের সূত্রপাত হইবে ; তাই জড় শক্তি তাহার

আদিমরূপ আকাশকে রূপান্তরিত করিয়া দ্বিতীয় অবস্থা বা “ভূত” সৃষ্টি করিল, প্রাচীনরা তাহার নাম দিলেন বায়ু যাহার বিশেষ ধর্ম শক্তির সঙ্গে শক্তির স্পর্শ, যে স্পর্শ সকল জড় সম্বন্ধের ভিত্তিরূপ, তথাপি যথার্থ রূপ সৃষ্টি হইল না, কেবল বহুবিচিত্র শক্তি দেখা দিল। আশ্রয় স্থান অধিকার করিতে পারে এমন একটা তত্ত্ব চাই। আত্মশক্তি তাই আবার রূপান্তর প্রাপ্ত হইয়া আলোক, বিদ্যুৎ, অগ্নি, তাপরূপে যাহার বিশিষ্ট প্রকাশ সেই তেজরূপ ধারণ করিল। এ অবস্থায় শক্তি বিশিষ্ট ধর্মে বিশিষ্ট ক্রিয়ায় নানা আকারে প্রকাশ পাইলেও দেখা দিল না তেমন জড়রূপ যাহা স্থায়ী (stable)। তাই যাহার বিশেষ ধর্ম শক্তিকে চারিদিকে প্রেরণ বা সঞ্চার, স্থায়ীভাবে আকর্ষণ বিকর্ষণের যাহা একটা প্রথম বাহন, যাহার নাম অপ্ (বা তরল অবস্থা) সেই চতুর্থ ভূত দেখা দিল। তাহারপর আসিল পঞ্চমভূত যাহার বিশেষ গুণ দৃঢ়সংসক্তি বা কাঠিন্য, ইহার নাম ক্ষিতি। এমন করিয়া প্রয়োজনীয় পঞ্চভূতের সৃষ্টি হইল।

স্থূল অথবা সূক্ষ্ম জড় পদার্থের যত রূপ আমরা জানি তাহার সমস্তই এই পঞ্চভূতের সমবায়ে গঠিত হইয়াছে। আমাদের ইন্দ্রিয়বোধও ইহাদের উপর প্রতিষ্ঠিত, কারণ কল্পনাকে গ্রহণ করিয়া আমাদের মধ্যে শব্দ বোধ জাগিয়াছে; শক্তি-কল্পনের জগতে সাক্ষাৎ সংস্পর্শ বা সংযোগ হইতে আসিয়াছে স্পর্শজ্ঞান; আলোক, অগ্নি, বিদ্যুৎ এবং তাপের শক্তিতে বিধৃত, উন্মিষিত এবং সংগঠিত রূপের মধ্যে আলোকের ক্রিয়া হইতে আমাদের দর্শনেন্দ্রিয় ফুটিয়া উঠিয়াছে, এমনি করিয়া চতুর্থ ভূত অপ্ হইতে রসনা এবং পঞ্চমভূত ক্ষিতি হইতে ঘ্রাণেন্দ্রিয় আমরা লাভ করিয়াছি। মূলতঃ সকল ইন্দ্রিয় বোধই শক্তির সঙ্গে শক্তির সংস্পর্শ জাত কল্পনের প্রতিক্রিয়া। শুদ্ধশক্তি এবং তজ্জাত বস্তুনিচয়ের মধ্যে আপাতদৃষ্ণে যে গুরুতর ভেদ দৃষ্ট হয়, প্রাচীনরা তাহা এইভাবে দূর করিয়াছিলেন। সাধারণ মানুষের ইন্দ্রিয় বোধের নিকট জগতের যে বস্তুনিচয় নিরেট বাস্তব এবং স্থায়ী বোধ হয় তাহা যে কি করিয়া একটা ক্ষণস্থায়ী প্রতিভাসমাত্র হইতে পারে অথবা ইন্দ্রিয়বোধ যাহা ধরিতে পারে না, এমন কি যাহার অস্তিত্ব সম্বন্ধে সচেতন নয় সেই এক শুদ্ধশক্তি বিশ্বের স্থায়ী মূল সত্য কি করিয়া হইতে পারে তাহা সে বুঝিতে পারে না, সুতরাং অবিশ্বাসের চোখে দেখে। প্রাচীন দার্শনিকগণের পূর্বোক্ত দৃষ্টিভঙ্গীতে দেখিলে ইহা বুঝা সহজ হয়।

কিন্তু শক্তি-কম্পনের সংস্পর্শে যে ইন্দ্রিয়বোধ জাগে তাহা সচেতন—এই সচেতনতা কোথা হইতে আসিল তাহার উত্তর ইহাতে নাই। বিশ্লেষণ করিয়া দেখা যাহার স্বভাব সেই সাংখ্যদর্শন তাই পঞ্চভূতের উপর মহৎ এবং অহঙ্কার নামে আর দুইটি তত্ত্ব স্বীকার করিল, এ দুইটি তত্ত্ব বস্তুতঃ অজড়, কারণ প্রথমটি শক্তির বিশ্বরূপ ছাড়া আর কিছু নয় এবং অপরটি বিভাগকারী অহংবোধ। তথাপি এই দুইটি তত্ত্ব এবং তৎসঙ্গে বুদ্ধিতত্ত্ব সচেতনভাবে সক্রিয় হয় শক্তির অভিঘাতে নয়, পরন্তু এক বা বহু নিষ্ক্রিয় চৈতন্যময় পুরুষের সাম্বিত্য বশতঃ, যে পুরুষে শক্তির ক্রিয়া প্রতিফলিত হয় এবং সেই প্রতিফলনের ফলে চৈতন্যের বর্ণনাগ ফুটিয়া উঠে।

ভারতের যে দর্শন এ যুগের জড়বাদের সর্বাপেক্ষা নিকটে পৌছিয়াছে, গভীর বিচারপরায়ণ ভারতীয় মনের পক্ষে প্রাকৃতিক শক্তিকে অচেতন যান্ত্রিক রূপে ধারণা করা যতদূর সম্ভব তাহা যাহাতে পাই, সেই দর্শনের বিশ্বরহস্য ব্যাখ্যা এইরূপ। ইহাতে যতই দোষ ও ত্রুটি থাকুক না কেন ইহার প্রধান চিন্তাধারা একরূপ অবিসংবাদিত, তাই সাধারণ ভাবে তাহা স্বীকৃত। চৈতন্যের প্রকাশের যে ব্যাখ্যাই দেওয়া হউক না কেন, প্রকৃতি জড় বা চৈতন্যময় তত্ত্ব যাহাই হউক না কেন, বস্তুতঃ সে শক্তিরূপিনী তাহাতে সন্দেহ নাই। সর্ব-পদার্থের মূলে যে তত্ত্ব কাজ করিতেছে তাহা একটা রূপায়ন শক্তি; নিরাকার শক্তি সমূহের পরস্পর সংঘাত, মিলন ও সামঞ্জস্য হইতেই সকল রূপ সৃষ্টি হইয়াছে। এক শক্তির সঙ্গে অন্য শক্তির সংস্পর্শজনিত প্রতিক্রিয়া হইতে আমাদের ইন্দ্রিয়বোধ এবং কণ্ঠপ্রবৃত্তি জাগিয়াছে। যে জগৎকে আমরা অনুভব করিতেছি তাহা এইরূপ এবং এই অভিজ্ঞতা হইতেই আমাদের ষাট্কারমস্ত করিতে হইবে।

জড়কে বিশ্লেষণ করিয়া আধুনিক বৈজ্ঞানিকগণও এই একই সাধারণ সিদ্ধান্তে পৌছিয়াছেন, যদিও সন্দেহের কিছু কিছু এখনও বিলুপ্ত হয় নাই। বোধি ও অভিজ্ঞতা, দর্শন ও বিজ্ঞানের এই এক মতকেই সমর্থন করে। তাহার নিজের মূল ও স্বাভাবিক ধারণা ইহাতে সমর্থিত হইতেছে দেখিয়া শুদ্ধবুদ্ধিও ইহাতে তৃপ্তি লাভ করে। কারণ বিশ্বকে মূলতঃ এক চৈতন্যের লীলা বলিয়া যে মত বলে, তাহাকেও স্বীকার করিতে হয় যে লীলার মধ্যে ক্রিয়া এবং ক্রিয়ার মধ্যে শক্তির গতি ও স্পন্দন অল্পমাত্রায় রহিয়াছে। ভিতর হইতে আমাদের

অভিজ্ঞতা পরীক্ষা করিয়া দেখিলেও বিধের ইহাই যে মূল প্রকৃতি তাহা বোধ হইবে। প্রাচীনেরা যে ত্রিশক্তির নাম দিয়াছেন জ্ঞান, ইচ্ছা ও ক্রিয়াশক্তি তাহাদের খেলাই আমাদের সকল প্রবৃত্তি ও কর্ম। আবার ইহাও দেখা যায় যে বস্তুতঃ এই তিন শক্তি এক মূল আত্মা শক্তিরই তিনটি ধারা। এমন কি আমাদের স্থিতি এবং কর্মবিবর্তিও এই শক্তিরই সাম্যাবস্থা।

সমগ্র বিশ্বপ্রকৃতিকে শক্তির গতি ও স্পন্দ বলিয়া স্বীকার করিলে দুইটি প্রশ্ন উঠে। প্রথম প্রশ্ন সতের বৃকে কিরূপে এই গতি দেখা দিল? যদি আমরা মনে করি গতি ও স্পন্দ শুধু শাস্বত নহে, তাহাই সতের স্বরূপ বা গতিই সজ্জপে প্রতিভাত হইতেছে তবে অবশ্য এ প্রশ্ন উঠে না। কিন্তু আমরা সে মত গ্রহণ করি নাই। আমরা সতের এমন এক অবস্থার কথা বলিয়াছি যাহা গতির বাধ্য বা গতি দ্বারা পরিচালিত হয় না। তাহা হইলে কিরূপে, কি কারণে কোন সম্ভাবনার বশে বা কোন্ রহস্যের সংবেগে সেই শাস্বত স্থিতির বিপরীত এই গতি বা স্পন্দ আসিল?

প্রাচীন ভারতীয় দার্শনিকগণের সর্বাপেক্ষা অল্পমোদিত সিদ্ধান্ত এই যে সতের মধ্যে শক্তি অন্তহীন হইয়া আছে। শিব ও কালীতে, ব্রহ্ম ও শক্তিতে অভেদ সম্বন্ধ, তাঁহারা এক, দুই নহেন, অতএব তাহাদিগকে কখন পৃথক করা যায় না। সত্তাতে অবস্থিত শক্তির গতি ও স্থিতি এই দুই অবস্থা হইতে পারে, স্থিতির অবস্থাতেও শক্তি নিরাকৃত বা উনীকৃত হয় না অথবা তাহার মূলতঃ কোন পরিবর্তন ঘটে না। এ উত্তর এত যুক্তিযুক্ত এবং বস্তুস্বভাবের অল্পগত যে ইহা স্বীকার করিতে কোন দ্বিধার কারণ দেখি না। শক্তি অনন্ত অদ্বয় সত্তার বিজাতীয় কিছু এবং বাহির হইতে সত্তার মধ্যে আসিয়াছে, অথবা পূর্বে ছিল না পরে কোন বিশিষ্টরূপে তাহাতে আসিয়াছে এরূপ ধারণা যুক্তি বিরুদ্ধ অতএব অসম্ভব। এমন কি মায়াবাদীকেও স্বীকার করিতে হইবে ব্রহ্ম আত্ম-বিভ্রমরূপিনী মায়াশক্তি তাহার শাস্বত সত্তার মধ্যে শাস্বত সম্ভাবনারূপে বর্তমান আছে। সেখানে একমাত্র প্রশ্ন তাহার প্রকাশ এবং অপ্রকাশ লইয়া। সাংখ্য দর্শনও বলে যে প্রকৃতি এবং পুরুষ ( বা চৈতন্যময় আত্মা ) অনাদি কাল হইতে একত্রাবস্থিত এবং প্রকৃতির গুণসাম্যে স্থিতি এবং গুণ বৈষম্যে গতি—এই উভয় অবস্থা একের পর অন্য দেখা দেয়।



শক্তি যদি সন্তোষে সর্বদা অস্থায়ী থাকে এবং শক্তির পক্ষে প্রকৃতির মধ্যে নিজেকে ছড়াইয়া দেওয়া অর্থাৎ গতি এবং নিজের মধ্যে গুটাইয়া আনা অর্থাৎ স্থিতি যুগপৎ বা পর্যায়ক্রমে এ উভয় সম্ভাবনা যদি বিদ্যমান থাকে তবে কিরূপে গতি, তাহার সম্ভাবনা বা তাহার প্রথম প্রবেগ দেখা দিল এ প্রশ্ন উঠিতে পারে না। কারণ যাহা সম্ভাবনা রূপে রহিয়াছে তাহা কালের মধ্যে পর্যায়ক্রমে গতি ও স্থিতির ছন্দে ফুটিয়া উঠিবে অথবা নির্বিকার সতের বৃক্কে আত্মসংহরণে সমাহিত থাকিয়াও সমুদ্র বক্ষে যেক্রপ তরঙ্গের উত্থান ও লয় হয় তদ্রূপ ভাবে বাহিরের ক্ষেত্রে গতি পরিবর্তন বা রূপায়ন রূপে দেখা দিবে একথা বুঝা সহজ। এই বাহিরের খেলা (অবশ্য আমরা এখানে যে উপমা দিয়া কথা বলিতেছি সমগ্র ভাবে বুঝিবার পক্ষে তাহা যথোচিত নহে) সতের মধ্যে শক্তির আত্মসংহরণের সঙ্গে অনাদিকাল হইতে নিত্য বর্তমান থাকিতে পারে স্বতরাং খেলাও নিত্য ঘটনা হইতে পারে; অথবা খেলার প্রবৃত্তি এবং নিবৃত্তি কালের ক্ষেত্রে একটা স্থায়ী ছন্দদোলায় দেখা দিতে পারে। তখন তাহা প্রবাহরূপে নিত্য না হইলেও আবৃত্তি রূপে নিত্য হইবে।

কিরূপে শক্তি ক্রিয়াশীলা হয় সে প্রশ্ন চলিয়া গেলে কেন ক্রিয়াশীলা হয় এ প্রশ্ন উপস্থিত হয়। সতের শক্তি নিজের মধ্যে সংহত হইয়া সমস্ত বৈচিত্র্য এবং রূপবিবর্জিত অবস্থায় থাকিল না কেন? শুদ্ধ-সৎ যদি অচেতন হয়, চৈতন্য যদি জড় শক্তিরই পরিণতি হয় এবং তাহাকে আমরা ভুল করিয়া অজড় মনে করি, ইহা যদি সত্য হয় তবে এ প্রশ্ন উঠে না। তখন শুধু এই বলিলেই চলে যে গতির ছন্দে দোলায়িত হওয়াই এ শক্তির স্বভাব, আপনা আপনি নিত্য বর্তমান থাকাই যাহার স্বভাব তাহার সম্বন্ধে কেন, কি কারণে কোন আদিম উদ্দেশ্য বা শেষ লক্ষ্যের জন্ত সে আছে এরূপ কোন প্রশ্নের আর অবকাশ বা প্রয়োজন থাকে না। শান্ত স্বয়ং সতের সম্বন্ধে যেমন জিজ্ঞাসা করে চলে না কেন তাহা বর্তমান আছে অথবা কিরূপে তাহার আবির্ভাব হইল, তেমনি যে শক্তির মূলে সেই শক্তি ছাড়া আর কিছু নাই সেই শক্তিকেও আমাদের জিজ্ঞাসা করা চলে না সে কোথা হইতে আসিল, অথবা যে গতি ও ক্রিয়ার সংবেগ তাহার প্রকৃতিতে অস্থায়ী রহিয়াছে

তাহার কারণ কি? কি ধারায় সে শক্তির আত্মপ্রকাশ হয়, তাহার গতি ও রূপায়নের রীতি কি অথবা তাহার পরিণতির পদ্ধতি কি ইহাই শুধু জানিতে চাহিতে পারি। স্থিতি ও গতি, সত্তা ও শক্তি উভয়েই যেখানে জড় উভয়েই যেখানে অচেতন ও অপ্রবুদ্ধ সেখানে উদ্দেশ্য, পরিণতির কোন লক্ষ্য বা কারণ বলিয়া কিছু থাকিতে পারে না।

কিন্তু যদি সৎকে চিন্ময় সত্তা বলিয়া স্বীকার করি, তাহা হইলে কেন প্রকৃতি ক্রিয়াশীল হয় সে প্রশ্ন উঠে। অবশ্য আমরা এমন এক সচেতন পুরুষের কল্পনা করিতে পারি যিনি নিজ শক্তির বা প্রকৃতির অধীন, তদ্বারা পরিচালিত হইতে বাধ্য, শক্তির প্রকাশ হওয়া বা না হওয়ার উপর তাহার কোন হাত নাই। এইরূপ এক ঈশ্বর বা বিশ্বপুরুষের কল্পনা আমরা মায়াবাদে এবং তাত্ত্বিকগণের মধ্যে পাই, যিনি মায়া বা শক্তির অধীন, যে ঈশ্বর মায়াদ্বারা আচ্ছন্ন বা শক্তি দ্বারা শাসিত ও পরিচালিত। কিন্তু আমরা যে অনন্ত পরমার্থ সত্যের কথা লইয়া আলোচনা আরম্ভ করিয়াছি তিনি তেমন ভাবের ঈশ্বর নহেন। ইহা স্বীকার করিতে হইবে বিশেষ ব্রহ্ম নিজেই নিজেকে রূপায়িত করিতেছেন এবং তিনি স্রষ্টাঃ মায়া বা শক্তির পূর্ববর্তী এবং তাহার ক্রিয়া বা খেলার নিবৃত্তি হইলে শক্তিকে তিনিই তাহার তুরীয় বা সর্বাতীত সত্তায় বিলীন করেন। যেহেতু সে চিন্ময় সত্তাই পরম এবং চরম তত্ত্ব তাহার প্রকাশ বা রূপায়নের তিনি অধীন নহেন, তাহার ক্রিয়া বা গতিদ্বারা নিয়ন্ত্রিত বা পরিচালিত হন না, সুতরাং তাহার মধ্যে শক্তির প্রকাশের যে যোগ্যতা বা সম্ভাবনা আছে তাহাকে প্রকাশ হইতে দেওয়া বা না দেওয়ার স্বাধীনতা তাহার মধ্যে নিত্য বর্তমান। যিনি শক্তির সচেতন আধার হইয়াও তাহার অধীন, যাহার মধ্যে থাকিয়া ক্রিয়াশীল প্রকৃতি তাহার অপেক্ষা শক্তিশালিনী হইয়াছে, তাহাকে এক অনন্ত স্বাতন্ত্র্য-শূণ্য জড় বলা যাইতে পারে কিন্তু প্রকৃতিপরিচালিত তেমন ব্রহ্মকে ব্রহ্ম বলা যায় না। যদি বলি তাহার নিজ প্রকৃতিদ্বারা পরিচালিত হওয়া নিজের শক্তিরূপের কাছে নিজের অধীন হওয়া মাত্র, তাহাতে বিরোধ নিবৃত্তি হয় না, আমরা পূর্বে যাহা মূল সিদ্ধান্ত বলিয়া স্বীকার করিয়াছি তাহাকে এড়াইয়া চলিবার চেষ্টা হয় মাত্র। কারণ তখন সত্তাতে শক্তিমাত্র ছাড়া আর কিছু

থাকে না, স্থিতি ও গতি এই দুইরূপে শক্তিই আছে বলা হয়। হয়ত তাহা চরমশক্তি হইতে পারে কিন্তু চরম ও পরম সত্তা নহে।

তাহা হইলে ভাল ভাবে বুঝিতে হইবে শক্তির সঙ্গে চৈতন্তের সম্বন্ধ কি। কিন্তু চৈতন্ত বলিতে আমরা কি বুঝি? নিজা, মুচ্ছা বা অন্তঃকারণে মাহুয়ের বাহ্য বোধ যখন লোপ পায় নাই সেই সময় মনের মধ্যে যে বোধ স্পষ্ট ভাবে জাগে তাহাকেই আমরা চৈতন্ত বলি, যে অবস্থা দেহধারী মাহুয়ের জীবনের অধিকাংশকাল জুড়িয়া বসিয়া আছে। অবশ্য এ অর্থে জড় জগতের মধ্যে চৈতন্তের না থাকাই সাধারণ নিয়ম, যখন থাকে তখন তাহা নিয়মের ব্যতিক্রম মাত্র। আমাদের মধ্যেও এ চৈতন্তকে সর্বদা দেখিতে পাই না। কিন্তু চৈতন্তের স্বরূপ সম্বন্ধে ইহা প্রাকৃত ও অগভীর ধারণা, যদিও আমাদের চিন্তা ও সংস্কার এই ধারণা দ্বারা এখনও অহুরঞ্জিত তথাপি দার্শনিক বিচার ও ভাবনায় এ ধারণা আমাদের বর্জন করিতে হইবে। কারণ আমরা জানি যখন আমরা নিমিত্ত বা মুচ্ছিত বা আঘাত কিম্বা ঔষধের দ্বারা সংজ্ঞাশূন্য অথবা যে অবস্থায় আমাদের দৈহিক সত্তা অচেতন অবস্থায় আছে বলিয়া বোধ হয় তখনও আমাদের মধ্যে এমন কিছু থাকে যাহা সচেতন। শুধু তাহা নহে, এদেশের প্রাচীন দার্শনিকগণ যে বলিয়াছেন যে আমাদের যে জাগ্রত অবস্থাকে আমরা চৈতন্ত বলিয়া অভিহিত করি তাহা আমাদের সমগ্র চেতন সত্তার অতি সামান্য নির্ঝাঁকিত অংশ মাত্র, এ কথা সত্য। জাগ্রত অবস্থা চেতনার বহিরাবরণ মাত্র, ইহা আমাদের মনোচেতনারও সবটুকু নয় আমাদের এই জাগ্রত চৈতন্তের পিছনে ইহা অপেক্ষা বহুগুণে বৃহত্তর অধিচেতনা বা অবচেতনার ভূমি আছে, যাহার উচ্চতা বা গভীরতা এখনও কোন মাহুয় মাপিয়া উঠিতে পারে নাই। এই জ্ঞান লইয়া যাত্রারম্ভ করিলে আমরা শক্তি ও তাহার ক্রিয়ার সত্য বিজ্ঞান গড়িয়া তুলিতে পারি। ইহাই আমাদের জড়ের সীমাবদ্ধ এবং স্পন্দনের মরীচিকা হইতে মুক্ত করিবে।

জড়বাদ অবশ্য বলিবে চৈতন্তের যতই প্রসার হউক না কেন ইহা জড় ব্যাপার, আমাদের স্থূল ইন্দ্রিয়ের সঙ্গে ইহার সম্বন্ধ অবিচ্ছেদ্য, চৈতন্ত ইন্দ্রিয়গণকে অবলম্বন করিয়া প্রকাশ হয় ইহা সত্য নহে, পরন্তু চেতনা ইন্দ্রিয়েরই পরিণাম, কিন্তু জ্ঞান বৃদ্ধির সঙ্গে সঙ্গে এ গোড়া মতবাদ ক্রমেই অচল

হইয়া পড়িতেছে। এ ব্যাখ্যা অধিক হইতে অধিকতর অপৰ্যাপ্ত এবং কষ্ট-কল্পিত প্রমাণ হইতেছে। স্পষ্টতর আমরা দেখিতেছি আমাদের সমগ্র চৈতন্তের সামর্থ্য আমাদের ইন্দ্রিয়, স্নায়ুজাল এবং মস্তিষ্কে যে কেবল বহুগুণে অতিক্রম করিয়া গিয়াছে তাহা নয় পরন্তু সাধারণ ক্ষেত্রেও আমাদের চিন্তা ও চৈতন্ত এসমস্ত হইতে জাত হয় না বরং ইহাদিগকেই তাহারা যজ্ঞরূপে ব্যবহার করে। চৈতন্তের উজ্জ্বলতার আকৃতি হইতে মস্তিষ্ক স্বেচ্ছা হইয়াছে এবং চৈতন্তই মস্তিষ্ক ব্যবহার করিতেছে, বিপরীত যে কথা অর্থাৎ মস্তিষ্ক হইতে চৈতন্ত জাত হয় বা মস্তিষ্কই চৈতন্তকে ব্যবহার করে তাহা সত্য নহে। এমন কি এক্ষণে অতিপ্রাকৃত ঘটনার কথা জানা যায় যাহা দ্বারা প্রমাণ হয় যে চৈতন্ত দেহবস্তুর ব্যবহার না করিয়াও পারে, স্থলস্পন্দন বা শ্বাসপ্রশ্বাস ছাড়াও বাঁচিয়া থাকা যায় এবং মস্তিষ্কের মধ্যে যে সমস্ত স্থানীয়স্থিত স্নায়ু-কোষ আছে তাহাদের সাহায্য না লইয়াও চিন্তা করা যাইতে পারে। এঞ্জিনের (engine) পরিচালক বিদ্যুৎ বা বাষ্প যেমন সে যন্ত্রের গঠন-কৌশল হইতে জাত নহে অথবা তদ্বারা ব্যাখ্যাত হইতে পারে না তদ্রূপ ভাবনা বা চেতনা শারীর যন্ত্র হইতে জাত হয় নাই, তদ্বারা ব্যাখ্যাতও হইতে পারে না, শক্তিই পূর্বগত, জড়যন্ত্র নহে।

ইহা হইতে যুক্তির অনুসরণে আমরা গুরুতর সব সিদ্ধান্তে পৌছিতে পারি। প্রথমতঃ যেখানে আমরা সজীবতার চিত্র দেখিতে পাই না, অসাড়-তাই দেখি সেখানে যদি মনোচেতনা থাকা সম্ভব হয় তাহা হইলে জড় পদার্থের মধ্যে এক সার্বভৌম অবচেতন মন আছে যাহা উপযুক্ত ইন্দ্রিয়ের অভাবে ক্রিয়া বা বাহিরে আত্মপ্রকাশ করিতে পারিতেছে না ইহা কি সম্ভব হইতে পারে না? জড়ের মধ্যে চেতনা কি একেবারেই নাই? বরং ইহাই কি সত্য নয় যে তথায় চৈতন্ত নিজ্জামগ্ন—পরিণতির দিক দিয়া এ নিজ্জা পূর্বাগর জাগরণের মধ্যাবস্থা না হইয়া আদিম নিজ্জা বলিয়া বোধ হইলেও মানুষের মধ্যে আমরা যে নিজ্জা দেখিতে পাই তাহা চেতনার বিনাশ নহে কিন্তু বাহ্যবস্তুর সংস্পর্শে স্থূলভাবে সচেতন সাড়া না দিয়া সেখানে চৈতন্ত নিজের মধ্যে গুটাইয়া আসিয়াছে। বিশ্বের মধ্যে যাহা কিছু বহির্জগতের সহিত প্রকাশ্য যোগ স্থাপনের উপায় গড়িয়া তুলিতে পারে নাই তাহাতে চৈতন্ত এই স্থগিতপ্রাপ্ত—

ইহাই কি হইতে পারে না? যাহা নিম্নাঙ্গ আছে তাহার মধ্যেও এক চিন্ময় পুরুষ সদা জাগ্রত আছেন ইহাই কি প্রকৃত সত্য নহে?

আমরা আরও অগ্রসর হইতে পারি। আমরা যাহাকে অবচেতনা বলি তাহা আমাদের বাহ্য মনশ্চেতনা হইতে স্বরূপতঃ পৃথক কিছু নয়, তবে তাহা জাগ্রত চেতনার নিম্নে থাকিয়া তাহার অজ্ঞাতে কাজ করে, যদিও হয়ত তাহার ব্যাপ্তি ও গভীরতা আরও বেশী। কিন্তু অধিচেতনা এ সমস্তের সীমা বহুগুণে অতিক্রম করিয়া যায়। কেবল যে তাহার উৎকর্ষ ও সামর্থ্য অনেক বেশী তাহা নয়। পরন্তু আমরা মনশ্চেতনা বলিয়া যে জাগ্রত অবস্থাকে জানি তাহা হইতে এ চেতনা অস্বরূপ। স্মৃতরাং একথা বলা যাইতে পারে যে আমাদের মধ্যে যেমন অবচেতনা আছে তেমনি অতিচেতনাও আছে অথবা সচেতন বৃত্তি সমূহের একটা পর্যায় বা পরম্পরা আছে, এবং চৈতন্যের এমন একটা স্তর আছে যাহা আমরা যাহাকে মন বলি তাহার অনেক উর্দ্ধে অবস্থিত। আমাদের অধিচেতন-গত সত্তা মনের উপর উঠিয়া অতিচেতনায় পৌছিতে পারে, তেমনি তাহা মনের নীচে অবস্থিত অবচেতনার মধ্যেও কি ডুব দিতে পারে না? জগতে এবং আমাদের মধ্যে অবমানস বা মন অপেক্ষা তেমন নিম্নতর ভূমি কি নাই, যাহাকে প্রাণচেতনা এবং দেহচেতনা বলিতে পারি? যদি তাহা হয় তাহা হইলে আমরা বলিতে পারি যে উদ্ভিদ ও ধাতুর মধ্যে এমন শক্তি আছে যাহার নাম চেতনা দেওয়া যাইতে পারে, যদিও তাহা পশু ও মানুষের মধ্যে যে চেতনা দেখিতে পাই এবং যাহাকে মাত্র আমরা চেতনা বলিয়া অভিহিত করিতে অভ্যস্ত, সেরূপ চেতনা নহে।

বস্তুতঃ ইহা শুধু সম্ভব নহে, নিরপেক্ষ ভাবে দেখিলে দেখিতে পাইব যে ইহা নিশ্চিত। আমাদের মধ্যে যে এইরূপ এক প্রাণচেতনা আছে তাহা শরীর মধ্যস্থ কোষগুলির (cells) ক্রিয়াতেও দেখা যায়। আমাদের মধ্যে যে সমস্ত স্বয়ংক্রিয় দৈহিক যন্ত্র (যেমন হৃদযন্ত্র বা পরিপাকযন্ত্র) আছে যেখানে মনের অগোচরে উদ্দেশ্যমূলক ভাবের ক্রিয়া সম্পন্ন হয়, তথায় দেখা যায় যে কোন বস্তুকে দেহযন্ত্র আত্মসাৎ করিয়া লইতেছে, কোন বস্তুকে বহিষ্কৃত করিয়া দিতেছে সেখানে আমরা এই প্রাণচেতনাকে লক্ষ্য করিতে পারি। পশুর মধ্যে এ চেতনার প্রভাব আরও বেশী। উদ্ভিদ জগতেও ইহা দেখা যায় বোধি দ্বারা।

যাহার সত্য একজন ভারতীয় বৈজ্ঞানিক খাঁটি বিজ্ঞানসম্মত উপায়ে আমাদিগকে দেখাইয়াছেন,—উদ্ভিদ জগতের সেই সমস্ত আকৃষ্টন ও প্রসারণ, স্থখ ও দুঃখ, নিদ্রা এবং জাগরণ এবং প্রাণস্পন্দনের আরও অনেক বিচিত্র রহস্যের মূলে চেতনা রহিয়াছে যদিও আমরা যতদূর দেখিতে পাই তাহা মানস চেতনা নহে। তাহা হইলে মনের নীচে প্রাণ চেতনার পরিচয় পাওয়া গেল যেখানে প্রতিক্রিয়া যেন ঠিক মনেরই মত অথচ একদিকে যেমন অতিচেতনা অল্প দিকে তেমনি প্রাণচেতনা এ উভয়ের অভিজ্ঞতা, গঠন বা প্রকাশধারা, মানস চেতনা হইতে ভিন্ন।

উদ্ভিদ জগতে পশুর প্রাণলীলার নিম্নতর অভিব্যক্তিতে আমরা যাহাকে চৈতন্য বলিতেছি তাহা ত দেখিতে পাইতেছি, কিন্তু উদ্ভিদেই কি উহা শেষ হইয়া গিয়াছে? যদি তাই হয়, তবে আমাদিগকে স্বীকার করিতে হয়, জড় হইতে বিজাতীয় কোন শক্তি, প্রাণ ও চৈতন্যরূপে জগতে প্রবিষ্ট হইয়া জড়কে অধিকার করিয়াছে—হয় ত বা অল্প কোন জগৎ\* হইতে আসিয়া। নৈলে জড়ের মধ্যে ইহার কোথা হইতে আসিল? প্রাচীনেরা এরূপ অল্প জগতের অস্তিত্বের কথা বিশ্বাস করিতেন, যাহা হয়ত এজগতে প্রাণ ও চেতনাকে ধারণ করিয়া আছে, এমন কি হয়ত নিজের চাপে ইহাদিগকে ফুটাইয়া তুলিয়াছে, কিন্তু এখানে অনুপ্রবিষ্ট হইয়া প্রাণ ও চেতনাকে সৃষ্টি করিয়াছে ইহা সত্য হইতে পারে না, কারণ জড়ের মধ্যে যাহা সংবৃত হইয়া নাই, জড় হইতে তাহার বিবৃতি বা প্রকাশ কখনও সম্ভব হইতে পারে না।

কিন্তু আমরা যাহাকে নিছক জড় বলিয়া মনে করি সেখানে আসিয়া প্রাণ ও চেতনার ধারা হঠাৎ থামিয়া গিয়াছে এরূপ মনে করিবার কোন সঙ্গত কারণ নাই। বৈজ্ঞানিক অনুসন্ধান ও চিন্তা অধুনা যে স্তরে আসিয়াছে তাহাতে যেন মনে হয় যে ধাতু ও মৃত্তিকা প্রভৃতি নিম্প্রাণ পদার্থের মধ্যেও প্রাণের অস্পষ্ট আরম্ভ এবং হয়ত চেতনার এক প্রকার নিস্পন্দ ও নিরুদ্ধ আভাস দেখা যাইতেছে,

\* একটা অদ্ভুত মতবাদ অধুনা প্রচলিত হইয়াছে যে লোকান্তর হইতে নয় পরন্তু গ্রহান্তর হইতে প্রাণ এ পৃথিবীতে আসিয়াছে। চিণ্ডাশীল দার্শনিকের নিকট ইহা কোন মীমাংসা নহে। আসল প্রশ্ন এই আদৌ জড়ের মধ্যে প্রাণ কি করিয়া আসিল? প্রশ্ন এই নয় যে কোন বিশেষ গ্রহে ইহা সঞ্চারিত হইল কি করিয়া।

অথবা অন্ততঃপক্ষে যাহা আমাদের মধ্যে চৈতন্যরূপে অভিব্যক্ত হইয়াছে তাহার মূল উপাদান যেন সেখানে আছে। তফাৎ এই যে যাহাকে প্রাণ চেতনা বলিয়াছি তাহা উদ্ভিদের মধ্যে অস্পষ্ট ভাবে দেখিতে ও বুঝিতে পারি কিন্তু জড়ের মধ্যে চৈতন্য নিষ্পন্দ অবস্থায় থাকিতে তাহা বুঝা বা কল্পনা করা বস্তুতই কঠিন। আর আমরা মনে করি যাহা বুঝা বা কল্পনা করা শক্ত তাহা অস্বীকার করিবার অধিকার আমাদের আছে। তথাপি যে চেতনাকে আমরা অনুসরণ করিয়া উদ্ভিদ জগতের এমন গহনে পৌছিয়াছি সেখানেই উহা শেষ হইয়া গিয়া প্রকৃতিতে ইচ্ছাৎ একটা ফাঁক পড়িয়াছে, ইহা বিশ্বাসযোগ্য নহে। বিশ্বব্যাপারের অস্ত্র সকল ঘটনার মধ্যে যদি একটা ধারাকে দেখিতে পাই ও স্বীকার করি, এবং শুধু এক ক্ষেত্রে যদি তাহার চিহ্ন অপরের তুলনায় বেশী আবৃত বা গোপন থাকে ইহা দেখা যায় তবে সেখানেও সে ধারা ছেদ হয় নাই ইহা দাবি করিবার অধিকার আমাদের বুদ্ধি ও বিচার শক্তির আছে। এবং যদি মনে করি সেরূপ ভাবের ধারা ছেদ হয় নাই তবে আমরা এই সিদ্ধান্তে পৌছি যে জগতে যত প্রকার শক্তির ক্রিয়া আছে তাহার সর্বত্রই চৈতন্য বিস্তারিত আছে। তাহা হইলে সকল শক্তি বা রূপের মধ্যে চেতন বা অতিচেতন কোন পুরুষ যদি বাস নাও করেন তবুও সকলের মধ্যে যে এক চেতন শক্তি আছে যাহা দ্বারা তাহাদের বহিরঙ্গ অংশসকলও প্রত্যক্ষ বা পরোক্ষভাবে নিয়ন্ত্রিত হয় ইহা স্বীকার করিতে হয়।

এইভাবে দেখিতে গেলে চৈতন্য শব্দের সাধারণ অর্থ আমাদের বদলাইয়া লইতে হয়। তখন ইহা আর মনশ্চেতনার সমার্থবাচক থাকে না, কিন্তু সতের জ্ঞানময়ী শক্তি হইয়া পড়ায়, মনশ্চেতনা তখন তাহার মধ্য পর্ব মাত্র। মনশ্চেতনার নীচে নামিয়া ইহাই জীবন ও জড়ের ক্রিয়া ও গতিতে পরিণত হয় তখন আমরা তাহাকে অবচেতনা বলি। আবার ইহাই উর্দ্ধে উঠিয়া অতিমানস হইয়া পড়ায় যাহা আমাদের কাছে অতিচেতন। কিন্তু এ সকল অবস্থায় একই চৈতন্য নানা রূপ ধারণ করিয়াছে মাত্র। চিত্তের ভারতীয় ধারণা ইহাই এবং ইহাই শক্তিরূপে জগৎ সকল সৃষ্টি করিয়াছে। মূলতঃ ইহা সেই অদ্বয় তত্ত্ব যাহার কথা জড় বিজ্ঞান অগ্গদিক হইতে দেখিয়া বলিয়াছে—মন ও জড় পৃথক শক্তি নয়, পরস্পর মন জড় হইতে আসিয়াছে বা তাহার পরিণতি।

গভীরতম অল্পভূতি হইতেই ভারতীয় চিন্তাধারা বলিয়াছে যে জড় ও মন এ উভয়ই সংস্করণের এক চেতন শক্তির বিভিন্নরূপ বা বিভিন্ন পর্ব মাত্র।

কিন্তু তবু প্রশ্ন উঠবে যে এইভাবে যে শক্তির কথা বলা হইল তাহা যে সচেতন একথা বলার কি অধিকার আছে? চেতনা থাকিলেই তাহা আমাদের মানসিক জ্ঞানের যে আকারে দেখিতে আমরা অভ্যস্ত সে ভাবের না হইলেও, কতকটা বুদ্ধি কতকটা অভিপ্রায় বা উদ্দেশ্য মূলক প্রবৃত্তি কতকটা আত্ম জ্ঞান তাহাতে থাকিবে ইহা বুঝা যায়। কিন্তু এদিক দিয়াও দেখিলেও সার্বভৌম সচেতন শক্তির খণ্ডন অপেক্ষা সমর্থনের কারণই আমরা বেশী দেখিতে পাইব। উদাহরণ স্বরূপ আমরা পশুর মধ্যে পূর্ণভাবে উদ্দেশ্যমূলক প্রবৃত্তি এবং বৈজ্ঞানিকের মত অতি সূক্ষ্ম জ্ঞানের পরিচয় পাই, যাহা সেই পশুর মানসিক সামর্থ্যের অনেক উপরে এবং যাহা লাভ করিতে মানুষের পক্ষেও দীর্ঘকালব্যাপী শিক্ষা ও সাধনার প্রয়োজন হয়, এমন কি সে শক্তি লাভ হইলেও পশুর মত অপ্রাস্ত ক্ষিপ্ততার সহিত তাহা ব্যবহার করিতে মানুষ পারে না। এইরূপ সাধারণ ব্যাপার হইতে প্রমাণিত হয় যে পশু ও কীটের মধ্যে এমন এক চিৎশক্তির ক্রিয়া চলিতেছে যাহা এযাবৎ পৃথিবীতে মানুষের মধ্যে যে উচ্চতম মনঃশক্তির বিকাশ হইয়াছে তাহা হইতে অধিক বুদ্ধির পরিচয় দেয়, যাহা স্বীয় অভিপ্রায় ও লক্ষ্য, তাহাতে পৌছাইবার উপায় এবং তাহার পারিপার্শ্বিক অবস্থা সকল সম্বন্ধে অধিকতর জ্ঞান সম্পন্ন। তেমনি জড় প্রকৃতিরও সকল ব্যাপারে প্রচ্ছন্ন এক পরাবুদ্ধির খেলা দেখা যায়, যে বুদ্ধি নিজের ক্রিয়া প্রণালীর মধ্যে গুপ্ত হইয়া আছে “স্বপ্তগৈর্নিগূঢ়া”।

জগতে এই উদ্দেশ্যমূলক ক্রিয়া, বুদ্ধির খেলা, নির্বাচন করিবার শক্তি, খুঁজিয়া দেখা এবং নিজেকে নূতন অবস্থার উপযোগী করিয়া তুলিবার ক্ষমতা প্রভৃতি ইহাদের মূলে অবস্থিত সচেতন শক্তির পরিচয় দেয় বটে কিন্তু তাহার সচেতনতার বিরুদ্ধে এক যুক্তি দেওয়া যাইতে পারে; প্রকৃতির ক্রিয়ার মধ্যে বহুল পরিমাণে আমরা যাহাকে অপচয় বলি তাহা দেখিতে পাই, শক্তি সচেতন হইলে এ অপচয় কেন? কিন্তু এ আপত্তি মানুষের বুদ্ধির সঙ্গীর্ণতা হইতে জাত। নিজ প্রয়োজনের সঙ্গীর্ণ-সীমার মধ্যে কার্য্যকরী তাহার নিজের বিশিষ্ট বিচার বুদ্ধি সে বিশ্বশক্তির ক্রিয়ার উপরেও আরোপ করিতে চায়; আমরা প্রকৃতির



উদ্দেশ্যের অংশ মাত্র দেখিতে পাই এবং সেই অংশের সঙ্গে যাহা মিলে না তাহাকেই অপচয় বলি। মানুষের কাজের মধ্যেও যাহা অপচয় বলিয়া মনে হয় তাহা প্রভুত পরিমাণে রহিয়াছে দেখিতে পাই, অবশ্য সে সমস্ত তাহার ব্যক্তিগত দিক হইতে দেখিলে অপচয় বলিয়া মনে হইলেও বৃহত্তর এবং সার্বজনীন ক্ষেত্রে তাহাদের যথেষ্ট মূল্য আছে এ বিষয়ে আমরা নিশ্চিত হইতে পারি। প্রকৃতির উদ্দেশ্যের যে দিকটা আমরা ধরিতে পারি সেখানে দেখা যায় যে অপচয় সত্ত্বেও অথবা বস্তুতঃ আপাত-প্রতীয়মান অপচয়ের সাহায্যেই প্রকৃতি তাহার কার্য নিপুণভাবেই সিদ্ধ করিতেছে। যে দিকটা আমরা এখনও ধরিতে পারি নাই সেই অবশিষ্ট অংশের জন্ত প্রকৃতিকে পূর্ণরূপে বিশ্বাস করিতে পারি।

অপচয়ের কথা বাদ দিলে পশু উদ্ভিদ এবং জড়ে চৈতন্যসূচক বিশ্বশক্তির নানা ক্রিয়ার প্রতি আমাদের দৃষ্টি আকৃষ্ট না হইয়া পারে না। এ সমস্ত ক্ষেত্রে প্রকৃতিতে নির্দিষ্ট উদ্দেশ্যের বা যাহাকে অন্ধ প্রবণতা বলিয়া মনে হয় সেই দিকে অগ্রসর হইবার সংবেগ এবং নিপুণ পরিচালনা এবং শীঘ্র বা বিলম্বে লক্ষ্যে আসিয়া পৌছান সর্বদাই দেখা যায়। যতদিন পর্যন্ত জড় বৈজ্ঞানিক মনের আশ্রয় ব্যাপিয়া অবস্থিত ছিল ততদিন পর্যন্ত বুদ্ধি হইতেই বুদ্ধি জাত হইয়াছে ইহা অস্বীকার করিবার যে প্রতিশ্রুতি ছিল তাহার কারণ বুঝা যায়। কিন্তু বর্তমানে যদি কেহ মনে করে মানুষের চৈতন্য বুদ্ধি বা প্রভুত্বের শক্তি যাহার মধ্যে চৈতন্য কোনরূপেই বর্তমান ছিল না সেইরূপ অপ্রবুদ্ধ অচেতন জড়ের এক অন্ধ প্রবেগ হইতে আসিয়াছে তবে তাহা অতীত যুগের এক হেয়ালির মতই বোধ হয়। মানুষের চেতনা প্রকৃতির চেতনার একরূপ ছাড়া অল্প কিছু হইতে পারে না। চৈতন্য অল্পরূপের আড়ালে মনের নীচে সংবৃত হইয়া ছিল, এখন মনরূপে প্রকাশ হইয়াছে, মনের উপরে দিব্যতর রূপায়নের ক্ষেত্রে তাহা উন্নীত হইবে। কারণ যে শক্তি বিশ্বস্থিতি করিয়াছে তাহা চিন্ময়ী, ইহার মধ্যে যে সৎ-স্বরূপের আশ্রয়-প্রকাশ হইতেছে তিনি চিন্ময় পুরুষ। এ-রূপের জগতে তাহার মধ্যে যাহা সম্ভাবনা রূপে রহিয়াছে তাহার প্রকাশ হওয়াই এ স্থিতির একমাত্র তাৎপর্য, কেবল ইহাই যুক্তি-সম্মত ধারণা বলিয়া বুদ্ধিকে স্বীকার করিতে হয়।

## একাদশ অধ্যায়

### আনন্দ ব্রহ্ম—সমস্ত।

কেই বা বাঁচিতে বা নিঃশ্বাস নিতে পারিত যদি এই আনন্দ  
আকাশ হইয়া আমাদিগকে ঘিরিয়া না থাকিত ?

তৈত্তিরীয় উপনিষদ (২।৭)

আনন্দ হইতে সর্বদ্রুত জন্মিয়াছে, আনন্দেই বাঁচিয়া আছে  
এবং পরিণতি লাভ করিতেছে এবং আনন্দেই তাহার ফিরিয়া  
যাইবে।

তৈত্তিরীয় উপনিষদ (৩।৬)

কিন্তু, সংস্করণ ব্রহ্মই বিশ্বের আদি ও অন্ত, তাহার মধ্যেই সর্বপদার্থ অবস্থিত  
এবং সেই ব্রহ্মের সত্তা হইতে বাহ্যকে পৃথক করা যায় না এমন এক আত্ম-  
সংবিৎ তাহাতে অমুখ্যত থাকিয়া নিজের মধ্য হইতে যে চিন্ময়ীশক্তি বিকীর্ণ  
করিতেছে তাহা হইতে শক্তির বহুরূপ ও জগতের নানা বৈচিত্র্য সৃষ্টি হইতেছে,  
একথা স্বীকার করিলেও, এ প্রশ্নের উত্তর এখনও পাই নাই “বাহ্যের কোন  
প্রয়োজন কোন কামনা নাই, পূর্ণ, অনন্ত, চরমতত্ত্ব স্বরূপ, সেই ব্রহ্ম আনন্দে  
কেন তাহার চিৎ শক্তিকে এরূপে বিকীর্ণ করিয়া তাহার নিজের মধ্যে এরূপ  
জগৎ সমূহ সৃষ্টি করিলেন ?” তাহার নিজ প্রকৃতির শক্তি দ্বারা বা তাহার  
নিজের মধ্যে গতি ও রূপ গ্রহণের যে সম্ভাবনা ছিল তাহা দ্বারা পরিচালিত  
হইয়া ব্রহ্ম জগৎ সৃষ্টি করিতে বাধ্য হইয়াছেন এ সমাধান আমরা গ্রহণ করি  
নাই। সম্ভাবনা যে আছে তাহা সত্য কিন্তু ব্রহ্ম তাহা দ্বারা সীমিত, বদ্ধ বা  
নিয়ন্ত্রিত হন না, তিনি নিত্য মুক্ত। গতি বা নিত্যস্থিতিতে অবস্থান, রূপের  
মধ্যে নিজেকে রূপায়ন অথবা রূপের সম্ভাবনাকে নিজের মধ্যে অবরুদ্ধ করিয়া  
রাখিবার শক্তি যদি তাহাতে থাকে, তাহা হইলে গতি ও স্পন্দ বা এইরূপ সৃষ্টির  
একমাত্র কারণ হইতে পারে তাহার আনন্দ।

অনাদি শাস্ত্র এই চরম সত্তা বৈদান্তিকেরা যে কেবলমাত্র সত্তারূপে অথবা যাহার চৈতন্ত্য স্থূলশক্তির আকার ধারণ করে এমন এক চিন্ময় তত্ত্ব রূপে মাত্র যে দেখিয়াছেন তাহা নহে, পরন্তু তাহারাই ইহাকে এমন চিন্ময় সত্তারূপে অনুভব করিয়াছেন আনন্দই যে সত্তা ও চৈতন্ত্যের স্বরূপ। যেমন সে পরম তত্ত্ব অসং বা কেবল শূন্য অথবা নিশ্চেতনার অন্ধ রাত্রি নহে, যেমন তাহাতে শক্তির কোন কুঠা বা ন্যূনতা নাই— কেননা, তাহা হইলে তাহাকে পরম তত্ত্ব বলা যায় না—তেমনি তাহাতে আনন্দের অভাব অথবা দুঃখ থাকিতে পারে না। পরম চিন্ময় সত্তা অনন্ত অপরিসীম আনন্দময়, চিন্ময় সত্তা এবং আনন্দ একই তত্ত্বের দুই প্রকার বাক্যে প্রকাশ পদ্ধতি মাত্র; অসীমতা, আনন্ত্য, চরমতত্ত্ব শুদ্ধানন্দময়। এমন কি আমাদের প্রাকৃত মানবজীবনের অভিজ্ঞতায়ও দেখিতে পাই যে যেখানেই সীমা, সঙ্কোচ বা বাধা সেইখানেই অতৃপ্তি বা নিরানন্দ— যাহা অবরুদ্ধ আছে তাহা মুক্ত করিয়া, সীমাকে অতিক্রম করিয়া, বাধাকে জয় করিয়াই আমাদের তৃপ্তি। ইহার কারণ আমাদের আদি বা স্বরূপ সত্তায় আমরা অপরিসীম ও অনন্ত আত্মসংবিৎ বা আত্মশক্তির পূর্ণ অধিকারী এবং সে অবস্থা লাভের অগ্র নাম আত্মানন্দে বিভোর হওয়া। তাই ব্যবহারিক জীবনের মধ্যেও যখন বা যতটুকু আত্মজ্ঞানের সংস্পর্শ বা আভাস পাই তখন বা ততটা পাই তৃপ্তির সন্ধান বা আনন্দের সংস্পর্শ।

ব্রহ্মের এই আত্মানন্দ তাহার নির্বিশেষ নিশ্চল আত্মসত্তার মধ্যে আবদ্ধ নহে। যেমন তাহার শক্তির অনন্তরূপ ও বৈচিত্র্যের মধ্যে ফুটিয়া উঠিবার সামর্থ্য আছে, তেমনি তাহার আত্মানন্দও অনন্ত জগতের মধ্যে অনন্ত গতি অনন্ত পরিবর্তন অনন্ত বৈচিত্র্যের মধ্য দিয়া অনন্ত সমুদ্রাসরূপে প্রকাশিত হইতে পারে। বিশ্বব্যাপিনী সৃষ্টিলালার উদ্দেশ্য আত্মানন্দের এই অনন্ত গতি ও বৈচিত্র্যের প্রকাশ ও সন্তোষ।

অগ্র ভাষায় বলা চলে সে সচ্চিদানন্দ এক অখণ্ডরূপী যাহার চৈতন্ত্য স্বভাবতঃ অনন্ত-বৈচিত্র্য-পূর্ণ রূপ ও সৃষ্টির বা আত্মরূপায়নের অনন্ত সামর্থ্য এবং সেই বৈচিত্র্যের মধ্যে আনন্দরূপে অনন্তভাবে ভোগ করিবার সামর্থ্য যুগপৎ বর্তমান আছে। বিশেষ যাহা কিছু আছে তাহা সমস্তই তাহার সত্তায় সত্তাবান, তাহার চৈতন্ত্যে ও শক্তিতে চিন্ময় ও শক্তিময় এবং তাহার আনন্দে

আনন্দময়। যেমন আমরা দেখিয়াছি যে বিশ্বের সমস্ত পরিবর্তনশীল রূপবৈচিত্র্য এক অরূপ ও অপরিবর্তনীয় সত্তার বা এক অনন্ত শক্তির সান্তরূপে আত্মরূপায়ন তেমনি আমরা দেখিতে পাইব যে সর্ব পদার্থ নানা বিচিত্ররূপ, সর্বগত একরস এক আত্মানন্দেরই আত্মপ্রকাশ। যেমন যাহা কিছু আছে তাহাতে চেতন-সত্তার অধিষ্ঠান রহিয়াছে এবং সেই সত্তা আছে বলিয়াই তাহা আছে, তরুণ যাহা কিছু আছে তাহাতে সত্তার আনন্দ অধিষ্ঠিত রহিয়াছে এবং সেই অধিষ্ঠানের ফলেই তাহা বর্তমান আছে।

বিশ্ব সৃষ্টির মূল সম্বন্ধে বৈদান্তিকের এই মতবাদের কথা বলিতে গেলেই ইহার বিরুদ্ধে হৃদয়ানুভব এবং ইন্দ্রিয়স্পর্শে যে বেদনা (pain) দেখা দেয় এবং নৈতিক ক্ষেত্রে অনর্থ, অধর্ম বা পাপ (evil) বলিয়া যাহা অভিহিত করা হয় এই দুইটা প্রবল প্রতিপক্ষের কথা মাহুকের মনে জাগিয়া উঠে। জগৎকে নক্ষিদানন্দের অভিব্যক্তি বলা হইয়াছে, ইহা শুধু সচ্চিদের বা চিৎস সত্তার অভিব্যক্তি হয়ত সহজে স্বীকার করা যাইত কিন্তু যখন বলা হয় যে ইহা অনন্ত আত্মানন্দময় সত্তারও অভিব্যক্তি তখন শোক, ব্যথা, দুঃখ কিরূপে আসিল? এই জগৎকে আনন্দ নিকেতন রূপে ত আমরা দেখিতেছি না বরং মনে হইতেছে যে ইহা একান্ত দুঃখময়। কিন্তু বস্তুতঃ জগৎ যে দুঃখালয় ইহা অতিশয়োক্তি, আমাদের দৃষ্টিভঙ্গীর দোষে আমরা এরূপ দেখি। যদি আমরা হৃদয়াবেগ দ্বারা চালিত না হইয়া নিরপেক্ষ ভাবে বিচার করিয়া দেখি তবে ব্যক্তিগত জীবনে কোথাও ব্যতিক্রম বলিয়া বোধ হইলেও, মানবজীবনে সৃথের সমষ্টি দুঃথের সমষ্টি অপেক্ষা অনেক বেশী দেখা যাইবে—বুঝিব যে সক্রিয় বা নিষ্ক্রিয় ভাবে, জীবনের বহির্ভাগে অথবা অন্তরে বাঁচিয়া থাকিবার একটা আনন্দ মাহুকের পক্ষে স্বাভাবিক। সাময়িক বিপর্যয়রূপে দুঃখ কখন কখন তাহাকে অভিভূত করে বা ঢাকিয়া রাখে মাত্র। দুঃথের পরিমাণ অল্প হইলেও সৃথের বৃহত্তর পরিমাণ অপেক্ষা তাহা আমাদের নিকট তীব্রতর মনে হয়, কারণ সৃথ স্বাভাবিক বলিয়াই আমরা তাহা মনে রাখি না, এমন কি তাহা লক্ষ্যই করি না, কেবল যখন তাহা উল্লাসের বা হর্ষের একটা ঢেউরূপে আসিয়া আমাদের উদ্বোধিত করে তখনই আমরা তাহাকে সৃথ নামে অভিহিত করি এবং তাহা পাইতে চাই; যে স্বাভাবিক পরিতৃপ্তি কোন ঘটনা বা বিশেষ কোন

কারণে জাত নয় অথচ যাহা সর্বদা বর্তমান আছে তাহাকে আমরা স্থখ বা দুঃখ কোন নাম দিই না, তাহাকে একটা নিরপেক্ষ অবস্থা মাত্র ভাবি। কিন্তু ইহা আমাদের ব্যবহারিক জীবনে একটা মূল্যবান পদার্থ, কারণ ইহা না থাকিলে বাঁচিয়া থাকিবার বা আশ্বরক্ষার এমন সার্বজনীন প্রবল সহজাত সংস্কার থাকিত না; স্বাভাবিক বলিয়া, উহা চাহিতে হয় না বলিয়া প্রকৃত স্থখ দুঃখের লাভ ক্ষতির হিসাবের খাতায় উহাকে আমরা জমা করি না; সে খাতায় আমরা লাভের ঘরে শুধু তীব্র স্থখের এবং ক্ষতির ঘরে অশ্রুতি ও দুঃখের সমস্ত অঙ্ক বসাই। আমাদের সত্তার পক্ষে স্বাভাবিক নয় এবং স্বাভাবিক ভাবে আমরা যাহা চাই তাহার বিরোধী মনে করি বলিয়াই দুঃখ আমাদের নিকট এত তীব্র হইয়া উঠে। মনে হয় ইহা যেন আমাদের সত্তার অবমাননা, আমরা যাহা আছি বা যাহা হইতে চাই তাহার উপর যেন ইহা একটা বহিরাক্রমণ একটা অত্যাচার।

কিন্তু তথাপি দুঃখ অস্বাভাবিক হউক বা তাহার পরিমাণে যতই ইতর বিশেষ থাকুক, তাহাতে যে দার্শনিক সমস্তা উঠিয়াছে তাহার মীমাংসা হয় না। কম বেশী হউক, দুঃখ আসাটাই সমস্তা। সকলই যদি সচ্চিদানন্দ হয়, তবে দুঃখ ও ব্যথার অস্তিত্ব সম্ভব হইল কি করিয়া? এইত আসল সমস্তা, ইহার সহিত ঈশ্বর প্রাকৃত জগতের বাহিরে অবস্থিত বিশেষ ব্যক্তিপুরুষ (extra-cosmic personal God) এই মিথ্যা ধারণার যোগ করিয়া দেওয়াতে একটা নৈতিক সমস্তার সৃষ্টি হইয়াছে, তাহাতে প্রকৃত সমস্তা আরও ঘনীভূত হইয়াছে।

এই ভাবে তর্ক করা যায় 'সচ্চিদানন্দ, ঈশ্বর বা চিদ্রায় পুরুষই ত জগৎস্রষ্টা। তিনি যে জগতে জীবকে এত দুর্গতি ভোগ করাইতেছেন, যেখানে দুঃখ এবং অনর্থকে (evil) স্থান দিয়াছেন, এমন জগৎ গড়িলেন কি করিয়া? ঈশ্বর সর্বমঙ্গলময় হইলে দুঃখ এবং অনর্থ কে সৃষ্টি করিল? দুঃখ জীবকে পরীক্ষা করিবার জন্ত সৃষ্ট হইয়াছে বলিলে নৈতিক বা ধর্মের সমস্তা মিটে না। কারণ তাহা হইলে বলিতে হয় ঈশ্বর হয় অনৈতিক অধার্মিক, নয় তাহার মধ্যে ধর্মবোধ জাগে নাই, হয়ত জগৎ গড়িবার পক্ষে নিপুণ কারিগর অথবা চতুর মনস্তত্ত্ববিদ হইতে পারেন, কিন্তু যে প্রেম ও মঙ্গলময়কে আমরা ঈশ্বররূপে পূজা করিতে

পারি তাহা নহেন। কেবল শক্তিশালী বলিয়া হয় বাধ্য হইয়া, না হয় তাহার খেলাকে খুশি রাখিতে তাহার বিধান মানিয়া চলি। কারণ পরীক্ষা করিবার জন্ত যে পীড়ন ও দুঃখ দিবার কৌশল বাহির করিয়াছে তাহাকে হয় স্বেচ্ছায় নিষ্ঠুর হইয়াছেন স্বীকার করিয়া অথবা ধর্ম্মাধর্ম্মবোধ নাই বলিয়া দোষী সাব্যস্ত করিতে হয়। অথবা যদি ধর্ম্মবোধ কিছু থাকেও, তবে তাহা তাহার সৃষ্ট জীবের উচ্চতম স্বাভাবিক ধর্ম্মবোধ অপেক্ষা হীনতর। ধর্ম্মবোধের এ সমস্তা এড়াইতে গিয়া যদি বলি অধর্ম্মের অবশুস্তাবী ফল এবং স্বাভাবিক শাস্তিরূপে দুঃখ আসিয়াছে তাহাতেও জীবনের সকল ব্যাপারের সঙ্গত অর্থ মিলে না। ব্যাখ্যার জন্ত যে মতে পূর্ব্বজন্মে অশুদেহে যে পাপ করিয়াছে তাহার জন্ত এ জীবনে জীব দুঃখ পাইতেছে সেই জন্মান্তর এবং কর্ম্মফল বাদ স্বীকার করিতে হয়; কিন্তু তাহাতেও ধর্ম্মবোধের মূল সমস্তা থাকিয়া যায়; এই যে অধর্ম্ম যাহার ফলে জীবকে দুঃখ তাপ ভোগ করিতে হয় তাহা কে, কোথা হইতে, কেন সৃষ্টি করিল সে প্রশ্ন রহিয়া যায়। দেখিতে পাইতেছি যে অধর্ম্ম বা অনর্থ বস্তুতঃ একটা মানসিক ব্যাধি বা অজ্ঞানের ফল। কে এই মানসিক ব্যাধি বা অজ্ঞানবৃত্ত কর্ম্মের সঙ্গে এমন ভীষণ, সময়ে সময়ে অতিভীষণ প্রতিক্রিয়া, এমন যন্ত্রণা ও প্রপীড়নের অপরিহার্য্য সম্বন্ধ বন্ধন করিল—এরূপ কঠোর বিধান সৃষ্টি করিল? ধর্ম্মবোধযুক্ত বিশেষ ব্যক্তিপুরুষরূপী কোন পরম-দেবতার সহিত কর্ম্মের এমন নিষ্ঠুর বিধানকে খাপ খাওয়ান যায় না। সেইজন্ত বুদ্ধের তীক্ষ্ণবুদ্ধি স্বাধীন সর্ব্বনিয়ন্তা ঈশ্বরপুরুষের অস্তিত্ব স্বীকার করে নাই। তিনি বলিয়াছেন সর্ব্ববিধ পুরুষকল্পনা কর্ম্মের অধীন এবং অবিজ্ঞা হইতে জাত।

বস্তুতঃ এই কঠোর প্রশ্ন উঠে যদি আমরা বিশ্ববহির্ভূত এক ঈশ্বরপুরুষের (personal God এর) কল্পনা করি, যিনি নিজে বিস্বরূপ নহেন; যিনি ভাল মন্দ সুখ দুঃখের বিধান তাহার সৃষ্ট জীবের জন্ত শুধু করিয়াছেন নিজে তাহাতে অপরাধু, যিনি বিশ্বের উর্দ্ধে অবস্থিত থাকিয়া দুঃখহত এবং সংগ্রামরত বিশ্ববাসীকে সাক্ষীরূপে দেখিতেছেন এবং শাসন করিতেছেন অথবা নিজের ইচ্ছায় পরিচালন করিতেছেন; কিম্বা নিজের ইচ্ছায় পরিচালনা না করিয়া নিষ্ঠুর বিধান দ্বারা জগৎ পরিচালিত হইতে দিতেছেন, নিজে তাহাতে কোন সাহায্য করিতেছেন না অথবা যে সাহায্যটুকু করিতেছেন তাহা অপ্রচুর,

তবে তাহাকে ঈশ্বর, সর্বশক্তিমান, মঙ্গলময় বা প্রেমময় বলা চলে না। ধর্মার্থ বোধ রক্ষা করিয়া বিশ্ববহির্ভূত ঈশ্বরপুরুষের কোন ধারণা বা মতবাদ দুঃখ এবং অধর্মের অথবা দুঃখ এবং অধর্মের উৎপত্তির ব্যাখ্যা করিতে পারে না। যাহারা করিতে চেষ্টা করে, তাহাদিগকে হয় কোন অযথোচিত কৌশল বাহির করিয়া আসল প্রশ্ন এড়াইতে হয় অথবা পারস্তদেশীয় মানিখ নামক ধর্মমত-প্রবর্তকের মতানুসারে পাপ ও পুণ্য, ঈশ্বর ও সয়তান এ উভয় দ্বারা জগৎ সৃষ্ট বা পরিচালিত হইতেছে ইহা প্রকাশ্যভাবে বা প্রকাশান্তরে স্বীকার করিতে হয়, যে স্বীকার করার অর্থ, তাহার কার্য অথবা কার্যপদ্ধতি ব্যাখ্যা করিতে গিয়া ঈশ্বরের ঈশ্বরত্বকে খণ্ডিত করা। কিন্তু বেদান্তের সচ্চিদানন্দ তেমন ঈশ্বর নহেন। বেদান্তের সচ্চিদানন্দ এক এবং অদ্বিতীয়, বিশ্বের সবই তিনি। যদি দুঃখ বা অনর্থ বলিয়া কিছু থাকে তবে যে জীবরূপে তিনি নিজেকে রূপায়িত করিয়াছেন সেই জীবরূপী তিনিই তাহার ভোক্তা। এমত স্বীকার করিলে সমস্তার রূপ পূর্ণরূপে পরিবর্তিত হইয়া যায়। দুঃখ তাপ প্রভৃতি তাহাকে স্পর্শ করিতে পারে না, সুতরাং নিজে তাহা হইতে মুক্ত অথচ এসমস্ত তাহার সৃষ্ট জীবের জগৎ কিরূপে বিধান করিলেন—এ প্রশ্ন আর থাকে না। প্রশ্ন তখন অগ্ন আকার ধারণ করে—যাহা আনন্দ নয় যাহা তাহার আত্মস্বরূপের একান্ত বিরোধী বলিয়া বোধহয় তাহা অনন্ত অথচ সচ্চিদানন্দের মধ্যে দেখা দিল কিরূপে ?

এ মীমাংসায় নৈতিক প্রশ্নের যে অর্ধেক অংশের কোন উত্তর নাই তাহা কাটিয়া যায়। নিজে মুক্ত থাকিয়া অপরের প্রতি নিষ্ঠুরতা অথবা তাহাদের দুঃখ ও যন্ত্রণা ভোগের পর অনুশোচনা করা বা কাল গত হইয়া গেলে কল্পাপর হওয়া এককথা, আর আমি ছাড়া আর কেহ যখন নাই তখন নিজেকে নিজে দুঃখ দিতেছি ইহা অগ্ন কথা। তবু নৈতিক প্রশ্নটা একেবারে যায় না, তাহা মন্দীভূত বা রূপান্তরিত হইয়া অগ্ন আকারে এই ভাবে উঠে। যিনি আনন্দময় তিনি-ত মঙ্গলময় এবং প্রেমময়ও বটে, তাহা হইলে অনর্থ এবং দুঃখ কিরূপে তাহার মধ্যে থাকিতে পারে? কেননা তিনি-ত যন্ত্রের মত পর-তন্ত্র নহেন, তিনি স্বাধীন এবং চিন্ময় পুরুষ, দুঃখ এবং অনর্থকে দোষ দেওয়ার এবং বর্জন করিবার অধিকার তাহার নিশ্চই আছে। অবগ্ন

আমাদিগকে স্বীকার করিতে হইবে যে এভাবে কথাটা ভুলিবার মধ্যে একটা ভুল আছে, যেহেতু আমরা এখানে একাংশে অবস্থিত একটা অবস্থার আরোপ করিতেছি সমগ্রের উপর। আনন্দময়ের স্বরূপের মধ্যে যে ভাবে আমরা কল্যাণ এবং প্রেমের ধারণা করিয়াছি তাহা আমাদের ভেদ ও দ্বৈত বুদ্ধি হইতে জাত। জীবে জীবে পরস্পরের ভিতর যে সম্বন্ধ আমরা দেখিতে পাই তাহাই আমরা যিনি সকলের মধ্যে একরূপে বর্তমান তাহাতে আরোপ করিতেছি। ভেদের মধ্যে অভেদ এই তত্ত্বের উপর দাঁড়াইয়া আমাদিগকে প্রথমে দেখিতে হইবে এ সমস্তাটা কিরকম দেখা দেয় এবং কিরকমে মূল স্বরূপে ইহার মীমাংসা হয়; কেবল তখনই এ সমস্তাব ইतरांश সব ও তাহাদের পরিণতির বিষয়—যেমন ভেদ ও দ্বৈত বোধের ভিত্তিতে স্থাপিত একজীবের সঙ্গে অগ্ন্যজীবের সম্বন্ধ—বিচার ও মীমাংসা করিতে পারিব।

কেবলমাত্র মানুষের দৃষ্টিভঙ্গী বা মানুষের সমস্তার মধ্য দিয়া না দেখিয়া যদি আমরা সমগ্রের দিক হইতে দেখি তবে দেখিব যে যে জগতে আমরা বাস করি তাহা নৈতিক জগৎ নহে। সমস্ত প্রকৃতির উপর তাহার নৈতিক বা ধর্ম বোধ চাপাইতে গিয়া মানুষ নিজের জেদের বশে নিজেই বিভ্রান্ত হইয়াছে। মানুষ নিজের যে ক্ষুদ্র অহং বোধে অভ্যস্ত তাহারই প্রতিবিম্ব সে সর্বত্র দেখিতে পায়, মানবীয় যে সংস্কার তাহার মধ্যে জাগিয়াছে তাহার দ্বারা তাহার মনগড়া মানদণ্ডের সাহায্যে সে সব কিছুকে বিচার করিতে বসে, ইহার ফলে সত্য-জ্ঞান বা পূর্ণদৃষ্টি লাভ তাহার ভাগ্যে ঘটে না। জড় প্রকৃতির মধ্যে নৈতিক বোধ নাই, তাহার মধ্যে যে নিয়মের খেলা চলে, তাহা অভ্যাসের সমাহার, সেখানে ভাল মন্দের বিচার নাই। সেখানে সেই শক্তি সব কিছুকে সৃষ্টি করে, শৃঙ্খলাবদ্ধ করে, রক্ষা করে অথবা যাহা আছে তাহার অদল বদল করে অথবা ভাঙ্গিয়া দেয় কিন্তু সমস্তই পক্ষাপাতশূন্য ভাবে করে, ভাল মন্দের কোন ধার ধারে না, প্রকৃতির মধ্যে যে গোপন ইচ্ছাশক্তি আছে, তাহা নিজ তৃপ্তির জন্য নিজেকে নিজে এইভাবে রূপায়িত করিয়া তোলে এবং ভাঙ্গিয়া দেয়। পশু জগতে বা প্রাণপ্রকৃতিতেও নৈতিক বুদ্ধি নাই, যদিও তাহাতে প্রগতির ফলে পরে যাহা উচ্চতর জীবের মধ্যে নৈতিক প্রবৃত্তিরূপে দেখা দিবে তাহার স্থূল উপাদান প্রকাশ পাইতে থাকে। ঝড়ে



বৃক্ষাদি ভাঙ্গে বা আগুনে আমাদেরিগকে দগ্ধ করে বা যন্ত্রণা দেয় এজন্ত যেমন তাহাদিগকে আমরা দোষ দিই না, তেমনি বাঘ তাহার শিকার ধরিয়া ধায় বলিয়া তাহাকে নিন্দা করি না; অথবা ঝড় অগ্নি বা ব্যাজের মধ্যে যে চৈতন্যশক্তি আছে তাহাও ইহাতে কোন দোষ দেখে না। নিন্দা করা এবং দোষ দেওয়া বিশেষতঃ নিজেকে নিন্দা করা বা দোষ দেওয়া হইতে নৈতিক বোধ আরম্ভ হয়। যখন আমরা অপরকে নিন্দা করি অথচ সে বিধান নিজের উপর প্রয়োগ করি না, তখন যে আমরা নৈতিক বিচার করি তাহা নহে, তখন শুধু যাহা আমাদেরিগকে আঘাত করে বা দুঃখ দেয় তাহার প্রতি আমাদের চিত্তের বিরাগকেই নৈতিক বা ধর্ম্মানুশাসনের ভাষায় প্রকাশ করি।

এই বিরাগ বা জুগুপ্সা নিজে নৈতিকবোধ না হইলেও তাহার জনক। আপন ব্যক্তিসত্তার আনন্দকে নষ্ট করিতে চায় বলিয়াই বাঘ দেখিয়া হরিণের ভয় হয় অথবা আক্রমকের প্রতি সবল প্রাণীর আক্রোশ জাগিয়া উঠে। প্রগতির পথে মন যত অগ্রসর হয় তত ইহা মার্জিত হইয়া ঘৃণা, বিরাগ ও অননুমোদনের রূপ ধারণ করে—যাহা আমাদেরিগকে আঘাত করে বা অপকার করিতে চায় তাহাকে অননুমোদন করি না, যাহা আমাদেরিগকে রক্ষা করে বা তৃপ্তি দেয় তাহাকে অননুমোদন করি। এই অননুমোদন করা বা না করা ক্রমে পরিণত হয়, প্রথমে নিজের ও নিজের সমাজের পরে অপরের বা অপরের সমাজের কল্যাণ ও অকল্যাণের ধারণায়, অবশেষে আমরা সার্বজনীন ভাবে কল্যাণকে অননুমোদন করি, অকল্যাণকে করি না, কিন্তু এই ক্রম-পরিণতির বিভিন্নক্ষেত্রে মূল ভাব একই। মানুষ চায় আত্ম প্রকাশ, আত্ম-পরিণতি; অত্ৰ ভাষায় সে চায় তাহার সত্তার সচেতনশক্তির খেলার ক্রমবর্ধমান প্রকাশ এবং তাহাই তাহার মূল আনন্দ। যাহা কিছু সেই আত্মপ্রকাশ আত্ম-পরিণতি বা তজ্জন্ত তৃপ্তিকে আঘাত করে তাহাই তাহার কাছে অকল্যাণ, পাপ, যাহা কিছু ইহার সহায়, অনুকূল বা পোষক যাহা কিছু ইহাকে উপচিত বা মহিমামণ্ডিত করে তাহাই তাহার কাছে কল্যাণ বা পুণ্য। কেবল তাহার আত্ম-পরিণতির ধারণা বদলায়, তাহা ক্রমশঃ মহত্তর ও উদারতর হইয়া উঠে, আপনার ব্যক্তিত্বের সঙ্গীর্ণ গণ্ডি ছাড়াইয়া অপরকে এবং অবশেষে সমগ্র বিশ্বকে আলিঙ্গন পাশে বদ্ধ করিতে চায়।

সুতরাং নৈতিকবোধ ক্রমপরিণতির একটা বিশেষ স্তরে দেখা দেয়। কিন্তু সকল স্তরের মধ্যে সচ্চিদানন্দের আত্মরূপায়নের একটা সংবেগ অল্পহ্যুত রহিয়াছে। পরিণতির ক্ষেত্রে প্রথমতঃ এ সংবেগকে নৈতিকবোধবিবর্জিত (non-ethical) পরে ইতর প্রাণীতে ইহাকে প্রাক্‌নৈতিক (infra-ethical) বলা যায়, তার পরে বুদ্ধিমান জীবে কখনও নৈতিক জ্ঞানের বা ধর্মবোধের বিরোধী হইয়াও দাঁড়ায়,—যখন যে আঘাত আমরা নিজেরা গ্রহণ করিতে চাই না, অপরকে সেই আঘাত দেওয়া আমরা স্বচ্ছন্দে অল্পমোদন করি। এই হিসাবে ধরিলে মানুষের মধ্যে নৈতিক বোধ এখনও পূর্ণরূপে জাগে নাই। যেমন নিম্নতর স্তরে জীব নৈতিক বোধের নিম্নে রহিয়াছে তদ্রূপ এমন হইতে পারে যে যখন আমরা উচ্চতর স্তরে পৌছিব তখন নীতিবোধকে অতিক্রম করিয়া যাইব অথবা তাহার কোন প্রয়োজন থাকিবে না। নৈতিক জীবন যাপনের জন্ত মানুষের যে একটা অভীশা বা আবেগ আছে তাহা মানুষের পক্ষে অত্যন্ত প্রয়োজনীয় বটে, তবু তাহার জীবনের পরিণতির পক্ষে ইহা একটি মধ্যবর্তী স্তর মাত্র; নিশ্চেষ্টন জড় রাজ্যে যে নিম্নতর সামঞ্জস্য আছে, যাহা বহুক্ষেত্রে ব্যক্তিগত জীবনের সংঘাতে ভগ্ন হয় তাহা হইতে এই বৃত্তির সাহায্যে মানুষ সর্বভূতের সহিত একাত্মবোধের উপর প্রতিষ্ঠিত যে মহত্তর সমন্বয় ও সাফল্য তাহাতে পৌছিতে চেষ্টা করে। কিন্তু এই লক্ষ্যে আসিয়া পৌছিলে নীতি বোধের আর প্রয়োজন থাকিবে না অথবা তাহাকে রক্ষা করা আর সম্ভব হইবে না, কারণ যে সমস্ত গুণ ও বিরোধের উপর তাহার ভিত্তি তাহা সেই পরম সাক্ষ্যের মধ্যে আসিলে গলিয়া গিয়া অন্তর্হিত হইয়া যাইবে।

জড়ের অচেতন সার্বভৌম ক্ষেত্র হইতে আত্মার সচেতন সার্বভৌম ক্ষেত্রে পৌছিবার উপায়স্বরূপে নৈতিক বোধ অপরিহার্য্য তাহাতে সন্দেহ নাই। কিন্তু জগৎ সমস্তার পূর্ণ সমাধান এই বোধের দ্বারা হইতে পারে না, সমাধানের অন্ততম উপাদান মাত্ররূপে ইহার ব্যবহার করিতে পারি। অন্তথা, আমরা জগতের সকল তথ্যকে মিথ্যার দ্বারা বিকৃত করিয়া দেখার সম্ভাবনার মধ্যে গিয়া পড়িব; একটা অর্ধপরিণত অবস্থার উপযোগী সাময়িক দৃষ্টিভঙ্গীর উপর মনোযোগ দিতে গিয়া আমাদের পরিণতির পূর্বাপর সকল তাৎপর্য্যকে ভুল করিয়া দেখিব। জগতের পরিণতির তিনটি স্তর আছে, প্রথম স্তর নীতিবোধবিবর্জিত,

দ্বিতীয় স্তর নীতিবোধযুক্ত, তৃতীয় স্তর নীতিবোধের উর্দ্ধে স্থিত। এ তিনটি স্তরের মধ্যে সাধারণভাবে যাহা আছে তাহা আমাদেরকে খুঁজিয়া বাহির করিতে হইবে এবং শুধু তাহা হইলে বিশ্বরহস্য সমাধান হইতে পারিবে।

আমরা দেখিয়াছি সকল স্তরের মধ্যে সাধারণভাবে রহিয়াছে সত্যের সেই চিরমুখী শক্তির আত্মতৃপ্তি যে শক্তি নিজেকে নানারূপে রূপায়িত করিয়া তুলিতেছে এবং সেই রূপায়নের মধ্যে আত্মানন্দ খুঁজিতেছে। স্বয়ম্ভূততার সেই আনন্দ বা তৃপ্তিই এই শক্তির স্পষ্ট আদি উৎস, আনন্দই তাহার স্বাভাবিক অবস্থা, আনন্দকে ভিত্তি এবং আনন্দকে আশ্রয় করিয়া সে শক্তি থাকিতে চায়। কিন্তু নবরূপায়নের এক আকৃতি আছে তাহার মধ্যে এবং তাহার নিম্নতর হইতে উচ্চতর রূপে পৌছিবার পথে দুঃখ ও তাপ—যাহা তাহার সত্তার স্বরূপ প্রকৃতির বিরোধী কিছু বলিয়া মনে হয়—আসিয়া প্রতিভাসরূপে দেখা দেয়; কেবল মাত্র ইহাই মূল সমস্যা।

কিভাবে আমরা ইহার সমাধান করিব? আমরা কি বলিব যে সচ্চিদানন্দ বিশ্বের আদি ও অন্ত নহেন পরন্তু একটি পরমশূন্য হইতে বিশ্ব আসিয়াছে এবং সেই শূন্যেই ইহার অবসান হইবে; নিজে কিছু না হইলেও যে শূন্যের মধ্যে সকল সত্তা ও অসত্তা, সকল চেতনা ও অচেতনা, সকল আনন্দ এবং অনানন্দের সম্ভাবনা বর্তমান? আমরা ইচ্ছা করিলে এ সিদ্ধান্ত গ্রহণ করিতে পারি কিন্তু সবকিছু ব্যাখ্যা করিতে চাহিলেও ইহার দ্বারা কিছুই ব্যাখ্যাত হয় না, কেবল শূন্যকে সব কিছু দ্বারা পূর্ণ করা হয়। যাহা কিছুই নয়, একান্ত অভাবমাত্র, তাহাই সর্বসম্ভাবনায় পূর্ণ, ইহা বলিলে স্বতঃ বিরোধের একান্ত চূড়ান্ত অবস্থাকে স্বীকার করা হয়। ইহাতে ক্ষুদ্র বিরোধকে বৃহৎ বিরোধ দ্বারা ব্যাখ্যা করা হয়; অর্থাৎ বিরোধের ব্যাখ্যা না হইয়া তাহার চরমে পৌছান হয়। যাহা কেবল শূন্য তাহার মধ্যে কোন সম্ভাবনা থাকিতে পারে না; সকল সম্ভাবনার প্রতি নিরপেক্ষ যে নির্বিশেষ তাহাকে নিখতি প্রলয় বা মহাবিশৃঙ্খলা (chaos) বলা যায়, ইহাতে শূন্যের মধ্যে নিখতিকে স্থাপন করি কিন্তু কি করিয়া ইহা সেখানে স্থানলাভ করিল তাহার কোনও ব্যাখ্যা দিই না বা দিতে পারি না। অতএব আবার সচ্চিদানন্দের মূল ধারণায় ফিরিয়া আসা যাউক এবং দেখা যাউক এ ভিত্তির উপর দাঁড়াইয়া আমরা কোন পূর্ণতর মীমাংসায় পৌছিতে পারি কি না?

প্রথমে আমাদের কাছে একটা বিষয় স্পষ্ট বুঝিতে হইবে; যেমন আমরা সার্বভৌম চেতনার কথা বলিতে গিয়া বলিয়াছি যে তাহা আমাদের মানুষের জগতে মানসচেতনা বলিতে যাহা বুঝায় তাহা হইতে স্বতন্ত্র এবং তদপেক্ষা উদারতর একটা মৌলিক কিছু, তেমনি আমরা যে সতের সার্বভৌম আনন্দের কথা বলিতেছি তাহাও মানুষের মধ্যে সাধারণতঃ ইন্দ্রিয়বোধ বা ভাবোচ্ছ্বাস হইতে যে প্রাকৃত স্বখ আমরা পাই তাহা হইতে স্বতন্ত্র একটা কিছু, তাহা হইতে উদারতর স্বরূপাঙ্গুত কিছু। স্বখ, হর্ষ ও আনন্দ অথবা ইহাদের বিপরীত দুঃখ দুঃখ যন্ত্রণা ও বেদনা বলিতে মানুষ যাহা বুঝে তাহা সীমিত এবং সাময়িক, কতগুলি অভ্যন্তর কারণের উপর তাহারা নির্ভর করে, যে পটভূমিকা হইতে প্রকাশ পায় ইহারা সে সমস্ত হইতে স্বতন্ত্র কিছু। কিন্তু সংস্করণের আনন্দ সর্বগত, অসীম এবং স্বয়ম্ভু (অর্থাৎ আপন স্বরূপ হইতে জাত), তাহা কোন বিশেষ কারণের উপর নির্ভর করে না, তাহা সকল অধিষ্ঠানের পরম অধিষ্ঠান, তাহা হইতে স্বখ দুঃখ অথবা যাহা নিরপেক্ষ (অর্থাৎ স্বখও নয় দুঃখও নয়) এমন সমস্ত অল্পভব জাত হয়। সং বা অস্তির (beingএর) এই আনন্দ যখন সত্ত্বতির (becomingএর) আনন্দ চায় তখন শক্তিরূপে সে স্পন্দিত হয় এবং নানা আকারে রূপায়িত হইয়া উঠে। শক্তি ও আকারের সেই প্রবাহের মধ্যে স্বখ ও দুঃখ জোয়ার ভাঁটার মত বিপরীতমুখী গতিরূপে প্রকাশ পায়। এ আনন্দ জড়ে অবচেতন এবং মনের উপরের ক্ষেত্রে অতিচেতনরূপে অবস্থিত। প্রাণ ও মনের ক্ষেত্রে সত্ত্বতির মধ্যে আত্মোপলব্ধির অন্বেষণে ইহা উপচীরমান আত্মসচেতনতার আকারে প্রকাশ পায়। ইহার প্রথম প্রকাশ অন্তর দ্বন্দ্বময়, ইহার গতি তখন স্বখ ও দুঃখের দুই প্রান্তের মধ্যে; কিন্তু ইহার চরম উদ্দেশ্য সতের যে স্বয়ম্ভু পরম বিশুদ্ধ আনন্দ, যাহা কোন বস্তু বা কারণের উপর নির্ভর করে না, তাহাকে ধরিয়া আত্মপ্রকাশ। যেমন সচ্চিদানন্দ একদিকে ব্যক্তি বা ব্যক্তির মধ্যে সার্বভৌম সতের এবং দেহ ও মনের মধ্যে রূপাতীত চৈতন্তের অল্পভূতি ক্রমশঃ ফুটাইয়া তুলিতেছেন তেমনি তিনি অল্পদিকে বিশিষ্ট অভিজ্ঞতা ও বিষয়ের প্রবাহ মধ্যে সর্বগত স্বতঃস্ফূর্ত বিষয়শূন্য আনন্দের অল্পভূতি ফুটাইয়া তুলিতে চাহিতেছেন। আমরা এখন এই সমস্ত বিষয়কে খুঁজি কণিক স্বখ ও তৃপ্তির উৎস রূপে; যখন আমরা যুক্ত এবং আত্মাতে প্রতিষ্ঠিত হইব তখন আর আমাদের কাছে

এ সমস্ত খুঁজিয়া বেড়াইতে হইবে না ইহাদিগকে নিজের মধ্যেই আনন্দের দর্পণ রূপে পাইব—স্বথের বহিঃস্থিত কারণরূপে আর দেখিব না।

যে মনোময় পুরুষ জড়ের অন্ধ আবরণের মধ্য হইতে মানুষের মধ্যে অহংরূপে প্রকাশ পাইয়াছে তাহার মধ্যে শুদ্ধ সত্তার আনন্দ রসবর্জিত, (neutral) প্রায় আবৃত, এখনও অবচেতনার ছায়াতে সমাচ্ছন্ন, এখনও যেন গুপ্তভাবে অবস্থিত, উর্বর ক্ষেত্রমাত্ররূপে অবস্থিত। বাসনার বিষাক্ত আগাছার অতিপ্রাচুর্য্যে সে ক্ষেত্র ভরিয়া গিয়াছে, সে আগাছায় আমাদের অহমিকাক্রিষ্ট অভিজ্ঞতার স্মৃতি ও দুঃখরূপ তেমনি বিষাক্ত ফুলের সমারোহ দেখা দিয়াছে। উপচিত এই বাসনা আমাদের মধ্যে গোপনে ক্রিয়াশীল জ্ঞানময়ী ভাগবতী শক্তি দ্বারা যখন উন্মূলিত হইবে, ঋগ্বেদের ভাষায় ভগবান অগ্নিমূর্তিতে যখন পৃথিবীর এই বন দগ্ধ করিবেন তখন স্মৃতি ও দুঃখের উৎস এবং গোপনসত্তারূপে তাহাদের মূলে যে আনন্দের লুপ্তায়িত আছে তাহা প্রকাশ পাইবে,—বাসনার নবরূপে নয় কিন্তু স্বতঃস্ফূর্ত এক আনন্দরূপে, মানুষের প্রাকৃত স্বথের স্থানে তখন দেখা দিবে অমৃতত্বের পরম উল্লাস। এ রূপান্তর সম্ভব, কারণ মানুষের ইন্দ্রিয়বোধ ও আবেগের যেমন স্মৃতি তেমনি দুঃখের এই প্রাচুর্য্য, স্বরূপে সত্তার এই আনন্দ ছাড়া আর কিছু নয়। ইহারা এই আনন্দকে চায় কিন্তু রূপ দিতে পারে না কারণ ভেদবুদ্ধি, আত্মজ্ঞানের অভাব এবং অহংকার তাহার প্রতিবন্ধক।

## দ্বাদশ অধ্যায়

### আনন্দ-ব্রহ্ম—সমাধান

তাহার নাম আনন্দ, আনন্দরূপেই তাহাকে আমরা খুঁজিব  
ও উপাসনা করিব। কেন উপনিষদ ( ৪।৬ )

বিশ্বের মধ্যে অবিচ্ছেদ্যভাবে অনুস্থাত হইয়া আনন্দের এক মহাসমুদ্র বর্তমান, তাহারই তরঙ্গ এবং ফেনোচ্চ্লাস হইতে আমাদের বহিঃশ্চেতনায় অনুকূল, প্রতিকূল এবং নিরপেক্ষ অনুভূতি ও সংবেদনের খেলা ফুটিয়া উঠিতেছে, এই কথা যদি বুঝিতে পারি তবে যে সমস্তার আমরা বিচার করিতেছিলাম তাহার সত্য সমাধান পাওয়া যাইবে! অনন্ত অখণ্ড এক সত্তা বিশ্বের আত্মা, এ সত্তার স্বরূপ-প্রকৃতিতে আছে অবিনশ্বর স্বয়ংপ্রজ্ঞ অসীম এক চিৎশক্তি, আবার সেই স্বয়ং-প্রজ্ঞের আত্মজ্ঞানে বা স্বরূপপ্রকৃতিতে আছে অন্তহীন অব্যভিচারী এক পরম আনন্দ। অরূপে অথবা সর্বরূপে, অনন্ত অখণ্ড সত্তার শাস্ত জ্ঞানে অথবা ভেদের রাজ্যের সীমিত বহু বিচিত্র প্রতিভাসে সর্বত্র সংস্করণের এই স্বরূপানন্দ চির-বর্তমান। আমাদের আত্মা তাহার প্রগতির পথে বাহু সংস্কার এবং প্রাকৃত-ভাবের বিশিষ্ট সচেতন সত্তাকে অতিক্রম করিলে যেমন একদিকে দেখিতে পাদ যে এক অনন্ত নিশ্চল চিৎশক্তি আপাতপ্রতীয়মান নিশ্চেতনকে আবৃত ও আবিষ্ট করিয়া নিত্য অবস্থিত আছে, তেমনি সে আবিষ্কার করে যে এক অসীম প্রশান্ত সচেতন আনন্দ বিশ্বের সব কিছুকে আলিঙ্গন করিয়া সदा বর্তমান রহিয়াছে এবং এই আনন্দের সুরে মানুষ তাহার নিজের জীবনের তার বাঁধিয়া লইতে পারে; এই আনন্দ ব্রহ্মের নিজের আনন্দ—এই আত্মা সর্বকৃতাত্মা। কিন্তু আমাদের প্রাকৃত দৃষ্টি আত্মা এবং বস্তুর বাহিরের ক্ষেত্রে শুধু জাগ্রত ও বিচরণশীল, ইহার কাছে এই আনন্দ গুপ্ত, অবচেতন, গহন গভীরে অবস্থিত। যেমন প্রত্যেক আকারের মধ্যে তদ্রূপ সুখ, দুঃখ ও নিরপেক্ষ যে কোন অভিজ্ঞতা আমাদের

নিকট উপস্থিত হয় তাহার অন্তরে এ আনন্দ গুপ্তভাবে বিরাজিত আছে। এই আনন্দই প্রত্যেক পদার্থকে নিজের সত্তা বজায় রাখিতে সমর্থ করিয়া তুলে, শুধু সমর্থ নয় বাধ্য করে, তাই ত দেখিতে পাই অল্প সকল বৃত্তিকে অভিভূত ও অতিক্রম করিয়া সন্তুতি বা আত্মসত্তাকে বজায় রাখিবার অতি প্রবল এক ইচ্ছা-শক্তি নিত্য বর্তমান; ইহাই দেখা দিয়াছে প্রাণের ক্ষেত্রে আত্মরক্ষার সহজাত প্রবৃত্তিরূপে, স্থলে জড়ের অবিনশ্বরত্ব (indestructibility of matter) এবং মনে অমরত্বের বোধরূপে। আত্ম পরিণামের সকল পর্বের সকল স্তরেই ইহার অস্তিত্ব দেখা যায়। এমন কি আত্মবলির সাময়িক প্রবৃত্তিতেও বিপরীত-ভাবে রহিয়াছে অমরত্বের এই পিপাসা; কেন না মাহুষ সেখানেও সত্তার লোপ চায় না, সত্তার অশূন্যত্বের প্রতি প্রবল আকর্ষণের জন্য বর্তমান অবস্থার প্রতি জুগুপ্সাই (recoil) সেখানে আত্মবলির কারণ হইয়া দাঁড়ায়। আনন্দ ও সত্তা এক, অভেদ, অচ্ছেদ্য; আনন্দই সৃষ্টির রহস্য, আনন্দই জন্মের মূল, আনন্দ আছে বলিয়াই সব কিছু বর্তমান আছে, আনন্দেই জন্মের অন্ত, সৃষ্টির বিলয়। তাই উপনিষদে আছে “আনন্দ হইতেই সর্বভূত জাত, আনন্দের জন্য তাহারা বর্তমান ও আনন্দই তাহার বৃদ্ধির মূল আবার আনন্দেই তাহারা প্রমাণ করে।”

সং চিৎ ও আনন্দ মূল সত্তার এ তিনটি রূপণ স্বরূপতঃ এক, কিন্তু আমাদের মানসিক দৃষ্টিতে ত্রিরূপে প্রকাশিত, আমাদের খণ্ডিত চেতনায়, প্রতিভাসে ইহারা বিভক্তবৎ প্রতীয়মান হয় মাত্র। এই ত্রৈক ভাবের উপর সম্যকভাবে দৃষ্টি রাখিলে প্রাচীন দর্শনে, (যথা) মায়াবাদ, প্রকৃতিবাদ ও লীলাবাদে যে সমস্ত বিভিন্ন মত বা সূত্র আছে তাহাদিগকে যথাস্থানে এমনভাবে স্থাপিত করিতে পারিব যে তাহারা সকলে মিলিয়া এক অখণ্ড দর্শনের বিভিন্ন অঙ্গে পরিণত হইবে এবং তাহাদের মধ্যে চিরাগত যে তর্কযুদ্ধ চলিতেছে তাহা থামিয়া যাইবে। কারণ জগৎসত্তা আমাদের নিকট যেরূপ প্রতিভাত হয় তাহা শুদ্ধ-অনন্ত-অখণ্ড-নির্বিচারক সং বা সত্তার সধ্ব্বের দিক হইতে যদি দেখি তবে তাহাকে মায়ী বলিয়া দেখিতে এবং বর্ণনা করিতে পারি। মায়ী শব্দের প্রথম অর্থ ছিল একটা ব্যাপক চৈতন্য বাহার মধ্যে সব কিছু অন্তর্নিবিষ্ট আছে, বাহা সব কিছুকে আলিঙ্গন করিয়া রাখিয়াও তাহাদিগকে পরিমিত ও সীমিত স্তরায় রূপায়িত করিতে সমর্থ; এই মায়ী আকার ও পরিমাণ রচনা করে, অরূপকে রূপ দেয়,

অজ্ঞেয়কে মানসিক রূপে ঘেন জ্ঞানগম্য করে, অসীমকে ঘেন সীমার মধ্যে প্রকাশ করে। ক্রমে অর্থের অপকর্ষে এ শব্দে, জ্ঞান, নিপুণতা বা বুদ্ধি না বুঝাইয়া, চাতুরী, ছলনা অথবা ভ্রম এই অর্থে ব্যবহৃত হইতে থাকে এবং পরবর্তী কালে দর্শনশাস্ত্রে ভ্রান্তি, বিভ্রম, বা ইন্দ্রজাল, এই অর্থেই ইহা ব্যবহৃত হইয়াছে।

জগৎ মায়া। জগৎ মায়া বা মিথ্যা এ কথা অর্থ যদি এই দাঁড়ায় যে ইহার কোন সত্তা বা অস্তিত্ব নাই তবে তাহা সত্য নহে, কারণ যদি জগৎ আত্মার স্বপ্নও হয় তবে স্বপ্নরূপে ব্রহ্মের মধ্যে ইহার একটি অস্তিত্ব থাকিবে, চরমে মিথ্যা হইলেও বর্তমানে তাহা নিজের কাছে সত্য। ইহার কোন শাস্ত সত্তা নাই সেই অর্থে জগৎ মিথ্যা—ইহাও বলা উচিত নহে। সত্য বটে কোন বিশেষ জগৎ বা বিশেষরূপ স্থূলতঃ লয় পাইতে পারে, মনোময় চেতনার কাছে ব্যক্ত অবস্থা হইতে অব্যক্ত দশায় পৌছিতে পারে, তথাপি স্বরূপতঃ রূপ বা জগৎ শাস্ত, অব্যক্ত দশা হইতে অনিবার্যরূপে আবার ব্যক্ত দশায় ফিরিয়া আসে; সর্বদা একরূপে বর্তমান না থাকিলেও শাস্ত পুনরাবৃত্তি তাহাদের আছে, ব্যাপ্তি রূপে, প্রতিভাসে বা আকারে ইহাদের পরিবর্তন বা পরিণাম নিয়ত বর্তমান থাকিলেও, সমষ্টির ক্ষেত্রে এবং ভিত্তিতে ইহারা নিত্য, পরিণামরহিত। যখন বিশ্বের কোন রূপ নাই বা শাস্ত চিন্ময় সত্তার অন্তর্ভূতিতে আকারগত বা ভাবগত কোন খেলা নাই, এমন মূল ছিল বা আসিবে ইহা জোর করিয়া বলিবার কি অধিকার, কি নিশ্চিত প্রমাণ আমাদের আছে? কেবল আমাদের বোধিজাত এই ধারণাই আছে যে পরিদৃশ্যমান এই জগৎ তৎস্বরূপ হইতে আসিতে পারে এবং আসে এবং তাহাতেই ফিরিয়া যায়—অনন্তকাল ধরিয়া এই লীলা চলিয়া আসিতেছে।

তবু জগৎ মায়া, কারণ ইহা অনন্ত সত্তার স্বরূপ সত্য নহে। ইহা সচেতন আত্ম-সত্তার একটা বিসৃষ্টি; বিসৃষ্টি শূন্যের মধ্যে শূন্য বা অসৎ হইতে নয় কিন্তু আত্মসত্তার শাস্ত সত্যের ভূমিকার মধ্যে শাস্ত সত্যেরই বিসৃষ্টি। ইহার মূল উপাদান এবং অধিষ্ঠান সকলই সদ্ভ্রহ্ম, তাহারই স্বাভাবিকের ক্ষেত্রে তাহার চিন্ময়ী সৃষ্টিশক্তি বলে ইহা তাহারই পরিবর্তনশীল আত্মরূপায়ন। এ সমস্ত ব্যক্ত হইতে পারে, অব্যক্তে ফিরিয়া যাইতে অথবা অন্তরূপে প্রকাশিত হইতে পারে। এরূপ বৈচিত্র্যকে ইচ্ছা করিলে আমরা বলিতে পারি অনন্ত চৈতন্যের একটা ভ্রান্তি, কিন্তু তাহাতে মনের অতীত যে সত্তাতে ভ্রান্তি বা অসত্যের লেশ মাত্র নাই সেই পরম



চৈতন্ত্যে স্পর্ধাভরে ভ্রান্তি ও শক্তিহীনতার অধীন আমাদের এই প্রাকৃত মনের ছায়াপাত করা হইবে। সদু ব্রহ্মের স্বরূপে ও উপাদানে অসত্যের কোন স্থান নাই বুঝিলে এবং আমাদের খণ্ডিত চেতনার সকল ভ্রান্তি ও বিকৃতি অথও চিন্ময় সত্তার কোন না কোন সত্য বিভূতি হইতে আসিয়াছে ইহা জানিলে, আমাদেরকে বলিতে হয় যে বিশ্ব তৎ পদার্থের স্বরূপ বা অপরিণামী একত্বের সত্য নয় বটে কিন্তু ইহা তাহারই বহু বৈচিত্র্যময় অনন্ত পরিবর্তনশীল প্রাতিভাসিক সত্য।

পক্ষান্তরে যদি বিশ্বসত্তাকে আমরা চৈতন্ত্য এবং চেতনশক্তির দিক হইতে দেখি তখন আমাদের দৃষ্টি ও অনুভবে বোধ হইবে যে জগৎ কোন একটা নিগূঢ় ইচ্ছা হইতে জাত এবং তদ্বারা পরিচালিত একটা ক্রিয়া কিম্বা শক্তিস্পন্দ, অথবা যিনি ইহাকে ধারণ করিয়া রহিয়াছেন এবং ইহার দিকে দৃষ্টি রাখিয়াছেন এমন কোন চৈতন্ত্যের দ্বারা আরোপিত কোন প্রয়োজন বা নিয়তির ফলে ইহার প্রকাশ হইয়াছে। তখন বলিব ইহা প্রকৃতির বা কাঁধ্যাকরী শক্তির খেলা, যে খেলার উদ্দেশ্য সাক্ষী ও ভোক্তা পুরুষের তৃপ্তিসাধন, অথবা বলিব ইহা শক্তি, গতি ও ক্রিয়ার সঙ্গে যিনি নিজেকে এক করিয়া দেখিতেছেন এমন কোন পুরুষের খেলা। তখন ইহার অর্থ এই দাঁড়ায় যে জগৎ নিত্য অফুরন্ত অভিজ্ঞতার রসাস্বাদন-আকৃতিতে উচ্ছ্বসিত নিখিল বিশ্ব জননীর অনন্তরূপে আত্মরূপায়ন।

আবার যদি জগৎসত্তাকে শাস্ত্রত সংব্রহ্মের স্বরূপানন্দের দিক দৃষ্টিভঙ্গি হইলে তখন ইহাকে লীলা বলিয়া বুঝি ও বলিতে পারি ; যাহার আনন্দ শিশুর 'ম্যাসতে', কবির কাব্যকলার, অভিনেতার অভিনয়-দক্ষতায়, রূপকারের চাক্ষুশিল্লের মধ্যে সদা ফুটিয়া উঠে, নিখিল জগতের আত্মা, সেই সদানন্দময় চির কিশোর তাহার লীলার জগৎ কেবলমাত্র তাহার আত্মবিসৃষ্টির বা আত্মপ্রকাশের পরম আনন্দের জন্ত অনন্তকাল ধরিয়া অফুরন্ত ভাবে নিজের মধ্যে নিজেকেই পুনঃ পুনঃ সৃষ্টি করিবার আনন্দোচ্ছ্বাসময় খেলা খেলিতেছেন ; এ খেলায় ক্রীড়ক তিনি, ক্রীড়া তিনি, ক্রীড়াকেও তিনি। শাস্ত্রত হির অপরিণামী সচ্চিদানন্দের সঙ্গে বিশ্ব-লীলার সম্বন্ধ দেখিতে গিয়া মায়া, প্রকৃতি এবং লীলার ধারণা হইতে যে তিনটা পরস্পর বিরোধী মতবাদ প্রতিষ্ঠিত হইয়াছে বস্তুতঃ তাহাদের মধ্যে কোন অসঙ্গতি নাই, তাহারা পরস্পরের পরিপূরক এবং জগৎ ও জীবনকে পূর্ণ দৃষ্টিতে দেখিতে গেলে প্রত্যেকের প্রয়োজন আছে। যে জগতের আমরা অংশ, সর্বাপেক্ষা স্পষ্টতঃ

তাহা মনে হয় শক্তির ক্রিয়া বা স্পন্দ ; কিন্তু তাহার অন্তরে প্রবেশ করিলে দেখা যায় যে, চিয়ম্বী এক সৃজনশক্তি নিয়ত পরিবর্তনশীল ছন্দদোলার এক অনন্ত শাখত সত্তার ঐতিহাসিক সত্যসমূহ নিত্য বিকীর্ণ করিতেছে। এই ছন্দদোলার মূল, কারণ বা উদ্দেশ্যে দেখিতে গেলে দেখা যাইবে যে অকুরন্ত আত্মরূপায়ণের সমুদ্রাসে সদা ব্যস্ত সত্তার অনন্ত আনন্দের খেলা হইতেই তাহার উদ্ভব। জগৎকে বুদ্ধিতে গেলে এই দ্রিভাবে বিভাবিত দৃষ্টি লইয়া আমাদেরিগকে অগ্রসর হইতে হইবে।

তাহা হইলে সমস্ত জগৎ ব্যাপারের মূলে এই দাঁড়াইল, যে শাখত অপরিণামী আনন্দময় সত্তাই সমস্ত বৈচিত্র্যময় সত্ত্বতির আনন্দ রূপে আত্ম-প্রকাশ করিতেছে, স্ততরাং আমাদের সকল অভিজ্ঞতাকে নিজের অবিচ্ছেদ্য আনন্দ দ্বারা ধারণ করিয়া, তাহাদের পশ্চাতে এক অখণ্ড চিৎসত্তা সদা বর্তমান রহিয়াছে এবং সেই আনন্দই তাহার স্পন্দলীলার দ্বারা ইন্দ্রিয়বোধের ক্ষেত্রে সুখ দুঃখ এবং উপেক্ষার নানা বৈচিত্র্য ফুটাইয়া তুলিতেছে—এই ধারণাকেও আমাদের স্বীকার করিতে হইবে। সেই সচ্চিদানন্দই আমাদের খাটি সত্তা। সুখ দুঃখ এবং ঔদাসিন্যের ত্রিধাবৃত্তির অধীন মনোময় সত্তা তাহার প্রতিভূমাত্র। বিশ্বের বহু বিচিত্র স্পর্শের সাড়া এবং প্রতিক্রিয়া হইতে আমাদের খণ্ডিত চেতনার প্রথম ছন্দরূপে তাহার প্রকাশ হয় সেই ইন্দ্রিয়বোধের অভিজ্ঞতা লাভ করিবার জন্ত, এই মনোময় সত্তাকেই পুরোভাগে স্থাপন করা হইয়াছে। এই সাড়া পূর্ণ নয়, এ ছন্দের মধ্যে বহু জটিলতা, বহু বৈষম্য রহিয়াছে কিন্তু একদিন যে আমাদের মধ্যে চিয়ম্ব পুরুষের একস্থের পূর্ণ খেলা দেখা দিবে, ইহা তাহার আভাস ও আয়োজন। যখন আমরা সার্বভৌম সেই পরমপুরুষের স্তরের সঙ্গে আমাদের জীবনের তার এক স্তরে বাঁধিতে পারিব তখন বহু বৈচিত্র্যের মধ্যে একস্থের পূর্ণ স্বরসঙ্গতির সন্ধান পাইব কিন্তু সে দিন আজিও আসে নাই, তাই এ বেহুন্ন ও ছন্দঃপতন।

এই দৃষ্টি সত্য হইলে এমন কতগুলি সিদ্ধান্ত ইহা হইতে আসিয়া পড়ে যাহা আমাদেরিগকে অবশ্য স্বীকার করিতে হয়। প্রথমতঃ আমাদের গভীরে যদি আমরা পরম একই হই, অখণ্ড সৰ্ব্বেটিং স্ততরাং সৰ্ব্ব-আনন্দই যদি আমাদের স্বরূপ সত্তা হয়, তাহা হইলে সুখ, দুঃখ ও ঔদাসিন্যের ত্রিধা স্পন্দনে আমাদের যে ইন্দ্রিয়বোধ জাগে, তাহা জাগ্রত চেতনার বাহা সর্বোচ্চ রহিয়াছে আমাদের

সেই খণ্ডিত অংশ হইতে জাত বহিরঙ্গ ব্যাপার মাত্র। ইহার পিছনে আমাদের জাগ্রত চেতনা হইতে অনেক বৃহৎ গভীর এবং সত্য এমন কিছু নিশ্চয়ই আছে যাহা সকল অভিজ্ঞতা হইতে নিরপেক্ষভাবে আনন্দ রসান্বাদন করে। সেই রসই আমাদের মনোময় প্রাকৃত চেতনাকে গোপনে ধারণ করিয়া রাখে এবং তাহাই আমাদের সত্ত্বতির বিক্ষুব্ধ ক্রিয়া ও গতির সকল আয়াস, চুঃখ এবং অগ্নিপরীকার মধ্যে এ চেতনাকে আত্মসংরক্ষণের শক্তি দেয়। আমরা যাহাকে আমি বলি তাহা বাহিরে প্রকাশিত একটি আলোক-রশ্মি-স্পন্দ মাত্র। ইহার গভীরে স্থিত অতি বিপুল অবচেতনা এবং অতিচেতনাময় এক সত্তা বিশ্বের স্পর্শ গ্রহণের জন্য অমুভবসমর্থ এই বাহ্য সত্তাকে অনাবৃত রাখিয়া তাহার এই সমস্ত বাহ্য অমুভূতিকে নিজ ইষ্ট সিদ্ধির কাজে লাগায়। নিজে গুপ্ত থাকিয়া এ সমস্ত স্পর্শ সে গ্রহণ করে এবং পরিপাক করিয়া ইহাদিগকে গভীরতর সত্যতর স্বজনবীৰ্য্যে রূপান্তরিত করে; আবার সেই গভীর হইতে শক্তি, চরিত্র, জ্ঞান ও আবেগরূপে এ সমস্ত বাহ্য চেতনায় ফিরাইয়া দেয়। কোন রহস্য লোক হইতে যে মন এ সম্পদ লাভ করে তাহা সে জানে না, কারণ আমাদের চঞ্চল মন শুধু বাহিরে অবস্থিত থাকিয়া স্পন্দিত হয় মাত্র, নিজেকে সংহত করিয়া গভীরে বাস করিতে ইহা এখনও শিখে নাই।

আমাদের সাধারণ জীবনে এ সত্য আমাদের নিকট প্রচ্ছন্ন, অথবা ইহার অস্পষ্ট আভাস কখনও কখনও আমরা পাই, কিন্তু, ইহার সম্বন্ধে আমাদের ধারণা এখনও অপূর্ণ; তবে যখন আমরা অন্তরে বাস করিতে শিখি তখন আমাদের মধ্যে ইহার অমুভূতি নিশ্চয়ই জাগিয়া উঠে; সে অমুভূতিতে গভীর প্রশ্ন প্রশান্ত অসীম বীৰ্য্যশালী এক আত্মসত্তার পরিচয় পাই, জগতের কোন প্রভু তাহার উপরে নাই—এ অমুভূতিতে যাহার সাক্ষাৎ পাই তিনি স্বয়ং ভগবান না হইলেও আমাদের অন্তরস্থিত তাঁহারই আত্মজ্যোতি। তখন আমরা তাঁহার সম্বন্ধে সচেতন হই এবং বুঝি যে তিনিই আমাদের এই আপাতপ্রতীয়মান বহিরাঙ্গাকে ধারণ ও নিয়ন্ত্রণ করিতেছেন এবং দেখি যে তিনি ইহার স্তম্ভ চুঃখে, শিঙের আন্তি ও মানসিক উত্তেজনার সময় স্নেহশীল পিতার মত সকৌতুকে স্নিগ্ধভাবে হাসিতেছেন। যদি আমরা নিজেদের মধ্যে ফিরিয়া আসিয়া আমাদের বাহ্য অভিজ্ঞতার সহিত নহে, পরন্তু সেই দ্বিতীয় ভাগবৎজ্যোতির সহিত নিজেকে এক

করিয়া দেখিতে পারি, তাহা হইলে জগতের সমস্ত সংস্পর্শ ও অভিজ্ঞতাকে আমরা সেই অবিলম্বে ভাব বজায় রাখিতে পারিব। তখন আমরা সেই সমগ্র চৈতন্তে অধিষ্ঠিত থাকিয়া দেহ প্রাণ ও মনের সুখ ও দুঃখ হইতে বিচ্ছিন্ন থাকিতে অথচ তাহাদিগকে অভিজ্ঞতারূপে গ্রহণ করিতে পারি; কিন্তু এ সমস্ত স্বভাবতঃ বহিরঙ্গ বলিয়া আমাদের খাটি সত্তার অন্তঃস্থলে পৌঁছে না বা তথায় প্রভাব বিস্তার করিতে পারে না। সংস্কৃত ভাষার গভীরার্থবাচক শব্দ গ্রহণ করিয়া বলিতে পারি সঙ্কুচিত মনোময় পুরুষের উপরে এক বিশাল আনন্দময় পুরুষ আছেন—আনন্দ-ময়েরই অস্পষ্ট ছায়া বা ক্ষুদ্র প্রতিবিম্বমাত্র হইল মনোময়। আমাদের স্বরূপ সত্য আমাদের ভিতরেই আছে, বাহিরে নয়।

আবার সুখ, দুঃখ ও উদাসীনতা এই ত্রিধা বৃত্তি শুধু বাহিরের ব্যাপার, আমাদের পরিণতির অসম্পূর্ণতার ফল ও ব্যবস্থা, সুতরাং এই ভাবের অল্পভূতি অবশ্য হইতেই হইবে একথা ঠিক নহে। একটা বিশেষ স্পর্শে সুখ দুঃখ বা উদাসীনতার একটা বিশেষরূপে সাড়া দিতে আমরা বাধ্য নই, আমরা শুধু অভ্যাসের বশেই এরূপ সাড়া দিয়া থাকি, আমরা কোন বিশেষ স্পর্শে সুখ অথবা দুঃখ যে বোধ করি, তাহার কারণ আমাদের প্রকৃতি ঐ ভাবে অভ্যস্ত হইয়াছে, অথবা স্পর্শের সঙ্গে স্পর্শগ্রহীতার এক বিশেষ ভাবের সাড়া দেওয়ার সম্বন্ধ অভ্যাসের ফলে স্থায়ী হইয়াছে মাত্র। এখন যেসকল সাড়া দিতে অভ্যস্ত হইয়াছি তাহার সম্পূর্ণ বিপরীত ধরণের সাড়া দেওয়া অর্থাৎ এখন যেখানে সুখ পাই সেখানে দুঃখের অথবা এখন যেখানে দুঃখ পাই সেখানে সুখের অল্পভূতি লাভ করিবার শক্তি আমাদের মধ্যে আছে। আমাদের বহিষ্কৃতনা যেখানে যন্ত্রের মত সুখ দুঃখ বা উপেক্ষার সাড়া দেয়, সেখানেও প্রতি ব্যাপারে আমাদের মধ্যে রহিয়াছেন সত্য ও বিশাল আনন্দময় পুরুষ এবং ইহার অল্পভবে নিত্য বর্তমান যে স্বতঃস্ফূর্ত আনন্দের সাড়া, তাহা স্বাধীন ভাবে জাগাইয়া তুলিতে অভ্যস্ত হইবার শক্তিও আমাদের আছে। বাহিরের অভ্যস্ত সুখ বা দুঃখের যে কোন সাড়াকে আমাদের গভীরে নিলিপ্তভাবে সঙ্কট চিন্তে গ্রহণ করিবার শক্তি অপেক্ষা, সকল ব্যাপারে এই আনন্দের সাড়া জাগাইয়া তুলিবার শক্তি একটা মহত্তর সিদ্ধি, একটা পূর্ণতর ও গভীরতর আনন্দ। কারণ পূর্বের অবস্থায় আমরা সুখ দুঃখকে নিলিপ্তভাবে গ্রহণ করিলেও জয় করি না, শুধু অভিজ্ঞতার অসম্পূর্ণতাকে

অবিচল ভাবে গ্রহণ করি ; দ্বিতীয় অবস্থায় আমরা অপূর্ণতাকে পূর্ণতায়, মিথ্যাকে সত্যে পরিণত করিবার শক্তি দেখিতে পাই—সেখানে আত্মার নিত্য সত্য ও আনন্দ, মনোময় পুরুষের ঘৈতের বা স্বপ্নের অভিজ্ঞতার স্থান অধিকার করে।

স্ব স্ব দুঃখের সাড়া যে অভ্যাসজাত এবং আপেক্ষিক, মানসিক ব্যাপারে তাহা বুঝা বেশী কঠিন নয়। আমাদের আত্মবিক সত্তা নির্দিষ্ট অভ্যাস ধারায় ক্রিয়া করে, এমনকি সেই নির্দিষ্ট ধারায় সাড়া দিতে সে বাধ্য, এ ভ্রান্ত ধারণাও তাহার আছে। চিনি স্বভাবতঃ যেমন মিষ্ট তেমনি ভাবে বিজয়, সম্মান বা সকল প্রকার ঐশ্বর্যলাভের সহিত স্বপ্নের এবং নিম্ন যেমন তিক্ত তেমনিভাবে পরাজয়, অপমান বা সকল প্রকার দুর্দৈবের সহিত দুঃখের নিত্য সম্বন্ধ রহিয়াছে, ইহাই আমরা মনে করি। আমাদের ধারণা, নির্দিষ্ট সাড়ার ব্যতিক্রম ঘটে না, ব্যতিক্রম অস্বাভাবিক বা অস্বাভাবিক অবস্থার পরিচায়ক। কারণ মানুষ তাহার জীবনক্ষেত্রে একই অবস্থায় যাহাতে একই নির্দিষ্টভাবে সাড়া দিতে অথবা একই ঘটনায় যাহাতে একই অভিজ্ঞতা লাভ করিতে পারে, প্রকৃতি তেমনি ভাবেই এই অভ্যাসের দাস আত্মবিক সত্তাকে গড়িয়া তুলিয়াছে। পক্ষান্তরে মনোময় সত্তা ইহার অপেক্ষা স্বাধীন কেননা তাহাকে বৈচিত্র্য, পরিবর্তন এবং উন্নতির উপায় রূপে গড়া হইয়াছে। যতক্ষণ সে ইচ্ছা করে ততক্ষণ মাত্র অধীন থাকে, যতক্ষণ ইচ্ছা ততক্ষণ পর্যন্ত মানসিক অভ্যাসের কোন বিশেষ ধারা মানিয়া চলে বা ততক্ষণ মাত্র সে আত্মের পরবশ থাকে। পরাজয়, ক্ষতি বা অপমানে সে দুঃখিত হইতে বাধ্য নয়, এ সমস্ত সে উপাশীন ভাবে গ্রহণ করিতে পারে, এমন কি পরিপূর্ণ প্রসন্নতার সহিত এগুলিকে সে বরণ করিয়া নিতেও পারে। এইজন্য আত্ম বা দেহের শাসন দ্বারা পরিচালিত হইতে যত বেশী সে অস্বীকার করে, যতই প্রাণময় ও অন্নময় অংশ হইতে নিজেকে পৃথক করিয়া নিতে পারে, ততই সে স্বাধীনতা লাভ করে। জগতের স্পর্শে তাহার সাড়া তখন অভ্যাস দাসের নয়, প্রভুর মত হইতে পারে।

কিন্তু শারীরিক স্ব স্ব দুঃখের ক্ষেত্রে এই সার্বভৌম সত্য প্রয়োগ করা অধিকতর কঠিন। কারণ আত্ম ও দেহের রাজ্য যে চৈতন্তের কেন্দ্র ও আবাস-ভূমি, বাহিরের স্পর্শ বা বাহিরের স্ব স্ব দুঃখ দ্বারা পরিচালিত হওয়াই তাহার প্রকৃতি। তবু এখানেও সেই সত্যের আভাস পাওয়া যায় ; আমরা দেখিতে পাই অভ্যাসানুযায়ী একই ব্যক্তি স্পর্শ স্ব স্ব দুঃখের কারণ হইতে পারে

শুধু বিভিন্ন ব্যক্তির পক্ষে নয়, একই ব্যক্তির বিভিন্ন অবস্থায় বা তাহার পরিণতির বিভিন্ন স্তরে। সাধারণ অবস্থায় যে স্পর্শ বা অভিঘাত তীব্র যন্ত্রণা দেয় তাহা উপস্থিত হওয়া সত্ত্বেও, তীব্র উত্তেজনা বা গভীর হর্ষোচ্ছ্বাসের সময় মাল্লম্বে দৈহিক বেদনা বোধ সম্বন্ধে উদাসীন থাকিতেও ত অনেক সময় দেখা যায়। অনেক সময় যখন স্নায়ু নিজের অধিকার পুনঃ প্রতিষ্ঠিত করিয়া মনকে স্মরণ করাইয়া দেয় যে এরূপ ক্ষেত্রে সে বেদনা বোধ করিতে অভ্যস্ত স্ততরাং বাধ্য, তখন যন্ত্রণা বোধ ফিরিয়া আসে। কিন্তু মনের এ বাধ্যতা অপরিহার্য্য নয় ইহা শুধু অভ্যাসের ফল মাত্র। বেদনাবোধ করিতে নিষেধ করিয়া সম্মোহিত অবস্থায় শরীরে অত্যাঘাত করিলে বা কোন কিছু ফুটাইয়া দিলেও সম্মোহিত ব্যক্তি বেদনা বোধ করে না এমন কি সে অবস্থা হইতে তাহার সাধারণ অবস্থায় ফিরিয়া আসিলেও বেদনাবোধ জাগিবেনা ইহা করা চলে তাহা ত দেখা যায়। ইহার কারণ স্নায়বিক অভ্যাসের দাস আগ্রতচৈতন্যকে স্তম্ভিত করিয়া সম্মোহক গভীরে অধি-চেতনাতে অবস্থিত মনোময় পুরুষের ক্রিয়া প্রকাশ করিতে সমর্থ হয়; এই মনোময় পুরুষ ইচ্ছা করিলে স্নায়ু ও দেহকে বশে আনিতে পারে। সম্মোহনে অস্বাভাবিক ক্ষিপ্ৰভাবে এ অধিকার লাভ হইলেও সে সময় অপরের ইচ্ছা দ্বারা চালিত হওয়াতে ইহাকে সত্যাকার অধিকার বলা চলে না। কিন্তু স্বাভাবিক ভাবে নিজের ইচ্ছা দ্বারা বাস্তব অধিকারও ক্রমশঃ লাভ করা চলে, যাহার ফলে আমাদের মনোময় সত্তা, স্নায়ু ও দেহের অভ্যস্ত সাড়াকে আংশিক বা পূর্ণভাবে স্ববশে আনিতে পারে।

দেহ ও মনের যন্ত্রণাবোধ প্রকৃতির বা শক্তির খেলার একটা কৌশল মাত্র, উর্দ্ধপরিণামের পথে এক অবস্থা হইতে অবস্থান্তর প্রাপ্তির সময় বিশেষ কোন উদ্দেশ্যসিদ্ধির জন্ত ইহা আসিয়াছে। ব্যক্তিচেতনার দিক দিয়া দেখিলে জগৎকে বহু বিচিত্র শক্তিসমূহের খেলা বা জটিলসংঘাত বলিয়া মনে হয়; এই জটিল খেলার মধ্যে জীব তাহার সীমিত সত্তা ও সীমিত শক্তি লইয়া ঠাড়াইয়া আছে, তাহার উপর অগণিত আঘাত আসিয়া পড়িতেছে, যে আঘাতে সে বাহ্যকে ‘আমি’ বলে তাহাকে কত বিকৃত বা চূর্ণ-বিচূর্ণ করিতে পারে। এই সমস্ত বিপজ্জনক বা অনিষ্টকর সংস্পর্শ

হইতে জীৱেৰ দেহ ও স্নায়ুগুণি যে পশ্চাৎপদ হইতে চায়, তাহাই যজ্ঞণা বোধ ৰূপে দেখা দেয়। এ বোধ উপনিষদে যাহাকে জুগুপ্সা বলে তাহাৰ অংশ। সীমাবদ্ধ সত্তা তাহাৰ আন্তৰীক্ষৰ আবেগে সে যাহা নয় এবং যাহা তাহাৰ প্ৰতিকূল বা “অপৰ” তাহাৰ নিকট হইতে সন্নিৱা আসে, স্বৰূপতঃ ইহাই জুগুপ্সা। এদিক দিয়া দেখিলে এই জুগুপ্সা বা পীড়া বোধ কাহাকে এড়াইয়া যাইতে হইবে, অথবা এডান অসম্ভৱ হইলে, কাহাৰ প্ৰতিবিধান কৰিতে হইবে তাহাৰ ইচ্ছিত দিবাৰ জগ্ৰ প্ৰকৃতিদত্ত বিধান। যতদিন জড় জগতে প্ৰাণ দেখা দেয় নাই ততদিন যজ্ঞণাও আসে নাই, কাৰণ ততদিন প্ৰকৃতিৰ কাৰ্য্যেৰ পক্ষে যান্ত্ৰিক পদ্ধতিই যথেষ্ট। প্ৰাণ যখন তাহাৰ ক্ষণভঙ্গুৰতা এবং জড়ৰ উপৰ অপূৰ্ণ ও অপ্ৰচুৰ অধিকাৰ লইয়া আসিয়া বন্ধনৰূপে দেখা দিল, তখন হইতে বেদনাবোধেৰ আৰম্ভ হইল। প্ৰাণেৰ মध्ये মনেৰ উন্মেষ ও পৰিণতিৰ সন্ধে বেদনাও বাঢ়িয়া চলিল। যে দেহ ও প্ৰাণকে সে ব্যৱহাৰ কৰে, মন যতদিন তাহাৰ অধীন থাকে, যতদিন তাহাৰ জ্ঞান ও কৰ্ম্মেৰ জগ্ৰ তাহাদেৰ উপৰ নিৰ্ভৰ কৰিতে হয়, ততদিন দেহ ও প্ৰাণেৰ যে সমস্ত সীমা ও বাধা আছে, যাহা হইতে তাহাৰ অহঙ্কাৰ আবেগ ও আকৃতি জাত হয়, সেই সমস্ত সীমা ও বাধাকেও মানিয়া মনকে চলিতে হয়, ফলে ততদিন বেদনাবোধ থাকাও অনিবাৰ্য্য। কিন্তু যদি ও যখন মন ও মাহুৰ অহঙ্কাৰপৰিশৃঙ্খ, মুক্ত এবং স্বাধীন হয়, যখন সৰ্ব্বভূত ও বিশ্বশক্তিৰ সহিত তাহাৰ সমন্বয় সাধিত হয় তখন যজ্ঞণা-বোধেৰ প্ৰয়োজন প্ৰথমে কমিয়া যায় এবং পৰে একেবাৰে লোপ পায়। উৰ্দ্ধচেতনা যতদিন তাহাৰ মध्ये পূৰ্ণৰূপে প্ৰতিষ্ঠিত না হয় ততদিন প্ৰয়োজন না থাকিলেও অভ্যাসজনিত সংস্কাৰৰূপে উহা কিছুকাল থাকিতে পারে। জড়ৰ বশ্বতা এবং অহঙ্কাৰেৰ বাধা মাহুৰ একদিন নিশ্চয়ই জয় কৰিবে ইহাই বিশ্ব-বিধান, এই পূৰ্ণ জয় লাভেৰ জগ্ৰ দুঃখবোধেৰ সম্পূৰ্ণ উচ্ছেদ তাহাকে সেদিন কৰিতেই হইবে :

এই যজ্ঞণাবোধ দূৰ কৰা সম্ভৱ, কেননা হৃথ এবং দুঃখ এ উভয়ই শুদ্ধ সং বা অন্তিৰ আনন্দ ৰূপেই দুটা ধাৰা, একটা অপূৰ্ণ অপৰীতি বিকৃত। অপূৰ্ণতা এবং বিকৃতিৰ কাৰণ এই যে জীৱেৰ মध्ये মায়াধাৰা সীমিত ও সন্নিবিষ্ট খণ্ড-চৈতন্ত্যেৰ প্ৰকাশ হইয়াছে বলিয়া সে বিশ্বৰ স্পৰ্শ তাহাৰ

অহঙ্কারের ভিতর দিয়া খণ্ড খণ্ড ভাবে গ্রহণ করে, সার্বভৌম ভাবে করে না।  
 বিখ্যাত্যার কাছে সকল পদার্থ, সকল স্পর্শই মৌলিক এক আনন্দকে জাগাইয়া  
 তোলে, সংস্কৃত ভাষায় যাহা 'রস' এই স্বন্দর নামে অভিহিত হইয়াছে।  
 রসশব্দের অর্থে বস্তুর সার এবং স্বাদ এ দুইই বুঝায়। বাহিরের স্পর্শের  
 মধ্যে আমরা পদার্থের সারকে খুঁজি না, কেবল কিভাবে তাহা আমাদের  
 মধ্যে কামনা, ভয়, লালসা বা সঙ্কোচ জাগায় সেই দিকে দৃষ্টি রাখি-বলিয়া  
 দুঃখ এবং যন্ত্রণা, অপূর্ণ অস্থায়ী সুখ বা ঔদাসীন্ধ্য আসিয়া উপস্থিত হয়  
 অর্থাৎ পদার্থের সারগ্রহণের অসামর্থ্যের জন্ত, রসই এ সমস্ত রূপ পরিগ্রহ  
 করে। মন ও প্রাণে যদি আমরা পূর্ণরূপে অনাসক্ত হইতে পারি এবং  
 সেই অনাসক্তি যদি আমরা আমাদের স্নায়ুমণ্ডলের উপর আরোপ করিতে পারি,  
 তাহা হইলে রসের এই অপূর্ণ ও বিকৃত ধারা দূর করা এবং সকল বৈচিত্র্যের  
 মধ্যে শুদ্ধ সত্যের অব্যভিচারী আনন্দের মৌলিক সত্য আনন্দন পাওয়া  
 আমাদের পক্ষে সম্ভব হয়। কাব্য ও কলার সৌন্দর্য্যবোধের ভিতর দিয়া  
 বিচিত্র অথচ সার্বভৌম এই আনন্দের কতকটা আমরা অনুভব করিতে  
 পারি। তখন সেখানে আমরা দুঃখময় করুণ, ভীতিগ্রস্ত ভয়ানক এমন কি  
 জুগুপ্সাজনক বীভৎস রস হইতেও আনন্দ পাই। ইহার কারণ আমরা  
 সেখানে নিঃস্বার্থ এবং অনাসক্ত, আত্মরক্ষার কথা তখন ভাবি না, কেবল  
 ভাবি মূল বিষয়টি ও তাহার রসের কথা। অবশ্য আমাদের লৌকিক সৌন্দর্য্য-  
 বোধের অতীত শুদ্ধ অতিমানস আনন্দ বা তাহার অবিকল প্রতিরূপ এখানেও  
 পাই না, কারণ এই যে সে ব্রহ্মানন্দে দুঃখ ভয় বা জুগুপ্সা একেবারে বিলুপ্ত  
 হইয়া যায়, অথচ কাব্যকলায় তাহাদিগকে স্বীকার করা হয়। তবু প্রকাশের  
 ক্ষেত্রে বিখ্যাত্যার যে আনন্দ ক্রমশঃ উপচিত হইয়া উঠিতেছে তাহার আংশিক  
 এবং অপূর্ণ একটা অনুভূতি এ রসের মধ্য দিয়া পাওয়া যায় এবং আমাদের  
 প্রকৃতির এক ভাগে আমাদের অহংবোধে অনাসক্ত করিয়া এমন এক  
 সার্বভৌম বোধের সহিত যুক্ত করে যাহা দ্বারা আমাদের খণ্ডচতনায়  
 যেখানে বিশ্বশ্রুতি এবং বিরোধ দেখিতে পাই, সেখানে বিশ্বশ্রুতি কিভাবে  
 সৌন্দর্য্য ও স্বপ্নমা দেখেন তাহা বুঝিতে পারি। আমাদের পূর্ণ মুক্তি  
 আসিবে সেইদিন, যেদিন আমাদের সত্তার সকল অংশ এই ভাবে যুক্ত হইবে,



যেদিন সার্কর্ভোম এক প্রজ্ঞাদৃষ্টিতে সর্বগত রসধরূপকে দেখিতে পাইব, বিশ্বের সর্বপদার্থে অনাসক্তি আগিয়া উঠিবে কিন্তু তবু আমাদের স্নায়বিক এবং আবেগময় সত্তার সহিত আমাদের সহানুভূতি ও মিলন নষ্ট হইবে না।

আমাদের ভিতরকার চিৎশক্তি যখন বাহিরের আঘাত গ্রহণ করিতে গিয়া বাধাপ্রাপ্ত বা ব্যাহত হয় তখন সঙ্কুচিত বা পরাঙমুখ হইয়া পড়িলে যজ্ঞগাবোধ আগিয়া উঠে। এ বেদনাবোধের মূলে রহিয়াছে বিশ্বকে গ্রহণ ও অধিকার করিবার শক্তিহীনতা বা বিশ্বের সংস্পর্শ অসমভাবে গ্রহণ। সচ্চিদানন্দই আমাদের আত্মার স্বরূপ অবিচ্ছাবশতঃ একথা ভুলিয়া গিয়া আমাদের অহং নিজেকে দীন এবং সীমাবদ্ধ মনে করাতে একরূপ হইয়া পড়িয়াছে। তাই যজ্ঞগাবোধকে দূর করিতে হইলে যে সমস্ত অভিঘাতে আমাদের মধ্যে জুগুপ্সা বা সঙ্কোচ আগায় তাহাদিগের সন্মুখীন হইয়া তিত্তিকার দ্বারা তাহাদিগকে জয় করিতে হইবে, তাহা হইলে আমরা একটা সমত্ববোধে পৌঁছিতে পারিব, তখন সকল সংস্পর্শে, হয় আমরা সমভাবে উদাসীন থাকিব অথবা সমভাবে প্রসন্নতা লাভ করিব। যখন স্থখ দুঃখ ভোগ করে যে অহংচেতনা তাহার স্থানে পরমানন্দময় সচ্চিদানন্দচেতনার প্রতিষ্ঠা করিতে পারিব, তখন এই সমত্ববোধ একটা দৃঢ় ভিত্তির উপর দাঁড়াইতে সমর্থ হইবে। সচ্চিদানন্দচেতনা বিশ্ব হইতে সরিয়া গিয়া বিশ্বাতীত হইতে পারে, এই হৃদয় আনন্দের অবস্থায় পৌঁছিবার পথ হইতেছে সব কিছুতে সমান ভাবে উদাসীন থাকা—সে পথ সন্ন্যাসীর। আবার সচ্চিদানন্দচেতনা বিশ্বাতীত হইয়াও বিশ্বাত্মক এবং সার্কর্ভোম হইতে পারে—সবকে আলিঙ্গন করিয়া যে চেতনা সদা বর্তমান আছে, এখানেই তাহাতে পৌঁছিবার পথ হইতেছে সেই সর্বগত সময়স আনন্দে ক্ষুদ্র অহংএর সম্পূর্ণরূপে আত্মসমর্পণ, প্রাচীন বৈদিক ঋষিগণের ছিল এই পথ। কিন্তু স্থখ এবং দুঃখে উদাসীন থাকাই অধ্যাত্মিকতার পথে প্রথম এবং স্বাভাবিক সাধনা এবং সকল অবস্থায় প্রসন্নতাব সাধারণতঃ পরে আসে, স্থখ দুঃখ এবং উপেক্ষাকে আনন্দে রূপান্তর করাও সম্ভব কিন্তু মাহুঘের পক্ষে তাহা সহজ নহে।

পূর্ণ বেদান্তের দৃষ্টিতে জগৎ এইরূপ। নিজের শুদ্ধ আত্মচেতনায় পরমানন্দময় এক অনন্ত অখণ্ড সত্তা তাহার সেই মূল বিশুদ্ধভাবে হইতে চিৎশক্তির বৈচিত্র্যময় নানা লীলায়, প্রকৃতির নানা গতি ও স্পন্দে আত্ম প্রকাশ করেন ইহাই তাহার

মায়া। সম্ভার সে আনন্দ প্রথমে বাহ্য জড় জগতের ভূমিকায় অবচেতনে সমাহিত এবং আত্মসংকৃত, সেখানে একেবারে বাহ্যপ্রকাশ শূন্য, তারপর সেই আনন্দ এক সময়স ভাবের প্রবল উচ্ছ্বাস জাগাইয়া তোলে, তাহাকে তখনও আমরা ইন্দ্রিয়বোধ বলিতে পারি না, তারপর সেই আনন্দ হইতেই অহং এবং মনের উন্মেষ ও পরিণতির সঙ্গে সঙ্গে সুখ দুঃখ এবং ঔদাসীন্ত্যের ত্রিধা প্রকাশ দেখা দেয়। এই তিন ভাবের মূলে রহিয়াছে আকারের মধ্যে চিৎশক্তির সীমাবদ্ধতা, যাহা বিশ্বশক্তির অভিঘাত অনেক সময় বিরোধীরূপে দেখে, তাহার নিজের মান ও আদর্শের সঙ্গে মিলে না বলিয়া তাহার সহিত সামঞ্জস্য রক্ষা করিতে পারে না। অবশেষে নিজ সৃষ্টির মধ্যে সচ্চিদানন্দের সচেতন প্রকাশ হয় তখন তিনি নিজেকে নিজে প্রতিষ্ঠিত হন, সর্বত্র সার্বজনীনতা ও সমস্ত দেখা দেয়, প্রকৃতির উপর প্রভুত্ব স্থাপিত হয়। জগতের মধ্যে প্রকাশের ধারা এই।

তবু যদি প্রশ্ন হয়, তিনি একামেবাষিतीयং, সংস্বরূপ সেই ব্রহ্মের একরূপ গতি ও স্পন্দে আনন্দ কেন, তাহার উত্তর এই যে তাহার অনন্তত্বের মধ্যে সকল সম্ভাবনা নিহিত আছে—তাহার নির্বিকল্প সত্তায় নয়, পরন্তু তাহার রূপান্তরগ্রাহী সত্ত্বতিতে—এই অনন্ত সম্ভাবনার নানা বিচিত্র প্রকাশেই তাহার আনন্দ। সেই অনন্ত সম্ভাবনার মধ্য হইতে একটা সম্ভাবনা ফুটিয়া উঠিয়াছে, আমরা বাহার অংশ সেই জগৎরূপে। এখানে আরম্ভে সচ্চিদানন্দ আত্মগোপন করিয়া বাহা তিনি নহেন যেন তাহার মধ্যে নিজেকে হারাইয়া ফেলিয়াছেন, পরে তাহার স্বরূপের বিরোধী সেই ভাবের মধ্যে যেন নিজেকে আবার তিনি খুঁজিয়া পাইতেছেন। অনন্ত সংস্বরূপ যিনি তিনি দৃশ্যতঃ অসত্তের মধ্যে নিজেকে হারাইয়া ফেলিয়া আবার সাস্ত জীবের আকারে ফুটিয়া উঠিয়াছেন। অনন্তচৈতন্য দৃশ্যতঃ এক বিশাল নির্বিশেষ নিশ্চেতনের মধ্যে নিজেকে হারাইয়া ফেলিয়া তাহা হইতে এক সীমিত বহিষ্কৃত চৈতন্যরূপে ফুটিয়া উঠিয়াছেন; অনন্ত স্বপ্রতিষ্ঠ শক্তি পরমাণুর দৃশ্যতঃ এক নিখাঁতি বা মহাবিশৃঙ্খলতার মধ্যে নিজেকে হারাইয়া ফেলিয়া জগতের অনিশ্চিত ব্যবহাররূপে উন্মিষিত হইয়া উঠিতেছেন। অনন্ত আনন্দ দৃশ্যতঃ অসাড় জড়ের মধ্যে নিজেকে হারাইয়া ফেলিয়া তথা হইতে সুখ দুঃখ ঔদাসীন্ত্য, রাগদ্বেষ ও উপেক্ষার নানা বিরোধী ও বৈষ্মন্য বিচিত্রতার বন্ধারে আবার উন্মিষিত হইয়া উঠিতেছেন; অনন্ত অখণ্ডতা বহুত্বের দৃশ্যতঃ

মহাবিশ্বকলতার মধ্যে নিজেকে হারাওয়া ফেলিয়া বিরোধের মধ্য দিয়া নানা শক্তি ও সম্ভারূপে উন্নিবিষ্ট হইয়া, পরস্পরকে কবলিত করিয়া, গ্রাস করিয়া, জীর্ণ করিয়া যেন সেই অখণ্ডতাকে ফিরিয়া পাইবার চেষ্টা করিতেছেন। এই সৃষ্টির মধ্যে সচ্চিদানন্দকে স্বরূপে উন্নিবিষ্ট ও প্রকাশিত হইতে হইবে। ব্যক্তিসত্তা হইয়াও মানুষকে বিশ্বপুরুষ হইতে হইবে, বিশ্বপুরুষ রূপে বাস করিতে হইবে। তাহার সীমিত মানসচেতনা বিস্তারলাভ করিয়া অতিচেতনার একত্রে পরিণত হইবে— তাহার মধ্যে প্রত্যেকে সকলকে আলিঙ্গন করিয়া নিত্য বর্তমান; তাহার সঙ্গীর্ণ হৃদয় এমন উদারতা লাভ করিবে যে সে অনন্তকে আলিঙ্গন করিতে সমর্থ হইবে এবং তাহার বাসনা ও বিরোধের স্থান অধিকার করিবে, এক সার্বজনীন ভালবাসা; তাহার সঙ্কুচিত প্রাণ সমস্ত বিশ্বের অভিঘাত গ্রহণ করিতে সমর্থ হইয়া সার্বভৌম আনন্দে ভরপুর হইয়া যাইবে; এমন কি তাহার জড় দেহও জানিবে যে সে পৃথক সত্তা নহে, অখণ্ড সর্বগত মহাশক্তির সহিত এক হইয়া তাহাকে ধারণ করিবার সে যোগ্য হইবে। এমনি করিয়া ব্যক্তির মধ্যে একত্ব, সামঞ্জস্য ও সুখ্যাতি উঠিবে, যে সচ্চিদানন্দ সকলের মধ্যে পরম এক তিনিই তাহার সমগ্র প্রকৃতির মধ্য দিয়া আত্মপ্রকাশ করিবেন।

এই সমস্ত খেলার মধ্যে প্রচ্ছন্ন সং বস্তু হইল অখণ্ড এবং সময়স আনন্দ। ব্যক্তিচেতনার যেখানে উন্মেষ নাই সেই অবচেতনার স্থপ্তিতেও এই আনন্দই বর্তমান; ব্যক্তিচেতনাকে কেন্দ্র করিয়া যে বিরোধ, বিচিত্র রূপান্তর, বিকৃতি ও বিপর্যয় চলিতেছে, অর্কচেতন স্বপ্নের সেই ঘন ঘোরের মধ্যেও সেই আনন্দ; আবার যাহাতে ব্যক্তিচেতনা জাগ্রিত হইয়া অখণ্ড সচ্চিদানন্দের সহিত এক হইবে সেই স্বাভাবিক স্বপ্রতিষ্ঠিত অতিচেতনায়ও সেই একই আনন্দ। এই হইল যিনি প্রভু, যিনি এক, যিনি সর্ব, তাহার খেলা, আমাদের নিকট তাহা আত্মপ্রকাশ করে যখন আমরা মুক্তিলাভ করিয়া বিজ্ঞানালোকিত দৃষ্টি লইয়া এই জড় জগতের দিকে দৃষ্টিপাত করি।

## ত্রয়োদশ অধ্যায়

### ভাগবতী মায়া

পরমপুরুষ এবং আত্মশক্তির নামরূপী বিভূতিদের দ্বারা তাহারা জ্যোতির্ময়ী জননীর শক্তিকে আকারে এবং পরিমাণে নিবদ্ধ করিলেন; সেই শক্তির বিচ্ছিন্নবীৰ্য্যে বিভূষিত হইয়া মায়ীরা এই সত্যের মধ্যে রূপ ফুটাইয়া তুলিলেন। (ঋগ্বেদ ৩৩৮।৭)

তাহার মায়ার দ্বারা মায়ীরা সবাইকে রূপ দিলেন; দিব্যদৃষ্টিসম্পন্ন পিতৃগণ যিনি শিশুরূপে জন্মিবেন সেই পুরুষকে গর্ভমধ্যে নিহিত করিলেন। (ঋগ্বেদ ৯।৮৩।৩)

সং বা সত্তা তাহার শুদ্ধ আনন্দের মধ্য হইতে আনন্দেরই শক্তিতে সৃষ্টি ও ক্রিয়া করেন। তিনিই আমাদের স্বরূপ সত্য, আমাদের সকল ভাব ও ভঙ্গীর আত্মা এবং আমাদের সকল ক্রিয়ার, সকল সত্ত্বতির, সকল বিন্দুটির তিনিই আদি কারণ এবং চরম লক্ষ্য। কবি, শিল্পী বা গায়ক, মনীষী বা রাষ্ট্রকর্মী যেমন তাহাদের অন্তরের সামর্থ্যকে মূর্ত করিয়া তুলে, তাহারা সৃষ্টি করে সেইসব, যাহা তাহাদের মধ্যে তাহাদের সহিত এক হইয়া গুপ্তভাবে অবস্থিত ছিল এবং যখন আকারের মধ্যে ফুটিয়া উঠে তখন তাহারাই এ সমস্তরূপে প্রকাশ পায়, জগতের সঙ্গে শাস্ত সত্তার সম্বন্ধও ঠিক এই প্রকার। সকল সৃষ্টি বা সত্ত্বতি এইরূপ একটা আত্মপ্রকাশ ছাড়া আর কিছু নয়। বীজের মধ্যে যাহা নিহিত তাহাই অঙ্কুরিত হইয়া প্রকাশ পায়, বীজের মধ্যে তাহার সত্তা পূর্ব হইতেই বিদ্যমান, যাহা হইয়া উঠিতেছে তাহার ইচ্ছা বা সংবেগও তাহার মধ্যে রহিয়াছে, যে ভাবে প্রকাশ হইবে তাহাও তাহার সত্ত্বতির আনন্দের মধ্যে যেন পূর্ব হইতেই সাজাইয়া গুছাইয়া রাখা আছে। পরিণামে যে জীবাবয়ব (organism) গঠিত হইবে তাহা আগে শক্তিরূপে নিহিত আছে। কারণ

তাহার মধ্যে অবস্থিত আত্মসচেতন অথচ গোপন শক্তি তাহাকে রূপায়িত করিবার অদম্য আকৃতি লইয়া সদা ক্রিয়াশীল। কেবলমাত্র ব্যক্তিচেতনা আপনার মধ্য হইতে কিছু সৃষ্টি করিয়াও তাহাতে তাহার নিজের, যে শক্তি তাহাতে ক্রিয়া করে তাহার এবং যে উপাদান লইয়া সে কর্ষ করে এই তিনের মধ্যে একটা ভেদ দেখে। কিন্তু বস্তুতঃ শক্তি সে নিজেই, যে ব্যক্তিচেতনা তাহার শক্তির সাধন, তাহার সৃষ্টির জন্ত যে উপাদান সে ব্যবহার করে এবং পরিণামে যে আকার গড়িয়া উঠে সে সমস্তই সে নিজে। অল্প ভাষায় এই বলা যায় যে একই সত্তা, একই শক্তি, একই আনন্দ আত্মশক্তি বা আত্মরূপায়ণের নানা বিচিত্র লীলায় সদা রত থাকিয়া বিভিন্ন বিন্দুতে কেন্দ্রীভূত হইয়া প্রত্যেকের ভিতর হইতে যেন বলে ‘এইত আমি’।

সৃষ্টি ও স্রষ্টা এক, এক ছাড়া অন্য কিছু হইতে পারে না; সৃষ্টি স্রষ্টার আত্ম-সত্তা, চিৎশক্তি এবং আনন্দ স্বরূপেরই একটা ছন্দ, একটা খেলা, একটা স্মৃতি বা পরিণতি। তাই জগতে যাহা কিছু ব্যক্ত হয় সে চায় সম্ভূতিরূপে আত্মরূপায়ণ, সংকল্পিতরূপের স্মরণ—চায় সেই রূপের মধ্যে আত্মভাবের উপচয়, প্রকাশ; যে চৈতন্য ও শক্তি তাহাতে অন্তর্নিহিত আছে তাহার অনন্ত ভাবের অল্পভব,—চায় বিকশিত হইয়া উঠিবার আনন্দ, আত্মরূপগ্রহণের আনন্দ, চেতনার ছন্দদোলার আনন্দ, শক্তির খেলার আনন্দ। যে সত্তা, যে চিৎশক্তি, যে আনন্দ তাহার সত্তার গভীরতম প্রদেশে ক্রিয়াশীল তাহার ইচ্ছিতে যে কোন উপায়ে তাহার সম্বন্ধে যে কোন ধারণার আশ্রয়ে, যে কোন দিকে হউক এই আনন্দকে বাড়াইয়া তোলা এবং পূর্ণ করাই তাহার অন্তরের আকৃতি—এই একমাত্র চাওয়া ছাড়া সত্যরূপে সে আর কিছু চায় না।

সৃষ্টির যদি কোন লক্ষ্য থাকে, কোন পূর্ণতালাভের দিকে যদি তাহার গতি বা অব্যক্ত ইচ্ছা থাকে তবে তাহা ব্যষ্টি ও সমষ্টি উভয়ক্ষেত্রেই আত্মসত্তাকে, তাহার চৈতন্য ও শক্তিকে, তাহার আনন্দ স্বভাবকে পরিপূর্ণভাবে ফুটাইয়া তোলা ছাড়া আর কিছু নয়। যতক্ষণ ব্যক্তিচেতনা ব্যক্তিরূপের সংস্কার গতির মধ্যে কেন্দ্রীভূত ততদিন এ পূর্ণতা সম্ভব নয়। সান্ত্বনের মধ্যে পরিপূর্ণ পূর্ণতা কখনও ফুটিতে পারে না, কারণ তাহা সান্ত্বনের আত্মধারণা বা স্বরূপকল্পনার বিরোধী। স্তবরাং শেষ লক্ষ্যে পৌছা তখনই সম্ভব হইবে, ব্যক্তির মধ্যে

অনন্ত চেতনার যখন উন্মেষ ও ক্ষুরণ হইবে। আত্মজ্ঞান এবং আত্মোপলব্ধি দ্বারা যখন সে আপনার স্বরূপ সত্য উপলব্ধি করিবে, তখন সান্ত ভাব নানারূপের মধ্যে প্রকাশের জন্ত যাহার একটা মুখোশ বা যন্ত্রমাত্র, সেই অনন্ত সত্তা অনন্ত চৈতন্য এবং অনন্ত আনন্দের মধ্যে সে তাহার আত্মস্বরূপ পুনরায় লাভ করিবে।

সচ্চিদানন্দ তাহার অমেয় সত্তাকে দেশ ও কালরূপে বিস্তৃত করিয়া যে বিশ্বখেলার কল্পনা করিয়াছেন তাহার রহস্য বুঝিতে গেলে, আমাদেরিগকে প্রথমে বুঝিতে হইবে যে তাহার আত্মচেতনাকে সংবৃত এবং আত্মসমাহিত করিয়া তিনি অনন্ত বিভজ্যমান স্থল জড়ে পরিণত হইয়াছেন, নতুবা সান্ত ভাবের বৈচিত্র্য দেখা দিতে পারে না। দ্বিতীয়তঃ বুঝিতে হইবে যে জড়ের মধ্যে সেই আত্মনিরুদ্ধ শক্তিই রূপময় প্রাণময় ও মনোময় বিগ্রহরূপে ক্ষুরিত হইয়া উঠিয়াছে; অবশেষে বুঝিতে হইবে দেহধারী সেই মনপ্রাণময় সত্তা, যে অখণ্ড অনন্ত জগতের ভিতর খেলা করিতেছেন তাহার সহিত একত্ব অহতবের দ্বারা নিজেকে পূর্ণরূপে উপলব্ধি করিবে, ফলে এখনও তাহার গোপন সত্তায় শাস্ত সত্যরূপে সে নিজে যাহা, সেই অসীম সং চিং ও আনন্দকে সে পুনরায় লাভ করিবে। এই ত্রিধা গতির মধ্যেই সমস্ত বিশ্বরহস্যের একমাত্র মীমাংসা পাওয়া যাইবে।

এইভাবে বেদান্তের প্রাচীন এবং শাস্ত সত্য আধুনিক পরিণামবাদের ব্যবহারিক সত্যকে গ্রহণ ও সমর্থন এবং তাহার সকল উদ্দেশ্য ও অর্থ আমাদের নিকট উদ্ঘাটিত করে। যাহা কালক্রমে ক্রমশঃ উপচিত হইয়া উঠিতেছে প্রাচীন সেই সার্বজনীন সত্যের যৎকিঞ্চিৎ অস্পষ্ট জ্ঞান আধুনিক বিজ্ঞান, জড় ও তাহার শক্তির আলোচনা করিয়া পাইয়াছে, যাহার নাম দেওয়া হইয়াছে ক্রমপরিণতিবাদ। ইহার পূর্ণ অর্থ এবং সমর্থন পাইতে হইলে বেদান্ত শাস্ত্রে আজিও আমাদের জন্ত যে প্রাচীন ও শাস্ত সত্যের আলোক রক্ষিত হইয়াছে সেই আলোক দ্বারা এমতবাদকে আলোকিত করিতে হইবে। প্রাচ্যের প্রাচীন এবং প্রতীচ্যের নবীন জ্ঞানের এই পরস্পরের সহিত পরিচয় ও মিলন হইলে এ জ্ঞানের প্রত্যেকে অপরের আলোকে নিজের স্বরূপ বুঝিতে পারিবে—এই দিকেই জগতের চিন্তার প্রবাহ বহিতে আরম্ভ হইয়াছে।

তথাপি সকল পদার্থ সচ্চিদানন্দ ইহা স্বীকার করিলেও সকল সমস্তার সমাধান

আমরা পাই না। জগতের মূল কি, স্বরূপ সত্য কি তাহা জানিলেও কি করিয়া সেই সত্য এই প্রাতিভাসিক সত্যে পরিণত হইল তাহা এখনও আমরা জানি নাই। সমাধানের চাবি পাওয়া গিয়াছে, কোন্ তালায় এ চাবি ঘুরাইতে হইবে তাহার সন্ধান মিলে নাই। কারণ সচ্চিদানন্দ জগতে ত অনবধানে থাকিয়া কাজ করেন না অথবা ঐজ্জ্বালিকের মত চুড়ান্ত খেয়ালে শুধু মহাবাক্য বা আদেশ দিয়া বিশ্বসৃষ্টি করেন না। একটা পদ্ধতি একটা বিধানের অস্তিত্ব ত আমরা অনুভব করি।

ইহা সত্য যে এই বিধানকে যখন আমরা বিশ্লেষণ করিয়া দেখি তখন তাহা নানা শক্তির খেলার মধ্যে একটা সাম্য ব্যবস্থা—সে খেলা ক্রমপরিণামের ফলে আগত বা অতীতের অভ্যাসে লব্ধ, ঠিক এই কারণেই কতকগুলি ধারার মধ্যে আপনাকে বাঁধিয়া রাখিয়াছে। কিন্তু যতক্ষণ পর্যন্ত আমরা কেবলমাত্র শক্তিকেই দেখি ততক্ষণ এই আপাতপ্রতীয়মান গোণ সত্যই আমাদের চরম জ্ঞান। কিন্তু শক্তিকে যখন সত্তার আত্মপ্রকাশরূপে দেখি তখন আমরা বোধ করিতে বাধ্য হই যে নির্দিষ্ট ধারায় প্রবহমানতার সঙ্গে সেই সত্তার কোন আত্ম-সত্যের সম্বন্ধ আছে, সেই সত্তাই এ শক্তি পরিচালিত করিতেছে, ইহার লক্ষ্য এবং চলিবার পথ নিরূপিত করিতেছে। যেহেতু সে মূল সত্তার প্রকৃতি এবং শক্তি চৈতন্যময়, এই সত্য সেই চিন্ময় সত্তার আত্মবোধ ছাড়া আর কিছু হইতে পারে না। সৃষ্টির মূলস্বরূপ যে আত্ম-প্রকাশেচ্ছা সেই চৈতন্যে প্রথমে জাগিয়াছিল, তাহাকেই উপযুক্ত ধারায় অব্যাহতভাবে প্রবাহিত করিবার জন্ত তাহারই আত্মশক্তিকে এরূপ নির্দিষ্টভাবে চলিতে হইয়াছে। এই শক্তি সে চৈতন্যে অন্তর্স্থিত বা নিহিত ছিল। সুতরাং যে সত্যের বশে বিশ্বপ্রকাশ হইতেছে সেই বিশেষ সত্যের খাঁটি ধারণা এবং সেই সত্যের যথাযথ পথে সৃষ্টির প্রবেগকে নিয়ন্ত্রিত করিবার যে সামর্থ্য সেই অনন্তসত্তার আত্মচৈতন্যে আছে, তাহাই এই নিজ পথনির্ধারক শক্তি।

কিন্তু অনন্ত চৈতন্য এবং ক্রিয়ার পরিণাম বা সৃষ্টির মধ্যস্থলে একটা বিশেষ শক্তি বা বৃত্তি আছে ইহা স্বীকার করিবার প্রয়োজন কি? সেমোটিক (ইহুদীদের) শাস্ত্রে যেমন আছে, ঈশ্বর বলিলেন ‘আলোক হউক’ এবং অমনি আলোক দেখা দিল, তেমনি ভাবে আত্মসংবিৎ স্বাধীনভাবে ইচ্ছামাত্র দ্বারা

সৃষ্টি করিতে এবং যতদিন পর্যন্ত তিনি প্রলয় হওয়ার আদেশ না দেন ততদিন পর্যন্ত সৃষ্টি বজায় রাখিতে কি পারেন না? কিন্তু যখন আমরা বলি “ঈশ্বর বলিলেন আলোক হউক” তখন একথা আমরা ধরিয়া লই যে সে চৈতন্যে এমন একটা শক্তি আছে—যাহা আলোক-নয়-এমন-যাহা-কিছু সে চৈতন্যের মধ্যে আছে তাহার মধ্য হইতে আলোকের জ্ঞানকে বাহিয়া লইয়াছে, আবার যখন বলি “অমনি আলোক দেখা দিল” তখনও একটি নিয়ন্ত্রণক্ষম শক্তিকে স্বীকার করিয়া লই, যাহা প্রথম যে আলোক বোধ জাগিয়াছে তদনুসারে ক্রিয়া করিতে সমর্থ, যাহা আলোক ভিন্ন অল্প অনন্ত-রূপে যে প্রকাশের সম্ভাবনা আছে তাহা দ্বারা অভিভূত হইয়া পড়ে না এবং আলোক প্রকাশ রূপ ঘটনা ঘটাইতে সক্ষম। অনন্ত চেতনা তাহার ক্রিয়া দ্বারা অনন্ত প্রকার পরিণাম প্রকাশ করিতে সমর্থ। সেই অনন্ত পরিণামের মধ্যে একটা নির্দিষ্ট সত্যকে বাহিয়া নেওয়া এবং সেই সত্য অনুসারে একটা জগৎ গড়িয়া তোলার জন্ত জ্ঞানের এমন একটা নির্বাচনী বৃত্তি বা শক্তি চাই, যাহা এইভাবে অনন্ত সত্য হইতে সান্ত প্রতিভাসকে ফুটাইয়া তুলিতে পারে।

বৈদিক ঋষিরা এই শক্তিকে মায়। নামে অভিহিত করিয়াছেন। তাহাদের কাছে ইহা চিৎ সত্তার সেই শক্তি যাহা বিশ্বের আধার ও আশ্রয় এবং যাহা সেই চৈতন্যের অমেয় বিশাল সত্যের মধ্য হইতে পরিমিত করিয়া নামরূপকে ফুটাইয়া তুলে। মায়ার দ্বারা স্বরূপ সত্তার অচল এবং নিষ্ক্রিয় সত্য, সচল ক্রিয়াশীল সত্তার ছন্দময় সত্যরূপে দেখা দেয়, অথবা দার্শনিক ভাষায় বলিতে গেলে, যেখানে সমষ্টি বা সৰ্ব্ব ভেদাত্মক চৈতন্যদ্বারা সীমিত এবং বিভক্ত না হইয়া সৰ্ব্বরূপেই বর্তমান আছে সেই পরম সত্যের মধ্য হইতে সত্তার সঙ্গে সত্তার, চৈতন্যের সঙ্গে চৈতন্যের, শক্তির সঙ্গে শক্তির, আনন্দের সঙ্গে আনন্দের খেলার জন্ত এই মায়ার দ্বারা প্রাতিভাসিক সত্তার স্ফুরণ ও প্রকাশ হয়, যেখানে ব্যষ্টিতে বা প্রতি পদার্থে সৰ্ব্ব বা সমষ্টি এবং সৰ্ব্বের প্রতি পদার্থ বর্তমান থাকে। প্রথমে মনের খেলা বা অপরা মায়ার ভ্রমবশতঃ ব্যষ্টিতে সমষ্টির এবং সমষ্টিতে ব্যষ্টির লীলা আমাদের নিকটে গুপ্ত থাকে। অপরা মায়। ব্যষ্টিতে এই ভাব জাগায়, সে সৰ্ব্বের আছে কিন্তু সৰ্ব্ব তাহাতে নাই, সৰ্ব্বের যে সে আছে তাহাও অপরের সঙ্গে অভেদ ভাবে এক হইয়া নয়, পরন্তু পৃথক বা ভিন্ন রূপে। শেষে কিন্তু এই ভ্রম হইতে আত্মাদিগকে



অতিমানসের খেলায় পরা মায়া'র সত্যে আগিতে হইবে যখন ব্যাট ও সমাট, এক এবং বহু একই সত্যের অবিভাজ্য একত্বরূপে পরস্পর মিলিত হইয়া বাস করিবে। অধুনা বর্তমান ভ্রমোৎপাদক এই নিয়ন্তর মায়াকে প্রথমে মানিয়া লইয়া পরে অতিক্রম করিয়া যাইতে হইবে, কারণ ইহা ভেদ অন্ধকার, সীমা, সংঘর্ষ ও দুঃখের সঙ্গে ঈশ্বরেরই খেলা, এ খেলায় তাঁহার ভিতর হইতে যে শক্তি উদ্গত, তিনি যেন নিজের তাহার অধীন হইয়াছেন এবং তাহার অন্ধতার দ্বারা নিজেকেও যেন অন্ধ হইতে দিয়াছেন। মনের মায়া দ্বারা আমাদের কাছে আবৃত অগ্নি যে পরা মায়া আছে তাহাকেও অতিক্রম করিয়া গিয়া ফিরিয়া আবার তাহাকে আলিঙ্গন করিতে হইবে। কারণ তাহা সত্তার অনন্ত ভাবের মধ্যে জ্ঞান ও শক্তির বিশালতা এবং ঐশ্বর্য্যে অসীম প্রেমের পরম আনন্দে ভগবানেরই খেলা। এ খেলায় তিনি শক্তির হাত হইতে নিজেকে মুক্ত করিয়াও নিজের জ্যোতিতে উদ্ভাসিত সেই শক্তিকে আলিঙ্গন করিয়া যে আকৃতির জগৎ সে শক্তি তাহা হইতে নির্গত হইয়াছিল তাহাই পূর্ণ ও সার্থক করিয়া তোলেন।

চিন্তায় এবং বিশ্বের তত্ত্বে পরা এবং অপরা মায়া'র এই যে বিভেদ আছে দুঃখবাদী বা মায়াবাদীরা তাহা দেখিতে বা মানিতে চাহে না। তাহাদের নিকট মনোময়ী অথবা হয়ত অধিমানসী মায়া জগৎশ্রষ্টা। এই মনোময়ী মায়া দ্বারা সৃষ্ট জগৎ স্বভাবতঃ একটা অনির্বচনীয় প্রহেলিকা, ইহা চিৎসত্তার একটা দৃঢ়প্রতিষ্ঠিত ভাব হইয়াও ভাসমান স্বপ্ন বিকার, যাহাকে ভ্রম অথবা সত্য ইহার কোন কোঠায়ই ফেলা যায় না। আমাদেরকে বুঝিতে হইবে একদিকে পরিচালনা ও সৃষ্টি করিতে সমর্থ প্রজ্ঞা, অপর দিকে কর্ণের জালে আবদ্ধ প্রাকৃত জীব, মন ইহাদের মধ্যবর্তী অবস্থা মাত্র। সচ্চিদানন্দ তাহার নিয়ন্তর গতি ও স্পন্দে জড়ের মধ্যে নিজে আত্মবিস্তৃত হইয়াছেন অর্থাৎ তাঁহার নিজের সৃষ্টির মধ্যে নিজেকে যেন হারাইয়া ফেলিয়াছেন। তিনিই আবার সেই আত্মবিস্তৃতি হইতে নিজের স্বরূপ সত্তাকে ফিরিয়া পাইতে চলিয়াছেন। এই অবতরণ ও উত্তরণে মন তাঁহার যন্ত্রসমূহের অগ্রতম; অবতরণে মন যন্ত্র মাত্র, সে গোপন স্রষ্টা নহে; উত্তরণের পথে অবস্থাস্তর প্রাপ্ত হওয়ার সময়ে ইহা একটা স্তর বা ভূমি—আমাদের মূল উৎপত্তি স্থান অথবা বিশ্বসত্তা যেখানে এক দিন পৌছিবে সে চরম স্থান নহে।

যে সমস্ত দার্শনিক মত একমাত্র মনকেই জগতের স্রষ্টা বলিয়া দেখে অথবা যাহারা একটা মূল তত্ত্ব স্বীকার করে, কিন্তু সেই তত্ত্ব এবং বিশ্বের মধ্যে কেবলমাত্র মনই মধ্যস্থতা করে একরূপ সিদ্ধান্ত যাহাদের, তাহাদিগকে দুইভাগে বিভক্ত করা যায় ; এক ভাগকে বলা যায় ভাবাতিবাদ ( noumenalism ) অপরকে ভাববাদ ( idealism ) । খাঁটি ভাবাতিবাদীর মতে জগৎ হইল মন, চিন্তা বা ভাবনার খেলায়াত্র ; সে জ্ঞান বা ভাব পূর্ণরূপে মন দিয়া গড়া ; সত্তার খাঁটি সত্যের সঙ্গে তাহার কোনরূপ মৌলিক সম্বন্ধ নাই । একরূপ স্বরূপ সত্য যদি কিছু থাকে তবে তাহা জগতের সহিত সম্বন্ধ রহিত ; জগতের সহিত তাহার কোন মিল বা সাম্য থাকা সম্ভব নহে । ভাববাদী পশ্চাতের মূল সত্য এবং সম্বন্ধের প্রতিভাসের ধারণার মধ্যে একটা সম্বন্ধ স্বীকার করে যে সম্বন্ধ কেবলমাত্র বিরোধ ও ব্যাবৃতির সম্বন্ধ নহে । আমি যে মত উপস্থিত করিতেছি তাহা ভাববাদের পথে আরো অগ্রসর হইয়া গিয়াছে । এমত দেখে যে জ্ঞান সৃষ্টি করে তাহা সত্য জ্ঞান অর্থাৎ এ জ্ঞান চৈতন্যের সেই শক্তি যাহা খাঁটি সত্তাকেই প্রকাশ করে, সত্য সত্তা হইতে জাত সেই সত্তার প্রকৃতির ধর্মই তাহাতে বর্তমান—কেবল শূন্য হইতে তাহার জন্ম হয় নাই অথবা সে শুধু মিথ্যার জাল বুনিয়া চলে না । এক চিন্ময় সত্য নিজের মধ্য হইতে তাহার অপরিবর্তনীয় অক্ষয় ও অমর উপাদানেরই পরিবর্তনশীল নানারূপ, নানা আকার ফুটাইয়া তুলিতেছে । সুতরাং জগৎ বিশ্ব-মনের একটা মিথ্যা কল্পনা নহে, কিন্তু যাহা মনের অতীত সচেতনভাবে তাহার নিজ রূপবৈচিত্র্যের মধ্যে জন্ম বা আত্মরূপায়ণ । চিন্ময় সত্তারই এক সত্য এই রূপরাজিকে ধারণ করিয়া রহিয়াছে এবং তাহাদের মধ্যে আত্মপ্রকাশ করিতেছে । এই ভাবে প্রকাশিত সত্যের জ্ঞান, যাহাকে অভিমানস ঋতচিং\* নামে অভিহিত করা যায়, এ সমস্তকে দেহ মন প্রাণের ছাঁচে ঢালিবার পূর্বে এক পূর্ণ সমন্বয় ও সুষমার সত্য ধারণারূপে গড়িয়া তুলিতেছে । মন-প্রাণ-দেহও একটা নিম্নতর চেতনা এবং সেই ঋতচিহ্নের আংশিক প্রকাশ । ইহারা পরিণতির পথে মনের অতীত ক্ষেত্রে যে জ্ঞান নিত্য বর্তমান তাহারই উচ্চতর প্রকাশের

\* ঋতচিং শব্দটি আমি বেদ হইতে নিয়াছি । ইহার অর্থ দেহ চেতনা, সত্তার স্বরূপ সত্য ( সত্য ) তাহার ক্রিয়শীল সত্তার ছন্দোময় সত্য ( ঋতম্ ) এবং সুবিপাল আত্মসংবিৎ ( বৃহৎ ) একীভূত হইয়া যে চেতনাকে সম্বন্ধ করিয়া তুলে ।

অতিমানসের খেলায় পরা মায়া'র সত্যে জাগিতে হইবে যখন ব্যাধি ও সমাধি, এক এবং বহু একই সত্যের অবিভাজ্য একত্বরূপে পরস্পর মিলিত হইয়া বাস করিবে। অধুনা বর্তমান ভ্রমোৎপাদক এই নিম্নতর মায়াকে প্রথমে মানিয়া লইয়া পরে অতিক্রম করিয়া যাইতে হইবে, কারণ ইহা ভেদ অন্ধকার, সীমা, সংঘর্ষ ও দুঃখের সঙ্গে ঈশ্বরেরই খেলা, এ খেলায় তাঁহার ভিতর হইতে যে শক্তি উদ্গত, তিনি যেন নিজের তাহার অধীন হইয়াছেন এবং তাহার অঙ্কতার দ্বারা নিজেকেও যেন অন্ধ হইতে দিয়াছেন। মনের মায়া দ্বারা আমাদের কাছে আবৃত অগ্নি যে পরা মায়া আছে তাহাকেও অতিক্রম করিয়া গিয়া ফিরিয়া আবার তাহাকে আলিঙ্গন করিতে হইবে। কারণ তাহা সত্তার অনন্ত ভাবের মধ্যে জ্ঞান ও শক্তির বিশালতা এবং ঐশ্বর্য্যে অসীম প্রেমের পরম আনন্দে ভগবানেরই খেলা। এ খেলায় তিনি শক্তির হাত হইতে নিজেকে মুক্ত করিয়াও নিজের জ্যোতিতে উদ্ভাসিত সেই শক্তিকে আলিঙ্গন করিয়া যে আকৃতির জগৎ সে শক্তি তাহা হইতে নির্গত হইয়াছিল তাহাই পূর্ণ ও সার্থক করিয়া তোলেন।

চিন্তায় এবং বিশ্বের তত্ত্বে পরা এবং অপরা মায়া'র এই যে বিভেদ আছে দুঃখবাদী বা মায়াবাদীরা তাহা দেখিতে বা মানিতে চাহে না। তাহাদের নিকট মনোময়ী অথবা হ্রত অধিমানসী মায়া জগৎস্রষ্টা। এই মনোময়ী মায়া দ্বারা সৃষ্ট জগৎ স্বভাবতঃ একটা অনির্কটনীয় প্রহেলিকা, ইহা চিৎসত্তার একটা দৃঢ়প্রতিষ্ঠিত ভাব হইয়াও ভাসমান স্বপ্ন বিকার, যাহাকে ভ্রম অথবা সত্য ইহার কোন কোঠায়ই ফেলা যায় না। আমাদের কাছে বুঝিতে হইবে একদিকে পরিচালনা ও সৃষ্টি করিতে সমর্থ প্রজ্ঞা, অপর দিকে কর্মের জালে আবদ্ধ প্রাকৃত জীব, মন ইহাদের মধ্যবর্তী অবস্থা মাত্র। সচ্চিদানন্দ তাহার নিম্নতর গতি ও স্পন্দে জড়ের মধ্যে নিজে আত্মবিস্তৃত হইয়াছেন অর্থাৎ তাঁহার নিজের সৃষ্টির মধ্যে নিজেকে যেন হারাইয়া ফেলিয়াছেন। তিনিই আবার সেই আত্মবিস্তৃতি হইতে নিজের স্বরূপ সত্তাকে ফিরিয়া পাইতে চলিয়াছেন। এই অবতরণ ও উত্তরণে মন তাঁহার যন্ত্রসমূহের অন্ততম; অবতরণে মন যন্ত্র মাত্র, সে গোপন স্রষ্টা নহে; উত্তরণের পথে অবহাস্তর প্রাপ্ত হওয়ার সময়ে ইহা একটা স্তর বা ভূমি—আমাদের মূল উৎপত্তি স্থান অথবা বিশ্বসত্তা যেখানে এক দিন পৌছিতে সে চরম স্থান নহে।

যে সমস্ত দার্শনিক মত একমাত্র মনকেই জগতের স্রষ্টা বলিয়া দেখে অথবা যাহারা একটা মূল তত্ত্ব স্বীকার করে, কিন্তু সেই তত্ত্ব এবং বিশ্বের মধ্যে কেবলমাত্র মনই মধ্যস্থতা করে এক্রপ সিদ্ধান্ত যাহাদের, তাহাদিগকে দুইভাগে বিভক্ত করা যায় ; এক ভাগকে বলা যায় ভাবাতিবাদ ( noumenalism ) অপরকে ভাববাদ ( idealism ) । খাঁটি ভাবাতিবাদীর মতে জগৎ হইল মন, চিন্তা বা ভাবনার খেলায়াত্র ; সে জ্ঞান বা ভাব পূর্ণরূপে মন দিয়া গড়া ; সত্তার খাঁটি সত্যের সঙ্গে তাহার কোনরূপ মৌলিক সম্বন্ধ নাই । এক্রপ স্বরূপ সত্য যদি কিছু থাকে তবে তাহা জগতের সহিত সম্বন্ধ রহিত ; জগতের সহিত তাহার কোন মিল বা সাম্য থাকা সম্ভব নহে । ভাববাদী পশ্চাতের মূল সত্য এবং সম্মুখের প্রতিভাসের ধারণার মধ্যে একটা সম্বন্ধ স্বীকার করে যে সম্বন্ধ কেবলমাত্র বিরোধ ও ব্যাবৃতির সম্বন্ধ নহে । আমি যে মত উপস্থিত করিতেছি তাহা ভাববাদের পথে আরো অগ্রসর হইয়া গিয়াছে । এমত দেখে যে জ্ঞান সৃষ্টি করে তাহা সত্য জ্ঞান অর্থাৎ এ জ্ঞান চৈতন্যের সেই শক্তি যাহা খাঁটি সত্তাকেই প্রকাশ করে, সত্য সত্তা হইতে জাত সেই সত্তার প্রকৃতির ধর্মই তাহাতে বর্তমান—কেবল শূন্য হইতে তাহার জন্ম হয় নাই অথবা সে শুধু মিথ্যার জাল বুনিয়া চলে না । এক চিন্ময় সত্য নিজের মধ্য হইতে তাহার অপরিবর্তনীয় অক্ষয় ও অমর উপাদানেরই পরিবর্তনশীল নানারূপ, নানা আকার ফুটাইয়া তুলিতেছে । সুতরাং জগৎ বিশ্ব-মনের একটা মিথ্যা কল্পনা নহে, কিন্তু যাহা মনের অতীত সচেতনভাবে তাহার নিজ রূপবৈচিত্র্যের মধ্যে জন্ম বা আত্মরূপায়ণ । চিন্ময় সত্তারই এক সত্য এই রূপরাজিকে ধারণ করিয়া রহিয়াছে এবং তাহাদের মধ্যে আত্মপ্রকাশ করিতেছে । এই ভাবে প্রকাশিত সত্যের জ্ঞান, যাহাকে অতিমানস ঋতচিং\* নামে অভিহিত করা যায়, এ সমস্তকে দেহ মন প্রাণের ছাঁচে ঢালিবার পূর্বে এক পূর্ণ সমষ্টি ও স্রষ্টার সত্য ধারণারূপে গড়িয়া তুলিতেছে । মন-প্রাণ-দেহও একটা নিম্নতর চেতনা এবং সেই ঋতচিহ্নের আংশিক প্রকাশ । ইহারা পরিণতির পথে মনের অতীত ক্ষেত্রে যে জ্ঞান নিত্য বর্তমান তাহারই উচ্চতর প্রকাশের

\* ঋতচিং শব্দটি আমি বেদ হইতে নিয়াছি । ইহার অর্থদেই চেতনা, সত্তার স্বরূপ সত্য ( সত্য ) তাহার ক্রিয়শীল সত্তার ছলোময় সত্য ( স্বভাব ) এবং সুবিশাল আত্মসংবিৎ ( বৃহৎ ) একীভূত হইয়া যে চৈতন্যকে সত্ত্ব করিয়া তুলে ।

ছন্দে গঠিত হইয়া উঠিতে চেষ্টা করিতেছে। এই নিম্নতর চেতনার পক্ষে মনের অতীত সেই অতিমানসই আদর্শ, তাহাতে পৌঁছিতে, তাহার ভাবে বিভাবিত হইতে, এ চৈতন্য তাহার নিজের বিধানের মধ্য দিয়া সাধনা করিতেছে।

উত্তরণের পথের দৃষ্টি দিয়া আমরা বলিতে পারি যাহা কিছু বর্তমান আছে তাহার পশ্চাতে পরমসত্য রহিয়াছে। অতিমানসের মধ্য ভূমিতে নিজ সত্যের ছন্দস্বমার মধ্যে তাহার আত্মপ্রকাশ হয়; সেই অতিমানস বা বিজ্ঞানই তাহার সচেতন সত্তা হইতে নানা বৈচিত্র্যপূর্ণ প্রাতিভাসিক জগৎ বিচ্ছুরিত করিতেছে। ফলে এই প্রতিভাসের একটা অবশ্যজ্ঞাবী আকর্ষণ রহিয়াছে তাহার স্বরূপসত্তার দিকে; তাই হয় প্রচণ্ড উৎক্রান্তি দ্বারা অথবা যে অতিমানস হইতে সে জাত হইয়াছে, তাহার মধ্য দিয়া সহজ ও স্বাভাবিকভাবে অগ্রসর হইয়া অবশেষে অখণ্ডরূপে তাহাকে পুনরায় লাভ করিতে সে চেষ্টা করে। মন দিয়া দেখিলে মানসসত্তার সত্য কেন যে অপূর্ণ বোধ হয়, কেন তাহার অতীত পূর্ণতা বা বিজ্ঞানলোকের গোপন ছন্দস্বমার দিকে তাহার সহজাত অভীশা রহিয়াছে এবং কেন বিজ্ঞানময় ভূমিরও অতীত বিশ্বাতীত পরমপুরুষের প্রতি তাহার একটা ঐকান্তিক আকুলতা ও আকৃতি আছে, এ সমস্ত ইহাতে বুঝা যায়। আমাদের চেতনার সকল অবস্থা, সমগ্র প্রকৃতি এবং সমস্ত প্রয়োজনের মূলে রহিয়াছে—পরমসত্য, বিজ্ঞান ও প্রতিভাস এই ত্রয়ী। নিখাদ সত্য এবং নিছক প্রতিভাসের দ্বৈতের মধ্যে যে একান্ত বিরোধ আছে, তাহাও এইভাবে দেখিলে নিরাকৃত হয়।

বিশ্বরহস্য নিরূপণের পক্ষে শুধু মনের তত্ত্ব যথেষ্ট নয়। অনন্তচৈতন্যকে প্রথমে অসীম জ্ঞানবৃত্তিরূপে প্রকাশিত হইতে হইবে, আমাদের দিক দিয়া ইহাকে সর্বজ্ঞতা বলে। কিন্তু মন ত জ্ঞানের বৃত্তি বা সর্বজ্ঞতার যন্ত্র নয়, মন জিজ্ঞাসার বা জ্ঞানকে খুঁজিবার বৃত্তি; প্রাতিভাসিক জ্ঞানের যতটুকু সে লাভ করিতে পারে তাহা প্রকাশ এবং কোন কর্মশক্তির অল্পকূলে তাহা ব্যবহার করাই তাহার ধর্ম; এমন কি যাহা সে লাভ করে তাহার উপরেও তাহার পূর্ণ প্রভুত্ব থাকে না। স্মৃতির ধনাগারে সে যাহা জমা রাখে তাহা সত্যের কতগুলি চলতি মূদ্রামাত্র, খাটি সত্য নহে এবং তাহাই তাহার প্রয়োজনের সময় সে বাহির করিয়া আনে। বস্তুতঃ মন জানে না, জানিতে চায় মাত্র। যাহা সে

জানে তাহা দর্পণে দৃষ্ট অস্পষ্ট প্রতিবিম্বের মত, পূর্ণ সত্য নহে। ব্যবহারিক ক্ষেত্রে বিশেষ কার্যের জন্য বিশ্বস্ততার সত্যকে আংশিকভাবে গ্রহণ করিবার শক্তি মাত্র তাহার আছে, যাহা জগৎকে জানে এবং পরিচালনা করে ইহা সে শক্তি নহে, সুতরাং ইহা বিশ্বশক্তি বা বিশ্বপ্রকাশের শক্তি হইতে পারে না।

আমাদের মনের যে সমস্ত সঙ্কীর্ণতা এবং সীমা আছে তাহা হইতে মুক্ত এক অনন্ত মনকে কি বিশ্বশ্রুতি বলিয়া কল্পনা করা যায় না? কিন্তু এরূপ অনন্ত মন আমরা মনকে যে সংজ্ঞা দ্বারা নির্দেশ করি তাহা হইতে সম্পূর্ণ ভিন্ন অস্ত্র কোন পদার্থ, তাহা হইবে মনের অতীত কিছু বা অতিমানস সত্য। আমরা যে প্রাকৃত মনকে জানি, তাহার প্রকৃতি রাখিয়া তাহাকে অনন্তগুণিত করিয়া যদি অনন্ত মন কল্পনা করি, তবে তাহা হইতে এক অনন্ত বিশৃঙ্খলার সৃষ্টিই শুধু হইতে পারে; সেখানে অনিয়ম এবং আকস্মিক ঘটনার বিপুল সংঘাত চলিবে, এমন পরিবর্তন বা পরিণাম আসিবে যাহার থাকিবে না কোন সুনির্দিষ্ট লক্ষ্য, যাহা হইবে অন্ধকারের মধ্যে উদ্ভাস্ত আকুলতা লইয়া হাতড়াইয়া বেড়ান। পক্ষান্তরে এক অনন্ত সর্বজ্ঞ এবং সর্বশক্তিয়ুক্ত মনকে মন বলা চলে না, তাহাই অতিমানস জ্ঞান।

যে মনকে আমরা জানি তাহা দর্পণের মত সত্যের বা তথ্যের প্রতিরূপ বা ছায়া প্রকাশ করে কিন্তু সে সত্য বা তথ্য তাহার বাহিরে অবস্থিত অথবা অন্ততঃ পক্ষে তদপেক্ষা বৃহত্তর। যে ঘটনা ঘটয়াছে বা ঘটতেছে মন প্রতি-মূহুর্তে নিজের মধ্যে তাহার প্রতিরূপ গড়িয়া তুলে। ইহা ছাড়া যাহা ঘটে নাই অথচ ঘটতে পারে এরূপ সম্ভাবনার প্রতিরূপ গড়িবার শক্তিও মনের আছে। কিন্তু এখানে লক্ষ্য করিবার বিষয় এই যে, অতীত ও বর্তমানের নিশ্চিত পুনরাবৃত্তি যাহা নয়, ভবিষ্যতে তাহা নিশ্চিত কিভাবে ঘটবে তাহা সে বলিতে পারে না। যাহা হইয়াছে এবং যাহা হইতে পারে এ দুটির সমন্বয় ও সমাহারে নূতন কোন রূপায়ণ হইবে এ সম্বন্ধে ভবিষ্যদ্বাণী দিবার সামর্থ্যও মনের আছে। এখানেও দেখা যায় যে কোন কোন ক্ষেত্রে সে বাণী অল্পবিস্তর সার্থক হয়, আবার কখনও বা ঐক্যবारे ব্যর্থ হয় কিন্তু সাধারণতঃ দেখা যায় কল্পনায় সে যে রূপ গড়িয়াছিল বাস্তবে তাহা অন্তরূপে দেখা দিল, যে আশা বা উদ্দেশ্য সে পোষণ করিয়াছিল তৎস্থানে অস্ত্র কোন উদ্দেশ্য সিদ্ধ হইল।

এই প্রকৃতির এক অনন্ত মন যদিই বা দৈবক্রমে এক জগৎ সৃষ্টি করিয়া বসে, তবে তাহা হইবে বিরুদ্ধ সম্ভাবনার সংঘাতে সৃষ্ট অনিয়ত সদাপরিবর্তনশীল, ক্ষণস্থায়ী জগৎ, সর্বদা অনিশ্চয়তার শ্রোতে তাহা ভাসিয়া চলিবে, তাহা হইবে এমন, যাহাকে সং বলা চলে না অসংও বলা চলে না। কোন উচ্চতর জ্ঞানময় পরিচালকশক্তি না থাকাত্তে তাহার কোন নির্দিষ্ট লক্ষ্য বা গন্তব্যস্থান থাকিবে না—থাকিবে শুধু ক্ষণিক উদ্দেশ্যের অন্তহীন পরম্পরা যাহার ফলে সে কোন সার্থকতায় পৌছিতে পারিবে না। এরূপ শুদ্ধ ভাবাতিবাদের (noumenalism) জ্ঞানশাস্ত্রসম্মত পরিণতি শূন্যবাদ, মায়াবাদ বা তজ্জাতীয় কোন দর্শনে। এ দর্শনে জগৎকে যাহা সে নয় এমন একটা কিছুই অল্পভব বা প্রতিবিম্ব বলিয়া বোধ হইবে, আবার তাহা হইবে সর্বদা এবং শেষ পর্যন্ত মিথ্যা অল্পভব অথবা বিকৃত প্রতিবিম্ব। ইহাতে সমস্ত জগৎ সত্তা হইবে একটা মন যাহা নিজের কল্পনাকে পূর্ণরূপে ফুটাইয়া তুলিবার জন্য বিপুল কিন্তু বিকল চেষ্টা করিতেছে, কারণ স্বরূপ সত্যের কোন দৃঢ় ভিত্তি তাহার কল্পনার পিছনে নাই, তাহার অতীত শক্তির প্রবাহদ্বারা অভিভূত হইয়া সে চালিত হয় এবং যতদিন পর্যন্ত আত্মহত্যা করিতে বা শাস্ত নৈঃশব্দের মধ্যে ডুবিয়া যাইতে না পারে, ততদিন পর্যন্ত সে অনির্দেশ্যভাবে পরিচালিত হইবে অথচ কোন সার্থকতায় পৌছিতে পারিবে না। ইহাই ত মূলতঃ শূন্যবাদ বা মায়াবাদ। যদি মানুষের মনন-শক্তি অথবা তজ্জাতীয় কিছু উচ্চতম বিশ্বশক্তি হয় এবং তাহাই বিশ্ব কল্পনার মূলে রহিয়াছে ইহা ধরা হয় তবে শূন্যবাদ বা মায়াবাদ হইবে আমাদের তত্ত্ব-জিজ্ঞাসার একমাত্র চরম পরিণতি।

কিন্তু যে মুহূর্ত্তে আমরা প্রাকৃত মনঃশক্তি অপেক্ষা উচ্চতর এক মূল জ্ঞানময় শক্তির সাক্ষাৎ পাই তখনই বিশ্বতত্ত্বের এ ধারণা অসম্পূর্ণ এবং অসিদ্ধ হইয়া পড়ে। এ মতের ভিতরে কিছু সত্য আছে বটে কিন্তু সমগ্র সত্য নাই। আপাতদৃষ্টিতে জগৎকে যাহা দেখা যায় তাহার রীতি বা বিধান ইহা হইতে পারে কিন্তু মূল সত্য বা চরম তত্ত্ব ইহা নহে। কারণ আমরা অল্পভব করি মন প্রাণ দেহের ক্রিয়ার পিছনে এমন কিছু আছে যাহা এই শক্তির আলিঙ্গনে ধরা দেয় নাই বরং তাহাই এ প্রবাহকে ধারণ করিয়া রহিয়াছে, নিয়ন্ত্রিত করিতেছে। সে-কিছু জগতে জ্ঞাত হয় নাই বা জগতের অর্থ খুঁজিয়া বেড়াইতেছে

না, পরন্তু তাহাই নিজের সত্তার মধ্যে জগৎ সৃষ্টি করিয়াছে, জগতের সকল তত্ত্ব ও তথ্য সে পূর্ণরূপে জানে। যাহার উপর নিজের কোন প্রভুত্ব নাই এরূপ এক অতীতশক্তির তরঙ্গে অসহায় ভাবে ভাসিয়া চলিবার সময় নিজের মধ্য হইতে নিজ হইতে পৃথক কিছু গড়িবার নিত্য চেষ্টায় সে ব্যাপৃত নয়, পরন্তু তাহার নিজ চৈতন্তে তাহার নিজেরই যে পূর্ণরূপ আছে তাহাই এখানে ক্রমশঃ ফুটাইয়া তুলিতেছে। বস্তুতঃ জগৎ এক পূর্বদৃষ্ট সত্যের প্রকাশ, ভবিষ্যতে যাহা ঘটিবে তাহা পূর্ব হইতে নিয়ন্ত্রিত করিতে পারে এমন এক ইচ্ছা শক্তি দ্বারা ইহা পরিচালিত, ইহার মধ্যে আত্মদৃষ্টিগত এক মূল রূপ ও ভাব ফুটিয়া উঠিতেছে— এ জগৎ দিব্য সৃষ্টির ক্রমবর্ধমান প্রতিকরূপ।

যতক্ষণ আমরা প্রাকৃত মনের মধ্য দিয়া ক্রিয়া করি, প্রতিভাস দ্বারা পরিচালিত হই, ততক্ষণ সর্বাঙ্গীত সর্বাধার অথচ নিত্য সর্বগত এই-কিছুকে আমরা জানি শুধু অজ্ঞানে; কখনও বা আভাসে পাই তাহার অস্তিত্বের অস্পষ্ট অলুভব। সংসারচক্রে পরিণতি ও বৃদ্ধির একটা বিধান দেখিতে পাই, তাহা হইতে অজ্ঞান করি যে কোথাও পূর্বজাত সত্যস্বরূপ কিছু আছে তাহাই ক্রমবর্ধমান পূর্ণতাতে ফুটিয়া উঠিতেছে। কারণ সর্বজ্ঞই দেখা যায় আত্মসত্তা ঋত বা বিধানের মূলভিত্তি; যখন আমরা প্রকাশের দ্বারা মূল সত্যে অজ্ঞপ্রবিষ্ট হই তখন দেখিতে পাই যে এক স্বভাবসিদ্ধ জ্ঞানই বিশ্ববিধানরূপে প্রকাশ পাইতেছে। যে সত্তা নিজেকে নিজে প্রকাশ করিতেছে তাহাতেই এজ্ঞান অন্তর্নিহিত ছিল, সত্তার স্বপ্রকাশের শক্তি দ্বারা ইহা উপলব্ধিত হয়। জ্ঞান দ্বারা পরিণত ও বর্দ্ধিত এই বিধান নির্দেশ করে যে এক দিব্য দৃষ্টির পুরোভাগে যে লক্ষ্য আছে, সেই লক্ষ্যের দিকেই ঋতের প্রগতি। আরও দেখি যে মননের শ্রোতে আমরা অসহায় ভাবে ভাসিয়া চলি তাহা হইতে স্কুরিত হইয়া বিচার বুদ্ধিই সে স্রোতকে নিয়ন্ত্রিত করিতে চায়। কিন্তু বস্তুতঃ সে বুদ্ধি মনের অতীত এক বৃহত্তর চেতনার বার্তাবাহ, প্রতিভূ বা ছায়ামাত্র; সে চেতনাকে বিচার করিয়া জ্ঞান লাভ করিতে হয় না, কেননা সে চেতনা সর্বময়, যাহা কিছু আছে তাহার সকলই সে জানে। ইহা হইতে আমরা অজ্ঞান করিতে পারি বুদ্ধি যাহা হইতে জ্ঞাত হইয়াছে সেই জ্ঞান বা চেতনাই বিশ্বে ঋত বা বিধান রূপে ক্রিয়া



করিতেছে। এই জ্ঞান নিজেই অকূঠ ভাবে নিজের বিধান (law) নিরূপিত করে, কারণ কি ছিল, কি আছে এবং কি হইবে ইহার সকল সে জানে—জানে কেননা ইহা নিত্য বর্তমান আছে এবং নিজেকে জানাই ইহার ধর্ম। সংস্করণ যিনি তিনি অনন্তচৈতন্যস্বরূপ, যিনি অনন্তচৈতন্য তিনি সর্বশক্তিমান—তিনি যখন তাহার চেতনার বিষয়রূপে জগৎ সৃষ্টি করেন, অর্থাৎ নিজেকেই এক ছন্দ সুবন্দায় প্রকাশ করেন, তখন তিনিই জগৎ সত্তারূপে মননের নিকট ধরা দিবার উপযোগী হইয়া উঠেন, এ সত্তা নিজের সত্যকে জানেন এবং যাহা জানেন তাহাই রূপে রূপে ফুটাইয়া তুলেন।

কিন্তু যখন আমরা বিচার বুদ্ধি ছাড়িয়া যেখানে মনের সকল ক্রিয়া থামিয়া যায় আমাদের অন্তরের সেই গভীরে প্রবেশ করি, তখন আমাদের মনের চিরাভ্যন্ত সংস্কার ও সীমার জন্ত যতই অসম্পূর্ণ ভাবে হউক না কেন, এই অজ্ঞ চেতনার খাটি প্রকাশ আমাদের নিকট হইতে পারে। তখন বুদ্ধির ক্ষীণ ও চঞ্চল আলোকে অস্পষ্ট ও অনিশ্চিত ভাবে যাহার পরিচয় পাইয়াছিলাম এই অবস্থার ক্রমবর্ধমান আলোকে তাহাকে নিশ্চিতরূপে জানিতে পারি। তখন মন ও বুদ্ধির অতীতক্ষেত্রে আশ্চর্য্যোত্তির বিশাল আলোকে এই ঋতন্তরা প্রজাকে সিংহাসনে সমাসীন দেখিতে পাই।

## চতুর্দশ অধ্যায় অতিমানস—স্রষ্টারূপে

সকল পদার্থই দিব্য জ্ঞানের নিজ মধ্য হইতে পরিস্ফুট রূপ ।  
বিষ্ণুপুরাণ ( ২।১২।৩২ )

অতএব সেই স্বপ্রতিষ্ঠ এক এবং বহুত্বের এই প্রবাহের মধ্যে, দুই এর অন্তর্কর্ত্তী শক্তি এবং সত্তা রূপে মনের অতীত ইচ্ছা ও জ্ঞানের এক সক্রিয় তত্ত্ব আছে—সেই তত্ত্বই বিশ্বসৃষ্টি করিয়াছে। এতদ্ব্যতীত আমাদের একেবারে অনাস্থ্যীয় নয়, ইহা হইতে আমরা যে এক বিচিত্র উপায়ে জন্ম মৃত্যুর এই খেলার মধ্যে নিষ্কিপ্ত হইয়াছি তাহা নয়; যাহা আমাদের বর্জন করিয়াছে এবং যাহাতে ফিরিয়া যাইবার আর কোন উপায় বা সামর্থ্য আমাদের নাই সেরূপ কোন সংপুরুষ অথবা আমাদের সম্পূর্ণ বিজাতীয় কোন অস্তিত্বের মধ্যে একান্ত ভাবে অবস্থিত স্তবরাং আমাদের সহিত যোগাযোগপরিশূন্য তত্ত্ব ইহা নহে। মনে হয় বটে ইহার স্থান আমাদের বহু উচ্চে তথাপি সে উচ্চতা আমাদের আত্মসত্তারই উচ্চতা এবং সেখানে পৌছান আমাদের পক্ষে অসম্ভব নহে। কেবল অহুমান বা আভ্যাসেই যে তাহাকে জানিতে পারি এমন নহে। তাহাকে অপরোক্ষ ভাবে অনুভব করিতেও পারি। ক্রমিক আত্মপ্রসারণে অথবা যাহার স্বাভাবিক অমর হইয়া থাকে, আমাদের জীবনের এমন কোন শুভ মুহূর্ত্তে, আত্মজ্যোতির অতিক্রান্ত উদ্ভাসে, আমাদের সত্তাকে অতিক্রম করিয়া সেই শিখর দেশে আমরা আরোহণ করিতে পারি অথবা সেই বৃহত্তম অতিমানস অস্তিত্বের মধ্যে প্রহরের পর প্রহর, দিনের পর দিন, বাস করিতে পারি। যখন আমরা আবার তথা হইতে অবতরণ করি, তখন সেখানে যাওয়া আসার দরজা সর্বদা খোলা রাখিতে পারি অথবা যদিও সে দরজা সতত বন্ধ হইতে চায় তবু তাহা পুনরায় খুলিবার শক্তি ও উপায় আমরা হারাই না। যে

মানুষ আত্মবিলোপ না চাহিয়া নিজের পরিপূর্ণতম সত্তায় পৌঁছিতে চায় তাহার পরিণতির শেষ ও উচ্চতম শিখরে সৃষ্ট জীব এবং স্রষ্টা শিবের এই পরমধামে স্থায়ীভাবে বাস করা তাহার জীবনের চরম সার্থকতা। কারণ আমরা দেখিয়াছি ইহাই জগতের মূলীভূত বিজ্ঞান এবং জগতে ক্রমশঃ আত্মবিকাশের ধারা ধরিয়া মানুষ যে চরম সম্বন্ধ ও সত্যে পুনরায় পৌঁছিতে তাহাও এই। এখানে পৌঁছাই তাহার বিধিনির্দিষ্ট বিধান।

তথাপি এই অবস্থার খবর মানুষের মন বা বুদ্ধির নিকট এখন কেহ পৌঁছাইয়া দিতে পারে কিনা, এরূপ পৌছান আরো সম্ভব কিনা, অথবা কোন উপায়ে ইহার দিব্য বীর্ঘ মানুষের জ্ঞান ও কর্মে সঞ্চারিত করিয়া তাহাকে উপরে তুলিতে পারা যায় কিনা—এ সন্দেহ জাগে; মানুষের জীবন ও কর্মে এই দিব্য রক্তির ক্ষুরণ অতি বিরল এবং সন্দেহসঙ্কুল; যাহা যাচাই করিয়া দেখা যায় প্রাকৃত মানুষের সেই অভিজ্ঞতা ও জ্ঞান হইতে এ রক্তির ক্রিয়া বহু দূরে ভিন্ন ভাবে অবস্থিত; এই কারণে সংশয় আসে, তাহা ছাড়া ভগবদ্ভাবে বিভাবিত অতিমানস এবং মানুষের প্রাকৃত মনের ধর্ম বা প্রকৃতি এবং ক্রিয়াতে আপাতপ্রতীয়মান বিরোধ অতি প্রবল বলিয়া সংশয় আরও ঘনীভূত হইয়া পড়ে।

একথা ঠিক যে এই চৈতন্তের সঙ্গে মনের কোন সম্বন্ধ বা মনোময় পুরুষের সহিত কোথাও কোন একাত্মতা বা সাযুজ্য যদি না থাকিত, তবে মানুষের কাছে ইহার বিবরণ দেওয়া অসম্ভব হইত; অথবা আপন প্রকৃতিতে ইহা সক্রিয় প্রজ্ঞাশক্তি না হইয়া যদি শুধু প্রজ্ঞা দৃষ্টি মাত্র হইত, তাহা হইলে ইহার সংস্পর্শে আসিয়া মানুষ দিব্য কল্যাণপ্রদ মনের আলোক পাইত বটে কিন্তু সে সংস্পর্শ হইতে জগতে তাহার কর্মের ক্ষেত্রে কোন বৃহত্তর আলোক-রশ্মি পড়িত না বা মহত্তর শক্তিলাভ ঘটিত না। এই চেতনাই জগৎস্রষ্টা বলিয়া ইহা শুধু প্রজ্ঞাময় একটা স্থিতির অবস্থা মাত্র হইতে পারে না, পরন্তু ইহা জ্ঞানময় সক্রিয় শক্তিও বটে, ইহা কর্ম এবং শক্তিরও ইচ্ছাশক্তি, শুধু আলোক এবং দিব্যদৃষ্টির নয়। মধ্যবর্তিনী এই পরাচেতনার বা এই আত্মাশক্তির আত্মসঙ্কোচনী ক্রিয়ার ফলে ইহারই মধ্য হইতে জাত হইয়াছে বলিয়া, বিপরীত ধারা ধরিয়া আত্মপ্রসারণ দ্বারা মন আবার কিরিয়া গিয়া

এ চেতনাত্তে সন্নিহিত হইতে পারে। কারণ বাহ্য আকারে এবং ক্রিয়া পদ্ধতিতে বড়ই বিভিন্ন এমন কি বিপরীত বোধ হউক না কেন, স্বরূপে সে সমস্ত অতিমানসের সহিত এক এবং তাহার মধ্যে অতিমানস, সম্ভাবনারূপে সঙ্গী বর্তমান আছে। তাই বুদ্ধির দিক হইতে কোথায় মিল আছে এবং কোথায় নাই, তাহারই ভাষায় তাহা পর্য্যালোচনা করিয়া অতিমানসের কিছু ধারণা করিতে চেষ্টা করা অর্থোক্তিক বা নিরর্থক নহে। যে ভাবে ও ভাষায় বিবৃতি দেওয়া হইবে, তাহা অপৰ্য্যাপ্ত হইতে বাধ্য, তথাপি যে পথে হয়ত আমাদিগকে চলিতে হইবে, অন্ততঃ পক্ষে তাহার কিছুদূর পর্য্যন্ত তাহার জ্যোতির্ময় অঙ্গুলিসঙ্কেতে আমাদিগকে দেখাইয়া দিতে পারে। তাহা ছাড়া, মন কখনও কখনও চৈতন্ত্যের এমন উচ্চভূমিতে উঠিতে পারে যেখানে অতিমানস-চেতনার কিছু আলোক পড়ে, কিছু শক্তি প্রকাশ পায়—সেই আলোক পাইয়া, বোধি দ্বারা অথবা সাক্ষাৎ স্পর্শ ও অভিজ্ঞতা দ্বারা অতিমানসের কিছু জ্ঞান তাহার অধিগত হইতে পারে; কিন্তু অতিমানসে স্থিত হইয়া তাহার আলোকে দেখা বা তাহার শক্তিতে কাজ করা যে পরম বিজয় বা সিদ্ধি, তাহা লাভ করা মানুষের পক্ষে আজিও সম্ভব হয় নাই।

এইরূপে প্রজ্ঞার ভূমি আমরা আজিও সম্যক্ আবিষ্কার করিতে পারি নাই, ইহার সম্বন্ধে কোন আলোক বা কোন ধবর অতীতকালের কোথাও পাওয়া পাওয়া যায় কিনা ইহা আমরা জানিতে চাহিতে পারি। এ ভূমির একটা নাম আমরা চাই, এমন একটা অবস্থা চাই যেখান হইতে ইহাকে খুঁজিবার পথে আমরা যাত্রারম্ভ করিতে পারি। চৈতন্ত্যের এই অবস্থাকে আমরা অতিমানস নামে অভিহিত করিয়াছি; কিন্তু শব্দটি দ্ব্যর্থ-বোধক, ইহার এক অর্থ হইতে পারে প্রাকৃত মনেরই অতিবিক্তিত সংস্করণ, সাধারণ মন হইতে তাহা অনেক উপরে উঠিয়াছে বটে কিন্তু তাহার কোন আমূল পরিবর্তন হয় নাই; আর এক অর্থ হয় এই যে ইহা প্রাকৃত মনের অতীত যাহা কিছু তাহার সব; তখন অর্থের অতিব্যাপ্তিতে অনির্বচনীয় পরমতত্ত্বও ইহার মধ্যে আসিয়া পড়ে, তাই খাটিভাবে অর্থ-নির্দেশ করিবার জন্ত, প্রত্যক্ষ বিবরণ দিতে না পারিলেও, গোপ ভাবে ইহার কিছু বিবৃতি দেওয়া প্রয়োজন।

গূঢ়ার্শ্পূর্ণ-ঐবদিকমন্ত্র এখানে আমাদিগকে সহায়তা করে, বেদে দিয়া আমরা অতিমানসের বার্তা আছে যদিও প্রচ্ছন্নভাবে, তথাপি সে আবরণের অন্তরাল

হইতে বিহ্যৎবলকের মত তাহার আলোকরশ্মির সাক্ষাৎ মিলিতে পারে ; এই সমস্ত বাণীর মধ্যে আমাদের প্রাকৃত চিদাকাশের ওপারে বৃহৎ প্রসাররূপে অতিমানসের একটা ধারণা রহিয়াছে দেখিতে পাই ; অতিমানসে সত্তার সত্য এবং যাহা কিছু সে সত্যকে প্রকাশ করে তাহা পরম জ্ঞানজ্যোতির মধ্যে এক হইয়া আছে ; ইহাই সকল দৃষ্টির, রূপায়ণের বিধি ব্যবহার, সকল বাক্য, ক্রিয়া এবং গতির সত্যতা অনিবার্যরূপে নির্দিষ্ট ও প্রতিষ্ঠিত করে, সুতরাং গতির ক্রিয়ার প্রকাশের ফল এবং অমোঘ নিয়ম বা বিধানকেও নিশ্চিতরূপে নিয়ন্ত্রিত করে। বৃহৎ সৰ্বব্যাপিত্ব, আর সেই বৃহত্তের মধ্যে অস্পষ্ট বিশৃঙ্খলা (chaos) বা আত্মহারা অন্ধকার নয়, পরন্তু জ্যোতির্ময় সত্য ও ছন্দস্বৰূপা, বিধির ও ক্রিয়ার সত্য এবং সেই জ্ঞান যাহা সত্তার স্তম্ভসমূহ সত্যের প্রকাশ—ইহাই অতিমানস সম্বন্ধে বৈদিক বিবৃতির মূল কথা কয়েকটি। দেবতার তাহাদের উচ্চতম গোপন সত্য এই অতিমানসের শক্তি ; ইহা হইতে জাত, ইহার মধ্যে ‘স্বৈদমে’ বা নিজ গৃহেই তাহারা অবস্থিত,—জ্ঞানে তাহারা ‘ঋত চিন্ময়’ বা সত্যস্বরূপ চৈতন্ত ; কর্ণে তাহারা “কবিক্রতু” বা দিব্য দর্শনের সৰ্ব্ব শক্তি। ক্রিয়া এবং সৃষ্টির দিকে প্রযুক্ত ইহাদের সচেতন শক্তিকে এক পূর্ণ এবং প্রত্যক্ষ জ্ঞান ধারণ এবং পরিচালন করে, যে জ্ঞানে যাহা করিতে হইবে তাহা, তাহার মূল এবং বিধান, সমস্তই প্রকাশিত আছে ; এ জ্ঞান পূর্ণরূপে কার্যকরী এক সৰ্ব্বশক্তিকে নিয়ন্ত্রিত করে, যে সৰ্ব্ব তাহার বিধান বা পদ্ধতি অথবা তাহার ফলে পৌছিবার পথে কখনও বিপত্ত্যগামী হয় না, ইত্যন্তঃ করে না বা টলে না পরন্তু তাহার দিব্যদৃষ্টিতে যে ভবিষ্যরূপ ফুটিয়াছে তাহা স্বাভাবিক ও অব্যাহত ভাবে ক্রিয়ার মধ্য দিয়া রূপায়িত ও পরিপূর্ণ করিয়া তোলে। এখানে আলোক এবং শক্তি, জ্ঞানের স্পন্দ বা সঙ্কল্পের ছন্দ, ধ্রুবসিদ্ধির নিশ্চয়তা লইয়া পূর্ণরূপে এক হইয়া আছে, এ মিশ্রন চাহিতে হয় নাই, আয়াস করিয়া খুঁজিয়া বাহির করিতেও হয় নাই, পরন্তু নিত্য বর্তমান। এ দিব্য প্রকৃতিতে আছে দুইটা শক্তি বা ছন্দ,— একটা সত্তাঃকর্তৃ আত্মরূপায়ণ এবং আত্মবিস্তার যাহা বিসৃষ্টির স্বরূপ সত্তা হইতে স্বাভাবিক ভাবে উৎসারিত হইতেছে এবং যাহা তাহার মধ্যস্থ মূল সত্যকে প্রকাশ করিতেছে, অপরটা বিসৃষ্টিতে অন্তর্গত ভাবে অবস্থিত আত্মশক্তি, যাহার মধ্যে স্বতঃকর্তৃ এবং অপরিহার্য রূপে আত্মনিয়ন্ত্রণের মূল রহিয়াছে।

বেদে ইহা ছাড়া আত্মবলিক অথচ প্রয়োজনীয় বিবরণও কিছু আছে। ঋষিরা ‘ঋত চিন্ময়’ আত্মার দুইটি মূখ্য বৃত্তির বর্ণনা দিয়াছেন, এ দুইটির নাম ‘চক্ষু’ এবং ‘শ্রবণ’, দর্শন এবং শ্রবণ; ইহারা স্বাভাবিক জ্ঞান-স্বরূপ অতিমানসের সাক্ষাৎ ক্রিয়া, যাহাকে সত্য বা দিব্য দর্শন এবং সত্যশ্রবণ নামে অভিহিত করা যায়, সুদূর হইতে ইহাদেরই ছায়া আসিয়া যখন প্রাকৃত মনের উপর পড়ে তখন তাহারা সাক্ষাৎপ্রকাশ (revelation) এবং সাক্ষাৎপ্রেরণা (inspiration) নামক বৃত্তিরূপে দেখা দেয়। ইহা ছাড়া মনে হয় বেদে অতিমানসের দুই ভাবের ক্রিয়াকে একটু পৃথক করিয়া দেখা হইয়াছে যাহাদের একটির নাম সংজ্ঞান অপরটির প্রজ্ঞান; সংজ্ঞান (comprehending consciousness) সর্বব্যাপী এবং সর্বগত চেতনা, আমাদের মধ্যে যে ভাব বিষয়ী বা জ্ঞাতরূপে বর্তমান, সে নিজের সঙ্গে যাহাকে পূর্ণরূপে এক করিয়া দেখে তাহার সম্বন্ধে তাহার জ্ঞানের ধারা বেরূপ, এ চেতনা কতকটা তদন্তরূপ; অপর পক্ষে প্রজ্ঞানচেতনা (apprehending consciousness) যেন নিজের মধ্য হইতেই বিষয় বা বস্তুকে বাহির করিয়া নিজের সম্মুখে রাখিয়া দেখে, ইহা হইতেই আমাদের জ্ঞেয়রূপী বস্তু-জ্ঞানের সৃষ্টি হইয়াছে। অতিমানসকে বুঝিবার পক্ষে এসমস্ত বৈদিক ইঙ্গিত বা সঙ্কেত; আমরা এই প্রাচীন অভিজ্ঞতা হইতে ‘ঋত-চিন্ময়’ কথাটা অতিমানসের প্রতিশব্দ রূপে গ্রহণ করিতে পারি, তাহা হইলে অতিমানস শব্দে যে অভিব্যাপ্তি আছে তাহা নিবারিত হইবে।

যাহার বিশেষত্বের এইরূপ বর্ণনা দেওয়া হইয়াছে সেই অতিমানস চৈতন্ত্য একদিকে তাহার উপরের এবং অন্তদিকে নীচের তত্ত্বের সহিত সম্বন্ধযুক্ত। স্পষ্টতঃ ইহাকে সংযোগস্থল এবং উপায়রূপে গ্রহণ করিয়া উচ্চতর তত্ত্ব নিম্নতর রূপে অবতরণ করিয়াছে এবং আবার ইহাকেই যোগস্থল এবং সাধনরূপে গ্রহণ করিয়া এই অবর তত্ত্বকে তাহার উৎপত্তিস্থানে পুনরায় ফিরিয়া যাইতে হইবে। একদিকে উপরের তত্ত্ব শুদ্ধ সচ্চিদানন্দের এক অবিভাজ্য অথচ চৈতন্ত্য, সেখানে ভেদ ভাবের কিছু নাই, অন্তদিকে নিম্নের তত্ত্ব, মনের বিশ্লেষণ ও বিজ্ঞানশীল চেতনা—পৃথক না করিয়া ভেদ-দর্শন না করিয়া তাহা কিছু জানিতে পারে না, তাহা বড় জোর একত্ব এবং অনন্তত্বের একটা অস্পষ্ট এবং গৌণ আভাস বা অল্পভূতি মাত্র পাইতে পারে, কেন না ইহা যদিও খণ্ড অংশগুলিকে জোড়া দিতে

পারে, কিন্তু কখনই অথগুণের পূর্ণ এবং খাঁটি অল্পভব লাভ করিতে পারে না। এ দুয়ের মধ্যে সেভুরূপে বিদ্যমান সেই সর্বগতা এবং সৃষ্টিশীল অতিমানসচেতনা ; তাহার সর্বব্যাপী সংজ্ঞানের দিক দিয়া দেখিলে বলিতে হয়, ইহা অন্ধের সেই ভাবের কণ্ঠা যে ভাবে তিনি অন্ধ অথগুণ আত্মজ্ঞানময়, আবার তাহার যে শক্তি নিজের বাহিরে বা নিজের সম্মুখে রাখিয়া দেখে সেই প্রজ্ঞানের দিক দিয়া দেখিলে বলা যায়, যে ইহা ভেদের মধ্যে বহুত্বের যে বোধ ফুটিয়া উঠে, যাহা মনোময় জ্ঞানের প্রকাশপদ্ধতি, তাহার জননী।

উর্কে আছে শাস্ত্রত অচল অপরিণামী এক অন্ধ তত্ত্ব, নিম্নে আছে সত্যত পরিবর্তনশীল বহু, যাহা এই প্রবাহের মধ্যে স্থির পরিণামরহিত একটা দাঁড়াইবার স্থান খুঁজিতেছে কিন্তু লাভ করিতে পারিতেছে না। আর এ দুইয়ের মাঝে আছে একটা ভূমি, যাহা সকল দ্বয়ীর আবাসস্থান, সকল দ্বয়ীর আলয়, যেখানে একের মধ্যে বহু হইয়াও বহুর মধ্যে এক সলা বর্তমান, কেননা যাহা গোড়ায় এক তাহার মধ্যে বহু সম্ভাবনারূপে চিরবর্তমান আছে। মধ্যবর্তী এই তত্ত্ব সকল সৃষ্টি এবং ক্ষতায়ণের আদি ও অন্ত, ইহা প্রকাশের প্রথমবর্ষ অ এবং শেষ বর্ষ ক্ষ, একদিকে সকল ভেদের উৎপত্তিস্থান, অন্যদিকে সকল ঐক্যের পরম সাধন, যাহা হইয়াছে এবং যাহা হইবে সেই সকলের সমন্বয় ও সুষমার উৎস, কার্যকরী শক্তি এবং চরমসিদ্ধি। ইহার মধ্যে আছে একের জ্ঞান, কিন্তু সেই এক হইতে তাহার মধ্যে সম্ভাবনারূপে যে বহুত্ব লুক্কায়িত আছে তাহা টানিয়া বাহির করিবার সামর্থ্যও ইহার আছে। ইহা বহুত্বকে প্রকাশ করে কিন্তু তাহার মধ্যে নিজেকে হারাইয়া ফেলিয়া একত্বকে কখনও ভুলে না। ইহার অস্তিত্ব আমাদের কাছে এমন কিছু দিকে অঙ্গুলিনির্দেশ করে যাহা অনির্বচনীয় একত্বের যে পরম প্রত্যয় এবং অল্পভূতি আমরা পাইতে পারি, তাহারও পরপারে স্থিত। সে-কিছু আমাদের মনঃকল্পিত এই সকল সূত্র হইতে মুক্ত এমন কি একত্ব ও বহুত্বের বৈতন্ধ্যবেরও পরপারে স্থিত বলিয়াই অবর্ণনীয় এবং মনের অগম্য, তাহার একত্ব এবং অথগুণতার জ্ঞান নয়। তাহা সেই চরম ও পরম সত্য যাহা সর্বাতিত হইয়াও আমাদের কাছে জৈবজ্ঞান এবং জগৎজ্ঞান এ উভয়কে সমর্থন করে।

এ সমস্ত বিশাল তত্ত্বের ধারণা করা কঠিন, তাই আরও স্পষ্ট করিবার

চেঁটা করা যাউক। অর্থাৎ তত্বকে আমরা সচ্চিদানন্দনামে অভিহিত করি। কিন্তু ইহার বিবরণের মধ্যেই আমরা তিনটি সংবন্ধকে ধরিয়া লই এবং তাহাদিগকে মিলাইয়া পাই এই ত্রয়ী। আমরা বলি সং, চিৎ, আনন্দ তাহার পর বলি এই তিনটি এক। এই ধরণেই মনের ক্রিয়া চলে। কিন্তু অর্থাৎ চেতনায় এ ধারণা চলে না। সংই চৈতন্য ইহাদের মধ্যে কোন ভেদ থাকিতে পারে না। তেমনি চৈতন্যই আনন্দ, এই দুইয়ের মধ্যে কোন ভেদ নাই। সচ্চিদানন্দে এই ভাবের স্বগতভেদ পর্যন্ত না থাকাতে তাহাতে জগৎ থাকিতে পারে না। ইহাই যদি একমাত্র সত্য হয় তবে জগৎ নাই, কখনও ছিল না, তাহার কল্পনাও কখনো সম্ভব হইতে পারে না। কারণ অখণ্ড-চৈতন্য অবিভাজ্য, ভেদ বা খণ্ড ভাবের উৎপত্তি তাহা হইতে হইতে পারে না। আমরা এবার এক অসম্ভবিত্তে বা অসম্ভব সিদ্ধান্তে আসিয়া পৌঁছলাম। যদি অসম্ভব স্ববিরোধী উক্তি এবং অসীমাংসিত বিরোধের উপর সব কিছুই ভিত্তিস্থাপন করিয়া তুণ্ড থাকিতে না চাই, তবে এ সিদ্ধান্ত আমরা স্বীকার করিতে পারি না।

পক্ষান্তরে মন খণ্ডকেই সত্য বলিয়া স্পষ্টরূপে ধরিতে পারে। খণ্ড সমূহকে জোড়া দিয়া সে সমগ্রের একটা ধারণা গড়িতে অথবা সান্তের অসীম প্রসারের কল্পনা করিতে পারে। খণ্ড পদার্থের সমাহার এবং তাহাদের মধ্যের সাদৃশ্যও সে ধরিতে পারে কিন্তু চরম একত্ব বা পরম আনন্দ্য তাহার নিকট বস্তু-নিরপেক্ষ ধারণা মাত্র; তাহার আয়ত্তের বাহিরে স্তব্ধতা সত্যরূপে সে ধরিতে পারে না, ইহাকে একমাত্র সত্য বলিয়া কল্পনাও করিতে পারে না। স্তব্ধতা ইহা অখণ্ড চৈতন্যের ঠিক বিপরীত তত্ত্ব। আমরা এখানে দেখি মৌলিক অবিভাজ্য একত্বের সম্মুখে আসিয়া দাঁড়াইয়াছে এক মৌলিক বহুত্ব, যাহা নিজের বিলোপ সাধন না করিয়া কিছুতেই একত্বে পৌঁছিতে পারে না—পৌঁছিতে গেলেই তাহাকে মানিতে হয় যে সত্যিকার অস্তিত্ব তাহার কোন কালে ছিল না। অখণ্ড ইহার অস্তিত্ব ছিল, কারণ ইহাই একত্ব দর্শন করিয়াছে এবং নিজেকে লয় করিয়া দিয়াছে। আমরা আবার একটা ভীষণ স্ববিরোধী উক্তি বা অসম্ভব সিদ্ধান্তে পৌঁছলাম, যে উক্তি মনকে মূর্ছিত করিয়া তাহার বোধ-শক্তিকে জাগাইতে চায়; যাহাতে অনপনেন্দ্র যে বিরোধ ছিল তাহা অনপনীয়তাই থাকিয়া যায়।



নিম্নতর তত্ত্বের সমন্বয়। সমাধান হয় যদি আমরা বুঝিতে পারি যে মন চেতনার উদ্ভোগপূর্ণ শুধু। মন বিশ্লেষণ এবং সংশ্লেষণের (analysis and synthesis) যন্ত্র, স্বরূপ জ্ঞানের নয়। অবিচ্ছেদ্যের কিছুটা অস্পষ্ট ভাবে কাটিয়া লইয়া সেই পরিমিত সসীম অংশটুকুকে পূর্ণ করিয়া ধরা, তাহাকে পৃথক ভাবে মননের বিষয় করা এবং এই সমগ্রকে পুনরায় অংশে ভাগ করিয়া দেখা—এই হইল মনের কাজ। মন অংশ এবং আত্মবৃত্তিক গুণ বা আগন্তুক ধর্ম (accident) মাত্র দেখিতে পায় এবং তাহার নিজস্ব ধরণে জানিতে পারে। অংশগুলির সমাহার অথবা তাহাদের ধর্মও আত্মবৃত্তিক বা আগন্তুক গুণের সমষ্টি—এইটুকু তাহার অখণ্ড সম্বন্ধে স্পষ্ট ধারণা। কোন কিছুর খণ্ডরূপে বা নিজের মধ্যস্থিত অংশ, ধর্ম বা আকস্মিক গুণের সমাহার বলিয়া অখণ্ডকে না দেখিয়া সমগ্রকে যে জানা, তাহা মনের কাছে অস্পষ্ট অসুভব ছাড়া আর কিছু নয়। বিশ্লেষণ করিয়া একটা বৃহত্তর বস্তুর মধ্যে স্থিত একটা বস্তুরূপে কোন কিছুকে পৃথকভাবে যখন দেখিতে পারে তখনই মন বলিতে পারে—‘ইহা এখন আমি জানি’; কিন্তু বস্তুতঃ ইহা জানে নাই; মন বস্তু সম্বন্ধে নিজের বিশ্লেষণের খবর শুধু রাখে এবং তাহার সম্বন্ধে যে ধারণা করে, তাহা যে বিভিন্ন অংশ এবং ধর্ম সে দেখিয়াছে তাহার সমাহার মাত্র। মনের বিশিষ্ট শক্তি, নিশ্চিত ক্রিয়া এই পর্য্যন্ত আসিয়া শেষ হইয়া যায়। যদি বৃহত্তর গভীরতর এবং সত্য জ্ঞান চাই, একটা তীব্র কিন্তু আকারহীন ভাবাবেশ যাহা কখন কখন মনের গভীর এবং অব্যক্ত প্রদেশে দেখা দেয়, তাহা লইয়া যদি তৃপ্ত থাকিতে না চাই, তবে মনের স্থানে আমাদিগকে এমন এক বৃহত্তর চেতনাকে বসাইতে হইবে, যাহা মনকে অতিক্রম করিয়া গিয়াই তাহাকে পূর্ণ করিয়া তুলিবে অথবা উল্লঙ্ঘন করিয়া গিয়া মনকে নূতনভাবে গড়িবে এবং তাহার ক্রিয়ার শুদ্ধ সাধন করিবে। মানসিক জ্ঞানের শিখরদেশ হইতেছে সেই স্থান যেখান হইতে এই লক্ষ্য দিতে হইবে। যতদিন পর্য্যন্ত বৃহত্তর জ্যোতি গ্রহণ বা ধারণ এবং উচ্চতর স্থানে আরোহণের উপযুক্ত না হয় ততদিন পর্য্যন্ত জড়ের অন্ধ কারা হইতে মুক্ত চেতনাকে শিক্ষা দেওয়া, ইহার মূঢ়-প্রবৃত্তি, সহজাত-সংস্কার, অনিয়ত বোধি এবং অসুভবের অস্পষ্টতাকে আলোকিত করা—ইহাই মনের চরম সাধনা। মনের মধ্য দিয়া মানবের পথ কিন্তু মন শেষ গম্যস্থান নহে।

পক্ষান্তরে অর্থেত চেতনা বা অবিভাজ্য সেই একষ, যাহার ভিতরে কিছু নাই—অথচ যাহা হইতে সকল পদার্থ, সকল সত্তা বা রূপ বাহির হইয়া আসিয়াছে এবং এই সমস্ত পুনরায় যখন তাহাতে অল্পপ্রবিষ্ট হইবে তখন সকল নাশ হইয়া বাইবে—এমন অসম্ভব কিছু হইতে পারে না। পরন্তু ইহা একটা মৌলিক আত্মসংহরণ যাহার মধ্যে সব কিছুই আছে কিন্তু দেশে ও কালে তাহাদের ঘেরূপ প্রকাশ হয় সেভাবে নাই—অন্তভাবে। যাহা এই ভাবে আত্মসংহরণ (self-concentration) করিয়াছে তাহা একেবারে অবর্ণনীয় অচিন্তনীয় সত্তা, শূণ্যবাদীর মনে যাহার প্রতিমূর্ত্তি উদ্ভাসিত হয় এক পরম শূণ্যরূপে যেখানে আমরা বা আমাদের জ্ঞান কিছুই নাই। তুরীয়বাদী ঠিক অমুরূপ যুক্তি দিয়া ইহাকেই আমাদের বা আমাদের জ্ঞানের সর্বাধার ও পরমাত্মরূপী অথচ ভেদ-ভাব পরিশূণ্য পরম ইতি রূপে দেখিতে পারে। বেদান্তে আছে ‘অগ্রে এক অদ্বিতীয় সংস্করণ ছিলেন’; অগ্র বলিয়া এখানে যে কালবিন্দুর নির্দেশ আছে তাহার পূর্বে এবং পরে, এই মুহূর্ত্তে, নিত্যকালে এবং কালের অতীত অবস্থায় যাহা আছে তাহাকে আমরা এক বলিয়াও বর্ণনা করিতে পারি না—যখন তাহা ছাড়া আর কিছু নাই তখনও। ইহার যে আদিম আত্ম-ঘনীভূত ভাব আমরা চেতনায় প্রথম ধারণা করিতে পারি, তাহা আমরা অথও অর্থেতরূপে অনুভব করিতে চেষ্টা করি। দ্বিতীয়তঃ অনুভব করি সেই একষের মধ্যে যাহা ছিল তাহাই যেন বিচ্ছুরিত হইতেছে, মনে হয় যেন ভাঙ্গিয়া চূর্ণীকৃত হইয়া পড়িতেছে, যাহার ধারণা বিশ্ব বা জগৎরূপে মনের মধ্যে জাগিতেছে। তৃতীয়তঃ দেখিতে পাই সেই সত্তা দৃঢ়ভাবে আত্মপ্রসারণ করিতেছে ঋতচিংরূপে, যাহা বিকিরণের আধার ও আশ্রয় রূপে থাকিয়া চূর্ণ ভাবকে বাস্তব খণ্ডতায় পর্য্যবসিত হইতে দিতেছে না, অনন্ত বৈচিত্র্য এবং বহুত্বকে একের মধ্যে ধরিয়া রাখিয়াছে, অতি-পরিবর্তনে বা বিপুল চাঞ্চল্যের মধ্যে রহিয়াছে স্থির, অবিচল, বিশ্বব্যাপী, আপাত-সংঘাত ও সংঘর্ষের মধ্যে রক্ষা করিতেছে ছন্দঃস্বপ্না, যেখানে মন আকার দেওয়ার নিয়ত চেষ্টা সত্ত্বেও এক মহাবিশৃঙ্খলা বা নিখাঁতিতে (chaos) পৌঁছিত, সেখানে ইহা ফুটাইয়া তুলিয়াছে, চিরস্থায়ী এক বিশ্ব। ইহারই নাম অতিমানস, ঋতচিং বা সত্য-বিজ্ঞান, যাহা নিজেকে এবং নিজে যাহা হইয়া উঠে তাহা জানে।

অতিমানস ব্রহ্মের বিশাল আত্মপ্রসারণ, যাহার মধ্যে সব আছে এবং যাহা সবকে ফুটাইয়া তোলে। নিজের বিজ্ঞান-শক্তির অবিভাজ্য পরম অমর তত্ত্বকে সত্তা, চৈতন্য এবং আনন্দের ত্রৈক্য রূপে প্রকাশ করে, ইহা স্বগত ভেদ বা বিভেদ জাগায় বটে—কিন্তু বিভাগ করেনা। মনের মত তিন হইতে সে একে পৌছিতে চেষ্টা করে না, এক হইতেই তিনকে প্রকাশ করে, কারণ প্রকাশ করা বা ফুটাইয়া তোলাই ইহার ধর্ম, তথাপি ফুটাইতে গিয়াও তিনকে একের মধ্যেই প্রতিষ্ঠিত রাখে, কারণ ইহা সত্য-জ্ঞানময় এবং সকল প্রকাশ নিজের মধ্যে ধারণ করিয়া রাখে। এই তিন বিভাবের কোন একটিকে কার্যসাধক দেবতা রূপে সম্মুখভাগে নিয়া আসে বটে। কিন্তু সেই বিভাবের মধ্যে অল্প বিভাব দুইটা গুপ্ত বা ব্যক্ত থাকে। এই রীতিতেই সে সর্বের উপাদানভূত ত্রিতত্ত্ব হইতে সকল তত্ত্ব, সকল সম্ভাবনা ফুটাইয়া তোলে। ইহার উপচয় বা বৃদ্ধি, বিবৃতি বা পরিণাম, ক্ষুরণ বা প্রকাশ করিবার সামর্থ্য যেমন আছে, তেমনি অগ্নিদিকে আছে আচ্ছাদন বা সঙ্কোচ, সংবৃতি বা গোপন, সংরক্ষণ বা গুটাইয়া আনিবার শক্তি। এক অর্থে সমস্ত সৃষ্টি, দুইটা সংবৃতির (involution) মধ্যে যেন একটা ছন্দ-দোলা। ইহার এক দিকে রহিয়াছে চৈতন্য, যাহার মধ্যে সব সংবৃত হইয়া আছে এবং যাহা হইতে সর্বের বিবৃতির (evolution) একটা দোলা চলিয়াছে নিচের দিকে, অপর প্রান্তস্থিত জড়ের দিকে; আবার জড়ের মধ্যে সবকিছু আছে সংবৃত হইয়া, সেখান হইতে সর্বের আর একটা উদ্ধমুখী বিবৃতির দোলা চলিয়াছে চৈতন্যের অভিমুখে।

বিশ্বসৃষ্টিতে এই বিভাজন প্রক্রিয়া দ্বারা নানা তত্ত্ব, শক্তি এবং আকার ফুটাইয়া তোলা ঋতচিহ্নের কার্যের রীতি, কিন্তু অতিমানসের সংজ্ঞানশক্তি এই সমস্তের মধ্যে এতদতিরিক্ত সমস্ত সত্তা দেখিতে পায় এবং প্রজ্ঞানশক্তি ইহাদের বিশিষ্ট প্রকাশকে সম্মুখে রাখিয়া সমগ্র সত্তাকে প্রচ্ছন্ন অথচ বোধগম্য রাখে। এই জগৎ প্রত্যেকের মধ্যে সর্ব এবং সর্বের মধ্যে প্রত্যেকে বিস্তারিত থাকে। তাই পদার্থের প্রতি বীজে গুপ্তভাবে অনন্ত বিচিত্র সম্ভাবনা নিহিত আছে কিন্তু ঋতসংকল্প বা চিন্ময় পুরুষের জ্ঞানশক্তি দ্বারা তাহা এক বিশেষ ছন্দে ও এক বিশেষ পরিণামের দিকে চলে, এই পুরুষই আত্মপ্রকাশ করিতেছেন বা তাহার মধ্যস্থিত এই ঋতচিহ্নকে নিশ্চিতরূপে অঙ্কভব করিয়া তাহা দ্বারা

তাহার ক্রিয়া এবং রূপায়ণ যে পথে চলিবে তাহা পূর্ব হইতে নির্ণয় করিতেছেন। পরম সং নিজের মধ্যে নিজ সত্তার যে সত্যের প্রতি দৃষ্টি করেন তাহাই বীজ ; আত্মদৃষ্টিজাত সেই বীজের পরিণাম রূপে তাহার আত্মক্রিয়া বা বীজ হইতে ক্ষরণ, রূপায়ণ, পুষ্টি ও প্রবৃত্তির (functioning) স্বাভাবিক বিধান প্রকাশ পায় ; এই প্রকাশ সেই আত্মদৃষ্টি অল্পসারে নিশ্চিত ভাবে চলে এবং সেই মূল সত্যে যে রীতি বা পদ্ধতি সংবৃত হইয়া ছিল সেই রীতিতে চলিবার পথ হইতে ঝট হইয়া না। তাহা হইলে এই দাঁড়াইল যে চিন্ময় পুরুষ নিজের মধ্যের এক সত্যকে দীক্ষণ করিয়া তাহাতে যেন আত্মসমাহিত হইয়া যান এবং সেই দিব্যদর্শনের সঙ্গে যুক্ত সঙ্কল্পশক্তি বা কবিকৃত্ব বা চিন্ময়শক্তি বা সমগ্র প্রকৃতি সেই দৃষ্ট সত্যকে অনিবার্যরূপে শক্তি এবং রূপের মধ্যে ফুটাইয়া তুলিবার জন্ত ক্রিয়াশীল হয়।

এই বিরূতি হইতে আমাদের মানসচেতনা এবং স্বতচ্চিত্তের মধ্যে মৌলিক বিভেদ কোথায় তাহা বুঝিতে পারি। আমরা চিন্তাকে দেখি সত্তা হইতে পৃথক, বস্তু হইতে বিচ্ছিন্ন, সত্য হইতে বিভিন্ন অবাস্তব কিছু বলিয়া ; কোথা হইতে তাহা আসে তাহা কেহ জানে না ; তাহা পর্যবেক্ষণ, বোধ বা অবধারণ এবং বিচার করিবার জন্ত বস্তু বা বিষয় হইতে নিজেকে বিচ্ছিন্ন করিয়া লয়। সব কিছুকে বিশ্লেষণ করিয়া দেখা যে মনের স্বভাব, তাহার কাছে মননটী এইরূপ বোধ হয়। মনের প্রথম কাজই পৃথক করা, নির্ধারণ অপেক্ষা বিভাজনের দিকেই তাহার ঝোঁক বেশী ; তাই বস্তুর সত্য এবং বস্তুর ধারণার মধ্যে এত ভেদ দেখা যায়। কিন্তু অতিমানসে সমস্ত সত্তা চিন্ময়, সমস্ত চেতনা সত্তারই চেতনা ; চেতনার স্পন্দন তাহার গর্ভে ধারণ করে যে ভাব বা বিজ্ঞান, তাহা আবার নিজের গর্ভে নিজেকে ধারণ করে যে সত্তা তাহারই স্পন্দন ; হৃষ্টি বিমূখ নিজস্ব অবস্থায় আত্মসংবিদের মধ্যে যাহা ঘনীভূত হইয়া অব্যক্ত অবস্থায় ছিল সক্রিয় আত্মজ্ঞানের আকারে ইহা তাহারই বহির্গমন ; সং বা সত্যই এইভাবে বিজ্ঞান রূপে আত্মপ্রকাশ করে, বিজ্ঞানের এই সত্যই নিজ শক্তি এবং চৈতন্য সহযোগে সর্বদা এইভাবে পরিণতি প্রাপ্ত হয় ; ইহা সর্বদা আত্মসচেতন, নিজের অন্তর্নিহিত আত্মসঙ্কল্পের শক্তি বলেই তাহার এই আত্মরূপায়ণ বা তাহার প্রতি প্রেরণার মজ্জাগত জ্ঞান সহযোগে তাহার এই আত্মোপলব্ধি। সকল বিন্দুটির, সকল পরিণামের ইহাই মূল সত্য।

মনের কাছে সত্তা, জ্ঞানাত্মকচেতনা আর সঙ্কল্পাত্মকচেতনা যেমন পৃথকভূত বলিয়া মনে হয় অতিমানসে তেমন নয়। তাহারা দ্বৈক বা ত্রয়ী, একই গতি বা স্পন্দনের তিনটি কার্য্যকরী বিভাব মাত্র। অবশ্য ইহাদের প্রত্যেকের পরিণতির বিশিষ্ট ধারা আছে। সত্তার পরিণাম হয় বস্তুরূপে; চেতনের বিবর্তনে দেখা দেয় আত্মনিয়ন্ত্রণ এবং আত্মরূপায়ণের জ্ঞান—সংজ্ঞান ও প্রজ্ঞান; স্বকল্পের পরিণতিতে আসিয়া পড়ে আত্মসার্থক শক্তি ও সংবেগ। আত্মজ্যোতিতে আলোকিত সংস্করণের প্রকাশকেই ভাব বা বিজ্ঞান বলা যায়। ইহা মনের চিন্তা বা কল্পনা নহে। ইহা কার্য্যসাধক বা ফলপ্রসূ আত্মসংবিদ, ইহাকে বলিতে পারি সত্ত্বত বিজ্ঞান ( Real-Idea )।

অতিমানস পরমপুরুষের সত্তা হইতে ভিন্ন কিছু নহে পরন্তু তাহার জ্যোতি ও শক্তি বলিয়া সেই সত্তার সহিত এক। ঠিক তেমনি অতিমানস বিজ্ঞানে জ্ঞান ও স্বকল্পের মধ্যে কোন বিচ্ছেদ নাই। যেমন অগ্নির দাহিকা শক্তি অগ্নি হইতে ভিন্ন কিছু নহে, তদ্রূপ যিনি বিজ্ঞানের শক্তি এবং পরিণতির মধ্য দিয়া নিজেকেই ফুটিয়া তুলিতেছেন তিনি বিজ্ঞান হইতে পৃথকভূত কিছু নহেন। আমাদের মননের ক্ষেত্রে সকলই পৃথক পৃথক; আমাদের মধ্যে ভাব ও স্বকল্পের কখন কখনো যোগ থাকে কখন কখনো থাকে না, কার্য্যতঃ আমরা ভাবকে স্বকল্প হইতে আলাদা করিয়াই দেখি এবং এ দুয়ের উভয়কেও আমাদের নিজেদের নিকট হইতে পৃথক মনে করি; আমি আছি, এ ভাব ( idea ) বস্তু হইতে বিচ্ছিন্ন একটি রহস্যরূপে আমাদের মধ্যে আসিয়া উপস্থিত হয়; স্বকল্প আর একটা রহস্য, এ শক্তি মূর্ত বা বাস্তব ( concrete ) না হইলেও মূর্তের কাছাকাছি; ইহা আমাতে আছে বা আমি ইহাকে পাইয়াছি অথবা হয়ত ইহাই আমাকে সাপ্টিয়া ধরিয়াছে, কিন্তু আমার স্বকল্প আমি নয় কখনও। আমার স্বকল্প, তৎসাধনোপায় এবং তাহার পরিণাম এ তিনটি আমার কাছে পৃথক, কারণ আমরা মনে করি আমি হইতে বাহিরে তাহাদের পৃথক বাস্তব সত্তা আছে। এইজন্য আমি, আমার ভাব বা আমার স্বকল্প ইহারা কেহই স্বয়ং ফলপ্রসূ নয়। ভাব আমার নিকট হইতে খসিয়া পড়িতে পারে, স্বকল্প ব্যর্থ হইতে পারে, সাধনোপায়ের অভাব ঘটিতে পারে, উহাদের কাহারও বা সকলের দ্বারাও আমি নিজে অসার্থক থাকিয়া যাইতে পারি।

যাহাতে পঙ্কু করিয়া দেয় এমন কোন ভেদ অতিমানসে নাই, সেখানে জ্ঞান, শক্তি বা সত্তা কিছুই নিজের মধ্যে খণ্ডিত বা পরস্পর হইতে বিচ্ছিন্ন নয়, কারণ অতিমানসই বৃহৎ, একত্ব হইতে তাহার যাত্য়ারম্ভ বা প্রবৃত্তি, ভেদ হইতে নয়। মূলতঃ ইহা সর্বগ্রাহী, বৈচিত্র্যসৃষ্টি ইহার গৌণক্রিয়া মাত্র। সত্তার যে সত্যই তাহার মধ্যে ফুটিয়া উঠে, বিজ্ঞান বা ভাব হয় তাহার খাঁটি প্রতিরূপ, সঙ্কল্প শক্তি হয় সে ভাবের একান্ত অল্পগামী—কারণ শক্তি চেতনারই ক্রিয়া এবং ফলও হয় সঙ্কল্পের ঠিক অনুযায়ী। এখানে ভাবের সঙ্গে অল্প ভাবের, সঙ্কল্প বা শক্তির সঙ্গে অল্প সঙ্কল্প বা শক্তির কোন বিরোধ নাই—যেমন আছে মায়া ও তাহার জগতে। কারণ এখানে আছে এক বিরাট চেতনা যাহার মধ্যে সকল ভাব একেরই ভাবরূপে বর্তমান এবং এই চেতনাই নিজ মধ্যে স্থিত সকল ভাবকে নিজের ভাবরূপে ধারণ করে, মিলাইয়া ধরে ; এখানে আছে এক বিরাট সঙ্কল্প বা ইচ্ছাশক্তি যাহার মধ্যে সকল শক্তি বর্তমান নিজেরই শক্তিরূপে এবং এই সঙ্কল্পই নিজ মধ্যে স্থিত সকল শক্তিকে নিজের শক্তিরূপে ধারণ করে, মিলাইয়া ধরে। ইহা একটা বিভাব বা প্রবৃত্তিকে সংহত বা সংঘত করে অল্প একটিকে অগ্রসর করিয়া দেয় তাহার ভবিষ্যদর্শী বিজ্ঞানময় সঙ্কল্প অনুসারে।

প্রচলিত ধর্মসমূহের মধ্যে সর্বব্যাপী, সর্বজ্ঞ এবং সর্বশক্তিমান ভগবানের যে ধারণা আছে এইরূপে তাহা সমর্থিত হয়। এ সমস্ত অর্থোক্তিক কল্পনা ত নয়ই ; বরং পূর্ণরূপে যুক্তিযুক্ত, কোন রূপেই ইহা উদার দার্শনিক যুক্তি অথবা প্রত্যক্ষ পর্য্যবেক্ষণ বা অভিজ্ঞতার বিরোধী নয়। জীবে এবং শিবে, জগতে এবং ব্রহ্মে অনপন্যে ভেদ কল্পনা হইতেই ভ্রমের সৃষ্টি হয়। প্রকাশের ক্ষেত্রে কার্যসাধনোদ্দেশ্যে সত্তা, চৈতন্য এবং শক্তিতে যে বৈচিত্র্য কার্য্যতঃ সৃষ্টি হইয়াছে, এই ভ্রম তাহাকে একটা মৌলিক ভেদরূপে কল্পনা করিয়া বসে। কিন্তু প্রশ্নের এই দিক্টার কথা আমরা পরে আলোচনা করিব, বর্তমানে আমরা অষ্টীকপিনী অতিমানসশক্তির অস্তিত্ব এবং তাহার প্রকৃতি সম্বন্ধে কিছু ধারণা লাভ করিলাম। দেখিলাম ইহার মধ্যে সর্ব, সত্তা চৈতন্য সঙ্কল্প এবং আনন্দে এক হইয়া আছে অথচ যাহা একত্বকে নষ্ট না করিয়া প্রসারিত প্রস্ফুটিত বা স্পষ্ট করিয়া তোলে এরূপ নানা বিচিত্র বিভাবনার অনন্ত সামর্থ্যও ইহার

মধ্যে রহিয়াছে। ইহার মধ্যে সত্যই মূলবস্তু, সত্যই ভাবরূপে ভাসিয়া উঠে, সত্যই রূপের মধ্য দিয়া আত্মপ্রকাশ করে। ইহাতে আছে জ্ঞান এবং সকলের একই সত্য, একই সত্যের আত্মসার্থকতা (self-fulfilment), স্তুরাং আনন্দ; কেননা সকল আত্ম সার্থকতাই সত্তার আত্মতৃপ্তি, স্তুরাং সকল পরিবর্তন এবং সংযোগের মধ্যে এক অনপনেয় আপনাতে-আপনি-বর্তমান বা স্বয়ম্ সামঞ্জস্য এবং স্তুরাং সঙ্গ বর্তমান রহিয়াছে।

## পঞ্চদশ অধ্যায়

### ঋতচিৎ

অতিচেতনার স্রুষ্টিতে অবস্থিত যে এক তিনি প্রজ্ঞান ঘন,  
আনন্দময় এবং আনন্দভূক। ইনি সর্বেশ্বর, ইনি সর্বজ্ঞ, ইনি  
অন্তর্ধামী, ইনি সকলের কারণ।

মাণ্ডুক্য উপনিষদ ( ৫।৬ )

যাহার ভিতরে সকল পদার্থ ও ভাব বিদ্যমান, যাহা সকলের মূল এবং যাহা  
সকলকে পূর্ণপ্রতিষ্ঠায় লইয়া যায় সেই অতিমানসকে পরমপুরুষের প্রকৃতি বা  
স্ব-ভাব বলিয়া জানিতে হইবে। ইহা তাহার নির্বিশেষ কেবল-সত্তার প্রকৃতি  
নয় বটে, কিন্তু যখন তিনি বিশ্বেশ্বর এবং বিশ্বশ্রষ্টা তখন তাহার ভিতরে যে প্রকৃতি  
প্রকাশ পায় ইহা তাহাই। এই সত্যকেই আমরা ঈশ্বর নামে অভিহিত করি।  
পাশ্চাত্যে ঈশ্বর সম্বন্ধে যে অতিমাত্রায় সীমাবদ্ধ ব্যক্তিরূপের ধারণা আছে, যাহাতে  
তাহাকে মানুষের অতিবর্দ্ধিত ও অতিপ্রাকৃত সংস্করণ মনে করা হয়, স্পষ্টতঃ ইনি  
সে ঈশ্বর নহেন। কারণ সে ধারণায় একটা বিশেষ সম্বন্ধকে আশ্রয় করিয়া  
সৃষ্টিশীল অতিমানস এবং জীবের অহংজ্ঞানের মধ্যে, নিতান্ত মানবভাবাপন্ন  
একটা ছায়ামূর্তিকে ঈশ্বররূপে ধরা হইয়াছে। অবশ্য ঈশ্বরের ব্যক্তিরূপকে আমরা  
বাদ দিতে পারি না কারণ নৈর্ব্যক্তিকতা তাহার সত্তার একটা বিভাব মাত্র।  
তিনি সর্বময় সংস্করণ কিন্তু আবার তিনিই একমাত্র সত্তা—তিনিই একমাত্র  
চিৎপুরুষ, তবু তিনি পুরুষ বা পুরুষোত্তম। তথাপি তাহার এ বিভাব আমাদের  
বর্তমান আলোচনার বিষয় নয়। আমরা এখন দিব্য পুরুষের নৈর্ব্যক্তিক চেতনার  
সত্যকে গভীরভাবে বুঝিতে চাই—ইহার সম্বন্ধে আমাদের ধারণাকে উদার ও  
পরিমার্জিত করিতে চাই।

এই ঋতচিৎ বা সত্যচেতনা বিশ্বের সর্বজ্ঞ এক নিয়ামক আত্মজ্ঞানরূপে  
বর্তমান ; ইহাতে করিয়া যিনি এক তিনি নিজের অনন্ত সত্তাবনার মধ্য হইতে



নানা ছন্দ স্বৰূপা ফুটাইয়া তোলেন। নিয়ামক এক আত্মজ্ঞান না থাকিলে অনন্ত সম্ভাবনা নিয়তপরিবর্তনশীল মহাবিশৃঙ্খলা (chaos) রূপে ভিন্ন কোন ছন্দের মধ্যে কিছুতেই প্রকাশ পাইতে পারে না। কারণ যেখানে শুধু অনন্ত সম্ভাবনা আছে অথচ তাহাকে নিয়ন্ত্রিত করিবার আত্মদৃষ্টি নাই অথবা প্রকাশের ক্ষেত্রে পরিণতির জন্ত যে বীজ উদ্ভূত হইয়াছে, তাহা কি হইয়া উঠিবে তাহার পূর্বনির্দিষ্ট কোন ভাব বা বিজ্ঞান নাই, সেখানে অনিয়ম অনিশ্চয় এবং মহাবিশৃঙ্খলা ছাড়া আর কি হইতে পারে? কিন্তু যেহেতু যে প্রজ্ঞা বিশ্বের জননী তাহার আত্মরূপ এবং আত্মশক্তিই সৃষ্টির মধ্যে প্রকাশ হইতেছে, তাহা হইতে ভিন্ন অস্ত কিছু নয়, সুতরাং প্রত্যেক সম্ভাবনাকে যে সত্য এবং ঋত বা বিধান নিয়ন্ত্রিত ও পরিচালিত করে, তাহা ও তাহার পূর্ণদৃষ্টি ঐ প্রজ্ঞার নিজ সত্য বর্তমান আছে; আবার প্রত্যেক সম্ভাবনার সহিত অস্ত সম্ভাবনার সম্বন্ধ কি, কোন্ সূত্রে বা কোন্ সামঞ্জস্যে তাহারা পরস্পর মিলিত হইতে পারে তাহার যথার্থ বোধও সেখানে আছে; জগৎ যে ভাবে প্রকাশ পাইবে, তাহাকে যে সার্বভৌম সামঞ্জস্যে নিয়ন্ত্রিত হইয়া তাহার সকল ছন্দ স্বৰূপা ফুটাইতে হইবে, তাহার জগৎলগ্নে তাহার সেই সমগ্রজ্ঞান ও ভাব এই প্রজ্ঞাতে পূর্বনির্দিষ্ট হইয়া আছে, এই জ্ঞানই জগতের মূল উপাদানসমূহের অশোভনক্রিয়া অপরিহার্যরূপে নিয়ন্ত্রিত করে, এই জ্ঞানের মধ্যে প্রত্যেক সম্ভাবনার সত্য এবং বিধানও নিহিত। বিশ্বের সকল ধর্ম এবং বিধান ইহা হইতে জাত, ইহাই তাহাদিগকে ধারণ ও নিয়ন্ত্রণ করিতেছে; এই ধর্ম বা বিধান যদৃচ্ছ অনিয়ম নয়। প্রত্যুত ইহা পদার্থের স্ব-ভাবে স্ব-স্বরূপ, যে স্বরূপ নিয়ন্ত্রিত হয় সেই পদার্থের মূলে নিহিত সংপ্রতিষ্ঠ বা সম্ভূত বিজ্ঞানের এক অপ্রতিহত সত্য বীৰ্য্যে। সুতরাং বিশ্বটির সমগ্র পরিণতি এই আত্ম-সংবিত্তে প্রথমই পূর্বনির্দিষ্ট হইয়া বর্তমান এবং তাহাই স্বতঃস্ফূর্তভাবে ইহার আত্মপরিণামের প্রতিমূর্ত্তে ফুটিয়া উঠিতেছে। অন্তর্নিহিত সেই মূল সত্যের জন্ত বিশ্বটিকে প্রতিমূর্ত্তে যাহা হওয়ার কথা তাহা হইতে হইয়াছে, আবার ভবিষ্যতে যাহা তাহাকে হইতে হইবে, এই সত্যের বশেই সেই দিকে পরিচালিত হইতেছে, সর্বশেষে বীজের মধ্যে যে উদ্দেশ্য ছিল এবং যে উদ্দেশ্য বহন করিয়া সে পরিণতির পথে চলিতেছে এই সত্যের বীৰ্য্যে তাহা সিদ্ধ হইবে।

নিজসত্তার মূলসত্য অনুসারে পুষ্টি ও উন্নতির পথে চলিতে জগতে কাল,

দেশ এবং নিমিত্তের (time, space and causality) প্রকাশ হইয়াছে। প্রকাশের পৌৰ্ব্বাপর্য্যে কাল এবং অবস্থিতির সম্বন্ধে দেশ দেখা দিয়াছে। দেশে ব্যবস্থিত বস্তু সকলের স্থানীয়ত পারস্পরিক ক্রিয়ার সহিত কালপরস্পর্য্য বুদ্ধ হইয়া নিমিত্ত বোধ উপস্থিত করিয়াছে। দার্শনিকগণের মতে দেশ ও কাল মনের ধারণা বা কল্পনা মাত্র, তাহাদের কোন বাস্তব সত্তা নাই। কিন্তু যাবতীয় পদার্থই যখন সচেতনসত্তার নিজের চৈতন্যে আত্মরূপায়ণ তখন দেশ কালকে শুধু মনের কল্পনা বলিয়া মনে করিবার বিশেষ কোন মূল্য নাই। সেই সচেতন সত্তার আত্মব্যাপ্তির অমুভব হইতে দেশ কাল জ্ঞান আসিয়াছে, বিষয়ী বা জ্ঞাতৃসম্পর্কীয় অমুভব হইতে কালজ্ঞান এবং বিষয় বা বস্তু সম্পর্কীয় অমুভব হইতে দেশজ্ঞান। এই দুই বিভাব সম্বন্ধে আমাদের মানসিক ধারণা আসিয়াছে পরিমাণবোধের ভিতর দিয়া; বিভাগ করিয়া, বিশ্লেষণ করিয়া দেখা হইল যে মনের প্রবৃত্তি, সে মনের ধর্ম্মই সব কিছুকে পরিমিত করা। একটি বিশেষ বিন্দুতে দাঁড়াইয়া মন সম্মুখে এবং পশ্চাতের দিকে দৃষ্টিপাত করে এবং নিরবচ্ছিন্ন গতিশীলতা বা প্রবহমানতাকে অতীত, বর্তমান এবং ভবিষ্যতের পরস্পরায় পরিমিত করিয়া তোলে, ইহাই কালের কলনা বা গতি। স্থিতির ব্যাপ্তিকে বস্তুর বিভজ্ঞনশীলতা দ্বারা পরিমিত ও খণ্ডিত করিয়া সেই খণ্ড বিন্দুসমূহের এক বিন্দুতে নিজেকে স্থাপিত করিয়া মন দেশের ধারণালাভ করে এবং নিজের চারিদিকে বস্তুর বিস্তার এবং সম্বন্ধ লক্ষ্য করে।

প্রাকৃত জগতে মন ঘটনা দ্বারা কাল এবং জড়বস্তুর দ্বারা দেশ পরিমিত করিয়ে তোলে; কিন্তু বিশুদ্ধ মননে ঘটনা বা বস্তুর অবস্থিতি উপেক্ষা করিয়া চিৎশক্তির সেই শুদ্ধ ক্রিয়া অমুভব করা যায় যাহা দেশ ও কালের মূল উপাদান। তখন ইহাদিগকে সর্বগত চিৎশক্তির দুইটি বিভাব বলিয়া বুঝা যায়। ইহাদের পরস্পর মিশ্রণে এবং নানাপ্রকার সম্বন্ধে তাহার নিজের উপর ক্রিয়াজালের টানা পোড়েন বোনা হইয়াছে। মনের অতীত এমন এক চৈতন্য আছে যেখানে ক্ষুণ্ণ, ভবিষ্যৎ ও বর্তমান এক সন্ধে দেখা যায়, সে চেতনা কালের আধার নয়, আধেয় কালের অন্তর্গত নয়, কালকে ধারণা করিয়া রহিয়াছে, দর্শনের জন্ত তাহাকে কালের কোন বিশেষ মুহূর্ত্তের উপর দাঁড়াইতে হয় না, কাল তাহার কাছে নিত্য বর্তমান। সেই চৈতন্য দেশের কোন বিন্দুতে অবস্থিত নয় পরন্তু সকল বিন্দু

এবং সকল স্থান তাহাতে অবস্থিত ; সে চৈতন্যের কাছে দেশ চৈতন্যময় একটা অখণ্ড ব্যাপ্তি, কালের চেয়ে কম চৈতন্যময় নহে। কোন বিশেষ শুভ মুহূর্ত্তে আমরা সেইরূপ এক অখণ্ড দৃষ্টির দেখা পাই, যাহা তাহার অপরিবর্তনীয় আত্ম-সচেতন একত্বের মধ্যে বৈচিত্র্যপূর্ণ বিশ্বকে ধারণ করিয়া রহিয়াছে। দেশ ও কালের অভ্যন্তরস্থ বস্তু বা ভাবনিচয়ের জগদতীত সত্য সে চৈতন্যে কিভাবে আছে, সে প্রশ্ন যেন আমরা তুলিতে না যাই, কারণ তাহা আমাদের ধারণার অতীত। এই অখণ্ড চৈতন্য মন ও ইন্দ্রিয়ের সাহায্য ভিন্ন অল্প উপায়ে যে এই বিশ্বকে জানিতে পারে, আমাদের প্রাকৃত মন এতটুকুও স্বীকার করিতে চায় না।

অতিমানস কিরূপে অখণ্ড এবং সর্বগ্রাহী দৃষ্টি দ্বারা কালের পরম্পরা এক দেশের খণ্ডতাকে এক করিয়া ধারণ করিয়া আছে তাহা আমরা আভাসে কিছু ধারণা করিতে পারি কিন্তু ইহার পূর্ণ অহুভূতি আমাদেরিগকে সাধনা দ্বারা পাইতে হইবে। প্রথমতঃ কালের পরম্পরা বলিয়া কিছু যদি না থাকিত তবে কোন পরিবর্তন, কোন উন্নতি বা প্রগতি সম্ভব হইত না, একটা পূর্ণ সামঞ্জস্য ও সুষমা অল্প সুষমারাজির সহিত একত্রে একরূপ একটা শাস্ত্র মূহূর্ত্তে নিত্য প্রকাশিত থাকিত কিন্তু তাহাদের মধ্যে অতীত হইতে ভবিষ্যতের দিকে কোন গতির পরম্পরা দেখা দিত না। কিন্তু জগতে দেখিতেছি একটা ক্রমবর্ধমান সুষমার ছন্দপরম্পরা নিয়ত চলিতেছে, পূর্ববর্ত্তী স্বরছন্দ হইতে উঠিয়া এবং তাহাকে নিজের মধ্যে লুকাইয়া রাখিয়া একটা নূতন ছন্দ পুরাতনের স্থান অধিকার করিতেছে। অল্পপক্ষে আত্মপ্রকাশের বা বিশ্বষ্টির মধ্যে যদি খণ্ডিত দেশের ধারণা না আসিত তবে রূপ বৈচিত্র্যের মধ্যে পরিবর্তনশীল নানা সম্বন্ধ অথবা শক্তির সঙ্গে শক্তির সংস্পর্শ বা সংঘাত থাকিতে পারিত না। সকল পদার্থ বা ভাব বর্ত্তমান থাকিলেও কিছুই স্ফুরণ বা বহিঃপ্রকাশ থাকিত না, দেশশূণ্য অবস্থায় আত্মচৈতন্য নিজেরই মধ্যে সর্ব পদার্থকে এক অনন্ত অন্তরচৈতন্যের বন্ধনে বাঁধিয়া রাখিয়া দিত, যেন এক বিশ্ব কবির মনে বা বিশ্ব পুরুষের স্বপ্নে ; কিন্তু বিষয়রূপে বহির্জগতে আত্মপ্রসারের নানা রূপের মধ্যে তাহাদিগকে ছড়াইয়া দিত না। আবার শুধু কালই যদি সত্য হইত তাহা হইলে গায়কের অথবা কবির মনে স্বর অথবা কবিকল্পনা যেমন একটার পর একটা ভাসিয়া উঠে,

তেমনিভাবে বিশ্বাস্যর অন্তর্যৈতত্ত্বে পরম্পরাক্রমে স্বতঃস্ফূর্ত ভাবে একটার পর আর একটা প্রকাশের ছবি ভাসিয়া উঠিত কিন্তু তাহাদের বাহুরূপ দেখা দিত না। কিন্তু বস্তুতঃ সর্বাধার দেশের পরিব্যাপ্তির মধ্যে কালবশে নানা রূপ ও শক্তি পরম্পরের সহিত যুক্ত ও সম্বদ্ধ হইয়া এক স্রবহার ছন্দে ফুটিয়া উঠিতেছে ; রূপ, শক্তি ও ঘটনার অবিরাম প্রবাহ, কালের পরম্পরা আমাদের দৃষ্টিপথবর্তী হইয়া উঠিতেছে।

দেশ ও কালের ক্ষেত্রে বহু অব্যক্ত শক্তি অবস্থিত রহিয়াছে, রূপায়িত ও পরম্পরের সহিত সম্বদ্ধযুক্ত হইয়া উঠিতেছে, প্রত্যেক শক্তি তাহার সামর্থ্য এবং সম্ভাবনা লইয়া অপর বহুশক্তির সামর্থ্য ও সম্ভাবনার সম্মুখীন হইতেছে, ফলে আমাদের মনে হইতেছে যে কালের স্বতঃস্ফূর্ত ও অনায়াস পারস্পর্যের মধ্য দিয়া তাহাদের প্রকাশ না হইয়া যেন পরম্পরের সহিত সংঘাত ও বিকোভের মধ্য দিয়া তাহাদের পরিণতি হইতেছে। কিন্তু বস্তুতঃ এই পরিণতির অন্তরে একটা সহজ স্বতঃস্ফূরণ আছে, বাহিরের সংঘাত ও বিকোভ তাহার বহিষ্কর একটা গোণবিভাব মাত্র। কারণ যিনি এক অঞ্চল তাহার স্বভাবজ বিধান অপরিহার্যরূপে সামঞ্জস্য ও স্রবমাবিধায়ক হইবেই। যেখানে সংঘর্ষ আছে বলিয়া বোধ হয়, সেখানেও এই বিধানই সেই সমস্ত অংশ ও রূপের বহির্বিধান এবং প্রণালীও নিয়ন্ত্রিত করে। অতিমানসী দৃষ্টির নিকট সামঞ্জস্য ও স্রবমার এই বৃহত্তর এবং গভীরতর সত্য নিত্য প্রকাশিত আছে। প্রতি পদার্থকে পৃথক করিয়া দেখে বলিয়া মনের নিকট যাহা বিরোধ ও বৈষম্য বলিয়া মনে হয় অতিমানসের নিকট তাহা নিত্য বর্তমান ও উপচীয়মান এক ছন্দময় স্রবমারই অঙ্গ বা উপাদান বলিয়া অঙ্গভূত হয় ; কেননা অতিমানস দৃষ্টিতে বিশ্ব একেরই বহুধা রূপায়ণ। তাহা ছাড়া মনের দৃষ্টি একটা বিশেষ দেশ ও কালের মধ্যে নিবদ্ধ, মন দেখে সেই দেশ-কালের মধ্যে বহু সম্ভাবনা—যাহাদের প্রত্যেকে অল্পবিস্তর বাস্তব ঘটনায় পরিণত হইতে পারে—বিশৃঙ্খলভাবে বর্তমান আছে। কিন্তু দিব্য অতিমানসী দৃষ্টির নিকট দেশ ও কালের সমগ্র প্রসার উন্মোচিত, একমুখ তাহা মনের সকল সম্ভাবনা দেখে, তাহা ছাড়া যাহা মনের অগোচর তেমন অনেক কিছু দেখিতে পায় এবং সে দর্শনের মধ্যে ভ্রান্তি, অনিশ্চয়তা অথবা বিশৃঙ্খলতার কোন স্থান নাই। কারণ প্রত্যেক সম্ভাবনা কোন শক্তির বশে কোন মূল

প্রয়োজনে চালিত হইতেছে, তাহার সহিত অপর সম্ভাবনার সম্বন্ধ কি, কোন সময় কোন স্থানে কি ভাবে তাহা ক্রমশঃ ক্ষুটিয়া উঠিবে এবং তাহার শেষ পরিণাম কোথায় এ সমস্তের কিছুই সে দৃষ্টির অগোচর নাই। স্থিরভাবে সমগ্র দৃষ্টিতে কোন কিছু দেখা মনের পক্ষে সম্ভব নয়, কিন্তু অতীন্দ্রিয় এই অতিমানসের সেই ভাবে দেখাই স্বভাব ও স্বধর্ম।

অতিমানসের চেতনশক্তি যাহা কিছু সৃষ্টি করে তাহার সেই সমস্ত আত্ম-রূপরাজি যে কেবল তাহার চিন্ময়ী দৃষ্টিতে রহিয়াছে তাহা নহে পরন্তু ইহা তাহাদের সকলের মধ্যে অন্তর্ধ্যামী একটা আবির্ভাব রূপে অনুস্মাত হইয়া একটা আত্মপ্রকাশক জ্যোতিরূপে বর্তমান আছে। গুপ্তভাবে হইলেও জগতের প্রতিক্রম প্রতিক্রিয়া ইহার অধিষ্ঠান ক্ষেত্র। ইহাই পূর্ণ ও স্বাভাবিক বা স্বতঃস্ফূর্ত ভাবে সকল রূপ, শক্তি বা প্রবৃত্তি ব্যবস্থিত, নিরূপিত ও নিয়ন্ত্রিত করে, বৈচিত্র্যকে আসিতে ইহা যেমন বাধ্য করে, তেমনি তাহাকে সীমার মধ্যে বদ্ধ করিয়া রাখে; যে শক্তিকে ইহা ব্যবহার করে তাহাকে সংহত করে, ছড়াইয়া দেয় অথবা পরিণতির পথে লইয়া যায়; রূপের প্রথম জন্মলগ্নে অথবা শক্তির প্রথম আরম্ভের সময় ইহার আত্মজ্ঞানে যাহা স্থিরীকৃত হইয়াছে তাহারই প্রথম ধর্ম \* বা বিধানানুসারে এ সমস্ত কৃত হয়। ইহাই ঈশ্বর বা প্রভুরূপে সর্বভূতের হৃদয়দেশে অবস্থিত থাকিয়া নিজ মায়ার দ্বারা সকলকে যন্ত্রারূঢ় পুত্তলিকার স্থায় ঘুরাইতেছে। [ঈশ্বরঃ সর্বভূতানাং হৃদয়ে.....তিষ্ঠতি ভ্রাময়ণ সর্বভূতানি যন্ত্রারূঢ়ানি মায়য়া—গীতা] ইহা সর্বপদার্থের অন্তরে ও বাহিরে ব্যাপ্ত রহিয়াছে (‘তদ্ অন্তরন্ত সর্বন্ত, তদু সর্বাশ্রান্ত বাহুঃ’) এবং ইহাই ‘কবি’ এবং ‘পরিভূ’ বা দিব্য সত্যদ্রষ্টা, এবং ইহাই অনাদিকাল হইতে সর্ব পদার্থকে স্বভাবে ষথায়থরূপে নিয়ন্ত্রিত ও পরিচালিত করিতেছে (‘যাথাতথ্যাতোহর্হান্ ব্যদধাৎ শাস্বতীভ্যঃ সমাভ্যঃ’—ঈশোপনিষদ)।

এক অন্তর্ধ্যামী প্রজ্ঞা ও শক্তি, সজীব বা নির্জীব, সচেতন বা অচেতন সকল পদার্থের মধ্যে অবস্থিত থাকিয়া তাহাদের সত্তা ও প্রবৃত্তি বা ক্রিয়া পরিচালিত

\* প্রথমধর্ম—‘ধর্মানি সা প্রথমাত্মসন’—উক্তিটি বৈদিক, প্রথম ধর্ম অনুসারেই দেবতাপন ক্রিয়া করেন, এই ধর্ম বা ব্রত ‘পূর্বাং’ বা মৌলিক হুতরাং ‘পরম’ বা সর্বশ্রেষ্ঠ, ইহা পদার্থের অন্তর্নিহিত সত্যের বিধান।

করিতেছে, ইহার সম্বন্ধে আমরা সচেতন নই, তাই ইহাকে অবচেতন বা অচেতন মনে করি কিন্তু প্রকৃত পক্ষে ইহা নিজের নিকট নিশ্চেতন নয় পরন্তু গভীর ও সার্বভৌমরূপে সচেতন, এই জগৎ বুদ্ধিযুক্ত না হইলেও প্রতি পদার্থে আমরা যেন বুদ্ধির খেলা দেখিতে পাই, কেননা সকল পদার্থই অন্তরস্থ দিব্য অতিমানসের সদ্ভূতবিজ্ঞান (real idea) মানিয়া চলিতে বাধ্য, পশু ও উদ্ভিদ ইহাকে অবচেতন ভাবে এবং মানুষ অর্ধচেতন ভাবে মানে, এই মাত্র তফাৎ। সর্বত্র অল্পস্থ্যত থাকিয়া এই যে প্রশাসন ইহা মনোময়ী বুদ্ধির নহে, যেখানে আত্মসত্তার সহিত অবিস্ত্রিতভাবে আত্মজ্ঞান রহিয়াছে ইহা সেই সত্তার আত্ম-সচেতন সত্য। ইহাই ঋতচিৎ বা সত্য চৈতন্য, যাহাকে ভাবনা বা মনন ক্রিয়ার দ্বারা কোন কিছু জানিতে বা করিতে হয় না। এক অথও আত্মসম্পূর্ণ সত্তার শুদ্ধ অপাপবিন্দু আত্মদৃষ্টি অথও এবং অপ্রতিহত শক্তির প্রভাবে সজ্ঞানে সব কিছু ফুটাইয়া তোলে। মনোময়ী বুদ্ধিকে ভাবনা বা মনন করিতে হয়, কারণ ইহা চৈতন্যের প্রতিকলিত শক্তি বা একটা আভাস মাত্র, ইহার প্রকৃত জ্ঞান নাই, কিন্তু তাহা লাভ করিতে চায়। নিজের চেয়ে উচ্চতর এক প্রজ্ঞাশক্তিকে কালের পরম্পরায় ধাপে ধাপে সে অনুসরণ করিয়া চলে—যে প্রজ্ঞা এক, পূর্ণ ও শাস্ত, কালকে যাহা ধারণ করিয়া রহিয়াছে, এক দৃষ্টিতে যাহা অতীত বর্ত্তমান ও ভবিষ্যৎ সকলই দেখিতে পায়।

তাহা হইলে ইহাই দিব্য অতিমানসের কার্য্যকরী বা সক্রিয় তত্ত্ব; ইহা এমন এক বিশ্বদৃষ্টি যাহার মধ্যে সকল পদার্থ ও ভাব আছে এবং যাহা আবার সে সকলের মধ্যে অল্পস্থ্যত হইয়া বর্ত্তমান রহিয়াছে। যেহেতু তাহার সত্তার মধ্যে তাহার নিশ্চল আত্মবোধে দেশ কালাতীতরূপে অন্তর্গত ভাবে সব কিছুই বর্ত্তমান স্বতরাং দেশ ও কালে বিষয়রূপে সৃষ্ট ও পরিচালিত হইয়া যাহা কিছু প্রকাশিত হইতেছে তাহাও সক্রিয় জ্ঞানরূপে তাহার মধ্যে রহিয়াছে।

এই চৈতন্যের নিকট জ্ঞাতা, জ্ঞান ও জ্ঞেয় পৃথক পৃথক সত্তা নয় কিন্তু মূলতঃ এক। আমাদের মন এ তিনকে পৃথক করিয়া দেখে, নতুবা মনন ক্রিয়া চলে না; স্বতন্ত্র না করিলে মনের ক্রিয়ার মৌলিক বিধান লোপ পায়, ক্রিয়ার কোন উপযুক্ত উপায় সে খুঁজিয়া পায় না, স্বতরাং সে নিশ্চল ও নিষ্ক্রিয় হইয়া পড়ে। এই জগৎ মনের দিক দিয়া আমি নিজেকে দেখিতে গেলেও আমাকে এই

ভেদ বজায় রাখিতে হয়। তথায় মনের দেখায় প্রথমতঃ আমি আছি জ্ঞাতরূপে, দ্বিতীয়তঃ আমার মাঝে আমি যাহা দেখিতেছি, যাহা আমি আমার জ্ঞানের বিষয় বা জ্ঞেয় রূপে মনে করিতেছি, যাহা আমি বটে তথাপি যেন আমি নয়; তৃতীয়তঃ জ্ঞানক্রিয়া বা জ্ঞানের বৃত্তি দ্বারা এই জ্ঞাতা এবং জ্ঞেয়কে জুড়িয়া দিতেছি। কিন্তু মননের জন্ত ভেদের এই কৃত্রিম ধারা ব্যবহারিক প্রয়োজনে অল্পসরণ করা হয়, মূল সত্য ইহা প্রকাশ করে না স্পষ্টই। প্রকৃত পক্ষে জ্ঞাতরূপী আমিই সেই চৈতন্য যাহা জানিতেছে, অর্থাৎ জ্ঞাতা ও জ্ঞান একই পদার্থ; জ্ঞান আমিই বৃত্তিরূপে, আবার যাহা জ্ঞেয় তাহাও ত আমি, একই চৈতন্যের একটি গতি বা ক্রিয়া, স্পষ্টতঃ তিনটি একই সত্তা, একই ক্রিয়া; বিভক্ত মনে হইলেও অবিভক্ত, নিজের বিভিন্নরূপে ব্যবস্থিত বা খণ্ডিত মনে হইলেও অখণ্ডিত। অহং এর ক্ষেত্রে এই অখণ্ড জ্ঞানে মন পৌছিতে পারে, যুক্তি দিয়া ধরিতে পারে, বোধ করিতেও পারে কিন্তু ইহাকে ভিত্তি করিয়া সহজে ব্যবহারিক ক্ষেত্রে সচেতন ভাবে সে মননক্রিয়া চালাইতে পারে না। যে চৈতন্যকে “আমি” বলি তাহার বাহিরে যে সমস্ত বস্তুনিচয় আছে সেখানে মনের পক্ষে এ তিনকে এক করিয়া দেখা একরূপ অসম্ভব। সে ক্ষেত্রে একত্ব অল্পভব করাই মনের পক্ষে বিষম ব্যাপার, একত্ব বোধকে রক্ষা করিয়া সত্যত তদন্তদ্বারা কাজকরা তার পক্ষে বিজাতীয় এমন এক নূতন ব্যাপার যাহা তাহার পক্ষে সম্ভবই নয়। মন বড় জোর ইহাকে একটা বৈজ্ঞানিক সত্য হিসাবে মানিতে পারে; ভেদ জ্ঞানের উপর প্রতিষ্ঠিত তাহার সাধারণ এবং স্বাভাবিক ক্রিয়া চালিতে থাকিবে, এ সত্য দিয়া তাহার শোধান বা মার্জ্জন শুধু চলিতে পারে; মনের প্রক্রিয়ার সঙ্গে এ সত্যের সম্বন্ধ বুঝিতে হইলে একটা দৃষ্টান্ত আমরা লইতে পারি। পৃথিবী সূর্যকে প্রদক্ষিণ করে এই বৈজ্ঞানিক সত্য আমরা জানিয়াছি, কিন্তু আমাদের ব্যবহারিক ক্ষেত্রে ইঞ্জিনিয়ার নিকট এই বোধ রহিয়া গিয়াছে যে সূর্যই পৃথিবীকে প্রদক্ষিণ করিতেছে, সে বোধ কৃত্রিম এবং ভ্রমপূর্ণ হইলেও পরিহার করিতে পারি না কিন্তু প্রকৃত সত্যকে এই ব্যবহারিক জ্ঞানের শোধান কার্যে লাগাইতে পারি মাত্র।

কিন্তু এই অভেদ জ্ঞান বা একত্বের সত্য অতিমানসে সদা বর্তমান, এই সত্য অল্পসারেই সেখানে সত্যত ক্রিয়া চলে, মনের কাছে এ জ্ঞান গোপ কখনও

কখনও সাধন বলে এ সত্য সে লাভ করিলেও, তাহার দৃষ্টিশক্তির মূল বা স্বরূপ সত্য ইহা নহে। বিশ্ব এবং বিশ্বের মধ্যে যাহা কিছু আছে তাহার সমস্তই অতিমানস আত্মস্বরূপে দেখে, জ্ঞানের এক অখণ্ড এবং অবিভাজ্য ক্রিয়াতে ; এই অখণ্ড ভাবই তাহার প্রাণ, অখণ্ড ভাবের ক্রিয়াতেই তাহার আত্মপ্রকাশ ; অতএব সর্বাধার এই দিব্য চেতনা নিজের সঙ্কল্প বা ইচ্ছাশক্তি নামক বিভাবের বলে বিশ্বজীবনের পরিণতিকে নিয়ন্ত্রিত ও পরিচালিত করিতেছে বলিলে পূর্ণ ভাবে বলা হয় না, 'ইহাই বলিতে হয় যে বিশ্বজীবনকে ইহা নিজের মধ্যে পরিপূর্ণ করিয়া তুলিতেছে, এমন এক শক্তির ক্রিয়া দ্বারা, যাহা তাহার জ্ঞান অথবা তাহার আত্মসত্তার ক্রিয়া বা গতি হইতে অভিন্ন, অর্থাৎ যাহার মধ্যে সত্তা, জ্ঞান ও শক্তির ক্রিয়া এক এবং অখণ্ড। কারণ আমরা দেখিয়াছি যে বিশ্বচিৎ এবং বিশ্বশক্তি এক, বিশ্বচেতনাই ক্রিয়াতে বিশ্বশক্তি রূপে প্রকাশ পায়। তেমনি দিব্য জ্ঞান এবং দিব্য ইচ্ছা বা সঙ্কল্পও এক ; সত্তার একই ক্রিয়া বা একই স্পন্দে এ উভয়ই প্রকাশিত হয়।

যদি আমরা দিগকে বিশ্বের সম্বন্ধে সত্যধারণা করিতে হয়, যদি বিশ্লেষণ ও বিভেদকারী মনের প্রাথমিক ভ্রান্তি হইতে মুক্ত হইতে হয়, তবে যাহার মধ্যে নিজের একত্ব হইতে বিচ্যুত না হইয়াও সকল বহুত্ব রহিয়াছে সেই অতিমানসের এই অখণ্ডতাকে সত্য বলিয়া স্বীকার করিতে হইবে। বীজ হইতে তাহার মধ্যে অন্তর্নিহিত থাকিয়া যে গাছ পূর্ব হইতে বিদ্যমান ছিল তাহা বাহির হইয়া আসে, আবার গাছ হইতে বীজ পাওয়া যায়। যে স্থায়ীরূপের প্রকাশকে আমরা বৃক্ষ বলি তাহাতে একটা অলঙ্ঘ্য নিয়ম, একটা অপরিবর্তনীয় ধারা বা পদ্ধতি দেখা যায়। মন বৃক্ষরূপে এই ব্যাপারকে, ইহার জন্ম, জীবন ও বংশ বিস্তারকে একটা স্বতঃসিদ্ধ ঘটনারূপে দেখে এবং সেই ভিত্তিতে গভীর মনোযোগের সহিত ইহাকে পর্যবেক্ষণ, ইহার শ্রেণী বিভাগ এবং ব্যাখ্যা করে। গাছকে সে বুঝায় বীজ দিয়া এবং বীজকে গাছ দিয়া, বলে যে ইহা প্রকৃতির একটা নিয়ম বা বিধান। কিন্তু ইহাতে তত্ত্বের ব্যাখ্যা কিছু হয় না, ইহাতে একটা রহস্তের বিশ্লেষণ ও বিকাশধারা পাই মাত্র। এমন কি মন যদি আত্মরূপী অন্তর্গত এক সচেতন শক্তির অল্পভবও লাভ করে এবং তাহাকে এইরূপের প্রকৃত সত্তা এবং অবশিষ্ট সমস্তকে সেই শক্তির স্থিরবদ্ধ প্রকাশধারা বলিয়া



বুঝিতে পারে তথাপি রূপকে সে পৃথক সত্তা বলিয়া মনে করিতে চায়, তাহার প্রকৃতির বিধান এবং পরিণতির প্রণালীও পৃথক মনে করে। পশুতে এবং সচেতন মননশক্তিসম্পন্ন মানুষে ভেদ-দর্শনের এই প্রবণতাবশে মন নিজেকে একটা পৃথক পদার্থ বলিয়া কল্পনা করিতে প্রবৃত্ত হয়, নিজেকে সে সচেতন বিষয়ী এবং অল্প সবরূপকে তাহার বিষয়রূপে তাহা হইতে পৃথক বলিয়া দেখে। প্রাকৃত জীবনে এ ব্যবস্থা প্রয়োজন, ইহাই ব্যবহারিক জীবনের প্রথম ভিত্তি কিন্তু মন ইহাকেই সত্য বলিয়া গ্রহণ করে এবং তথা হইতে অহমিকার সকল ভ্রান্তি আসিয়া পড়ে।

কিন্তু অতিমানস অল্প ভাবে কাজ করে। যদি তাহার সত্তা একান্ত পৃথক, স্বতন্ত্র হইত তবে বৃক্ষ এবং তাহার জীবনপ্রণালী যেৰূপ আছে সেৰূপ হইতে পারিত না, এমন কি তাহার অস্তিত্বই সম্ভব হইত না। বিশ্বস্তার শক্তিতেই রূপরাজি যে ভাবে আছে সেই ভাবে থাকা সম্ভব হইয়াছে; সেই সত্তার সহিত এবং তাহারই অল্প সকল প্রকাশের সহিত সম্বন্ধের ফলেই প্রতিপদার্থের উন্নতি ও পরিণতি সম্ভব হইয়াছে। বিশ্ববিধান এবং সমগ্রপ্রকৃতির সত্যের প্রয়োগেই প্রতিপদার্থের বিশেষ বা বিধান দেখা দিয়াছে। সাধারণ বা সার্বজনীন পরিণতির ক্ষেত্রে তাহার যে স্থান আছে তাহার উপরেই তাহার বিশেষ পরিণতি নির্ভর করে। বীজ দিয়া গাছের তত্ত্ব বা গাছ দিয়া বীজের তত্ত্ব ব্যাখ্যাত হয় না, বিশ্বতত্ত্ব হইতে উভয়ের ব্যাখ্যা মিলে, আর ঈশ্বরকে দিয়া বিশ্বতত্ত্ব বুঝা যায়। যে অতিমানস যুগপৎ বীজ গাছ এবং সর্বপদার্থে পরিব্যাপ্ত এবং অল্পপ্রবিষ্ট হইয়া আছে তাহা এই অবিভাজ্য একত্ব জ্ঞানের মধ্যে বাস করে— যদিও সে একত্বের মধ্যে লুপ্ত হইয়াছে। এই সর্বগ্রাহী (comprehensive) জ্ঞানে সত্তার কোন সীমিত কেন্দ্র নাই; আমাদের মধ্যে অল্প সকল হইতে পৃথক যেমন এক বিশিষ্ট অহং আছে অতিমানসে তেমন কিছু নাই। ইহার আত্মজ্ঞানে সমগ্র সত্তাই সমানরূপে সম্প্রসারিত—একত্রে অদ্বয়, বহুত্বেও অদ্বয়, সর্বত্রই সকল দশায় অদ্বয়। এখানে সর্ব এবং এক একই সত্তা। সর্বের সত্তা এবং একের সত্তার সহিত একত্ব জ্ঞানের চেতনা, ব্যক্তিসত্তা কখনো হারায় না, হারাইতে পারে না; কারণ এই একত্ব জ্ঞান অতিমানসের মর্মসত্য, অতিমানস-আত্মপ্রত্যয়ের অংশ।

সেই বিশাল একত্বের সমতায় সত্তা বিভক্ত বা বিকীর্ণ হইয়া যায় নাই, সমভাবের আত্মব্যাপ্তিতে ইহার সমগ্র প্রসারতাতে ব্যাপ্ত হইয়া একই অবস্থিত, বহুর অনন্তরূপের মধ্যেও বাস করিতেছে এই একই অক্ষয়তর, সর্বত্র যুগপৎ বর্তমান এই এক “সমব্রহ্ম”। কারণ দেশে ও কালে সত্তার এই ব্যাপ্তি ও অবিষ্টান পরম এবং চরম একত্ব হইতেই আসিয়াছে, তাহার সহিত অন্তরঙ্গ ভাবে সম্বন্ধ আছে। সেই পরম একত্বের মধ্যে কেন্দ্রও নাই পরিধিও নাই, তাহা কেবল দেশকালাতীত ‘একমেবাদ্বিতীয়ং’। ব্যাপ্তিহীন ব্রহ্মে যে পরম ঘনীভূত একত্ব রহিয়াছে ব্যাপ্তির মধ্যে তাহা স্বভাবতঃ এইরূপ সমভাবে ব্যাপ্ত প্রত্যয়রূপে দেখা দেয় ; সর্বগ্রাহী জ্ঞানরূপে প্রকাশ পায় যাহার মধ্যে সর্বজ্ঞান অমুহ্যত থাকে ; এমন একত্ব জানে ফুটিয়া উঠে, বহুত্বের কোন খেলাই যাহার হানি বা ন্যূনতা ঘটায় না। “ব্রহ্ম সর্বভূতে”, “সর্বভূত ব্রহ্মে” “সর্বভূতই ব্রহ্ম” ইহা সর্বত্র অতিমানসের তিনটি সূত্র ! আত্মপ্রকাশের একই সত্য এই তিনরূপ বিভাবকে একই সঙ্গে ধারণ করিয়া রাখিয়াছে, যে আত্মদৃষ্টি লইয়া ইহা বিশ্বলীলায় অগ্রসর হয়, তাহার মধ্যে মূলগত ভাবে এ ত্রিধারা অভিন্নভাবে বর্তমান আছে।

কিন্তু মানসিক প্রকৃতির অথবা যাহার মধ্যে দেহ, মন ও প্রাণ এই তিন রহিয়াছে এবং যাহাকে আমরা বিশ্ব বলি সেই নিম্নতর চেতনার উৎপত্তি কোথা হইতে হইল ? যাহা কিছু বর্তমান আছে তাহার প্রতি পদার্থ, সমস্তের মূলস্বরূপ সৎ, চিংশক্তি ও আনন্দকে অবলম্বন করিয়া সর্বকার্য্যক্ষম অতিমানসের ক্রিয়া হইতে গেলে স্বজনশীল এই অতিমানসের মধ্যে এমন কোন বৃত্তি থাকা চাই যাহার ক্রিয়ার ফলে দেহ প্রাণ মনরূপী এই তিন নূতন নিম্নতর ভূমির উদ্ভব হইতে পারে। সৃষ্টিশীল ঋতচিহ্নের এক গৌণ শক্তির মধ্যে আমরা এই বৃত্তির সাক্ষাৎ পাই। ইহা অতিমানসের প্রজ্ঞানশক্তি, ইহা তাহার নিজের মধ্য হইতে কিছু বাহির করিয়া নিজের সম্মুখে স্থাপিত করিবার এবং সেই স্থাপিত পদার্থকে বিষয়রূপে দেখিবার শক্তি, ইহা সেই শক্তি যাহাতে সংবিৎ বা আত্মজ্ঞান নিজেকে কেন্দ্রীভূত করে ব্রহ্ম বা জ্ঞাতারূপে এবং নিজেরই সেই ক্রিয়া হইতে যেন সে সরিয়া যায় এবং সেই ক্রিয়াকে দৃশ্য বা জ্ঞেয়রূপে স্থাপিত করিয়া জানিতে ও দেখিতে চায়। ইতিপূর্বে আমরা সমভাবে ব্যাপ্ত সংবিতের কথা বলিয়াছি কিন্তু এখন এই যে কেন্দ্রীভূত হওয়ার কথা বলিতেছি, ইহাতে সেই সমব্যাপ্তির স্থানে এক বি-সমব্যাপ্তি

দেখা দেয় এবং তথা হইতে আত্মবিভাজনের অথবা প্রতীয়মান প্রতিভাসের আরম্ভ হয় ।

প্রথম জ্ঞাতা বিষয়ীরূপে নিজেকে জানে সমাহৃত করিয়া তাহার চৈতন্তের শক্তির দিকে দৃষ্টিপাত করে—দেখে যেন সে চৈতন্ত তাহারই মূর্তিতে তাহা হইতে বাহির হইতেছে, রূপায়ণে ব্যাপৃত থাকিয়া যেন সতত তাহাতেই ফিরিয়া আসিতেছে, আবার সতত যেন বাহির হইয়া যাইতেছে । আত্ম বিপরীণামের এই একটা ক্রিয়া হইতেই বিশ্বের আপেক্ষিক দৃষ্টি এবং ক্রিয়ার ভিত্তিস্বরূপ সমস্ত ব্যবহারিক ভেদ আসিয়া পড়ে । এইভাবে জ্ঞাতা, জ্ঞান এবং জ্ঞেয় ; ঈশ্বর, তাহার শক্তি এবং শক্তিজাত পদার্থ ; ভোক্তা, ভোগ এবং ভোগ্য ; ব্রহ্ম, মায়া এবং সত্ত্বতি প্রভৃতি সকল ত্রিধা বিকল্পনার ব্যবহারিক ভেদ সৃষ্টি হইয়াছে ।

দ্বিতীয়তঃ জ্ঞানে সমাহিত এই চিন্ময় পুরুষ তাহার নিজের মধ্য হইতে যে প্রকৃতি বা শক্তি বাহির হইয়াছে তাহার স্রষ্টা এবং পরিচালক হইয়া নিজেরই প্রতিকূলে নিজেকে ফুটাইয়া তোলেন, যেন তিনি তাহার চিংশক্তির সঙ্গে তাহার ক্রিয়ার মধ্যে নামিয়া আসেন, সেখানে তাহার আত্ম-বিভাজন ক্রিয়ার যেন পুনরাবৃত্তি করিতে থাকেন, এইভাবে অতিমানসের এই প্রজ্ঞানচৈতন্ত জাত হয় । প্রত্যেক রূপে এই পুরুষ তাহার প্রকৃতির সঙ্গে বাস করেন এবং চৈতন্তের সেই ব্যবহারিক কেন্দ্র হইতে অল্প সকল রূপের মধ্যে যে তিনিই অবস্থিত আছেন, ইহা দেখেন । সর্বত্র একই আত্মা একই দিব্য পুরুষ অধিষ্ঠিত রহিয়াছেন । বহু কেন্দ্র শুধু জ্ঞানের ব্যবহারিক ক্রিয়ার জগৎ, ভেদের একটা খেলার জগৎ, অজ্ঞোজ্ঞ জ্ঞানের, অজ্ঞোজ্ঞ মিলনের, অজ্ঞোজ্ঞ সন্তোষের, শক্তির অন্যান্য সংঘাতের জন্য স্বরূপগত একত্বের উপরই এখানে ভেদের প্রতিষ্ঠা, ভেদের ব্যবহারিক ভিত্তির উপর দাঁড়াইয়া একত্বের বা অভেদের অল্পভূতি ।

যে অব্যভিচারী একত্ব বিশ্বসত্তার মূলভিত্তি তাহার একত্ব মূলক সত্য এবং অবিভাজ্য চৈতন্য হইতে চ্যুত হইয়া সর্বগত অতিমানসের এই নূতন বিভাব যেন কতকটা দূরে সরিয়া গিয়াছে ইহা বলিতে পারি । আর কিছু দূর অগ্রসর হইলেই ইহা অবিচ্ছাতে পরিণত হইবে—যে অবিচ্ছা বহুত্বকেই মূল সত্য মনে করে এবং প্রকৃত একত্বে পৌছিবার জন্য অহংরূপী এক মিথ্যা একত্ব লইয়া যাত্রারম্ভ করে । তখন আমরা বেশ বুঝিতে পারি একবার যদি ব্যষ্টব্যক্তিকে

জ্ঞাতা বলিয়া, দৃষ্টিভঙ্গীনিয়ামক অধিষ্ঠানকেন্দ্র বলিয়া গ্রহণ করি তবে মনের যত বিচিন্তাধারা, মনোময় ইন্দ্রিয় বোধ, মনোময় বুদ্ধি, মনোময় ক্রিয়া এবং সঙ্কল্প তাহাদের সকল পরিণামের সহিত অবশ্য আসিয়া পড়িবে। কিন্তু ইহাও আমরা বুঝিতে পারি যে যতক্ষণ পুরুষের লীলা বা ক্রিয়া অতিমানস ভূমিতে আছে ততক্ষণ অবিজ্ঞার উৎপত্তি হয় নাই, ততক্ষণ পর্য্যন্ত জ্ঞান ও ক্রিয়ার ক্ষেত্র ঋতুচিৎ, ততক্ষণ একত্বই সকলের ভিত্তি।

কারণ তখনও ব্রহ্ম নিজেই দেখিতেছেন সকলের ভিতরে একরূপে, সকলকে বোধ করিতেছেন নিজের মধ্যস্থিত সত্ত্বতি (becoming)-রূপে এবং নিজেই সে সত্ত্বতিরূপ গ্রহণ করিয়াছেন বলিয়া। ঈশ্বর তখনও নিজেই ক্রিয়ার মধ্যে শক্তিরূপ গ্রহণ করিয়াছেন বলিয়া জানেন এবং প্রত্যেক সত্তায়, তাহার আত্মাতে এবং রূপে যে তিনিই, এ বোধ রহিয়াছে। সেই ভোক্তা বহুত্বের মধ্যেও নিজেরই আত্মসত্তাকে ভোগ করেন এ জ্ঞান তখনও বর্তমান। কেবল একটা প্রকৃত পরিবর্তন ঘটিয়াছে, এখন আর চৈতন্য সর্বদা সমান ভাবে ঘনীভূত নয়, এখন সেখানে বি-সমতা দেখা দিয়াছে, শক্তিও নানাভাবে বহুত্বে বিভূত হইয়াছে। চৈতন্যে একটা ব্যবহারিক বৈশিষ্ট্য দেখা দিয়াছে, কিন্তু চৈতন্যের স্বরূপে বা আত্মদৃষ্টিতে কোন প্রকৃত ভেদ বা বিভাগ দেখা দেয় নাই। সত্য-চৈতন্য বা ঋতু-চিৎ এমন একটা অবস্থায় আসিয়া দাঁড়াইয়াছে যাহা আমাদের মননকে গড়িয়া তুলিবে কিন্তু তাহা এখনও আমাদের প্রাকৃত মননে পরিণত হয় নাই। উৎপত্তিস্থানে গিয়া মনকে ধরিবার জন্য ইহা আমাদের পক্ষে ভালভাবে বুঝিতে চেষ্টা করিতে হইবে, কারণ ইহা সেই বিন্দু যেখান হইতে ঋতুচিৎতের সমুচ্চ বিশাল উদারতা ও বিভূতি হইতে ভ্রষ্ট হইয়া মন বিভাগ, খণ্ডতা এবং অজ্ঞানের নিয় ভূমিতে পতিত হইয়াছে। সৌভাগ্যের বিষয় এই যে এতক্ষণ আমাদের বুদ্ধির অগ্রচূর ও অস্পষ্ট ভাষা দিয়া যাহার পরিচয় দিবার অসম্পূর্ণ চেষ্টা করিয়াছি অতিজ্ঞানসের সেই দূরবর্তী বিভাবের অল্পভব পাওয়া অপেক্ষা তাহার প্রজ্ঞানরূপী এই বিভাবকে ধরা ও বোঝা আমাদের পক্ষে সহজতর, কেননা ইহা আমাদের নিকটে আছে এবং আমাদের মনের ক্রিয়ার একটা পূর্বাভাস তাহাতে আছে। যে বাধা আমাদের পক্ষে অতিক্রম করিতে হইবে তাহা তত দারুণ নয়।

## ষোড়শ অধ্যায় অতিমানসের ত্রিধারা

আমার আত্মা ভূতধারক এবং ভূতসকলের উদ্ভবের নিমিত্ত  
কারণ।.....আমিই সর্বভূতের হৃদয়ে অবস্থিত আত্মা।

( গীতা ৯।৫, ১০।২০ )

জ্যোতির তিনটি শক্তি জ্যোতির্ময় তিনটি দিব্যালোক ধারণ  
করিয়া আছে।

ঋগ্বেদ ( ৫।২০।১ )

প্রাকৃত মনের সীমা হইতে যখন জীব মুক্ত এবং দিব্য অতিমানসের  
ক্রিয়ায় যোগদান করিতে সমর্থ হয়, তখন ঋতচিত্তের প্রজ্ঞান দৃষ্টি দিয়া যে জগতে  
আমরা বাস করি তাহা বুঝা সহজতর হয়। প্রজ্ঞানের সাহচর্যে এই রকমে  
বুঝিবার চেষ্টা করিবার পূর্বে ঈশ্বর বা জগৎপ্রভুর চৈতন্যের কথা যাহা আমরা  
জানিয়াছি অথবা এখনও জানিতে পারি তাহার একটা সংক্ষেপ বিবৃতি দিতে  
চাই—বলিতে চাই কি করিয়া তিনি তাহার নিজ সত্তার ঘনীভূত আদিম একত্ব  
হইতে নিজ মায়া দ্বারা এ বিশ্বকে ফুটাইয়া তুলিলেন।

আমরা এই বলিয়া আরম্ভ করি যে যাহা কিছু আছে তাহা এক অখণ্ড  
সংস্করণ, তাহার মূল প্রকৃতিই চৈতন্য, সেই অখণ্ডচৈতন্যের স্বরূপ বা ক্রিয়াশীল  
প্রকৃতিই শক্তি বা ইচ্ছা, এই সত্তা আনন্দরূপ, এই চৈতন্য আনন্দরূপ, এই  
শক্তি বা সঙ্কল্পও আনন্দরূপ, সত্তা চৈতন্য এবং শক্তি বা সঙ্কল্পের শাস্ত এবং  
অবিচ্ছেদ্য আনন্দ নিজের মধ্যে আত্মসমাহিত হইয়া নিশ্চল অথবা ক্রিয়াশীল  
এবং স্থিতিশীল হইয়া নিত্য বর্তমান আছে। ইহাকে আমরা ঈশ্বর বলি,  
প্রাতিভাসিক বা ব্যবহারিক সত্তার পিছনে আমাদের যে স্বরূপ সত্তা আছে তাহাতে  
আমরাও ইহাই। তাহার আত্মসংহত অবস্থায় এই মূল শাস্ত এবং অব্যাক্তি-  
চরিত আনন্দ তাহাতে বর্তমান আছে অথবা বরং তিনি নিজেই সেই আনন্দ।  
আবার সৃষ্টির জন্য যখন তিনি ক্রিয়াশীল হন তখন তাহাতে থাকে—অথবা

তিনি নিজেই হন—সত্তা, চৈতন্য এবং শক্তি বা ইচ্ছার লীলাচঞ্চল আনন্দ। সেই লীলা বা খেলাই এই জগৎ এবং সেই আনন্দই তাহার একমাত্র কারণ, প্রেরক এবং লক্ষ্য। ভাগবতী চেতনায় এ লীলা, এ আনন্দ শাস্ত এবং অবিচ্ছেদ্যভাবে প্রতিষ্ঠিত; যাহা মনোময় অহংরূপী ভ্রান্ত সত্তা দ্বারা ঢাকা পড়িয়াছে আমাদের সেই স্বরূপসত্তায় আমরা এই লীলা এবং আনন্দ, শাস্ত এবং অবিচ্ছেদ্যভাবে সন্তোষ করি—তাহার অস্তিত্ব হইতে পারে না। কারণ আমাদের এ স্বরূপ সত্তা ঐশীচেতনার সহিত এক। অতএব দিব্য জীবনের অভীপ্সা যদি আমাদের মধ্যে জাগে, তবে আমাদের মধ্যে আবৃত সেই স্বরূপের আবরণ উন্মোচন করিয়া, বর্তমানে যে মনোময় অহং এর ভ্রান্ত সত্তাতে আমরা রহিয়াছি তাহা হইতে আমাদের স্বরূপ সত্তার, খাটি আত্মার উচ্চতর অবস্থায় উত্তীর্ণ হইয়া ঐশীচেতনার সহিত একত্রে মিলিত হইয়া তাহা লাভ করিতে পারি, অল্প কোন উপায়ে নহে। আমাদের মধ্যেই অতিচেতন এমন কিছু আছে যাহা সর্বদা সেই ভাগবতী চেতনার অন্তর্ভবে ভরপুর হইয়া আছে, নৈলে আমাদের অস্তিত্বের সম্ভাবনাই থাকিত না। কিন্তু আমাদের মনোময়ী চেতনা সে অন্তর্ভবের আনন্দ হইতে বঞ্চিত হইয়া পড়িয়াছে।

কিন্তু যখন আমরা একদিকে এই অখণ্ড সচ্চিদানন্দের, অন্য দিকে এই বিভক্ত মনের কথা বলি তখন আমরা এমন দুইটি বিরুদ্ধ সত্তাকে স্থাপিত করি যাহার একটি সত্য বলিয়া ধরিলে অপরটি মিথ্যা হইবে, একটিকে সন্তোষ করিতে গেলে অপরটিকে অবলুপ্ত হইতে হইবে। অথচ মনে, দেহ ও প্রাণের আধারে রহিয়াছে আমাদের জাগতিক অস্তিত্ব; সচ্চিদানন্দে পৌছিতে গিয়া যদি আমাদের মন প্রাণ ও দেহের চেতনাকে অবলুপ্ত করিতে হয়, তবে ত এ জগতে দিব্য জীবন প্রতিষ্ঠা অসম্ভব হইয়া পড়ে। জগদতীত ভাবে যিনি বর্তমান তাহাকে সন্তোষ করিতে বা সেই সত্তায় ফিরিয়া গিয়া তাহার সহিত এক হইতে গেলে আমাদের জাগতিক সত্তাকে অবশ্য ছাড়িতে হইবে—এই সিদ্ধান্ত না মানিয়া কোন উপায় থাকে না, যদি এই দুই এর মধ্যে সংযোগ সেতু স্বরূপ এমন কোন মধ্যবর্তী অবস্থা না থাকে যাহা এই দুইকে পরস্পরের নিকট সার্থক করিতে পারে এবং এমন এক সম্বন্ধ স্থাপন করিতে পারে, যাহার ফলে দেহ প্রাণ ও মনের আধারে সচ্চিদানন্দের অন্তর্ভব আমাদের পক্ষে সম্ভব করিয়া তুলিতে পারে।

মিলনের সেতু একটা আছে। আমরা তাহাকেই অতিমানস বা ঋতজি বলিতেছি। ইহা মনের অপেক্ষা উর্দ্ধতর তত্ত্ব এবং বস্তুর অখণ্ড স্বরূপ সত্যে ও একত্বে ইহার অবস্থিতি, গতি ও প্রবৃত্তি, মনের মত প্রাতিভাসিক খণ্ডজ্ঞানে নহে। যে সিদ্ধান্ত হইতে আমরা আরম্ভ করিয়াছি তাহাতে অতিমানসের অস্তিত্বের একটা যুক্তিযুক্ত প্রয়োজন আছে। কারণ সচ্চিদানন্দ স্বরূপতঃ যে দেশ কালাতীত চৈতন্ত্যময় চরম এক সত্তা ইহা মানিতে হইবে বটে; পক্ষান্তরে জগৎ ব্যাপ্ত হইয়া আছে দেশে ও কালে, ইহা দেশে ও কালে কার্য্যকারণ দ্বারা নিয়ন্ত্রিত সত্ত্ব ও সত্ত্বার্থী সত্ত্বের একটা গতি একটা ক্ষুরণ একটা রূপায়ণ—অন্ততঃ আমাদের তাহাই মনে হয়; এই কার্য্যকারণের খাটি নাম দিব্য বিধান (divine law), আবার এ দিব্য বিধানের মূল হইতেছে সৎ বস্তুর অবশুজ্ঞাবী আত্মরূপায়ণ, বস্তুর মূলগত এক বিজ্ঞানময় সত্যই এই ভাবে আত্মপরিণতি লাভ করিতেছে, ইহাতে অনন্ত সম্ভাবনার মধ্য হইতে একটা নির্দিষ্ট বা বিশিষ্ট গতি বা ক্রিয়ার ধারা পূর্ব হইতে স্থিরীকৃত হইয়া রহিয়াছে। সর্ব পদার্থকে যাহা এইরূপে পরিণতির দিকে লইয়া যায় তাহা জ্ঞানময়ী ইচ্ছা বা চিতিশক্তি। কারণ চিৎশক্তিই সত্তার স্বরূপ, স্বভাব, আবার জগতের সকল প্রকাশ স্বরূপতঃ এই চিৎশক্তির খেলা ভিন্ন অণু কিছু নহে; কিন্তু এই জ্ঞানময়ী ইচ্ছাশক্তি মনোময়ী শক্তি নহে; কেন না মন ত এ দিব্য বিধানকে জানে না, অথবা তাহার উপর মনের কোন শাসন বা অধিকার নাই, মনকেই তাহার শাসন মানিয়া চলিতে হয়। মন ইহার ক্রিয়ার একটা পরিণাম, আত্ম-পরিণামের প্রতিভালেই মনের খেলা চলে, মূলের খবর সে রাখে না। পরিণতির ফলকে মন খণ্ড খণ্ড বস্ত্বরূপে দেখে এবং ইহার মূলে বা মর্ম্মগত সত্যে পৌঁছিবার বুখা চেষ্টা করে। তাহা ছাড়া যাহা সকলকে ছুটাইয়া তুলিতেছে সেই জ্ঞানময়ী ইচ্ছাতে একটা একত্ব থাকিবে যাহা হইতে সে বহুত্বের প্রকাশ করিবে কিন্তু এ একত্ব মনের নাই, বহুর একাংশে মাত্র অসম্পূর্ণ প্রবেশাধিকার তাহার আছে।

সুতরাং মন যাহাতে অক্ষম সেই কার্য্যসাধনসমর্থ একটা উচ্চতর তত্ত্ব চাই। ইহা নিঃসন্দেহ যে সচ্চিদানন্দ নিজেরই সেই তত্ত্ব কিন্তু শুদ্ধ অনন্ত নিশ্চল অক্ষর চৈতন্ত্যের পরমস্থিতিরূপে যখন সচ্চিদানন্দ অবস্থিত এ তত্ত্ব সে অবস্থা নহে, কিন্তু তাহার এই আদি স্থিতির অবস্থা হইতে তাহারই মধ্যে তাহাকেই ভিত্তি করিয়া

তাহার শক্তিরূপে যে গতি ও প্রবৃত্তি উদ্ভিত হয়—যাহা বিশ্বস্থিতির ধন—ইহা তাহাই। শুদ্ধ সত্তার মধ্যে চৈতন্য এবং শক্তি এই দুইটী সমজ মূল বিভাব আছে। দেশ ও কালের ভূমিতে বিশ্বকে রূপায়িত করিয়া তুলিবার জন্য সংকেৎ প্রজ্ঞা এবং ইচ্ছাশক্তির আকার গ্রহণ করিতে হইবে। এই জ্ঞান ও ইচ্ছা এক, অনন্ত, সর্বগ্রাহী, সর্বাধার এবং সর্বরূপায়ণক্ষম হইবেই, গতি এবং রূপের মধ্যে যাহা ফুটাইয়া তুলিবে তাহাকে শাস্ত কাল ধরিয়া নিজের মধ্যে ধারণ করিয়া রাখিবে। অতএব সংস্করণ যখন বিশিষ্ট বা নির্দিষ্ট আত্মজ্ঞানে নিজের কোন সত্য অহুভব করেন, তখন দেশে ও কালে নিজের দেশকালাতীত সত্তার সম্প্রসারণ করিয়া সেই বিশিষ্ট জ্ঞান ফুটাইয়া তুলিতে ইচ্ছুক হন, তখনই তাহাকে অতিমানস বলা যায়। যাহা তাহার আত্মসত্তায় আছে তাহা তাহার আত্মজ্ঞানে রূপায়িত হয় ঋতচিং বা সদ্ভূতবিজ্ঞান রূপে এবং তাহার আত্মজ্ঞান এবং আত্মশক্তি অভিন্ন বলিয়া অপরিহার্যরূপে দেশে ও কালে তাহাই আত্মপ্রকাশ করে।

অতএব নিজের চিংশক্তির ক্রিয়া দ্বারা নিজের মধ্যে যিনি সর্বভূত সৃষ্টি করেন এবং আত্মপরিণামের ধারায় নিজ সত্তার সত্য বা সদ্ভূতবিজ্ঞানে অহুস্থাত জ্ঞান ও ইচ্ছাশক্তির দ্বারা বিশ্বস্থিতির যিনি পরিণতি ঘটান সেই ঐশীচেতনার প্রকৃতি এইরূপ। এইভাবে নিত্য চেতন সত্তাকে আমরা ঈশ্বর বলি। স্পষ্টতঃ এবং অবগতই তিনি সর্বব্যাপী, সর্বজ্ঞ এবং সর্বশক্তিমান। তিনি সর্বব্যাপী কারণ তাহার আত্মসম্প্রসারণে যে দেশ ও কাল দেখা দিয়াছে তন্মধ্যে সৃষ্ট সকল রূপ তাহারই সচেতন সত্তার আত্মরূপ। তিনি সর্বজ্ঞ কেন না সর্বভূত তাহার চিয়র সত্তার মধ্যে অবস্থিত, তাহা দ্বারাই রূপায়িত ও অধিকৃত; তিনি সর্বশক্তিমান যেহেতু সর্বগ্রাহী এই চৈতন্য সর্বগ্রাহী শক্তি এবং সর্বরূপ ইচ্ছাও বটে। তাহার মধ্যে ইচ্ছা ও জ্ঞানের কোন বিরোধ নাই, যেমন থাকিতে পারে আমাদের প্রাকৃত চেতনায়, কারণ তাহারা অভিন্ন, উভয়ই একই সত্তার একই ক্রিয়া বা গতি ভিন্ন অঙ্গ কিছু নহে। ভিতর বা বাহির হইতে অঙ্গ কোন ইচ্ছা, শক্তি বা চৈতন্য আসিয়াও তাহার জ্ঞান ও ইচ্ছার সঙ্গে কোন বিরোধ ঘটাইতে পারে না, কারণ সেই অঙ্গ তত্ত্বের বাহিরে কোন শক্তি বা চৈতন্য নাই, তাহার মধ্যে যে সমস্ত শক্তি ও জ্ঞানের রূপ আছে তাহাও তিনি ছাড়া কিছু নয়। তাহারা একেরই সর্ব নিরামক ইচ্ছায় এবং একেরই সর্ব-সামঞ্জস্য বিধায়ক জ্ঞানের খেলা মাত্র।



আমরা বিশেষ ও বিভেদের রাজ্যে বাস করি এবং সমগ্রকে দেখিতে পাই না বলিয়া নানা ইচ্ছা ও জ্ঞানের মধ্যে যেখানে আমরা সংঘর্ষ ও সংঘাত বলিয়া অনুভব করি, সেখানে অতিমানস তাহাদিগকে, যাহা সে কখনও হারায় না এমন এক পূর্বনির্দিষ্ট হৃদয়স্থায়ী অভিমুখী ও পরস্পরের সাহায্যকারী শক্তি বা উপাদানরূপে দেখে, কেন না তাহার দৃষ্টির সম্মুখে সর্বপদার্থের সমগ্ররূপ নিত্য বর্তমান।

অতিমানস বা ঐশীচেতনা যে কোন প্রতিষ্ঠা বা অবস্থিতিতে থাকুক না কেন, যে কোন রূপ ক্রিয়া বা প্রযুক্তি তাহাতে দেখা দিক না কেন ইহাই তাহার নিত্য-প্রকৃতি। কিন্তু তাহার সত্তা স্বয়ংসিদ্ধ, আপনাতে আপনি অবস্থিত, ইহার শক্তিও তাহার আত্মব্যাপ্তিতে অব্যাহত; কোন বিশেষ ভাবের অবস্থিতি বা কোন বিশিষ্ট ক্রিয়ার রূপে তাহা সীমিত নহে। মানুষ তাহার প্রাতিভাসিক বা ব্যবহারিক-সত্তায় দেশ কালের অধীন এক বিশিষ্ট চৈতন্যের রূপ মাত্র, এবং যে বহিষ্কৃত বা প্রাকৃত চেতনাকে আমরা ‘আমি’ বলিয়া জানি তাহা এক সময় একটা বিশেষরূপে, একটা বিশেষ ভাবের প্রতিষ্ঠায়, অনুভবের এক বিশেষ সমবায়ে মাত্র থাকিতে পারে, এই বিশিষ্ট অবস্থাকেই আমরা আমাদের সত্য বলিয়া স্বীকার করি, বাকী সমস্ত আমাদের নিকট সত্য নয় কিম্বা এখন আর সত্য নয়, যে হেতু তাহা অতীতের গর্ভে লীন হইয়াছে এবং আমাদের দৃষ্টির বহির্ভূত হইয়া গিয়াছে অথবা এখনও তাহা সত্য হইয়া উঠে নাই, কারণ তাহা ভবিষ্যতের অঙ্কে রহিয়াছে আমাদের দৃষ্টির সম্মুখে উপস্থিত হয় নাই। কিন্তু ঐশীচেতনাতে এ ভাবের বৈশিষ্ট্য নাই এবং এ ভাবে তাহা সীমাবদ্ধ নয়। ইহা যুগপৎ বহুরূপ হইতে পারে অথবা নিত্যকাল ব্যাপিয়া একাধিক প্রতিষ্ঠায় অবস্থিত থাকিতে পারে। আমরা দেখিতে পাই বিশ্বপ্রসূ অতিমানস তত্ত্বে তিনটা পাদ বা অবস্থিতি (poise) সাধারণভাবে বিদ্যমান আছে। প্রথম পাদে আছে সর্বসৃষ্টির অবিচ্ছেদ্য একত্বের প্রতিষ্ঠা, দ্বিতীয় পাদে এই একত্বকে এমনভাবে বিভাবিত করে যাহাতে একের মধ্যে বহু এবং বহুর মধ্যে এক দেখা দেয়, তৃতীয় পাদে ইহা আরও পরিবর্তিত হয় যাহাতে তাহা বহু বিচিত্র ব্যক্তিত্বের প্রকাশ ও পরিণতির আশ্রয় হইয়া উঠে এবং ইহা আমাদের চেতনার নিম্নতর ক্ষেত্রে নামিয়া আসিলে অবিচার ক্রিয়া ফলে ভেদ ভাবের অহংরূপ ভ্রান্তিতে পরিণত হয়।

সর্বভূতের অবিচ্ছেদ্য একত্ববিধায়ক অনিমানসের এই প্রথম ও মুখ্য ভূমির

প্রকৃতি কি তাহা আমরা দেখিয়াছি। ইহা শুদ্ধ বা নিরুপাধিক অদ্বয়চেতনা নহে, কারণ তাহা সচ্চিদানন্দের দেশ কালাতীত আত্মসমাহিত অবস্থা, সেখানে চিৎশক্তির কোন প্রসারণের খেলা নাই, বিশ্ব সেখানে থাকিলেও শাশ্বত সম্ভাবনা বা ভব্য (‘‘হইবে’’) রূপে মাত্র আছে, কালের ক্ষেত্রে বাস্তবতা বা স্মৃত (‘‘হইয়াছে’’) রূপে নয়। কিন্তু এখানে সচ্চিদানন্দের সমব্যাপ্ত আত্মপ্রসারণ দেখা দিয়াছে ইহা সর্বক্কে অন্তর্নিবিষ্ট করিয়া, সর্বক্কে অধিকার করিয়া, সর্বক্কে প্রতিষ্ঠা করিয়া বর্তমান আছে কিন্তু সর্ব এখানে এক, বহু নয়, ব্যাধিভাব এখনও তাহাতে দেখা দেয় নাই। নিশ্চল এবং শুদ্ধচিত্তে যখন অতিমানসের এই বিভাবের আলোক প্রতিফলিত হয় তখন আমাদের ব্যক্তিত্বের সকল অগ্নুভূতি লোপ পায়, কারণ ব্যক্তিত্ব, রূপ, পরিণাম যাহাকে আশ্রয় করিয়া থাকিতে পারে চৈতন্তের এমন কোন কেন্দ্রীকরণ সেখানে নাই। একত্বের মধ্যে এক রূপেই সর্ব সেখানে প্রকাশিত, এই ঐশীচেতনাতে সর্ব নিজ সত্তার রূপ বা ভাবরূপে ধৃত আছে, ভেদগত সত্তার কোন আভাসও দেখা দেয় নাই। যেমন আমাদের মনে চিন্তা কিম্বা কল্পনা জাগে—আমাদের হইতে কোন পৃথক সত্তারূপে নয় পরন্তু আমাদেরই চৈতন্ত ঐ সমস্ত আকার ধারণ করে, এই আদি অতিমানসে সর্বের সকল নাম ও রূপ কতকটা তদ্রূপ। ইহা অনন্তের মধ্যে শুদ্ধ দিব্য চেতনার বিজ্ঞান বা রূপায়ণ; সচেতন সত্তাব সত্যলীলা বা খেলারূপে শুধু এ বিজ্ঞান বা রূপায়ণ দেখা দিয়াছে, আমাদের মনের চিন্তার মত বস্তুশূন্য কোন মিথ্যা খেলা নহে। এই ভূমিতে দিব্যপুরুষের চিন্ময় আত্মা এবং শক্তিময় আত্মাতে কোন ভেদ নাই কারণ এখানে সকল শক্তি চৈতন্তেরই ক্রিয়া, তেমনই সকল আধারই চৈতন্তের রূপ বলিয়া জড় ও চিত্তের মধ্যে ও এখানে কোন ভেদ নাই।

অতিমানসের দ্বিতীয় পাদে দিব্যচেতনা তাহার অন্তরস্থিত ক্রিয়া বা গতি হইতে বিজ্ঞানের মধ্যে সরিয়া দাঁড়াইয়া যাহা নিজের মধ্য হইতে কিছুকে (নিজেকে) বাহির করিয়া সম্মুখে স্থাপিত করে ও বিষয়রূপে দেখে, প্রজ্ঞানের সেই দৃষ্টি দ্বারা ইহা উপলব্ধি করে; ইহার অনুসরণ করে বা ইহার সহিত যুক্ত থাকে, ইহার সকল ক্রিয়াকে অধিকার করে, সকল ক্রিয়ার মধ্যে বাস করে, বোধ হয় যেন সে নিজেরই প্রতিরূপে নিজেকে ছড়াইয়া দিয়াছে। প্রতি নামরূপে একই স্থির সচেতন আত্মারূপে সে নিজেকে উপলব্ধি করে কিন্তু সঙ্গে সঙ্গে নিজেকে

এমন এক কেন্দ্রীভূত সচেতন আত্মারূপে দেখে যাহা ব্যাটিগত ক্রিয়ার খেলায় সজে যুক্ত থাকিয়া তাহাকে ধারণ করিয়া রহিয়াছে এবং সে খেলাকে অস্ত্র খেলা হইতে পৃথক রাখিয়াছে, এইজন্য মূল আত্মচৈতন্ত্রে এক হইয়াও আত্মার রূপে রূপে ভেদ দেখা দেয়। ব্যাটিচেতনার আশ্রয় স্বরূপ এই কেন্দ্রীভূত চেতনা ব্যাটিক্রম বা জীবাত্মাকে সমষ্টিরূপে সর্ব-সংগঠনকারী চেতনা বা বিশ্বাত্মা হইতে যেন কিছু পৃথকরূপে দেখা যায় ; এ উভয়ের মধ্যে মূলতঃ কোন ভেদ নাই, খেলার বা লীলার জন্য যে ব্যবহারিক ভেদ রহিয়াছে তাহাতে সত্য একত্ব বোধ কখনও লুপ্ত হয় না। বিশ্বাত্মা প্রত্যেক আত্মার রূপ বা প্রত্যেক ব্যাটিকে নিজের স্বরূপ বলিয়া জানেন অথচ প্রত্যেকের সঙ্গে পৃথক সখ্য স্থাপন করেন এবং প্রত্যেককে অপরের সহিত পৃথকরূপে যুক্ত করেন ; দিব্য জীবাত্মা নিজের সত্তাকে সেই পরম একের আত্মরূপ এবং আত্মক্রিয়া বলিয়া অনুভব করে—অতিমানসের সংজ্ঞান বিভাবের অথবা সর্বগ্রাহী চৈতন্তের প্রভাবে যেমন সে এক দিকে বিশ্বাত্মার এবং অপর সকল ব্যাটিক্রমী আত্মরূপের সহিত একত্ব অনুভব করে—তেমনি অন্তরিক অতিমানসের প্রজ্ঞানশক্তির বলে নিজের ব্যাটিক্রিয়ার আশ্রয় ও ভোক্তা হয় ; অদ্বয় তত্ত্বের এবং অপর সকল ব্যাটিচেতনার সহিত থাকে তাহার এক স্বচ্ছন্দ ভেদাভেদের সম্পর্ক। আমাদের পরিণত চিত্তে অতিমানসের এই মধ্য স্থিতির আলোক প্রতিফলিত হইলে আমাদের আত্মা একদিকে আমাদের ব্যাটিগত সত্তার যেমন আশ্রয় ও অধিষ্ঠান হইতে পারে—তেমনি অন্তরিক এই আধারের মধ্যে থাকিয়াও যিনি সর্ব হইয়াছেন, সর্বের মধ্যে বাস করিতেছেন, সর্ব যাহার অস্তিত্ব সেই পরম এক বলিয়া নিজেকে উপলব্ধি করিতে পারিবে, এমন কি বিশিষ্ট ব্যাটিলীলার মধ্যেও ব্রহ্ম এবং অস্ত্র জীবাত্মার সহিত একত্বের পরমানন্দ ভোগ করিতে পারিবে। অতিমানস সত্তার অস্ত্র কোন অবস্থার কোন বিশেষ পরিবর্তন ঘটবে না, একমাত্র পরিবর্তন হইবে, যে এক নিজের বহু প্রকাশ করিয়াছেন এবং যে বহু তথাপি এক রহিয়াছে তাহাদের লীলা বা খেলায় এবং তাহার সঙ্গে থাকিবে এই খেলা বজায় রাখিতে এবং পরিচালিত করিতে, যাহা কিছু আয়োজনের প্রয়োজন।

যে বনীভূত চৈতন্ত অতিমানসের মধ্যস্থিতিতে আশ্রয়রূপে গতি বা ক্রিয়ার গন্ধাতে অবস্থিত ছিল অথচ যেন তাহা উপরে থাকিয়াও তাহার মধ্যে বাস,

তাহাকে অল্পসরণ ও ভোগ করিতেছিল তাহা যখন সেখান হইতে সরিয়া যায় এবং গতির মধ্যে নিজেকে প্রসর্পিত করিয়া দিয়া যেন একভাবে তাহার মধ্যে সংস্কৃত হইয়া পড়ে, তখন অতিমানসের তৃতীয় অবস্থিতি দেখা দেয়। এখানে খেলার প্রকৃতি পরিবর্তিত হইয়া যায়, দিব্য জীবাশ্ম তাহার সচেতন অভিজ্ঞতার ব্যবহারিক ক্ষেত্রে বিখ্যাত। এবং তাহার নিজের অন্তরূপ বা অন্ত জীবাশ্মের সহিত ব্যবহারিক সম্বন্ধের উপর এরূপ জোর দেয়, যে পরম একত্ব জ্ঞান কেবল জীবাশ্মের পরম আত্মমুখিক বা সচরারী ভাবনারূপে বর্তমান থাকে (ভিত্তিকপে যেন নহে) অথবা সকল অভিজ্ঞতার পর্যাবসানরূপে মাত্র সত্যত দেখা দেয়। কিন্তু ইহার উচ্চতর অবস্থার অর্থাৎ অতিমানসের মধ্যস্থিতিতে একত্ব বোধই প্রধান এবং মৌলিক অভিজ্ঞতা এবং বৈচিত্র্য বা বহুত্ব একত্বেরই খেলা এই জ্ঞান সত্তা বর্তমান। সুতরাং অতিমানসের এই তৃতীয় অবস্থিতিতে একত্বের পটভূমিকায় বা একত্বের মধ্যে থাকিয়াই দিব্যজীবাশ্ম এবং তাহার মূল স্বরূপ বিখ্যাতার মধ্যে এক প্রকার মৌলিক আনন্দময় বৈতন্ধ্য দেখা দেয় এবং সেই বৈতন্ধ্যবের রক্ষা ও ক্রিয়ার জন্ত আত্মমুখিক যাহা কিছু প্রয়োজন তাহা আসিয়া পড়ে। মধ্যস্থিতিতে একত্বই প্রধান বহুত্ব, গোণ এবং একত্বের অল্পগত, অন্ত্যস্থিতিতে বহুত্ব স্পষ্ট হইয়া উঠে এবং একত্ব যেন একটু গোণ ভাবে পশ্চাতে অবস্থান করে।

তবে কি বলা যাইবে যে এ অবস্থার প্রথম ফল হইবে অবিজ্ঞাতে পতন, যে অবিজ্ঞা বহুত্বকে সত্য এবং একত্বকে বহু ব্যক্তির বিরটি সমাহার বা যোগফল মাত্র মনে করে? কিন্তু এরূপ পতনের আশঙ্কার কোন কারণ নাই। কারণ এ অবস্থায় দিব্য জীবাশ্ম নিজেকে একত্ব এবং তাহার সচেতন আত্মবিস্তৃতির শক্তি হইতে জ্ঞাত বলিয়া মনে করিবে। দেশ ও কালের মধ্যে নিজের বহু সত্তাকে বহুভাবে পরিচালিত ও আত্মদান করিবার জন্ত সেই এক নিজেকে বহু কেন্দ্রে যে কেন্দ্রীভূত করিয়াছেন, জীবাশ্ম নিজে অল্পভব করিবে যে সে তাহার এক কেন্দ্র। খাটি অধ্যাত্ম ক্ষেত্রের এই ব্যষ্টি পুরুষ তাহার যে স্বতন্ত্র নিঃসঙ্গ এবং বিবিক্ত সত্তা আছে এরূপ অল্পচিত্ত দাবি কখনও করিবে না। নিশ্চল একের সত্যের সঙ্গে যে গতি ও ক্রিয়া, বৈচিত্র্য এবং বহুত্ব সৃষ্টি করিতেছে তাহার সত্যকে দৃঢ়রূপে স্থাপিত করিতে চাহিবে মাত্র। এ উভয়কে একই সত্যের উচ্চতর ও নিম্নতর

মেক অথবা একই দিব্যলীলার মূল ও পরিণতিরূপে দেখিবে। এক্ষেত্রে আনন্দের পূর্ণতার দ্বন্দ্ব বহুত্বের বা বৈচিত্র্যের আনন্দ প্রয়োজন ইহাই বলিবে।

স্মৃতিঃ অতিমানসের এই তিনটি অবস্থিতি একই সত্যকে তিনটি ভিন্নভাবে দেখা যায়। সত্তার যে সত্যের আশ্বাদন পাওয়া যায় তাহা তিনের মধ্যেই এক, আশ্বাদনের ধারা অথবা আশ্বাদনকারী আত্মার বিভ্র বা দৃষ্টিভঙ্গী কেবল পৃথক হইবে। আনন্দের রূপে বৈচিত্র্য থাকিবে কিন্তু সকল অবস্থাই থাকিবে স্বাভাবিক চিত্তের ভূমিতে, মিথ্যা বা অবিজ্ঞার মধ্যে খলন বা পতন হইবে না। প্রথম অবস্থিতিতে অতিমানস দিব্য একত্বের মধ্যে যে দিব্যভাবসমূহ ধারণ করিয়া রাখিয়াছে অল্প দুইটি অবস্থিতিতে দিব্য বহুত্বের ভাষায় তাহাই শুধু স্মৃতি উঠিবে। এই তিন ভাবের কোনটিতে আমরা মিথ্যা বা ভ্রমের ছাপ দিতে পারি না। এই সমস্ত উচ্চতর অভিজ্ঞতার সত্য সম্বন্ধে সর্বাপেক্ষা প্রামাণিক প্রাচীন উপনিষদের ভাষায় দেখিতে পাই যে তাহারা যেখানে সেই দিব্য পুরুষের আত্মপ্রকাশ লীলা বর্ণনা করিয়াছেন তথায় তাহারা এই সকল অভিজ্ঞতাই সিন্ধু এবং প্রামাণিক বলিয়াছেন। আমরা কেবলমাত্র এই বলিতে পারি যে একত্ব বহুত্বের পূর্ববর্তী কিন্তু এ পূর্ব-বর্ত্তিতা কালে নহে চৈতন্তের সম্বন্ধে, আধ্যাত্মিক কোন পরম অভিজ্ঞতা অথবা বেদান্ত দর্শনের কোন ধারাই এ পূর্ববর্ত্তিতাকে অথবা বহু যে একের উপর চির প্রতিষ্ঠিত একথা অস্বীকার করে না। কালের মধ্যে বহুকে নিত্য মনে হয় না, এক হইতে বহু প্রকাশ হয় এবং বহু আবার মূলস্বরূপ সেই একে ফিরিয়া যায় তাই বহু ভাব যে সত্য ইহা স্বীকার করা হয় না। কিন্তু সমানভাবে এ যুক্তি দিয়া দেখান যাইতে পারে যে বিখ্যাতীত পরম পুরুষের দিব্য একত্ব যতটা শাস্ত তাহার দিব্য বহুত্বও তাহাপেক্ষা কম শাস্ত নহে, ইহার প্রমাণ বহুত্বের নিত্যস্থিতি অথবা যদি ইচ্ছা হয় তবে বলিতে পার, কালের মধ্যে তাহাদের প্রকাশের নিত্য আবৃত্তি। এ দিব্য বহুত্ব যদি শাস্ত না হইত কালের ক্ষেত্রে অপরিহার্যরূপে এই যে নিত্য আবৃত্তি বা পুনঃ পুনঃ ফিরিয়া আসারূপ যে বৈশিষ্ট্য রহিয়াছে তাহা থাকিত না।

সম্বৃত্তঃ যখন মানুষের মন আত্মা অথবা অহুভবের অল্প সকল দিক বর্জন করিয়া একদিক মাত্র দেখে এবং তাহার উপর বিশেষ জোর দেয়, তাহাকেই একমাত্র নিত্য ও ঐক্য সত্য বলিয়া মনে করে এবং বিভ্রমকারী মানসিক যুক্তি বিচারের

ভাষায় তাহা প্রকাশ করে তখন পরস্পর বিবাদশীল এবং ধ্বংসকর দার্শনিক মত সমূহের প্রয়োজন ও জন্ম হয়। এইভাবে যখন একমাত্র অর্থেতচেতনার উপর জোর দিয়া, আমরা নিত্য একত্বের বহুভাবে খেলার দিকে দৃষ্টিপাত করি তখন তুল করিয়া আমাদের মন উভয় অবস্থার মধ্যে খাঁটি বিভেদ দর্শন করে; সে সময় উচ্চতর তত্ত্বের সত্য দিয়া মনের তুল না ভাঙ্গিয়া বহুত্বের খেলাকে আমরা ভ্রম বলিয়া নির্দেশ করি। অথবা বহুত্বের মধ্যে একত্বের খেলার উপর জোর দিয়া বিশিষ্টাঐতবাদ খাড়া করি, জীবাাত্মকে পরমাাত্মার এক বিশেষ আশ্ররূপ মনে করি, এই বিশিষ্ট সত্তাকে নিত্য শাস্ত্ররূপে দেখি, সঙ্গে সঙ্গে নির্বিশেষ একত্বের শুদ্ধ চেতনার অভিজ্ঞতাকে একেবারেই অস্বীকার করিয়া বসি। আবার বহুত্বের খেলার উপর জোর দিয়া আমরা বলি, জীবাাত্মা এবং পরমাাত্মার মধ্যে ভেদ শাস্ত্রত এবং যে অভিজ্ঞতা ভেদকে অতিক্রম করে অথবা যাহা ভেদকে মুছিয়া ফেলে বলিয়া মনে হয় তাহার প্রামাণ্য অস্বীকার করি, কিন্তু দৃঢ়ভাবে যে মত আমরা গ্রহণ করিয়াছি তাহাতে এইরূপ কোন কিছু বাদ দেওয়া বা অস্বীকার করিবার প্রয়োজন হইতে আমরা মুক্ত হইয়াছি। আমরা দেখি এ সমস্ত উক্তির প্রত্যেকটির পশ্চাতে একটা সত্য আছে কিন্তু প্রত্যেকের মধ্যেই একটা সদ্ধতসীমালঙ্ঘন বা বাহুল্য আছে যাহার ফলে একটা ভিত্তিহীন নেতিবাদ আসিয়া পড়িয়াছে। কিন্তু পূর্বের বলিয়াছি যে আমাদের একত্ব বোধ এবং আমাদের বহুত্ব বোধের দ্বারা যিনি বদ্ধ নন সেই সর্বাভীত চরমতত্ত্বকে আমরা স্বীকার করি; যেমন একদিকে বহুত্ব একত্বের ভিত্তিতেই প্রকাশ হয়, তেমনি অন্যদিকে বহুত্বকে আশ্রয় করিয়াই একত্ব ফিরিতে হয়, এবং দিব্য-প্রকাশের মধ্যে একত্বের আনন্দ উপভোগ করা যায়—ইহাও মানি। অতএব এই সমস্ত তর্ক লইয়া আমরা আমাদের বর্তমান বিরূতিকে আর ভারাক্রান্ত করিতে অথবা অনন্তব্রহ্মের পরম স্বাধীনতাকে আমাদের প্রাকৃত মনের দেওয়া সংজ্ঞা বিশেষণ বা বিভেদের দ্বারা সীমিত করিবার বৃথা চেষ্টা করিতে চাই না।

## সপ্তদশ অধ্যায়

### দ্বিব্য জীব

যাহার আত্মা সর্বভূত হইয়াছে, যে হেতু তাহার জ্ঞান আছে, কোথা হইতে আসিবে তাহার মোহ, কোথা হইতে আসিবে তাহার শোক, যিনি সর্বত্র একত্ব দেখিতেছেন ?

ঈশোপনিষদ (৭)

অতিমানসের ধারণা আমরা কিছু লাভ করিয়াছি, আমাদের মানবসত্তা যে মননশক্তিরূপ ভিত্তির উপর প্রতিষ্ঠিত. অতিমানস কিভাবে সেই মননশক্তির অপর কোটিতে অবস্থিত তাহাও কিছু জানিয়াছি, ইহার ফলে ‘ভগবদভাব’ এবং ‘দ্বিব্যজীবন’ সম্বন্ধে আমাদের অস্পষ্ট ধারণা অনেকটা স্পষ্ট আকার ধারণ করিয়াছে। এই স্পষ্ট ধারণার অভাবে এ দুই শব্দ আমরা খানিকটা অনিশ্চিত অর্থে ব্যবহার করিতে বাধ্য হইয়াছি এবং ইহাদের সাহায্যে যাহা বৃহৎ অথচ যাহা ধরা ছোয়া যায় না এরূপ এক অভীপ্সার অস্পষ্টরূপ দিতে চাহিয়াছি ; তাহা ছাড়া অতিমানসের সাহায্যে এই সমস্ত ধারণাকে দার্শনিক বিচারে একটা দৃঢ় ভিত্তির উপর স্থাপিত করিতে পারিয়াছি। আমরা বর্তমানে যে মানবতা এবং মানবজীবনের মধ্যে মাত্র রহিয়াছি তাহার সঙ্গে দ্বিব্যভাব এবং দ্বিব্যজীবনের একটা স্পষ্ট সম্বন্ধ দেখিতে পাইয়াছি। জগতের প্রকৃতি এবং আমাদের জগৎ-জীবনের পূর্বতর অবস্থার জ্ঞান হইতে আমাদের আশা ও অভীপ্সার সমর্থন লাভ করিয়াছি এবং পরিণতির ফলে যেখানে আমরা নিশ্চয়ই পৌছিব তাহা বুঝিয়াছি। ঈশ্বর বা শাস্ত্রত সত্য কি, কি করিয়া তাহা হইতে জগৎসৃষ্টি হইয়াছে তাহা আমাদের বুদ্ধিগ্রাহ্য হইতে আরম্ভ হইয়াছে। আমরা ইহাও অনুভব করিতে আরম্ভ করিয়াছি যে যাহা ঈশ্বর হইতে আসিয়াছে তাহা নিশ্চিতই ঈশ্বরে কিরিয়া যাইবে। কিরূপে আমরা আমাদের রূপান্তর সাধন করিব এবং জগতের পৌছিব্যের জন্ত—কেবলমাত্র একাকী আমাদের সত্তার গভীরে ডুবিয়া পরমানন্দের অনুভবলাভ জন্ত নয় পরন্তু—আমাদের প্রকৃতিতে, আমাদের জীবনে এবং অপর সকলের সম্বন্ধে আমাদেরিগকে কি হইয়া উঠিতে হইবে, স্পষ্টভাবে এ প্রশ্নের সমস্তর পাওয়ার এবং তদ্বারা লাভবান হওয়ার সময় এখন আসিয়াছে।

ইহা অবশ্য নিশ্চিত যে যে সমস্ত হেতুবাক্য বা হেতুব্যবহের (premises) উপর আমাদের সিদ্ধান্ত নির্ভর করে তাহা পূর্ণভাবে এখনও দেখা হয় নাই; কারণ আমরা সীমিত প্রকৃতির মধ্যে ভগবানের অবতরণের দিকটাই এতক্ষণ দেখিয়াছি, কিন্তু সসীম প্রকৃতি হইতে নিজের মূল দিব্য সত্তার পুনরায় উত্তরণের পথে যিনি চলিয়াছেন আমরা বস্তুতঃ সেই ব্যক্তিরূপী ভগবান। গতীর এই বিভেদ হইতে দেবতা এবং মানুষের জীবনে তারতম্য আসিয়াছে, দেবতাকে পতন ও স্থলনের দুঃখ কখনই পাইতে হয় নাই। কিন্তু মানুষকে মুক্তি অর্জন করিতে হয় তপস্তার মূল্য দিয়া; তাহার হারাইয়া যাওয়া দেবত্বের অধিকার তাহাকে লাভ করিতে হয় বীৰ্য্য ক্রিয়া এবং নিজের অভিজ্ঞতার ভিতর দিয়া; হয়ত অতিপতন স্বীকার করিয়াই তাহার নূতন সম্পদ সংগ্রহের শক্তি ও সুযোগ আসে। তথাপি এ দু'এর মধ্যে আকার ও বর্ণে শুধু ভেদ আছে কিন্তু স্বরূপ সত্যে কোন ভেদ নাই। যে সমস্ত সিদ্ধান্তে আমরা এতাবৎ পৌছিয়াছি তাহা হইতেই আমাদের অভিলষিত দিব্যজীবনের মূল প্রকৃতি নির্ণয় করিতে পারিব।

প্রথমে দেখা যাউক যখন জড়ের মধ্যে চিত্তের পতন হয় নাই, জড় প্রকৃতির দ্বারা জীবাত্মা ঢাকা পড়ে নাই সুতরাং অবিজ্ঞার মধ্যে নামিয়া আসে নাই তখন সে দিব্যাত্মার স্বরূপ কি হইবে? যখন সে দিব্য আত্মা ব্রহ্মসত্তারই স্ভাৱ তাহার স্বরূপ সত্যে অবিচ্ছেদ্য একত্বে, তাহার অনন্ত শাশ্বত নিজধামে অবস্থিত অথচ দিব্যমান্নার খেলায় ঋতচিত্তের সংজ্ঞান এবং প্রজ্ঞান শক্তিবৈচিত্র্যের প্রভাবে, ভগবানের তরুণ সেই অদ্বয় তব্বের বহুধা আত্মরূপায়ণরূপী অস্ত্র সমস্ত দিব্য আত্মার সহিত যুগপৎ ভেদ ও অভেদ লীলারস আবাদনে সমর্থ—তখন তাহার চেতনা কিরূপ হইবে?

স্পষ্টতঃ সেরূপ আত্মার সত্তা সচ্চিদানন্দের চিন্নয় খেলার মধ্যে অবস্থিত থাকিবে, তাহার সত্তা হইবে শুদ্ধ অনন্ত সংস্বরূপ; সত্ত্বতিতে তাহার স্বাধীন অমর জীবনের খেলায় জন্মমৃত্যুর বা দেহ পরিবর্তনের কোন আক্রমণ থাকিবে না, কারণ এখনও সে আত্মা অবিল্যার মোহে আবৃত অথবা প্রাকৃত জড় সত্তার অন্ধকারে সংবৃত হইয়া পড়ে নাই। শক্তিরূপে এ চৈতন্য শুদ্ধ এবং অসীম, জ্যোতির্ধ্ব প্রশান্তিতে নিত্য প্রতিষ্ঠিত অথচ জ্ঞানের এবং সচেতন শক্তির অস্ত্র সমস্ত রূপের সঙ্গে স্বাধীনভাবে খেলায় সমর্থ; মানসিক জ্ঞানি বশে মানুষের



মধ্যে যেরূপ ঝলন বা পতন আছে, আমাদের সচেতন ইচ্ছা বা সঙ্কল্পের যেমন ক্রটি বা অনবধানতা আছে তেমন কিছু তাহাতে নাই, কারণ তাহা সত্য এবং একমুহূর্তে হইতে বিচ্যুত হয় না। দিব্যসত্তার প্রকৃতিসিদ্ধ আলোক এবং সহজ ও স্বাভাবিক চন্দ্র সুষমার অভাব কখনও তাহাতে নাই। অবশেষে বলা যায় আপন শাশ্বত আত্ম-অভিজ্ঞতা বা আত্ম-প্রত্যয়ে প্রতিষ্ঠিত থাকিয়া সে শুদ্ধ অবিচ্ছেদ্য আনন্দ স্বরূপ; কালের ক্ষেত্রে তাহাতে থাকিবে—স্বর্ণা-বিশেষ-অতৃপ্তি বা হৃৎ-যন্ত্রণা দ্বারা অপরাহুট আনন্দের স্বাচ্ছন্দ্য এবং বিচিত্র প্রবাহ, কেন না সে আত্মা সত্তাতে অবিভক্ত, ভ্রান্ত সঙ্কল্প দ্বারা পরাজিত বা অন্ধ বাসনার তাড়না দ্বারা বিপথচালিত নহে।

অনন্ত সত্যের কোন অংশ বা বিভাব ইহার চেতনার অনধিগম্য থাকিবে না; অপরের সঙ্গে সঘর্ষের জন্য কোন স্থিতি বা অবস্থা গ্রহণ করিলেও তাহাতে তাহার নিজের মধ্যে কোন সীমার সঙ্কোচ আসিবে না; এমন কি প্রতি-ভাসিক ব্যক্তিত্ব এবং ব্যবহারিক ভেদ স্বীকার করিয়া লইলেও তাহার আত্ম-জ্ঞানের কোন ন্যূনতা ঘটিবে না। নিজের আত্মসংঘাতে সে সতত পরমতত্ত্বের সংস্পর্শে অবস্থিত থাকিবে। পরমতত্ত্ব আমাদের প্রাকৃত বুদ্ধির ধারণায় বা কল্পনায় অজ্ঞের অবর্ণনীয় সত্তা মাত্র। বুদ্ধি আমাদেরকে কেবল এই বলিতে পারে যে তাহা উচ্চ হইতেও উচ্চতম বা পরাংপর এমন এক অবিজ্ঞেয় তত্ত্ব, আমাদের জ্ঞান হইতে পৃথক অন্য একভাবে যাহার আত্মজ্ঞান হয়। কিন্তু বুদ্ধি আমাদেরকে তাহার সান্নিধ্যে লইয়া যাইতে পারে না। পক্ষান্তরে বস্তুর স্বরূপসত্যে সদা অধিষ্ঠিত দিব্য আত্মা নিজেকে সেই পরমতত্ত্বের প্রকাশরূপে নিত্য অলুভব করে। তাহার অক্ষর সত্তায় নিজেকে স্বরূপতঃ সচ্চিদানন্দের মূল বিশ্বাতীত সত্তা বলিয়াই জানে, তাহার সচেতন সত্তার লীলায় সে সং চিৎ ও আনন্দের আকারে সেই তত্ত্বের প্রকাশ বলিয়া অলুভব করে। তাহার জ্ঞানের প্রত্যেক অবস্থা বা ক্রিয়ায় যিনি অবিজ্ঞেয় তিনিই বিচিত্র আত্মজ্ঞানে নিজেই নিজেকে জানিতেছেন ইহাই সে বোধ করে, শক্তির প্রত্যেক অবস্থায় বা খেলায় সে দেখে যে বিশ্বাতীত সত্তাই সচেতন শক্তি এবং জ্ঞানরূপে বিভাবিত হইতেছেন; তাহার আনন্দের প্রতি অবস্থা বা প্রকাশে সে অলুভব করে যে সচেতন ভাবে আত্মসম্ভোগের রূপে সে নিজেই নিজেকে আলিঙ্গন করিতেছে। পরমতত্ত্বের সহিত সাক্ষাৎকার এই অলুভুতির

সাক্ষাৎ, সাময়িক বিদ্যুৎচুম্বকের মত যে সে লাভ করে তাহা নহে, অথবা বহু আয়াসে এক চরম অবস্থায় ইহাতে পৌঁছাবে এবং অতিক্রমে সে অল্পভবকে স্থায়ী করিবে এরূপ নহে, কিম্বা পূর্বে ছিল না পরে লাভ করিয়াছে এমন কোন সিদ্ধিরূপে যে ইহা আসিবে তাহাও নহে অথবা তাহার সম্ভার উপর কোন চরমপরিণতিরূপে ইহা চাপাইয়া দেওয়া হইয়াছে এমনও নহে; ভেদ এবং অভেদের উভয় অবস্থায়ই এ অল্পভব তাহার সম্ভা ও জীবনের ভিত্তি; তাহার জ্ঞানে, সঙ্কল্পে, কর্মে ও ভোগে সর্বসময় ইহা বর্তমান থাকে। তাহার কালাতীত আত্মায় অথবা কালের কোন ক্ষণে, দেশাতীত তাহার সম্ভায় অথবা দেশের মধ্যে বিস্তৃত তাহার কোন প্রকাশ বা বিভূতিতে, কার্য্যকারণ এবং ঘটনার অতীত তাহার শুদ্ধ নির্কীর্ষণ অবস্থায় অথবা কার্য্যকারণের মধ্যে তাহার সবিশেষ এবং ব্যবহারিক স্থিতিতে কোন সময় অথবা কোথাও এ অল্পভব বিলুপ্ত বা স্তিমিত হয় না। পরমতত্ত্বের এই নিত্য সাজু্য তাহার অনন্ত আনন্দ ও স্বাতন্ত্র্যের ভিত্তি, ইহা তাহার লীলা বা খেলাতে করে তাহাকে স্বপ্রতিষ্ঠ; তাহার দিব্য সম্ভার ইহাই মূল, রস ও স্বরূপ।

তাহা ছাড়া পরমতত্ত্বের আত্মবিকাশে উৎপন্ন হইয়াছে যে দুইটী অবিচ্ছেদ্য প্রাস্ত বা কোটি যাহাকে আমরা এক এবং বহু বলি, সচ্চিদানন্দের শাশ্বত সম্ভার সেই দুইটী বিভাবের মধ্যে দিব্য আত্মা যুগপৎ বাস করে। সর্বসম্ভাই এইভাবে দু'এর মধ্যে বাস করে; কিন্তু আমাদের খণ্ডিত আত্মজ্ঞান এ দুইয়ের মধ্যে একটা অসামঞ্জস্য একটা অনপনেয় বিরোধ একটা সমুদ্র ব্যবধান দেখিতে পায়, তাই এ উভয় হইতে একটা বাছিয়া লওয়ার দিকে সে চালিত হয়; হয় সে একত্বের পূর্ণ ও অপরোক্ষ চেতনা হইতে নির্বাসিত হইয়া বহুত্বের মধ্যে বাস করে, না হয় বহুত্বের চেতনাকে দূর করিয়া দিয়া একত্বে ডুবিয়া যাইতে চায়। কিন্তু দিব্য আত্মার এইরূপ ভেদ জ্ঞান নাই অথবা ইহাদের একত্বকে বর্জন করে না। সে জানে যে সময় সে অনন্তভাবে আত্মসমাহিত ঠিক সেই সময় অনন্ত ভাবে আত্মবিভূত বা আত্মবিকীরিত হইয়া বর্তমান আছে। তাহার অখণ্ড অদ্বৈত চেতনাতে বহুত্ব যেন সম্ভাবনারূপে রহিয়াছে; প্রকাশ না থাকাতে তাহা আমাদের মানসিক চেতনায় মনে হয় যেন অস্তিত্বহীনতার, শূন্যের বা অসত্তের অবস্থা; আবার সেই একের আত্মপ্রসারিত চৈতন্তে নিজের চেতনাসম্ভা, ইচ্ছা

বা আনন্দের খেলায় নিজে মধ্য হইতে ক্রিয়াশীল বহু রাহিব করিয়া তাহা ধাক্কণ করিয়া নিত্য বর্তমান আছে। এ উভয় চেতনা এ উভয় ভাবের আত্ম-সংশ্লিষ্ট দিব্য আত্মাতে যুগপৎ বর্তমান আছে। সে যেমন জানে বহু তাহাদের সত্তার মূল ও শাস্ত সত্যরূপী একত্বকে নিজের মধ্যে টানিয়া লইতেছে বা এক বহুরূপে প্রকাশ পাইতেছে; তেমনি ভাবে জানে যে যাহা তাহাদের শাস্ত পর্য্যবসান এবং তাহাদের সকল খেলার আনন্দময় সমর্থন ও সার্থকতা, সেই একের দিকে আকৃষ্ট হইয়া বহু সতত তাহার দিকে অগ্রসর হইতেছে বা বহু একত্রে কিরিয়া যাইতেছে। এই ভাবের বিশাল দৃষ্টিই সত্য-চেতনার মূলগত ভাব ও ভিত্তি; বৈদিক ঋষিরা 'সত্যং ঋতং বৃহৎ' নামে ইহারই স্তবগান করিয়াছেন; যাহাতে এই সমস্ত বিরোধের পরম সমন্বয় ও মিলন আছে তাহাই যথার্থ 'অদ্বৈত' 'অদ্বৈত' সেই সর্বগ্রাহী পরমশব্দ যাহার মধ্যে অবিচ্ছেদ্য তত্ত্বের জ্ঞানের গভীর ব্যঞ্জনা পাওয়া যায়।

দিব্য আত্মা সত্তা, চৈতন্য, ইচ্ছা এবং আনন্দের বহু বৈচিত্র্যকে, যিনি আত্মসমাহিত পরমএকরূপে বর্তমান আছেন তাহার আত্মপ্রসারণ বা আত্ম-বিকীরণ বলিয়া জানে, এই যে তাহার নিজেকে নিজে ফুটাইয়া তোলা ইহা নিজেকে ভেদ দ্বারা খণ্ডিত করা নয়, তাহার অনন্ত একত্বেরই এক ভাবের বিস্তার। দিব্যাত্মা নিজে তাহার মূল অদ্বৈত স্বরূপে যেরূপ নিত্য সমাহিত তরুণ তাহার সত্তার আত্মবিস্তারের বিচিত্র প্রকাশের মধ্যেও নিত্য বর্তমান। তাহার মধ্যে যাহা কিছু রূপায়িত হইয়া উঠিতেছে তাহা একের মধ্যস্থিত বহু সম্ভাবনার প্রকাশ ছাড়া আর কিছু নয়:—নামহীন নৈশব্দ্য হইতে বাক বা নামের আগরণ, অরূপের স্বরূপ হইতে রূপের উদ্ভব, সমাহিত এবং স্থির শক্তি হইতে ক্রিয়াশীল ইচ্ছা বা শক্তির প্রকাশ, কালাতীত আত্মসংবিৎ সূর্য্য হইতে আত্মপ্রত্যয় বা আত্মজ্ঞানের রশ্মির অভ্যাস, যাহাকে অসম্ভূতি বলা হয় সেই আত্ম-সচেতন সত্তা সমুদ্রের বুকে আত্মসচেতন সম্ভূতি-তরঙ্গের খেলা, নিত্য স্তব্ধ আনন্দ হইতে প্রেম ও হর্ষের উৎসারণ। পরমতত্ত্ব নিজের আত্মপ্রকাশে এই দুই ভাব গ্রহণ করেন, ইহার মধ্যে প্রত্যেক বিশেষ নিজেকে নির্মিশেষ আত্মপ্রকাশ বলিয়া জানে হৃদয়ং সে বিশেষ হইয়াও নিজের কাছে নির্মিশেষ, অথচ যে অবিচ্ছিন্ন অস্ত্র বিশেষকে তাহার নিজ সত্তা হইতে পৃথক, অনাস্থ্যীয়

অথবা নিজ হইতে অপূর্ণ এই বোধ আগায়, সে অবিত্যার সংস্পর্শ ইহার মধ্যে নাই।

ব্যাপ্তিতে অতিমানসের তিনটি স্থিতিই দিব্য আত্মার চৈতন্তে থাকিবে, আমাদের মন যে ভাবে পৃথক জ্ঞেয়ী বা পূর্ণরূপে দেখে তেমনভাবে নয় পরন্তু সক্তিমানসের আত্মপ্রকাশে জিহারা বা ত্রৈকভাবনারূপে। তাহার একই ব্যাপক আত্মোপলব্ধির মধ্যে এ তিন ভাব একসঙ্গে বর্তমান থাকিবে, কেননা সর্বগ্রাহী বৃহৎ পরিব্যাপ্তিই অতিমানস বা ঋতচিত্তের স্বার্থ বা স্বভাব। অতিমানসের দিব্যদৃষ্টিতে অল্পভবে বা বোধে সর্বভূতই দেখা দিবে আত্মরূপে, সে-আত্মা তাহার নিজের আত্মা, সকলেরই এক আত্মা, একই আত্মসত্তা, একই আত্মসত্ত্বতি ( self-being and self-becoming )। সত্ত্বতিতে বা প্রকাশেও সে আত্মা অবিভক্তই থাকিবে, কারণ তাহার আত্মচৈতন্তের বাহিরে বা তাহা হইতে পৃথক ভাবের কোন কিছু, সত্ত্বতি বা প্রকাশের মধ্যে থাকিতে পারে না। সেই দিব্যদৃষ্টি, অল্পভব বা বোধে সর্বভূত বা সর্ব সত্তা দেখা দিবে একেরই চিয়য়-বিগ্রহরূপে, প্রতি বিগ্রহের সত্তা থাকিবে একেরই মধ্যে, তাহার বৈশিষ্ট্য থাকিবে সেই একের মধ্যে, অনন্ত একত্বের মধ্যে অল্প যে সমস্ত সত্তা আছে তাহাদের সহিত সঙ্ক থাকিবে সেই একের মধ্যে কিন্তু সমস্ত সত্তা হইবে একের অল্পগত, কেননা তাহার অন্তহীন সচেতন আত্মরূপায়ণে প্রত্যেক সত্তাই তাহার একরূপ। আবার এ দিব্যদৃষ্টিতে অল্পভবে এবং বোধে এই সর্ব সত্তাই তাহাদের দিব্য-ব্যক্তিত্ব তাহাদের দৃষ্টিভঙ্গী বা বৈশিষ্ট্য লইয়া দেখা দিবে, অথচ প্রত্যেক সত্তা একের সহিত বাস করিবে, সেই পরমএক তাহাদের মধ্যে বাস করিবেন স্ততরাং ইহাদের কেহই ছায়ামূর্তির মত সর্বতোভাবে অলীক অথবা অখণ্ড সত্যের একটা মায়াময় বা মিথ্যা অংশ কিছ। অচঞ্চল সমুদ্রের কেবলমাত্র কেনোচ্চল তরঙ্গ মাত্র নয়। সব দিক দিয়া ভালভাবে দেখিলে আমরা বুঝিব এ সমস্ত আমাদের মনের দেওয়া অপূর্ণ উপমা মাত্র, যখন আমরা ক্রোধের পিছনে গিয়া ইহাকে পূর্ণরূপে দেখি, তখন ইহাদের প্রত্যেকেই পূর্ণের মধ্যে পূর্ণ, প্রত্যেকে এক সত্য যাহা অনন্ত সত্যের পুনরাবৃত্তি, প্রত্যেকে একটা তরঙ্গ যাহা পূর্ণ সমুদ্র, প্রত্যেকে একটা বিশেষ যাহা নির্বিশেষ তত্ত্ব।

কারণ যাহা দ্বিভাবিত্বভূতিতে আত্মবিজ্ঞানের এই যে তিনটি রূপ তাহা

অথও সৎ-স্বরূপের তিনটি বিশিষ্ট বিভাব। উপনিষদের তিনটি সূত্রে ইহাদের পরিচয় পাওয়া যায়। প্রথম সূত্র ‘সর্বভূতানি আত্মবাবুৎ’ আমাদের আত্মাই সর্বভূত বা সর্বসত্তা ; দ্বিতীয় সূত্র ‘সর্বানি-ভূতানি আত্মন্তেবা’ সর্বভূত আত্মার মধ্যেই অবস্থিত, তৃতীয় সূত্র ‘সর্বভূতেষু আত্মানম্’ সর্বভূতের মধ্যে আত্মা অবস্থিত। আত্মাই সর্বভূত হইয়াছে, ইহাই আমাদের সকলের মধ্যে একত্বদর্শনের বা সর্বাত্মভাবে অল্পভূতির ভিত্তি ; আত্মাতেই রহিয়াছে সর্বভূত এই অল্পভবই আমাদের ভেদের মধ্যেও অভেদ দর্শনের ভিত্তি ; আর সর্বভূতেই আত্মা আছে এই অল্পভব সার্বভৌম সত্তার মধ্যে আমাদের জীবব্যক্তির আত্মপ্রতিষ্ঠার ভিত্তি। আমাদের মন আত্মজ্ঞানের এই তিন বিভাবের মধ্যে অল্প দুইটিকে বাদ দিয়া কোন একটীতে একান্ত ভাবে অভিনিবিষ্ট হইয়া পড়ে, এই ভাবের অপূর্ণ এবং ব্যতিরেকী অল্পভবের ফলে মানুষ সত্যের অল্পভবের মধ্যেও মিথ্যার উপাদান আনিয়া ফেলে ; সর্বগ্রাহী একত্ব জ্ঞানের মধ্যেও বিরোধ এবং পরস্পর খণ্ডনের চেষ্টা আসিয়া পড়ে, কিন্তু অতিমানসের মূল-স্বভাবই হইতেছে সর্বগ্রাহী একত্ব এবং অথও পূর্ণতাকে দর্শন করা, তাই দিব্য অতিমানস সত্তার নিকট এই তিন অল্পভব ত্রিধারায়ুক্ত একই অল্পভব বলিয়া বোধ হইবে।

যখন দিব্য জীব ব্যষ্টিরূপী ভাগবত চৈতন্যে স্থস্থিত বা কেন্দ্রীভূত হইয়া তথাকথিত “অপরাপর” জীবের সহিত জীবনে কর্ম্মে বিশিষ্ট সম্বন্ধ স্থাপন করে, তখনও সর্বভূতের উৎস সেই অথও অদ্বৈত চেতনাই তাহার মর্ম্মমূলে বর্তমান, আবার সেই সঙ্গে সেই চেতনার প্রসারতা স্বরূপ বিশিষ্টা দ্বৈত চেতনা তাহার চৈতন্যের পটভূমিকায় অবস্থিত ; এবং যে কোন সময় এ সব ভাবের কোন ভাবে সে চেতনা ফিরিয়া গিয়া তথা হইতে জীবলীলার আন্বাদন করিতে পারে, বেদে দেবতার সম্বন্ধে এই তিন ভাবের অবস্থিতির কথা বলা হইয়াছে। স্বরূপতঃ দেবতার এক, কেবল ঋষিরা তাহাদের ভিন্ন ভিন্ন নামে আবাহন করেন—‘একং সদ্ বিপ্রা বহুধা বদন্তি’। ‘সত্যং ঋতং বৃহৎ’ বা অতিমানসে প্রতিষ্ঠিত হইয়া এবং তথা হইতে ক্রিয়ার মধ্যে যখন প্রকাশিত হন, তখন যে কোন দেবতাকে, যথা অগ্নিকে অল্প সকল দেবতা বলিয়া উল্লেখ করা হইয়াছে। তিনি সেই এক যিনি বহু হইয়াছেন, আবার সেই সময়ই চক্রনাভিতে অবস্থিত অর বা পাখা-

সমূহের মত সর্বদেবতা তাহারই অন্তর্ভুক্ত হইয়া আছে অর্থাৎ তিনি সেই এক বাহার মধ্যে অস্ত্র সকল আছে, এবং তথাপি অগ্নিকে পৃথক দেবতারূপে বর্ণনা করা হইয়াছে, তিনি অন্য সকল দেবতাকে সাহায্য করেন এবং জানে ও শক্তিতে সকলকে অতিক্রম করিয়া বর্তমান আছেন, তবু আবার বিশ্বে তাহার স্থান অস্ত্র দেবতার নীচে, যাহাকে তাহার দূত, পুরোহিত বা কর্ম্মীরূপে নিযুক্ত করেন, তিনি বিশ্বশ্রষ্টা এবং বিশ্বপিতা, তথাপি তিনি পুত্র আমাদের কর্ম্ম হইতে জাত হন, অর্থাৎ তিনি অনাদি, প্রকাশে তিনি অন্তর্ধামী আত্মা বা ভগবান, তিনি সেই এক সর্বের মধ্যে যাহার বাস।

ভগবানের সঙ্গে বা তাহার নিজেরই যে পরম আত্মা তাহার সঙ্গে এবং অস্ত্রাক্রুর মধ্যে তাহার অস্ত্রাক্রু যে আপন আত্মা তাহাদের সঙ্গে অতিমানস বা দ্বিতীয় জীব তাহার যাবতীয় সম্বন্ধকে, এই সর্বব্যাপী আত্মজ্ঞান দ্বারা নিয়ন্ত্রণ করিবে। এই সম্বন্ধ হইবে সত্তা, চৈতন্য, জ্ঞান, সঙ্কল্প, ইচ্ছা, প্রেম ও আনন্দের সম্বন্ধ। বৈচিত্র্যের অনন্ত সম্ভাবনা তাহাতে আছে, তাই ভেদের, প্রতিভাসের মধ্যেও যাহা অবিচ্ছেদ্য একত্ববোধের সহিত সঙ্গতিবিশিষ্ট, জীবের সঙ্গে জীবের তেমন কোন সম্ভাবিত সম্বন্ধই বাদ দিবার প্রয়োজন সেখানে হইবে না। এইভাবে একদিকে তাহার ভোগে থাকিবে আত্মারামের নিজেকে নিজের অভিজ্ঞতা-সম্ভোগের আনন্দ, অন্যদিকে থাকিবে জগতে লীলাবৈচিত্র্যের জন্য সৃষ্ট অন্য আত্মা বা অন্যরূপের সহিত যুক্ত হইয়া নানা সম্বন্ধের নানা ভাবের অভিজ্ঞতা বা অল্পভবলাভের আনন্দ। আবার বস্তুতঃ যাহারা তাহার নিজেরই আত্মা অন্য সেই সকল আত্মাতে যে সমস্ত অল্পভব হইবে তাহাও নিজের অল্পভব বলিয়া ভোগ করিবার আনন্দ তাহাতে বর্তমান থাকিবে। এই বিচিত্র এবং বিপুল সম্ভাবনা তাহাতে আছে, কেন না সে জানে যে তাহার নিজের অল্পভব, অপরের সহিত তাহার সম্বন্ধ, অপরের অভিজ্ঞতা বা অল্পভব এবং তাহাদের সহিত তাহার নিজের সম্বন্ধ এ সমস্তই একের, পরমাশ্রয়, তাহারই আত্মার আনন্দ এবং রসোল্লাস। তাহার সর্বব্যাপী সত্তার মধ্যে নানারূপ ভেদ সৃষ্ট হইয়াছে কিন্তু প্রতি রূপ তাহারই বাসস্থান, তাই ভেদের মধ্যেও একত্ব নিত্য বর্তমান। এই একত্ব ইহার সকল অল্পভবের ভিত্তি বলিয়া অবিচ্ছিন্ন এবং বিভেদ-কারী অহং-এর দ্বারা যে ভেদজ্ঞান ও বিরোধ আমাদের বিবিধ চেতনায় আসিয়াছে

তাহাদের স্থান দিব্য আত্মার চেতনায় নাই। এই সমস্ত দিব্যাত্মা এবং তাহাদের সখ্যক নির্বিরোধে পরস্পরের সঙ্গে মিলিত হইবে; একটা শান্ত স্বরসঙ্গতির মধ্যে স্থিত অগণ্য স্বররূপে তাহারা পরস্পর হইতে পৃথক হইবে আবার পরস্পরের মধ্যে মিলাইয়া যাইবে।

দিব্য জীবের সত্তা, জ্ঞান ও ইচ্ছার সহিত অপর জীবের সত্তা, জ্ঞান ও ইচ্ছার যে সখ্যক আছে তাহাতেও এই একই বিধান থাকিবে। তাহার সকল অল্পভব ও আনন্দ সক্তিদানন্দশক্তির খেলা বলিয়া এক্ষের সত্যের প্রভাবে তাহার জ্ঞান, ইচ্ছা বা আনন্দের, কাহারও সঙ্গে কাহারও যেমন বিরোধ বা অসঙ্গতি থাকিতে পারে না তেমনি আবার এক দিব্য আত্মার জ্ঞান, ইচ্ছা ও আনন্দের সহিত অল্প আত্মার জ্ঞান, ইচ্ছা ও আনন্দের কোন সংঘর্ষ বা অসঙ্গতি থাকিতে পারে না। কারণ আমাদের খণ্ড চেতনায় আমরা যাহা সংঘর্ষ বা বিরোধ বলিয়া অল্পভব করি, তাহাদের একত্ববোধযুক্ত চেতনায় তাহা অনন্ত স্বরসঙ্গতির নানা স্বরলীলারূপে সাক্ষাৎ করিবে, অস্ত্রান্তের উপর ক্রিয়া করিবে এবং পরস্পর মিলিত হইবে।

পরমাশ্রা বা ঈশ্বরের সহিত এই দিব্য জীবের সখ্যকও হইবে পরম এক্ষের সখ্যক। তাহার নিজ সত্তার সহিত বিশ্বাতীত পুরুষ ও বিশ্বপুরুষ একীভূত, এ বোধ তাহাতে থাকিবে। তাহার নিজের ব্যষ্টিসত্তা ঈশ্বরের সহিত একীভূত এ অল্পভূতি যেমন তাহার হইবে, তেমনি সার্বভৌমভাবে অল্প সমস্ত আত্মার সহিত নিজের একাত্মতার অল্পভবও তাহাতে বর্তমান থাকিবে। তাহার জ্ঞানের সকল সখ্যক, সকল ক্ষেত্র হইবে দিব্য সর্বজ্ঞের লীলা, কারণ ব্রহ্ম জ্ঞান স্বরূপ, আমাদের কাছে যাহা অজ্ঞান তাহা তাহার আত্মসংবিতের মধ্যে বিভ্রামের জন্ত জ্ঞানের সংহরণ যাত্র, যাহার ফলে আত্মবোধের কোন বিশিষ্ট আকারকে পুরোভাগে আনিয়া সক্রিয় ভাবে প্রকাশ করা যাইতে পারে। তাহার ইচ্ছার সকল সখ্যক, সকল ক্ষেত্র হইবে দিব্য সর্বশক্তিমত্তার লীলা, কারণ ব্রহ্মই ইচ্ছা শক্তি ও বীর্ঘ স্বরূপ, আমাদের মধ্যে যাহা দুর্বলতা বা অসামর্থ্য তাহা তাহার স্থির আত্মসমাহিত শক্তির মধ্যে তাহার ইচ্ছার সংহরণ যাত্র, যাহার ফলে দিব্য সুচেতন শক্তির কোন বিশিষ্ট ভাব শক্তিরূপে সম্মুখে আসিয়া আত্মপ্রকাশ করিতে পারে। তাহার প্রেম ও আনন্দের সকল সখ্যক সকল ক্ষেত্র হইবে দিব্য পর-

মানন্দের লীলা, কারণ ত্রক্ষ প্রেম ও আনন্দ স্বরূপ, আমাদের কাছে যাহা অপ্রেম বা নিরানন্দ তাহা তাহার স্থির পরমানন্দসাগরে আনন্দের সংহরণ মাত্র, যাহাতে বিশেষ ভাবের দিব্য মিলন এবং সন্তোগের আনন্দতরঙ্গ সম্মুখে আসিয়া সক্রিয়ভাবে উৎসারিত হইয়া পড়িতে পারে। এইভাবে এই সমস্ত ক্রিয়ার সাড়ায় সকল সত্ত্বিত সদভাবেরই রূপায়ণরূপে ফুটিয়া উঠে এবং যাহা আমাদের কাছে বিরতি, মৃত্যু বা বিনাশ তাহা সচ্চিদানন্দের শাস্ত সত্তার আনন্দময়ী সৃষ্টিশীলা প্রকৃতির বিভ্রাম, রূপান্তর বা আত্মসংহরণ মাত্র। এই একত্ববোধের সহিত, একত্বকে অস্ত্রভাবে অস্ত্রভব ও সন্তোগ করিবার জন্ত একত্ব হইতে নিজেকে পৃথক করিয়া দেখা এবং সেই ভেদের আনন্দের উপর স্থাপিত ঈশ্বর বা পরমাত্মার সহিত নানা সম্বন্ধ রক্ষারও কোন বাধা হইবে না। ভগবানের আলিঙ্গনে আবদ্ধ ভগবদ্প্রেমিকের নানাভাবে ভগবদনুভবজনিত পরমানন্দের যে সমস্ত বিচিত্র অতিরম্য রসোল্লাস সম্ভব হইতে পারে তাহার কিছুই নষ্ট হইবে না।

কিন্তু কোন্ পরিবেশে কোন্ অবস্থায় এবং কিসের সহায়ে দিব্য বা অতিমানস জীবের জীবনের এই প্রকৃতি আত্মপ্রকাশ বা আত্মানুভব করিবে? সম্বন্ধের বা ব্যবহারিক জগতের সকল অভিজ্ঞতা বা অনুভব সম্ভব হয় সত্তার কতকগুলি বিশেষ বিশেষ শক্তির মধ্যস্থতায়, যাহাদিগকে আমরা ধর্ম, গুণ, ক্রিয়া বা বৃত্তিরূপে অভিহিত করি। একটা উদাহরণ লওয়া যাউক, যেমন মন ব্যবহারিক জগতের অভিজ্ঞতার জন্ত স্বাভাবিক মানসিকসত্তা জাত নানা শক্তি যথা বিচার, পর্যবেক্ষণ স্থিতি, সমবেদনা প্রকৃতি ব্যবহার করে, তদ্রূপ অতিমানসকেও জীব জীব সম্বন্ধ স্থাপনের জন্ত অতিমানসসত্তা জাত কতকগুলি শক্তি, বৃত্তি ও ক্রিয়া ব্যবহার করিতে হয়, তাহা না হইলে বৈচিত্র্যের খেলা চলিতে পারে না; যখন আমরা দিব্যজীবনের মনস্তাত্ত্বিক অবস্থার কথা বিবেচনা করিব তখন এই সমস্ত শক্তি বা ক্রিয়া কিরূপ হইবে তাহা দেখিব। বর্তমানে আমরা ইহার দার্শনিক বা তাত্ত্বিক ভিত্তি বা মূলপ্রকৃতির কথাই আলোচনা করিতেছি। এখন এই বলিলেই যথেষ্ট হইবে যে দিব্যজীবনলাভের মূল মন্ত্র বা মূল সর্গ হইতেছে, ভেদদর্শী অহংবোধ এবং ব্যবহারিক চেতনার খণ্ডজ্ঞানের অভাব বা উচ্ছেদ। কারণ এই দুইএর মধ্যে রহিয়াছে বলিয়াই মাছুষ মরণধর্মী, ত্রাসীস্থিতি হইতে



বিচ্যুত। ইহুদীশাস্ত্রে ইহাকে মানুষের ‘আদি পাপ’ (original sin) বলিয়াছে, অথবা আরও দার্শনিক ভাষায় আমরা বলিতে পারি আত্মার সত্য এবং ঋত হইতে আমরা ভ্রষ্ট হইয়াছি; তাহার একত্ব, পূর্ণত্ব এবং স্বেচ্ছা হইতে চ্যুত হইয়াছি; জগতে আত্মার যে বিপদসঙ্কুল অভিযান তাহার জন্ত অজ্ঞানের মধ্যে এইরূপ প্রবলভাবে ঝাঁপাইয়া পড়িবার প্রয়োজন ছিল। ইহা হইতেই আমাদের দুঃখ আসিয়াছে এবং মানুষের হৃদয়ে অভীশ্বার বহ্নিশিখা জ্বলিয়াছে।

## অষ্টাদশ অধ্যায় মন এবং অতিমানস

তিনি মনকেও ব্রহ্ম বলিয়া জানিতে পারিলেন ।

তৈত্তিরীয় উপনিষদ ( ৩৪ )

অবিভক্ত হইয়াও, সর্বভূতে যেন তিনি বিভক্ত হইয়া  
আছেন ।

গীতা ( ১৩।১৬ )

সচ্চিদানন্দের সত্তাতে দৃঢ়ভাবে অবস্থিত দিব্য পুরুষের অতিমানসজীবন স্বরূপতঃ কি তাহার একটা ধারণা করিতে এতক্ষণ চেষ্টা করিয়াছি, কিন্তু সচ্চিদানন্দের মানবদেহে, মনোময় জড় জীবনেও সেই দিব্যজীবন ফুটাইয়া তুলিতে হইবে । কিন্তু অতিমানস সত্তার যেটুকু আমরা জানিতে সমর্থ হইয়াছি, তাহাতে দেহ ও মনরূপী এই দুই নভোমণ্ডলের মধ্যে স্থিত আমাদের প্রাকৃত বা স্বাভাবিক যে জীবনকে আমরা জানি, তাহার সঙ্গে ইহার কোন সম্পর্ক বা ঐক্য আছে বলিয়া মনে হয় না । বরং মনে হয় ইহা শুদ্ধ সত্তা, চৈতন্য এবং আনন্দের একটা প্রকাশাবস্থা ; যে লোকে আত্মা দেহকারাগারে বদ্ধ হয় নাই, যেখানে আত্মার বৈচিত্র্য দেখা দিয়াছে কিন্তু দেহের ভেদ এখনও স্থান পায় নাই, যেখানে সক্রিয় চেতনা অনন্তের আনন্দোন্মাদে উচ্ছ্বসিত, জড় আকার শূন্য যে লোক শুধু বিদেহ আত্মার সক্রিয় সম্বন্ধ বা পরস্পর সন্তোগস্থান, ইহা যেন মনে হয় অতিমানস জীবন তেমন লোকেই সম্ভব । স্বতরাং বিচার বুদ্ধিতে সম্ভেদ আসে, যে জীবনকে আমরা জানি যেখানে দেহ সীমার মধ্যে সঙ্কুচিত, মন রূপের কারাগারে বন্দী, শক্তি রূপের জালে বদ্ধ, সেখানে সেরূপ দিব্যজীবন কি সম্ভব ?

বস্তুতঃ আমাদের জগৎ যাহা হইতে সৃষ্ট এবং আমাদের মনশ্চেতনা যাহার বিকৃতরূপ, সেই অনন্ত পরমসত্তা চিৎশক্তি এবং আনন্দস্বরূপের কিছু কিছু ধারণা করিতে আমরা চেষ্টা করিয়াছি । এই ভাগবতী মায়া, এই ঋতচিৎ, এই সঙ্কুত-

বিজ্ঞান যাহা দ্বারা বিশ্বাতীত এবং বিশ্বপুরুষ নিজ সত্তার আনন্দোচ্ছ্বাসের প্রকাশরূপে জগৎ এবং তাহার ছন্দের ধারণা বা কল্পনা করেন, গড়িয়া তোলেন, এবং পরিচালিত করেন তাহারও কিছু পরিচয় পাইবার প্রয়াস পাইয়াছি। কিন্তু সং, চিং, আনন্দ ও অতিমানস এই দিব্য মহান চতুষ্টয়ীর সঙ্গে মাছুষরূপী আমাদের নিকট কেবল যাহা পরিচিত সেই মন প্রাণ ও দেহরূপী জয়ীর সহিত কি সম্পর্ক তাহা আলোচনা করি নাই। আমাদের সকল চেষ্টা ও সকল চুঃখের মূল অপরা এবং আপাতদৃষ্টে অদৈবী এই মায়াকে ভালরূপে পরীক্ষা করি নাই, ঠিক কিভাবে দিব্য সত্য বা ভাগবতী মায়া হইতে ইহার উদ্ভব হইল তাহাও দেখি নাই। যতক্ষণ পর্য্যন্ত তাহা না করিতেছি, যতক্ষণ পর্য্যন্ত এ দুইয়ের হারানো যোগসূত্র খুঁজিয়া না পাইতেছি ততক্ষণ পর্য্যন্ত বিশ্বরহস্যের কোন স্রীমাংসা বা উচ্চতর সত্তার সহিত নিম্নতর জীবনের মিলন কখনও সম্ভব হইবে কিনা সে সম্বন্ধে সন্দেহভঞ্জন হইতেছে না। আমরা জানি যে আমাদের জগৎ সচ্চিদানন্দ হইতে আসিয়াছে এবং তাহার সত্তাতেই অবস্থিত রহিয়াছে; এ ধারণাও আমাদের আছে যে তিনি জগন্নিবাস, বিশ্বের ভোক্তা এবং জ্ঞাতা, প্রভু এবং আত্মা। ইহাও বুঝিতেছি যে দ্বৈত ভাবে বিভাবিত হইলেও আমাদের ইন্দ্রিয়বোধ মন, শক্তি এবং সত্তা তাহারই আনন্দ, তাহারই চিৎশক্তি, তাহারই দিব্য সত্তার প্রতিক্রিয়া বা প্রতিভূ ভিন্ন অস্ত কিছু নয়। কিন্তু তবু মনে হয় ইহারা বস্তুতঃ তাহার লোকোত্তর সত্যের এত বেশী বিপরীত যে যতক্ষণ পর্য্যন্ত এই বৈপরিত্যের মধ্যে বাস করিতেছি বা আমরা সত্তার এই নিম্নতর জয়ীর মধ্যে অবস্থিত রহিয়াছি ততক্ষণ পর্য্যন্ত আমরা দিব্যজীবন লাভ করিতে পরিব না। তজ্জগৎ হয় আমাদের এই নিম্নতর সত্তাকে উচ্চতর অবস্থায় উন্নীত করিতে হইবে, অথবা দেহের বিনিময়ে সেই শুদ্ধ সত্তা, প্রাণের বিনিময়ে চিৎশক্তির শুদ্ধাবস্থা, ইন্দ্রিয়বোধ এবং মনের বিনিময়ে অবিমিশ্র আনন্দ ও জ্ঞান লাভ করিতে হইবে। ইহার অর্থ কি এই হইবে না যে আমাদের এই পার্থিব এবং সীমিত মানসিক সত্তা ত্যাগ করিয়া ইহার ঠিক বিপরীত অবস্থায় উন্নীত হওয়া—হয় আত্মার কোন শুদ্ধ নির্বিশেষ ভূমি বা সত্যের কোন লোক যদি থাকে সেই ভূমিতে বা লোকে, দিব্য আনন্দ কিম্বা দিব্য শক্তি এবং দিব্য সত্তার কোন অস্ত জগৎ যদি থাকে তবে সেই জগতে? তাহা

হইলে বুঝিতে হইবে যে মানবজীবনের পূর্ণ সিদ্ধি মানবজ্ঞানের ক্ষেত্রে নাই, অন্য কোথাও আছে। তাহা হইলে পার্থিব পরিণতির চূড়া হইবে এমন স্থান, যেখানে মন লয় পাইবে এবং যেখান হইতে জীবকে এক বিরাট লক্ষ দিয়া, হয় অরূপ সত্তায় অথবা বেহগত মনের নাগালের বাহিরে অবস্থিত কোন জগতে পৌঁছিতে হইবে।

কিন্তু বস্তুতঃ আমরা যাহাকে অদ্বিত্য বলিতেছি তাহাও ত দ্বিত্য তত্ত্ব-চতুষ্টয়ের ক্রিয়ার পরিণাম ছাড়া আর কিছু হইতে পারে না, রূপের জগৎ গড়িয়া তুলিতে এরূপ ক্রিয়ার প্রয়োজন ছিল। এই রূপরাজি দ্বিত্য সত্তা, চিন্তাশক্তি এবং আনন্দের মধ্যেই সৃষ্ট হইয়াছে, বাহিরে নয়; দ্বিত্য সত্ত্ববিজ্ঞানের ক্রিয়ার অংশই ইহারা। সুতরাং রূপের জগতে, উচ্চ দ্বিত্য চৈতন্তের খেল হইতে পারে না, অথবা যে রূপরাজি এবং মনোভেদনা প্রাণ ও জড় বস্তুর উপর অব্যবহিত ভাবে নির্ভর করিয়া রূপজগৎ বর্তমান, তাহারা যে উচ্চতর তত্ত্বের প্রতিক্রিয়া তাহাকে তাহারা বিকৃত করিয়াই দেখাইবে, এরূপ মনে করার কোন কারণ নাই। সন্ততঃ সত্য এই হইবে যে দ্বিত্য সত্তার মধ্যেই মন-প্রাণ-দেহের শুদ্ধ রূপ দেখা যাইবে, বস্তুতঃ সেই পরাচেতনার গৌণ বৃত্তিরূপে ইহারা বর্তমান আছে, যে পূর্ণ-যজ্ঞ বা সাধন সাহায্যে এই পরাশক্তি নিত্য ক্রিয়া করে ইহারা তাহার অংশ বা অঙ্গ মাত্র। তাহা হইলে মনপ্রাণদেহেরও দ্বিত্য ভাবে বিভাবিত হইবার সামর্থ্য আছে। জীবদেহে এই ত্রিতত্ত্বের রূপ ও ক্রিয়া সম্বন্ধে বিজ্ঞান আমাদের নিকট যাহা প্রকাশ করিয়াছে এবং যাহা হয়ত পার্থিবপরিণামের একটা মাত্র যুগরূপ অতি অল্পকালের মধ্যে বিজ্ঞান পর্যবেক্ষণ করিয়াছে, তাহাতেই তাহার মধ্যের সকল সম্ভাবনা ফুটাইয়া গিয়াছে ইহা কে বলিল? তাহারা এখন যে ভাবে ক্রিয়া করিতেছে তাহার কারণ যে দ্বিত্যসত্য হইতে তাহাদের উদ্ভব, কোন কারণে তাহারা তাহা হইতে পৃথক হইয়া পড়িয়াছে। মানুষের মধ্যে যে ভগবৎশক্তি আছে তাহার প্রসারে এবং প্রকাশে একবার যদি এই পার্থক্য দূর হয়, তবে ঋতুচক্রের মধ্যে তাহাদের যে শুদ্ধবৃত্তি ও ক্রিয়া আছে, তাহাতে তাহাদের বর্তমান বৃত্তি ও ক্রিয়া রূপান্তরিত হইতে নিশ্চয়ই পারে, বস্তুতঃ এক চরম পরিণতি ও উৎকর্ষগতির প্রভাবে স্বভাবতঃ তাহাই হইবে।

তাহা হইলে মাহুকের দেহ এবং মনে দিব্য চেতনার প্রকাশ ও অবস্থিতি যে সম্ভব কেবলমাত্র তাহা নহে, পরিণামে ভাগবতী চেতনা মাহুকের দেহ প্রাণমনকে জয় করিয়া ইহাদিগকে শাখত সত্যের আরও পূর্ণ প্রতিকল্পে রূপান্তরিত করিয়া তুলিবে এবং এই পৃথিবীতে—কেবল ভিতরে ও আত্মাতে নয় পরন্তু বাহির ও বস্তুতে—স্বর্গরাজ্য প্রতিষ্ঠা করিবে। এই দিব্য জয়ের প্রথমটী বা অন্তর্জগতেরটী নিশ্চয়ই পৃথিবীর কেহ কেহ অস্বাভাবিক পরিমাণে লাভ করিয়াছে, হয়ত যাহারা একরূপ করিতে সমর্থ হইয়াছে তাহাদের সংখ্যা কম নয়, কিন্তু অন্তটী বা বহির্জগতের জয়টী অতীতে তেমন পরিমাণে লব্ধ হয় নাই, যাহাতে ভবিষ্যৎ যুগচক্রসমূহে তাহা আদর্শ বা প্রথমস্থান অধিকার করিতে বা অবচেতন স্বত্বরূপে পার্থিব প্রকৃতির মধ্যে থাকিতে পারে; তবু মানব জাতির মধ্যে ভবিষ্যতে জয়শ্রীমণ্ডিত সে দিব্যজীবন প্রতিষ্ঠা করা হয়ত ভগবদভিপ্রেত। এই পার্থিব জীবনে আধা হর্ষ আধা দুঃখ পূর্ণ আয়াসের চক্রাবর্ত যে চলিতে থাকিবেই তাহা হয়ত সত্য নহে; চরমে পরমাসিদ্ধি এবং পৃথিবীর বুকে ভগবানের মহিমা ও আনন্দের অবাধ প্রকাশ হয়ত ইহার স্থিরীকৃত পরিণাম।

যে পরম আদিমূল হইতে মন প্রাণ ও দেহ উদ্ভূত হইয়াছে সেখানে তাহার কি অর্থাৎ তাহাদের স্বরূপ কি? স্ততরাং যখন সত্যের আলোকে উদ্ভাসিত পূর্ণ ভাগবদপ্রকাশ হইবে, এখন যে ভাবে আমরা ভেদজ্ঞান ও অবিজ্ঞাবশে তাহা হইতে বিচ্ছিন্ন হইয়াছি যখন তাহা দূর হইবে, তখন দেহমনপ্রাণ কি আকার ধারণ করিবে? এই সমস্তার বিচার ও সমাধান করা এখন আমাদের প্রয়োজন। কারণ সেখানে তাহাদের একটা পূর্ণ অবস্থা নিশ্চয়ই আছে, জড়প্রকৃতির অজ্ঞকারময় জড়চেতনার স্রষ্টি করিবার জন্ত আত্মা জড়ের মধ্যে সংবৃত হইয়াছিল, সেই দিব্য জ্যোতি নিজের ছায়ার মধ্যে স্থগ্ত হইয়াছিল, আবার সেই জড় হইতে মন অভিব্যক্ত হইতেছে, আমরা এখনও তাহার প্রথম ধাপে আছি, আমাদের গতি এখনও শূন্যলিত, এখনও সেই আত্মসংবৃতি এবং স্থগতির অবস্থা ও পরিণামের প্রভাব হইতে আমরা মুক্ত হই নাই বা ঘূমের ঘোর কাটে নাই—আমরা পূর্ণত দিকে অগ্রসর হইতেছি মাত্র। পূর্ণতার যে আদর্শ বা আমাদের চরম পরিণতিতে আমরা যাহা হইয়া উঠিব

তাহার পূর্ণরূপটি দিব্য সঙ্কৃতবিজ্ঞানের মধ্যে পূর্ক হইতেই সচেতন ভাবে আমাদের জ্ঞান প্রস্তুত হইয়া আছে—যাহাতে আমরা সেই পরিপূর্ণতার দিকে অগ্রসর হইয়া তাহাই হইয়া উঠিতে পারি। সেই দিব্যজ্ঞানে পূর্ক হইতে যাহা বর্তমান আছে, তাহাকে মাহুয়ের মনশ্চেতনা সদা খুঁজিতেছে, যাহার নাম দিয়াছে সে আদর্শ। আদর্শ হইতেছে সেই শাস্ত্র সত্য যাহাতে আমাদের সম্ভার বর্তমান অবস্থায় আজিও আমরা পৌঁছিতে পারি নাই; তাহা অসংবদ্ধ বা আমাদের মনের বস্তুশূন্য কল্পনামাত্র নহে; এমন কিছু নহে শাস্ত্র পুরুষ যাহার ধারণা এখনও করিয়া উঠিতে পারেন নাই কেবল মাত্র অপূর্ণজীব আমরা যাহার আভাস পাইয়াছি এবং রূপ দিবার চেষ্টা করিতেছি।

প্রথমে মানব জীবনের শৃঙ্খলাবদ্ধ এবং কূঠাগ্রস্ত রাজ্য এই মনের কথা আলোচনা করি। মন স্বরূপতঃ একটা চৈতন্য যাহা অবিভাজ্য পূর্ণকে পরিমিত করিয়া দেখে, সীমিত করে, নানারূপে খণ্ডিত করিয়া প্রত্যেক খণ্ডকে একটা পৃথক বস্তুরূপে দেখে, স্পষ্টতঃ যাহা ভগ্নাংশ মাত্র, মনের সাধারণ কার্যক্ষেত্রে তাহাকে পূর্ণের কেবলমাত্র একটা অংশরূপে না দেখিয়া, পূর্ণকে বাদ দিয়া পৃথক ভাবে তাহাকে ব্যবহার করা যায়, এ মিথ্যার সে আশ্রয় নেয়। যখন সে জানে যে ইহা অংশমাত্র তখনও অংশ যেন পূর্ণ একরূপ ভাবে সে চলিতে বাধ্য হয়, নহিলে তাহার স্বাভাবিক বিশিষ্ট যে ক্রিয়াশক্তি আছে তাহার মধ্যে সে অংশকে ফেলিতে পারে না। মনের সমস্ত কার্য্যকরী শক্তি, ধারণা, অল্পভূতি, ইন্দ্রিয়সংবেদন বা ভাবনার সৃষ্টিলালা সর্বত্রই তাহার এ বিশিষ্ট ধর্মের অন্তর্ভাষন রহিয়াছে। তাহার ভাবনা, অল্পভব বা ইন্দ্রিয়বোধের জ্ঞান সে যেন একটা বৃহৎ স্তূপ হইতে তাহার কতকটা অংশ কাটিয়া নেয় এবং সেই কণ্ঠিত অংশকে স্থায়ী একরূপে তাহার সৃষ্টিকার্য্যে এবং ভোগে লাগায়। সকল কর্ম্ম সকল স্তোপে সে যে সমস্ত জিনিষ পূর্ণ বা অখণ্ড রূপে দেখে, তাহা বৃহত্তর কোন পূর্ণবস্তুর অংশ, আবার সেই ক্ষুদ্র ক্ষুদ্র পূর্ণবস্তুগুলিকে নানা অংশে ভাগ করা হয় তখন কোন বিশেষ প্রয়োজন সাধনের জ্ঞান সেই ক্ষুদ্রতর খণ্ডগুলিকে অখণ্ড বলিয়া ব্যবহার করে। মন বিষয়কে লইয়া যোগবিয়োগ গুণভাগ করিতে পারে কিন্তু এই খণ্ড গণিতের সীমার বাহিরে যাওয়া মনের সাধ্য নাই। যদি সে বাহিরে গিয়া প্রকৃত অখণ্ডের ধারণা করিতে চেষ্টা করে, তবে বিদেশে দুগ্ভ্রান্ত পথিকের

দ্বিবি বিমুচ হইয়া পড়ে। তাহার দৃঢ় ভিত্তি ত্যাগ করিয়া অনন্তের অভাবে, যাহাকে ধরা ছোঁয়া যায় না সেই অধরের সমুদ্র মধ্যে পড়িলে কি দেখিবে, কি ভাবিবে, কি ধরিবে, তাহার সৃষ্টি এবং ভোগের জন্ত কি বিষয় অবলম্বন করিবে তাহা সে খুঁজিয়া পায় না। কখনো যে বোধহয় মন অনন্তের ভাবনা করিতেছে তাহাকে অস্বপ্ন করিতেছে, তাহাকে বোধ বা ভোগ করিতেছে, তাহা বহির্দৃশ্যে মাত্র, বস্ত্ততঃ তখন সে অনন্তের ছায়া লইয়াই রহিয়াছে। তখন যাহা তাহার প্রত্যয়ে আসিয়া উঠে তাহা দেশের অতীত অনন্ত নহে, বৃহত্তের একটা রূপহীন অস্পষ্ট আভাস মাত্র। যে মুহূর্ত্তে সে অনন্তকে ব্যবহারের ক্ষেত্রে, তাহার বোধ বা ভোগের মধ্যে নামাইয়া আনিতে চায় তখনই মনের সীমিত করিবার অনিবার্য প্রবৃত্তি আসিয়া পড়ে, তখন মনের পক্ষে পুনরায় সৃষ্টি, রূপ, শব্দ বা বাক্য লইয়া খেলা আরম্ভ হইয়া যায়। মন অনন্তকে ধারণা বা ভোগ করিতে পারে না, সে শুধু অনন্তের দ্বারা ভুক্ত বা আবিষ্ট হইতে পারে। তাহার পক্ষে যাহা অগম সেই ভূমি হইতে যখন সত্যের জ্যোতির ছায়া আসিয়া তাহার উপর পড়ে, তখন সেই আনন্দে অবশ হইয়া সে শুধু আত্মহার হইতে পারে। অতিমানস ভূমিতে না উঠিলে অনন্তকে পাওয়া যায় না, ঋতচিহ্ন সত্যের অবতরণের সময় তাহার নিকট নিষ্ক্রিয় ভাবে আত্মসমর্পণ না করিলে, তাহার জ্ঞানলাভও মনের পক্ষে সম্ভব নয়।

ইহাই মনের মূলবৃত্তি, স্বাভাবিক সীমা; ইহা দ্বারা তাহার খাটি প্রকৃতি এবং ক্রিয়া পরিচালিত হয়, ইহাই তাহার স্বভাব, স্বধর্ম। পরামায়ার পূর্ণলীলায় যে কার্যে তাহাকে দ্বিবি ব্যবস্থাসুসারে নিয়োজিত করা হইয়াছে, তাহার চিহ্ন এখানে দেখিতে পাই; স্বয়ম্ভু যিনি তাহার শাস্ত আত্মভাবনার মধ্যে মন যখন জয়গ্রহণ করিয়াছে, তখন হইতে এই পদ বা বৃত্তি তাহাকে দেওয়া হইয়াছে। এ পদের বিশিষ্ট কর্তব্য হইতেছে সর্বদা অনন্তকে সান্ত্বন্য ভাষায় অহুবাণ করা, পরিমিত করা, সীমিত করা, খণ্ড করা। বস্ত্ততঃ অনন্তের সমস্ত সত্যবোধকে বিলুপ্ত করিয়া মন আমাদের চৈতন্ত্রে এই কাজ-ই করিতেছে। এই অন্য মন মহা অবিদ্যার প্রথম জটিল গ্রন্থি, কেননা মূল বিভাগ ও বিক্ষেপ ইহা হইতেই জাত হয়। ইহাকে জগতের কারণ এবং ইহাই দৈবী মায়ার সমগ্রতা, কুল করিয়া অনেক সময় একথা বলা হইয়াছে। কিন্তু দৈবী মায়ার মধ্যে বিদ্যা

এবং অবিদ্যা, জ্ঞান এবং অজ্ঞান এ দুইই আছে। সান্ত্ব অনন্তেরই প্রতিভাস, তাহার ক্রিয়ার ফল, তাহারই চৈতন্তের খেলা; অনন্তের মধ্যে অনন্তের পটভূমিকায় অনন্তের উপাদান বা অনন্তের শক্তির ক্রিয়ারূপে ভিন্ন সান্ত্বের কোন অস্তিত্বই যখন সম্ভব হইতে পারে না, তখন ইহা স্পষ্ট যে এমন এক মূল চৈতন্ত নিশ্চয়ই আছে যাহা সান্ত্ব ও অনন্ত এ উভয়কে এক সঙ্গে ধারণ করিয়া বর্তমান আছে এবং ইহাদের পরস্পরের সম্বন্ধের সকল তত্ত্বই আছে যাহার পরমজ্ঞানে। সে চৈতন্তে অবিজ্ঞা নাই, কেন না তাহাতে অনন্তের সকল জ্ঞান আছে, এবং সান্ত্বও সেখানে স্বতন্ত্র সত্তারূপে অনন্ত হইতে বিচ্ছিন্ন হয় নাই। কিন্তু তাহাতে এমন একটা গোণ ক্রিয়া আছে যাহা সীমা বা সঙ্কেচ আনে, নতুবা জগতের অস্তিত্ব সম্ভব হইত না। এই ক্রিয়ার ফলে যাহা কেবল ভাঙ্গে বা জোড়ে এমন এক মনশ্চেতনা, যাহা সর্বদা ছড়াইয়া পড়ে আবার গুটাইয়া আসে এমন এক প্রাণের লীলা, যাহা সর্বদা বহু বিভক্ত হইয়া আবার একত্রে সমাহৃত হয় এমন এক জড় সত্তা, প্রতিভাসের ক্ষেত্রে প্রকাশ পাইয়াছে—এ সমস্তের মূলে আছে ঐ এক তত্ত্ব, এক ক্রিয়া। যিনি পরম মনোবী এবং কবি বা শাস্ত্রতত্ত্ব তাহার এই গোণ ক্রিয়াকে দিব্যমানস বলা যাইতে পারে, ইহা জ্যোতির্ময়, নিজেকে এবং সকলকে জানে, নিজে কি করিতেছে তাহা পূর্ণরূপে অবগত আছে। অনন্তের মধ্যেই সে যে সান্ত্বকে সৃষ্টি করিতেছে এ জ্ঞান কখনও সেখানে বিলুপ্ত হয় না। ইহা স্পষ্ট যে এই দিব্যমানস অতিমানসের বা সত্ত্বতত্ত্ববিজ্ঞানের ক্রিয়া হইতে পৃথক কিছু নয় পরন্তু তাহারই ক্রিয়ার একটা গোণ ধারা। আমরা যাহাকে স্বতন্ত্র চিত্তের প্রজ্ঞানবিভাগ বলিয়াছি তাহা হইতে ইহার ক্রিয়ার প্রবর্তনা।

আমরা দেখিয়াছি যে সক্রিয় এবং সৃষ্টিশীল যে তত্ত্ব অবিভাজ্য সর্বরূপে বর্তমান আছে, তাহাই নিজের প্রজ্ঞানচৈতন্তের সাহায্যে সেই সর্বচৈতন্তের বিষয়রূপে নিজেকেই স্থাপিত করিয়া বা নিজেকে যেন নিজ হইতে জাত হইয়া, নিজেকে নিজের ক্রিয়ার দ্বারা বা অধিকারী হয়। কবি যেমন তাহার আশ্চর্য্যচেনার মধ্যস্থিত নিজ সৃষ্টি নিজের সম্মুখে স্থাপিত করে, যেন সে সৃষ্টি তাহার দ্বারা কবি ও তাহার স্বজনশক্তি হইতে পৃথক কিছু, অথচ তাহা যেমন কবির আত্মসত্তার মধ্যে একটা রূপায়ণের খেলা মাত্র, যে খেলা তাহার দ্বারা কবি হইতে কখনও বিভক্ত বা বিচ্ছিন্ন হইতে পারে না, প্রজ্ঞানের ক্রিয়া কতকটা তদ্রূপ। প্রজ্ঞান পুরুষের মধ্যে



এই যে একটা ভেদ ভাব যেন আনয়ন করা হয়, তাহার ফলে সচেতন জ্ঞান এবং জ্ঞাতা নিজের দৃষ্টিশক্তির দ্বারা প্রকৃতি বা শক্তিরূপী আত্মা বা স্বভাবরূপ আত্মাকে, নিজের জ্ঞানের এবং দৃষ্টির বিষয়রূপে স্থাপিত করে, যাহা তাহার সৃষ্টি এবং তাহার সর্ববিধায়িকা। শক্তিরূপে দেখা দেয়, ইহাই ভেদের মূল জন্মস্থান যাহা হইতে ভেদাত্মক বিশ্বসৃষ্টি সম্ভব হয়। এই যে পুরুষপ্রকৃতিবিরুদ্ধ ইহা ভেদ বলিয়া আমাদের মনে হইলেও প্রকৃতপক্ষে ভেদ নহে, ইহার উভয়ে একই সত্তা, জ্ঞাতারূপী তাহার নিজের সম্মুখে জ্ঞানরূপে অথবা স্রষ্টারূপে তাহার নিজের সম্মুখে শক্তিরূপে এই যে বহুরূপ দেখা দিয়াছে বা সৃষ্ট হইয়াছে, এ সমস্ত তাহার আত্ম-সত্তারই নিজস্ব বহুরূপ। প্রজ্ঞানচৈতন্যের শেষ ক্রিয়া তখনই দেখা দেয়, যখন পুরুষ তাহার সচেতন আত্মবিস্তারের সর্বত্র অল্পস্থ্যতা থাকে, নিজের প্রতি বিন্দুতে এবং সমগ্রতায় বর্তমান থাকে, অথচ রূপের মধ্যে বাস করিয়া প্রত্যেক রূপের বিশিষ্ট দৃষ্টিভঙ্গীর মধ্য দিয়া সমগ্র হইতে যেন পৃথক রহিয়াছে মনে করে ; যেন সে আত্মার প্রতিরূপে নিহিত তাহারই বিশিষ্ট ইচ্ছা ও দৃষ্টিভঙ্গী দিয়া আত্মার অস্ত্র সকলরূপকে দেখে এবং তাহাদের সহিত সম্বন্ধ নিরূপিত করে।

এইভাবে বিভাগ বা খণ্ড ভাবের মূল তত্ত্ব আসিয়া পড়িল। প্রথমতঃ অন্তর্হীন সেই এক, দেশ ও কালরূপে নিজেকে আত্মপ্রসারিত করিল, দ্বিতীয়তঃ আত্ম-সচেতন সেই প্রসারতার মধ্যে বর্তমান একের সর্বব্যাপিগ্ৰহ বহু সচেতন আত্মারূপে আত্মপ্রকাশ করিল, ইহা হইতে সাংখ্য দর্শনের বহুপুরুষবাদ আসিয়াছে। তৃতীয়তঃ একের সেই আত্ম প্রসারণে বহু পুরুষের প্রত্যেকে নিজের জ্ঞান পৃথক নিবাসস্থান বা রূপ সৃষ্টি করিল। বহু পুরুষের প্রত্যেকে, যখন নিজের পৃথক জগতে বাস করে না, তাহাদের প্রত্যেকের পৃথক প্রকৃতি নাই এবং প্রত্যেকের জ্ঞান পৃথক বিশ্ব সৃষ্টি হয় নাই ; সকল পুরুষ বহুত্বের অধিষ্ঠাতা একই পরমপুরুষের নিজ শক্তি হইতে সৃষ্ট আত্মরূপ বলিয়া, একই প্রকৃতির ভোক্তা সকলকে যখন হইতেই হইবে, অথচ সেই একই প্রকৃতিসৃষ্টজগতে পরস্পরের সহিত সম্বন্ধ স্থাপন করিতে হইবে, তখন এইভাবে বিভক্ত রূপ সৃষ্টি অপরিহার্য। প্রতিরূপে স্থিত পুরুষ সেই রূপের সঙ্গে নিজেকে এক বলিয়া দেখে ; সে নিজেকে সেই রূপের মধ্যে সীমিত করিয়া তাহারই অন্য আত্মা যে সমস্ত রূপে রহিয়াছে, সেই সমস্ত রূপ হইতে নিজরূপকে যেন পৃথক মনে করে ; এই সমস্ত পুরুষ সত্তার পরস্পরের

সহিত এক হইলেও একই উপাদান, শক্তি, চৈতন্য এবং আনন্দের মধ্যে যে সঘন, যে অধিকার, যে গতি, যে দৃষ্টিভঙ্গী তাহারা কোন বিশিষ্ট কালে বিশিষ্ট ক্ষেত্রে গ্রহণ বা প্রকাশ করে, তাহাতে পরস্পরের মধ্যে বিভিন্নতা দেখা দেয়। কিন্তু আমরা যেমন দেহাঙ্গবোধের দাস হইয়া পড়িয়াছি, আমাদের সচেতন অহং এর সীমার গতি আমরা যেমন কাটিয়া উঠিতে পারি না, কালের মধ্যে আমাদের চেতনার যে বিশেষ প্রবাহ চলে, বাহা দ্বারা দেশের মধ্যে আমাদের ক্ষেত্র স্থিরীকৃত হয়, তাহা হইতে যেমন আমরা পলাইতে পারি না, এই দিব্যস্থিতিতে পুরুষের অবস্থা সেরূপ নহে। এখানে আত্মজ্ঞান পূর্ণরূপে জাগ্রত আছে, সত্যিকার কোন সীমার বন্ধন এখানে থাকিতে পারে না, হুতরাং সীমাগ্রহণে বন্ধনের কারণ বা দেহাঙ্গবোধের অধীন হইয়া পড়া হয় না। প্রতিমূহুর্তে এখানে পুরুষ নিজের রূপের সঙ্গে নিজেকে এক করিয়া দেখে কিন্তু স্বাধীনভাবে, আমরা যেমন কালের পারস্পর্যের মধ্যে দুর্ভেদ্য শৃঙ্খলে আবদ্ধ হইয়া পড়ি, দিব্যাত্মার অবিচ্ছেদ্য আত্ম-জ্ঞান আছে বলিয়া তাহার পক্ষে সেরূপ বাঁধা পড়ার কোন ভয় নাই।

এইভাবে এখানে ভেদের সূচনা দেখা দিয়াছে, রূপের সঙ্গে রূপের সঘন এমন ভাবে হইতেছে যেন তাহারা বিভিন্ন সত্তা, সত্তার সঙ্কল্পের সঙ্গে সঙ্কল্প এমনভাবে যুক্ত হইতেছে যেন তাহারা বিভিন্ন শক্তি, সত্তার জ্ঞানের নিকট জ্ঞান এমনভাবে উপস্থিত হইতেছে যেন তাহারা বিভিন্ন চেতনা। তবু এখনও তাহারা 'যেন' পৃথক মাত্র, কারণ দিব্য আত্মাতে ভ্রান্তি নাই, তাহার সত্তা পরম সত্যের সত্যে এখনও বিদ্যুত আছে, তাই সমস্তই সেই সত্তার প্রতিভাস বা প্রকাশ বলিয়া তাহার জ্ঞান আছে, একজ্ঞানকে এখনও হারাইয়া ফেলে নাই; ইহা মনকে অনন্ত জ্ঞানের গৌণ ক্রিয়াশক্তিরূপে ব্যবহার করে; মূল সমগ্রতার জ্ঞানের পটভূমিকায় এবং তাহারই অন্তর্গতভাবে ইহা সমস্ত সীমার নির্দেশ করে; প্রাকৃত মন যেরূপ খণ্ড সকলের যোগফলে বা সমাহারে বহুসংখ্যক এক সমগ্রতা গড়িয়া তুলিয়াছে বলিয়া মনে করে, যেখানে সমগ্রতার মধ্যেও খণ্ড বা ভেদজ্ঞান বর্তমান। দিব্য আত্মার অন্তর্ভূত সমগ্রতা সেরূপ নহে। হুতরাং দিব্য আত্মার কাছে সীমার খাটি বন্ধন নাই, তাহার মধ্যে বিশেষিত করিবার যে সামর্থ্য আছে তাহা দ্বারা খেলার জন্ত সুবিবিক্ত রূপ এবং শক্তি সে প্রকাশ করে কিন্তু নিজে সে শক্তির অধীন হয় না।

অতএব যে মন স্বাধীন ভাবে নিজেকে নিজের সীমা আরোপ করে, যে মন গুণের অধীন, নিজের স্বরূপ দৃষ্টিতে যাহা নিজের সীমা বা খেলা দেখে এবং পরিচালিত করে অর্থাৎ যে মন দিব্য, তাহা হইতে যে মন অসহায়ভাবে, সীমার বন্ধনের অধীন, যে মন নিজের খেলার জালে নিজেকে আবদ্ধ এবং তাহা দ্বারা প্রভাবিত, সেই প্রাকৃত মন সৃষ্টি করিতে গেলে একটা নূতন উপাদান, সচেতন শক্তির একটা নূতন ক্রিয়া চাই। এই যে নূতন উপাদানটা যাহা অতিমানসের ক্রিয়া হইতে মনের ক্রিয়াকে পৃথক করে তাহা হইল অবিজ্ঞা, যাহা নিজেকে নিজে ভুলিয়া যাওয়া বা রহিত করিবার একটা বৃত্তি, যদিও অতিমানস হইতেই অবিজ্ঞার অধীন এ মন জাত হইয়াছে এবং এখনও অন্তরালে থাকিয়া অতিমানসই এ মনকে পরিচালিত করিতেছে। তাই অতিমানস হইতে পৃথক হইয়া এ মন শুধু বিশেষকে দেখে সামান্য বা সার্বভৌমকে নয়, অথবা বড় জোর সামান্যের একটা অশুট প্রতীতির মধ্যে বিশেষকে দেখিতে পারে, সামান্য এবং বিশেষ এ উভয়ই যে অনন্তের প্রকাশের দুইটা দিক এ ধারণা এ মনের হয় না। এইভাবে যে সীমিত মন আমরা পাইয়াছি, তাহা প্রতিভাস বা ঘটনাকে একটা স্বরূপ তত্ত্ব বোধ করে, তাহাকে দেখে একটা সমষ্টির একটা বিবিক্ত অংশরূপে যে সমষ্টি আবার পৃথকভাবে একটা বৃহত্তর সমষ্টির অংশ, এবং এইভাবে তাহার ক্রিয়া চলিতে থাকে এবং ক্রমশঃ সমষ্টির পরিধি সে বাড়াইতে থাকে বটে কিন্তু যথার্থ অনন্তের বোধে সে কখনও পৌছাইতে পারে না।

মন অতিমানসের ক্রিয়া হইতে জ্ঞাত বলিয়া যেমন সে খণ্ড খণ্ড করে, তেমনি সে খণ্ড সকলকে জোড়া দিয়া সমষ্টি গড়িতে চায়—অন্তহীন ভাবে। সত্তাকে সে বহুসমষ্টিতে খণ্ডিত করে আবার তাহাদিগকে ভাঙ্গিয়া ক্ষুদ্রতর সমষ্টিতে পরিণত করে। এই ভাবে ভাঙ্গিতে ভাঙ্গিতে সে পরমাণুতে পৌছে, আবার পরমাণুকে ভাঙ্গিয়া করে অতিপরমাণু এবং যদি সে পারিত তবে অতিপরমাণুকে ভাঙ্গিয়া শূন্যে মিলাইয়া দিত। কিন্তু সে তাহা পারেনা, কারণ তাহার ভাঙ্গনক্রিয়ার পশ্চাতে অতিমানসের যে জ্ঞান আছে, তাহা জানে যে প্রত্যেক সমষ্টি, প্রতি অণু পরমাণু, যিনি সর্বশক্তি সর্বসম্পত্তি সর্বসত্তা তাহার একটা ঘনীভূতবিগ্রহ, প্রতিভাসের মধ্যে তাহার একটা রূপ—এই জ্ঞান কোন কিছুকে কেবলমাত্র শূন্যে পৌছিতে দেয় না। সমষ্টিকে ভাঙ্গিতে ভাঙ্গিতে মনের বোধহয় যেন

এক অনন্ত শূন্যে পৌঁছিয়াছে, কিন্তু অতিমানসের দৃষ্টিতে তাহা বিস্ময়কে ঘনীভূত সচেতন সত্তার প্রতিভাস হইতে নিজেরই স্বাধীন অনন্ত সত্তার প্রত্যক্ষ-বর্তন। ‘অণোরণীয়ান’ অণু হইতে অণু বা ‘মহতো মহীয়ান’ মহৎ বা বৃহৎ হইতেও বৃহৎ যে দিকেই মন চলুক না কেন, অবশেষে তাহার নিজ স্বরূপে, নিজের অনন্ত একত্বে, নিজের স্বাধীন সত্তায়, তাহাকে পৌঁছিতে হইবে; মনের ক্রিয়া যখন সচেতন ভাবে এই জ্ঞানের অঙ্গগত হয়, তখন ক্রিয়ার দ্বারা কি ভাবে চলিতেছে সে জ্ঞানও মন লাভ করে। তখন সে জানে অথগের মধ্যে সত্যিকার খণ্ডতা কোথাও নাই, কেবল আছে সত্তার বহুরূপের মধ্যে নিজেকে অনন্ত ভাবে কেন্দ্রীকরণ, আত্মরূপের এই বহু বিস্তারের মধ্যে পরস্পর সম্বন্ধ স্থাপনের জন্ত এক ভাবের বিস্তার, যেখানে সমস্ত ক্রিয়ার মধ্যে বিভাগ বা খণ্ডীকরণ দেশ ও কালের মধ্যে লীলার জন্ত যাহা অপরিহার্য, তেমন একটা গোপনক্রিয়া মাত্র। কারণ ভাদ্রিয়া ভাদ্রিয়া অতি নৃশ্বর পরমাণুতে অথবা জুড়িয়া জুড়িয়া বিশ্ব জগতের অতি বিপুল সমাহারে পৌঁছিলেও, এ উভয়ের কোন ক্রিয়া দ্বারা বস্তুর স্বরূপে পৌঁছান যায় না। সমস্তই যাহার রূপ তেমন এক মহাশক্তি কেবল স্বরূপতঃ সত্য, অল্প সমস্ত সেই স্বাধীন চিৎশক্তির প্রতিক্রিয়া হিসাবে প্রকাশে তাহার আত্মরূপায়ণ বলিয়া শুধু সত্য।

প্রশ্ন উঠে যাহার ফলে সীমা ও সঙ্কোচ আসিয়া পড়ে, সেই অবিজ্ঞা অথবা অতিমানস হইতে মনের এই পতন, যাহা হইতে বাস্তব ভেদলীলা দেখা দিয়াছে, মূলতঃ তাহা কোথা হইতে, অতিমানসের কোন বিকৃতি হইতে আসিয়াছে? এ প্রশ্নের উত্তর এই যে ব্যষ্টিচেতনা যখন অল্প সকলকে বাদ দিয়া শুধু নিজের বিশিষ্ট দৃষ্টিভঙ্গীতে দেখে অর্থাৎ সেই চৈতন্য, যখন যাহা সত্তার খেলার এক অংশ মাত্র, বিশিষ্ট দেশ ও কালের দ্বারা সীমিত তেমন এক বিভাবে নিজেকে পূর্ণরূপে কেন্দ্রীভূত করিয়া অল্প সকল বাদ দিয়া বসে এবং এই বিভাবকেই তাহার পূর্ণ আত্মভাব মনে করে, তখন এই অবিজ্ঞার খেলা দেখা দেয়। কালের এক বিশেষ মুহূর্তে, দেশের একটা ভূমিকায় যে বিশেষ রূপের মধ্যে সে বর্তমানে অবস্থিত, তাহাকে সে নিজ আত্মা ভাবে, তেমনি অল্প সকল আত্মাও যে তাহারই আত্মা, অল্প সকল ক্রিয়া যে তাহারই ক্রিয়া; সত্তা এবং চৈতন্যের অল্প সকল বিভাব যে তাহারই নিজের বিভাব, একথা

যখন সে ভুলিয়া যায় তখনই অবিভার খেলা আরম্ভ হয়। একটা বিশেষ রূপ, একটা ক্ষেত্র, একটা রূপ, একটা ক্রিয়া বা গতিতে নিজেকে কেন্দ্রীভূত করিয়া সে অপর সকলকে হারাইয়া ফেলে। তার পর রূপের পারস্পর্য, দেশ বিন্দুর পারস্পর্য, দেশ ও কালের মধ্যে রূপ ও গতির পারস্পর্য জুড়িয়া জুড়িয়া তাহার হারানো সমগ্রতাকে কিরিয়া পাইবার চেষ্টা করিতে বাধ্য হয়। কাল, শক্তি এবং মূলবস্তু যে অবিভাজ্য এ জ্ঞান সে এইভাবে হারাইয়া বসিয়াছে। এমন কি সকল মনই যে এক পরমমনের বিভিন্ন দৃষ্টিভঙ্গী মাত্র, সকল জীবনই যে এক বিশ্বপ্রাণের ক্রিয়ার নানা ধারা, সকল দেহ এবং রূপ যে শক্তি এবং চৈতন্তের একই উপাদানে গড়া বহু কেন্দ্রীভূত আপাতপ্রতীয়মান স্থায়ত্ব ( stability ), এ সহজ সত্যও সে ভুলিয়া যায়। বস্তুতঃ সকল স্থায়ত্বের মধ্যেই গতি ও স্পন্দনের একটা ঘূর্ণাবর্ত অবিরত চলিতেছে, যাহা হইতে একটা রূপের পুনরাবৃত্তি হইতেছে বটে, কিন্তু সঙ্গে সঙ্গে সে রূপও পরিবর্তিত হইয়া যাইতেছে, ইহা ছাড়া তাহারা আর কিছু নয়। কারণ মন সব জিনিস একটা বিশিষ্ট দৃঢ় আকারে, সমস্ত বহিরঙ্গ উপাদান এক অচল অপরিবর্তনীয় বিধানে বন্দী করিয়া রাখিতে চায়, নতুবা তাহার কাজ চলে না। তার পর সে ভাবে যে সে যাহা চায় তাহা বুঝি পাইয়াছে, কিন্তু বস্তুতঃ পরিবর্তন ও নবায়নের একটা অবিচ্ছিন্ন প্রবাহ চলিতেছে, কোন স্থির আকার নাই, বাহিরের কোন কিছু অপরিবর্তনীয় নয়। কেবল শাশ্বত সদ্ভূতবিজ্ঞানই আছে অচল প্রতিষ্ঠা হইয়া এবং তাহাই প্রবাহের মধ্যে রূপ এবং সমস্ত সকলকে ঋতের বিধানে অবিচল ভাবে বাঁধিয়া রাখিয়াছে। এই অবিচলতার ব্যর্থ অহুকরণ করে মন, যাহা নিত্য চঞ্চল তাহাকে অচঞ্চল ভাবিয়া। মনকে এই সমস্ত সত্য পুনরাবিষ্কার করিতে হইবে। এ জ্ঞান তাহার সর্বদা আছে কিন্তু তাহার চৈতন্তের পশ্চাতে, তাহার আত্মসত্তার গোপন জ্ঞানভাণ্ডারে লুকায়িত রহিয়াছে। সে আলোক আজ তাহার কাছে অন্ধকারে ঢাকা, কেননা আজ সে রহিয়াছে, নিজের সৃষ্ট অবিভার মধ্যে, কেননা অখণ্ডতার জ্ঞান রক্ষা করিয়া বিভাজনের যে মনন শক্তি তাহার ছিল, তাহা আজ এমন মননে পরিণত হইয়াছে যাহা শুধু খণ্ডকেই চিনে, কেননা সে নিজের সৃষ্টির জালে আজ নিজেই বন্দী।

মাহুষের দেহাঙ্গবোধের জন্ত এই অবিভা গভীরতর হইয়া উঠে। আমরা

বোধকরি যে দেহই মনকে নিয়ন্ত্রিত করিতেছে, কেননা দেহেই মন অভিনিবিষ্ট হুতরাং তাহার দ্বারা যেন অধিকৃত রহিয়াছে। এই স্থল জগতে দৈহিক ক্রিয়াকে অবলম্বন করিয়া মন বাহ্য বা বহিষ্চর চেতনার খেলা চালায় বলিয়া, সে দেহের উপর এত অল্পরক্ত। দেহের মধ্যে নিজেকে বিকাশ করিয়া তুলিতে গিয়া, সে নিজে মস্তিষ্ক এবং স্নায়ুগুণ গড়িয়া তুলিয়াছে, তাহা সর্বদা ব্যবহার করিতে গিয়া তথা হইতে সে যাহা পাইতেছে, তাহা পর্য্যবেক্ষণ করিতে সে এমন ডুবিয়া আছে যে, ইহা হইতে তাহার নিজের শুদ্ধ বৃত্তির খেলায় ফিরিয়া যাইবার ইচ্ছা বা অবসর তাহার নাই, তাই শুদ্ধ মনের খেলার অধিকাংশ এখন অবচেতন ভাবে চলিতেছে। তথাপি আমরা এক প্রাণময় মন বা এক প্রাণময় সত্তার ধারণা করিতে পারি, যাহাকে পরিণতির প্রয়োজনে একরূপ ভাবে ডুবিয়া যাইতে হয় না এবং যাহাকে প্রতি দেহের জন্মের সঙ্গে জন্মিতে বা দেহ নাশের সঙ্গে বিলয় প্রাপ্ত হইতে হয় না, বরং সে বিদেহ সত্তা দেহের পর দেহ ধারণ করিয়া দেখিতে, এমন কি আত্মানুভব করিতে সমর্থ। কারণ বস্তুতঃ সমগ্র মনোময় সত্তার জন্ম হয় না; জড়ের উপর মনের যে স্থল ছাপ পড়ে যাহাকে দৈহ্যমানস বা দেহগতমন বলিতে পারি, কেবল তাহাই মানুষের জন্মের সঙ্গে জন্মে। এই দৈহ্যমানস আমাদের মনের বহির্ভাগ মাত্র, জড়ের অভিজ্ঞতা লাভের জন্ম মন যে অংশকে বাহিরে প্রেরণ করে, ইহা শুধু তাহাই। আমাদের এই মর্ত্যসত্তার মধ্যেও আর একটা মন আছে, যাহা এখন আমাদের বহিঃপ্রকাশিত মনের পশ্চাতে অবচেতন বা অধিচেতন রূপে অবস্থিত রহিয়াছে, যে মন নিজেকে দেহ হইতে অধিক কিছু বলিয়া জানে এবং তাহাকে এমন স্থল জড়ভাবে ক্রিয়া করিতে হয় না। আমাদের বহিষ্চর মন বৃহত্তর গভীরতর অধিকতর শক্তিশালী ক্রিয়ার সামর্থ্য প্রত্যক্ষভাবে এই মন হইতেই লাভ করে। আমাদের উপর এই গোপন মনের প্রভাব সম্বন্ধে আমরা যখন সচেতন হই, তখন আমরা আমাদের অন্তর পুরুষের প্রথম অনুভব বা প্রথম ধারণা লাভ করি। এই পুরুষের নাম প্রাণময় পুরুষ।

কিন্তু এই প্রাণময় মানস আমাদের নিজেকে দেহের জ্ঞান হইতে মুক্তি দিলেও মনের সকল জ্ঞান হইতে মুক্তি দেয় না; যাহার জন্ম ব্যাটী জীব নিজস্ব দৃষ্টিভঙ্গী দিয়া সব কিছু দেখে সেই মৌলিক অবিভার অধীনতা ইহার এখনও আছে;

বাহির হইতে যাহা ইহার নিকট উপস্থিত হয় অথবা দেশ ও কালে অবস্থিত জীবের বিবিধ চেতনায় অতীত ও বর্তমান অল্পভবের আকার বা সংস্কাররূপে যাহা ফুটিয়া উঠে, কেবল তাহাই সে দেখিতে পায় ও সত্য বলিয়া মনে করে। অল্প আত্মা সকলের ব্যক্ত চিন্তা, বাক্য, ক্রিয়া বা কর্মফলে যাহা ফুটিয়া উঠে অথবা দৈহিক সত্তা যাহা প্রত্যক্ষভাবে অল্পভব করিতে পারে না, প্রাণের সেই সূক্ষ্ম সংস্পর্শ বা সঞ্চয়ের মধ্য দিয়া তাহাদিগের অস্তিত্বের যে সমস্ত লক্ষণ বা চিহ্ন বাহিরে প্রকাশ হয়, প্রাণময়মানস সচেতনভাবে সে সমস্ত গ্রহণ করে, তাহাদের সঞ্চকে তদতিরিক্ত কিছু অল্পভব করিতে পারে না। তেমনি সে নিজেকেও চিনে না; কারণ কালের ক্ষেত্রে নানা জন্মের মধ্য দিয়া বিচিত্রভাবে প্রকাশিত নানা শক্তির ক্রিয়া ও গতির ভিতর যাহা প্রকাশ পাইয়াছে তাহাকেই সে নিজ আত্মা বলিয়া জানে; করণরূপী আমাদের দৈহমানস (instrumental physical mind) যেমন দেহবুদ্ধিতে বিভ্রান্ত অবচেতনে ক্রিয়াশীল এই মন তেমনি প্রাণ বুদ্ধিতে বিভ্রান্ত। প্রাণের মধ্যে সে আবিষ্ট, কেন্দ্রীভূত, সীমাবদ্ধ, তাহার সহিত তাহার নিজের সত্তা একীভূত; এখানে আসিলেও যেখানে মন এবং অতিমানসের মিলনক্ষেত্র এবং যেখানে হইতে তাহার প্রথম পৃথক হইয়া গিয়াছে সে স্থানে আমরা পৌছি না।

ক্রিয়াশীল এই প্রাণময় মানসের পশ্চাতে আরও স্বচ্ছতর এক ভাবময় মানস আছে যাহা প্রাণের অভিনিবেশ হইতে মুক্ত হইতে সক্ষম; সে মন জানে যে তাহার নিজের মধ্যে ভাবনা এবং সকলের যে অল্পভূতি জাগে, তাহা সক্রিয়ভাবে নানা সঞ্চয়ের মধ্যে মূর্ত্ত করিয়া তুলিবার জন্ত, সে প্রাণ এবং দেহকে গ্রহণ করিয়াছে। এই মনই আমাদের মধ্যে যে বিশুদ্ধ মনীষী (pure thinker) আছে তাহার উৎপত্তি স্থান। মননতা স্বরূপতঃ কি তাহা সে জানে, সে দেহ ও মনের ভাষায় জগৎ দেখে না, মনের ভাষায় দেখে। ইহাই মনোময় পুরুষ। যেমন আমরা প্রাণময় পুরুষকে কখন কখন জীবাত্মা বা অন্তরাত্মা বলিয়া কুল করি তেমনি যখন আমরা এই মনোময় পুরুষকে অল্পভব করি তখন তাহাকে শুদ্ধ আত্মা বলিয়া অনেক সময় কুল করিয়া বসি। এই উচ্চতর মন অল্প জীবকে আপনায় শুদ্ধ সত্তার অন্তরূপ বলিয়া ধারণা এবং তদনুরূপ ভাবে ব্যবহার করিতে পারে। শুধু মনের সংস্পর্শেই তাহাদের সঙ্গে যোগস্থাপন এবং ভাবের আদান

প্রদান চলিতে পারে, তজ্জন্ত প্রাণ বা স্নায়ুগুণের সংঘাত বা দেহের বাহ্য চিত্তের উপর নির্ভর করিতে হয় না। একস্থের একটা মনোময় ধারণাও ইহার আছে। তাহার কর্ণ ও সঙ্কল্পে প্রত্যক্ষভাবে যেমন নিজের তেমনি অপরের প্রাণে ও মনে কিছু স্রষ্টি করিবার বা কোন ভাবের আবেগ আনিবার সামর্থ্যও ইহার আছে,— প্রাকৃত স্থল জীবনে যাহার গোণ এবং কুষ্ঠাপ্রস্তু পরিচয় মাত্র পাওয়া যায়। তথাপি এই শুদ্ধ মনও মনের মূলভ্রাস্তি হইতে মুক্ত নয়। তখনও তাহার বিবিক্ত মানসিক সত্তা নিজেকে বিশ্বের বিচারক, সাক্ষী ও কেন্দ্র মনে করে এবং কেবল তাহার মধ্য দিয়াই সে তাহার উচ্চতর সত্তা ও সত্যে পৌঁছিতে চেষ্টা করে। অস্ত্র সকল জীব তাহার চারি পাশে আসিয়া জড় হইলে অন্যাই থাকিয়া যায়। স্তম্ভরাং যখন সে মুক্ত হইতে চায় তখন তাহাকে প্রকৃত অথচ সত্যে মিলিয়া ও মিশিয়া যাইবার জন্ত মন প্রাণ হইতে নিজেকে গুটাইয়া লয়। কারণ এখনও মানস ও অতিমানস ক্রিয়ার মধ্যে অবিচ্ছিন্ন আবরণ রহিয়াছে, তাই তাহার কাছে যাহা পৌঁছে তাহা সত্যের প্রতিক্রিয়া, স্বরূপ সত্য নয়।

যখন এই আবরণ বিদীর্ণ হয় এবং অতিমানস শক্তি ও ক্রিয়ার কাছে মন নিজেকে সমর্পণ করিয়া নিঃশব্দ, নিষ্ক্রিয় এবং তদন্তুগত ( তদ্ভাবী ) হইয়া যায় তখনই তাহার সত্যদর্শন হয়। তখন আমরা এক জ্যোতির্ময় মনীষী মনের সন্ধান পাই, যাহা দিব্য সত্ত্ববিজ্ঞানের অন্তর্গত বাহন ও সাধন বা যন্ত্র। তখন আমরা অল্পভব করিতে পারি এই জগৎ স্বরূপতঃ কি, তখন আমরা জানি যে অপর সকলের মাঝে অপর সকলরূপে আমরাই আছি এবং তদ্রূপ অপর সকল আছে আমাদেরই রূপে আমাদের মধ্যে, এবং সবাইকে জানি বিশ্বরূপ এক পরমএকের বহুধা আত্মরূপায়ণ রূপে। সমস্ত সীমা এবং ভ্রাস্তির মূলস্বরূপ আমাদের ব্যষ্টি-চেতনার ভেদদর্শী এবং ভেদকারক দৃঢ় দৃষ্টিভঙ্গী তখন দূর হইয়া যায় ; অথচ তখন আমরা ইহাও বুঝি যে অবিচ্ছিন্ন মধ্যে থাকিয়া মন যাহা সত্য বলিয়া বুঝিয়াছিল তাহাও প্রকৃত প্রস্তাবে সত্য কিন্তু তাহা বিকৃত, ভুল ধারণা বিজড়িত, এককে অস্ত্র বলিয়া বিবেচিত সত্য। তখনও বিভাগ, ব্যষ্টিভাবনা বা আণবিক স্রষ্টি আছে দেখিতে পাওয়া যায় কিন্তু তাহারা এবং আমরা স্বরূপতঃ কি এবং কি জন্ত আছি তাহাও জানা থাকে। তখন ইহাও বুঝি যে মন ঋতচিত্তের একটা গৌণবৃত্তি তাহার কার্য সাধনের একটা যন্ত্র। যতক্ষণ পর্যন্ত ঐশ চৈতন্যের



পরিবেষ্টনকারী পরিবেশ হইতে পৃথক হইয়া নিজের স্বতন্ত্র গৃহস্থাপনের চেষ্টা না করে, যতক্ষণ পর্যন্ত অতিমানসের নিকট নিজেকে সঁপিয়া দিয়া তাহার স্বতন্ত্রপে চলে এবং নিজের স্বার্থ নিজে না খোঁজে, ততক্ষণ পর্যন্ত মন তাহার স্বার্থ সজ্ঞানে পূর্ণরূপেই পালন করে। সে স্বার্থ যথার্থতঃ এই যে সমস্ত রূপের পিছনে পরিচালকরূপে এক সার্বভৌম সত্তা রহিয়াছে এ বোধ সচেতনভাবে অনুভব রাখিয়া, প্রতিভাসের ক্ষেত্রে শুধু আনুষ্ঠানিকভাবে বা বাহিরের রূপে তাহাদের ক্রিয়াকে এমন ভাবে সীমিত করা, যাহাতে একরূপ অন্তরূপ হইতে পৃথক থাকিতে পারে। যিনি সর্বগত বিশ্বতোশ্চক্ষু এবং সত্যসকল সেই পরমএকের বোধের অশ্রান্ত বিধানামুসারে সর্ব পদার্থের সত্যকে বরণ করিয়া নেওয়া এবং সেই সত্যকে চতুর্দিকে ছড়াইয়া দেওয়াই মনের প্রকৃত কাজ। সক্রিয় চৈতন্য, আনন্দ, শক্তি এবং পদার্থের মধ্যে এমন এক ব্যাপ্তি ভাবে ধারণ করিয়া থাকা ইহার কাজ, যে তাহার সমস্ত শক্তি, সমস্ত সত্য, সমস্ত আনন্দ পশ্চাতে অবস্থিত এক সার্বভৌম বিশ্বসত্তা হইতে সর্বদা অবিচ্ছেদ্যভাবে লাভ করিতেছে। একের বহুতা আশ্রয়রূপায়ণকে এ মন এমন ভাবে আপাতবিভেদে রূপান্তরিত করে যাহাতে সে সমস্ত রূপ পরম্পর হইতে পৃথক থাকে এবং পরম্পরের বিচিত্র সম্বন্ধ স্পষ্টভাবে প্রকাশ পায়; অথচ আবার পরম্পরের সংস্পর্শে আসিয়া মিলিত হইতে পারে। এক শাস্ত একত্ব এবং বহুত্বের মধ্যে সংযোগ বিয়োগের এক আনন্দলীলা ফুটাইয়া তুলিবার জন্ত মনের উদ্ভব হইয়াছে। এই মনের সহায়ে যিনি পরমএক তিনি এমন ভাবে ব্যবহার করেন যেন তিনি একজন ব্যাপ্তি সত্তা, অন্য ব্যাপ্তিসত্তার সহিত নানা বিচিত্র লীলায় সম্বন্ধ হইতেছেন অথচ এই লীলার মধ্যেও তাহার অখণ্ড ভাবে অব্যাহত রাখিয়াছেন। খণ্ডের মধ্যে অখণ্ডের এই লীলা, সমীমের মধ্যে অসীমের এই খেলাই ত প্রকৃত জগৎ। যাহা দ্বারা এ সমস্ত সম্ভব হইয়াছে ঋতুচিহ্নের প্রজ্ঞানবিভাগের সেই শেষ ক্রিয়া মন; আমরা যাহাকে অবিজ্ঞা বলি তাহা নূতন কিছু অথবা আত্যন্তিক এবং ঐকান্তিক মিথ্যা সৃষ্টি করে না, কিন্তু সত্যকে কেবল বিকৃত করিয়া দেখায়। মন জ্ঞানের উৎস হইতে বিচ্ছিন্ন হইয়াই অবিজ্ঞারূপে প্রকাশ পায় এবং পরমসত্যের সার্বভৌম লীলার হ্রস্ব ও সাময়িকের মধ্যে আপাতবিরোধ ও সংঘর্ষের একটা কুল এবং আড়ষ্টবোধ জাগায়।

তাহা হইলে মনের ভ্রান্তির মূল এইখানে—আত্মজ্ঞান হইতে পতনে, যাহার ফলে ব্যক্তিজীব তাহার নিজের বিশিষ্ট ব্যক্তিত্বকে একেবাই একরূপ মনে না করিয়া একটা স্বতন্ত্র সত্য বলিয়া মনে করে; সে ভুলিয়া যায় যে সে বিশ্বপুরুষেরই একটা কেন্দ্রীভূত রূপ, তাই নিজেকেই বিশ্বের কেন্দ্র বলিয়া মনে করে। এই আদিম ভ্রান্তির আত্মবৃত্তিক ফলরূপে তাহার মাঝে দেখা দেয়—তাহার সমস্ত বিশিষ্ট অজ্ঞানতা, সীমা ও সঙ্কোচ। বিশ্বের যে প্রবাহ তাহার অন্তর ও বাহির প্রাবৃত্ত করিয়া চলিয়াছে তাহাকে মাত্র দেখিয়া সে তাহার সত্তার একটা সীমা নির্দেশ করে এবং তাহা হইতে তাহার চৈতন্যের স্তরাং জ্ঞানের সীমা ও সঙ্কোচ আসিয়া পড়ে; তজ্জপ তাহার সকল এবং শক্তির সীমানির্দেশ হইতে তাহার নিজ সামর্থ্যের, তথা আত্মসন্তোষ এবং আত্মাহুত্বের সীমানির্দেশ হইতে তাহার আনন্দের সীমা ও সঙ্কোচ উপস্থিত হয়। যাহা তাহার ব্যক্তিচেতনার কাছে আসে তাহাকে শুধু জানে বা তাহাদের সম্বন্ধে শুধু সচেতন হয় বলিয়া, এ সমস্ত ছাড়া অন্য পদার্থের জ্ঞান আর তাহার থাকে না এবং তাহার ফলে যাহা সে জানে বলিয়া মনে করে তাহাতেও ভ্রান্তি থাকিয়া যায়; কারণ বিশ্বের সমস্তই পরস্পরের উপর নির্ভরশীল বলিয়া অংশকে ঠিকমত জানিতে হইলেও সমগ্রতার অথবা মূল ভবের জ্ঞান থাকা প্রয়োজন। এইজন্ত মাহুকের সকল জ্ঞানের মধ্যেই ভ্রান্তির একটা উপাদান থাকিয়া যায়। ঠিক তেমনি আমাদের ইচ্ছা বা সকল সর্ব-সকলের বাকী অংশ জানে না বলিয়া, ক্রিয়ার মধ্যে ভ্রান্তিতে পড়ে এবং অল্প-বিস্তর অসামর্থ্য এবং বীৰ্য্যহীনতা দেখা দেয়। সর্বানন্দকে ভুলিয়া বাওয়ার এবং সকল ও জ্ঞানের ন্যূনতার জন্ত নিজের জগতের উপর প্রভুত্ব হারাইয়া ফেলে বলিয়া, জীবের নিজ এবং অন্য পদার্থ হইতে আনন্দ লাভের ক্ষেত্রেও, আনন্দ-ভাবনা দিয়া সকলকে আত্মসাৎ করিবার অসামর্থ্য এবং তাহার ফলে দুঃখ ও যন্ত্রণা আসিয়া পড়ে। স্তরাং নিজেকে নিজে না জানাই, আমাদের সত্তার সকল বিকৃতির মূল। আত্ম-জ্ঞান আত্মসীমার নির্দেশ করিয়া অহমিকার রূপ ধারণ করে, সেই অহমিকার সীমাঘারা বিকৃতি হয় সুরক্ষিত।

তথাপি সকল অবিজ্ঞা এবং সকল বিকৃতি সত্য এবং ঋতের ভ্রান্তিপথে গমনের ফলেই দেখা দিয়াছে; তাহা আত্যন্তিক মিথ্যার খেলা নহে। নিজেকে এবং নিজের বিভাগগুলিকে সচ্চিদানন্দের সত্য খেলার প্রকাশ বা যন্ত্ররূপে না

দেখিয়া মন নিজকৃত ভেদভাবের দিকে একান্ত দৃষ্টি রাখিয়াছে বা ‘অবিভায়মন্তরে’ অবিভার ভিত্তি দিয়া দেখিতেছে বলিয়া এই ফল ফলিয়াছে। যে সত্য হইতে সে স্রষ্ট হইয়াছে তাহাতে যদি সে আবার ফিরিয়া যায়, যদি ঋতচিহ্নান্তর্গত প্রজ্ঞানের শেষ ক্রিয়া বলিয়া সে নিজেকে পুনরায় জানিতে পারে তবে সত্য, ও আলোকের মধ্যে যে সম্বন্ধ গড়িয়া তুলিতে সে সহায়তা করে, তাহা সত্যেরই সম্বন্ধ হয় বিকৃতির নয়। বৈদিক ঋষিরা এ উভয়ের পার্থক্য যে বাক্য দ্বারা সুস্পষ্ট করিয়াছেন সেই বাক্যে বলা যায় যে জগৎ তখন ‘ঋজুনীত্যা’ বা সরল পথে চলে, ‘ধৃষ্টিকে’ আশ্রয় করিয়া বা কুটিল পথে চলে না, অর্থাৎ জগৎ তখন হয়, ভাগবৎ-সত্যের আশ্রয়স্থিত যে চৈতন্য বা সঙ্কল্প বা আনন্দ নিজের মধ্যেই স্থবল ছন্দে প্রবাহিত হইতেছে, তাহারই সত্য। বর্তমানে আমাদের মন প্রাণের গতি ভ্রান্ত বা আকাঁকা পথে চলিতেছে, যে জীব তাহার স্বরূপ সত্তা তুলিয়া গিয়াছে তাহার নিজ আত্মাকে ফিরিয়া পাইবার জন্ত সংগ্রামের ফলে তাহার ভিতর দেখা দিয়াছে অন্ধবিকৃতি; জীবের এ সংগ্রামের এবং প্রচেষ্টার উদ্দেশ্য, জাগতিক সত্য এবং ভ্রান্তি, ধর্ম এবং অধর্ম যে পরমসত্যকে সীমিত ও বিকৃত করিয়াছে, সমস্ত ভ্রান্তিকে সেই সত্যের দিব্য জ্যোতিতে রূপান্তর, সমস্ত বীৰ্য্য এবং সমস্ত দুর্বলতা যে পরমাশক্তিকে ধরিবার জন্ত প্রবল প্রয়াস, সমস্ত অসামর্থ্যকে সেই শক্তিতে রূপান্তর, সমস্ত সুখ ও সমস্ত দুঃখ যে পরমানন্দকে ফুটাইয়া তুলিবার জন্ত বিপুল সংগ্রাম সমস্ত যন্ত্রণাকে সেই আনন্দে রূপান্তর, সমস্ত জীবন এবং সমস্ত মৃত্যু যে পরম অমৃতময় সত্যের ফিরিয়া বাইবার জন্ত আকুল এবং নিরবচ্ছিন্ন প্রচেষ্টা, সমস্ত মৃত্যুকে সেই অমৃতে রূপান্তর।

## উনবিংশ অধ্যায়

### প্রাণ

প্রাণই সর্বভূতের আয়ু; এইজন্ত প্রাণকে সর্বাযু অথবা  
বিশ্বের জীবনতত্ত্ব বলা হয়। তৈত্তিরীয় উপনিষদ ( ২।৩ )

তাহা হইলে আমাদের মানবসত্তার নিম্নতর তিন তত্ত্ব বা উপাদানের মধ্যে  
যাহার স্থান সর্বোচ্চে, সেই মনের দিব্য উৎস বা উৎপত্তিস্থান কি এবং ঋতচিত্তের  
সহিত ইহার সম্বন্ধ কি, তাহা বুঝিলাম। মন দিব্য চেতনার একটি বিশেষ  
ক্রিয়া অথবা তাহার সমস্ত স্বজন ক্রিয়ার শেষ সূত্র। ইহা দ্বারাই পুরুষ নিজের  
নানারূপ এবং শক্তির নানা বিচিত্র সম্বন্ধ পরস্পর হইতে পৃথক রাখেন। এই  
মন যে প্রাতিভাসিক ভেদ সৃষ্টি করে ঋতচিৎ হইতে ঋতচিত্ত ব্যক্তিগত সেই  
ভেদভাসকে প্রকৃত মৌলিক ভেদ মনে করে। এই মূল বিকৃতি হইতে ইহার  
পরিণাম স্বরূপ নানা বিকৃতি আসিয়া পড়ে, যাহা নানা দৃশ্য এবং বিরোধরূপে  
অবিচ্ছিন্নবলিত জীবের জীবনের স্বভাবধর্ম বলিয়া মনে হয়। কিন্তু যতক্ষণ  
পর্যন্ত ইহা অতিমানস হইতে বিযুক্ত না হয় ততক্ষণ পর্যন্ত মন বিশ্বসত্যেরই  
নানা ক্রিয়াকে ধারণ করিয়া থাকে, বিকৃতি বা মিথ্যাকে নহে।

এভাবে দেখিলে মনকেও সৃষ্টিসাধিকা এক বিশ্বশক্তি বলিয়া মনে হয়।  
কিন্তু মনের সম্বন্ধে আমরা সচরাচর এ ধারণা পোষণ করি না, বরং মনকে গ্রহণ  
বা অহুভূতির শক্তি বলিয়া দেখি। জড়ের মধ্যে শক্তির ক্রিয়ার ফলে যাহা  
সৃষ্ট হইয়াছে, মন তাহাকে অহুভব মাত্র করিতে পারে, জড়ে শক্তির ক্রিয়ায় যে  
সমস্ত রূপের উদ্ভব হইয়াছে, তাহাদিগকে নূতন ভাবে সাজাইয়া সমাহারের একটা  
নূতন আনিবার শক্তি ( যাহাকে গৌণ সৃষ্টি বলা যায় ) মাত্র মনের আছে  
ইহাই আমরা মনে করি। কিন্তু বর্তমানে যে জ্ঞান আমরা পুনরাবিষ্কার  
করিতেছি তাহার সঙ্গে বিজ্ঞানের আধুনিক আবিষ্কারের সহায়তা গ্রহণ করিয়া

আমরা যাহা জানিতেছি, তাহা আমাদেরকে দেখাইতে আরম্ভ করিয়াছে, যে এই শক্তিতে এবং জড়ে একটা অবচেতন মনের ক্রিয়া চলিতেছে এবং সেই ক্রিয়ার ফলেই যে মনের উদ্ভব এবং প্রকাশ হইতেছে তাহা একরূপ নিশ্চিত ; এই প্রকাশ প্রথমতঃ প্রাণের নানারূপে, দ্বিতীয়তঃ মনের নিজের বিচিত্র আকারে ; প্রথমে উদ্ভিদ এবং অতি নিম্নস্থিত আদিম পশু জীবনে স্নায়বিকচৈতন্যরূপে পরে উচ্চতর পশু এবং মানুষের জীবনে মননতার ক্রমিক বিকাশে দেখা যাইতেছে । আমরা ইতিপূর্বেই যেমন আবিষ্কার করিয়াছি যে জড় শক্তিরই বস্তুরূপ মাত্র, তেমনি আমরা দেখিতে পাইব যে জড়-শক্তিও মনের-ই শক্তিরূপ । বস্তুতঃ জড়শক্তি একটা অবচেতন ইচ্ছা বা সঙ্কল্পশক্তির ক্রিয়া মাত্র । যে ইচ্ছাশক্তি আমাদের মধ্যে ক্রিয়া করে, মনে হয় তাহা যেন জ্যোতির্ময়, বস্তুতঃ যদিও তাহা আধা আলোক এবং আধা আধারের মিশ্রণ বই আর কিছু নয় । আর জড়শক্তি আমাদের নিকট মনে হয় বুদ্ধি বা চেতনা রহিত একান্ত অন্ধকার মাত্র, তবুও এতটুকু জিনিষ স্বরূপতঃ এক, উভয় স্থানে বস্তুতঃ একই ইচ্ছাশক্তি ক্রিয়া করিতেছে । বিশ্বকে তাহার উন্টা বা নিচের দিক হইতে দেখিয়া জড়বিজ্ঞান স্বতঃই উভয়ের একত্ব সর্বদা অনুভব করিয়াছে ; অধ্যাত্মবিজ্ঞান উপর হইতে দেখিয়া বহু পূর্বে ইহা আবিষ্কার করিয়াছে । সুতরাং আমরা বলিতে পারি এক অবচেতন বিরাট মন বা বুদ্ধি চালকশক্তি বা ক্রিয়াসামিকা প্রকৃতিরূপে প্রকাশ পাইয়া এই জগৎসৃষ্টি করিয়াছে ।

কিন্তু আমরা দেখিয়াছি মন স্বতন্ত্র বা মূলতন্ত্র নয় ; অতিমানস বা ঋতচিত্তের শেষ ক্রিয়াফলমাত্র, সুতরাং যেখানে মন আছে সেখানে অতিমানস অবশ্যই আছে । অতিমানসই বিশ্বসৃষ্টির সত্য প্রযোজক । এমন কি মন যখন তমসাক্ষর হইয়া তাহার উৎপত্তিস্থান হইতে পৃথক হইয়া পড়িয়াছে, তখনও মনের ক্রিয়ার মধ্যে সর্বদা তাহার বৃহত্তর গতি, ক্রিয়া বা সংবেগ প্রচ্ছন্নভাবে আছে । সেই সংবেগই মনের ক্রিয়াতে সত্যসম্বন্ধ বা ঋতের বিধান বজায় রাখিতে বাধ্য করে, তাহাদিগকে অপরিহার্য পরিণামের দিকে লইয়া যায়, যথাযথ বীজ হইতে যথাযথ গাছ ফুটাইয়া তোলে, এমন কি অন্ধকারাক্ষর জড়শক্তির কার্য্যপ্রণালীর মধ্য হইতেও বিধান, শৃঙ্খলা এবং সত্যসম্বন্ধযুক্ত একটা চন্দ্র সূর্যমা উদ্ভূত করে । তাহা না হইলে এ জগৎ হইত পুরস্কর বিরোধী যদুচ্ছা এবং মহাবিশৃঙ্খলার

রাজস্ব। অবশ্য এই শৃঙ্খলা, এই সম্বন্ধ বা এই ছন্দ আপেক্ষিক এবং মন যদি তাহার চেতনায় অতিমানস হইতে পৃথক হইয়া না পড়িত, তাহা হইলে যে পরম শৃঙ্খলা, পরমসত্যসম্বন্ধ বা পরম-স্বয়ম-ছন্দের রাজস্ব জগতে দেখা দিত, তাহা সম্ভব হইতেছে না; এই বিভাগকারী মনের ক্রিয়ার পক্ষে যাহা স্বাভাবিক এবং যথাযথ এমন ভাবের বিস্তার, এমন ভাবের শৃঙ্খলামাত্র দেখা দিয়াছে এবং একই সত্যের বিপরীত প্রান্তস্থিত বিরোধভাস লইয়া মন পরস্পর হইতে পৃথক যে দৃশ্য সৃষ্টি করিয়াছে, তাহাই শুধু প্রকাশ পাইয়াছে। ভাগবতী চেতনাতে এই বৈত ভাব নিজেকে এইরূপে ভাগ করিয়া পৃথকরূপে দেখিবার কল্পনা, তাহারই সত্ত্ব-বিজ্ঞানের মধ্যে জাগিয়াছিল, পশ্চাতে অবস্থিত সমগ্র ঋতচিত্রের প্রশাসনে ও পরিচালনে সেই কল্পনা কার্যতঃ জীবনের উপাদানে, তাহার এই নিম্নতর সত্য অথবা বিচিত্র সম্বন্ধের এই অপরিহার্য পরিণাম উদঘাটিত করিয়া দিয়াছে। কারণ বিশ্ব সত্য বা বিধানের ধারা এই যে সত্তার মধ্যে যাহা নিহিত থাকে, বস্তুর স্বরূপ প্রকৃতিতে যাহা গোপনে অল্পস্থ্যত থাকে সত্যের কল্পনারূপে, জ্ঞানময় পুরুষের দিব্যদৃষ্টিতে বস্তুর যাহা স্বভাব এবং স্বধর্ম, তাহাই যথাযথভাবে প্রস্ফুরিত এবং প্রকাশিত হয়। উপনিষদের অপরূপ ভাষায় বলিতে পারি “কবির্মনীষী পরিভূঃ স্বয়ম্ভূর্ধাতথ্যতোহর্ধান্ ব্যদধ্যং শাশ্বতীভ্য সমাভ্যঃ”—এই মন্ত্রে অতি অল্প কথার মধ্যে বিশাল ভাবভাণ্ডার লুক্কায়িত আছে। ইহার অর্থ “সেই স্বয়ম্ভূ যিনি কবি বা দ্রষ্টা এবং মনীষী, যেখানে যাহা কিছু আছে সেই সমস্ত হইয়াছেন, শাশ্বত কাল হইতে নিজের মধ্যে সকল অর্থ বা পদার্থ যথাযথ ভাবে বা তাহাদের স্বরূপসত্য অনুসারে, বিধান এবং বিস্তার করিয়াছেন।”

অতএব দেহ, মন ও প্রাণের যে জিভুবনে আমরা বাস করি, তাহা শুধু তাহাদের যথাকৃত বাস্তব পরিণাম অনুসারেই ত্রিধা বিভক্ত হইয়া পড়িয়াছে। জড়ের মধ্যে সংবৃত প্রাণ প্রস্ফুটিত হইয়াছে মননশীল চেতনার ধর্ম লইয়া। মনের সঙ্গে মনে এবং স্তরাতঃ প্রাণ ও জড়ে সংবৃত হইয়া আছে অতিমানস, যাহা হইতে অপর তিনের উৎপত্তি এবং যাহা তাহাদের চালক ও প্রভু। এই অতিমানসও অবশ্যই উন্নিবিষ্ট হইয়া উঠিবে। আমরা বিশ্বের মূলে এক বুদ্ধি আছে মনে করি এবং তাহাকে খুঁজি, কারণ যে সমস্ত তত্ত্বের কথা আমরা জানি তন্মধ্যে ইহাই উচ্চতম মনে হয়, বুদ্ধি দ্বারাই আমাদের ক্রিয়া এবং সৃষ্টি পরিচালিত হয় এবং

তাহারই আলোকে এ সমস্ত বুদ্ধিতে পারি। স্বতরাং আমরা ধরিয়া লই যে বিশ্বের মধ্যে যদি কোন চৈতন্য থাকে তাহা হইবে একপ্রকার বুদ্ধি, একপ্রকার মনোময়ী চেতনা। কিন্তু মন তাহার চেয়ে শ্রেষ্ঠতর কোন তত্ত্ব বা সত্যের ক্রিয়া, যতটা তাহার শক্তিতে কুলায়, সেই পরিমাণে সেই সত্যের অহুতব, প্রতিফলন বা ব্যবহার শুধু করিতে পারে। স্বতরাং পশ্চাতে থাকিয়া যাহা কার্য্য করে তাহা সেই উচ্চতর সত্যের উপযোগী কোন শক্তি বা চৈতন্য, তাহা মন হইতে পৃথক ও শ্রেষ্ঠতর। স্বতরাং আমাদের ধারণা সংশোধন করিয়া বলিতে হয়, যে অবচেতন মন বা বুদ্ধি এই বিশ্ব সৃষ্টি করে নাই। কিন্তু সংবৃত অতিমানসই শক্তির মধ্যে অবচেতনভাবে অবস্থিত তাহার সচেতন ইচ্ছা বা সঙ্কল্পশক্তির একটি বিশেষ ক্রিয়াশীল বিভূতিকে মনরূপে সাক্ষাৎভাবে পুরোভাগে রাখিয়া এবং জড়সত্তার ভিতর অবচেতন ভাবে অবস্থিত জড়শক্তি ও সঙ্কল্পকে কার্য্য নির্বাহিকা প্রকৃতিরূপে ব্যবহার করিয়া এ বিশ্ব গড়িয়া তুলিয়াছে।

কিন্তু আমরা দেখিতে পাই যে এখানে যাহাকে আমরা প্রাণ নাম দিয়া থাকি শক্তির সেই বিশিষ্ট আকারের মধ্যেই মন প্রকাশ পায়। তাহা হইলে প্রাণ কি? অতিমানসের সঙ্গে ইহার যোগ কোথায়? সং-চিৎ-আনন্দের যে পরম ত্রিতত্ত্ব স্বতচিৎ বা সদ্ভূতবিজ্ঞানের সাহায্যে সৃষ্টিক্রিয়াশীল, তাহার সঙ্গে ইহার সম্পর্ক কি? সে জরীর কোন তত্ত্ব হইতে ইহা উদ্ভূত হইয়াছে? দৈবী প্রকৃতি বা অদৈবী মায়ী, সত্য বা ভ্রম, কাহার প্রেরণায় কোন প্রয়োজনে প্রাণ আবির্ভূত হইয়াছে? শতাব্দীর পর শতাব্দী ধরিয়া এই প্রাচীন বিলাপ, এই অমুযোগ চলিয়াছে যে জীবন একটা অনর্থ, একটা বঞ্চনা, একটা জঞ্জাল, একটা প্রলাপ, একটা পাগলামী; ইহা হইতে পলায়ন করিয়া শান্ত সত্তার পরমশান্তির মধ্যে আমাদেরিগকে চলিয়া দাইতে হইবে। সত্য কি তাই? সত্যই যদি হয় তবে কেন এমন হয়? কোন খেলালের বশবর্তী হইয়া শান্ত পুরুষ উদ্বেগবিহীন এই অনর্থ সৃষ্টি করিলেন, এই প্রলাপ, এই বাতুলতা নিজের উপর আরোপ করিলেন অথবা তাহার ছলনাময়ী ভাষায় ধারা সৃষ্ট জীবের উপর এই দারুণ ছুর্যোগ এবং ছুর্তোগ চাপাইয়া দিলেন? বলং ইহাই কি সত্য নয় যে কোন দিব্যতত্ত্ব এইভাবে আত্মপ্রকাশ করিতেছে, শান্ত সত্তার আত্মপ্রকাশেই কোন আনন্দশক্তি এইভাবে দেশ কালের মধ্যে অল্পরক্তভাবে কোটি কোটি প্রাণের আকারে অসংখ্য জগৎকে ভরিয়া তুলিতেছে।

জড়কে ভিত্তি বা আধার করিয়া প্রাণ যখন আত্মপ্রকাশ করে তাহা যদি মনোযোগ দিয়া দেখি, তবে বুঝিতে পারি ইহা মূলতঃ ক্রিয়াশীল বিশ্বশক্তিরই একটা রূপ, যাহাতে জোয়ার ভাঁটার মত বিপরীত মুখী প্রবাহ আছে ; ইহা শক্তির একটা অবিরাম খেলা যাহাতে রূপবৈচিত্র্য সৃষ্টি হইতেছে, যাহা নিয়ত প্রবাহিত বীৰ্য্যধারায় তাহাদিগকে শক্তিবস্ত করিয়া রাখিতেছে, তাহাদের উপাদানে ভাঙ্গিবার এবং গড়িবার সঙ্গ বর্তমান এক ক্রিয়াধারার মধ্য দিয়া সে রূপরাজিকে বজায় রাখিতেছে। ইহা হইতে আমরা বুঝিতে পারি যে আমরা জীবন এবং মৃত্যুর মধ্যে যে একটা স্বাভাবিক বিরোধ দেখিতে পাই তাহা আমাদের মনের ভুল, ব্যবহারিক জগতে বাহ্য অল্পভবে সত্য বলিয়া বোধ হইলেও অন্তরের সত্যের জ্যোতিতে দেখিলে দেখিব যে সার্বভৌম একত্বের মধ্যে বাহ্যদৃশ্যে ভুলিয়া, মন ভ্রান্তি বশতঃ যে বহু দৃশ্য ও বিরোধ দেখিতে পায়, এ বিরোধও তাহাদের অন্ততম। মৃত্যু জীবনেরই একটা ক্রিয়া ধারা ভিন্ন অস্ত্র কিছু নয় ; উপাদান একবার ভাঙা আবার নূতন করিয়া গড়া, রূপের পরিবর্তন করা এবং তদ্বারাই রূপকে বজায় রাখা—ইহাই ত জীবনের নিত্যক্রিয়ার ধারা। রূপের মধ্য দিয়া যে অভিজ্ঞতা জীবনকে পাইতে হইবে তাহার পরিবর্তন এবং বৈচিত্র্য আনা জীবনেরই প্রয়োজন, মৃত্যু দ্রুত ভাঙ্গিয়া দিধা সেই প্রয়োজনই সাধন করে মাত্র। দেহের মৃত্যুতে জীবন ত শেষ হয় না, কেবল জীবনের একরূপ ভাঙ্গিয়া তাহারই উপাদানে অন্ত্যস্ত রূপ সৃষ্টি হয়। প্রকৃতির সমস্ত এক নিয়মে চলে বলিয়া আমরা নিশ্চিত হইতে পারি যে দেহের আধারে যদি মন বা চেতনার কোন শক্তি থাকে তবে তাহাও দেহ নাশের সঙ্গে নষ্ট হয় না, পরন্তু এক আধার ছাড়িয়া দেহান্তর সংক্রমণে বা আত্মার নূতন দেহধারণের কোন কৌশলে অস্ত্র আধারে প্রবেশ করে। সমস্তই নবায়িত হয় কিছুই নষ্ট হয় না।

অতএব ইহা বলা যায় যে প্রাণ বা ক্রিয়াশীল এক মহাশক্তি সমস্ত বিধে পরিব্যাপ্ত হইয়া অবস্থিত আছে—জড়ের দিকটা তাহার স্থলতম স্পন্দন মাত্র—যাহা জড় জগতের সমস্ত রূপ সৃষ্টি করিতেছে ; এ প্রাণ শাখত অবিনশ্বর, যদি সমস্ত রূপের জগৎ নিশ্চিহ্ন হইয়া যায় তবু তাহা বর্তমান থাকিবে এবং তৎস্থানে একটা নূতন বিশ্ব গড়িয়া ভুলিবার সামর্থ্যও তাহাতে থাকিবে। বস্তুতঃ কোন উচ্চতর শক্তি তাহাকে নিষ্কল ও নিষ্ক্রিয় করিয়া না রাখিলে অব্যাহতভাবে প্রাণ



সৃষ্টি ক্রিয়া করিয়া চলিবে। তাহা হইলে, যাহা বিশেষ রূপরাজি গড়িয়া তুলিতেছে, তাহা বজায় রাখিতেছে এবং ভাঙ্গিয়া দিতেছে বা রূপজগতের সৃষ্টি-স্থিতি-প্রলয় সংসাধন করিতেছে, প্রাণ সেই শক্তি ভিন্ন আর কিছু নহে। প্রাণই পৃথিবীরূপে আত্মপ্রকাশ করিয়াছে। আবার তেমনি পৃথিবীর উপর যে সমস্ত উদ্ভিদ জাত হইয়াছে এবং যে সমস্ত জীবজন্তু, তরুলতা বা অপর জন্তুদেহ ভক্ষণ দ্বারা তাহাদের আত্মসাৎ করিয়া বাঁচিয়া আছে, তাহারা সকলেই প্রাণের বিচিহ্নরূপ। বস্তুতঃ বিশ্বপ্রাণ জড়ের আকার গ্রহণ করিয়া এ জগতের সর্বসত্তায় পরিণত হইয়াছে। সেই প্রয়োজন সাধনের উদ্দেশ্যে ইহা অবচেতন বা মনোময় প্রাণনে ফুটিয়া উঠিবার পূর্বে জড়ক্রিয়ার ধারার মধ্যে প্রাণের ক্রিয়াধারা লুক্কায়িত রাখিতে পারে কিন্তু তথাপি সর্বত্র সর্বসময় এই সৃষ্টিশীল প্রাণতত্ত্ব বর্তমান ছিল ও আছে।

এখানে এই বলি হইবে যে আমরা ত প্রাণ বলিতে ইহা বুঝি না, প্রাণ বলিতে আমরা যাহা বুঝি বা যাহা আমাদের পরিচিত, তাহা বিশ্বশক্তির একটা বিশেষ পরিণাম, যাহা প্রাণী এবং উদ্ভিদে প্রকাশ পায়, ধাতু প্রস্তর বা বায়বীয় পদার্থে নয়, জীবকোষে তাহার ক্রিয়া দেখা যায়, কিন্তু খাঁটি জড় পরমাণুতে নয়। সুতরাং আমাদের যুক্তির ভিত্তি দৃঢ় করিবার জন্তু আমাদেরকে দেখিতে হইবে শক্তির যে পরিণামবিশেষকে আমরা প্রাণ বলি, তাহার খাঁটি প্রকৃতি কি এবং শক্তির অস্ত্র যে পরিণামকে অচেতন পদার্থ বলি, তাহার প্রাণ নাই মনে করি, তাহার সহিত প্রাণের পার্থক্য কোথায়। আমরা দেখিতে পাই যে এই পৃথিবীতে শক্তির তিনটা লীলা ভূমি আছে, একটা পুরাতন শ্রেণী বিভাগের প্রাণীজগৎ যাহার মধ্যে আমরা পড়ি; দ্বিতীয় উদ্ভিদ জগৎ; তৃতীয় শুদ্ধ জড়জগৎ যাহাকে আমরা প্রাণশূন্য ধরিয়া লইয়াছি। আমাদের দেখিতে হইবে আমাদের মধ্যে যে জীবন রহিয়াছে তাহার সহিত উদ্ভিদজগতের পার্থক্য কি? আবার উদ্ভিদজীবনের সহিত প্রাচীনরা যাহাকে ধাতুজগৎ বলিতেন এবং আধুনিক বিজ্ঞান যাহাকে রাসায়নিক জগৎ বলিয়া আবিষ্কার করিয়াছে সেই নিস্ত্রাণ জগতের তফাৎ কোথায়?

সাধারণতঃ প্রাণের কথা বলিতে আমরা যাহারা খায় দায়, বেড়ায়, নিঃশ্বাস নেয়, অনুভব করে, বাসনা করে সেই পশুর জীবনের কথাই বুঝি; যখন আমরা উদ্ভিদের প্রাণের কথা বলি তখন তাহা খাঁটি সত্য মনে করি না; অনেকটা রূপকের ভাষায় যেন বলি তাহাদের প্রাণ আছে; কেননা প্রাণনক্রিয়ার দিক

হইতে না দেখিয়া উদ্ভিদের প্রাণকে খাঁটি জড়ক্রিয়াধারার দিক হইতে দেখা হইয়াছে। বিশেষতঃ আমরা শ্বাসক্রিয়াকে প্রাণের সঙ্গে একীভূত করিয়া দেখিয়াছি। প্রাণবায়ু বা শ্বাসই প্রাণ এ কথাটা সব ভাবাতেই আছে; প্রাণবায়ু বলিতে আমরা সাধারণতঃ যাহা বুঝি সে ধারণার পরিবর্তন হইলেও কথাটা সত্য বলিয়াই মনে করি। কিন্তু ইহা স্পষ্ট যে স্বতঃস্ফূর্তভাবে চলাফেরা করা, শ্বাস নেওয়া বা আহাৰ করা প্রাণের কার্যপ্রণালী বটে কিন্তু প্রাণের স্বরূপ নহে। আমাদের ভিতরে সর্বদা যে শক্তি জীবনীশক্তি (vitality) রূপে উদ্দীপিত হয়, তাহা এই সমস্ত শারীরিক্রিয়া অবলম্বন করিয়া জ্ঞাত বা সঞ্চালিত হয় এবং আমাদের দেহ ধারণের জন্ত ভাঙ্গা এবং গড়ার যে সমস্ত ক্রিয়াধারার প্রয়োজন, তাহাও ইহার পোষণ করে কিন্তু শ্বাসপ্রশ্বাস এবং দেহপোষণের অভ্যন্তর আয়োজন ছাড়া অস্ত্র উপায়েও জীবনীশক্তির এই সমস্ত ক্রিয়া ধারাকে বজায় রাখা যায়। ইহা প্রমাণিত হইয়াছে যখন শ্বাসপ্রশ্বাস, ক্রমস্পন্দন বা যে সমস্ত অবস্থা প্রাণ-ধারণের পক্ষে অপরিহার্য বলিয়া পূর্বে মনে করা হইত, সে সমস্ত সাময়িকভাবে বন্ধ বা স্তম্ভিত রাখিয়াও মানুষ এই দেহে বাঁচিতে, এমন কি সে সময় পূর্ণভাবে সচেতন থাকিতে পারে। আবার সচেতনভাবে সাড়া দেওয়ায় শক্তি উদ্ভিদের আছে ইহা এখন পর্যন্ত অস্বীকার করিলেও অন্ততঃ পক্ষে উদ্ভিদের মধ্যে আমাদেরই দৈহিক প্রাণের মত প্রাণ আছে এবং আপাতদৃষ্টে গঠন প্রণালীতে পার্থক্য থাকিলেও মূলতঃ আমাদের প্রাণের মতই গঠিত হইয়া উঠিতেছে— ইহা প্রমাণের জন্ত অনেক তথ্য সংগৃহীত হইয়াছে। ইহা যদি প্রমাণ হয় তথাপি অনায়াসলব্ধ পুরাতন মিথ্যা ধারণাসমূহকে একেবারে দূর করিবার জন্ত আমাদেরই বহিঃ লক্ষণ সমূহকে অতিক্রম করিয়া জীবনতত্ত্বের মূলে পৌছিতে হইবে।

যদি তাহাদের সিদ্ধান্ত স্বীকার করা যায় তবে জড় বিজ্ঞানের কয়েকটি আধুনিক আবিষ্কার \* জড়ের মধ্যস্থিত প্রাণের সমস্তার উপর খুব উজ্জল আলোক

---

\* এখানে জড় প্রাণের প্রকৃতি এবং ক্রিয়াধারা সম্বন্ধে যাহা বলা হইয়াছে তাহা প্রমাণ করিবার জন্ত আধুনিক বৈজ্ঞানিক গবেষণার কথা উল্লেখ করা হয় নাই, উদাহরণ স্বরূপ দেওয়া হইয়াছে। বিজ্ঞান এবং তত্ত্ববিদ্যার (সে তত্ত্ববিদ্যা শুধু বুদ্ধির উপর অথবা ভারতের মত অধ্যাত্মদর্শন এবং অধ্যাত্ম অনুভবের ভিত্তির উপর, এ দুইয়ের যে ভাবেই প্রতিষ্ঠিত হউক না কেন)

পাভ করে। ভারতেরই একজন বৈজ্ঞানিক আমাদের দৃষ্টি গভীর রূপে আকর্ষণ করিয়া দেখাইয়াছেন যে, আঘাতে সাড়া দেওয়াই প্রাণের অস্তিত্বের নিশ্চিহ্ন লক্ষণ। তিনি যে তথ্য আহরণ করিয়াছেন উদ্ভিদের জীবন রহস্যকেই তাহা বিশেষ ভাবে আলোকিত করিয়াছে, তাহার সূক্ষ্মাতিসূক্ষ্ম ক্রিয়া সকলের পরিচয় দিয়াছে। কিন্তু আমরা যেন একথা না ভুলি যে আঘাতে সাড়া দেওয়া প্রাণের মূল লক্ষণ, সাড়া দেওয়ার অবস্থাকে প্রাণ এবং না দেওয়ার অবস্থাকে আমরা মৃত্যু বলি। এই মূল বিষয়টা তিনি ধাতু এবং উদ্ভিদ এ উভয়ের মধ্যেই দেখাইয়াছেন। উদ্ভিদের মত ধাতুর বেলায় এত প্রচুর প্রমাণ দেওয়া সম্ভব হয় নাই। উভয় ক্ষেত্রে যে জীবনের গঠন প্রণালী মূলতঃ এক তাহাও হয়ত প্রমাণিত হয় নাই, এবিষয়ের উপযোগী অতি সূক্ষ্ম পরিবর্তন প্রদর্শনকারী যন্ত্র আবিষ্কৃত হইলে ধাতু এবং উদ্ভিদের প্রাণ ক্রিয়ায় আরও অনেক মিল, অনেক সাম্য আছে তাহা দেখান যাইতে পারে। যদি তাহা দেখান সম্ভব না হয় তাহার অর্থ এই দাঁড়ায় যে উদ্ভিদের মত একই প্রকারের অথবা প্রাণশক্তিপ্রকাশের উপযোগী কোন অবয়বসংস্থান ধাতুতে নাই তবুও প্রাণনের প্রথম প্রারম্ভ তাহাতে থাকিতে পারে। তাহার প্রকাশের লক্ষণ যতই অস্পষ্ট হউক ধাতুর মধ্যে প্রাণ থাকে ইহা যদি স্বীকার করা যায়, তবে আমাদেরিগকে ইহা স্বীকার করিতে আর বেশী বাধা থাকে না যে, ধাতুর সমজাতীয় অল্প জড় পদার্থে অথবা মাটির মধ্যেও, যতই সংবৃত যতই প্রাণনের প্রাথমিক ভাবে হউক না কেন, প্রাণ আছে। আমরা যদি গবেষণায় আরও অধিক দূর অগ্রসর হইতে পারি, যেখানে আমাদের অভ্যুদয়ানের উপায় শেষ হইয়া গিয়াছে বলিয়া আপাত বোধ হইতেছে সেখানে

---

ক্ষেত্র এবং গবেষণার বারী পৃথক। ইহাদের কেহই একের সিদ্ধান্ত অপরের ঘাড়ে চাপাইতে পারে না। কিন্তু আমরা যদি সুভিত্তিক এই বিশ্বাস স্বীকার করি যে অন্তরে একই সত্য ও সত্তা বর্তমান এবং প্রকৃতির সর্ব অবস্থায়ই একটা মিল বা সামঞ্জস্য আছে, তাহা হইলে যে শক্তি বিধে ক্রিয়াশীল তাহার গতি ও প্রকৃতির উপর জড় জগতের সত্যও কতকটা আলোকপাত করিতে পারে একথা ধরিলে নেওয়া বাইতে পারে। অবশ্য যে আলোক পড়িবে তাহা পূর্ণ আলোক নয়, কারণ জড় বিজ্ঞানের গবেষণার ক্ষেত্র সীমাবদ্ধ এবং অতীন্দ্রিয় গোপন শক্তির ক্রিয়া সুস্থিতির কোব উপায় বিজ্ঞানের নাই।

যদি না ধামিয়া থাকি, তবে প্রকৃতির অপরিবর্তনীয় অভিজ্ঞতার আমরা ইহা নিশ্চিত করিয়া বলিতে পারি যে, আমাদের এই ভাবের অহুসন্মানে অবশেষে প্রমাণ করিলে প্রকৃতির মধ্যে কোন ছেদ বা ফাঁক নাই, মাটি এবং মাটির বুকে জাত ধাতুর মধ্যে অথবা ধাতু এবং উদ্ভিদের মধ্যে কোন দৃঢ় সীমা রেখা টানা যায় না। সম্বয়ের এই সূত্র ধরিয়া যদি অগ্রসর হই তবে দেখিব যে, যে মৌলিক পদার্থ এবং পরমাণু দ্বারা জগৎ বা তত্ত্বাধ্যাত্ম ধাতু গঠিত হইয়াছে তাহাদের পরস্পরের মধ্যেও সেরূপ কোন সীমারেখার সন্ধান পাওয়া যায় না। জগতে পর পর সাজান সত্তার যে সমস্ত স্তর আছে তাহার প্রত্যেকটি পরবর্তী স্তরকে গড়িয়া তোলে, বাহা পরে আসিবে তাহা পূর্বাভাসের মধ্যে বীজরূপে বর্তমান থাকে। গুপ্ত বা প্রকাশিত, সংবৃত বা বিবৃত, স্তগঠিত বা প্রাথমিক যে ভাবেই হউক প্রাণ সর্বত্র বর্তমান আছে—আছে সার্বভৌমভাবে বিশ্বব্যাপ্ত এবং অবিনশ্বর হইয়া। কেবল তাহার আকৃতি এবং গঠনে ভেদ আছে।

আমাদের মনে রাখিতে হইবে যে আমাদের শ্বাস প্রশ্বাস গ্রহণ বা চলা ফেরা করিবার শক্তির মত, অভিঘাতে বাহ্য সাড়া দেওয়া প্রাণের একটা বহিরঙ্গ লক্ষণ মাত্র। গবেষক যে জিনিস লইয়া পরীক্ষা করেন তাহাতে সজোরে একটা আঘাত দেন, তাহার ফলে যখন স্পষ্ট সাড়া পাওয়া যায়, তখনই আমরা স্বীকার করি যে প্রাণনের লক্ষণ প্রকাশ পাইতেছে, কিন্তু উদ্ভিদ তাহার সমস্ত জীবন ব্যাপিয়াই তাহার পরিবেশ হইতে আঘাত পাইতেছে এবং সর্বদাই সাড়া দিতেছে, অর্থাৎ আঘাত পাইলে সাড়া দেওয়ার এক শক্তি তাহাতে নিত্য বর্তমান আছে। কেহ কেহ ইহাও বলিয়াছেন যে এই সমস্ত পরীক্ষা দ্বারা উদ্ভিদ অথবা অস্ত্রান্ত্র জীবদেহে প্রাণশক্তি বলিয়া কোন বিশেষ শক্তি নাই ইহা প্রমাণিত হইয়াছে, কিন্তু আমরা যখন বলি উদ্ভিদকে আঘাত দেওয়া হইয়াছে তখন ইহাই বুঝি যে তাহার দিকে একটা সক্রিয় শক্তি সবলে প্রযুক্ত হইয়াছে এবং আমরা যখন বলি উদ্ভিদটা সাড়া দিতেছে, তখন এই বুঝি যে আঘাতের উত্তররূপে উদ্ভিদ হইতে অন্ততঃ শক্তি সম্পন্ন একটা সক্রিয় শক্তি প্রকাশ পাইতেছে। উদ্ভিদের মধ্যে সক্রিয়ভাবে বাহির হইতে আগত আঘাত বা স্পন্দন গ্রহণ করিবার এবং তাহাতে সাড়া দিবার শক্তি যেমন আছে, তেমনি তাহার সঙ্গে বাঁচিয়া থাকিবার এবং বর্জিত হওয়ার একটা ইচ্ছা বা আকৃতি আছে। এই আকৃতির নির্দেশে

বুঝা যায় চিৎশক্তির অবমানস প্রাণজড়ময় একটা বিভাব রূপময় সত্তায় গোপন ভাবে অবস্থিত আছে। বস্তুতঃ ইহাই যেন বোধ হয় যে জগতে একটা সক্রিয় শক্তির ক্রিয়া সর্বদা চলিতেছে, যাহা অল্পবিস্তর স্থূল বা সূক্ষ্ম জড়রূপ গ্রহণ করিতেছে, ঠিক তেমনি আবার প্রতি দেহে বা প্রতিবস্তুতে—উদ্ভিদ, জীব বা ধাতু যে রূপেই থাকুক না কেন—সেই সক্রিয় সদা বর্তমান শক্তির একটা ভাণ্ডারও বর্তমান আছে। এই দুইএর পরস্পরের বিনিময়ের কোন কোন খেলাকে আমরা প্রাণ নামে অভিহিত করি। সেই ক্রিয়াকে আমরা প্রাণন ক্রিয়া বলি এবং যাহা নিজেকে নিজে এমন ক্রিয়াশীল করিয়া তোলে তাহাকে প্রাণশক্তি নামে অভিহিত করি। মনের ক্রিয়া, প্রাণের ক্রিয়া, জড়ের ক্রিয়া একই বিশ্বশক্তির নানা বিচিত্র ক্রিয়া মাত্র।

এমন কি যখন কোন দেহ মৃত বলিয়া মনে হয়, তখন যদিও আমাদের পরিচিত প্রাণক্রিয়া স্তম্ভিত হইয়া যায় এবং তাহা স্থায়ীরূপে শেষ হইবার সময় আসন্ন হইয়া থাকে, তথাপি সেখানে তখনও প্রাণশক্তি গুপ্তভাবে বর্তমান থাকিতে পারে। এইরূপ কোন কোন ক্ষেত্রে মৃতকে পুনরুজ্জীবিত করা যায়; অভ্যস্ত-ক্রিয়া ধারা, অভিঘাতে সাড়া দেওয়ার সামর্থ্য, সক্রিয় শক্তি ও ক্রিয়ার প্রবাহ পুনরায় ফিরাইয়া আনা যায়। ইহা দ্বারা প্রমাণিত হয় যে যাহাকে আমরা প্রাণ বলি তাহা তখনও সে দেহে বর্তমান ছিল; অর্থাৎ তখন প্রাণ ছিল গুপ্ত এবং শরীরের বা স্নায়ুর সাধারণ ক্রিয়া, জান্তব-মনশ্চেতনার সাড়া দেওয়া প্রভৃতি যে সমস্ত কর্মে সে দেহ বরাবর অভ্যস্ত ছিল তাহার কোনটীর-ই প্রকাশ ছিল না। একথা মানিয়া লওয়া কঠিন যে প্রাণ নামক একটা বিশেষ সত্তা বা বস্তু দেহ হইতে এক্ষেত্রে একেবারেই বাহিরে চলিয়া গিয়াছিল এবং কেহ যখন তাহার দেহকে উত্তেজিত করিতেছে, তখন তাহার দেহে সে আবার ফিরিয়া আসিয়াছে, কেননা দেহের একেবারে বাহিরে থাকিলে দেহকে উত্তেজিত করিবার কথা সে জানিল কি করিয়া? কোন কোন ক্ষেত্রে এমনও দেখা যায় যে কোন লোকের জীবনের বাহ্য লক্ষণ এবং প্রাণক্রিয়া স্তম্ভিত হইয়া গিয়াছে যদিও সে সময় তাহার মন সম্পূর্ণ সচেতন আছে অথচ সে মন দেহকে ক্রিয়াশীল করিতে পারিতেছে না। উদাহরণ স্বরূপ নিম্পন্দ বায়ুরোগে (catalepsy) আক্রান্ত ব্যক্তির অবস্থার কথা উল্লেখ করা যাইতে পারে। এক্ষেত্রে ত নিশ্চয়ই

বলা চলে না যে লোকটার দেহ মৃত হইয়াছে কিন্তু মন বাঁচিয়া আছে অথবা প্রাণ দেহ হইতে চলিয়া গিয়াছে, অথচ মন দেহের মধ্যে বাস করিতেছে, তখন কেবল ইহাই বলা যায় যে সাধারণ দৈহিক ক্রিয়া স্তম্ভিত হইলেও মন সক্রিয় আছে।

কোন কোন বিশেষ সমাধির অবস্থায়ও দেহের এবং বহিষ্কৃত মনের ক্রিয়া বন্ধ হইয়া যায়। পরে আবার তাহাদের ক্রিয়ার আরম্ভ হয়, কখনও বাহিরের উত্তেজনায়, কিন্তু অধিকাংশ স্থলে ভিতর হইতে স্বাভাবিক এবং স্বতঃস্ফূর্ত প্রেরণার বশে। একরূপ ক্ষেত্রে যাহা ঘটে তাহা এই যে, বহিষ্কৃত মন ও প্রাণ অবচেতনে অবস্থিত মন ও প্রাণে প্রত্যাহৃত হয় এবং হয় সমগ্র মাছুষটি অবচেতন-ভূমিতে ডুবিয়া যায়, না হয় তাহার বহির্জীবন অবচেতনে সংহত এবং অন্তরের সত্তা অতিচেতন লোকে উন্নীত হয়। কিন্তু এই সমস্ত ক্ষেত্রে আমাদের প্রধান দেখিবার বিষয় এই যে, যে শক্তি—তাহার স্বরূপ যাহাই হউক না কেন—দেহের আধারে প্রাণের সক্রিয় সামর্থ্যকে রক্ষা করে তাহা বাহিরের ক্রিয়াকে স্তব্ধ রাখিয়াছে বটে, তথাপি দেহগত জৈবব্যবস্থা অল্পপ্রাণিত করিতেছে। কিন্তু অবশেষে একটা সময় আসিয়া পড়ে যখন স্তম্ভিত ক্রিয়াশক্তিকে আর পুনরুজ্জীবিত করা যায় না; ইহা যখন ঘটে তখন দেখা যায় দেহের মধ্যে এমন একটা ছেদ ঘটান হইয়াছে, যাহার ফলে দেহটা অকর্মণ্য হইয়া পড়িয়াছে বা তাহার অভ্যন্তর ক্রিয়া পরিচালনার শক্তি নষ্ট হইয়াছে; অথবা সে রকম ছেদ না ঘটিলেও শরীরের উপাদান সমূহে ভাঙ্গন আরম্ভ হইয়াছে অর্থাৎ যে শক্তি পরিবেশের মধ্যে রহিয়া অস্ত্রাস্ত্র সকল শক্তির সহিত সাড়া বিনিময় করিতে অভ্যস্ত ছিল, তাহা সেই সমস্ত শক্তির স্পর্শে এখন সম্পূর্ণ অসাড়, সুতরাং প্রাণক্রিয়াকে নূতন করিয়া সচল করিতে পারিতেছে না। তখনও দেহে প্রাণ আছে কিন্তু যে সমস্ত মূল উপাদান দিয়া দেহ গঠিত হইয়াছে তাহারা বাহির হইয়া গিয়া, যাহাতে নূতন দেহ গড়িবার কাজে লাগিতে পারে, প্রাণ নিযুক্ত আছে সেই উদ্দেশ্যে দেহকে কেবল ভাঙ্গিয়া চূর্ণ করিয়া চলিবার জন্ত। বিশ্বশক্তির যে ইচ্ছা দেহকে ধারণ করিয়াছিল বলিয়া দেহ সংহত ছিল তাহা সে কাজ হইতে সরিয়া গিয়া উপাদানগুলির ভাঙ্গনের কাজ সমর্থন করিতেছে। যত দিন তাহা না ঘটে তত দিন দেহের সত্যিকার মৃত্যু হয় না।

তাহা হইলে প্রাণ বিশ্বশক্তিরই একটী সক্রিয় খেলা, সে শক্তির মধ্যে কোন না কোন আকারে অন্ততঃ পক্ষে প্রচ্ছন্নভাবে তত্ত্বরূপে মানসচেতনা এবং স্নায়ু-গত প্রাণবৃত্তি সর্বদা বর্তমান আছে, তাই তাহারা আমাদের এই জগতে জড় আকারের মধ্যে দেখা দেয় এবং তাহাদের প্রকাশ ক্ষেত্র গড়িয়া তোলে। এই শক্তি যে বিচিত্ররূপরাজি গড়িয়া তুলিয়াছে এবং তাহাদের প্রত্যেকের ভিতর তাহার নিজেরই সক্রিয় নাড়ীস্পন্দন নিত্য রক্ষা করিতেছে, সেই সমস্ত রূপের মধ্যে যখন অভিঘাত বা উত্তেজনা এবং তাহার সাড়ার অস্তিত্ববিনিময় চলে, তখনই শক্তির প্রাণলীলা প্রকাশ পায়। প্রত্যেক রূপই সর্বদা এই সাধারণ শক্তির নিঃশ্বাস এবং বীৰ্য গ্রহণ এবং ত্যাগ করিতেছে ; নানা উপায়ে প্রত্যেক রূপ এ শক্তিকেই তাহার আহাৰ্য্যরূপে গ্রহণ করিতেছে, তাহা দ্বারা নিজের পুষ্টিসাধন করিতেছে, কখনও বা পরোক্ষভাবে—যাহাতে ইহার বীৰ্য বা তেজ সঞ্চিত আছে সেই সমস্ত পদার্থ আহাৰ করিয়া, কখনও বাহিরে বিচ্ছুরিত সক্রিয় শক্তিকে সাক্ষাৎভাবে টানিয়া লইয়া। এ সমস্তই প্রাণের লীলা, কিন্তু যখন তাহার বহিষ্কৃত এবং জটিলক্রিয়া যথোপযুক্ত পরিমাণে সংহত এবং গঠিত হইয়া উঠে, বিশেষতঃ যে স্নায়ুদ্বারা আমাদের অবয়ব গঠিত এবং যে স্নায়ুর দ্বারা আমরা সকল সংস্পর্শ লাভ করিতে অভ্যস্ত, সেই স্নায়বিক গঠনের মধ্য দিয়া যখন প্রাণশক্তি প্রকাশ পায়, আমরা প্রধানতঃ তখনই তাহার পরিচয় পাই। এইজন্ত উদ্ভিদে প্রাণের অস্তিত্ব আমরা সহজে স্বীকার করি, কারণ সেখানে প্রাণের লক্ষণ স্পষ্ট ; এ স্বীকার করা আরও সহজ হয় যখন দেখি স্নায়ুক্রিয়ার চিহ্ন যেন উদ্ভিদেও প্রকাশ পায় এবং তাহাদের এবং আমাদের প্রাণের গঠন এবং কার্য্যপ্রণালীর মধ্যে বিভিন্নতা খুব বেশী নাই। কিন্তু ধাতু, যুক্তিকা, বা পরমাণুতে প্রাণের অস্তিত্ব স্বীকার করিতে আমরা অনিচ্ছুক, কারণ এই সমস্ত বাহ্য লক্ষণ সেখানে খুঁজিয়া বাহির করা শক্ত, অথবা আপাতদৃষ্টিতে যেন নাই।

বাহিরের এই প্রভেদ স্বরূপভেদ বলিয়া মনে করিবার কোন সমর্থন আছে কি ? আচ্ছা, আমাদের জীবন এবং উদ্ভিদ জীবনের মধ্যে তফাৎ কোথায় ? ছুই বিষয়ে তফাৎ দেখিতে পাই। প্রথম আমাদের চলা ফেরা করিবার শক্তি আছে উদ্ভিদের নাই, কিন্তু স্পষ্টতঃ এ শক্তি প্রাণক্রিয়ার কোন অবিচ্ছেদ্য মূল লক্ষণ নহে ; দ্বিতীয় আমাদের সচেতন বোধশক্তি আছে এবং যতদূর আমরা জানি

উদ্ভিদের মধ্যে সে শক্তির বিকাশ হয় নাই। আমাদের স্নায়ুতে যে সাড়া দেখা দেয় তাহা—সর্বদা এবং পূর্ণমাত্রায় না হইলেও—মনের মধ্যে সচেতন ইন্দ্রিয় বোধের একটা সাড়া অনেক পরিমাণে জাগায়। মনের কাছে, স্নায়ুমণ্ডলীর কাছে এবং স্নায়ুর ক্রিয়া দ্বারা আলোড়িত দেহের কাছে সে সাড়ার একটা মূল্য আছে। মনে হয় উদ্ভিদের মধ্যে স্নায়বিক বোধ যে আছে তাহার অনেক লক্ষণ বা চিহ্ন আমরা দেখিতে পাই; উদ্ভিদের স্নায়বিক বোধের কতকগুলি আমরা আমাদের মধ্যে যাহাদিগকে ইন্দ্রিয়জ স্তম্ভ এবং ছঃম্ভ, জাগরণ এবং নিদ্রা, উচ্ছ্বাস, অবসাদ এবং ক্লান্তি নাম দিই, তাহাদেরই যেন অল্পরূপ; এই সমস্ত স্নায়বিক ক্রিয়াদ্বারা মাহুষের মত উদ্ভিদের দেহও আন্দোলিত হয় কিন্তু মনশ্চেতনায় কোন সচেতন বোধরূপে ফুটিয়া উঠিবার কোন লক্ষণ উদ্ভিদের মধ্যে দেখা যায় না। কিন্তু মনে বা প্রাণে, যেখানেই অল্পভূতি বা বোধ জাগুক না কেন, বোধ সকল ক্ষেত্রেই বোধ এবং স্নায়বিক বোধও চেতনার একটা রূপ। স্পর্শকাতর উদ্ভিদ যখন কোন স্পর্শে সজ্জ্বিত হয় তখন বোধ হয় যে তাহার স্নায়ু প্রভাবিত হইতেছে এবং তাহার মধ্যে এমন কিছু আছে যাহা স্পর্শটা পছন্দ করিতেছে না, এবং তাই সজ্জ্বিত হইতে, সরিয়া আসিতে চেষ্টা করিতেছে; এক কথায়, যেমন আমরা জানি যে আমাদের মধ্যে অবচেতন বোধ ও ক্রিয়া আছে উদ্ভিদের মধ্যে সেই জাতীয় অবচেতন বোধ বা তাহার ক্রিয়া আছে। মাহুষের মধ্যে অবচেতন বোধলাভের বহু পরে যখন স্নায়ুমণ্ডলিতে তাহার কোন প্রভাব বর্তমান নাই, তখনও এই অবচেতন অল্পভূতিগুলিকে টানিয়া উপরে চৈতন্যের বহির্ভাগে তোলা সম্পূর্ণ সম্ভব। নিত্য উপচীয়মান গুণাকার সাক্ষ্য দ্বারা অকাট্য ভাবে প্রমাণিত হইয়াছে যে, মাহুষের মধ্যে একটা অবচেতন মননের ক্ষেত্র আছে এবং তাহা তাহার সচেতন মনের ক্ষেত্র অপেক্ষা অনেক ব্যাপক। মাহুষের মধ্যে যেমন একটা বহিষ্কৃত জাগ্রত মন আছে, যাহা অবচেতন বোধের মূল্য নির্ণয় করিতে পারে উদ্ভিদের তাহা নাই—কিন্তু তাহাতে উভয় ক্ষেত্রে অল্পভূতি বা বোধ যে এক, তাহার কোন পার্থক্য হয় না। অবচেতন বোধ মাহুষের এবং উদ্ভিদের মধ্যে যখন এক, তখন যাহাকে তাহার প্রকাশ করিতেছে তাহাও এক হইবে অর্থাৎ মাহুষের মধ্যে অবচেতন মন বলিয়া কিছু থাকিলে উদ্ভিদের মধ্যেও তাহা থাকিবে। অবচেতন মননের আরও প্রাথমিক ক্রিয়া ধাতুর মধ্যে থাকা সম্পূর্ণ সম্ভব, যদিও স্নায়বিক ক্রিয়া দ্বারা



আলোড়িত হইবার মত দেহযন্ত্র তাহার নাই, অথবা স্নায়ুর অল্পরূপ কিছু তাহার মধ্যে এখনও প্রকাশ হয় নাই। কিন্তু যেমন দেহের চলৎশক্তি না থাকিলেও উদ্ভিদের মধ্যে প্রাণশক্তি থাকার মূলতঃ কোন বাধা হয় নাই, তদ্রূপ দেহের আন্দোলন না থাকিলেও ধাতুতে প্রাণশক্তি থাকার কোন মূল বাধা নাই।

শরীরে চেতনা যখন অবচেতনায় বা অবচেতনা যখন চেতনায় পরিবর্তিত হয়, তখন কি ঘটে? খাটি পার্থক্য এই যে চিৎশক্তি তাহার কর্মের একটি অংশে অভিনিবিষ্ট হয়, তাহাতে অল্পবিস্তর একাগ্র বা তদগত হইয়া পড়ে। কোন কোন একাগ্রতায় প্রজ্ঞানের সেই বৃত্তি যাহাকে আমরা মনশ্চেতনা বলি, তাহা সচেতন ভাবে ক্রিয়া করিতে প্রায় বা সম্পূর্ণ বিরত হয়, তথাপি তখনও দেহ, স্নায়ুগুণি এবং ইন্দ্রিয়বোধ অজ্ঞাতসারে সতত কাজ করে এবং নিখুঁত ভাবেই করে। তখন একটীমাত্র ক্রিয়া বা ক্রিয়ার একটীমাত্র ধারা লইয়া মন সক্রিয় থাকে, বাকী সমস্তটা অবচেতন হইয়া পড়ে। যখন আমি লিখিতেছি তখন লিখিবার জন্ত যে দৈহিক ক্রিয়া প্রয়োজন তাহার অধিকাংশ, কখনও সমস্তটা অবচেতন মন দ্বারা কৃত ও পরিচালিত হয়, তখন আমরা বলি শরীরে অচেতন ভাবে কোন কোন স্নায়ুক্রিয়া চলিতেছে, কিন্তু মন যে চিন্তা লইয়া আছে শুধু তাহাতে জাগ্রত বা সচেতন আছে। সমস্ত মাল্লখটাও অবচেতন অবস্থায় ভুবিয়া যাইতে পারে তথাপি সাধারণতঃ যাহাতে মনের ক্রিয়ার প্রয়োজন হয় এমন অভ্যস্ত ক্রিয়াও চলিতে পারে, যেমন অনেক প্রকার স্বপ্নে দেখা যায়; অথবা সে অতিচেতনে উঠিয়া যায় তথাপি শরীরস্থ প্রচ্ছন্ন বা ময়ূচেতন্ত ক্রিয়াশীল থাকে, যেমন কোন কোন যোগ সমাধিতে দেখা যায়। ইহা হইতে উদ্ভিদের এবং আমাদের বোধের পার্থক্য এই ভাবে স্পষ্টরূপে বুঝা যাইবে—উদ্ভিদের মধ্যে যে সচেতন শক্তি বিশ্বে আত্মপ্রকাশ করিতেছে তাহা এখন জড়ত্বের নিদ্রা হইতে পূর্ণরূপে জাগরিত হয় নাই। অথবা ক্রিয়মান শক্তি জড়ে এমন অভিনিবিষ্ট বা জড়ের সঙ্গে এমন তদগত চিত্ত হইয়াছিল যে, অতিচেতন জানে অবস্থিত তাহার কর্মের মূল উৎস হইতে পূর্ণরূপে পৃথক হইয়া পড়িয়াছিল; উদ্ভিদ জীবনেও তাহার ঘুমঘোর কাটে নাই। সুতরাং যখন সে শক্তি মাল্লখের মধ্যে জড়ের অভিনিবেশ হইতে মুক্ত হইতে চাহিতেছে এবং—এখনও পুরোক্ষভাবে হইলেও—নিজের আত্মজ্ঞানে জাগরিত হইতে আরম্ভ করিয়াছে, তাহা সচেতন ভাবে যাহা

করিবে উদ্ভিদের মধ্যে অবচেতন ভাবে তাহাই করিতেছে। এইভাবে এ শক্তির একই খেলা চলিতেছে কিন্তু বিভিন্নভাবে এবং চৈতন্তের ভাষায় তাহাদের মূল্যও বিভিন্ন।

একথা ধারণা করা আমাদের ক্রমেই সম্ভব হইয়া আসিতেছে যে জড়পরমাণুর মধ্যেও এমন একটা কিছু আছে, যাহা আমাদের মধ্যে আসিয়া ইচ্ছা ও বাসনার রূপ নিয়াছে। পরমাণুর আকর্ষণ ও বিকর্ষণ এবং আমাদের অহুরাগ ও বিরাগ দেখিতে ভিন্ন হইলেও মূলতঃ এক—শুধু আমরা বলি পরমাণুর ক্ষেত্রে ইহা নিশ্চেতন বা অবচেতন। ইচ্ছা ও বাসনার মূল বিশ্বের সর্বত্র আছে স্পষ্টভাবে, যদিও আমরা ইহা এখনও স্পষ্টভাবে জানি নাই যে, এ ইচ্ছা ও বাসনা বিশ্বের সর্বত্র অল্পস্বাত একটা অবচেতন বোধ বা বুদ্ধির সহিত জড়িত, অথবা বস্তুতঃ ইহার তাহারই প্রকাশের বিভিন্নরূপ; ইচ্ছা হইলে ইহাকে নিশ্চেতন অথবা সম্পূর্ণরূপে সংবৃত বলিতে পার। প্রতি পরমাণুতে ইহা আছে বলিয়া প্রত্যেক পদার্থেও ইহা অবশ্য থাকিবে, কারণ পরমাণুপুঞ্জ একত্র সমাহৃত হইয়াই বস্তুতে পরিণত হয়। আবার পরমাণুতে ইহা থাকিবার কারণ, যে শক্তি পরমাণু গড়িয়াছে অথবা পরমাণুতে রূপান্তরিত হইয়াছে সেই শক্তিতে ইহা বর্তমান আছে। বৈদান্তিকের কাছে যাহা চিন্তাপস বা চিন্তাশক্তি বা চিন্ময় সত্তাতে অল্পস্বাত চিন্তাশক্তি, এ শক্তি স্বরূপতঃ তাহাই। এই শক্তিই আত্মপ্রকাশ করিতেছে উদ্ভিদের মধ্যে অবমানস বোধময় স্নায়বীয় শক্তি রূপে, আদিম প্রাণীর মধ্যে বাসনাবোধে এবং বাসনাময় ইচ্ছা রূপে, উচ্চতর জীবের মধ্যে আত্ম সচেতন বোধ এবং শক্তি রূপে এবং প্রাণী শ্রেষ্ঠ মানুষের মধ্যে মানসিক জ্ঞান ও ইচ্ছারূপে। প্রাণ বিশ্ব-শক্তির একটা সোপানাবলি, যাহা আরোহণ করিতে করিতে নিশ্চেতনের ক্রমশঃ পূর্ণ চৈতন্তে রূপান্তর সাধিত হয়। ইহা চৈতন্তেরই একটা মধ্যবর্তী শক্তি। প্রথমে জড়ে ইহা স্থপ্ত এবং নিমজ্জিত, পরে নিজের শক্তির প্রবেগে তথা হইতে মুক্ত হইয়া অবমানস সত্তায় এবং অবশেষে তথা হইতে মুক্ত হইয়া, তাহার মধ্যে যে বিপুল সম্ভাবনা রহিয়াছে মনঃশক্তির উন্মেষে তাহা ফুটিয়া উঠিতে পারে, এমন অবস্থায় পৌছে।

অল্প সমস্ত হেতু বাদ দিলেও, যদি আমরা পরিণামবাদের আলোকে, যাহা শুধু বাহিরে উন্মিষিত হইয়া উঠিতেছে প্রাণের সেই সমস্ত ধারা পর্যবেক্ষণ করি,

তাহা হইলে স্মৃতি আমাদেরকে এই সিদ্ধান্তেই আনিয়া পৌছাইয়া দিবে। উদ্ভিদে প্রাণের গঠন পশু হইতে পৃথক হইলেও ইহা স্পষ্ট যে উভয়ই প্রাণশক্তি এক; উদ্ভিদেও আছে পশুর মত জন্ম, বৃদ্ধি এবং মৃত্যু; বীজ দ্বারা বংশ বিস্তার, ক্ষয়, রোগ বা অত্যাচারে মৃত্যু, বাহির হইতে উপাদান সংগ্রহ ও গ্রহণ করিয়া গুট্ট হওয়া ও বাঁচিয়া থাকা; আলোক ও তাপের উপর নির্ভরশীলতা, প্রজনন শক্তি অথবা বক্ষ্যাত্মক; এমন কি নিত্রা এবং আগরণ, জীবনক্রিয়ার মধ্যে উত্তেজনা এবং অবসাদ, বাল্য যৌবন এবং বার্দ্ধক্যের ক্রমপরিণাম; তাহা ছাড়া উদ্ভিদের মধ্যে জীবনীশক্তির মূখ্য উপাদান থাকিতে তাহাই পশু জগতের স্বাভাবিক খাঙ্গ। ইহার পর যদি ইহা স্বীকার করি যে তাহার আছে স্নায়ু-মণ্ডলী, আছে আঘাতে লাড়া দেওয়ার সামর্থ্য, অথবা আছে অবমানস বা খাটি মনোময় বোধের একটা প্রাথমিক অবস্থা বা অন্তঃপ্রবাহ; তবে পশুর এবং উদ্ভিদের মধ্যে যে একই প্রাণ আছে এ বোধ স্পষ্টতর হয়। তথাপি অচেতন জড় হইতে পশু জীবনের মধ্যে প্রাণের যে পরিণাম হইতেছে উদ্ভিদ স্পষ্টতঃ তাহার মধ্যবর্তী অবস্থা। প্রাণ যদি এমন একটা শক্তি হয় যাহা জড় হইতে উদ্ভূত হইয়া মনোরূপী শেষ পরিণতিতে পৌছিতে চাহিতেছে, তবে জড় ও মনের এই মধ্যবর্তী অবস্থা থাকা ত স্বাভাবিক, এবং যদি তাহাই হয় তবে আমরা স্বীকার করিতে বাধ্য যে প্রাণ অচেতন অথবা অচেতন অবস্থায় জড়ের মধ্যে মগ্ন বা স্থগ্ত হইয়াছিল; নতুবা কোথা হইতে তাহার আবির্ভাব হইল? জড়ের মধ্যে প্রাণের উদ্ভব ও পরিণতি হইতেছে স্বীকার করিলে তৎসঙ্গেই স্বীকার করিতে হয়, তৎপূর্বে জড়ে প্রাণ সংবৃত ভাবে বর্তমান ছিল, নতুবা বলিতে হয় এই নূতন সৃষ্টি একটা ইন্দ্রজালের মত ব্যাপার, যাহা প্রকৃতির মধ্যে উপস্থিত হইয়াছে অথচ তাহার কোন কারণ নাই বা খুঁজিয়া পাওয়া যায় না। নূতন সৃষ্টিই যদি হয়, তবে হয় তাহা হইবে অসং বা শূন্য হইতে সৃষ্টি, না হয় কোন জড় প্রক্রিয়ার ফলে প্রাণ আসিয়াছে কিন্তু সে প্রক্রিয়ার মধ্যে এমন কিছু পাওয়া যায় না বা তন্মধ্যে সমজাতীয় এমন কোন উপাদান নাই, যাহাতে ইহার কারণ খুঁজিয়া পাওয়া যাইবে। তৃতীয় আর একটা অল্পমান করা যাইতে পারে যে ইহা স্থলজগতের উর্দ্ধে স্থিত কোন জড়াভীত লোক হইতে আসিয়াছে। খামখেয়ালি কল্পনা বলিয়া প্রথম দুইটা সিদ্ধান্তকে

আমরা ত্যাগ করিতে পারি। কিন্তু শেষ সিদ্ধান্তটা সম্ভব এবং আমাদের মুক্তি ইহাকে স্বীকার করিতে আপত্তি করেনা এবং স্বল্প অতীতের দৃষ্টিতেও দেখা যায় যে, উপরিস্থিত প্রাণের কোন লোকের আবেশ বা প্রভাব জড়-জগতের প্রাণের উন্মেষে সহায়তা করিয়াছে। কিন্তু তাহাতে জড় হইতে আত্ম এবং অপরিসীম গতির মধ্য দিয়া প্রাণের উন্মেষ হইয়াছে, এমত খণ্ডিত হয় না। কারণ যদি জড়ের মধ্যে প্রাণলোক সৃষ্টিক্রম অবস্থায় গুপ্তভাবে না থাকিত, তবে শুধু উর্দ্ধে এক প্রাণময় জগৎ বা প্রাণলোক থাকিলেও বা তথা হইতে তাহার প্রভাব নীচে নামিয়া আসিলেও, জড়ের মধ্যে প্রাণের উন্মেষ সম্ভব হইত না। বস্তুতঃ চিৎসত্তা তাহারই নানান্তর বা শক্তির মধ্য দিয়া অবতরণ করিয়া তাহার সকল শক্তির (যাহার মধ্যে প্রাণশক্তিও আছে) সহিত জড়ের মধ্যে সংবৃত হইয়া পরে উন্মিষিত ও প্রকাশিত হইবার জন্য বর্তমান আছে। জড়ের মধ্যে নিমজ্জিত প্রাণ যখন জৈবপ্রকৃতি বিশিষ্ট (organised) হইয়া উঠে নাই, সেই প্রাথমিক অবস্থায় তাহার কোন চিহ্ন পাওয়া যায় কিনা, অথবা সংবৃত প্রাণ সম্পূর্ণ নিজেচ্ছন্ন বলিয়া কোন চিহ্ন দেখা যায় না এসমস্ত মুখ্য কথা নহে। জড়ে যে শক্তি সংগ্রহ করে, আকার গড়িয়া তোলে এবং ভাঙ্গিয়া দেয় \* সেই শক্তিই অল্প ভূমিতে গিয়া সেই প্রাণশক্তি রূপে দেখা দেয়, যাহা জন্ম, পুষ্টি ও মৃত্যুর মধ্য দিয়া আত্মপ্রকাশ করে। যেমন সে শক্তি অবচেতনের স্বপ্নসংসারের মধ্যে অজ্ঞাতসারে বুদ্ধির কাজ করে, আবার তাহাই অল্প ভূমিতে গিয়া নিজেকে মনরূপে ফুটাইয়া তোলে। এ জড়শক্তির প্রকৃতি দেখিয়াই মনে হয় যে, মন এবং প্রাণের অল্পমিষিত বীৰ্য্য নিজের মধ্যে ইহা ধারণ করিয়া রাখিয়াছে, যদিও তাহাদের বিশিষ্ট আকারে ও প্রকাশ ধারায় তাহারা এখনও প্রকাশ পায় নাই।

---

\* জীবনে জন্ম, পুষ্টি এবং মৃত্যু বহিরঙ্গ ভাবে জড়ে সংগ্রহ, আকার গঠন, এবং বিচূর্ণন ক্রিয়ার সহিত এক হইলেও ভিতরের ক্রিয়া এবং অর্থে আরও গভীর। স্বল্পমর্শদের দেওয়া বিবরণ যদি সত্য হয় তবে চৈতন্যপুরুষের জীবদেহ গ্রহণ ব্যাপারও বাহিরের দিকে একইরূপ; কারণ জন্মগ্রহণেজু আত্মা জন্মের সময় তাহার চারিদিকে মনময় প্রাণময় ও অন্নময় কোষের উপাদান সমূহ আকর্ষণ ও সমাহরণ করে, জীবনে এই সমস্ত আকারের পুষ্টিসাধন করে এবং চলিয়া বাওয়া বা মৃত্যুর সময় এসমস্ত উপাদান ত্যাগ করে এবং ভাঙ্গিয়া দেয় এবং নিজের অন্তঃশক্তিসমূহ নিজের মধ্যে গুটাইয়া আনে, আবার পুনর্জন্মে এই ক্রিয়াধারার পুনরাবৃত্তি হলে।

তাহা হইলে দেখা যাইতেছে যে পরমাণু হইতে মানুষ পর্যন্ত সর্বত্র একই প্রাণের প্রকাশ। সত্তার যে উপাদান এবং ক্রিয়া পরমাণুর মধ্যে অবচেতন ভাবে অবস্থিত, তাহাই পশুর চেতনায় মুক্তি পাইয়াছে, প্রাণ এই পরিণতিতে একটা মধ্যবর্তী অবস্থা। বস্তুতঃ প্রাণ জড়ের মধ্যে অবস্থিত হইয়া জড়ের উপর অবচেতন ভাবে যে ক্রিয়া করিতেছে, তাহা চিৎশক্তিরই বিশ্বব্যাপী খেলা ছাড়া আর কিছু না। প্রাণক্রিয়াই আকার বা দেহ গড়িয়া তোলে, তাহা-দিগকে রক্ষা ও পুষ্ট করে এবং ধ্বংস করিয়া আবার গড়িয়া তোলে এবং স্নায়ু শক্তির খেলা অর্থাৎ উত্তেজক বা সঙ্কোচন শক্তির আদান প্রদান দ্বারা, দেহের মধ্যে সচেতন বোধ জাগাইয়া তুলিতে চেষ্টা করে। এই ক্রিয়াধারার তিনটি অবস্থা আছে; নিম্নতম অবস্থায় ইহার স্পন্দন জড়ের নিজ্রাতে অভিভূত, একেবারে অবচেতন যেন মনে হয় সম্পূর্ণ যান্ত্রিক; মধ্য অবস্থায় ইহা সাড়া দিতে সমর্থ হইয়াছে কিন্তু তখনও অবমানস ভাবে, আমরা যাহাকে চেতনা বলিয়া জানি তাহার উপকূলে যেন পৌঁছিয়াছে। উচ্চতম অবস্থায় যাহাতে সমস্ত বোধ মননের ভাষায় সে বুঝিতে পারে, প্রাণ এমন ভাবে সচেতন মননশক্তি গড়িয়া তোলে এবং এই পরিবর্তনের মধ্যে ইঞ্জিয়, মন এবং বুদ্ধির বিকাশের ভিত্তি হইয়া দাঁড়ায়। এই মধ্যবর্তী অবস্থায় আমরা জড় ও মন হইতে বিবিধ প্রাণের ধারণা লাভ করি, কিন্তু বস্তুতঃ সকল অবস্থায় মধ্যমই ইহা এক, প্রাণ সর্বদাই মন ও জড়ের মধ্যে সংযোগ সাধনের জন্য একটা মধ্যাবস্থা, সর্বত্রই প্রাণ জড়ের উপাদানভূত এবং মন দ্বারা পরিপূরিত। ইহা চিৎ-শক্তির একটা ক্রিয়া বটে কিন্তু যাহা কেবলমাত্র ত্রব্যের রূপ গঠন ইহা তাহা নহে, অথবা কেবল ত্রব্য এবং আকার যাহার জ্ঞানের বিষয় সে মনের ক্রিয়াও নহে। বরং বলা যায় যে ইহা চিৎসত্তার তেজোময় ক্রিয়াশীল অবস্থা, যাহা ত্রব্যের রূপ গঠনের কারণ ও আধার এবং মধ্যবর্তী বা অবাস্তব শক্তিরূপে সচেতন মানসজ্ঞানের উৎপত্তি ও আশ্রয়স্থান। চিৎ সত্তার ক্রিয়াশীল এই মধ্যবর্তী শক্তিরূপে প্রাণ, বোধের ক্রিয়া এবং প্রতিক্রিয়াতে, সত্তার সেই সৃষ্টিশক্তিকে মুক্তি দেয়, যাহা নিজসত্তার মধ্যে নিমজ্জিত ছিল এবং অবচেতন বা নিশ্চেতন রূপে ক্রিয়া করিতেছিল। প্রজ্ঞানটীতত্ত্বের যে ক্রিয়াকে আমরা মন নামে অভিহিত করি, প্রাণ তাহাকে জড়ের বন্ধন হইতে মুক্তি দেয় এবং

ধারণ করিয়া থাকে এবং সেই মনের মধ্যে এমন এক ক্রিয়াশীলতার বেগ সঞ্চার করে, যে জন্ত মন নিজের নানা বৃত্তি এবং প্রাণ ও জড়ের নানাক্রপের উপর ক্রিয়া করিতে পারে ; প্রাণ জড় এবং মনের মধ্যে সেতুস্থানীয় হইয়া মধ্যবর্তী শক্তিরূপে উভয়ের মধ্যে ভাব ও ক্রিয়ার বিনিময় বা যোগাযোগকে বজায় রাখে। প্রাণই এই যোগাযোগের উপায় স্বরূপ আয়বিক শক্তির স্পন্দময় প্রবাহ সৃষ্টি করে, যে প্রবাহের ফলে জড় বা বাহ্যরূপ হইতে শক্তি গিয়া ইন্দ্রিয় বোধ জাগায় এবং মনের বিপরীতাম ঘটায়, আবার মনের শক্তি ইচ্ছারূপে রূপান্তরিত হইয়া আয়ুর সাহায্যেই গিয়া জড়ের পরিবর্তন সাধন করে। এই জন্ত যখন আমরা প্রাণের কথা বলি তখন সাধারণতঃ আমরা এই আয়বিক শক্তিকেই বুঝি ; ভারতীয় দর্শনে ইহাকেই প্রাণ বা প্রাণশক্তি বলিয়াছে। কিন্তু প্রাণ আয়বিক শক্তির রূপগ্রহণ করে কেবল প্রাণীর ক্ষেত্রে ; একই প্রাণশক্তি পরমাণু হইতে আরম্ভ করিয়া সকল রূপে বর্তমান আছে, কেননা সর্বত্র ইহা মূলতঃ এক এবং সর্বত্রই ইহা চিৎশক্তির একই ক্রিয়া হইতে জাত, একই শক্তি নিজের সমস্ত বস্তুরূপকে ধারণ করিয়া আছে এবং তাহাদের বিপরীতাম সাধন করিতেছে কিন্তু প্রথমে সে শক্তিতে বোধ ও মন গোপন ভাবে ক্রিয়াশীল, রূপের মধ্যে সংবৃত, উন্মিষিত হইয়া উঠিবার জন্ত প্রস্তুত হয়, অবশেষে সংবৃত হইতে মুক্তিলাভ করে। সর্বব্যাপী এক মহাপ্রাণ জড়বিশ্ব সৃষ্টি করিয়াছে এবং তাহার মধ্যে বাস করিতেছে—ইহাই তাহার পূর্ণ অর্থ।

## বিংশ অধ্যায়

### মৃত্যু, বাসনা এবং অসামর্থ্য

প্রথমে সমস্তই মৃত্যুরূপী বুদ্ধি দ্বারা আবৃত ছিল ; সে নিজের জন্ত মন সৃষ্টি করিল যাহাতে সে আত্মাকে পাইতে পারে ।

বৃহদারণ্যক উপনিষদ ( ১২।১ )

এই শক্তিকে মর্ত্য সত্তা আবিষ্কার করিল—স্বাভাবীয় পদার্থকে ধারণ করিবে সে, তাই বহু বিচিত্র বাসনা তার মধ্যে ; সকল অন্নের স্বাদ গ্রহণ করে সে এবং জীবের জন্ত গৃহপ্রস্তুত করে ।

ঋগ্বেদ ( ৫।৭।৬ )

পূর্ববর্তী অধ্যায়ে জড়সত্তার দিক হইতে আমরা প্রাণকে দেখিয়াছি ; কি করিয়া জড়ের মধ্যে প্রাণ তত্ত্বের আবির্ভাব হইল এবং কি ভাবে তাহার ক্রিয়া চলিল তাহা বুঝিতে চাহিয়াছি ; সে জন্ত পরিণামশীল পার্থিব সত্তা হইতে সংগৃহীত তথ্য লইয়া বিচার করিয়াছি । কিন্তু একথা স্পষ্ট যে ভাবে প্রাণ আবির্ভূত হউক না কেন, যে ভাবে এবং যে কোন পরিবেশে তাহার ক্রিয়া চলুক না কেন, তদ্ব্যতঃ সর্বত্র তাহা একই হইবে । প্রাণ বিশ্বব্যাপিনী সেই শক্তি, যাহা বিশ্বের রূপরাজিকে সৃষ্টি, বীৰ্য্য দ্বারা পুষ্টি ও রক্ষণ, পরিবর্তন ও রূপান্তর সাধন করিতেছে, এমন কি তাহাদিগকে ভাঙ্গিয়া দিতেছে আবার নূতন করিয়া গড়িয়া তুলিতেছে, ব্যক্ত বা অব্যক্ত যে ভাবেই ক্রিয়া করুক ইহার মূলপ্রকৃতিতে ইহা চৈতন্যময়ী শক্তি, ইহার জন্তই রূপের সঙ্গে রূপের খেলা এবং তাহাদের পরস্পর বিনিময় চলিতেছে । যে জড়অগ্ৰতে আমরা বাস করি সেখানে মন অবচেতন ভাবে প্রাণের মধ্যে সংবৃত হইয়া আছে, ঠিক তেমনি ভাবে অতিমানস সংবৃত হইয়া অবচেতনরূপে আছে অন্তর মধ্যে, আবার বাহ্যর মধ্যে সংবৃত এবং অবচেতন মন রহিয়াছে সেই প্রাণ নিজের জড়ের মধ্যে সংবৃত হইয়া আছে । সুতরাং জড়ই এখানে ভিত্তিভূমি মনে

হয়, যেখানে হইতে সব কিছুই আরম্ভ, উপনিষদের ভাষায় তাই বলা হইয়াছে ‘পৃথিবী পাজ্জন্ম’ পৃথিবী আমাদের পাদপীঠ বা ভিত্তি। জড়বিষয় শক্তিপরিপূরিত যে পরমাণু দ্বারা গঠিত তাহার মধ্যেই বাসনা, ইচ্ছা ও বুদ্ধির উপাদান অগঠিত ও অবচেতন ভাবে অবস্থিত আছে। এই জড় হইতে প্রাণ বাহিরে প্রকাশিত হয় এবং প্রাণ, যে মন তাহার অন্তর্নিহিত ছিল, তাহাকে জীবন্ত দেহের সাহায্যে মুক্তি দেয় বা বাহিরে প্রকাশ করে; আবার মনকে তাহার ক্রিয়ার মধ্যে গুপ্ত-ভাবে অবস্থিত অতিমানসকে মুক্তি দিতে হইবে। এ জগতে প্রথমে যেমন অবচেতন যেখানে মন তেমন নহ—পরন্তু প্রারম্ভেই পরিস্ফুট এবং যেখানে মন সচেতন ভাবে তাহার অন্তর্নিহিত স্বাভাবিক শক্তিকে ব্যবহার করিয়া, সকল পদার্থের মূলরূপ ফুটাইতে পারে, এমন এক জগৎ আমরা কল্পনা করিতে পারি। সেক্ষণ জগতের ক্রিয়াধারা আমাদের এ জগৎ হইতে সম্পূর্ণ ভিন্ন প্রকারের হইলেও তথায় মন ও রূপের মধ্যবর্তী রূপে প্রাণই ক্রিয়াশক্তির বাহন হইবে। যদিও ক্রিয়াধারা সম্পূর্ণ অন্তরূপ হইবে তথাপি মূল পদার্থ বা শক্তি একই থাকিবে।

তাহা হইলে ইহা এখনই বুঝা যাইতেছে যে যেমন মন অতিমানসেরই শেষ ক্রিয়াফল বা অন্তিম বিভূতি, তদ্রূপ প্রাণ চিৎশক্তির বা চিৎতপসের শেষ ক্রিয়া ফল, সত্ত্বতবিজ্ঞানই চিৎশক্তির প্রতিভূরূপে সৃষ্টি এবং বিশিষ্টরূপের প্রযোজক। শক্তিস্বরূপ চৈতন্যই যিনি সংস্করণ তাহার নিজপ্রকৃতি, এই চিন্ময় সত্তা নিজেকে যখন প্রকাশ করে সৃষ্টিশীল জ্ঞান-সংকল্প বা সজ্ঞান ইচ্ছাশক্তিরূপে, তখন তাহাকেই সত্ত্বতবিজ্ঞান বা অতিমানস বলা হয়। অর্থাৎ চিৎশক্তি যখন ঋত স্বেমার ছন্দে অখণ্ড সত্তার নানারূপ সৃষ্টির জন্ত ক্রিয়াশীল, তখন তাহা হয় অতিমানস জ্ঞানসংকল্প, আর সেই ছন্দে যাহা প্রকাশ হয় তাহাকে আমরা জগৎ বা বিশ্ব নামে আখ্যাত করি। তেমনি মন ও প্রাণ সেই চিৎশক্তি ও সেই জ্ঞানসংকল্পের রূপায়ণ—এ রূপায়ণের উদ্দেশ্য এক প্রকার সীমা, বিরোধ ও বিনিময়ের মধ্যেই বিশিষ্ট ব্যষ্টিক্রূপের সৃষ্টি ও রক্ষণ; এই সীমা, বিরোধ এবং বিনিময়ের মধ্যেই প্রত্যেক ব্যষ্টিজীব নিজের মন ও প্রাণ এমনভাবে ফুটাইয়া তোলে যেন তাহারা অপর সকল মন প্রাণ হইতে ভিন্ন, যদিও বস্তুত: তাহারা কখনই বিভিন্ন নয় পরন্তু একই সত্যের বিভিন্ন আকারের মধ্যে স্থিত এক আত্মা, মন বা প্রাণের খেলা। অন্ত ভাষায় বলা যায় যে, সর্ব সংজ্ঞান এবং প্রজ্ঞান যাহার স্বরূপ সেই অতিমানসের ব্যষ্টি ভাব প্রকাশের



চরমলীলায় মন দেখা দিয়াছে, মন সেই ক্রিয়াধারা, যাহাকে অবলম্বন করিয়া চৈতন্য ব্যষ্টি জীব যুক্ত হইয়া, প্রত্যেক রূপের যথাযথ দৃষ্টিভঙ্গীর মধ্যে এবং সেই দৃষ্টিভঙ্গী হইতে বিশ্বের মধ্যে যে সকল সম্বন্ধ জাত হইয়াছে সেই সমস্ত সম্বন্ধ লইয়া ক্রিয়া করে ; তেমনি চিন্ময় সত্তার যে শক্তি বিশ্বব্যাপী অতিমানসের সর্বস্বাক্ষরক এবং সর্বসৃষ্টিকারক ইচ্ছাশক্তির মধ্যে নিত্য ক্রিয়াশীল তাহার একটা শেষ ক্রিয়াই প্রাণ, যাহাকে অবলম্বন করিয়া সেই শক্তি ব্যষ্টি রূপরাজিকে বীৰ্য্যবান করিয়া তোলে, তাহাদের রক্ষণ ও পোষণ, গঠন ও পুনর্গঠন করে। এই শক্তির ক্রিয়াকেই ভিত্তি করিয়া এইভাবে রূপায়িত ব্যষ্টিচেতনার সকল ক্রিয়া পরিচালিত হয়। ডাইনামো ( dynamo ) নামক বিদ্যুতোৎপাদক যন্ত্র হইতে যেমন নিয়ত বিদ্যুৎ-প্রবাহ উৎপাদিত হয়, তেমনি ব্রহ্মের তপোবীৰ্য্য প্রাণরূপে সদাই রূপের মধ্যে আত্ম-প্রকাশ করে এবং কেবল চতুষ্পার্শ্বস্থিত রূপরাজির উপর বহির্গমনশীল বীৰ্য্যধারা-রূপে প্রবাহিত হইয়া যে তাহার খেলা শেষ হয় তাহা নহে, পরন্তু চারিদিকের সমস্ত জীবন হইতে বা বিশ্বের সমস্ত পরিবেশ হইতে তাহার দিকে অন্তরাভিমুখী যে বীৰ্য্যধারা বাহির হইতে তাহাতে অনুরূপ বিষ্ট হয়, তাহাকেও সে গ্রহণ করে।

এইভাবে দেখিলে জড়ের উপর মনের ক্রিয়ার উপযোগী এবং জড় ও মনের মধ্যবর্তী প্রাণকে চিৎশক্তির একটা রূপ মনে হয় ; যখন মন শুদ্ধতাবের সঙ্গে সম্বন্ধ না থাকিয়া সৃষ্টিক্রিয়ার মধ্য দিয়া পদার্থের শক্তি এবং রূপের সহিত যুক্ত হয়, তখন এক হিসাবে প্রাণকে মনের শক্তি বা বীৰ্য্যের একটা বিভাব বলা যায়। কিন্তু সেই সঙ্গে ইহাও বলিতে হইবে যে যেমন মন একটা বিচ্ছিন্ন সত্তা নয় পরন্তু বস্তুতঃ সমগ্র অতিমানস তাহার পশ্চাতে অবস্থিত এবং অতিমানসই তাহার ব্যষ্টিভাবের শেষ ক্রিয়াফল রূপে মনে পরিণত হইয়াছে, তদ্রূপ প্রাণ ও কোন পৃথক সত্তা বা শক্তি নহে কিন্তু তাহার প্রত্যেক ক্রিয়ার পশ্চাতে সমগ্র চিৎশক্তি বিভ্রমান, বস্তুতঃ একমাত্র চিৎশক্তিই বর্তমান এবং সমস্ত সৃষ্ট পদার্থে তাহারই ক্রিয়া চলিতেছে, দেহ ও মনের মধ্যস্থানীয় প্রাণ ইহার শেষ ক্রিয়া বা স্তিমি বিভূতি মাত্র। সূত্রাং প্রাণের সম্বন্ধে আমরা যাহাই বলি না কেন তাহাতে এই পরতন্ত্রতা হইতে যে সমস্ত বৈশিষ্ট্য জাত হয়, প্রাণ তাহার অধীন থাকিবেই। প্রাণ যাহার বহিরঙ্গ বিভাব এবং সাধনযন্ত্র এবং প্রকৃতপক্ষে যাহা প্রাণের মধ্য দিয়া ক্রিয়া করিতেছে সেই চিৎশক্তির সম্বন্ধে আমরা যতদূর সম্ভাব্য এবং সচেতন না হই, ততদূর পর্যন্ত

প্রাণের প্রকৃতি এবং জিয়াপদ্ধতি আমরা খাটিভাবে জানিতে পারি না। কেবল তখনই আমরা ব্রহ্মের ব্যষ্টিআত্মা এবং তাহার মনোময় ও অন্নময় যন্ত্ররূপে জীবনের মধ্যে ভগবদ্বিচ্ছা অমৃতত্ব করিতে এবং সজ্ঞানে সে ইচ্ছা পালন করিতে পারি। কেবল তখনই প্রাণ ও মনের নিকট অজ্ঞানের বন্ধ বিকৃতি হ্রাস পাইতে থাকে এবং আমাদের অথবা সর্বপদার্থের মধ্যে সত্যের যে সরল পথ ও গতি আছে সেই পথে, সেই গতিতে ক্রমশঃ দ্রুততর অগ্রসর হইতে পারি। অবিজ্ঞার ক্রিয়া দ্বারা যে মন অতিমানস হইতে পৃথক হইয়া পড়িয়াছে এবং কেবল প্রাণ ও জড়কে মননশীল করিবার কাজে তদগত হইয়া ডুবিয়া আছে, তাহাকে যেমন সচেতন ভাবে অতিমানসের সঙ্গে পুনরায় যুক্ত হইতে হইবে, তদ্রূপ যে প্রাণ শুধু বাঁচিয়া থাকিবার কাজে অভিনিবিষ্ট হইয়া ডুবিয়া রহিয়াছে, চিৎশক্তি তাহার মধ্যে কি উদ্দেশ্য কোন তাৎপর্য্য বহন করিয়া কাজ করিতেছে তাহা যে জানে না, কিন্তু তবু অন্ধকার এবং অজ্ঞানতার মধ্যে অন্ধভাবে সেই উদ্দেশ্য সাধনে রত আছে, সেই প্রাণকে সেই চিৎশক্তি সম্বন্ধে সজাগ ও সচেতন হইতে হইবে; যে জ্ঞান, যে শক্তি ও যে আনন্দ নিজেকে নিজে পরিপূর্ণ করিয়া তুলিতে সক্ষম সেই জ্ঞান শক্তি ও আনন্দ পূর্ণ সচেতনভাবে গ্রহণ করিয়া প্রাণকে নিজে পরিপূর্ণ হইয়া উঠিতে হইবে; এই অবস্থা, এই মুক্তিলাভ সে একদিন করিবেই।

বস্তুতঃ অন্ধকারময় মনের ভেলকারী ক্রিয়ার অধীন বলিয়া প্রাণ নিজেও বিচ্ছিন্ন এবং তমোগ্রস্ত হইয়া পড়িয়াছে এবং বন্ধ ও সীমিত মন দ্বারাদেব কারণ ও জনক সেই মৃত্যু, সীমাবদ্ধতা, দুর্বলতা, বেদনা এবং অন্ধপ্রকৃতির অধীনতা ও লাঞ্ছনা প্রাণকে ভোগ করিতে হইতেছে। আমরা দেখিয়াছি এই বিকৃতির মূলকারণ নিজের অজ্ঞানতায় বদ্ধ ব্যষ্টি জীবের নিজেকে সীমার মধ্যে আবদ্ধ করা, কারণ সে একান্তভাবে কেন্দ্রীভূত হইয়া নিজেকে অন্ত সকল হইতে পৃথক, আপনাতে আপনি অবস্থিত এক ব্যষ্টিআত্মা বলিয়া মনে করে এবং তাহার ব্যষ্টিচেতনায় তাহার ব্যক্তিগত জ্ঞান, ইচ্ছা, শক্তি ও সম্বোগে তাহার সীমিত সত্যায় সমগ্র বিশ্বলীলা যে ভাবে দেখা দেয় তাহাই মাত্র সে জানে। সে তুলিয়া যায় যে সে নিজে পরম একেরই এক সচেতন রূপ, তাই বিশ্বের সকল চেতনা, সকল জ্ঞান, সকল ইচ্ছা, সকল ভোগ, সকল সত্যকে আলিঙ্গন করিয়া তাহার নিজেরই পরম সত্তা যে বিজ্ঞান তাহা সে ভাবিতে পারে না। মনের কারাগারে বদ্ধ এই আত্মায়

শাসন মানিয়া আমাদের মধ্যস্থিত বিশ্বপ্রাণও ব্যষ্টিক্রিয়ার শৃঙ্খলে নিজে বাঁধা পড়ে। সে তখন বিবিক্ত প্রাণরূপে অবস্থিত হয় এবং সীমাবদ্ধ অগ্রচূর সামর্থ্য লইয়া ক্রিয়া করে, বিশ্বব্যাপী সমগ্র প্রাণের আঘাত ও চাপ তখন তাহাকে গ্রহণ ও সহ্য করিতে হয়; তাহাদিগকে স্বাভাবিক ও স্বাধীনভাবে নিজের বলিয়া মনে করিতে পারে না। বিশেষ যে শক্তির মধ্যে সতত অস্ত্রোত্ত্বিনিময় চলিতেছে, দীন সীমাবদ্ধ এবং ব্যষ্টিসত্তারূপে প্রাণ যখন তাহার মধ্যে পড়ে, তখন সেই শক্তির খেলার প্রচণ্ড শাসন অসহায়ভাবে তাহাকে মানিয়া ও সহিয়া চলিতে হয় এবং যাহা কিছু তাহাকে আক্রমণ, ভক্ষণ, ভোগ, ব্যবহার ও পরিচালনা করে তাহার অভিঘাতে প্রথমতঃ শুধু স্বস্তির মত সাড়া দেয়। কিন্তু চৈতন্তের পরিণতির সঙ্গে সঙ্গে ব্যক্তিসত্তা যখন তাহার সংস্কৃতির স্বাক্ষরময় জড়ত্ব হইতে বিকাশ পাইতে থাকে, তখন তাহার নিজের মধ্যে যে শক্তি আছে তাহার অস্পষ্ট বোধ জাগিয়া উঠে এবং প্রথমতঃ স্নায়ু এবং তারপূর মন দিয়া বিশ্বলীলাকে আপন বশে আনিতে, ব্যবহার ও সম্ভোগ করিতে চেষ্টা করে। নিজের মধ্যস্থিত শক্তির এই জাগরণে আত্মাও ক্রমশঃ জাগিয়া উঠে। কারণ প্রাণই শক্তি, শক্তিই বীৰ্য্য এবং বীৰ্য্যই ইচ্ছা এবং ইচ্ছা ঈশ্বরচৈতন্তের ক্রিয়ার ফল। ব্যষ্টিজীবের জীবন তাহার নিজের অন্তরের গভীরে ক্রমশঃ বেশী করিয়া অনুভব করিতে থাকে যে, সে নিজেও স্বরূপতঃ বিশ্বের সচ্ছিদানন্দের ইচ্ছাশক্তি এবং তাহার নিজের ব্যক্তিগতকে নিজ শাসনে আনিবার অতীন্দ্রা জাগিয়া উঠে। নিজের শক্তিকে নিজে অনুভব করা, নিজের জগৎকে জানা এবং বশে আনার ক্রমবর্ধমান আকৃতি ব্যষ্টিজীবনে দেখা দেয়। বিশ্বের মধ্যে ভগবান যে ক্রমশঃ আত্মপ্রকাশ করিতে চান এই আকৃতিই তাহার মর্ম্ম-পরিচয়।

কিন্তু যদিও প্রাণই শক্তি এবং ব্যষ্টিপ্ৰাণের পুষ্টিতে ব্যষ্টিব্যক্তির শক্তিই পুষ্ট হয় তথাপি ব্যষ্টি জীবন ও শক্তি ভেদভাবাপন্ন বলিয়া ব্যষ্টিজীব কখনও তাহার জগতের উপর প্রকৃত প্রভুত্ব স্থাপন করিতে পারে না। সেইরূপ প্রভুত্বের অর্থই সর্বশক্তির ঈশ্বর হওয়া; কিন্তু ভেদভাবাপন্ন ব্যষ্টিচৈতন্তের সর্বশক্তির অধীশ্বর হওয়া অসম্ভব। যিনি সর্বসকল ও সর্বইচ্ছাস্বরূপ শুধু তাহার পক্ষেই ইহা সম্ভব; ব্যষ্টিব্যক্তির পক্ষে যদি তাহা সম্ভব হয় তবে তৎক্ষণাত তাহাকে সর্বসকল এবং সর্বপ্রাণ সর্বশক্তির সহিত পুনরায় এক হইতে হইবে। নতুবা

ব্যাপ্তিরূপে অবস্থিত ব্যাপ্তিপ্রাণ তাহার সীমার তিনটি চিহ্ন, মৃত্যু, বাসনা এবং অসামর্থ্যের অধীন চিরকাল থাকিবেই।

তাহার আপন সম্ভার স্বভাবের বশে এবং বিধে যে সর্বশক্তি আত্মপ্রকাশ করিয়াছে তাহার সহিত সম্বন্ধের নিয়মে ব্যাপ্তিপ্রাণ মৃত্যুকবলিত হয়। কারণ ব্যাপ্তি প্রাণে বিশ্বশক্তির একটি বিশেষ ধারাই প্রকাশ পায়, কোটি কোটি রূপের মধ্যে একটি রূপকে অবলম্বন করিয়া এ ধারা গঠিত, রক্ষিত, পুষ্ট ও বীৰ্যবন্ত হয়; আবার যখন ইহার বিশেষ কার্য শেষ হয় তখন ইহা ধ্বংস হইয়া যায়; এইভাবে প্রতিরূপ তাহার বিশিষ্ট দেশ কাল ও অধিকার অনুসারে সমস্ত বিশ্বলীলার কাজে লাগে; দেহমধ্যস্থ প্রাণের বীৰ্যের উপর তাহার বাহিরে অবস্থিত সমস্ত বিশ্বব্যাপী বীৰ্যের অভিঘাত ও আক্রমণ আসিয়া পড়িতেছে, প্রাণ এ সমস্ত সত্য নিজের মধ্যে টানিয়া যেমন গ্রাস করিতেছে তেমনি সেও নিয়ত ইহাদের দ্বারা ভক্ষিত হইতেছে। উপনিষদের ভাষায় জড় যাত্ৰের নাম ‘অন্ন’, জড়জগতের বিধানই এই যে ‘অন্নভোক্তা অন্নাদ নিজেই আবার অন্ন’। দেহের মধ্যে যে প্রাণ সংগঠিত, বাহিরে অবস্থিত প্রাণের আক্রমণে তাহার বিচূর্ণ হওয়ার সম্ভাবনা সর্বদা রহিয়াছে, আহারসামর্থ্য যদি তাহার অগ্রচূর হয় বা যথোপযুক্ত আহার যদি না পায় অথবা তাহার একদিকে নিজের আহারসামর্থ্য এবং অন্তরিকের অপর প্রাণকে অন্ন যোগাইবার প্রয়োজনীয়তা এবং সামর্থ্য, এহুয়ের মধ্যে যথার্থ সাম্যের যদি অভাব ঘটে তবে সে দেহাবিষ্ঠিত প্রাণ আর আত্মরক্ষা করিতে পারে না এবং সে ভক্ষিত হয়, অথবা নিজেকে পুনরুজ্জীবিত করিবার শক্তিদ্বারা হইয়া পড়ে, সুতরাং ক্ষয় হইয়া যায় বা ভাঙ্গিয়া পড়ে। পুনরুজ্জীবনের জন্ত, পুনরায় দেহ গঠনের জন্ত মৃত্যুরূপ ক্রিয়াধারার মধ্য দিয়া তাহাকে যাইতে হয়।

শুধু তাহাই নয়, আবার উপনিষদের ভাষায় বলা যায় ‘প্রাণশক্তি যেমন দেহের অন্ন, তেমনি দেহও প্রাণশক্তির অন্ন’; অর্থাৎ আমাদের মধ্যে যে প্রাণশক্তি রূপের গঠন, রক্ষণ এবং নবায়নের জন্ত উপাদান যোগায় বা সংগ্রহ করিয়া আনে, তাহাই আবার সঙ্গে সঙ্গে এই ভাবে যাহা গড়িয়া তোলে এবং রক্ষা করে তাহার অনেকখানি খরচ করিয়া ফেলে। এই দুই ক্রিয়াধারার মধ্যে সাম্যের যদি ব্যাঘাত বা ন্যূনতা ঘটে অথবা প্রাণশক্তির বিভিন্ন ধারার মধ্যে সামঞ্জস্য যদি নষ্ট হয়, তবে রোগ এবং ক্ষয় দেখা দেয় এবং ভাঙ্গনক্রিয়া আরম্ভ

হয়। সচেতনভাবে কর্তৃত্ব স্থাপনের জন্ত প্রচেষ্টা এমন কি মনের পুষ্টিসাধনও প্রাণের ধারণ ও পোষণকে আরও শক্ত করিয়া তোলে। কারণ ইহাতে রূপের উপর প্রাণশক্তিপ্রয়োগের দাবি বাড়িয়া যায়, এ দাবির পরিমাণ আধারে প্রথমে যে সক্ষম লইয়া প্রাণ চলিতেছিল তাহার চেয়ে বেশী হইয়া পড়ে, এবং দাবি ও তাহা মিটাইবার উপায়ের মধ্যে যে প্রাথমিক সাম্য ছিল তাহা নষ্ট হয় এবং নূতন অবস্থার সাম্য স্থাপিত হওয়ার পূর্বে নানা গোলযোগ আসিয়া পড়ে, বাহ্য সামঞ্জস্যের এবং দীর্ঘকাল প্রাণ ধারণের শক্তরূপে ক্রিয়া করে। তাহা ছাড়া কর্তৃত্ব স্থাপনের চেষ্টার ফলে বহুশক্তিসম্পন্ন তাহার পরিবেশের মধ্যে সে চেষ্টার অল্পপাতালুঘায়ী একটা প্রতিক্রিয়া সর্বদা জাগে; কারণ তথায় যে সমস্ত শক্তি আছে তাহারও পূর্ণতা লাভের অভিলাষী, তাই বাহ্য তাহাদের উপর প্রভুত্ব করিতে চায় তাহার প্রতি অসহিষ্ণু ইয়া উঠে, তাহার বিরুদ্ধে বিদ্রোহ ঘোষণা এবং তাহাকে আক্রমণ করে। সেখানেও সাম্য নষ্ট এবং তুমুলসংগ্রাম উপস্থিত হয়; প্রভুত্বপ্রয়াসী প্রাণ যতই শক্তিশালী হউক না কেন, যদি সে অসীম না হয় অথবা বাহিরের পরিবেশের সঙ্গে নূতন ভাবে সামঞ্জস্য ও সমন্বয় সাধন করিতে না পারে, তবে সে সর্বদা বাধা দিতে ও জয়লাভ করিতে সক্ষম হয় না, পরন্তু এমন দিন আসে যখন সে পরাভূত হইয়া ভাঙিয়া পড়ে।

কিন্তু যে সমস্ত প্রয়োজনের কথা বলা হইয়াছে, তাহা ছাড়া দেহগত প্রাণের প্রকৃতি এবং উদ্দেশ্য সাধনের জন্ত তাহার একটা মূল প্রয়োজন আছে— সে প্রয়োজন সান্ত্বের ভূমিকায় সে চায় অনন্তের অভিজ্ঞতা বা আনন্দান; এবং যেহেতু যে দেহ সে আনন্দানের ভিত্তি তাহার গঠনপদ্ধতিই এমন যে তাহা সে অভিজ্ঞতাকে সীমিত করিয়া তোলে, সুতরাং দেহকে ভাঙিয়া নুতন করিয়া গড়িয়া তোলা ভিন্ন সে উদ্দেশ্য সিদ্ধির কোন উপায় থাকে না। কারণ আত্মা এক বিশেষ ক্ষণ এবং ক্ষেত্রে নিজেই কেন্দ্রীভূত করিয়া দেখিতে গিয়া যখন সীমার বাঁধনে বাঁধা পড়িয়াছে, তখন পুনরায় অনন্তকে খুঁজিতে গিয়া তাহাকে পরম্পরার আশ্রয় গ্রহণ করিতে হয়, এই ভাবে সে সময়-অভিজ্ঞতার একটি ভাঙার গড়িয়া তোলে, ইহাকে সে অতীত বলে, কালের মধ্যে বিচিত্র ক্ষেত্র, বিচিত্র অভিজ্ঞতা বা বিচিত্র জীবন পরম্পরার মধ্য দিয়া চলিয়া তাহাকে

জ্ঞান, শক্তি, ভোগ বা আনন্দের সঞ্চয় পর পর যোগ করিয়া লাভ করিতে হয়। এই সমস্ত অতীতের উপার্জন সে অবচেতন বা অতিচেতন স্বত্তির ভাঙারে জমা করিয়া রাখে। এই ধারায় চলিতে গেলে দেহের পরিবর্তন একান্ত আবশ্যক হইয়া পড়ে; এবং যে আত্মা দেহে সংবৃত আছে তাহার পক্ষে দেহের পরিবর্তন অর্থই জড়ের মধ্যে যে বিশ্বপ্রাণ অল্পস্ব্যত রহিয়াছে তাহার বিধান এবং অলভ্য অল্পশাসন অল্পসারে দেহের নাশ; বিশ্বপ্রাণ যেমন এক দিকে দেহের উপাদান সরবরাহ করে তেমনি অল্প দিকে তাহা ফিরিয়া পাইবার দাবি করে, তাহারই বিধানাঙ্কসারে যে জগৎ পরম্পরের ক্ষণ ক্ষেত্র, সেখানে দেহগত প্রাণকে আঘাত পাইয়া এবং আঘাত দিয়া এবং লড়াই করিয়া বাঁচিবার জন্ত সতত চেষ্টা করিতে হয়। ইহা হইতেই আসে মৃত্যুর বিধান।

এইখানেই মৃত্যুর প্রয়োজন এবং সমর্থন পাওয়া যায়, মৃত্যু প্রাণের অস্বীকৃতি নহে, প্রাণেরই একটা ক্রিয়াপ্রণালী; মৃত্যুর প্রয়োজন আছে, কেননা সাস্ত জীবদেহ যে একমাত্র অমরত্ব লাভ করিবার আশা করিতে পারে তাহা হইল রূপের নিরন্তর পরিবর্তন; আর সজীব দেহে সংবৃত সাস্ত মন যে একমাত্র অনন্তকে পাইতে পারে তাহা হইল তাহার অভিজ্ঞতার নিরন্তর পরিবর্তন। এক জীবনের জন্ম এবং মৃত্যুর ভিতর যে এক ভঙ্গীতে গঠিত দেহ, শুধু তাহার নিরন্তর পরিবর্তন যথেষ্ট পরিবর্তন নয়, কেননা মূল রূপভঙ্গীর পরিবর্তন না হইলে এবং দেশ কাল এবং পরিবেশের নূতন নূতন ঘটনার মধ্যে, নূতন নূতন দেহের মধ্যে সক্রিয় হইতে না পারিলে মনের পক্ষে যে বিচিত্র অভিজ্ঞতা লাভ, দেশ ও কালের ক্ষেত্র মধ্যে স্বভাবতঃ ঘটিতে বাধ্য, তাহা সাধিত হইতে পারে না। এই জন্তই দেহ নাশ বা মৃত্যু হয়, এই জন্তই প্রাণ প্রাণকে ডকণ করে; কিন্তু যাহা এই প্রয়োজনীয় মঙ্গলময় পরিবর্তন সাধন করে আমাদের নিকট তাহা অনাস্থ-সত্তা বলিয়া বোধ হয়; আমাদের চেখে পড়ে শুধু দুর্ব্বার নিয়তি, আমাদের পূর্ণ স্বাভিজ্ঞাহীনতা এবং ইহার সঙ্গে বিজড়িত প্রবল দ্বন্দ্ব এবং মর্যাদাসিক যন্ত্রণা; তাই এমন শিবময় বিধান মরণধর্মী আমাদের মনের কাছে অবাস্তিত একটা বিভাষিকা হইয়া দাঁড়ায়। মৃত্যু যে ডকণ করে, ধ্বংস ও চূর্ণ করে, আমাদেরকে এখান হইতে ছিনাইয়া লইয়া যায়, ইহার জন্তই মৃত্যু আমাদের কাছে এত জালাময়। এমন কি মৃত্যুর পরে লোকান্তরে আমরা

বাচিয়া থাকিব এবিধাস এবং আশাও এ দুঃখ পূর্ণরূপে বিলোপ করিতে পারে না।

আমরা দেখিয়াছি জড়ের মধ্যে প্রাণের প্রথম বিধান পরস্পরকে ভক্ষণ এবং মৃত্যু এই প্রয়োজনের সাধন। উপনিষদ বলিয়াছেন যে “অশনায় মৃত্যুঃ” প্রাণ ক্ষধারূপী মৃত্যু এবং মৃত্যুরূপী এই বুদ্ধি দ্বারা জড় জগৎ সৃষ্ট হইয়াছে। প্রাণ এখানে নিজেকে জড় পদার্থের হাঁচে ঢালিয়াছে এবং জড় পদার্থ অনন্ত ভাবে বিভক্ত হইয়া পড়িতেছে এবং অনন্তভাবে আবার সমাহৃত বা সঙ্কলিত হইতে চাহিতেছে। অনন্ত ভাবে বিভজন এবং সঙ্কলনের এই দুই প্রবেগের মধ্য দিয়া জগতের সমস্ত জড় সত্তা গড়িয়া উঠিতেছে। ব্যষ্টিজীব বা জীবপরমাণু বাচিয়া থাকিতে এবং নিজেকে বৃহৎ করিতে চায়, ইহাই বাসনার পূর্ণ অর্থ; একবার বিভক্ত এবং ব্যষ্টিভাবাপন্ন হইয়া পড়িলেও সে যে সর্বব্যাপী অনন্ত সে বোধ গোপনে তাহার অন্তরে রহিয়াছে, তাই দেহ মন প্রাণ ও মনুষ্যত্বের মধ্য দিয়া বৃহৎ হইবার, ক্রমশঃ বেশী করিয়া সকলকে আলিঙ্গন ও অধিকার করিবার, সকলকে নিজের মধ্যে মিলাইবার, আপন করিয়া লইবার, সর্বব্যাপী অভিজ্ঞতা লাভ ও ভোগ করিবার মৌলিক ও অপরিহার্য আকৃতি ও আবেগের একটা অনির্বাক্য শিখা তাহার মধ্যে সতত জ্বলিতেছে। এই নিগূঢ় চৈতন্যকে জাগাইয়া এবং ফুটাইয়া তুলিবার প্রবেগ দিব্য বিশ্বপুরুষের নিকট হইতেই আসিয়াছে, ইহাই দেহধারী ব্যষ্টিজীবের নিকট উদগ্র কামনা রূপে দেখা দিয়াছে। প্রথমে প্রাণ ক্রমশঃ উপচিত, বদ্ধিত এবং প্রসারিত হইয়া এ আকৃতির চরিতার্থতা চাহিবে ইহা অপরিহার্য, গ্রাসসক্ত এবং মজলকর। জড় জগতে পরিবেশকে কবলিত করিয়া অপরকে এবং অপরের বিভক্তে আত্মসাৎ করিয়াই শুধু ইহা সম্ভব হইতে পারে। এই প্রয়োজনের মধ্যে বহুরূপী বুদ্ধির সার্বভৌম সমর্থন পাওয়া যায়। কিন্তু যে ভক্ষণ করে তাহাকেও ভক্ষিত হইতে হয়, কারণ জগতে আছে অগ্নোত্তবিনিময়, ক্রিয়া এবং প্রতিক্রিয়া, স্বাতন্ত্র্য প্রতিক্রিয়ার বিধান এবং তাই শক্তি যেখানে সীমিত, সেখানে অবশেষে ক্ষয়, পরাভব এবং ধ্বংস আসিয়া পড়িবে, ইহাই জড় জগতের বিধান।

অবচেতনার মধ্যে বাহ্য প্রাণের ক্ষধারূপে ছিল, তাহাই মচেতন মনের মধ্যে আসিয়া উচ্চতর আকারে রূপান্তর প্রাপ্ত হয়। প্রাণে বাহ্য কেবল

বুড়াকারূপে ছিল মনোময় জীবনে তাহা বাসনার আকৃতির এবং বুদ্ধিশাসিত জীবনে ইচ্ছার আবেগরূপ ধারণ করে। ব্যাষ্টিজীব যতদিন পর্যন্ত পুষ্টি ও বর্ধিত হইয়া অবশেষে নিজেকে নিজের প্রভু হইতে না পারে এবং অনন্তের সঙ্গে ক্রমশঃ অধিকতর মিলনের ফলে জগতের উপর অধিকার বিস্তারের সামর্থ্য না পায়, ততদিন পর্যন্ত বাসনার এ গতি ও ক্রিয়া থাকিবে এবং থাকাই উচিত। কামনার সাহায্যেই দিব্য প্রাণতত্ত্ব বিধে আত্মপ্রতিষ্ঠা লাভ করে। জড়ত্ব বশতঃ কামনার অগ্নিকে নির্বাপিত করিতে চাহিলে সেই দিব্য প্রাণতত্ত্বকেই অস্বীকার করা হয়, তাহা কিছু-না-হওয়ার ইচ্ছা বা অসত্তের অভিনিবেশ স্তবরাং অবিজ্ঞা; কারণ অনন্ত হইয়া উঠা ছাড়া ব্যাষ্টিভাব কেহ ত্যাগ করিতে পারে না। বাসনার তখনই ঋণাটিভাবে পর্যাবসান হইতে পারে যখন দম্প্রসারিত হইয়া তাহা অনন্তের বাসনায় পরিণত হয়, তখনই কামনা দিব্য-পরিপূর্ণতা এবং সর্বাবগাহী অনন্ত আনন্দের মধ্যে নিজের পূর্ণ চরিতার্থতা খুঁজিয়া পায়। মধ্যবর্তী সময়ে পরস্পরকে আহ্বার করা যাহার প্রধান লক্ষণ সেই ধরণের প্রাণের স্থানে, পরস্পরের নিকট আত্মদান যাহার চিহ্ন এমন ধরণের প্রাণকে প্রতিষ্ঠিত করিবার পথে জীবকে অগ্রসর হইতে হয়, যে পথে ক্রমশঃ অধিকতর আনন্দের সহিত আত্মোৎসর্গ এবং অস্তোত্তবিনিময় হয় জীবনের ধর্ম। ব্যাষ্টিজীব তখন অস্ত্র জীবের মধ্যে নিজেকে ঢালিয়া দিয়া তাহাদিগকে নিজের মধ্যে লাভকরে, নিম্নতর যেমন উচ্চতরের নিকট নিজেকে দান করে, উচ্চতরও তেমন নিম্নতরের কাছে আপনাকে বিলাইয়া দেয় এবং এই ভাবে উভয়ই পূর্ণতা প্রাপ্তির পথে অগ্রসর হয়; মানুষ ভগবানের নিকট আত্মোৎসর্গ করে এবং ভগবান মানুষের কাছে আপনাকে দান করেন; ব্যাষ্টির মধ্যে যে সর্ব আছে সে বিশ্বের মধ্যস্থিত সর্বের নিকট আত্মসমর্পণ করে এবং দিব্য প্রতিদান স্বরূপ সমষ্টি ভাবের নিজ সত্তাকে পায় তাহার ব্যাষ্টিসত্তার মধ্যে। এই ভাবে ক্রমশঃ বুড়াকার বিধি প্রেমের বিধিতে, ভেদের রীতি একত্বের রীতিতে, মৃত্যুর বিধান অমরত্বের বিধানে রূপান্তরিত হইয়া যায়। জগৎ জুড়িয়া যে বাসনা রহিয়াছে এই তাহার প্রয়োজন, এই তাহার সমর্থন, এই তাহার শেষ পরিণতি, এই তাহার আত্মসম্পূর্ণ।

যেমন সান্ত্র অমরত্ব বা অমৃতত্বের মধ্যে আত্মপ্রতিষ্ঠা চায় বলিয়া প্রাণ



মৃত্যুর মুখোশ পরিধান করে, তরুণ কালের পরম্পরা এবং দেশের প্রসারণের মধ্যে সান্ত্বের ভূমিকার ক্রমশঃ অধিকতর রূপে তাহার নিজ স্বরূপ সজ্জাদানশ্বেদ অনন্ত আনন্দকে প্রতিষ্ঠিত করিবার জন্ত যে সংবেগ আছে, তাহাই বাসনার রূপ ধারণ করে। প্রাণের অসামর্থ্য নামক তৃতীয় বিধানের জন্তই এই সংবেগের পক্ষে বাসনার এ মুখোশ পরিবার প্রয়োজন সাক্ষাৎ ভাবে ঘটিয়াছে। স্বরূপতঃ অনন্ত শক্তি হইয়াও প্রাণকে ফুটিতে হইতেছে সান্ত্বের আধারে ও আকারে; তাই সান্ত্ব ব্যষ্টিভাবের মধ্য দিয়া তাহার প্রকটনলীলাতে তাহার সর্বশক্তিমত্তাকে অপরিহার্য রূপে দেখা দিতে এবং ক্রিয়া করিতে হয়, সীমিত শক্তি বা অংশতঃ শক্তিহীনতার রূপে; অথচ যতই দুর্বলতা, ব্যর্থতা বা স্থলনের মধ্য দিয়া অগ্রসর হউক না কেন, ব্যষ্টিজীবের প্রতি ক্রিয়ার পশ্চাতে অতিচেতন বা অবচেতন ভাবে সমগ্র সর্বশক্তিমত্তার উপস্থিতি এবং আবেশ আছেই আছে; পশ্চাতে সর্বশক্তিমত্তার এই আবেশ না থাকিলে বিধে অতি সামান্ত কোন গতি বা ক্রিয়াও হইতে পারে না, যে সর্বজ্ঞ সর্বশক্তিমত্তা প্রতিপদার্থে অতিমানস রূপে অল্পমুহুর্ত হইয়া আছে, তাহার শাসন এবং বিধানে প্রত্যেক ক্রিয়া, প্রত্যেক গতি বিশ্বকর্মেয় সমষ্টির মধ্যে স্থাপিত ও বিধৃত হইয়া থাকে। কিন্তু ব্যষ্টিপ্রাণের শক্তি তাহার নিজ-চৈতন্ত্যের কাছে সীমিত এবং অসামর্থ্যপূর্ণ; কারণ তাহার পরিবেশের মধ্যে অন্ত যে সমস্ত ব্যষ্টিপ্রাণশক্তি আছে তাহাদের সঙ্গে লড়াই করিয়া যে তাহাকে কাজ করিতে হয় কেবল তাহাই নহে, সমষ্টিগত অনন্ত প্রাণশক্তির সমগ্র ইচ্ছা এবং কর্মধারার সহিত নিজের ইচ্ছা এবং কর্মধারার যেখানে তৎক্ষণাৎ মিল না হয়, সেখানে সমষ্টি প্রাণের অধীনতা এবং অস্বীকৃতি তাহাকে মানিয়া চলিতে হয়। তাই ব্যষ্টি এবং খণ্ডিত জীবনে শক্তির সীমাবদ্ধতা বা অসামর্থ্য নামক এই তৃতীয় বৈশিষ্ট্য বর্তমান থাকে। পক্ষান্তরে প্রাণের আত্মপ্রসারণ এবং সকলকে অধিকার করিবার যে প্রবল আবেগ রহিয়াছে তাহা তাহার বর্তমান শক্তি বা সামর্থ্যের অল্পপাতে নিজেকে সীমিত বা পরিমিত করে না, অথবা করিবার উদ্দেশ্য রাখে না। এইভাবে পাণ্ডয়ার আবেগ এবং পাণ্ডয়ার শক্তির দারুণ বৈষম্য হইতেই কামনা জাত হয়। যদি একরূপ বিষম অল্পপাত না থাকিত, শক্তি যদি তাহার আকাঙ্ক্ষিত বস্তুকে তৎক্ষণাৎ পাইত, যদি সর্বদাই তাহার উদ্দেশ্য সিদ্ধ হইত, তাহা হইলে বাসনা আসিত না,

ভগবদ্বিচ্ছার মত আকৃতিহীন প্রশান্ত এবং অপ্রতিষ্ঠিত একটা ইচ্ছা মাঝে থাকিত।

অবিজ্ঞা হইতে মুক্ত মনের শক্তিই যদি ব্যাধি জীবের শক্তি হইত তবে এরূপ সীমা থাকিত না, বাসনার উৎপত্তির কোন প্রয়োজনও থাকিত না। কারণ যে মন অতিমানস হইতে বিযুক্ত হয় নাই, যে মনের আছে দিব্যজ্ঞান, সে মন প্রত্যেক ক্রিয়ার উদ্দেশ্য, প্রসার বা অধিকার এবং অপরিহার্য্য পরিণাম কি তাহা জানে; তাহা আকৃতি বা আয়াসে ক্ষুর বা চঞ্চল হয় না, কিম্বা যে উদ্দেশ্য সম্মুখে রহিয়াছে তাহা সিদ্ধির জন্ত যতটুকু বা যে ভাবে প্রয়োজন তদনুসারে নির্দিষ্ট সীমাবদ্ধ শক্তি প্রয়োগ করে। যদি তাহার কর্মের উদ্দেশ্য বর্তমানকে ছাড়াইয়া যায়, এমন কি আশু সফলতার সম্ভাবনাহীন কর্মও যদি তাহাকে গ্রহণ করিতে হয়, তবু বাসনা বা সীমার সন্ধান তাহাতে দেখা দেয় না। কারণ দৈবী ক্রিয়ার বিফলতাও সর্বজ্ঞ সর্বশক্তিমত্তার ইচ্ছাকৃত খেলা, কারণ বিশ্বের প্রতিকার্য্যের প্রারম্ভ, বিচিত্র অবস্থা পরিবর্তন, আপাত ও চরম সফলতা কোথায় কখন কিভাবে ঘটিবে তাহা সমস্তই সে শক্তির জ্ঞান থাকে। দিব্য অতিমানসের সঙ্গে এক স্তরে বাঁধা জ্ঞানময় মনও এই বিজ্ঞান এবং এই সর্বনিয়ামিকা শক্তির অংশ গ্রহণ করিতে পারে। কিন্তু আমরা দেখিয়াছি জগতে ব্যাধিভাবাপন্ন যে প্রাণশক্তি রহিয়াছে তাহা, যে মন তাহার নিজস্বরূপ অতিমানস জ্ঞান হইতে ভ্রষ্ট হইয়াছে সেই ভেদ ও ব্যাধিভাব আনয়নকারী অজ্ঞানী মনেরই বীৰ্য্য। তাই জীবনের সর্ব সন্ধানের মধ্যে বিশ্ববিধানের স্বাভাবিক নিয়মেই অপরিহার্য্যরূপে অসামর্থ্য আসিয়া পড়িবার প্রয়োজন ঘটিয়াছে। কারণ অজ্ঞানে আচ্ছন্ন একটা শক্তি, সীমিত পরিবেশের মধ্যেও সর্বশক্তিমত্তা লাভ করিবে, ইহা ভাবা যায় না। কারণ তাহা হইলে সে শক্তি সর্বজ্ঞ সর্বশক্তিমত্তার দৈবীক্রিয়ার বিরুদ্ধে ঠাড়াইয়া বিশ্বের ঋতময় উদ্দেশ্য ও বিধানকে বিপর্য্যস্ত করিয়া দিতে পারে—তাহা হইলে বিশ্বব্যাপারে একটা অসম্ভব অবস্থার সৃষ্টি হয়। সুতরাং সহজাত এবং অবচেতন অথবা সচেতন বাসনার আবেগের দ্বারা পরিচালিত হইয়া এই সমস্ত সীমিত শক্তি পরম্পরের সহিত ঋত ও সংঘাতে প্রবৃত্ত হইবে এবং সেই সংঘাতের ফলে তাহাদের পোষণ ও পুষ্টি হইবে ইহাই জীবনের প্রথম বিধান। বাসনার

রীতি ও পদ্ধতি যেরূপ, এ দ্বন্দ্ব ও সংঘাতেরও তাই। এ দ্বন্দ্বকেও উন্নীত হইয়া এমন অবস্থায় পৌছিতে হইবে যাহাতে ইহা পরস্পরের সাহায্যকারী একটি শক্তিপরীক্ষা হইয়া দাঁড়াইবে, এমন হইবে যেন ইহা আত্মীয় শক্তি সমূহের একটি মল্লযুদ্ধ মাত্র, যাহার ফলে জয়ী এবং পরাজিত অথবা বরং যাহা ক্রিয়া দ্বারা উপর হইতে প্রভাব বিস্তার করে এবং যাহা প্রতিক্রিয়া দ্বারা নিম্ন হইতে প্রভাবিত হয়, এ উভয়ই সমভাবে লাভবান হয়, উভয়েরই পুষ্টি সাধিত হয়। পরিণামে এ দ্বন্দ্ব ভাগবদ্ ভাবের একটি আনন্দ বিনিময়ের উচ্ছ্বাসে রূপান্তরিত হয়, সংঘাতের বিক্ষোভ পরিণত হয় প্রেমের নিবিড় আলিঙ্গনে। তবু দ্বন্দ্ব ও সংঘাত প্রাণের বিজয় যাত্রার পথে প্রয়োজনীয় এবং মঙ্গলময় আরম্ভ। মৃত্যু, বাসনা এবং সংঘাত খণ্ডিত জীবনের এই তিনটি, বিশ্ববচনাতে দিব্য প্রাণতত্ত্বের আত্মপ্রতিষ্ঠার জগৎ প্রথমে গৃহীত তিনটি মুখোশ।

## একবিংশ অধ্যায় প্রাণের উজ্জায়ণ

বাক বা বাণীর পথ দেবগণের নিকট লইয়া চলুক, চলুক  
অপ্গণের দিকে মনের ক্রিয়ার আশ্রয়ে।.....হে শিখা, ভূমি  
স্বর্গ-সমুদ্রে, দেবতাগণের দিকে চলিয়াছ। ভূমি নানা অগংবাসী  
দেবতাদের সম্মিলিত কর, সম্মিলিত কর সূর্যের উপর অবস্থিত  
আলোকরাজ্যে এবং অবরলোকে যে সমস্ত অপ্গাস করে  
তাহাদের।

ঋগ্বেদ ( ১০।৩০।১ ; ৩।২২।৩ )

আনন্দের অধীশ্বর তৃতীয় ধাম জয় করেন ; বিরাটের  
আশ্রয়ধারা অনুসারে তিনি সব নির্ধারণ করেন। কেনের  
মত শকুনীর মত তিনি আধারে অধিষ্ঠিত হন, তাহাকে উর্ধ্বে  
তুলিয়া ধরেন ; আলোকের আবিষ্কারক তিনি চতুর্থ বা তুরীয়  
ধাম প্রকাশ করেন ; সেই সমস্ত জলধারায় তরঙ্গিত সমুদ্রে  
তিনি সংস্কৃত হইয়া থাকেন।

ঋগ্বেদ ( ১।২৬।১৮, ১৯ )

বিষ্ণু ত্রিধা পদক্ষেপ করিলেন—আদিম ধূলিআল হইতে  
তুলিয়া তাহার পদ স্থাপন করিলেন ; তিন সোপানে তিনি  
পদক্ষেপ করিয়াছেন ; তিনি রক্ষক তিনি অজ্ঞেয়, ওপার হইতে  
তিনি তাহাদের বিধান ধারণ করিয়া আছেন ; বিষ্ণুর ক্রিয়া  
চাহিয়া দেখ, দেখ কোথা হইতে তিনি তাহাদের বিধানসমূহ  
প্রকাশ করেন ; সুরিগণ সেই বিষ্ণুর পরম পদ, আকাশে বিস্তৃত  
চক্ষুর মত সর্বদা দেখেন, জাগ্রত বিপ্রেরা তাহাকে উজ্জল  
অগ্নিশিখারূপে প্রজ্জ্বলিত করেন—বিষ্ণুর সেই পরম পদকে।

ঋগ্বেদ ( ১।২২।১৭-২১ )

আমরা দেখিয়াছি যে সীমা, অজ্ঞানতা এবং দৈতবোধ বাহা হইতে জাত হইয়াছে সেই খণ্ডিত মর্ত্য মন, জ্যোতির্ময় দ্বিবা চৈতন্যস্বরূপ অতিমানসের অন্ধকারময় প্রতিমূর্তি, সেই চৈতন্য যে ক্রিয়াধারায় তাহার নিজেকে ফেন হারাইয়া কেলিয়া বিশ্বরূপে প্রকট হইয়াছে, মন তাহার প্রথম; অভিব্যক্তি। ঠিক তেমনি এই জড়বিশ্বে মৃত্যু, বাসনা এবং অসামর্থ্যের জনক যে প্রাণ, জড়ের কারাগারে বদ্ধ ও নিমজ্জিত অবচেতন বিভাজক মনের এক বীর্ঘ্যরূপে উদ্ভূত হইয়াছে সে প্রাণ অমৃতত্ব, নিত্য-তৃপ্ত-আনন্দ এবং সর্বশক্তিমত্তা বাহার স্বরূপ সেই অতিচেতন দ্বিবা মহাশক্তির অন্ধকারময় প্রতিমূর্তি। এই সৃষ্কের দ্বারা আমরা বাহার অংশ সেই বিরাট বিশ্বলীলার প্রকৃতি নির্দিষ্ট এবং আমাদের ক্রম-পরিণামের আশু, মধ্য এবং শেষ অবস্থা নিরূপিত হয়। প্রাণের প্রথম অবস্থায় দেখি তাহা বহুধা বিভক্ত, সেখানে জড়শক্তিচালিত একটা অবচেতন ইচ্ছা আছে বটে কিন্তু তাকে ইচ্ছারূপে প্রতীত হইতেছে না, তাহা যেন জড়শক্তিরই একটা অন্ধ আবেগ; রূপ ও তাহার পরিবেশের যে অন্যান্যবিনিময় চলিতেছে তাহাতে পরিচালক জড়শক্তির নিকট প্রাণ যেন নির্বীৰ্য্য এবং অসাড়ভাবে আত্মসমর্পণ করিয়াছে। জড়বৈজ্ঞানিকের দৃষ্টিতে এই জড় জগতের যে রূপ ফোর্টে, তাহাতে এই নিশ্চেতন, অন্ধ অথচ প্রবল শক্তির খেলা চলিতেছে এবং মূলতঃ এই খেলাই সমস্ত বিশ্বসত্তাতে বিস্তৃত ও অল্পশ্রুত রহিয়াছে ইহা তাহার বোধ হয়, ইহাই অল্পময় চেতনা এবং জড়ময় প্রাণের প্রতিষ্ঠিত রূপ। প্রাণ এই আধারের অধীনতা হইতে মুক্ত হইয়া সচেতন মনের দিকে যতই অগ্রসর হইতে থাকে ততই তাহার মধ্যে অভিনব ভাব জাগিতে থাকে এবং একটা নূতন স্থিতি দেখা দেয়; ইহাই প্রাণের মধ্য অবস্থা যেখানে মৃত্যু, পরস্পরকে ভক্ষণ, ক্ষুধা এবং সচেতন কামনার ক্রিয়া দেখা দেয়, সংকীর্ণ সীমা এবং সামর্থ্যের জগৎ একটা পীড়াবোধ উপস্থিত হয় এবং নিজেকে বাড়াইয়া তুলিবার, প্রসারিত করিবার, অপরকে জয় ও অধিকার করিবার একটা প্রবল প্রচেষ্টা জাগে। ডারউইনএর (Darwin) অভিব্যক্তিবাদে যে জ্ঞানের সঙ্গে মানুষের প্রথম স্পষ্ট পরিচয় হইয়াছে তাহাতে দেখি মৃত্যু, কামনা এবং বিরোধ বা সংগ্রামের ভিত্তিতেই সে মতবাদ গঠিত হইয়াছে। মৃত্যুরূপ যে ঘটনা ঘটে তাহাতেও বাঁচিয়া থাকিবার একটা ক্ষুদ্র প্রয়াস বর্তমান থাকে কেননা মৃত্যু প্রাণেরই নেতি বা অভাবান্নক

রূপ যাহার পশ্চাতে নিজেকে প্রচ্ছন্ন রাখিয়া প্রাণ তাহার ইতিবাচক সত্তা বা ভাবাত্মকরূপকে ( positive beingকে ) অমৃতত্ব খুঁজিবার জন্য উদ্ভূত করে। ক্ষুধা এবং বাসনার মধ্যেও নিরাপদ তৃপ্তি ও আনন্দের অবস্থার পৌঁছিবার জন্য একটা সংগ্রাম চলে, কারণ কামনার উত্তেজনা দ্বারা প্রাণ তাহার ইতি সত্তাকে প্রলুব্ধ করে, যাহাতে অতৃপ্ত বৃত্তকার নেতিরূপ হইতে মুক্ত হইয়া তাহার অন্তিমের পূর্ণ আনন্দ সে লাভ ও ভোগ করিতে পারে। তেমনি তাহার সামর্থ্যের সীমা ও সঙ্কোচের মধ্যেও প্রসারতা, প্রভূত্ব, আত্মপ্রতিষ্ঠা এবং পরিবেশকে জয় ও ভোগের দিকে একটা দুর্দম প্রচেষ্টা আছে, কেননা প্রাণশক্তির এই সীমা ও দৈন্য হইতেছে সেই নেতিরূপ, যাহা দ্বারা তাহার ইতিসত্তাকে, পূর্ণতা লাভের যে শাশ্বত সম্ভাবনা ও সামর্থ্য তাহার মধ্যে আছে, তাহা লাভের জন্য প্রবৃত্ত করে। জীবন সংগ্রাম শুধু বাঁচিয়া থাকিবার সংগ্রাম নয়; তাহা অধিকার ও পূর্ণতা লাভের সংগ্রামও বটে; যেহেতু পরিবেশের উপর অল্প বিস্তর প্রভূত্ব স্থাপন করিয়াই বাঁচিয়া থাকা সম্ভব হয়, তাহার জন্য হয় নিজে পরিবেশের উপযোগী হইতে হয় অথবা পরিবেশকে নিজের উপযোগী করিয়া লইতে হয়; এ জন্য পরিবেশকে স্বীকার করিতে এবং তাহার অন্তর্গত হইতে হয় অথবা তাহাকে জয় ও পরিবর্তন করিতে হয়। একথা ঠিক তেমনি সত্য যে পূর্ণতা যত বেশী লাভ হইবে তত অধিক কাল বাঁচিয়া থাকিবার নিশ্চয়তা বাড়িয়া যাইবে। ‘যোগ্যতমের উত্তরণ’ ( survival of the fittest ) এই শূত্রে ডারউইন এই সত্যই প্রকাশ করিতে চাহিয়াছেন।

কিন্তু বৈজ্ঞানিকমন জড় সত্তার যান্ত্রিক ক্রিয়াধারা প্রাণের উপর আরোপ করিতে এবং জড়ের মধ্যে লুক্কায়িত যান্ত্রিক চেতনা দিয়া প্রাণকে বুঝিতে চাহিল, দেখিল না যে একটা নূতন তত্ত্ব প্রাণের মধ্যে উন্মিষিত হইতেছে, যাহার সার্থকতা যান্ত্রিকভাবে স্ববশে আনয়ন করা। সেইজন্ত ডারউইনের শূত্রে জীবনের আক্রমণশীল তত্ত্বকে, ব্যষ্টিপ্রাণের স্বার্থপরতাকে, আত্মরক্ষার সহজাত সংস্কার ও প্রশালীকে এবং অপরকে আত্মসাৎ করিয়া বাঁচিয়া থাকিবার প্রযুক্তিকে অত্যন্ত বড় করিয়া দেখা হইয়াছে। কারণ জীবনের এই প্রথম দুইটা পর্বের মধ্যে একটা নূতন তত্ত্ব বা নূতন অবস্থার বীজ রহিয়াছে, যাহা অঙ্কুরিত এবং ক্রমশঃ বর্দ্ধিত হয়, যখন এবং যতটুকু পরিমাণে জড়ের মধ্যে সংবৃত মন, প্রাণধর্মের মধ্য

দ্বিতীয় জীবন নিজেদের বিধান ও স্বার্থে প্রতিষ্ঠিত হইতে থাকে। যেমন প্রাণ মনরূপে ফুলিয়া উঠিতেছে সেইরূপ যেদিন মন অতিমানসরূপে ফুলিয়া উঠিলে সেদিন প্রাণের সর্বক্ষেত্রে আরও বেশী রূপান্তর দেখা দিবে। বাঁচিয়া থাকিবার প্রয়াস বা স্থায়িত্ব লাভের আবেগ মৃত্যুর বিধানে পরাস্ত হইয়া যাইতেছে। বুঝিয়া ব্যক্তি জীবন বাধ্য হইয়া ব্যক্তি অপেক্ষা জাতির মধ্যে স্থায়িত্বের ধোঁজ করিতে বাধ্য হয়; কিন্তু সহযোগিতা ভিন্ন ইহা সে করিতে পারে না। এই সহযোগের জগৎ সে অন্তঃসহায়তা ও বিনিময় চায়, এই জগৎই অপরের যথা জ্ঞান, সন্তান, বন্ধু ও সহায়কারীর বাসনা ও ইচ্ছার দিকে দৃষ্টিপাত করে, সচেতনভাবে অপরের সঙ্গে মিলমিশ করে, গোষ্ঠি বা সমাজ গড়িয়া তোলে এবং এ সমস্তের মধ্যেই সেই নূতন ভাবের বীজ আছে যাহা হইতে প্রেমের ফুল ফোটে। একথা স্বীকার করি যে প্রেম প্রথমে স্বার্থের প্রসারতা ছাড়া আর কিছু নয়। এই বিস্তৃত স্বার্থ বহুদিন বর্তমান থাকে এবং জীবনকে পরিচালনা করে। তাই মানব জীবনে এমন কি তাহার উচ্চতর পরিণতিতে আজিও এই স্বার্থের স্থান ও প্রভুত্ব দেখা যাইতেছে। তথাপি যেমন মন ক্রমশঃ বিকশিত হইয়া নিজের স্বার্থে প্রতিষ্ঠিত হইতে থাকে তেমনি সে প্রাণ, ভালবাসা এবং পরম্পরের সাহায্যের অভিজ্ঞতা হইতে বুঝিতে থাকে যে, ব্যক্তি জীবন সত্তার একটা গৌণবিকৃতি এবং বিশ্বসত্তার জন্যই ব্যক্তি জীবনের অস্তিত্ব সম্ভব হইয়াছে। একবার যদি এই সত্য সে আবিষ্কার করে—এবং মনোময় মানুষের পক্ষে সে আবিষ্কার অবশ্যসত্তাবী—তাহা হইলে তাহার নিয়তি হয় অবধারিত। কারণ মানুষ তখন এমন এক অবস্থায় পৌছিয়াছে যখন তাহার মন, মনের অতীত কোন এক সত্যের নিকট নিজেকে খুলিয়া ধরিতে আরম্ভ করিতে পারে, সেই মুহূর্ত্ত হইতে তাহার পরিণতি যতই অস্পষ্ট এবং মধুর হউক না কেন সেই উচ্চতর সত্য, অতিমানস বা অতিমানসতা অথবা নিজের আত্মার দিকে তাহার গতি হইবে অনিবার্য, কারণ ইহা পূর্বনির্ধারিত।

মৃত্যুর জীবনের প্রকৃতি অল্পসারেই পূর্ব হইতে নির্ধারিত হইয়া আছে যে প্রাণ একটা তৃতীয় অবস্থায় পৌছিতে, তৃতীয় পরের নূতন সংজ্ঞায় তাহার অভিব্যক্তি হইবে। প্রাণের এই উচ্চগতি যদি আমরা লক্ষ্য করি তবে দেখিতে পাইব যে যাহাকে আমরা এই তৃতীয় অবস্থা বলিয়া অভিহিত করিয়াছি

তাহা দৃষ্টতঃ তাহার পূর্ববর্তী অবস্থার বিপরীত এবং বিরোধী মনে হইলেও বস্তুতঃ তাহার পূর্ণ পরিণতি ও রূপান্তর ছাড়া অস্ত্র কিছু নয়। জীবনের আশঙ্ক হইয়াছে অতিবিভাগ এবং জড়ের দৃঢ় আকার রূপ এবং এই দৃঢ় বিভাগে পরমাণু সকল জড়রূপের ভিত্তি ও প্রতীক। প্রতি পরমাণু অস্ত্র সকল হইতে পৃথক হইয়া থাকে, এমনকি যখন সে অস্ত্র পরমাণুর সহিত যুক্ত হয় তখনও তাহার স্বতন্ত্র সত্তা বিচ্যুত থাকে, সাধারণ কোন শক্তি প্রয়োগে ইহার স্ফূর্তি বা প্রলয় ঘটান যায় না। এই জড় পরমাণুর সমজাতীয় বৈশিষ্ট্য দেখা যায় আমাদের বিবিধ অহং এর মধ্যে; এই অহংও সকলকে মিলাইয়া এক করিবার যে শক্তি ও তত্ত্ব প্রকৃতির মধ্যে আছে তাহার বিরুদ্ধে নিজেকে বিশেষিত করিয়া বর্তমান রাখে। কিন্তু প্রকৃতির মধ্যে বিভাগের মত মিলন বা একত্বও একটা সমান তত্ত্ব, বরং একত্বই মুখ্যতত্ত্ব, বিভাগ তাহার গৌণ ভাব; সেইজন্ত যন্ত্রের মত না বুঝিয়া কিম্বা বাধ্য হইয়াই হউক অথবা পরের প্ররোচনা বা নিজের খুশিতেই হউক প্রত্যেক বিভক্তরূপকে কোন না কোন ভাবে এই মুখ্য তত্ত্বের অধীন হইতেই হইবে। সুতরাং প্রকৃতি নিজ প্রয়োজনে প্রধানতঃ সম্মিলন দ্বারা গঠন কার্যের জন্ত দৃঢ় ভিত্তি এবং নির্দিষ্ট রূপবীজ রক্ষা করিবার জন্ত সাধারণতঃ এক হইয়া মিলিয়া বা মিশিয়া যাইবার পথে পরমাণুকে বাধ্য দিতে দিলেও, সমাহার বা সঙ্কলনে আসিয়া মিলিবার জন্ত তাহাকে বাধ্য করে; পরমাণুর নিজের মধ্যে প্রথম যেমন একটা সমাহার আছে, তেমনি সমাহৃত হইয়া যে অবয়ব গঠন হয় ইহা তাহার প্রথম ভিত্তি।

প্রাণ যখন দ্বিতীয় অবস্থায় পৌছে যাহাকে আমরা প্রাণন বা প্রাণশক্তি বলিয়া জানি—তখন একটা বিপরীত দ্বারা প্রধান হইয়া উঠে এবং প্রাণময় অহংএর জড় ভিত্তি বা দেহ প্রলয় বা ধ্বংসকে স্বীকার করিতে বাধ্য হয়। দেহ ভঙ্গ ও চূর্ণ হইয়া যায়, যাহাতে এক প্রাণের উপাদান দিয়া অস্ত্র প্রাণের আকার গঠন করা যায়। প্রকৃতির এই বিধানের প্রসারতা কত তাহা আমরা এখনও পূর্ণরূপে জানিতে পারি নাই, কারণ বিজ্ঞান জড় ও জড়ময় প্রাণ সম্বন্ধে আজ যতটা গভীরভাবে জানিয়াছে মনোময় প্রাণ বা অধ্যাত্ম সত্তার সম্বন্ধে তেমন ভাবের জ্ঞান লাভ করিতে না পারা পর্যন্ত সেরূপ জ্ঞান সম্ভব হইতে পারে না। তবুও মোটামুটি ভাবে এই বলা যায় শুধু আমাদের জড় দেহের উপাদান



সমূহ নয়, কিন্তু প্রাণময় কোষের হৃদয়তর উপকরণ সকল, আমাদের প্রাণ ও বাসনার হৃদয়ভেজ, আমাদের বীর্ঘ, প্রচেষ্টা ও আবেগের মূল উপাদান সমূহ আমরা বাঁচিয়া থাকিবার সময় এবং আমাদের মৃত্যুর পর অপরের প্রাণসত্তায় সংক্রমিত ও অল্পপ্রবিষ্ট হইতেছে। প্রাচীন রহস্যবিজ্ঞান আমাদের কাছে জানাইয়াছে যে অল্পময় দেহের মত আমাদের একটা প্রাণময় দেহ আছে, মৃত্যুর পরে সে দেহও বিল্লিষ্ট হইয়া যায় এবং তাহার উপাদান সমূহ লইয়া অন্তান্ত প্রাণময় দেহ গঠিত হয়। আমরা বাঁচিয়া থাকিবার সময়েও আমাদের এবং অপরের প্রাণের বীর্ঘ্য সর্বদা পরস্পরের সহিত মিশ্রিত হইতেছে। তজ্জপ একই বিধান আমাদের এবং চিন্তাশীল অপর প্রাণীর মনোময় জীবনের পরস্পরের সম্বন্ধকে নিয়ন্ত্রিত করিতেছে। মনের উপর মনের সংঘাতের ফলে তাহার উপাদান সমূহ সর্বদা বিল্লিষ্ট হইতেছে, সর্বদা ছড়াইয়া পড়িতেছে আবার নূতন ভাবে গঠিত হইতেছে, এই ক্রিয়ার মধ্যে সর্বদা এক মনের উপাদান অল্প মনে গিয়া তাহার সহিত মিশিয়া এক হইয়া যাইতেছে। প্রাণের ক্রিয়াধারা এবং স্বরূপধর্মই সত্তার সহিত সত্তার এই অন্তোন্তবিনিময়, এই অন্তোন্ত-সংমিশ্রণ, এই পরস্পর মিলন।

তাহা হইলে আমরা প্রাণের মধ্যে দুইটা ক্রিয়াধারা পাইতেছি, একদিকে রহিয়াছে নিষ্কের বৈশিষ্ট্য ও স্বাতন্ত্র্য রক্ষা করিয়া বিবিক্ত অহং এর বাঁচিয়া থাকিবার প্রয়োজন ও ইচ্ছা; অন্যদিকে আছে প্রকৃতির অলঙ্ঘ্য এক শাসন বাহা চাহিতেছে সেই অহংকে অপরের সহিত মিলাইয়া দিতে। জড়জগতে প্রকৃতির ষোল্ প্রথম আবেগের উপর; কারণ সেখানে তাহাকে বিবিক্ত স্থায়ীকরণ সৃষ্টি করিতে হইবে, কিন্তু অখণ্ড অনন্তের মধ্যে যেখানে একটা নিত্য চকল অবিরাম গতি চলিতেছে সেখানে বিবিক্ত একটা ব্যক্তিসত্তাকে বাঁচাইয়া রাখা এবং তাহার জন্ত একটা দৃঢ়রূপ সৃষ্টি করা অতি দুর্বল সমস্তা, প্রকৃতিকে এখানে প্রথমই সেই সমস্তার সম্মুখীন হইতে হইয়াছে। তাই পরমাণুর জীবনে ব্যক্তিরূপের একটা স্থায়ী ভিত্তি পাওয়া গেল এবং রূপের সঙ্গে রূপের সমাহারে সমষ্টিগত অবয়বের একটা অল্প বিস্তার স্থায়িষ্ক যখন দেখা দিল, তখন তাহাদের মধ্যে প্রাণময় ও মনোময় ব্যক্তিভাবের একটা ভবিষ্যৎ ভিত্তির সম্ভাবনা উপস্থিত হইল। কিন্তু নিরাপদে তাহার শেষ এবং ভবিষ্যৎ ক্রিয়াধারা পরিচালন

করিবার অল্প যতটুকু স্থায়িত্বের প্রয়োজন ছিল তাহা যখন এইরূপে লাভ হইল, প্রকৃতি তখন প্রাণের কিয়া প্রশালী উল্টাইয়া দিল। এইবার ব্যষ্টির ধ্বংস করিয়া তাহার বিস্মিষ্ট উপাদান লইয়া সমাহারগত প্রাণ পুষ্ট হইতে লাগিল। কিন্তু ইহাকেও শেষ অবস্থা বলা যায় না। সে অবস্থা আসিবে যখন এই দুই ধারার মধ্যে পূর্ণ সামঞ্জস্য স্থাপিত হইবে; যখন ব্যষ্টিচেতনাতে ব্যষ্টিজীব বর্তমান থাকিতে অথচ অপরের সহিত মিলিত এবং এক হইয়া বাইতে পারিবে অথচ তাহাতে উভয় ভাবের সাম্য এবং বাঁচিয়া থাকিবার সম্ভাবনা নষ্ট হইবে না।

কিন্তু পূর্ণভাবে মনের প্রকাশ না হইলে এ সমস্তার সমাধান হইবে না; কারণ সচেতন মন ছাড়া যে প্রাণশক্তি তাহাতে এ সাম্য আসিতে পারে না; তাহা অস্থায়ী এক সামঞ্জস্য শুধু সাময়িকভাবে আনিতে পারে, দেহের মৃত্যুতে যাহা নষ্ট হইয়া যায়, তখন ব্যষ্টিদেহ বিস্মিষ্ট হইয়া পড়ে এবং তাহার উপাদান সকল বিধে ছড়াইয়া পড়ে। অল্পময় জীবনের প্রকৃতির মধ্যে—যাহা দিয়া এই ব্যষ্টি আধার গঠিত হইয়াছে সেই জড় পরমাণুতে যেমন আছে—তেমন কোন শক্তি অল্পম্যত নাই যাহা কোন কিছুকে একভাবে বহুকাল বজায় রাখিতে পারে, স্তবরাং ব্যষ্টিসত্তাকে স্থায়ীভাবে বাঁচাইয়া রাখাও তাহার পক্ষে সম্ভব নয়। যে চেতনা তাহার অন্তরস্থ গোপন আত্মাকে প্রকাশ করিয়াছে বা প্রকাশ করিতে আরম্ভ করিয়াছে তাহার সাহায্য লইয়া কেবলমাত্র মনোময় পুরুষই অতীতকে ভবিষ্যতের সহিত যুক্ত করিয়া যে এক অখণ্ড অস্তিত্বের প্রবাহ বহিতেছে তাহা দেখিতে আশা করিতে পারে। আধার বা রূপের ধ্বংসে অল্পময় সৃষ্টির ছেদ হইলেও মনোময় পুরুষের স্মৃতি অবিচ্ছিন্ন থাকিতে পারে; সেই মনোময় স্মৃতি আরও পরিণত হইয়া শেষে এমন এক অবস্থা আনিতে পারে যাহাতে জন্ম এবং দেহান্তর গ্রহণের মধ্যে অল্পময় স্মৃতিতে যে ছেদ পড়ে তাহার উপরও সেতু নির্মিত হইতে পারে অর্থাৎ অল্পময় স্মৃতিতেও তখন তাহার অখণ্ড অস্তিত্বের খবর পৌঁছে। এমন কি বর্তমানে যখন দেহগত মনের পূর্ণ পরিণতি হয় নাই তখনও মনোময় পুরুষ দৈহিক জীবনের সীমা ছাড়াইয়া অতীত ও ভবিষ্যতের অনেকখানি সম্বন্ধে মোটামুটি ভাবে সচেতন হইয়াছে। তাহার ব্যক্তিগত অতীতের সম্বন্ধে সে সচেতন হইয়া উঠিতে পারে, সে আনিতে

পারে জীবনের পর জীবনের গঠন ও পরিণতিতে তাহার বর্তমান জীবন গড়িয়া উঠিয়াছে, অবিচ্ছিন্ন জীবন পরস্পরকে তাহার বর্তমান জীবন যে নিজের মধ্য হইতে গড়িয়া তুলিতেছে ইহাও সে বুঝিতে পারে। যাহার অতীত ও ভবিষ্যৎ আছে এমন একটা সমষ্টি জীবনের অস্তিত্ব বোধও তাহার অল্পকৃতিতে আসে এবং সে নিজেকে সেই জীবনের বহু সূত্রের মধ্যে অন্ততম রূপে নিরবচ্ছিন্ন ভাবে বর্তমান ছিল, আছে ও থাকিবে ইহাও সে অল্পভব করে। ইহাই জড় বিজ্ঞানীর নিকট বংশাঙ্কুর বা কুল সংক্রমণ ( heredity ) রূপে অভিব্যক্ত হয়; মনোময় পুরুষের পশ্চাতে অবস্থিত উপচায়মান অন্তরাষ্ট্র বা চৈতন্যপুরুষের নিকট ইহা অন্তভাবে স্থায়ী ব্যক্তিত্বরূপে স্পষ্ট প্রতীত হয়। স্মরণ্য যাহার মধ্য দিয়া জীবাত্মার চেতনা আত্মপ্রকাশ করিতেছে সেই মনোময় পুরুষই স্থায়ী ব্যক্তিপ্রাণ এবং স্থায়ী সমষ্টিপ্রাণ গ্রন্থিরূপে ধরিয়া রহিয়াছে, তাহার মধ্যেই উভয়ের মিলন ও সামঞ্জস্য সম্ভব হইতে পারে।

প্রেমই এই নূতন সৃষ্টির শক্তি ও প্রকৃতি; প্রথমে ইহা গোপনে কার্য করে এবং পরে পূর্ণরূপে প্রকাশ হইয়া প্রধান স্থান অধিকার করে। স্মরণ্য এই তব্বই তৃতীয় পর্বে তাহাকে ধারণ ও পোষণ করে। প্রেমের খেলার জন্ত ব্যক্তিচেতনার সচেতন ভাবে সংরক্ষণ যেমন চাই, অপরাপর ব্যক্তি জীবের সহিত পরস্পরবিনিময় করিবার, তাহাদিগের নিকট নিজেকে দান করিবার, তাঁহাদের সহিত মিলিত হইবার প্রয়োজন এবং বাসনাকে সচেতন ভাবে স্বীকার করাও তেমনি ভাবে অপরিহার্য। প্রেমাস্পদের নিকট পরিপূর্ণ রূপে আত্মসমর্পণ বা আত্মবলিদান করিবার—এমন কি তাহাতে আত্মবিলয় হইয়া যাইবে একরূপ তুল ধারণা থাকিলেও—ইচ্ছা ও আবেগ মনোময় পুরুষের পক্ষে স্বাভাবিক বটে; কিন্তু তাহা পরিণতির এমন অবস্থাকে সূচিত করে যাহা প্রাণের তৃতীয় স্থিতিরও উপরে অবস্থিত। প্রাণের এই তৃতীয় ক্রমিতে আমরা ক্রমশঃ পরস্পরকে গ্রাস করিয়া প্রাণ ধারণের এবং যোগ্যতমের উদ্ভবের যে নীতি, তাহার উল্লেখ উঠিয়া যাই। কারণ এখানে পরস্পরের উপযোগী হইবার চেষ্টা, অস্ত্রোক্তবিনিময় এবং অস্ত্রোক্তমিলন প্রভৃতি দ্বারা নিজেকে পূর্ণ করিয়া তোলা এবং পরস্পরকে সাহায্য করাই বাচিয়া বর্তিয়া থাকিবার পক্ষে ক্রমে প্রকৃতির উপায় হইয়া উঠে। সত্যের আত্মপ্রতিষ্ঠা এবং একত্ব

অহংএর রক্ষণ এবং পুষ্টিও প্রাণের পক্ষে প্রয়োজন, কিন্তু তাহার সত্তার পক্ষে অল্প সত্তার প্রয়োজনও তেমনি অপরিহার্য, তাই তাহার অহং অল্প সকল অহং এর সহিত মিশিতে এবং তাহাদিগকে নিজের মধ্যে টানিয়া আনিতে এবং নিজে তাহাদের জীবনের অন্তর্ভুক্ত হইতে চায়। পরিণতির এই তৃতীয় স্তরে সেই সমস্ত ব্যক্তি ও জাতিই বাঁচিয়া থাকিবার জন্য যোগ্যতম হয় বাহারা পরস্পরের সহিত মিলন, ভালবাসা, আত্মকুল্য, দয়া, স্নেহ, মৈত্রী ও একতার বিধানকে নিজদের মধ্যে পূর্ণরূপে ফুটাইয়া তুলিতে সক্ষম হয়; বাহারা পরস্পরের আশ্রয়-দান এবং বাঁচিয়া থাকিবার মধ্যে একটা সামঞ্জস্য পূর্ণসকলভাবে স্থাপন করিতে পারে; যেখানে অস্ত্রোস্ত্র বিনিময় দ্বারা ব্যাঙীব্যন অস্ত্র ব্যাঙীব্যন ও সমষ্টি-জীবনকে এবং সমষ্টিজীবন ব্যাঙীব্যন এবং অস্ত্র সমষ্টিজীবনকে পুষ্ট ও বর্ধিত করিয়া তোলে।

মন ক্রমশঃ পরিপুষ্ট হইয়া প্রাধান্য লাভ করিতেছে এই পরিণতি তাহাই সূচিত করে। দেখা যায় এ অবস্থায় জড়ময় সত্তার উপর মন\* ক্রমশঃ অধিকতর রূপে আপন বিধান ও প্রভাব বিস্তার করিতেছে। কারণ মন স্বল্পতর বলিয়া তাহার পক্ষে আহার, ভোগ বা পুষ্টির জন্য অপরকে ভক্ষন করিতে হয় না; বরং যতই সে দান করে ততই সে লাভ করে এবং পুষ্ট হয়, যতই সে নিজেকে অপরের সহিত মিলাইয়া মিশাইয়া দেয় ততই সে অপরকে নিজের মধ্যে লাভ করে এবং তাহার অধিকার হয় ততই সম্প্রসারিত। অতিনানে জড়ময় প্রাণ নিঃশেষিত হইয়া পড়ে, অতিভোজনেও মৃত্যুমুখে পতিত হয়। যদিও যে পরিমাণে জড় বিধানের দিকে ঝুকিয়া পড়ে ততটা মনকে এই সঙ্কোচের পীড়া ভোগ করিতে হয় কিন্তু তবুও যতই সে পরিণত হইয়া তাহার নিজের বিধানে প্রতিষ্ঠিত হইতে থাকে ততই তাহার এ বন্ধন খসিয়া পড়ে এবং যে পরিমাণে এই জড়সীমাকে অতিক্রম করিতে থাকে ততই বা সেই পরিমাণে

---

\*এখানে যে মনের কথা বলা হইয়াছে জীবনে তাহা ক্ষয়ের মধ্য দিয়া প্রাণময় পুরুষের উপর প্রত্যক্ষভাবে ক্রিয়া করে। বিপুলপ্রেম নহে কিন্তু যে প্রেম আনন্দিক জীবনে ব্যবহারিক ভাবে সাধারণত দেখা যায় তাহা মনের নয় প্রাণের বর্গ, তবে তাহার প্রতিষ্ঠা এবং হারিষ তখনই সম্ভব হয়, যখন মন আপনার আলোকের মধ্যে তাহাকে গ্রহণ করে। দেহ ও প্রাণের মধ্যে যে ভালবাসা দেখা দেয়, অধিকাংশক্ষেত্রে তাহা বুদ্ধিগতই একটা অস্থায়ী রূপ।

তাহার দেওয়া ও নেওয়া এক হইয়া যায়। কারণ তাহার উর্দ্ধগতিতে সজ্জা-  
নন্দের আত্মপ্রকাশের দিব্য বিধানে ভেদের মধ্যে যে অভেদ আছে ক্রমশ তাহারই  
দিকে সে সচেতনভাবে অগ্রসর হয়।

আমরা দেখিয়াছি প্রাণের আদিম অবস্থায় বাহ্য অবচেতন ইচ্ছা বা সঙ্কল্প-  
রূপে বর্তমান ছিল তাহাই তাহার মধ্যস্থিতিতে ক্ষুধা এবং সচেতন বাসনার  
আকার ধারণ করিয়াছে; এই ক্ষুধা এবং বাসনাই চেতন মনের আদি বীজ।  
পরম্পরের সহিত মেলোমেশা এবং ভালবাসার পুষ্টিতে যখন প্রাণ তৃতীয় স্থিতিতে  
উন্নীত হয় তখনও বাসনার বিধানের বিলোপ হয় না, বরং তাহার পূর্ণতা এবং  
রূপান্তর হয়। ভালবাসার প্রকৃতিই এই তাহাতে যেমন নিজেকে দেওয়ার বাসনা  
আছে তেমনি বিনিময়ে অপরকে পাওয়ার আকাঙ্ক্ষাও আছে। জড়প্রাণ  
নিজেকে দিতে চায় না, সে শুধু নিতে চায়। ইহা অবশ্য সত্য যে তাহাকেও  
বাধ্য হইয়া নিজেকে দিতে হয়, কারণ যে জীবন কিছুই দেয় না শুধু নিতেই জানে,  
তাহা বন্ধ্য হইয়া পড়ে তাহাকে শুকাইয়া মরিতে হয়, যদিও এ লোকে বা  
লোকান্তরে তেমন জীবন আদৌ সম্ভব কিনা তাহাতে ঘোর সন্দেহ আছে।  
এরূপ প্রাণ বাহ্য দেয় তাহা স্বেচ্ছায় নহে বাধ্য হইয়া, সে অবশ্যভাবে প্রকৃতির  
অবচেতন আবেগে পরিচালিত হয়, সচেতন ভাবে সে প্রকৃতির এ কাজে অংশ  
গ্রহণ করে না। এমন কি ভালবাসা যখন জাগে তখনও পরমাণুর মধ্যে নিহিত  
অবচেতন ইচ্ছার যে বাস্তবিক প্রকৃতি আছে, আত্মদানের প্রথমদিকে সেই প্রকৃতি  
অনেকটা বজায় থাকে। তাই ভালবাসা প্রথমে বুড়ুকার বিধান মানিয়া চলে,  
পাওয়া এবং অপরের নিকট হইতে আদায় করাতে, অপরকে দেওয়া বা অপরের  
কাছে আত্মসমর্পণ করা অপেক্ষা তখন তাহার অধিক তৃপ্তি; দেওয়াকে সে স্বীকার  
করে প্রধানতঃ বাহ্য সে চায় তাহার মূল্যরূপে। কিন্তু এ সময় ভালবাসা তাহার  
স্বরূপপ্রকৃতিতে প্রতিষ্ঠিত হইতে পারে নাই; ভালবাসার প্রকৃত বিধান দেখা  
দিলে দেওয়ার আনন্দ পাওয়ার আনন্দের সমান হইবে, এমন কি অবশেষে  
তাহাকে ছাড়াইয়া যাইবে। এই ছাড়াইয়া যাওয়া যখন সম্ভব হইবে, তখন  
বুঝিতে হইবে যে অন্তরে যে শিখা চৈত্যানুরূপে সদা জলিতেছে, তাহারই  
অল্পপ্রেরণায় পরমএকমাত্র লাভের জন্ত, ব্যক্তিজীব নিজেকে অতিক্রম করিয়া উর্দ্ধে  
আরোহণ করিতেছে এবং বাহ্য তাহার কাছে এতদিন অনাত্মা বলিয়া বোধ

হইয়াছে, তাহাকে তাহার নিজের ব্যক্তিরূপ অপেক্ষা বৃহত্তর এবং প্রিয়তর আত্মা বলিয়া অনুভব করিবার সময় আসিয়াছে। কিন্তু প্রাণের মধ্য দিয়া যে প্রেম সৃষ্টিয়া উঠিতেছে তাহার প্রকৃতিতে অপরকে পাওয়া ও পূর্ণ করা এবং অপরকে দ্বারা নিজেকে পাইবার ও পূর্ণ করিবার আবেগ রহিয়াছে; এ প্রেম অপরকে, অপরকে ঐশ্বর্য্যকে বাড়াইয়া নিজে বর্দ্ধিত ও ঐশ্বর্য্যালী হইবে, অপরকে দ্বারা তুষ্ট হইবে এবং নিজে ভোগ করিবে, কারণ নিজে অপরকে দ্বারা অধিকৃত না হইলে কেহই নিজের উপর পূর্ণ অধিকার পায় না।

জীবনের প্রথম পর্বে পরমাণুর মত বিস্মিত জীবন থাকে, সেখানে নিজেকে নিজে পাওয়ার সামর্থ্য নাই, জড়ময় ব্যক্তি তখন অনাস্থ্য পদার্থের অধীন। দ্বিতীয় পর্বে বাধা ও সীমার জ্ঞান এবং আত্মপ্রতিষ্ঠার প্রয়াস জাগে, তখন প্রাণ আত্মা এবং অনাত্মা উভয়ের উপর প্রভুত্ব করিতে চায়। এই অবস্থার মধ্যে জীবনে তৃতীয় পর্বের পুষ্টি ও পরিণতিতে, জীবনের যে সমস্ত মূলবৃত্তির মধ্যে পরস্পর বিরোধের একটা বোধ ছিল, তাহাদের রূপান্তর ও পুনরাবৃত্তির ভিত্তর দিয়া দেখা দেয় একটা পূর্ণতা, একটা সামঞ্জস্য ও সুখ্যা। জীবব্যক্তি মেলামেশা এবং ভালবাসার সাধনার ফলে ক্রমে অনাত্মাকে মহাদাত্মা বলিয়া স্বীকার করিতে থাকে, সুতরাং সচেতনভাবে তাহার বিধান ও প্রয়োজনীয়তা মানিয়া লয়; ইহার ফলে সমষ্টিপ্রাণের ব্যষ্টিপ্রাণকে আত্মসাৎ করিবার যে উপচীষমান আবেগ আছে তাহা পূর্ণ হয়; আবার ব্যষ্টি প্রাণও অপরকে প্রাণকে এবং সে প্রাণ যাহা দিতে সক্ষম সে সমস্তকে নিজের বলিয়া অধিকার করিতে পারে—যাহা দ্বারা ব্যক্তিপ্রাণের সমষ্টিপ্রাণকে আত্মসাৎ করিবার যে বিপরীত আকৃতি আছে তাহাও তৃপ্ত হয়। জীব ও জগতের মধ্যে এই অন্তোন্তসম্বন্ধ প্রকাশিত, পূর্ণ বা নিরাপদ হইতে পারে না, যতদিন পর্যন্ত জীবের সঙ্গে জীবের, সমষ্টির সহিত সমষ্টির সেই প্রেমের সম্বন্ধ স্থাপিত না হয়। মানুষের জীবনে এক কঠোর সাধনা ও তপস্বী চলিতেছে, তাহার মধ্যে আত্মপ্রতিষ্ঠা ও স্বাতন্ত্র্যের স্পৃহা আছে, যাহা দ্বারা সে নিজেকে পূর্ণরূপে পাইতে চায়; আবার তাহার মধ্যে আছে মেলামেশা, ভালবাসা, লাভ, মৈত্রী যাহা দ্বারা সে নিজেকে অপরকে কাছে উৎসর্গ করিতে চায়; এই দুই বিপরীত আকৃতি ও আবেগের মধ্যে সমতা ও সামঞ্জস্য রক্ষার জন্য জ্ঞানপরতা, অন্তোন্তপারায়ণতা, সাম্য প্রভৃতির আদর্শ তাহার মধ্যে দেখা দিয়াছে।

তাহার এই সাধনার মূলে আছে বিশ্বপ্রকৃতির আদি সমস্ত সমাধানের জন্ত অপরিসীম প্রাণের পূর্বনির্ধারিত পথে চলিবার এক প্রেরণা; এ সমস্ত প্রাণেরই সমস্তা; জড়জীবনের মূল ভিত্তিতে আছে যে দুই বিরোধী তত্ত্বের সংঘাত ও দ্বন্দ্ব তাহাদের দ্বারা মিলনের দ্বারা সে সমস্তার সমাধান করিতে হইবে। প্রাণাশ্রয়ী উচ্চতর তত্ত্ব মনই কেবল এই বাহ্যিক সামঞ্জস্যে পৌছিবার পথ বাহির করিতে পারে; যখন এ সমস্তা সমাধানের চেষ্টাও করে, যদিও পূর্ণরূপে এ সামঞ্জস্য আনিতে সক্ষম যে শক্তি তাহা এখন অমনী বা মনের অতীত কোন লোকোত্তর ভূমিতে রহিয়াছে।

কারণ যে সমস্ত তথ্যকে আমরা স্বীকার করিয়া এ আলোচনায় প্রবৃত্ত হইয়াছি তাহা যদি সত্য হয়, তাহা হইলে যে শেষ গন্তব্যস্থলে পৌছিবে চলিবার পথ শেষ হইবে, তাহাতে পৌছান সম্ভব হইবে—যখন মন নিজেকে অতিক্রম করিয়া তাহার অতীত কেহে বা অতিমানসে পৌছিবে, কারণ মন তাহারই এক নিম্নতর বিজুতি এবং যন্ত্র। ইহাকে অবলম্বন করিয়া ব্রহ্ম রূপে এবং ব্যষ্টি-সত্তার নামিয়া আসিয়াছেন, আবার দ্বিতীয়তঃ ইহাকে অবলম্বন করিয়া ব্যষ্টিসত্তা আপন স্বরূপ সত্যে পুনরায় উন্নীত হইবে। স্তত্রাং মেলানেশা, অজ্ঞোক্তবিনিময় এবং প্রেমের আদান প্রদানে অর্থাৎ কেবলমাত্র মন ও হৃদয়ের বিধানের মধ্য দিয়া চলিলে জীবন সমস্তার পূর্ণ সমাধান হইবে না। তাহার জন্ত চাই, জীবনের এক তুরীয় বা চতুর্থ অবস্থা—যাহাতে বহর শাস্ততৎকাল উপলব্ধি হয় আত্মারই মধ্য দিয়া; ইহা তখনই সম্ভব হইবে যখন জীবনের সকল ক্রিয়ার ভিত্তি আর কেহের বিজুত এবং খণ্ড ভাবের, প্রাণের বৃত্তকা এবং বাসনার, মনের সমাহার ও সামঞ্জস্যের অপূর্ণ চেষ্টার অথবা এ সকলের সমবায়েরও উপর স্থাপিত থাকিবে না, পরমতত্ত্বের পরমতৎকাল এবং চরম স্বাতন্ত্র্যের উপর প্রতিষ্ঠিত হইবে।

## দ্বাবিংশ অধ্যায় প্রাণশক্তির সমস্তা

এই অস্ত্র তাহাকে সর্বাঙ্গ্যঃ বা বিশ্বপ্রাণ বলা হয় ।

তৈত্তিরীয় উপনিষদ ( ২।৩ )

সর্বভূতের হৃদয়দেশে অধিষ্ঠিত থাকিয়া ঈশ্বর নিজ যায়াদ্বারা  
যজ্ঞাক্রমে সকল ভূতকে ঘুরাইতেছেন ।

গীতা ( ১৮।৬১ )

যিনি সত্য জ্ঞান ও অনন্তস্বরূপ ব্রহ্মকে জানেন তিনি সর্ব-  
জ্ঞানময় ব্রহ্মের সঙ্গেই সকল কাম্য উপভোগ করেন ।

তৈত্তিরীয় উপনিষদ ( ২।১ )

আমরা দেখিয়াছি যাহা স্বরূপতঃ অনন্ত, নির্বিশেষ বা অস্ত্র নিরূপেক,  
অব্যাহত, নিজের অখণ্ডতা এবং আনন্দে অবিচলরূপে প্রতিষ্ঠিত, সচ্চিদানন্দের  
এমন এক চিৎ-শক্তি এক বিশেষ বিশ্বব্যাপারে প্রাণরূপে প্রকাশিত হইয়াছে ।  
অবিজ্ঞানরূপ বিভাগকারী মনরূপ মূলমূত্র ধরিয়া অনন্তসত্তার অবিভক্ত শক্তি, আপন  
গুরুস্বরূপ হইতে আপাতদৃষ্টিতে যাহা অস্ত্ররূপ সেই বিখলীলা প্রকট করিয়াছে ।  
অখণ্ড শক্তির এই খণ্ডনক্রিয়ার ফলে দ্বন্দ্ব ও বিরোধের ছায়ামূর্ত্তি দেখা দিয়াছে,  
মনে হইতেছে সচ্চিদানন্দের প্রকৃতি যেন ব্যাহত হইয়া পড়িয়াছে, মন ইহাকে  
স্থায়ী সত্য বলিয়া গ্রহণ করিতে চায়, কিন্তু মনের আবরণের পশ্চাতে যে দিব্য  
গোপন বিশ্বচেতনা রহিয়াছে তাহার দৃষ্টিতে, ইহা একটা প্রেতিভাস মাত্র বাহ্য  
বহু বিচিত্র এক পরমসত্যকে ভুল ও বিকৃত করিয়া দেখাইতেছে । তাই জগৎ  
যে মূর্ত্তিতে আমাদের নিকট দেখা দিয়াছে তাহাতে রহিয়াছে, বহু বিরোধী  
সত্যের সংঘাত ও দ্বন্দ্ব, ইহাদের প্রত্যেকেই নিজে পূর্ণ ও সার্বক হইয়া উঠিতে  
চাহিতেছে এবং প্রত্যেকেরই পূর্ণতালভের অধিকার আছে বলিয়া, বহু বিচিত্র  
সমস্তা ও রহস্যের উদ্ভব হইয়াছে । আবার এ সমস্ত সমস্তার সমাধান না করিয়াও



থাকিবার উপায় নাই, কারণ এই সমস্ত গোলযোগ ও ভ্রান্তির পশ্চাতে অথবা এক গোপন সত্য আছে যে সমস্ত সমাধানের জন্য ভিতর হইতে চাপ দিতেছে, কেমনাইহার সমাধান করিতে পারিলে সে সত্যের অনবগুণ্ঠিত প্রকাশ সম্ভব হইবে।

মন দিয়া সমস্ত সমাধানের চেষ্টা করিতে হইবে কিন্তু শুধু মন দ্বারা ইহা সম্ভব হইবে না; সমস্ত জীবন, সমস্ত ক্রিয়া এবং চৈতন্য, সর্বত্র হইবে সমাধানের ক্ষেত্র। চৈতন্যরূপিনী শক্তিই এই গতিশীল জগৎ এবং তাহার সমস্ত সৃষ্টি করিয়াছে; সেই শক্তিকেই তাহার নিজ সৃষ্টি সমস্তার সমাধান করিতে হইবে; সেই শক্তিই জাগতিক গতিকে, তাহার মধ্যে যে নিগূঢ় তাৎপর্য আছে তাহার এবং যে সত্য ক্রমশঃ উপচিত হইতেছে, সেই সত্যের অবগতাবী পূর্ণতায় লইয়া যাইবে। প্রাণে পর পর তিনটি রূপ ফুটিয়াছে। প্রথম তাহার জড় বা অন্নময় রূপ—এখানে আছে চৈতন্যের এক ময়রূপ, যাহা নিজেরই বাহ্য প্রকাশের এবং শক্তির আকারের মধ্যে গুপ্ত হইয়া পড়িয়াছে; কারণ তথায় ক্রিয়ার মধ্যে চৈতন্যের দেখা পাওয়া যায় না, যেন তাহা রূপের মধ্যে হারাইয়া গিয়াছে। দ্বিতীয় প্রাণের প্রাণময় রূপ—এখানে প্রাণের শক্তি ও ক্রিয়া, তাহার পুষ্টি ও ক্ষয়ের মধ্য দিয়া ক্রমশঃ উন্মিষিত হইয়াছে, এক চৈতন্য অর্ধপ্রকাশিত, আদিম কারাগার হইতে অর্ধমুক্তমাত্র হইয়াছে, এ চৈতন্য প্রাণের বীর্ঘ্যে, জৈব বাসনা, তৃপ্তি বা বিদ্বেষ রূপে স্পন্দিত হইয়া উঠিয়াছে, কিন্তু এ অবস্থায় নিজের অস্তিত্ব এবং পরিবেশের জ্ঞান প্রথমে একেবারেই ফুটে নাই, তাহার পরেও যাহা ফুটিয়াছে তাহা অপূর্ণ। তৃতীয় তাহার মনোময় রূপ—এখানে প্রকট চৈতন্য জীবনের বাস্তব সত্য ও ঘটনাকে মনের বোধরূপে দেখে; বাহিরের অভিঘাতে তাহাতে উপলব্ধি বা ভাবের সাড়া আগিয়া উঠে, ভাবরূপী এই নূতন চেতনা জীবনের বাস্তব সত্যে পরিণত হইবার চেষ্টা করে; সমস্ত অস্তরে অনেক পরিবর্তন এবং পরিবর্তন আনয়ন করে এবং তলহুসারে বাহিরকে নিয়ন্ত্রিত এবং পরিবর্তিত করিতে চায়; এইখানে মনে তাহার নিজ শক্তির ক্রিয়া চলিয়াছে এবং রূপ হইতে চৈতন্যের কার্যমুক্তি ঘটিয়াছে; কিন্তু এখনও সে ক্রিয়া এবং রূপের উপর প্রভুত্ব স্থাপন করিতে পারে নাই, কারণ সে ব্যক্তিচেতনা রূপে অভিব্যক্ত হইয়াছে, সেইজন্য তাহার সমগ্র ক্রিয়ার এক অংশ মাত্র সে চেতনাতে ফুটিয়া উঠিয়াছে।

এইখানেই মানবজাতির সমস্ত জটিল ও দুৰূহ সমস্তা রহিয়াছে। মানুষ এই মনোময় পুরুষ, এই মনোচেতনা তাহার মানসিক শক্তিরূপে ক্রিয়া করিতেছে; যে বিশ্বশক্তি ও বিশ্বপ্রাণের সে অংশ, তাহার একটা অল্পভব যেন তাহার মধ্যে আগে, কিন্তু তাহার বিশ্বব্যাপী প্রসারতাকে এমনকি সমগ্র ভাবে তাহার নিজস্বতাকেও সে জানেনা; তাই সাধারণ প্রাণশক্তিকে অথবা তাহার নিজের জীবনকে সার্থকভাবে পরিচালনা করিতে পারে না অথবা তাহাদের উপর প্রকৃত প্রভুত্ব বিস্তার করিবার ক্ষমতাও তাহার নাই। জড়পরিবেশের উপর প্রভুত্ব স্থাপনের জন্ত, সে জড়কে এবং জীবনকে স্বেচ্ছায় পরিচালনা করিবার শক্তিলাভের জন্ত জীবনকে জানিতে চায়। বিপুল অথচ অস্পষ্ট মননশক্তিকে জয় করিবার জন্ত সে মনকেও জানিতে চায়; সে মননশক্তির মধ্যে তাহার আত্মচেতনা পশুর মধ্যে যেমন, তেমন একটা ক্ষুদ্রধারায় শুধু প্রবাহিত নয় পরন্তু তাহা নিত্যবৰ্দ্ধমান ও অধিকতর দীপ্যমান জ্ঞানের শিখা। এই ভাবে নিজের প্রভু হইবার জন্ত সে নিজেকে এবং জগতের প্রভু হইবার জন্ত জগৎকেও জানিতে চায়। তাহার মধ্যে যে সত্তা আছে এই তাহার আবেগ, সে যে চৈতন্যস্বরূপ এই তাহার প্রয়োজন, যে শক্তি তাহার মধ্যে প্রাণরূপে ছুটিয়াছে এই তাহার আকৃতি; যে জগতে সচ্চিদানন্দ আত্মপ্রকাশ করিতেছেন অথচ বোধ হইতেছে যেন নিজেকে অস্বীকার করিতেছেন তথায় ব্যষ্টিরূপের মধ্য দিয়া তাঁহারই গোপন ইচ্ছা এইভাবে প্রকাশ পাইতেছে। কি ভাবে কি উপায়ে তাহার অন্তরের এই অভীক্ষা ও আবেগ পূর্ণ হইবে, তাহার সত্তার প্রকৃতি এবং তাহার হৃদয়ে সন্নিবিষ্ট অন্তর্ধামী পুরুষ, তাহা আবিষ্কার করিতে চেষ্টা করিবার জন্ত মানুষকে নিয়ত বাধ্য করিতেছে। যত দিন পর্যন্ত এ আবেগের তৃপ্তি, এ সমস্তার সমাধান না হইবে ততদিন পর্যন্ত মানব জাতির চেষ্টা ও সাধনার বিরাম হইতে পারে না; হয় মানুষকে এমনভাবে পরিপূর্ণ হইয়া উঠিতে হইবে যে তাহার অন্তরস্থ ভগবান তৃপ্ত হইতে পারেন অথবা যে ইহা পূর্ণ করিতে সক্ষম তেমন এক নবতর ও বৃহত্তর জীৱক নিজের মধ্য দিয়া মানুষকেই গড়িয়া তুলিতে হইবে; হয় তাহাকে নিজে দিব্যমানব হইতে হইবে অথবা অতিমানবের জন্ত পথ ছাড়িয়া দিতে হইবে।

পদার্থের রীতি এবং প্রকৃতি হইতেও ইহাই আমরা পাই। মানুষের

চেতনা জড়ের অন্ধকারময় কবল হইতে সম্পূর্ণ নিমুক্ত হইয়া, পূর্ণরূপে আলোকিত চৈতন্তরূপে ফুটিয়া উঠিতে পারে নাই, তাহা সেই মহাবিকাশের নিকে ক্রমশঃ অগ্রসর হইতেছে যাত্রা, এইজন্য পরিণতির ধারা আজ যেখানে পৌঁছিয়াছে সেখানে ধাবিয়া বাইতে পারে না; হয় তাহাকে যাত্রার মধ্যে আজ বাহা ফুটিয়াছে তাহার অতীত কিছু তাহার নিজের মধ্যেই ফুটাইয়া তুলিতে হইবে, অথবা যদি আর অগ্রসর হইবার শক্তি তহাঁর না থাকে তবে যাত্রাকে অতিক্রম করিয়া বাইতে পারে এমন কোন জীব সৃষ্টি করিতে হইবে। যতদিন পর্যন্ত তাহার সত্তার সমগ্র সত্ত্বের সকল আবরণ ক্রমশঃ একের পর এক অপসারিত হইয়া না বাইবে, যতদিন পর্যন্ত তাহা পূর্ণরূপে চৈতন্তের আলোকে উদ্ভাসিত শক্তির আনন্দধারায় অভিষিক্ত হইয়া না উঠিবে, ততদিন পর্যন্ত যে মনোময় ভাবধারা তাহার জীবনে বাস্তব সত্য হইয়া ফুটিয়া উঠিতে চাহিতেছে তাহার অগ্রগতি বন্দ হইবে না। কারণ শক্তি ও আলোক এই দুইর মধ্য দিয়াই সংস্করণ যিনি তিনি আত্মপ্রকাশ করেন, কারণ তাহার সত্তা চিৎ ও শক্তিরূপ; কিন্তু স্বয়ং সত্তার এই দুইটা তত্ত্ব, তাহার আর এক তৃতীয় তত্ত্বে গিয়া মিলিত, এক এবং পূর্ণ হয়—তাহা তাহারই নিত্য তত্ত্ব আনন্দরূপ; কারণ আমাদের এই ক্রমপরিণতিশীল জীবনকে তাহার অনিবার্য চরম সার্থকতায় পৌঁছবার জন্য, জন্মসময় বীজের মধ্যে যে আত্মা নিহিত ছিল তাহাকে অবশ্য জানিতে হইবে এবং সেই আত্মপরিচয় লাভ করিয়া এই প্রাণ বাহা হইতে আসিয়াছে সেই চিৎশক্তির ক্রিয়াধারার মধ্যে যে সমস্ত সত্তাবনা অব্যক্ত ভাবে বর্তমান আছে, তাহা পূর্ণরূপে ফুটাইয়া তুলিতে হইবে। ব্যক্তি-জীবন এবং সমষ্টিজীবনকে এক পরম সাম্যে ও একত্বে গ্রথিত করিয়া সচ্ছন্দানন্দ তত্ত্বম্বে আত্ম প্রকাশ করিতে চাহিতেছেন—এই পরম সত্তাবনাই যাত্রার মধ্যে রহিয়াছে; মানবজাতি একদিন এক বিশ্বব্যাপী চৈতন্ত, সার্বভৌম শক্তির ক্রিয়া এবং সার্বজনীন আনন্দের মধ্য দিয়া যিনি নানারূপের মধ্যে নিজেকে ছড়াইয়া দিতেছেন সেই জগৎপতিত কিছুকে প্রকাশ করিয়া সার্থক ও ধন্য হইবে।

চৈতন্তই প্রাণের উপাদান, তাই সকল ক্ষেত্রে প্রাণের প্রকাশের প্রকৃতি মূলতঃ চৈতন্ত যে ভঙ্গীতে বা বিভাবে অবস্থিত থাকিবে, তাহার উপর নির্ভর

করিলে, কারণ যেমন চৈতন্তের প্রকাশ তদ্ব্যবহারী ভাবে চলিবে শক্তির খেলা ; যেখানে চৈতন্ত এক এবং অনন্ত, রূপ ও ক্রিয়ার মধ্যে অল্পস্থ্যত থাকিয়া তাহাকে অল্পপ্রাণিত, স্বব্যবহিত এবং স্বসম্পাদিত করিয়াও তাহা যেখানে ক্রিয়াভীত এবং রূপভীত—যেমন সচ্চিদানন্দ চৈতন্ত—সেখানে শক্তি ও তাহার প্রসারতায় অনন্ত, তাহার সকল ক্রিয়ার মধ্যে এক এবং অখণ্ড, তাহার বীৰ্য্যে এবং আত্মজ্ঞানে সর্বাতিক্রমী বা সর্বাভীত। আবার একরূপ ক্ষেত্র আছে যেখানে চৈতন্ত জড় প্রকৃতির মধ্যে অব্যক্ত ও ময়, আত্মবিস্মৃত, নিজের শক্তি প্রবাহের মধ্য দিয়া যেন নিজেকে না জানিয়াই ভাসিয়া চলিয়াছে, যদিও শক্তি এবং চৈতন্তের মধ্যে শাশ্বত সঘর্ষের প্রকৃতি অল্পসারে সেখানেও যে শক্তিরূপা চৈতন্ত চালিত হইতেছে তাহাকে সেই চৈতন্তই নিয়ন্ত্রিত করিতেছে, এখানেও শক্তির প্রকাশ চৈতন্তের অল্পব্যায়ী। তাই শক্তির ক্রিয়ার মধ্যে দেখা দিবে জড়ত্ব এবং নিশ্চেতনার বিপুল বিকৃতি, নিজের মধ্যে কি আছে তাহা সে জানেনা, এক প্রকার কঠোর আকস্মিকতার মধ্য দিয়া বস্তুর মত এক অপরিহার্য অল্পকূল দৈব বিধানের বশে চলিয়াছে সে তাহার আত্মসম্পূর্ণতার পথে—যদিও বস্তুতঃ তাহার ক্রিয়ার মধ্যে গোপনে অবস্থিত সচেতন এক পরম-পুরুষের ইচ্ছাধারা সর্বদা পরিচালিত হইয়া—সে নিভুল ভাবে ঋত এবং সত্যের বিধান মানিয়া সর্বদাই চলিতেছে। যেখানে চৈতন্ত নিজের মধ্যে বিভক্ত—যেমন মনে—বিভিন্ন কেন্দ্রে যাহা নিজেকে সীমাবদ্ধ করিয়াছে, যেখানে প্রতি কেন্দ্র অপর কেন্দ্রে কি আছে অথবা তাহাদের সহিত তাহার সঘর্ষ, কি তাহা না জানিয়া নিজেকে পরিপূর্ণ করিতে চাহিতেছে, সেখানে শক্তি ও বস্তুনিচয়ের পরস্পরের সঙ্গে যে আপাত বিভাগ এবং বিরোধ আছে তাহারই জ্ঞান বর্তমান, তাহাদের মধ্যে যে সত্যকার একত্ব আছে সে বোধ নাই—সেখানেও শক্তি সেইরূপ হইবে। আমরা যে জীবন যাপন করিতেছি এবং আমাদের চারিদিকে যে জীবন দেখিতেছি, তাহাতে এইরূপ শক্তিরই খেলা চলিতেছে ; এখানে ব্যক্তিজীবন অপরের সঙ্গে নিজের সঘর্ষ না জানিয়া পরস্পরের সহিত কখনও জড়াইয়া কখনও লড়াই করিয়া চলিয়াছে এবং ইহার মধ্য দিয়া সে ব্যক্তিগত ভাবে পূর্ণতা লাভ করিতে চাহিতেছে ; এখানে বিভক্ত, বিরোধী এবং বিভাগকারী শক্তি সমূহের সংগ্রাম চলিতেছে এবং

অতিকষ্টে কখনও কিছু আপোষ হইতেছে। তেমনি মননের ক্ষেত্রে বিভক্ত, বিরোধী বা বিভিন্নমুখী ভাবনা ও ধারণার সংমিশ্রণ, সংঘাত এবং সংগ্রাম চলিতেছে, তাহাদের মধ্যে যে মিলন আসিতেছে তাহাও অনিশ্চিত, এ ভাবনা-সকল পরস্পরের প্রয়োজন বা সম্বন্ধ জানে না, যে অথও পূর্ণতা তাহাদের মধ্য দিয়া আত্মপ্রকাশ করিতেছে এবং যেখানে পৌঁছিলে তাহাদের সমস্ত বিরোধ ধামিরা হাইবে সেই এক্ষেত্রে যে তাহারা এক একটা উপাদান এবং সেখানে তাহাদের প্রত্যেকের যে বিশিষ্ট স্থান আছে, ইহাও তাহারা ধরিতে পারে না। কিন্তু যেখানে চৈতন্ত্যে একই কালে একই এবং বহুই জ্ঞান রহিয়াছে, যেখানে বহুই এককের অন্তর্ভুক্ত এবং একই বহুকে নিয়ন্ত্রিত করে, যেখানে ব্যাপ্তি বা একের সত্য, ঋত ও বিধান এবং সমষ্টির বা বহুর সত্য, ঋত ও বিধানের জ্ঞান যুগপৎ বর্তমান, যেখানে এক এবং বহু সচেতন ভাবে পরস্পরের সহিত মিলিত ও সমন্বিত, যেখানে চৈতন্ত্যের পূর্ণ প্রকৃতিই এই যে এক নিজেকে বহু এবং বহুও নিজেকে এক বলিয়া জানে, সেখানে শক্তিও তদনুরূপ হয়। এখানে প্রাণের ধর্ম এই হইবে যে ইহা সচেতন ভাবে একের বিধান মানিয়া চলিবে তথাপি বহুকের মধ্যস্থিত প্রতি ব্যাপ্তিভাবে তাহার স্বভাব ও স্বধর্ম অনুসারে পূর্ণ করিয়া তুলিবে; এ জীবনে প্রত্যেক ব্যাপ্তি যুগপৎ নিজের মধ্যে এবং অপর সকলের মধ্যে বাস করিবে, একই চিন্ময় পুরুষ প্রতি জীবে অধিষ্ঠিত বলিয়া বোধ জাগিবে, চৈতন্ত্যের একই শক্তি বহু মনের মধ্যে দেখা দিবে, একই আনন্দময় শক্তি বহু জীবনের মধ্যে ক্রিয়াশীল হইবে, একই আনন্দের সত্য বহুর হৃদয় ও মন পূর্ণ করিয়া ফুটিয়া উঠিবে।

এ চারিটা অবস্থার প্রথমটি সচ্চিদানন্দের স্বরূপ সত্তার অবস্থিত; চৈতন্ত্য এবং শক্তির যে সকল সম্বন্ধ ক্রমশঃ অধিকতর রূপে ফুটিয়া উঠিতেছে ইহাই তাহাদের উৎপত্তিস্থান, যেখানে চৈতন্ত্য এবং শক্তি এক, কারণ সেখানে শক্তিই সত্তার চৈতন্ত্য, শক্তির ক্রিয়ার মধ্যে কখনও তাহার চৈতন্ত্যরূপের বিলোপ ঘটে না, তজ্জন্ম তথায় চৈতন্ত্য সত্তারই জ্যোতির্ময় শক্তি, সেখানে আত্মজ্ঞানের এবং আত্মানন্দের কখনও অভাব হয় না এবং চৈতন্ত্য কখনও পরিপূর্ণ আলোক এবং অপ্রতিষ্ঠার শক্তি হারায় না। দ্বিতীয় অবস্থা জড় প্রকৃতির রূপ; ইহা জড়জগৎ রূপে সেই অবস্থিতি, যেখানে সচ্চিদানন্দ নিজেকে যেন মিছে

বিশাল ভাবে অস্বীকার করিয়াছেন। এই স্থিতিতে আপাতদৃষ্টিতে চৈতন্য এবং শক্তি পূর্ণরূপে বিচ্ছিন্ন হইয়া পড়িয়াছে, এখানে আমাদের চোখে পড়ে এক পরম আশ্চর্য ঘটনা যে নিশ্চেতনা এখানে ভ্রমশূন্য ভাবে সকলকে প্রকাশ করিতেছে; এই নিশ্চেতন রূপ একটা মুখোশ মাত্র কিন্তু আধুনিক জ্ঞান ইহাকে বিশ্বদেবতার খাঁটিমুখ মনে করিয়া তুল বুঝিতেছে। তৃতীয় অবস্থায় দেখিতে পাই এমন এক প্রাণমনোময় সত্তা, যাহা সচ্চিদানন্দের অস্বীকৃতি রূপ নিশ্চেতনা হইতে আগিয়া উঠিতেছে কিন্তু ঘুমঘোর কাটেনাই, এখনও তাহার প্রভাবে হতবুদ্ধি রহিয়াছে, যাহার পক্ষে একদিকে জড়ত্বের কাছে পূর্ণ আত্মসমর্পণ করিয়া নিজেকে বিলোপ সাধন করা যেমন অসম্ভব, তেমনি অন্য দিকে সকল সমস্তা সমাধান করিতে পারে এমন কোন জ্ঞান বা সহজ-সংস্কারও লাভ হয় নাই, সর্বশক্তির আধার নিশ্চেতন জড়বিধ হইতে প্রকাশিত হইয়া হতবুদ্ধিকর সহস্র সমস্তার সম্মুখে পড়িয়া মাহুধরুণী এই সচেতন সত্তা তাহার কুণ্ঠিত ও সীমিত শক্তি লইয়া কেবলই সংগ্রাম করিয়া চলিয়াছে। চতুর্থ অবস্থায় সত্তার অবস্থিতি অতিমানস ভূমিতে; ইহা জীবনের সেই পরিপূর্ণ সিদ্ধ অবস্থা যেখানে গেলে একদিন জড়ত্বের পূর্ণ অস্বীকৃতি হইতে উদ্ধৃত মানব-চৈতন্তের আংশিক স্বীকৃতি এবং প্রকাশে যে সকল জটিল সমস্তার স্রষ্টা হইয়াছে তাহার পূর্ণ সমাধান সাধিত হইবে, সেখানেই একমাত্র পথ আছে যে পথে চলিলে সমস্তার সমাধান হওয়ার সম্ভব হইবে, যাহা কিছু গোপন ও অব্যক্ত ভাবে সম্ভাবনা রূপে আছে এবং চৈতন্তের সেই মহাবিলুপ্তি বা অস্বীকৃতিরূপ মুখোশের অন্তরালে পরিণামে যাহা ফুটাইয়া তোলা হইবে বলিয়া ঠিক করিয়া রাখা হইয়াছে, চৈতন্তের পূর্ণ প্রকাশ দ্বারা তাহাদিগকে সিদ্ধ ও সফল করিয়া তোলাই সে পথ। যে আজ কেবল আংশিক ভাবে পূর্ণতার দেখা পাইয়াছে সেই মাহুধরের অপূর্ণ এবং অচরিতার্থ জীবনধারা, খাঁটি মাহুধরের এই সত্য জীবনের দিকে, বহিয়া চলিয়াছে; আমাদের মধ্যে আমরা যাহাকে নিশ্চেতন বলি তাহার মধ্যে ইহার পূর্ণজ্ঞান আছে এবং তাহা নিশ্চিত ভাবে মাহুধকে পরিচালন করিতেছে; কিন্তু আমরা যাহাকে জীবনের সচেতন অংশ বলি সেখানে এ সম্ভাবনার একটা অস্পষ্ট আভাস মাত্র বহু আয়াসে পাই। সিদ্ধ ও কবি তুরীয়বাদী (transcendentalist) চিন্তাবীর (thinker) ও অভীক্ষিয়

বাদী (mystic) মহামনীষী ও মহাপুরুষগণের অল্পকৃতি ও সিদ্ধি, তাহাদের দিব্যদর্শন ও অল্পপ্রেরণার বিদ্যুৎচমকের মধ্যে এ আদর্শের আভাস, ইহার আংশিক বিকাশ আমরা দেখিতে পাই।

যে সমস্ত উপকরণ সংগ্রহ হইয়াছে তাহা হইতে এখন বলিতে পারি যে প্রাণ ও মনের যে অবস্থায় আজ মানুষ পৌঁছিয়াছে তাহাতে চৈতন্ত এবং শক্তির অপূর্ণ অবস্থিতির ফলে তাহার নিকট প্রধানতঃ তিনটা বাধা বা সঙ্কট উপস্থিত হইয়াছে। প্রথমতঃ তাহার সমগ্র সত্তার অতি অল্প অংশ মাত্রের পরিচয় সে পাইয়াছে; সে জানে শুধু তাহার বাহ্য মন, বাহ্য প্রাণ বাহ্য দেহের কথা; আবার তাহাও পূর্ণরূপে জানেনা। ইহাদের অন্তরালে গোপন ভাবে যে অবচেতন এবং অধিচেতন মন যে অবচেতন ও অধিচেতন প্রাণপ্রবৃত্তি এবং যে অবচেতন দেহীভাব (corporeality) আছে, মানুষ নিজের সেই বিপুল অংশকে জানেনা বা সে সমস্ত পরিচালিত করিতে পারে না, বরং তাহারাই তাহাকে জানে এবং পরিচালনা করে। কারণ সত্তা, চৈতন্ত এবং শক্তি এক বলিয়া আমাদের আত্মসত্তার যতটুকুর সহিত নিজেকে এক বলিয়া জানিতে পারি কেবল ততটুকুর উপর আমাদের কতকটা খাটি প্রকৃষ্ণ থাকিতে পারে। বাকী অংশগুলি আমাদের প্রাকৃত দেহ মন প্রাণের আয়ত্তের বাহিরে অধিচেতন ভূমিতে অবস্থিত, তাহারই এক নিজস্ব চৈতন্ত দ্বারা শাসিত হয়; অথচ অন্তর ও বাহিরের এই দুই অংশের গতি ও ক্রিয়া মূলতঃ পৃথক নয় কিন্তু এক বলিয়া, আমাদের বৃহত্তর এবং প্রবল অংশই স্বভাবতঃ ক্ষুদ্রতর ও দুর্বল অংশকে শাসন করে, সেই জন্ত আমাদের জাগ্রত চেতনায়ও আমাদেরকে অবচেতন এবং অধিচেতন অংশের শাসন, মানিয়া চলিতে হয়; আমাদের আত্মনিয়ন্ত্রণ এবং আত্মশাসনের ক্ষেত্রেও আমাদের মধ্যে বাহ্য নিচেতন মনে হয়, তাহারই যন্ত্ররূপে চলিতে বাধ্য হই।

এই অর্থেই প্রাচীন জ্ঞানে উক্ত হইয়াছে যে ‘মানুষ নিজের স্বাধীন ইচ্ছায় কর্ম করে মনে করিলেও প্রকৃত পক্ষে প্রকৃতি দ্বারাই সকল কর্ম নিষ্পন্ন হয়’ ‘জ্ঞানবান ব্যক্তিও নিজ প্রকৃতির অহসরণ করিতে বাধ্য হন’। কিন্তু আমাদের অন্তর্ধর্মী চৈতন্যময় পুরুষের সৃষ্টিশক্তিই প্রকৃতি; এই পুরুষ লুকাইবার জন্ত কখনো নিজেকে বাহ্য ভাবে স্বীকার করিবার জন্ত নিজেরই এক বিপরীতমুখী

শক্তি ও ক্রিয়া দ্বারা (inverse movement) নিজেকে ঢাকিয়া ফেলিয়াছেন, তাহার চৈতন্ত্যের এই বিপরীতমুখী শক্তিকে প্রাচীনেরা ব্রহ্মের মায়া বা ভ্রান্তিশক্তি নামে অভিহিত করিয়াছেন। তাই বলা হইয়াছে ‘ঈশ্বর সর্বভূতের জগৎ অধিষ্ঠিত থাকিয়া মায়াধারা যেন যন্ত্রারূঢ়ের মত সমস্ত ভূতকে ঘুরাইতেছেন’ অতএব ইহা স্পষ্ট যে মানুষ যদি মনকে অতিক্রম করিয়া আত্মজ্ঞানে ঈশ্বরের সঙ্গে এক হইয়া যাইতে পারে তবে সে নিজে নিজের প্রভু হইতে পারিবে। যেহেতু নিশ্চেতন অথবা অবচেতন ভূমিতে ইহা সম্ভব নয়, গভীর অন্ধকারের মধ্য দিয়া নিশ্চেতনার মধ্যে ডুবিয়া গিয়াও যখন কোন লাভ নাই, তখন হৃদয়ের মধ্যে যেখানে তিনি অধিষ্ঠিত আছেন, আমাদের বর্তমান মনশ্চেতনা পার হইয়া বা অতিক্রম করিয়া কেবলমাত্র সেখানে গিয়া অতিমানসের অতিচেতন ভূমিতে আরুঢ় ও উন্নীত হইলে, এই একত্বকে আমরা পূর্ণ প্রতিষ্ঠিত করিতে পারি। কারণ সেই উচ্চতর এবং দিব্য মায়াতে সচেতন ভাবে সত্য ও ঋতের যে জ্ঞান বর্তমান আছে, তাহাই নিম্নতর মায়ার মধ্যে অবচেতন ভাবে কার্য্য করিতেছে, যাহা নেতি বা অস্বীকৃতির অবস্থা ও বিধানের মধ্যে থাকিয়া স্বীকৃতি বা ইতিকে ঝুঁজিয়া বেড়াইতেছে। কারণ উচ্চতর প্রকৃতিতে যাহা জ্ঞান ও ইচ্ছারূপে আছে এই নিম্নতর প্রকৃতি তাহাকেই ফুটাইয়া তুলিতেছে। দিব্যজ্ঞানের এই ভ্রান্তিরূপা শক্তি জগতে প্রতিভাস সৃষ্টি করিয়াছে বটে কিন্তু সে নিজে সেই জ্ঞানেরই সত্যশক্তি দ্বারা পরিচালিত হয়। সে জ্ঞান সমস্ত প্রতিভাসের অন্তরালে অবস্থিত সত্যকে জানে এবং প্রতিভাস যাহার দিকে অগ্রসর হইতেছে সেই পরম ইতিজ্ঞান বা ব্রহ্মজ্ঞানকে আমাদের জগৎ প্রস্তুত রাখিয়াছে। আজ আমাদের নিকট যে অর্দ্ধফুট অপূর্ণ মানুষ বলিয়া প্রতীয়মান হইতেছে, সে যেখানে গিয়া তাহার পূর্ণ ও খাঁটি মনুষ্য লাভ করিবে এবং যিনি নিজের বিশ্বের পরিণাম ও অগ্রগতির সর্বজ্ঞ প্রভু সেই স্বয়ম্ সঙ্গী পুরুষের সহিত পূর্ণ একত্বে প্রতিষ্ঠিত হইয়া পরিপূর্ণ আত্মজ্ঞান লাভ করিতে সমর্থ হইবে।

মানুষের দ্বিতীয় বাধা এই যে দেহ মন ও প্রাণে বিশ্ব হইতে সে নিজেকে পৃথক মনে করে, সুতরাং যেমন সে নিজেকে জানেনা, অপরকে জানিবার অসামর্থ্য তাহার তেমনি বা ততোধিক। পর্য্যবেক্ষণ, অনুমান, কল্পনা, সংস্কার এবং সহায়ভূতির একটা অপূর্ণ শক্তি দিয়া তাহাদের সম্বন্ধে একটা মোটামুটি



গোছের মানসিক ধারণা সে খাড়া করে বটে কিন্তু তাহা ত জ্ঞান নয়। সচেতন ভাবে একত্ববোধ হইতে জ্ঞান লাভ হয়, কারণ সত্তার আত্মজ্ঞান বা আত্মসংবিৎই একমাত্র সত্য জ্ঞান। আমরা সচেতন ভাবে নিজের সম্বন্ধে যতটা অল্পভব করিতে পারি-নিজেরও ঠিক ততটুকুই জানি, বাকীটা আমাদের কাছে গুপ্তই থাকিয়া যায়; তেমনি যাহার সম্বন্ধে আমাদের চৈতন্তে যতটা এক হইতে পারি তাহার সম্বন্ধেও ততটুকুমাত্র খাটিভাবে জানিতে পারি; যেখানে জ্ঞানলাভের উপায় পরোক্ষ এবং অপূর্ণ সেখানে লব্ধজ্ঞানও পরোক্ষ ও অপূর্ণ হইবে। এরূপ জ্ঞানদ্বারা অনিশ্চিতরূপে এবং কতকটা স্থূলভাবে ব্যবহারিক জীবনের সঙ্গী লক্ষ্য, প্রয়োজন ও স্বযোগ কিছু পরিমাণে সাধন করা যাইতে পারে, যাহাকে এরূপভাবে জানি তাহার সঙ্গে অস্থির এবং অপূর্ণ সামঞ্জস্যও কিছুটা স্থাপিত হইতে পারে এবং আমাদের মনের দৃষ্টিতে তাহা যথেষ্ট বলিয়া মনে হইতেও পারে, কিন্তু জ্ঞাতা এবং জ্ঞেয়ের পূর্ণ সামঞ্জস্য কেবলমাত্র সচেতন একত্ববোধ হইতে আসিতে পারে। যাহাতে শুধু বাহ্যসত্তার কিছু জানা আছে মনের সেরূপ জ্ঞান বা বোধ হইতে সৃষ্ট সহায়ত্বুতি এবং ভালবাসা দ্বারা অপরের সম্বন্ধে যে জ্ঞান লাভ হইবে তাহা অপূর্ণ হইবেই, তাহাদের এবং আমাদের অবচেতন ও অধিচেতন ভূমি হইতে উদ্ভিত অজানা এবং অবশীকৃত ভাবের বহুয় ভাসিয়া গিয়া এ জ্ঞানের ব্যর্থ এবং বিফল হওয়ার সম্ভাবনা সর্বদা বর্তমান থাকে। হুতরাং অপরের সম্বন্ধে এরূপ অপূর্ণ জ্ঞান লইয়া তৃপ্ত থাকিলে চলিবে না, বস্তুতঃ সম্মানে তাহাদের সহিত একত্ববোধের ভিতর দিয়া আমাদের পূর্ণ-তর জ্ঞানে পৌছিতে হইবে। বিশ্বচেতনার মধ্যে আমরা স্বভাবতঃ অপরের সহিত এক হইয়া আছি, তাই এই সচেতন একত্ববোধে পৌছিতে হইলে আমাদেরকে বিশ্বচেতনায় উন্নীত হইতে হইবে। আজ যাহা আমাদের কাছে অতিচেতন ভূমিতে অবস্থিত সেই অতিমানসের মধ্যেই বিশ্বাত্মবোধের চেতনা পূর্ণ বিকশিত হইয়া আছে। কিন্তু এখানে আমাদের স্বাভাবিক জাগ্রত চেতনায় ইহার অধিকাংশ ভাগই অবচেতনভাবে অবস্থিত, তাই দেহ মন প্রাণের সহজ অবস্থায় তাহা লাভ করা যায় না। আমাদের মধ্যে জাগ্রত নিয়তর প্রকৃতি তাহার সকল কর্ণে বিবিক্ত অহংএর জালে জড়িত, তাহার বিশিষ্ট ব্যক্তিত্বের খোঁটার ত্রিগুণ দ্বারা বদ্ধ। একমাত্র অতিমানসে বহুর মধ্যে একের পূর্ণ জ্ঞান বর্তমান।

সত্তার ক্রমপরিণতির ক্ষেত্রে চৈতন্য ও শক্তির মধ্যে বিভেদ ও বিচ্ছেদই আমাদের তৃতীয় সঙ্কট। পরিণতির শক্তিই দেহ প্রাণ ও মনের একের পর অল্পকে আকার দিতে গিয়া, তাহাদের প্রত্যেকের বৃত্তি এবং ক্রিয়া পৃথক রক্ষা করিয়াছে এবং প্রথম বিভেদের সৃষ্টি করিয়াছে। তাই দেহের সঙ্গে প্রাণের বিরোধ চলিয়াছে, প্রাণ নিজের বাসনা ও আবেগের তৃপ্তিসাধন করিতে গিয়া, দেহের সীমিত সামর্থ্যের কাছে এমন দাবি করিয়া বসে, যাহা দিব্য এবং অমর দেহের পক্ষেই সম্ভব; দাসভূত অত্যাচারপ্রাপীড়িত দেহকে সমস্ত সহ্য করিতে এবং দুঃখ ভোগ করিতে হয় কিন্তু এ জুলুমের বিরুদ্ধে নির্বাক বিদ্রোহের ভাব সে সর্বদা পোষণ করে। আবার মনের বিরোধ দেহ ও প্রাণ এ উভয়ের সঙ্গে; মন কখনও দেহের বিরুদ্ধে দাঁড়াইয়া প্রাণকে সাহায্য করে, কখনও বা প্রাণের আবেগকে দমন করিয়া, প্রাণের বাসনা ও অসংযত নিত্য তাড়না হইতে দেহকে বাঁচাইতে চায়; কখনও মন প্রাণকে অধিকার করিয়া আবেগ, সৌন্দর্য, বৃত্তি এবং চিন্তরঞ্জিনী বৃত্তির তৃপ্তি সাধন প্রভৃতি মনের নিজস্ব কাজে প্রাণের বীর্ঘ্যকে লাগাইতে চেষ্টা করে। প্রাণও দেখিতে পায় যে মন তাহাকে দাস করিয়া তুলিতেছে তাহার উপর দুর্ব্যবহার করিতেছে সেও অনেক সময় তাহার অবিজ্ঞান অর্জ-জ্ঞানসম্পন্ন ও উৎপীড়ক প্রভুর বিরুদ্ধে বিদ্রোহ করিয়া বসে। দেহ, মন ও প্রাণের পরস্পরের মধ্যে এই যে বিরোধ ও সংঘর্ষ চলিতেছে মন তাহার কোন সন্তোষজনক সমাধান খুঁজিয়া পায় না, কেননা মর্ত্যদেহ ও প্রাণে অমৃতের অভীশা পূরণ রূপ যে সমস্তা তাহার কাছে উপস্থিত হইয়াছে, তাহার সমাধান তাহার সামর্থ্যের বাহিরে। তাই মন কেবল আপোষের পর আপোষ করিয়া কাজ চালাইয়া যাইতে চায় কিন্তু তাহাতে সমস্তা মিটে না; সে কেবল সমস্তা এড়াইয়া যাইতে পারে—হয় আমাদের বাহ্য সত্তার যে মর্ত্য্যভাব বা মরণধর্ম আছে জড়বাদীর মত তাহার কাছে নতি স্বীকার করিয়া, অথবা সাধু সন্ন্যাসীর মত, পার্থিব জীবনকে দ্বিক্কার দিয়া এবং ত্যাগ করিয়া নিজের অন্তরে যে অধিকতর সুখময় এবং সহজতর ক্ষেত্র আছে তাহার মধ্যে গুটাইয়া আসিয়া। কিন্তু ষাটি সমাধান তখনই পাওয়া যাইবে যখন মনকে অতিক্রম করিয়া অমৃতত্ব যাহার ধর্ম ও বিধান এমন এক তত্ত্বে পৌঁছান এবং সেই তত্ত্বের দ্বারা মর্ত্য্যভাব জয় করা যাইবে।

কিন্তু এই অসামর্থ্যের মূল কারণ রহিয়াছে আমাদের ভিতরে গভীরে, সর্ব প্রথম যেখানে প্রকৃতির শক্তি এবং সচেতন সত্তার মধ্যে বিভেদ দেখা দিয়াছে। কেবল যে মন প্রাণ এবং দেহগত সত্তা পরস্পর হইতে বিচ্ছিন্ন হইয়া পড়িয়াছে তাহা নহে তাহাদের প্রত্যেকের নিজেরও মধ্যে দেখা দিয়াছে একটা আত্মবিচ্ছেদ। যাহার ধর্ম সহজ সংস্কারের বশে চলা আমাদের মধ্যস্থিত সেই সচেতন অন্নময় পুরুষের (instinctive soul) সামর্থ্য হইতে দেহের সামর্থ্য অনেক কম; প্রাণের সামর্থ্য সংবেগময় সচেতন প্রাণময় পুরুষের (impulsive soul) সামর্থ্যের তুলনায় অতি অল্প, তেমনি মনের সামর্থ্য হইতে বুদ্ধি ও ভাবময় মনোময় পুরুষের (intellectual and emotional soul) সামর্থ্য অনেক বেশী। কারণ অন্তঃসংজ্ঞ অন্তরপুরুষ বা অন্তরাত্মার মধ্যে পরিপূর্ণরূপে নিজেকে পাইবার একটা অভীশা আছে, সুতরাং সাময়িকভাবে যে বিশিষ্ট আধারে তাহার অবস্থিতি, তাহাকে অতিক্রম করিয়া যাওয়াই তাহার প্রকৃতি; তাই আধারে যে শক্তি রহিয়াছে তাহাকে, এই অন্তরাত্মাই তাহার স্বাভাবিক সামর্থ্যের বাহিরে যাহা আছে তাহার দিকে, তাহার অনভ্যন্ত ও অজানিত পথে ঠেলিয়া দেয়। এইভাবে নিরন্তর ধাক্কার মধ্য দিয়া তাহার সামর্থ্যের বর্তমান দৈন্ত্য অবস্থা হইতে বৃহত্তর সামর্থ্য লাভ করিবার আহ্বান যখন আসে, তখন তাহাতে অধিকতরভাবে সাড়া দিতে গিয়া এ শক্তিকে বিশেষ বেগ পাইতে হয়। অন্তরস্থিত এই পুরুষ জ্বয়ের দাবি পূর্ণ করিতে গিয়া আধারশক্তি অনেক সময় হতবুদ্ধি হইয়া পড়ে এবং সংস্কারের সঙ্গে সংস্কারের, আবেগের সঙ্গে আবেগের, ভাবের সঙ্গে ভাবের, চিন্তাধারার সহিত চিন্তাধারার একটা সংঘাত বাধাইয়া দিতে বাধ্য হয়, তখন সে ইহাদের একজনকে খুসী করে, অপরকে বঞ্চিত করে, আবার অমৃতপ্ত হইয়া কৃতকর্মের ক্রটি সংশোধন করিতে গিয়া পূর্বাবস্থায় ফিরিয়া আসে, এইভাবে অবিশ্রান্তভাবে একটা গোঁজামিল দিতে, একটা আপোষরক্ষা করিতে, এক নূতনভাবে সাজাইতে চেষ্টা করে কিন্তু কিছুতেই সকলকে এক সূত্রে বাঁধিতে বা একত্রে সমন্বিত করিতে পারে না; আবার মনের যে শক্তির ইহাদিগকে সামঞ্জস্য ও মিলন করিবার কথা তাহা জানে এবং ইচ্ছাশক্তিতে যে সীমিত কেবলমাত্র তাহা নহে, কিন্তু তাহার জ্ঞান ও ইচ্ছার মধ্যে একটা অসমানতা বা তারতম্য আছে; আবার কেবল তাহাই নহে, প্রায়ই দেখা যায় যে এ দুইয়ের

মধ্যেও একটা বিরোধ রহিয়াছে। একেবারে তত্ত্ব বা শূন্য আছে অতিমানসে; কারণ সেখানেই সকল বহুত্বের মধ্যে সচেতন ভাবে একত্ব আছে। কেবল সেইখানে জ্ঞান ও ইচ্ছা সমান বা অল্পরূপ এবং তাহাদের মধ্যে আছে পূর্ণ-সামঞ্জস্য। কেবল সেইখানে চৈতন্য এবং শক্তি তাহাদের দ্বিবা একত্বে পর্য্যবসিত।

মাত্র যে পরিমাণে আত্মসচেতন এবং ঋটিভাবে মননশীল হইতে থাকে সেই পরিমাণে তাহার নিজের মধ্যস্থিত বিভিন্ন অংশের এই বৈবচ্য এবং বিরোধ তাহাকে পীড়া দিতে থাকে এবং সে একটা সর্বাঙ্গীন সামঞ্জস্য চায়—চায় দেহ, প্রাণ ও মনের সামঞ্জস্য; জ্ঞান, ইচ্ছা ও আবেগের সামঞ্জস্য; তাহার আধারের বিভিন্ন অংশের পরস্পর সামঞ্জস্য। সময় সময় কাজচলা গোছের একটা আপোষ রক্ষা, বাহাতে সাময়িক শান্তি ও স্বস্তি পাওয়া যায় তাহা করিতে পারিবেই এ ইচ্ছা থাকিয়া যায়, কিন্তু এরূপ আপোষ পথের মধ্যে শুধু একটু বিজ্ঞান, কেননা যে পরিপূর্ণ সামঞ্জস্তে বিভূত হইয়া আমাদের মধ্যকার বহুমুখী বিচিত্র সম্ভাবনা সকল পূর্ণরূপে বর্জিত ও পুষ্ট হইয়া উঠিবে, তাহা না পাইলে আমাদের অন্তর-দেবতা কিছুতেই তৃপ্ত হইতে পারে না। ইহার চেয়ে কম কিছু করিলে তাহা সমস্যাটিকে এড়ান মাত্র হইতে পারে সমাধান নহে, অথবা তাহা হইবে এমন একটা সাময়িক সমাধান যাহা আত্মার আরোহণ ও প্রসারণের অবিরাম পন্থা-পথে, কণকালের জন্য একটা বিজ্ঞান স্থান। এরূপ পরিপূর্ণ সামঞ্জস্য স্থাপনের মূল উপাদানরূপে চাই একটা পরিপূর্ণ মননশক্তি, একটা পরিপূর্ণ প্রাণশক্তি এবং একটা পরিপূর্ণ দেহ। কিন্তু অপূর্ণতা হইতেই বাহার উৎপত্তি দেখান। এরূপ পূর্ণতার তত্ত্ব বা শক্তি কোথায় মিলিবে? বিভক্ত করা এবং সীমা দেওয়াই যে মনের ধর্ম সে মন এ পূর্ণতা দিতে পারে না, প্রাণ এক দেহও ইহা দিতে অক্ষম, কেননা ইহারা সেই মনেরই বীর্ঘ ও কাঠামো। পূর্ণতার তত্ত্ব ও শক্তি অবচেতনের মধ্যে নিহতর মায়ার আবরণে আবৃত হইয়া আছে, অসিদ্ধ আদর্শ বা পুরুষার্থের একটা নির্বাক সূচনারূপে; অতিচেতনে নিত্য সিদ্ধ প্রকটরূপে তাহা অপেক্ষা করিয়া আছে কিন্তু আমাদের অজ্ঞানের আবরণ তাহা আমাদের দৃষ্টিতে দিতেছে না। সুতরাং সর্বসম্বন্ধকারী শক্তি ও জ্ঞানকে আমাদের সেই উপরের ক্ষুদ্রিতেই ধুঁজিতে হইবে, আমাদের এই বর্তমান প্রাকৃত বা তাহার নিহতর কোন ক্ষেত্রে নয়।

ঠিক তেমনি, মানুষের যেমন পরিণতি হইতে থাকে সে দেখিতে পায় যে যে জগতের সহিত তাহার সম্বন্ধ অজ্ঞান ও বিরোধ সমাকীর্ণ। এ জ্ঞানও তাহাকে অসহন পীড়া দিতে থাকে, এ সমস্ত নিরাকৃত করিবার জন্য সমস্ত শক্তি এবং এক্ষণের তত্বকে সে ক্রমশঃ বেশী করিয়া খুঁজিতে থাকে। কিন্তু ইহাও তাহার নিকট কেবল উপর হইতেই আসিতে পারে। কারণ বিশ্বাস-ভাবের চেতনায়ই ইহা সম্ভব এবং সিদ্ধ হইতে পারে। সে চেতনার অভ্যাসে মন এমন পুষ্ট ও বর্দ্ধিত হইবে যে সে অপরের মন নিজের মন বলিয়াই জানিবে, পরস্পরকে না জানিবার বা ভুল করিয়া জানিবার দোষ হইতে হইবে সে মুক্ত; এমন এক ইচ্ছা গঠিত হইবে যে অপরের ইচ্ছা নিজের ইচ্ছা বলিয়া অনুভব করিবে এবং নিজের ইচ্ছা তাহাদের সহিত এক করিয়া দেখিবে; এমন এক আবেগময় হৃদয় ফুটিয়া উঠিবে যাহা অপর হৃদয়ের ভাব ও আবেগ নিজের মধ্যেই দেখিতে পাইবে; এমন এক প্রাণশক্তি জাগিয়া উঠিবে যাহা অপরের প্রাণশক্তিকে অনুভব করিবে এবং নিজেকে সেই সমস্ত শক্তির সহিত এক করিয়া দেখিবে এবং অপরের জীবনকে নিজের জীবনের মতই পূর্ণ করিয়া তুলিতে চাহিবে; দেহও তখন নিজের কারাগার, অথবা জগতের হাত হইতে বাঁচাইবার জন্য প্রাচীর আর থাকিবে না। এ সমস্তই সম্ভব হইবে আলোক ও সত্যের এমন বিধানে যে আমাদের অথবা অপরের মনে, ইচ্ছায়, আবেগ ও প্রাণপ্রবৃত্তিতে যত ভ্রম ও প্রমাদ, যত পাপ ও মিথ্যা আছে সে সমস্ত অতিক্রান্ত ও অবলুপ্ত হইয়া যাইবে কেবল এই ভাবেই মানুষের জীবন শুধু অধ্যাত্মভূমিতে নয় প্রাকৃত ব্যবহারের ক্ষেত্রেও অল্প সকল জীবনের সঙ্গে এক হইয়া যাইতে পারে; এই ভাবেই ব্যক্তিগত তাহার নিজের বিশ্বাস-লভ্য পৌছিতে পারে। অবচেতনে এই সর্বাঙ্গভাব আছে আর আছে অতিচেতনায়; কিন্তু আমাদের উৎকর্ষিত দ্বারা সে ভাবে পৌছান যাইবে ইহাই বিধি। কারণ যে মূল প্রেরণা পরিণামশীল অন্তরাত্মাকে উৎকর্ষিতর কলে মনুষ্যলোকে আনিয়া পৌছাইয়া দিয়াছে তাহার অভিধান নয় সেই ব্রহ্মের নিকে যিনি ‘অপ্রকৃত সলিলে তম যেখানে গুচ্ছ হইয়া আছে তম\* বার’ ( অর্থাৎ নিশ্চেতনের সমুদ্রে যেখানে অন্ধকার অন্ধকারের মধ্যেই ঢাকা পড়িয়াছে ) সেখানে

আবরণে আবৃত হইয়া গোপন ভাবে অধস্থিত আছেন, পরন্তু তাহার অভিমান সেই এক্ষের দিকে যিনি আমাদের সম্ভার পরম ব্যোমে জ্যোতির সমুদ্রে\* সমাসীন হইয়া আছেন।

এই অগ্রগতির পথে মানব জাতির যদি পদাঙ্কন না হয়, পথ পার্শ্বে যদি তাহাকে পড়িয়া থাকিতে না হয় এবং তৎকালে আকৃতিচঞ্চলা বেদনাধিষ্ঠিতা বিশ্বজননীকে নূতন সৃষ্ট অস্ত্র কোন জীবের হাতে জয়পতাকা যদি তুলিয়া দিতে না হয়, তাহা হইলে মানুষকে এই উত্তরায়ণের পথে অগ্রসর হইবার অভিলাষ ফুটাইয়া তুলিতে হইবে; তাহাকে চলিতে হইবে বটে মনের আলোকে, প্রেমের ধারায় প্রাণের আশ্রয়ান ও অধিকারস্বত্বের আবেগে, কিন্তু এ সকল অতিক্রম করিয়া আরো চলিতে হইবে, তার পরেও যে অভিমানস দেহ মন ও প্রাণকে অতিক্রম করিয়া বর্তমান আছে এবং একমাত্র যাহা এ সমস্ত পরিপূর্ণ করিয়া তুলিতে পারে সেই অভিমানসের এক্ষের ভূমিতে তাহাকে উদ্ভীর্ণ হইতে হইবে। এই অভিমানস সিদ্ধিতে আমাদের সম্ভার সমগ্রতায় এবং সকল মানবের সহিত পরম একের সচেতন মিলন ও একত্ব বোধে মানবজীবনকে প্রতিষ্ঠিত করা তাহার পরম পুরুষার্থ এবং পরম মুক্তি, ইহাই তাহার পরম কাম্য। জীবনে উর্দ্ধগতির পথে ভগবানের দিকে পৌছিবার এই অবস্থা ত্বরায় বা চতুর্থ অবস্থা রূপে বর্ণিত হইয়াছে।

## ত্রয়োবিংশ অধ্যায় মানবাত্মার দ্বিবিধরূপ

এই পুরুষ যিনি অন্তরাত্মা তিনি অদৃষ্ট পরিমাণ মাত্র।

কঠোপনিষদ (৪।১২)

শ্বেতাশ্বতর উপনিষদ (৬।১৭)

যিনি জীবনের এই মধুপায়ী আত্মাকে ভূত ও ভব্যের  
ঈশান বলিয়া জানেন তাহার আর জুগুপ্সা থাকে না।

কঠোপনিষদ (৪।৫)

যিনি সর্বত্র একস্থ দেখেন তাহার কি মোহ কিই বা  
শোক ?

ঈশোপনিষদ (৭)

যিনি আনন্দ ব্রহ্মকে জানিয়াছেন তাহার আর কোথা  
হইতেও ভয় নাই।

তৈত্তিরীয়োপনিষদ (২।৯)

আমরা জীবনের প্রথম স্থিতিকে এক মুক নিশ্চেষ্টন জড়শক্তির আবেগ  
ও উজ্জ্বল রূপে, জড় বা আণবিক সত্তার মধ্যে সংবৃত এক ইচ্ছাশক্তির আকারে  
দেখিয়াছি; তাহার স্বাধীনতা নাই, নিজেকে নিজে লাভ করে নাই, তাহার  
নিজের ক্রিয়া বা তাহার ফল কি তাহা সে জানে না, বিযুক্তিয়া বা শক্তির  
দ্বারা সে একান্তভাবে বিধ্বত, তাহারই মধ্যে ব্যাটীচেতনার এক অগঠিত অস্পষ্ট  
বীজরূপে সে আগিয়া উঠিতেছে। দ্বিতীয় স্থিতির মূল হইল বাসনা, এখানে  
প্রাণ আত্মসাৎ করিতে ব্যগ্র কিন্তু তাহার সামর্থ্য সীমাবদ্ধ। তৃতীয় পর্বে  
প্রেমের প্রসূন দেখা দিয়াছে, অধিকার করিবার এবং অধিকৃত হইবার, নিজেকে  
প্রদান ও অপরকে গ্রহণ করিবার অভীশা আগিয়াছে। জীবনের চতুর্থ পর্বে পূর্ণ-  
তার প্রতীক সেই আদিম ইচ্ছাকুসুম পরিভক্ত, পরিণত ও পূর্ণ প্রাক্কটিত স্তম্ভর রূপ  
ধরিয়াছে দেখিতে পাই। দ্বিতীয় পর্বে যে বাসনা আগিয়াছিল এখানে তাহার  
জ্যোতির্ময় পরিপূর্ণতার ও সকলতার পরিচয় পাওয়া গিয়াছে; তৃতীয় পর্বে

যে সচেতন প্রেমের আদান প্রদান চলিয়াছিল এই ভূমিতে সেই ভোগ্য ভোক্তার সঙ্কল্প পরম একের সহিত সকল আস্থার দিব্য মিলনের মধ্যে মহাতৃষ্ণি এবং গভীরতম আনন্দে পর্য্যবসিত হইয়াছে ; বহুর এই পরম একত্ব বোধই অতিমানস স্থিতির মূল ভাব। যদি আমরা গভীর ভাবে পর্য্যবেক্ষণ করি তবে দেখিব আমাদের অন্তরগুরুত্বই জীবনের এই সমস্ত স্থিতিরূপে নানা আকার ও অবস্থার মধ্য দিয়া ব্যাপ্তি ও সমষ্টিভাবে পরমানন্দকে খুঁজিতেছে। জীবনের উত্তরাংশ ও ক্রমবিকাশ ব্রহ্মানন্দের উত্তরাংশ এবং ক্রমবিকাশ ; জড়ে তাহার নির্বাক অব্যক্ত সূচনা, তাহার পর নানা দৃশ্য ও অবস্থা বিপর্য্যয়ের ভিতর দিয়া তাহারই দিব্য জ্যোতির্ময় স্বরূপানন্দে ইহার পরম পর্য্যবসান।

এ জগৎ যেকূলে আছে তাহাতে সে অস্ত্র কিছু হইতে পারে না, কারণ ইহা সচ্চিদানন্দেরই এক ছদ্ম রূপ এবং সচ্চিদানন্দের চৈতন্ত্যের প্রকৃতিই দিব্য এক সর্বব্যাপী আনন্দস্বরূপ সূতরাং যে শক্তি তাহাতে স্বভাবতঃ আত্মপ্রতিষ্ঠা, আত্মক্রিয়, তাহাও হইবে আনন্দস্বরূপ। প্রাণ তাহারই চিৎশক্তির বীর্ঘ বলিয়া তাহার সকল ক্রিয়ার মধ্যে সর্বগত এক গোপন আনন্দ থাকিবেই, বস্তুতঃ সেই আনন্দই একাধারে প্রাণের উৎপত্তির কারণ তাহার সকল গতির প্রবর্তক এবং সকল ক্রিয়ার উদ্দেশ্য। অহংকারের দ্বারা বিভাগ ও খণ্ডতার জন্ত সে আনন্দ যদি হারায়া যায়, যদি তাহা আবরণের আড়ালে লুকাইয়া পড়ে, এমন কি যেমন সত্তা মৃত্যু দ্বারা ঢাকা পড়ে, চৈতন্ত্য দেখা দেয় অচৈতন্ত্যের আকারে, শক্তি অসামর্থ্যের ছদ্মবেশে আসিয়া নিজেকেই বিক্রপ করে, তেমনি সে আনন্দ যদি নিজের বিপরীত নিরানন্দ রূপেও দেখা দেয়, তবুও যাহারই প্রাণ আছে সে যতক্ষণ এই সার্বভৌম আনন্দের সাক্ষাৎলাভ না করে, ততক্ষণ তৃপ্ত বা কৰ্ম হইতে নিবৃত্ত হইতে পারে না অথবা তাহার কৰ্ম ততক্ষণ পর্য্যন্ত পূর্ণতা প্রাপ্ত হয় না ; কারণ সেই সার্বভৌম আনন্দ যেমন তাহার সত্তার অন্তর্গত অখণ্ডানন্দ, তেমনি তাহা বিশ্বাতীত এবং বিশ্বগত সচ্চিদানন্দের আদি, সর্বগত, সর্বাধার এবং সর্বপ্রকাশক আনন্দ। এইজন্ত আনন্দকে খোঁজাই জীবনের সকল আবেগের মূল, তাহাই তাহার মর্ম্মকথা ; আনন্দকে পাওয়া, অধিকার করা ও পূর্ণ করিয়া তোলার ইচ্ছা ও আকাঙ্ক্ষাই তাহার সকল কৰ্ম্মের একমাত্র প্রবর্তক।

কিন্তু আমাদের মধ্যে এই আনন্দ ভ্রমের স্থান কোথায় ; বিপর্য্যাস্থায়



চিৎশক্তি যেমন প্রাণকে প্রকাশ ও ব্যবহার করিতেছে এবং যেমন অতিমানস মনকে ছুটাইয়া তুলিয়া তাহার মধ্য দিয়া ক্রিয়া করিতেছে তেমন ভাবে আমাদের আধারের মধ্যস্থিত কোন্ তত্ত্বের মধ্য দিয়া আনন্দ প্রকাশ পায় এবং নিজেকে পূর্ণ করিয়া তোলে? বিশ্বশ্রুতি দিব্যপুরুষের মধ্যে আমরা চারিটা বিভাব দেখিয়াছি—সৎ, চিৎশক্তি, আনন্দ এবং অতিমানস। আরও দেখিয়াছি যে অতিমানস জড় বিশ্বের মধ্যে সর্বব্যাপী কিন্তু আবরণে ঢাকা; প্রতিভাসের পশ্চাতে লুকায়িত থাকিয়াই তাহার শক্তি ক্রিয়া করে এবং বাহিরে কার্য সম্পাদনের জন্ত তাহার নিজের গৌণশক্তি মনকে ব্যবহার করে। তরুণ জড়জগতের মধ্যে দিব্য চিৎশক্তি সর্বত্র বর্তমান কিন্তু প্রচ্ছন্ন ভাবে, প্রতিভাসের প্রতিব্যাপারে গোপন ভাবে তাহা ক্রিয়াশীল কিন্তু এ জগতে তাহার বিশেষ প্রকাশ তাহার নিজের গৌণবিভূতি প্রাণের মধ্য দিয়া। এখনও জড়ের তত্ত্ব বিশেষ ভাবে আলোচনা করা না হইলেও আমরা ইহা দেখিতে পাই, দিব্য সর্বসত্তা জড়বিশ্বের সর্বত্র প্রচ্ছন্ন ভাবে অবস্থিত এবং প্রতিভাসের পশ্চাতে লুকায়িত আছেন, তাহার প্রথম প্রকাশ হয় তাহারই গৌণ বিভূতি স্বরূপ জগতের উপাদান বা সত্তা ও পদার্থের আকার রূপে। তাহা হইলে ঠিক তেমনি ভাবে দিব্য আনন্দতত্ত্বও জগতের সর্বত্র অদৃশ্যত আছে, গোপন ভাবে বটে কিন্তু প্রতিভাসের পশ্চাতে আত্মপ্রতিষ্ঠিত থাকিয়া তাহারই নিজের কোন গৌণ বিভূতির মধ্য দিয়া আমাদের মধ্যে তাহার প্রকাশ চলিতেছে; সেই গৌণ বিভূতির মধ্যে লুকায়িত আনন্দকে তাহা ধারাই আবিষ্কার এবং জাগতিক ক্রিয়ার মধ্যে লাভ করিতে হইবে।

ইহা সেই তত্ত্ব যাহাকে কখন কখন বিশেষ অর্থে আত্মা (soul) নামে অভিহিত করা হয়; অর্থাৎ ইহা সেই আত্মতত্ত্ব যাহাকে প্রাণ বা মন বলা চলে না, দেহ বলা ত চলেই না, অথচ যাহা এ সমস্তের যে মূলভাব আলোক, প্রেম, সৌন্দর্য এবং সত্তার শুদ্ধ স্বরূপের দিকে, তাহাদের প্রত্যেকের বিশিষ্ট আত্মানন্দ অল্পসারে উল্লিখিত ও প্রস্ফুটিত হইয়া উঠিতেছে, সে সমস্ত নিজের মধ্যে ধারণ করিয়া রহিয়াছে। বস্তুতঃ যেমন বিশ্বের অন্ত সকল তত্ত্ব আমাদের মধ্যে ছইরূপে আছে তেমনি আমাদের আত্মা বা চৈতন্যসত্তারও ছই রূপ আছে। মনের ছইটীরূপ, একটা যাহার পরিণতি চলিতেছে সেই

ব্যক্তি অহংএর বহিস্কর মন, এ বাহ্যমন জড় হইতে আমাদের বে চেতনা মুক্ত হইয়াছে তাহার দ্বারা সৃষ্ট। দ্বিতীয়টি অধিচেতন মন বাহ্য আমাদের এই বস্তুতাত্ত্বিক মনোময় জীবনের বা তাহার কঠোর সীমার দ্বারা ব্যাহত বা বদ্ধ নহে, এ বৃহত্তর মন অধিকতর শক্তি ও আনন্দের আধার; যে বাহ্য মনোময় ব্যক্তিকে আমরা আমাদের নিজের স্বরূপ বলিয়া ভুল করি ইহা তাহার অন্তরালে অবস্থিত খাটি মনোময় পুরুষ। তদ্রূপ আমাদের দুইটি প্রাণ আছে, একটি বাহ্যপ্রাণ যাহা দেহের সহিত জড়িত, জড়ের মধ্যে তাহার যে পরিণতি হইয়া আসিতেছে তাহা দ্বারা বদ্ধ, এ প্রাণ এখন বাঁচিয়া আছে, একদিন জন্মিয়াছিল আবার একদিন মরিবে; আর একটি প্রাণ আছে যাহা অধিচেতনারই এক শক্তি, জড়ে জন্ম ও মৃত্যুর সীমার মধ্যে তাহা সঙ্কুচিত ও বদ্ধ নয়, জীবনের যে রূপকে আমরা ভুল করিয়া আমাদের সত্য প্রাণসত্তা মনে করি তাহার পশ্চাতে অবস্থিত এই প্রাণই আমাদের খাটিপ্রাণ। এমনকি আমাদের অন্নময় বা জড় সত্তাতেও এ স্নেহ আছে আমাদের স্থূলদেহের পশ্চাতে এক সূক্ষ্মতর জড় সত্তা আছে, তাহা কেবল অন্নময় কোষের নয় প্রাণময় ও মনোময় কোষেরও উপাদান যোগাইতেছে; আমরা ভুল করিয়া যে স্থূল জড় রূপকে আমাদের আত্মার সমগ্র দেহ মনে করি তাহাকেও আমাদের খাটি উপাদান রূপ এই সূক্ষ্ম সত্তা ধারণ করিয়া আছে। তেমনি আমাদের জীবচেতনার বা চৈত্য সত্তার ও দুইটি রূপ আছে একটি বহিস্কর কামময়পুরুষ যাহা আমাদের বাসনা, আবেগ, সৌন্দর্য্যবোধ ও মননশক্তির মধ্যে ক্রিয়া করে এবং শক্তি, জ্ঞান এবং সুখ চায়; অপরটি জ্যোতি, প্রেম, আনন্দ, এবং শুদ্ধ সত্তার বিমল শক্তিতে বিভূষিত অধিচেতন জীবসত্তা বা চৈত্যপুরুষ; সাধারণতঃ যে বাহ্য সত্তাকে আমরা জীবচেতনার মর্যাদা দান করি তাহার অন্তরালে অবস্থিত এই অন্তরপুরুষই আমাদের খাটি অন্তরাত্মা (soul)। এই শুদ্ধতর এবং মহত্তর পুরুষের জ্যোতি যখন কাহারও বাহ্যজীবনে আসিয়া কিছু প্রতিফলিত হইতে দেখি তখন আমরা বলি যে এ লোকটার অন্তরাত্মা আছে, বাহিরে যখন সে জ্যোতির কোন প্রকাশ না থাকে তখন বলি লোকটার অন্তরাত্মা নাই।

আমাদের সত্তার বহির্ভাগে যাহা প্রকাশ পাইতেছে সে সমস্ত আমাদের

হুস্ন স্বরূপের সত্যরই রূপরাজি। অধিচেতনার আশ্রয়ের বৃহত্তর এবং ঋণী ব্যক্তির কল্যাণ। আমাদের এই গোপন অংশে আমাদের ব্যক্তিচেতনা বিশ্বচেতনার সঙ্গীপকর্তা, তাহার স্পর্শ সে লাভ করে, উভয়ের মধ্যে নিত্য সহজ এবং ভাবের আদান প্রদান আছে। আমাদের অধিচেতন মনে কির মনের আত্মার পড়িতে এবং অধিচেতন প্রাণে বিশ্বজ্ঞানের শক্তি ও বীৰ্য্যের আবেশ আসিতে পারে, অধিচেতন দেহও বিরাট বিশ্বজড়ের শক্তিবাহ্যের খেলায় সাক্ষা দিতে পারে। আমাদের প্রাকৃত দেহ মন প্রাণের চারিদিকে যে কঠিন চদওদাল আছে তাহা, এসমস্ত হইতে তাহাদিগকে পৃথক করিয়াই রাখে; বিশ্বপ্রকৃতি অতিক্রমে অসম্পূর্ণ ভাবে তাহা ছনিপুণ কতকগুলি স্থল উপায়ে স্নান ভেদ করিতে পারে; অধিচেতনের উপরকার আবরণ অতিস্থল তাহা যেমন একদিকে পৃথক রাখে তেমনি অন্যদিকে যোগসাধনের উপায় উপাদান হয়। তদ্রূপ বিশ্বাত্মা নিজের স্বরূপ সত্য, তাহার প্রকাশ রূপী অনন্ত কোটি আত্মার সত্য এবং প্রকৃতির খেলা এবং পরিণতির ক্ষেত্রে দেহমন ও প্রাণের ক্রিয়াধারার ধা ধরা যে আনন্দ ভোগ করেন, অধিচেতন পুরুষ সেই সার্বভৌম আনন্দের নিকট নিজেকে খুলিয়া ধরিতে পারে। কিন্তু বহিষ্ঠর কামপুরুষ অহংকারের অতি স্থল প্রাচীর দ্বারা বিচ্ছিন্ন বলিয়া এ বিশ্বানন্দ হইতে বঞ্চিত; যদিও সে প্রাচীরের গায়ে প্রবেশের দ্বার কিছু আছে কিন্তু সে দিব্য আনন্দ সে পথে প্রবেশ করিতে গেলে খর্বকায় হইয়া পড়ে, বিকৃত হয় অথবা তাহাকে তাহার বিরোধী ভাবের ছদ্মবেশে আসিতে হয়।

ইহা হইতে এই সিদ্ধান্ত হয় যে বহিষ্ঠর বা কামময়পুরুষের মধ্যে আত্মার সত্য জীবন দেখিতে পাওয়া যায় না; যাহা পাওয়া যায় তাহা চৈতন্যসত্তার বিকৃত রূপ; বিশ্বের সংস্পর্শ সে ঋণীভাবে গ্রহণ করিতে পারেনা; ব্যক্তিজীব যে তাহার সত্য আত্মাকে জানেনা ইহাই ভবরোগ, আবার এই রোগের মূল কারণ এই যে বাহ্য পদার্থ সমূহকে আলিঙ্গন পাশে বন্ধ করিয়াও বাহ্যর মধ্যে সে বাস করে, সেই রূপের প্রকৃত আত্মার সাক্ষা পায় না। এই সত্য সত্য, শক্তি, চৈতন্য এই আনন্দের মূলধরকে ঘোঁষে কিন্তু তৎপরিবর্তে লাভ করে রাশি রাশি তাহাদের বিরোধী স্পর্শ ও অহংকার। এই স্বরূপপ্রকৃতি পাইলে সে দেখিতে পাইত এই সমস্ত স্পর্শ ও অহংকার

যথেষ্ট এক সার্বভৌম সচেতন সত্তা এবং তাহার শক্তি ও আনন্দ বর্তমান আছে, তখন আত্ম বাহা তাহার নিকট বিরোধী বোধ হইতেছে তাহাও সেই সমস্ত লব্ধ সম্পর্কের অন্তর্ভুক্ত সত্যে পূর্ণভাবে সমন্বিত ও মিলিত হইয়া একত্ব লাভ করিত। সেই সঙ্গে সে তাহার খাটি অন্তরাঙ্গাকে চিনিতে পারিত কারণ অন্তরাঙ্গা দিব্য জীবান্দারই প্রতিকূ এবং জীবান্দা এবং বিবান্দা একই তত্ত্ব। কিন্তু তাহার অহংকারবিশুদ্ধতা তাহাকে এ অহংভূতি পাইতে দেয় না; এই অহংকার তাহার মনের চিন্তা, জ্ঞানের সকল ভাব ও আবেগ এমনকি ইন্দ্রিয়বোধ পর্যন্ত আচ্ছাদিত করিয়া বর্তমান আছে; তাই বেদ মন প্রাণে জগতের স্পর্শে যে সাড়া জাগে তাহাতে সাহসের সহিত সমস্ত জ্ঞান দিয়া বিশ্বকে আলিঙ্গনের সামর্থ্য তাহার থাকে না, সে স্পর্শে জাগে শুধু কখন তৃপ্তি কখনও অতৃপ্তি, কখনও আরাম কখনও ভীতি, কখনও খুসি কখনও বিরক্তি এবং তদন্তসারে কখনও সে বিষয়ের দিকে অগ্রসর হয় কখনও বা সঙ্কুচিত হইয়া সরিয়া আসে, কখনও বা ধীরপদক্ষেপে কখনও বা আকুল ও প্রচণ্ডবেগে বিষয়ের উপর গিয়া পড়ে আবার কখনও বা ক্রোধে, জ্বাশে বা স্কন্ধ বিরক্তিতে জুগুপ্সাভরে দূরে সরিয়া যাইতে চায়। জীবনকে এইরূপ ভুলভাবে গ্রহণ করিয়া কামময় পুরুষ বিশ্বের অন্তর্নিহিত রস বা আনন্দকে ত্রিধা ভাবে বিকৃত করিয়া ফেলে। তাহার কলে সত্তার স্বরূপানন্দ মৃষ্টিমন্ত না হইয়া তাহা স্থখ, দুঃখ বা উদাসীনতার ত্রিকল্পের ভিতর দিয়া বি-সমরূপে তাহার কাছে উপস্থিত হয়।

যখন আমরা ত্রৈলোক্যের আনন্দময় সত্তার সহিত জগতের সম্বন্ধের কথা আলোচনা করিয়াছি তখন দেখিয়াছি যে স্থখ, দুঃখ এবং উদাসীনতার অনন্তসাপেক্ষ (absolute) স্বাভাবিক এবং অকাট্য কোন মান (standard) বা পরিমাণের উপায় নাই। যে চৈতন্ত ইহাদিগকে গ্রহণ করে তাহার উপর ইহা পূর্ণরূপে নির্ভর করে। স্থখ অথবা দুঃখ উভয়ের বোধ বা পরিমাণ হ্রাস অথবা বৃদ্ধির চরম সীমায় পৌছাইয়া দেওয়া অথবা স্থখদুঃখের আপাতপ্রতীয়মান প্রকৃতিকে একেবারেই মুছিয়া ফেলা যায়। স্থখকে দুঃখে অথবা দুঃখকে স্থখে রূপান্তরিত করা যায়। কারণ তাহাদের গোপন সত্তার উভয়ই স্বরূপতঃ এক পদার্থ, বোধে ও আবেগে ক্রিয়রূপে প্রকাশ হয় স্বাভাৱ। মন, ইন্দ্রিয়বোধ, আবেগ বা বাসনার মধ্যের ক্রমের দিকে ক্রম-

পুরুষের অনবধানতা অথবা সে রস গ্রহণ বা তাহাতে সাড়া দেওয়ার অসামর্থ্যের জন্য উদাসীনতা দেখা দিতে পারে ; কামময় পুরুষ যদি তাহার বহিষ্কৃত মন দিয়া সাড়া দিতে অস্বীকার করে কিম্বা সুখ বা দুঃখ কিছুই গ্রহণ করিব না এই বলিয়া যদি ইচ্ছাশক্তি দ্বারা সুখ ও দুঃখের অহুতৃতিকে ভাঙ্গিয়া বা বহিষ্কৃত করিয়া দেয় তবে তাহাতেও উদাসীনতা আসিয়া পড়িতে পারে। এই সমস্ত ক্ষেত্রে যাহা ঘটে তাহা এই যে রসবোধ সর্বদা অধিচেতনে বর্তমানে থাকে ; অস্বীকার করা, প্রস্তুত না থাকা বা সামর্থ্যের অভাব থাকা প্রভৃতি যে কোন ভাবে আহুক না কেন উদাসীনতার জন্য তাহা বহিষ্কৃতনার শুধু ফুটিয়া উঠে না।

আধুনিক মনোবিজ্ঞানের পর্যবেক্ষণ ও পরীক্ষা হইতে জানা গিয়াছে যে আমাদের বহিষ্কৃত মন পদার্থের যে সমস্ত স্পর্শের কোন খবর রাখে না। অন্তর্দৃষ্টিতে মনে তাহারও অল্পভব ও স্মৃতি সঞ্চিত থাকে, তেমনি দেখিতে পাই বহিষ্কৃত মন কামময় পুরুষ যে সমস্ত বিরাগভরে বর্জন করে অথবা উদাসীনতার জন্য উপেক্ষা করিয়া গ্রহণ না করে, অধিচেতন পুরুষ তদুপায়ে রস বা অভিজ্ঞতার সারভাগে সাড়া দেয় এবং তাহার আশ্বাদ গ্রহণ করে। আমাদের বাহ্যসত্তার অন্তরে প্রবেশ করিতে না পারিলে আত্মজ্ঞানলাভ অসম্ভব, কারণ এ বাহ্যসত্তার শুধু আমাদের বাহিরের অভিজ্ঞতা হইতে নির্বাচিত কিছু সংগ্রহ করা মাত্র আছে ; এ অপূর্ণ যন্ত্রে আমাদের মধ্যের সকল স্তর বন্ধ হইয়া উঠিতে পারে না, আমাদের মধ্যে যে বিশালতা আছে তাহার অতি সামান্য এক অংশের অহুবাদ মাত্র ইহাতে পাওয়া যায়, আবার সে অহুবাদটুকুও অপটু ভাবে অসম্পূর্ণরূপে তাড়াতাড়িতে করা ; এই বাহ্যভাবে অতিক্রম করিয়া যদি আমাদের অহুসন্ধানের শক্তিকে অবচেতন সমুদ্রের গভীরে প্রেরণ করিতে পারি অথবা অতিচেতনার বিশাল উন্মুক্ত অধরে নিজদিককে মেলিয়া ধরিতে না পারি, তবে আমাদের বাহ্যজীবনের সহিত তাহাদের সম্বন্ধ কি তাহা জানিতে পারিব না, অথবা সে বিশালতার সহিত আমাদের পরিচয় হইবে না। আমাদের আগ্রহচেতনা, অবচেতনা এবং অতিচেতনা এই তিন ভূমি আমাদের সত্তার বিচরণ ক্ষেত্র এবং সমগ্রভাবে নিজেই জানিতে হইলে এই তিনের মধ্যে তাহাকে খুঁজিতে হইবে। আমাদের মধ্যে যাহা অতিচেতন তাহা বিশ্বাস্য সহিত একীভূত, প্রতিভাসের বৈচিত্র্যের শাসনের অধিকার সেখানে নাই, তাই বস্তুর স্বরূপসত্য ও আনন্দের বিশালতার

তাহার পূর্ণ অধিকার আছে। পক্ষান্তরে আমরা বাহাকে অবচেতন। বলি এবং বাহ্যিক জ্যোতির্ময় মস্তককে অন্তচেতন। নাম দেওয়া হয়, তাহার অল্পভব ও অভিজ্ঞতার অধিকার নাই তাহা অল্পভবের যন্ত্র মাত্র; তাহা বিশ্বাত্মার সহিত কার্যতঃ একীভূত নয় কিন্তু বিশ্বাত্মভবের মধ্য দিয়াই সে নিজেকে তাহার দিকে মেলিয়া ধরিতে পারে। অধিচেতন পুরুষ অন্তরে পদার্থের মূল রসের সম্বন্ধে সর্বদা সচেতন তাই সকল স্পর্শেই সে সমান আনন্দ পায়; বহিষ্কৃত কাম-পুরুষের কাছে সর্বপদার্থের যে মূল্য ও মান আছে তাহাও সে জানে এবং সুখ দুঃখও উদাসীনতা বাহার। জাগায় তাহাদের স্পর্শ নিজের বহির্ভাগে সে গ্রহণ করে কিন্তু সকলের মধ্যে সমান আনন্দ অল্পভব করে; অর্থাৎ আমাদের খাটি অন্তরাত্মা সকল অভিজ্ঞতাতেই আনন্দিত হয় এবং তাহা হইতে শক্তি, আনন্দ এবং জ্ঞান আহরণ করিয়া নিজ ভাণ্ডার প্রাচুর্য্যে ভরিয়া তোলে। আমাদের এই অন্তরপুরুষই সঙ্কুচিত কামময় চিত্তকে দুঃখস্বীকার করিতে এমন কি দুঃখের মধ্যে সুখ খুঁজিতে ও পাইতে অথবা সুখকরকে বর্জন করিতে বাধ্য করে। ইহাই মনের কাছে পদার্থের যে মূল্য আছে তাহার রূপান্তর ঘটায় এমন কি সম্পূর্ণ উল্টা মূল্য নির্ধারণ করায়। উদাসীনতার দ্বারা সকলের মধ্যে সমান আনে অথবা বিশ্ববৈচিত্র্যের আনন্দের মধ্যে সকলকে সমান করিয়া ফেলে—ইহা সে করে বিশ্বাত্মার অল্পপ্রেরণায়, সমস্ত প্রকার অভিজ্ঞতার দ্বারা তাহার প্রকৃতিকে পুষ্ট করিবার জন্য। নতুবা আমরা যদি শুধু বহিষ্কৃত কামময় পুরুষের দ্বারা পরিচালিত হইয়া বাস করি তাহা হইলে উদ্ভিদ বা প্রস্তরের মত আমাদের কোন পরিবর্তন বা অগ্রগতি থাকিবে না; উদ্ভিদ বা প্রস্তরের মধ্যে প্রাণ বাহিরে সচেতন নয় বলিয়া তুতান্তর্ধ্যামী আত্মা তাহাদের গতিহীনতা বা গতানু-গতিকতার মধ্যে এমন কোন যন্ত্র এখনও পায় নাই, বাহা দ্বারা যে বাধাধরা সঙ্কীর্ণ সীমার মধ্যে তাহারা জাত এবং আবদ্ধ, তাহা হইতে তাহাদের জীবনকে মুক্ত করিতে পারে। কামপুরুষকে আপনভাবে চলিতে দিলে সে ইহাদেরই মত একই খাতে চিরকাল খুরিতে থাকিবে।

প্রাচীন দার্শনিকগণের মতে সত্য এবং মিথ্যা, শক্তি এবং অসামর্থ্য, জ্ঞান ও মরণের দ্বৈত দ্বন্দ্বের ধারণার মত, সুখ দুঃখের মধ্যে অবিচ্ছেদ্য একটা সম্বন্ধ আছে অর্থাৎ ইহাদের একটি না থাকিলে অপরটি থাকিতে পারে না। তাই তাহাদের

মতে ইহাদের হাত হইতে রক্ষা পাইবার একমাত্র উপায় সম্পূর্ণ উদাসীনতা অর্থাৎ বিশ্বসত্তার কোন উত্তেজনা বা অভিঘাতে সাড়া না দেওয়া। কিন্তু মনোবিজ্ঞানের স্মরণে জানে দেখা যায় যে এইমত শুধু বাহ্য বা বহিরঙ্গ তথ্যের উপর প্রতিষ্ঠিত, এবং স্বর্ধ হৃৎকের সমস্ত সমাধানের অন্য উপায়ও আছে। আমাদের খাটি অন্তরপুরুষকে বহিঃচেতনায় আনিতে পারিলে, অহং এর সৃষ্ট স্বর্ধ ও হৃৎকের স্বর্ধ ও মানের আসনে এক সর্বগ্রাহী সমরস আনন্দকে বসান যায়, যাঁহা যুগপৎ ব্যক্তিক ও নৈর্ব্যক্তিক। প্রকৃতির প্রেমিক ভয় বা জুগুপ্সা, অত্মরক্তি বা বিরক্তি দ্বারা পরিচালিত না হইয়া প্রকৃতির সর্বপদার্থে যখন তুল্য আনন্দ অল্পভব করে তখন সে ইহাই করে; যাঁহা অপরের কাছে তুচ্ছ ও অকিঞ্চিৎকর, নষ্ট ও বন্য, জুগুপ্সিত এবং ভয়ঙ্কর তাহার মধ্যেও তখন সে সৌন্দর্য্য দেখিতে পায়। কবি বা শিল্পীও এইভাবে ভাবোচ্ছ্বাসে, বহিঃসৌন্দর্য্যের রূপ রেখায়, সৌন্দর্য্যের মানসরূপের মধ্যে এই সার্বভৌম রসকে ধোঁজে। সাধারণ লোক বাহ্যতে স্বর্ধবোধে আকৃষ্ট হয় অথবা যাঁহা ছাড়িয়া দূরে পলাইতে চায় উভয়ই, সে সমস্তের অন্তরের বোধ এবং শক্তিতে তাঁহারা সেই রসেরই অত্মসন্ধান করে। সর্বত্র তাঁহার প্রেমাস্পদকে দেখিতে পায় এমন ভগবদপ্রেমিক, জ্ঞানলিপ্সু, অধ্যাত্ম পথের পথিক, বুদ্ধিজীবী, ভোগী বা সৌন্দর্য্যের উপাসক সকলেই নিজ নিজ পথে এইভাবে চলে এবং জ্ঞান, সৌন্দর্য্য, আনন্দ অথবা ভগবদত্মসন্ধানের পথে সিদ্ধিলাভ করিতে গেলে এইভাবে চলিতেই হইবে। কেবল আমাদের যে অংশে সূত্র অহং সাধারণতঃ এত শক্তিশালী যে আমাদের গতিতে করিয়া ফেলিতে পারে, আমাদের উচ্ছ্বাসময় বা দৈহিক আরাম এবং যন্ত্রণা অথবা প্রাপ্তের স্বর্ধ ও হৃৎক বোধের ক্ষেত্রে, যেখানে ইহাদের প্রবলতার সম্মুখে আমাদের কামময় পুরুষ অতি দুর্বল বা কাপুরুষ, সেই অংশে বা সেই ক্ষেত্রে এই দ্বিব্য জীবন বা উপায়ের প্রয়োগ অত্যন্ত দুর্বল হইয়া পড়ে; এমনকি অনেকের কাছে তাঁহা অসম্ভব অথবা বিকৃত এবং জুগুপ্সিত মনে হয়। এখানে অজ্ঞানতার জন্য অহং নৈর্ব্যক্তিকতা বা সাক্ষী চেতনার তত্ত্বকে প্রয়োগ করিতে ভয় পায় যদিও বিজ্ঞানে, শিল্পে, এমন কি অপূর্ণভাবে আধ্যাত্মিক জীবনধারণের কোন কোন ক্ষেত্রে সে এ ভয়ের প্রয়োগে তেমন অতি কঠিন বাধা দেখিতে পায় না। কারণ এ নৈর্ব্যক্তিকতা বহিঃচেতনের সযত্নপালিত বাসনাগুলিকে আকর্ষণ করে না,

অথবা যে সমস্ত বাসনায় বাহ্যজীবন একান্তভাবে অহরন্তর তাহাতে বহিস্কৃত হন যে মূল্য অর্পণ করে, তাহাকেও ব্যাহত করে না। ইহাতে আমাদের মধ্যে চৈতন্য এবং ক্রিয়ার অপেক্ষাকৃত নিখুঁত এবং উচ্চতর যে সমস্ত ক্ষেত্র আছে তদুপযোগী একটা সীমিত সমতা এবং নৈর্ব্যক্তিকতা মাত্র আমাদের নিকট দাবী করা হয় কিন্তু তাহাতে আমাদের ব্যবহারিক জীবনের অহংময় ভিত্তির কোন রূপান্তর হয় না ; কিন্তু এই সমস্ত নিম্নতর ক্রিয়ার মধ্যেও নৈর্ব্যক্তিকতাকে স্থান দিতে হইলে জীবনের সমস্ত ভিত্তিকে বদলাইতে হয় এবং কামময় পুরুষ তাহা অসম্ভব মনে করে।

আমাদের ষাটী অন্তরাষ্ট্রাকে অন্তশ্চেতন বলা হইয়াছে, তাহা আগ্রহ মনের নিম্নতর ক্ষেত্রে অবস্থিত নয়, পরন্তু অজানাবৃত দেহ মন প্রাণের স্থল আবরণের অন্তরালে হৃদয়ের অন্তরতম মন্দিরে সে চেতনা সদা প্রজ্জ্বলিত ; এই অন্তর্গুহ জীবচেতনা আমাদের মধ্যে অন্ধেরই নিত্যদীপ্ত শিখা, আমাদের বহিঃপ্রকৃতিকে অধ্যাত্মবোধের-ষে-গভীর-অচেতনা অন্ধকারময় করিয়া রাখিয়াছে তাহাও সে শিখাকে নির্বাপিত করিতে সমর্থ নহে। ব্রহ্ম হইতে জ্ঞাত এ শিখা অবিভার অন্ধকারের মধ্যে বাস করিয়াও আত্মজ্যোতিতে জ্যোতিমান, যতদিন না ইহা অজ্ঞানকে জানে রূপান্তর করিতে সমর্থ না হইতেছে ততদিন অবিভার মধ্যেই ইহার পুষ্টি ও বৃদ্ধি হইতেছে। ইহাই আমাদের মধ্যে গোপন সাক্ষী ও নিয়ন্তা, অন্তর্ধামী পরিচালক, ভাবক বা অধ্যাত্মরহস্যবিদের অন্তর্জ্যোতি বা অন্তরের দিব্য বাক (Socrates-এর Daemon)। ইহা অন্ধেরই অবিধ্বংসী স্কুলিক, জন্ম জন্মান্তরের মধ্যেও অবিনশ্বর, যত্ন, ক্লম বা বিকার ইহাকে স্পর্শও করিতে পারে না। ইহা অবশ্য অজ্ঞাত আত্মা বা দিব্যাঙ্গা নহে কারণ ব্যষ্টি ভাব পরিচালনার সময়ও তিনি যে বিশ্বপুরুষ এবং বিশ্বাতীত পুরুষ এ জ্ঞানের বিলোপ সে আত্মাতে ঘটে না ; তবু ইহা প্রকৃতির রূপের মধ্যে সেই আত্মারই প্রতিভূ, ব্যষ্টি অন্তরাষ্ট্রা বা চৈত্য পুরুষ, আমাদের মধ্যস্থ মনোময় প্রাণময় এবং অরময় পুরুষের পশ্চাতে থাকিয়া দেহ মন ও প্রাণকে ধারণ করিয়া রাখিয়াছে এবং তাহাদের সাক্ষীরূপে কর্ত্তমান আছে এবং তাহাদের পুষ্টিও অভিজ্ঞতাতে নিজে পুষ্টি ও লাভবান হইতেছে। চৈত্যপুরুষের নিজ সত্তার মধ্যস্থিত এই তিন পুরুষেরও স্বরূপ



আধারের মধ্যে আবৃত কিন্তু তাহারা তাহাদের মধ্য হইতে যে অস্বাভাবিক ব্যক্তি ভাব প্রকাশ করে, তাহাধারা আমাদের প্রাকৃত ব্যক্তিরূপ গঠিত হয়, ইহাদের সকলের বহিঃকৃষ্ণ জিয়া এবং স্থিতিকে একত্র করিয়া যাহা গঠিত হয় তাহাকেই আমরা আমি বলিয়া মনে করি। আমাদের এই অন্তরস্তম সত্তা আমাদের মধ্যে চৈতন্যপুরুষের রূপ গ্রহণ করিয়া নিজের সেই ব্যক্তিরূপ প্রকাশ করে যাহা জন্ম হইতে জন্মান্তরের মধ্য দিয়া পরিবর্তিত, পরিণত ও পুষ্ট বা বর্দ্ধিত হইতে থাকে। কারণ ইহাই সেই পথিক যে জন্ম হইতে মরণ এবং মৃত্যু হইতে নবজন্মের মধ্য দিয়া চলিতেছে, আমাদের প্রাকৃত অঙ্গ বা অংশগুলি ইহারই বহুবিচিত্র নিত্য পরিবর্তনশীল পরিচ্ছদ মাত্র। চৈতন্যপুরুষ প্রথমে গোপনে থাকিয়া মন প্রাণ দেহের মধ্য দিয়া অপরোক্ষ ও আংশিক ভাবে ক্রিয়া করে তাহার আত্মপ্রকাশের যন্ত্ররূপে এইগুলি তাহাকে গড়িয়া লইতে হইবে তাই ইহাদের পরিণতি লইয়া তাহাকে দীর্ঘকাল ব্যাপ্ত থাকিতে হয়। অবিচার অন্ধকার হইতে মানুষকে ভাগবতচৈতন্তের দ্বিবিজ্যোতিতে লইয়া যাওয়া ইহার ব্রত, তাই অবিচার কেন্দ্রের সকল অন্ধভূতি ও অভিভূতার সার সংগ্রহ করিয়া প্রকৃতির মধ্যে নিজের পুষ্ট ও বৃদ্ধির একটা কেন্দ্র গড়িয়া তোলে; বাকী অংশগুলি তাহার সাধন যন্ত্রগুলির ভবিষ্যৎ পরিণতির উপাদান রূপে পরিণত করে—যতদিন পর্যন্ত সে যন্ত্রগুলি জ্যোতির্ধর্মরূপে ভগবানের যন্ত্ররূপে ব্যবহৃত হইবার উপযুক্ত না হইয়া উঠে। এই গোপন চৈতন্যপুরুষই আমাদের মধ্যে যথার্থ ও আদি ধর্মবুদ্ধি বা বিবেক রূপে দেখা দেয়, নীতিবাদীরা যে গতানুগতিক ধর্মবোধ গড়িয়া তোলে তাহার চেয়ে ইহা গভীরতর, কারণ ইহা সত্য, ঋত এবং সৌন্দর্য্যের, প্রেম ও সম্বন্ধের এবং আমাদের মধ্যে যে সমস্ত দ্বিবি সন্তাবনা আছে তাহাদের দিকে সর্বদা আমাদের দৃষ্টি আকর্ষণ করে এবং যতদিন এই সমস্ত আমাদের প্রকৃতির প্রধান অভীক্ষায় পরিণত না হয় ততদিন পর্যন্ত ইহার বিরাম নাই। এই চৈতন্যপুরুষই আমাদের মধ্যে—সাধক, ঋষি, ঐষ্টা বা কবিরূপে ফুটিয়া উঠে। যখন তাহার পূর্ণ পরিণতি হয় তখন তাহা সমগ্র সত্তাকে আত্মজ্ঞান এবং ব্রহ্মবিজ্ঞা, পরম সত্য এবং পরম শিব, পরমাত্মী, পরম প্রেম এবং আনন্দের দ্বিবি বিশাল ও ছুঁচ শিখরের দিকে তুলিয়া ধরে এবং আধ্যাত্মিক কেন্দ্রের

পরমমৈজী, সার্বজনীনতা এবং একত্বের স্পর্শলাভ করিবার জন্ত আমাদেরকে উপযুক্ত করিয়া তোলে। পক্ষান্তরে যেখানে ব্যষ্টিচৈতন্যসত্তা দুর্বল, অসংকৃত এবং অপরিণত সেখানে আমাদের মধ্যের সূক্ষ্মতর অংশ বা কিম্বার প্রকাশ হইতে পারে না অথবা যেটুকু প্রকাশ হয় তাহা প্রকৃতি এবং শক্তিতে হীন এবং কুণ্ঠিত—যদিও এরূপ ক্ষেত্রে কখন কখন দীপ্ত ও শক্তিশালী মন, প্রবল ও প্রখর ক্ষমতাব্যবহা, প্রভাবশালী ও সফল জীবন, সুস্থ সবল ও অল্পকূল এবং বাহ্যদৃষ্টে জয়শ্রীমণ্ডিত প্রভুত্বসম্পন্ন দেহ থাকিতে পারে। বহিঃচর কামময় পুরুষ বা নকল চৈতন্যপুরুষ এ ক্ষেত্রে রাজত্ব করে এবং আমরা তাহার ইচ্ছিত ও এষণা ভাব ও আদর্শ, কামনা ও আকৃতিকে চৈতন্যপুরুষের নির্দেশ এবং আধ্যাত্মিক জীবনের সম্পদ বলিয়া ভুল করি। এই অন্তর্গত চৈতন্যপুরুষ যদি জীবনের সম্মুখে আসিয়া দাঁড়াইয়া কামময় পুরুষের স্থান গ্রহণ করে, বাহ্যমন প্রাণ ও দেহের আবরণে লুক্কায়িত থাকিয়া আমাদের প্রকৃতিকে যেমন অংশতঃ পরিচালিত করিতেছে তাহার স্থানে প্রকাশভাবে যদি পূর্ণ পরিচালনার ভার গ্রহণ করে তাহা হইলে আমাদের জীবনের সমস্ত উপাদান সত্য, ঋত এবং শ্রীমণ্ডিত হইয়া আত্মারই সত্য প্রতিকরূপ হইয়া উঠিবে এবং অবশেষে আমাদের সমগ্র সত্তা জীবনের খাঁটি উদ্দেশ্য সাধন, পরম বিজয় লাভ এবং অধ্যাত্ম জীবনের উচ্চতম শিখরারোহণের জন্ত প্রস্তুত ও উন্মুক্ত হইয়া উঠিবে।

ইহা মনে হইতে পারে যে এই চৈতন্যপুরুষ বা আমাদের খাঁটি অন্তরাত্মাকে চেতনার পুরোভাগে স্থাপিত করিয়া তাহার হাতে আমাদের জীবনের পরিচালনার ভার অর্পণ করিতে পারিলে আমাদের স্বাভাবিক সত্তা যাহা কিছু চায় তাহা পূর্ণ হইবে, অধ্যাত্ম রাজ্যের সকল দুয়ার খুলিয়া যাইবে। ইহাও বলা যাইতে পারে যে ব্রাহ্মীস্থিতি বা দিব্য পূর্ণতা লাভের জন্ত ঋতচিং বা অতিমানস তত্ত্বের মধ্যস্থতা ও সাহায্যের আর প্রয়োজন থাকিবেনা। যদিও আমাদের সত্তার পূর্ণ রূপান্তর সাধনের পক্ষে চৈতন্যপুরুষের এরূপ ভাবের প্রকাশ একটা অপরিহার্য অঙ্গ তথাপি বৃহত্তম আধ্যাত্মিক পরিবর্তনের জন্ত যাহা প্রয়োজন তাহার সমস্তই ইহা দ্বারা সাধিত হইতে পারে না। প্রথমতঃ চৈতন্যপুরুষ প্রকৃতির অন্তরস্থ পুরুষ বলিয়া আমাদের সত্তার দিব্য গোপন স্তর সমূহের মধ্যে ফুটিয়া উঠা এবং সেখানকার আলোক, শক্তি এবং অল্পতব

লাভ করিয়া তাহা চেতনায় প্রতিকলিত করা তাহার পক্ষে সম্ভব কিন্তু আত্মার বিশ্বাস্যক এবং বিশ্বাসীত ভাবে ও মহিমায় প্রতিষ্ঠিত হইতে গেলে উপর হইতে আধ্যাত্মিক রূপান্তরের শক্তিসাধন করা চাই। নিজের একক শক্তি ও ক্রিয়াতে আমাদের উচ্চতর জীবনের বিশেষ এক স্তরে, সত্য মঙ্গল এবং সৌন্দর্য্যের একটা অভীষ্ট লোক সৃষ্টি করিয়া চৈতন্যপুরুষ তাহাতেই ক্ষুণ্ণ ও সমাহিত হইয়া থাকিতে পারে; কিম্বা তাহা হইতে উচ্চতর এক স্তরে বিশ্বাত্মার অধীন হইয়া বিশ্বের সত্তা, চৈতন্য শক্তি ও আনন্দের দর্পণে নিজেকে পরিণত করিতে পারে কিন্তু এ সমস্তে পূর্ণরূপে যোগদান বা ইহাদের উপর অধিকার লাভ হইবে না। বিশ্বচেতনার সহিত জানে ও আবেগে এমনকি ইন্দ্রিয়বোধে স্থনিবিড়ভাবে মিলিত ও আনন্দোৎক্লম্ব হইয়া নিষ্ক্রিয় ভাবে তাহাকে গ্রহণ ও ধারণ করিতে পারিলেও তাহার সে শক্তি ও প্রভুত্ব লাভ হইবে না যাহাতে জগতে কর্মের মধ্যে তাহার প্রবেশকে সঞ্চারিত করা যাইতে পারে। অথবা জগতের অতীত ক্ষেত্রে নিষ্ক্রিয় ব্রহ্মের সহিত একত্ব উপলব্ধি করিয়া অন্তঃচেতনায় জাগতিক ক্রিয়া হইতে বিবিধ থাকিয়া তাহার ব্যক্তিস্বের পরিনির্ব্বাণে যেখান হইতে তাহার উৎপত্তি হইয়াছে সেই আদি উৎসে ফিরিয়া যাইতে পারে কিন্তু অপরা প্রকৃতিকে তাহার দ্বিতীয় সিদ্ধির পথে পরিচালিত করিবার যে বিধাতৃদত্ত পরম দায় তাহার ছিল তাহা পূর্ণ করিবার ইচ্ছা অথবা শক্তি তাহার থাকিবে না। কারণ চৈতন্যপুরুষ আত্মা বা ব্রহ্ম হইতে প্রকৃতির মধ্যে আসিয়াছিল এবং আত্মার নৈঃশব্দ্য এবং আধ্যাত্মিক পরম গতিহীনতার মধ্য দিয়া প্রকৃতি হইতে আবার সেই নিশ্চল ব্রহ্মে ফিরিয়া যাইতে পারে। পূর্বব্রহ্মের শাস্ত অংশ বলিয়া অনন্তের দ্বিতীয় বিধানানুসারে এ অংশ সমগ্রতা হইতে কখনও বিচ্ছিন্ন হইতে পারে না। প্রভুত্ব অংশ নিজেই সমগ্র অংশী; কেবল প্রতীয়মান বাহ্য আকার ও বিবিধ অভিজ্ঞতায় ইহার পৃথক। এই সত্য জানকে তাহার নিজের মধ্যে জাগ্রত করিয়া সে নিজের আপাত প্রলয়ে ভুবিয়া যাইতে অন্ততঃ তাহার ব্যক্তিসত্তাকে ডুবাইয়া দিতে পারে। এ জগতে চৈতন্যপুরুষ আমাদের বিপুল অবিচ্ছিন্ন প্রকৃতির মধ্যে জ্যোতির একটা সূর্য কেন্দ্র বলিয়া উপনিষদে ইহাকে 'অদ্বৈতঃ স্রমাণ পুরুষ' বলিয়া বর্ণনা করা হইয়াছে। কিন্তু এ পুরুষ

আধ্যাত্মিকতার প্রবাহে নিজেকে বহু বিভূত করিতে পারে এবং স্বল্প মনের দ্বারা সমস্ত বিষয়ে আলিঙ্গন করিয়া তাহার সহিত অন্তরক ভাবে যুক্ত বা একত্রে পর্য্যবসিত হইয়া যাইতে পারে। অথবা ইহার দ্বিবি চির-সাধীর সন্ধান পাইয়া নিত্য প্রেমাম্পদের নিত্য প্রেমিক রূপে তাহার সহিত অবিচ্ছেদ্য একত্রে ও মিলনে মিলিত হইয়া তাহার সান্নিধ্যে চিরকাল বাস করা পছন্দ করিতে পারে—সকল আধ্যাত্মিক অহুভব ও অভিজ্ঞতার মধ্যে আনন্দ ও সৌন্দর্য্যে বাহা গভীরতম ও মধুরতম। এসমস্তই আমাদের আধ্যাত্মিক জীবনে আত্মজ্ঞানের মহৎ ও গৌরবময় অহুভূতি ও সিদ্ধি, কিন্তু তাহা বলিয়া ইহা আধ্যাত্মিক জীবনের শেষ লক্ষ্য বা চরম সার্থকতা নহে; আরও বেশী সম্ভাবনা আছে।

কারণ এ সমস্ত মানুষের অধ্যাত্ম মনেরই সিদ্ধি, এখানে মন নিজেকে অতিক্রম করিয়া ব্রহ্মের ঐশ্বর্য্য ও মহিমার মধ্যে প্রবেশ করিলেও নিজের ভূমি ছাড়িয়া যাইতে পারে না। মন আমাদের বর্তমান মননের রাজ্য ছাড়িয়া বহুদূরে চলিয়া যাইতে পারে বটে, কিন্তু সেই উচ্চতম স্তরেও তাহার প্রকৃতিগত বিভক্তনশীলতা লইয়াই সে কাজ করে। মন সেখানে শাস্ত পুরুষের বিভাব সকল (aspects of the Eternal Being) যখন দেখে, তখন তাহাদের প্রত্যেককে এমন দৃষ্টিতে দেখে যেন তাহাই শাস্ত সত্তার পূর্ণ সত্য এবং সেই বিভাবের মধ্যেই নিজের পরিপূর্ণতা যেন দেখিতে পায়। এমন কি বিভিন্ন বিভাবের মধ্যে সে স্বন্দ এবং এইরূপ স্বন্দ ভাবের বহু শ্রেণী সৃষ্টি করে—যেমন ব্রহ্মের নৈশব্দ্য এবং শক্তিকলতা; প্রপঞ্চাভীত নির্বিশেষ নিগুণ নিজিয় ব্রহ্ম এবং জগৎপ্রভু সর্বিশেষ সগুণ সক্রিয় ব্রহ্ম; সত্তা এবং সত্ত্বতি; দ্বিবি ব্যক্তিপুরুষ এবং নৈর্ব্যক্তিক শুদ্ধ সন্ন্যাস প্রভৃতি। এইভাবে বিরোধের সৃষ্টি করিয়া ব্রহ্মের এক কোটিকে ত্যাগ করিয়া অন্য কোটিকে গ্রহণ সত্য মনে করিয়া মন তাহাতে ডুবিয়া যাইতে পারে। তাহার কাছে দ্বিবি ব্যক্তিপুরুষ একমাত্র সত্য পদার্থ অথবা নৈর্ব্যক্তিক সংই একমাত্র শুদ্ধ মনে হইতে পারে। কখনও সে শাস্ত প্রেমকে বড় করিয়া দেখে, প্রেমিক তাহার প্রকাশ কেজ মাত্র; কখনও সে দেখে প্রেমিকই বড়, প্রেম তাহার আত্ম-প্রকাশ মাত্র; কখনও সে দেখে সমস্ত সত্তাই এক নৈর্ব্যক্তিক সত্তার ব্যক্তিরূপী শক্তি মাত্র অথবা সে মনে করে নৈর্ব্যক্তিক সং এক পরম সত্তা বা এক অনন্ত

দ্বিতীয়পুরুষের একটা অবস্থা যাত্র। তাই অধ্যাত্মসিদ্ধির জন্ত বিভিন্নতার মধ্যে একটিকে যাত্র সে চরম সার্থকতার পৌছবার পথ মনে করে। অধ্যাত্ম মনের এই ক্রিয়া ও গতির পরপারে বহুদূরে ঋতচিং বা অতিমানসের উজ্জতর অল্পভবের কেন্দ্র বর্তমান ; সেখানে শান্ত সত্তার এক চরম ও পূর্ণ সিদ্ধির সমুদ্র সমগ্রতার মধ্যে এই সমস্ত বস্তু লোপ পায়, সমস্ত একদেশদর্শিতা দূর হয় ; এখানে এই ঋতচিং অতিমানসে উন্নীত ও আকৃষ্ট হইয়া এবং তাহার শক্তিকে আমাদের এই নিম্ন প্রকৃতিতে নামাইয়া আনিয়া আমাদের এখানকার এই সত্তার পরিপূর্ণতা এবং চরমোৎকর্ষ লাভ করাই আমাদের পরম পুরুষার্থ—ইহাই আমরা মনে করি। চৈতন্যপুরুষের দ্বারা রূপান্তরিত হইয়া আমাদের আধ্যাত্মিক কেন্দ্রে উন্নীত হইতে হইবে এবং আধ্যাত্মিক রূপকে অতিক্রম করিয়া আরও উপরে উঠিয়া অতিমানস-রূপান্তর দ্বারা আমাদের পরিপূর্ণ সর্বোচ্চহৃদয়ের সার্থকতায় পৌছিতে হইবে, ইহাই আমাদের পরিণতি ও উর্দ্ধগতির শেষ সীমা।

প্রাকৃত জীবনে ব্রহ্মের নিষ্ক্রিয় স্থিতি এবং জাগতিক গতির মধ্যে অবিভার জন্ত একটা আপাতবিরোধ দেখা যায়, কেবলমাত্র অতিমানসী চিংশক্তিই এ ব্রহ্মের মধ্যস্থিত বিরোধ নিঃশেষে অপনয়ন করিয়া একটা পরিপূর্ণ সমন্বয় সাধন করিতে পারে ; অতিমানসে বিশ্বসত্ত্বতির মধ্যে অস্তান্ত যত প্রকার বিভক্ত ও বিরোধীভাব আছে তাহাও তেমনিভাবে মিলিত ও সমন্বিত হইয়া যায়। অজ্ঞানতার জন্ত প্রকৃতি তাহার সকল মনোময়ী ক্রিয়ার কেন্দ্ররূপে কল্পনা করে, তাহার গোপন আত্মাকে নয় কিন্তু তাহার অহুকল্প অহংতত্ত্বকে। বস্তু বিরোধ ও অসঙ্গতিতে ভরা জগতের নানা জটিল সংঘাতের মধ্যে আমরা আমাদের বিভিন্ন অল্পভব ও সৃষ্টিকে কোন না কোন প্রকার অহংকেন্দ্রিকতার ভিত্তিতেই বাঁধিয়া রাখি। এই অহংকেন্দ্রিকতা দিয়াই আমরা বিশ্ব এবং অনন্তের হাত হইতে আত্মরক্ষা করি। কিন্তু আধ্যাত্মিক রূপান্তরের কেন্দ্রে আত্মরক্ষার এ উপায় আমাদের ত্যাগ করিতে হয়, অহংকে বিলুপ্ত করিয়া দিতে হয়। ব্যষ্টিব্যক্তিত্ব দেখিতে পায় যে সে নৈব্যক্তিকতার বিশালতাতে গলিয়া বিলীন হইয়া গিয়াছে, এবং এই নৈব্যক্তিকতার মধ্যে প্রথমে ছন্দোময় ক্রিয়া বা গতির কোন চাবিকাঠি পাওয়া যায় না। একপক্ষে সাধারণতঃ সাধক যেন সত্তায় ঢুই অংশে বিভক্ত হইয়া পড়ে, এক অংশ অন্তরে আধ্যাত্মিক, অল্প অংশ বাহিরে প্রাকৃত। অন্তরে পূর্ণ স্বাতন্ত্র্যের মধ্যে

দিব্যসিদ্ধি সমাসীন। কিন্তু প্রাকৃত অংশে তাহার অত্যন্ত দ্বায়বিক ক্রিয়া, পূর্ব সঞ্চারিত শক্তিতে যেমন যন্ত্র চলে, তেমনই অবশভাবে চলিতে থাকে। এমন কি সীমিত ব্যক্তিচেতনা এবং পুরাতন অহংকেন্দ্রিক ব্যবস্থা যখন একেবারে লয় হয় তখন সমস্ত অন্তরচেতনা আত্মার আলোকে জ্যোতির্ঘর হইলেও বাহিরে প্রকৃতি আপাত অসঙ্গতির ক্ষেত্র থাকিয়া বাহিতে পারে। তাই আমরা বাহিরে জড় ও নিষ্ক্রিয় হইতে পারি (‘জড়বৎ’), নিজে স্বেচ্ছায় গতিশীল না হইয়া বাহ্য পরিবেশ ও শক্তি দ্বারা পরিচালিত হইতে পারি অথচ ভিতরে চৈতন্য থাকিতে পারে সত্যের আলোকে ভাস্বর; অথবা ভিতরে পূর্ণ আত্মজ্ঞান থাকা সত্ত্বেও বাহিরে হইতে পারি অবাধ শিশুর মত (‘বালবৎ’); কিম্বা ভিতরে পূর্ণভাবে শাস্ত ও অস্থির থাকিলেও বাহিরের চিন্তা ও আবেগে সঙ্গতি বা যুক্তি থাকে না (‘উন্মত্তবৎ’); অথবা বাহিরের ব্যবহারে হইতে পারি বস্ত্র, অসংযত বা অনিয়ত (‘পিশাচ বৎ’) অথচ ভিতরে থাকিতে পারি শুদ্ধ ও আত্মসমাহিত। কখনও বা বাহিরের প্রকৃতি স্থনিয়তভাবে ক্রিয়াশীল হইলেও তাহা বহিষ্কৃত অহং দ্বারা পরিচালিত ক্রিয়ার ধারাবাহিকতা মাত্র, অন্তরপুরুষ সে ক্রিয়ার সাক্ষী হইলেও তাহা নিজের ক্রিয়া বলিয়া গ্রহণ করিতে পারে না। অথবা মানসিক ক্রিয়া চলিলেও তাহা ভিতরের আধ্যাত্মিক সিদ্ধি বা অহুভবকে বাহিরে পূর্ণরূপে ফুটাইয়া তুলিতে পারে না। কারণ মনের ক্রিয়া এবং আত্মার ভাব বা স্থিতির সমতা বা সমতুল্যতা তথায় হইতে পারে না। এমনকি যেখানে বাহিরটা সহজভাবে অন্তর্জ্যোতির দ্বারা পরিচালিত হয় সেখানেও ক্রিয়ার মধ্যে বা প্রকাশে, মন প্রাণ বা দেহের অপূর্ণতার চিহ্ন থাকিয়াই যাইবে। সেখানে রাজাকে যেন অযোগ্য মন্ত্রীবর্গ লইয়া কাজ করিতে হইতেছে; জ্ঞানকে ফুটাইয়া তুলিতে হইতেছে অজ্ঞানতার উপাদান ও মূল্য দিয়া। যেখানে সত্যজ্ঞান ও সত্যসম্বন্ধ পূর্ণভাবে বিস্তারিত আছে কেবলমাত্র সেই অতিমানসের অবতরণ হইলে অন্তরে এবং বাহিরে আত্মার পরমসাম্য প্রতিষ্ঠিত হইতে পারে; কেননা অজ্ঞানের উপাদান ও তাৎপর্যকে জ্ঞানের উপাদান ও তাৎপর্যে রূপান্তরিত করিবার সামর্থ্য একমাত্র অতিমানসেরই আছে।

আমাদের মন ও প্রাণের মত চৈতন্যপুরুষেরও পরিপূর্ণতা ও সার্বিকতা লাভ হয়, পরমব্রহ্মের মধ্যস্থিত ইহাদের প্রত্যেকের স্বরূপ সত্য বা দিব্য মূল উৎসের

সহিত পরম মিলনে—এই মিলন সাধন সাধক জীবনের অপরিহার্য ক্রিয়া। যেমন মনপ্রাণের বেলার তেমনি এখানেও এই পরিপূর্ণতা, এই প্রকৃত একমুখ সাধন সর্বাদীনভাবে কেবল অতিমানসের শক্তি দ্বারা সম্ভব হইতে পারে। কারণ অতিমানসই সেই ‘অমৃততত্ত্ব সেতু’ সেই যোগসূত্রে যাহা সেই অখণ্ড অক্ষয় তত্ত্বের পর ও অপর এই কোটির মধ্যে যোগ সাধন করিতে সমর্থ। অতিমানসেই আছে সেই পূর্ণযোগসাধিকা জ্যোতি, সেই পরমার্থবিধায়িকা শক্তি, পরমআনন্দে প্রবিষ্ট হইবার সেই বিশাল এবং বিমুক্ত দ্বার। সেই জ্যোতি ও সেই শক্তি দ্বারা সমুদ্রত হইয়া সম্ভার যে পরম আনন্দ হইতে তাহার উদ্ভব হইয়াছে সেই আনন্দের সহিত চৈতন্যপুরুষ আবার যুক্ত হইতে পারে। তখন তাহা স্থ ও স্থানের দ্বন্দ্বকে জয় করিয়া দেহ, মন, প্রাণকে সকল ভয় ও সকল জুগুপ্সা হইতে মুক্ত করিয়া অগতের সকল সংস্পর্শ হইতেই ব্রহ্মানন্দ লাভ করিতে পারে।

## চতুর্বিংশ অধ্যায়

জড়

তিনি জানিলেন যে অন্ন বা জড় ব্রহ্ম ।

তৈত্তিরীয় উপনিষদ ( ৩১২ )

তাহা হইলে আমরা এই যুক্তিসঙ্গত প্রত্যয়লাভ করিয়াছি যে বাস্তবে বাহ্য হুঃখজনকরূপে আমাদের কাছে দেখা দিয়াছে সেই প্রাণ একটা রহস্তপূর্ণ স্বপ্ন বা হুঃসহ অনর্থ নয়, কিন্তু তাহা দিব্য সর্বচিৎস্বরূপেরই একটা বিপুল স্পন্দন । ইহার তত্ত্ব কি, ভিত্তি কোথায় তাহাও কিছু দেখিয়াছি ; ইহার মধ্যে যে মহৎ সম্ভাবনা আছে, চরমে ইহা যে দিব্য পুস্পরূপে ফুটিয়া উঠিবে তাহার দিকে চাহিয়া আছি । কিন্তু সকলের নিয়ে একটা তত্ত্ব আছে বাহার পরিচয় আমরা যথেষ্টভাবে নিতে চেষ্টা করি নাই । সে হইল জড় তত্ত্ব—যে পাদপীঠের উপর প্রাণ দাঁড়াইয়া আছে অথবা বাহার অন্তরস্থ বীজ হইতে বহুশাখ বৃক্ষেররূপে প্রাণের প্রকাশ হইয়াছে । এই জড় তত্ত্বই মানুষের মন প্রাণ এবং দেহের আশ্রয় স্থান এবং যদিও চৈতন্ত্য প্রাণরূপে ফুটিয়া উঠিয়া তথা হইতে মন রূপে উন্মিষিত হইয়াছে এবং আরো বিস্তৃত হইয়া, আরো উর্দ্ধে আরোহণ করিয়া অতিমানসের বিশালতার মধ্যে নিজের সত্য খুঁজিতেছে তথাপি, এই চৈতন্ত্যও দেখা যায় যেন দেহরূপ এই আধার, জড়রূপী এই ভিত্তির দ্বারা নিয়ত ও নিয়ন্ত্রিত হইতেছে । শরীরের প্রয়োজনীয়তা স্পষ্টভাবেই দেখা যায় ; প্রগতিশীল মনের জ্যোতিকে ধারণ ও বহন করিবার উপযোগী দেহ ও মস্তিষ্ক পাইয়াছে বা গঠিত করিয়া তুলিতে সমর্থ হইয়াছে বলিয়াই মানুষ পশুর উপরে উঠিয়াছে । তেমনি আবার আরো উচ্চতর জ্যোতিকে ধারণ ও বহন করিবার উপযোগীরূপে দেহকে গড়িয়া তুলিয়া, অন্ততঃ পক্ষে দেহযন্ত্রে তদনুরূপ ক্রিয়াশক্তি উদ্বোধিত করিয়া, মানুষ নিজেরও উপর উঠিয়া বাইতে সমর্থ হইবে এবং ভাবনায় বা অন্তরের জীবনে শুধু নয় কিন্তু এই বাহিরের জীবনেও পূর্ণ দিব্য মানবতার লিঙ্গলাভ করিবে । তাহা যদি না হয় তবে বুদ্ধিতে হইবে যে, হয়



জীবনের কাছে যাহা আশা করা গিয়াছিল তাহা ব্যর্থ, তাহার সার্থকতা নষ্ট হইল এবং পার্থিব জীব সচ্চিদানন্দকে লাভ করিতে পারিবে শুধু আত্মবিলোপের দ্বারা, দেহ মন প্রাণকে ত্যাগ করিয়া, শুদ্ধ অনন্তে কিরিয়া গিয়া ; না হয় ভাষ্য ভগবানের স্বল্প বা প্রকাশক্ষেত্র হইতে পারিল না, যে সচেতন বর্ধমান শক্তি পৃথিবীর অল্প সকল প্রাণী হইতে তাহাকে পৃথক করিয়া রাখিয়াছে তাহার একটা নিয়তিনির্দিষ্ট সীমা আছে এবং যেমন অল্প সকলকে অভিক্রম করিয়া সে আসিয়া পুরোভাগে দাঁড়াইয়াছে তেমনি পরিণামে অল্প কেহ তাহার স্থান ও উত্তরাধিকার গ্রহণ করিবে।

বস্তুতঃ প্রথম হইতেই দেহকে লইয়া আত্মা বিব্রত হইয়া পড়িয়াছে, ইহাই তাহার প্রগতিপথে বাধারূপে দেখা দিয়াছে, ইহাকে সে মহাদোষী সাব্যস্ত করিয়াছে ; তাই অধ্যাত্মসিদ্ধির জন্ত ব্যাকুল সাধক, দেহকে অভিশাপ দিয়াছে তাহার জগতের উপর বিরক্তি এই জাগতিক তত্ত্বকেই সর্বাপেক্ষা অধিকরূপে বিশেষ ঘৃণার বস্তু মনে করিয়াছে। দেহের এই মূঢ়তার ভার সে আর বহন করিতে পারে না। ইহার অদম্য স্থূলতার আবেশ তাহাকে অতিষ্ঠ করিয়া তোলে, তাই সে বৈরাগ্যের জীবন গ্রহণ করিয়া ইহার হাত হইতে উদ্ধার পাইতে চায়। এমন কি ইহার নিকট হইতে রক্ষা পাইবার জন্ত দেহ এবং জড় জগতের খাঁটি অস্তিত্ব নাই, এতদূর পর্য্যন্ত ভাবিতে এবং বলিতে অগ্রসর হয়। অধিকাংশ ধর্ম-মতই জড়কে দিকার দিয়াছে এবং হয় জড় জীবনকে অস্বীকার করা, না হয় ভিত্তিকার দ্বারা কোন মতে সাময়িকভাবে তাহাকে সহ্য করিয়া যাওয়াই, তাহাদের ধর্মবুদ্ধি ও অধ্যাত্মিকতার প্রকৃষ্ট প্রমাণ মনে করিয়াছে। জানে আরও গভীর প্রাচীনযুগের ধর্ম এত অসহিষ্ণু ছিল না। কলির বা লৌহযুগের দ্বারা স্পৃষ্ট বা তাহার ভার ও অত্যাচারে প্রণীড়িত হইয়া সাধক তখন উদ্ভ্রান্ত ও চঞ্চল হইয়া পড়ে নাই, তাই সে যুগে বিভাগ ও বিচ্ছেদ এত প্রবল হয় নাই ; তখন প্রাচীনরা পৃথিবীমাতাকে পিতা স্বর্গের মতই সমানভাবে ভালবাসা ও ভক্তি অর্পণ করিয়াছে। কিন্তু তাহাদের সেই পুরাতন রহস্যরাজি আমাদের কাছে আজ অন্ধকারাবৃত, তাহার গভীরে ডুবিয়া সুখিবার শক্তি আমাদের নাই ; তাই জড়-বাদী বা অধ্যাত্মবাদী যাহাই হই না কেন আমরা এক আঘাতেই জীবনের গ্রন্থি কাটিয়া দিয়া সমস্তা সমাধান করিতে চেষ্টা করি এবং হয় এক শাশ্বত আনন্দে

পলাইয়া বাইতে অথবা এক শাখত নির্বাণ বা শাখত বিনাশের মধ্যে সকল শেষ করিতে চাই।

এই বিবাদ আমাদের ভিতরকার আধ্যাত্মিক সম্ভাবনা সমূহ বিকাশের সময়ই শুধু দেখা দেয় তাহা নহে। প্রাণের উন্মেষের সঙ্গে সঙ্গেই জড়ের সঙ্গে তাহার বিরোধ দেখা দিয়াছে; জড়ের জড়ত্ব, তাহার নিশ্চেষ্টতা অথবা তাহার আণবিক বিকর্ষণশক্তি—যে সব জিনিষ হইল জড় তত্ত্বের মধ্যে প্রাণচেষ্টনার মহা অস্বীকৃতির গ্রন্থি—ইহাদের বিরুদ্ধে বিপুল সংগ্রাম করিয়া প্রাণকে নিজের ক্রিয়া প্রতিষ্ঠিত করিতে অথবা নানা উপাদান সমাহৃত করিয়া স্থায়ী সজীব দেহ সব গঠিত করিতে হইয়াছে, প্রাণ তাই জড়ের সঙ্গে সতত সংগ্রামে রত; প্রাণের আপাতপরাভবেই এ সংগ্রামের শেষ ইহাই যেন মনে হয়, তাই দেখা যায় প্রাণ তাহার নিয়ন্ত্রিত জড়তত্ত্বের মধ্যে পরিণামে লোপ পায়, যাহার নাম মৃত্যু। মনের আবির্ভাবে এ বিরোধ আরও ঘনীভূত হইয়া উঠে, কারণ মনের আবার সংঘর্ষ আছে প্রাণ ও জড় এ উভয়ের সঙ্গে; এ উভয়ের সীমা ও সন্ধীর্ণতার বিরুদ্ধে চলে মনের অবিরাম সংগ্রাম। ইহাদের একের স্থূলতা এবং জড়ত্ব বা অসাড়তা (inertia) এবং অপরের আবেগ এবং চুম্বকের যে নিত্য-শাসন মনের উপর আছে তাহার বিরুদ্ধে মনের নিত্য সংগ্রাম চলে। এই যুদ্ধে মনে হয় যেন শেষ পর্য্যন্ত বহু আয়াসের পর মন আংশিকভাবে জয়লাভ করে—যদিও সে কথা নিশ্চয় করিয়া বলা যায় না, কেননা দেখা যায় মন উচ্চতর মননশক্তি এবং উচ্চতর ধর্ম বা নৈতিক জীবনের স্বার্থে প্রাণের তৃষ্ণা ও আকৃতিকে জয় বা অবদমিত করিয়া রাখে এমন কি বিনষ্ট করিয়া কেলে, সেইরূপ সে দৈহিক শক্তিকে পঙ্কু করিতে এবং দেহের সমতা বিনষ্ট করিতেও কুণ্ঠিত হয় না। এই সংগ্রামের ফলে জীবনের প্রতি বিরূপতা এবং অসহিষ্ণুতা এবং দেহের প্রতি বিতৃষ্ণা জন্মে এবং এ উভয় হইতে সরিয়া গিয়া শুদ্ধ মনোময় ও নৈতিক বা ধর্ম জীবন যাপনের আকাঙ্ক্ষা দেখা দেয়। যখন মাহুষ মনের অতীত সত্তা সম্বন্ধে সচেতন হয় তখন এই বিরোধ আরও প্রবল আকার ধারণ করে। মন প্রাণ ও দেহকে সয়তান, কামনা এবং প্রাকৃত জগতের রাজ্য বলিয়া বিকৃত করা হয়। আমাদের সকল ভব ব্যাধির মূল বলিয়া মনকে গালি দেওয়া হয়। অন্তরাত্মা এবং তাহার সাধন যন্ত্রসমূহের মধ্যে যুদ্ধ ঘোষণা করা হয় এবং এ সন্ধীর্ণ আবাসভূমি ত্যাগ ও দেহমনপ্রাণকে বর্জন করিয়া আত্মা নিজের অনন্ত সমুদ্র

কিরিয়া গেলে যুদ্ধে তাহার জয় হইল বলা হয়। জগৎটা স্বপ্নের ক্ষেত্র, সুতরাং জগৎকে আত্মার সত্তা হইতে ছাটিয়া ফেলা অর্থাৎ বিরোধের চরমে পৌঁছিয়া জগতের সহিত সমস্ত সম্পর্ক নিঃশেষে ছেদ করিয়া ফেলাই এ স্বপ্নসমাধানের সমীচীন উপায় মনে করা হয়।

কিন্তু এই জয়-পরাজয় একটি। আপাত বোধ মাত্র; ইহাতে সমস্তার সমাধান হয় না, সমস্তাকে এড়াইয়া চলা হয় মাত্র। প্রাণ বস্তুতঃ জড় দ্বারা পরাক্রান্ত হয় না, তাহার নিরবচ্ছিন্নতা রক্ষার জন্য যত্নকে ব্যবহার করিয়া বা তাহাকে উপায় স্বরূপ গ্রহণ করিয়া প্রাণ জড়ের সঙ্গে এক আপোষ রক্ষা করে। তদ্রূপ মন প্রাণ এবং জড়ের উপর খাঁটি জয়লাভ করিতে পারে না, মন সত্তার মধ্যস্থিত বহু সম্ভাবনার মধ্যে কাহারও কাহারও অনিষ্ট করিয়া অপর কাহারও অপূর্ণ পরিণতি সাধন করিতে পারে মাত্র; যে সমস্ত সম্ভাবনাকে আজিও ফুটাইয়া তোলা হয় নাই অথবা যাহাদের ফুটিবার দাবি অগ্রাহ্য করা হইয়াছে তাহাদিগকে ফুটাইয়া তুলিতে হইলে প্রাণ ও দেহকে আরও ভালভাবে ব্যবহার করা একান্ত প্রয়োজন। ব্যাধি আত্মা ও নিম্নের দেহমনপ্রাণরূপী জয়ীকে জয় করিতে পারে নাই, তাহার উপর ইহাদের যে দাবি আছে তাহা প্রত্যাখ্যান করিয়াছে; যে দায় বা যে ব্রত স্বীকার ও গ্রহণ করিয়া আত্মা প্রথমে জগতে আপনাকে প্রতিষ্ঠিত করিয়াছিল এবং তৎসাধনোদ্দেশ্যে যে কর্ম তাহার কর্তব্য ছিল, তাহা হইতে পলায়ন করিয়াছে মাত্র। সমস্তা রহিয়াই গিয়াছে, কারণ এ অস্বীকৃতিতে বিশ্বের যিনি প্রভু তাহার প্রবর্তিত জগতের কর্মচক্র ত খামিয়া যায় নাই; কেবল সমস্তার কোন স্পষ্ট সমাধান হয় নাই বা সে কর্মপ্রযত্নে কোন পরমসিদ্ধি লাভ হয় নাই। আমাদের দৃষ্টিতে সচ্চিদানন্দ বিশ্বের আদি, মধ্য ও অন্ত এবং স্বপ্ন ও বিরোধ তাহার শাস্বত এবং মৌলিকতত্ত্ব হইতে পারে না, ইহাদের অস্তিত্বই পরোক্ষভাবে প্রকাশ করে যে একটি পূর্ণ সমাধান ও বিজয় লাভের আয়াস চলিতেছে সুতরাং দেহকে স্বাধীনভাবে পূর্ণ এবং উপযুক্তরূপে ব্যবহার করিয়া প্রাণ যাহাতে খাঁটিভাবে জয়ী হয়, প্রাণশক্তি এবং দেহকে স্বাধীনভাবে পূর্ণ এবং উপযুক্তরূপে ব্যবহার করিয়া মন যাহাতে প্রাণ ও জড়ের উপর খাঁটি বিজয় লাভ করে; মনপ্রাণদেহকে স্বাধীনভাবে সম্পূর্ণরূপে অধিকার করিয়া সচেতন আত্মা এই জয়ীর উপর খাঁটি বিজয় ও প্রভুত্ব বাহাতে লাভ করিতে পারে তাহার উপায় খুঁজিয়া বাহির করিয়া এ সমস্তার

সমাধান করিতে হইবে। আমরা যে মত পরিস্ফুট করিতে চাহিতেছি তাহাতে শেথোক্ত বিজ্ঞে অল্প সময় বিজয় সম্ভব হইবে। তাহা হইলে এই সময় বিজয় আদৌ অথবা পূর্ণরূপে সম্ভব কিনা তাহা বুঝিবার জন্য যেমন আমরা মূল জ্ঞানের মধ্যেই অনুসন্ধান করিয়া অন্তরাত্মা, মন এবং প্রাণের সত্য তত্ত্ব জানিয়াছি তেমনিভাবে আমাদেরকে জড়েরও তত্ত্ব জানিতে হইবে।

এক অর্থে জড় অসত্য, তাহার কোন অস্তিত্ব নাই; অর্থাৎ জড়ের সম্বন্ধে আমাদের বর্তমান যে জ্ঞান, ধারণা বা অভিজ্ঞতা আছে তাহা সত্য নহে; যে সর্বময় সত্তার মধ্যে আমরা বাস করি তাহার সঙ্গে আমাদের ইন্দ্রিয়ের এক প্রকার বিশেষ সম্বন্ধ হইতে প্রতিভাসে যে বোধ আমাদের মধ্যে জাগিয়া উঠে তাহাকে আমরা জড় বলি। বিজ্ঞান যেদিন আবিষ্কার করিয়াছে যে জড় শক্তিতে পর্য্যবসিত হয়, সেদিন সে একটা মূল বিশ্বসত্যের সাক্ষাৎ পাইয়াছে, আবার দর্শন যখন আবিষ্কার করে যে চেতনার বস্তুরূপে প্রতিভাসই জড় এবং শুধু আত্মা বা শুদ্ধ চিন্ময় সত্তা একমাত্র সত্য পদার্থ, তখন সে বিজ্ঞানের চেয়েও বেশী মৌলিক এক বৃহত্তর ও পূর্ণতর সত্যের দেখা পায়। কিন্তু তথাপি প্রব্রুথাকিয়া যায় কেবল শক্তি-প্রবাহরূপে না থাকিয়া শক্তি জড়ের রূপ গ্রহণ করিল কেন, তেমনি আবার চিন্ময় সত্তা নিজের প্রশান্তি, ইচ্ছা এবং আনন্দের মধ্যে নিবদ্ধ না থাকিয়া কেন এই জড়ের আকার ধারণ করিল। কেহ কেহ বলেন যে ইহা মনের ক্রিয়া বা খেলা, অথবা যেহেতু স্পষ্টতঃ ভাবনা সাক্ষাৎভাবে পদার্থের জড়রূপ সৃষ্টি করে না অথবা তাহা অনুভবও করে না সুতরাং এ সৃষ্টিটা আমাদের ইন্দ্রিয়বোধের; ইন্দ্রিয়ময় মন যেরূপ অনুভব করে বলিয়া বোধ করে তাহা সে সৃষ্টি করে এবং তাহা ভাবনাময় মনের কাছে উপস্থিত করিবার পর চিন্তা বা ভাবনার কার্য্য আরম্ভ হয়। কিন্তু স্পষ্টতঃ জড় কখনও শরীরগত ব্যষ্টিমনের সৃষ্টি হইতে পারে না, পার্থিব সত্তা মাহুয়ের মনের ক্রিয়ার ফল হইতে পারে না বরং মানবমনই পার্থিব সত্তার একটা পরিণাম। যখন আমরা বলি যে জগতের অস্তিত্ব শুধু আমাদের মনে আছে তখন আমরা সত্য ঘটনা প্রকাশ করি না, ইহা একটা অতাত্ত্বিক ভ্রমের মাত্র; কারণ পৃথিবীতে মাহুয যেদিন প্রথম আসিয়াছে তাহার পূর্বেও জড়জগৎ ছিল এবং মানবজাতি যদি ধরাপৃষ্ঠ হইতে মুছিয়া নিশ্চিহ্ন হইয়া যায় তখনও জগৎ থাকিবে, এমন কি অনন্তের মধ্যে ব্যষ্টিমনের লয় হইলেও জগতের অস্তিত্ব লোপ

পাইবে না। স্বতরাং আমরা মানিতে বাধ্য যে এক সার্বভৌম বিরাট মন আছে বাহ্য আশ্রয়ের কাছে বিশ্বের রূপের মধ্যে অবচেতন অথবা তাহার আশ্রাতে আমাদের কাছে তাহা অতিচেতন ; সেই মনই \* নিজের বাসের জন্য এই বিশ্ব সৃষ্টি করিয়াছে। প্রত্যেকে যখন তাহার সৃষ্টির পূর্ববর্তী এবং সৃষ্ট পদার্থকে অভিক্রম করিয়াও বর্তমান থাকিতে হইবে তখন ইহাই বলিতে হয় যে এক অতিচেতন মন তাহার সার্বভৌম বোধ বা করণশক্তির সাহায্যে নিজেরই মধ্যে রূপের সঙ্গে রূপের সম্বন্ধবৈচিত্র্য সৃষ্টি করিয়া এই ছন্দোময় জড় জগৎ গড়িয়া তুলিয়াছে। কিন্তু ইহাতেও সমাধান পূর্ণ হইল না, ইহাতে পাইলাম যে জড় চৈতন্ত্যেরই সৃষ্ট পদার্থ, কিন্তু বিশ্বক্রিয়ার ভিত্তি ও উপাদানরূপে জড়কে চৈতন্ত্য কিভাবে সৃষ্টি করিয়াছে তাহা ইহাতে ব্যাখ্যাত হয় নাই।

যদি আমরা একেবারে পদার্থের মূল তত্ত্ব ফিরিয়া যাই, তাহা হইলে আরও পরিষ্কারভাবে বুঝিতে পারিব। শুদ্ধ সং ঘিনি তিনিই ক্রিয়াতে হন চিৎশক্তি, এই চিৎশক্তির ক্রিয়া তাহার চৈতন্ত্যের নিকট উপস্থিত হয় নিজ সত্তার বহুরূপে। শক্তি যখন একমাত্র ঘিনি আছেন সেই চিৎপুরুষেরই ক্রিয়া, তখন তাহার পরিণামও চিৎপুরুষের রূপরাজি ছাড়া আর কিছু হইতে পারে না ; স্বতরাং জড় বা দ্রব্য ব্রহ্মেরই রূপ। ব্রহ্মের এই রূপ আমাদের ইন্দ্রিয় বোধের নিকট যে ভাবে দেখা দেয় তাহার মূলে আছে মনের বিভজনশীল ক্রিয়া। এই মন হইতেই জগতের সমস্ত প্রতিভাসের একটা মুক্তিসদৃশ ব্যাখ্যা আমরা পাইয়াছি। আমরা জানিয়াছি যে প্রাণ চিৎশক্তিরই ক্রিয়া, জড়রূপ তাহার পরিণাম। এই সমস্ত রূপের মধ্যে সংবৃত্ত প্রাণ প্রথমে আমাদের মধ্যে অচেতন শক্তিরূপে দেখা দেয়, তারপর

---

\* আমরা মনকে বাহ্য বলিয়া জানি, তাহার সৃষ্টিশক্তি আপেক্ষিক, তাহা অপরের স্বরূপেই সৃষ্টিকার্য্যে ব্যবহৃত হয় ; নানাভাবে জোড়া দেওয়ার শক্তি তাহার অনুরক্ত, কিন্তু তাহার সৃষ্টিক্রিয়ার অবর্তন। শক্তি এবং মূল আকার উপর হইতে আসে ; মন প্রাণ ও জড়ের উপস্থিতিতে যে অনন্ত তাহাই সকল সৃষ্ট পদার্থের ভিত্তি, কিন্তু এখানে তাহা অশূন্য আনন্ত্য (infinitesimal) প্রতিরূপাশ্রিত, প্রতিরূপিত প্রাণ বিকৃত হইয়া দেখা দেয়। ঐক্যে বলা হইয়াছে ‘তাহাদের মূল উর্দে, যিহে তাহারা শাখা বিস্তার করিয়াছে’। এই অতিচেতন মনকে বরং অবিদ্যমান বলা যায়, আশ্রয় নানাতরঙ্গের শক্তির মধ্যে ইহার হান অবিদ্যমানের নীচের ভূমিতে, সেখানে ইহা লোকাৎভাবে অবিদ্যমানের অন্তর্গত বা আশ্রিত।

নিজেকে ধীরে ধীরে উন্মিষিত করিয়া অবশেষে শক্তিরই অন্তরহিত চেতনাকে, মনের আকারে ফুটাইয়া তোলে, কিন্তু এ চেতনা, যখন প্রকাশ পায় নাই তখনও ইহা অব্যক্তভাবে তাহার মধ্যেই নিহিত ছিল। আমরা আরও জানিয়াছি যে মন মূল অতিমানস বা স্বতচিদেরই একটা গৌণ শক্তি 'এবং প্রাণও এই শক্তির বীৰ্য্যবলী সাধনযন্ত্র। কারণ অতিমানস হইতে অবতরণ কালে চিৎশক্তির প্রকাশ হয় মনরূপে এবং শক্তির বা তপসের প্রকাশ হয় প্রাণরূপে। মন তাহার উচ্চতর সত্য অতিমানস হইতে পৃথক হইয়া পড়িয়া প্রাণকে বিভক্তব্য প্রতীয়মান করার, তারপর নিজেরই প্রাণশক্তির মধ্যে আরও সংবৃত হইয়া পড়িয়া জীবনের মধ্যে অবচেতন হইয়া পড়ে, এইভাবে জড়ের ক্রিয়াতে বাহির হইতে দেখা যায় যেন এক নিশ্চেতন শক্তিরই খেলা চলিতেছে। অতএব জড়ের মধ্যে যে নিশ্চেতনা, জড়ত্ব বা অসাড়তা (inertia) এবং জড় পরমাণুর যে বিকিরণ বৃত্তি বা ছড়াইয়া পড়িবার প্রবৃত্তি দেখা যায় সে সকলের মূলে রহিয়াছে মনের এই বিভক্ত এবং সংবৃত হইয়া পড়িবার বৃত্তি। এই ভাবেই আমাদের এ বিশ্ব সৃষ্ট হইয়াছে। সৃষ্টির দিকে অবতরণের সময় মন যেমন অতিমানসের শেষ ক্রিয়াকল এবং মনের এই অবতরণ হইতে জাত অবিজ্ঞার মধ্যে ক্রিয়ানীল প্রাণ যেমন চিৎশক্তিরই শেষ ক্রিয়ার ফল, তেমনি আমরা যে জড়কে জানি তাহা সেই ক্রিয়ার ফলে চিৎসত্তা যে রূপ অবশেষে গ্রহণ করেন তাহা ছাড়া আর কিছু নয়। বিশ্বমনের\* ক্রিয়া বশতঃ পরম এক চিৎসত্তা কেবলমাত্র প্রতিভাসে নিজের মধ্যে বহুরূপে যেন বিভক্ত হইয়া জড় বা বস্তুরূপ ধারণ করে—ব্যক্তিমন এই ভেদের পুনরাবৃত্তি করে এবং ভেদের মধ্যেই বাস করে—কিন্তু তাহাতে চিৎসত্তার একত্ব বা শক্তির একত্ব অথবা জড়ের খাঁটি একত্বের বিলোপ বা ন্যূনতা ঘটে না।

কিন্তু অবিভাজ্য সত্তাতে প্রাতিভাসিক ও ব্যবহারিক ভাবেই বা এ বিভাগ কেন? ইহার কারণ এই যে বৈচিত্র্য এবং বহুত্বের তত্ত্বকে যতদূর সম্ভব শেষ সীমায় পৌঁছানই মনের কাজ এবং তাহা করিবার একমাত্র উপায় এই বিভক্তন ও বিবিক্ত ভাব সৃষ্টি। তাই বহুর আধার স্বরূপ বহুরূপ সৃষ্টি করিবার জন্য মন উদ্যম-

\* মন শব্দ এখানে ব্যাপকতমভাবে ব্যবহার করা হইয়াছে, অতএব অবিমানস শক্তির ক্রিয়াও ইহার অন্তর্ভুক্ত; অবিমানসের স্থান অতিমানস স্বতচিদের সর্বাংগে। সঠিকট এবং তাহাই অবিজ্ঞার সৃষ্টির প্রথম উৎপত্তি স্থান।

বেগে প্রাণের মধ্যে নামিয়া সংস্করণ বিশ্বতত্ত্বকে হৃদয় ও বিজ্ঞান বস্তুর রূপ না দিয়া একটা স্থূল জড়রূপ দিতে বাধ্য হইয়াছে ; অর্থাৎ তাহাকে সর্ববস্তুর এমন আকার বা রূপ দিতে হইয়াছে যাহা স্থায়ী বহুত্বের মধ্যস্থিত স্থায়ী বস্তু বা বিষয়রূপে মনকে স্পর্শ করিতে পারে, সে রূপ হইলে চলে না যাহা শুদ্ধ চৈতন্ত্যের সংস্পর্শে আসিয়া নিজ শুদ্ধ শাস্ত সত্তা এবং সত্যের কিছু বোধ শুধু আগাইতে অথবা যাহা হৃদয় ইন্দ্রিয়ের নিকট চিয়য় সত্তার কোন তত্ত্বকে স্বচ্ছন্দে কেবল প্রকাশ করিতে পারে। মনের সঙ্গে ইন্দ্রিয়ের সংস্পর্শে যাহাকে ইন্দ্রিয়বোধ বলে তাহা জাত হয় কিন্তু এক্ষেত্রে এই ইন্দ্রিয়বোধকে অস্পষ্ট এবং বহিষ্কৃত হইতে হইয়াছে, এরূপ ইন্দ্রিয় যাহার সংস্পর্শে আসিবে তাহা যে বাহিরের একটা সত্য বস্তু, ইন্দ্রিয়বোধের সে সম্বন্ধে নিঃসংশয় হওয়া চাই। অতিমানসের মধ্য দিয়া মন ও প্রাণে সক্তিদানন্দের নামিয়া আসিবার ফলে অপরিহার্যরূপে সংস্করণকে জড় বস্তুরূপে নামিয়া আসিতে হইয়াছে। ইহা সেই ইচ্ছারই অবশ্যজ্ঞাবী ফল যে ইচ্ছার বশে অস্তিত্বের এই নিরন্তর অল্পভবের ক্ষেত্রে এই প্রাথমিক ব্যবস্থা দেখা দিয়াছে যে সত্তা বহুরূপে প্রকাশ পাইবে এবং বিষয়ের পরিজ্ঞান চৈতন্ত্যের বিভিন্ন কেন্দ্র হইতে পৃথকভাবে লাভ হইবে। সর্ব পদার্থের আধ্যাত্মিক ভিত্তি ভূমিতে ফিরিয়া গেলে, আমরা দেখিতে পাই বস্তু বা জড়ের পরিপূর্ণ শুদ্ধ সত্তা সেই চিয়য় স্বয়ম্ভু সত্তায় মিলাইয়া যায়, যিনি নিজের শাস্ত আত্মজ্যোতিতে আত্মসংবিৎ সম্পন্ন কিন্তু যাহার চৈতন্ত্যে নিজেকে নিজ জ্ঞানের বিষয়রূপে দেখিবার বৃত্তি জাগে নাই। অতিমানস আত্মজ্ঞান ও আত্ম-বিস্তৃতির আলোকের মূল উপাদানরূপে একত্ব বা তাদাত্ম্যবোধ জাত এই আত্মসংবিৎ রক্ষা করে, কিন্তু সৃষ্টিকার্য্যের জন্ত সত্তাকে উপস্থিত করে তাহারই নিজ চৈতন্ত্যে বিষয় ও বিষয়ী অথবা এক ও বহুরূপে। অতিমানসের সংজ্ঞান বিভাবে এক পরম জ্ঞানে যিনি সংস্করণ, তিনি নিজের মধ্যেই নিজেকে দেখেন অর্থাৎ জ্ঞাতা রূপে নিজে জ্ঞেয় রূপী নিজেকেই জানেন ; আবার সেই সঙ্গে যুগপৎ বা একই কালে প্রজ্ঞান বিভাবে নিজ চৈতন্ত্যের পরিধির মধ্যে নিজেকে বিষয় বা জ্ঞেয় রূপে স্থাপিত করিয়া নিজ হইতে ভিন্নরূপে নহে পরন্তু নিজের অংশ ( বা অংশ সমূহ) রূপে, অথচ সে অংশ নিজ হইতে যেন পৃথক করিয়া রাখা হইয়াছে এরূপভাবে দেখেন অর্থাৎ সৃষ্টির সেই কেন্দ্র হইতে দেখেন যেখানে চিৎসত্তা নিজেকে 'জ্ঞাত', সাক্ষী বা পুরুষরূপে নিজেকে কেন্দ্রীভূত করিয়াছেন। আমরা দেখিরাছি এই

প্রজ্ঞান চৈতন্য হইতে মনের ক্রিয়া উৎপত্তি হইয়াছে, যে ক্রিয়ার ফলে ব্যাট্টিচৈতন্য  
 নিজেই সমষ্টি সত্তার অন্তরূপকে আপনা হইতে যেন ভিন্ন মনে করে। কিন্তু  
 তাহার ফলেই অথবা বলিতে গেলে সেই সঙ্গে সঙ্গেই দিব্য মনে চলিতে থাকে  
 অন্য আর একটি ক্রিয়া বা ঐ ক্রিয়ার বিপরীতমুখী আর একটি ধারা যাহা সত্তার  
 অখণ্ডতার সহিত যোগ রক্ষা করিয়া প্রাতিভাসিক বিভাগের দোষ খণ্ডন করে এবং  
 এক মুহূর্তের জন্তও জ্ঞাতার নিকট ভেদ দর্শন ঐকান্তিক করিয়া তুলিতে দেয় না।  
 দিব্য মনের সচেতন ভাবে এই মিলন, বিভাজনশীল অবিচ্ছিন্ন মনের কাছে বিকৃত,  
 পূর্ণ বহিস্মুখী হইয়া ভিন্নরূপে চৈতন্যের কাছে বিবিক্ত সত্তা এবং বিভক্ত বস্তুর  
 মধ্যে স্পর্শরূপে প্রকাশ পায়, আমাদের খণ্ডিত চেতনায় এই সংস্পর্শ প্রধানতঃ  
 ইন্দ্রিয়বোধের আকার ধারণ করে। ইন্দ্রিয়বোধের এই ভিত্তির এবং ভেদ ভাবের  
 অধীন এই মিলনের বা স্পর্শের উপর আমাদের ভাবনাময় মন আশ্রয়প্রার্থী করে  
 এবং তথায় থাকিয়া যে মিলন ও একত্বে ভেদ ভাব অধীন এবং গোণ সেই  
 উচ্চতর মিলনে ফিরিয়া যাইবার জন্ত প্রস্তুত হয়। তাহা হইলে এই দাঁড়াইল যে  
 আমাদের পরিচিত জড় বস্তু হইল সেই রূপ, যাহাতে যে মন নিজে চিৎসত্তার  
 জ্ঞানময় স্পন্দ বা ক্রিয়া, আমাদের সেই মন ইন্দ্রিয়ের ক্রিয়ার মধ্য দিয়া চিন্নয়  
 সত্তার সংস্পর্শ লাভ করে।

কিন্তু মনের প্রকৃতিই এই যে চিৎসত্তার বস্তুরূপকে জানে এবং অনুভব করে  
 অখণ্ড বা সমগ্রভাবে নয় কিন্তু বিভাজন তত্ত্বের সাহায্যে ; সে যেন তাহাকে অস্তি-  
 স্কৃত বিন্দুরাজিরূপে দেখে এবং সমগ্রতায় পৌছিবার জন্ত এই বিন্দুগুলিকে একত্রে  
 সমাহার করে ; আবার মনের এই সমস্ত দৃষ্টিভঙ্গী ও সমাহারের মধ্যে বিশ্বমন  
 নিজেকে নিক্ষিপ্ত করিয়া তাহাদের অন্তরে বাস করে। এইভাবে স্থিত বিশ্বমন  
 সত্ত্ববিজ্ঞানের প্রতিজ্ঞা বলিয়া তাহাতে সৃষ্টি করিবার শক্তি অল্পহ্যত রহিয়াছে,  
 নিজের সকল প্রত্যয় বা উপলব্ধিকে প্রাণশক্তিরূপে রূপান্তরিত করাই তাহার নিজ  
 প্রকৃতি, তাই যেমন সর্বাস্তি (all-existent) তাহার সকল আশ্রয়বিভাবকে  
 তাহার সৃষ্টিশীল চিৎশক্তির বিচিত্র বীর্ঘ্যে পরিণত করেন তেমনি বিশ্বমন সার্ব-  
 ভৌম অস্তিত্বের এই সমস্ত বিচিত্র দৃষ্টিভঙ্গীকে বিশ্বপ্রাণেরই নানা ভঙ্গীতে পরিণত  
 করে। জড়ের মধ্যে এই বিশ্বমন তাহাদিগকে রূপত্ব প্রাণশক্তি পূর্ণ আশ্রয়  
 সত্তার রূপরাজিতে রূপান্তরিত করে এবং যে মন ও ইচ্ছার প্রভাবে এই গঠন



কার্য্য চলে তাহাদের দ্বারা সে রূপরাশি পরিচালিত হয়। আবার সেই সঙ্গে আণবিক সম্ভাসমূহ তাহাদের প্রকৃতির বশে একত্র ও সমাকৃত হইতে চায়; এই সমাহারসমূহের প্রত্যেকে রূপরূপ প্রাণশক্তি দ্বারা গোপনভাবে আবিষ্ট হয় এবং লুক্কায়িত মন ও ইচ্ছা দ্বারা পরিচালিত হয়, আর তাহার মধ্যে বিবিধ ব্যাপ্তিসত্তার একটা মিশ্রা অভিমান দেখা দেয়। এইরূপ ব্যাপ্তিবস্তুর মধ্যে মন যখন প্রচ্ছন্ন ও অব্যক্ত তখন তাহার মধ্যে স্বভাবাগ্ন অহং প্রকাশ পায় যাহার মধ্যে কোন-কিছু-হইয়া-উঠার ইচ্ছা থাকে নির্বাক এবং অবরুদ্ধ কিন্তু তথাপি সে ইচ্ছা কম শক্তিশালী নয়। পক্ষান্তরে মন যেখানে ব্যক্ত এবং প্রকাশিত সেখানে আত্ম-সচেতন মনোময় অহং দেখা দেয় যাহার মধ্যে কিছু-হইয়া-উঠার ইচ্ছা থাকে মুক্ত, সচেতন এবং পৃথকভাবে ক্রিয়ালীল।

অতএব জড়ের যে আণবিক অস্তিত্ব আমরা অনুভব করিতেছি, তাহার মূলে কোন শাস্বত এবং আদিম জড়ের শাস্বত এবং মৌলিক বিধান নাই, বিশ্বমনেরই প্রবৃত্তি এবং ক্রিয়ার প্রকৃতিই তাহার মূল কারণ। জড় একটা স্থিতি পদার্থ, এই স্থিতির জন্য একটা আদি বিন্দু বা ভিত্তিরূপে অনন্তকে অতিক্রম আণবিক ভাবের বিভাগে বিভক্ত হওয়ার প্রয়োজন ছিল। যাহাকে ধরা ছোঁয়া যায় না এমন আকাশ (ether) থাকিতে পারে (অথবা থাকিতে পারে কেন নিশ্চয় আছে) জড়ের প্রায় আধ্যাত্মিক আশ্রয়রূপে, কিন্তু প্রতিভাস হিসাবে তাহাকে জড়রূপে ধরা যায় না, অন্ততঃ আমাদের বর্তমান জানে তাহা সম্ভব নয়। কোন স্থূল দ্রব্যকে অথবা পরমাণুকে ভাঙ্গিয়া অতি পরমাণু বা সত্তার অতি সূক্ষ্মতম অংশেও যদি ভাগ করা যায় তথাপি তাহাতে—যে মন ও প্রাণ তাহাদিগকে গঠিত করিয়াছে তাহাদের প্রকৃতির জন্য—একটা চরম আণবিক সত্তা থাকিবে, হয়ত তাহা স্থিতিধর্মী (stable) হইবে না কিন্তু শাস্বত শক্তি প্রবাহের মধ্যে সর্বদাই তাহা একটা না একটা আকার ধারণ করিবেই। যাহার মধ্যে কিছু নাই তেমন অণুভাব বর্জিত শুদ্ধ ব্যাপ্তিমায়ে পর্য্যবসিত হইবে না। অণুভাব শূন্য ব্যাপ্তি, যে ব্যাপ্তিতে বিবিধ পদার্থের সমাহার বা সমষ্টি নাই, এক সঙ্গে বহু আছে অথচ দেশে তাহার পৃথকভাবে স্থাপিত নয়—এ ভাবের শুদ্ধ অস্তিত্ব শুদ্ধ সম্বস্তুর ধর্ম। এ সমস্ত সত্যের জ্ঞান অভিমানসে আছে তাহার ক্রিয়ার তত্ত্বরূপে, কিন্তু তাহাদিগকে বিভাজক মনের সৃষ্টিশীল ধারণা বলা যাইতে পারে না যদিও মন

তাহার ক্রিয়ার অন্তরালে অবস্থিত তাহাদের অল্পভব করিতে পারে। এ সমস্ত সত্য জড়ের ভিত্তি বটে কিন্তু প্রতিভাসে আমরা যাহাকে জড় বলি তাহা নহে। শুদ্ধ সংস্করণ এবং তাহার চিন্নয় ব্যাপ্তির নিষ্ক্রিয় সত্যের সঙ্গে মন প্রাণ জড় এক হইতে পারে, কিন্তু তাহাদের ক্রিয়াশীলতা, আত্মবোধ বা আত্মরূপায়ণে সে একান্ত ভাব লইয়া চলিতে পারে না।

সুতরাং জড়ের তত্ত্ব এই বলিয়া বুঝা গেল যে বিশেষ সংস্করণের আত্মব্যাপ্তি মূল বস্তু বা চৈতন্ত্যের বিষয়রূপে দেখা দেয়, বিশ্বমন ও বিশ্বপ্রাণের সৃষ্টিক্রিয়াতে যাহা আংশিক বিভাগ ও অণু সকলের সমাহার রূপে সমষ্টির আকার ধারণ করে আমরা তাহাকেই জড় বলি। কিন্তু মন ও প্রাণের মত এই জড় আত্মবিসৃষ্টিত ব্রহ্ম বা সর্ববস্তু ছাড়া আর কিছু নয়। ইহা চিন্নয় সত্তার শক্তিরই একটা রূপ—মন যে রূপের আকার দিয়াছে এবং প্রাণ যাহাকে বস্তুরূপে ফুটাইয়া তুলিয়াছে। জড় তাহার নিজ সত্য-চেতনা নিজের মধ্যেই গোপনভাবে ধারণ করিয়া রহিয়াছে, যে চেতনা আত্মরূপায়ণের খেলার মধ্যে সংবৃত এবং পূর্ণভাবে ময় সুতরাং আত্ম-বিশ্বত। জড়কে আমরা যতই অচেতন এবং বোধশূন্য মনে করি না কেন তথাপি ইহার মধ্যস্থিত অন্তর্গত চেতনার গোপন অল্পভবের নিকট ইহা সত্তার রসোল্লাসের একরূপ। সেই দিব্য সত্তাকে তাহার অব্যক্ত অবস্থা হইতে প্রকটলীলায় ফুটাইয়া তুলিবার জন্ত, জড়ই সেই গোপন চৈতন্ত্যের নিকট আনন্দময় বিষয়রূপে নিজেকে উৎসর্গ করিয়াছে। সংস্করণই বস্তুরূপে ফুটিয়া উঠিতেছেন, সত্তার শক্তির আকার-রূপে নিজেরই গোপন চৈতন্ত্যের আত্মরূপায়ণে প্রকাশ পাইতেছেন, আনন্দ নিজের চৈতন্ত্যের বিষয়রূপে নিজেকে নিবেদন করিতেছেন—ইহা সচ্চিদানন্দ ছাড়া আর কি হইতে পারে? অতএব জড়ও ব্রহ্ম, নিজের মনোময় অল্পভবের নিকট বাহিরের জ্ঞান, ক্রিয়া এবং আনন্দময় সত্তার রূপময় ভিত্তিরূপে সচ্চিদানন্দের নিজের অভিব্যক্তি-ই জড়।

## পঞ্চবিংশ অধ্যায়

### জড়ের গ্রহি

নিজের শক্তি বলে বা দৈত বুদ্ধি লইয়া জ্যোতিষ্ময়  
অধীশের সত্যে আমরা পৌছিতে পারি না।...কাহার মিথ্যার  
প্রতিষ্ঠাকে বজায় রাখিতেছে? কাহার মিথ্যা বাণীর রক্ষক  
হইয়া আছে?

ঋগ্বেদ ( ৫।১২।২,৪ )

তখন সং ছিল না, অসং ছিল না, অন্তরীক ছিল না,  
আকাশ ছিল না অথবা তাহার উপরে যাহা অবস্থিত  
তাহাও ছিল না? সব ঢাকিয়া কি ছিল? তাহা কোথায়  
ছিল? কাহার আশ্রয়ে ছিল? কি ছিল সেই গহন ও গভীর  
মহাসমুদ্র রূপে? তখন না ছিল মৃত্যু না অমৃত, না ছিল দিন বা  
রাত্রির জ্ঞান। নিঃশ্বাসশূন্য সেই এক ছিলেন নিজের বিধানে,  
তাহা ছাড়া আর কিছু ছিল না, তাহার অতীতও কিছু ছিল না।  
সেই সর্বপ্রথমে অন্ধকার দিয়া অন্ধকার আবৃত ছিল, এই সব  
যাহা কিছু তাহা ছিল নিশ্চেতনের মহাসমুদ্র। বিখণ্ডভাবে যখন  
বিশ্বসত্তা ঢাকা ছিল তখন তপঃশক্তির সামর্থ্য ও মহিমা লইয়া  
এক আবির্ভূত হইলেন। প্রথম গতি ক্রিয়াতে সেই এক দেখা  
দিলেন কামনা রূপে যাহা ছিল মনের আদিবীজ। সত্যব্রহ্ম  
কবির হৃদয়ের এষণা এবং মনীষা দিয়া অসত্তের মধ্যে সত্তার  
সংগঠন খুঁজিয়া বাহির করিলেন, তির্ধ্যকভাবে তাহাদের রশ্মি  
ছড়াইয়া পড়িল, কিন্তু নীচে কি ছিল? উপরেই বা কি?  
ছিল রেতোধা পুরুষেরা ছিল মহিমাবান, স্ববিধান নীচে আর  
ইচ্ছাশক্তি ছিল উপরে।

ঋগ্বেদ ( ১০।১২০।১-৫ )

আমরা যে সিদ্ধান্তে পৌঁছিয়াছি তাহা যদি সত্য হয়—আমরা যে সমস্ত তথ্য লইয়া বিচার করিয়াছি তাহা হইতে অল্প কোন সিদ্ধান্তে আসাও যায় না—তাহা হইলে ব্যবহারিক অভিজ্ঞতা এবং মনের দীর্ঘকালব্যাপী অভ্যাসের বশে আমরা চিৎ ও জড়ের মধ্যে যে প্রবল ভেদদর্শন করি তাহা মূলতঃ কোন সত্যের উপর প্রতিষ্ঠিত নহে। বিশ্ব একটা বহুবিচিত্র অথবোঁর বা নানারূপে একের খেলা, স্বাধীন বৈষম্যের মধ্যে আপোষের নিয়ত চেষ্টার বা অসম্মাধেয় স্বাম্বের চিরসংগ্রামের ক্ষেত্র নয়। যাহা হইতে অনন্ত বৈচিত্র্য উৎসারিত হইতেছে এমন এক অবিভাজ্য এবং অবিচ্ছেদ্য একত্ব ইহার আদি ও প্রতিষ্ঠা; সকল আপাত বিভাগ, বিরোধ ও স্বাম্বের পশ্চাতে অবস্থিত এক সামঞ্জস্য সকল বৈষম্যকে, যাহা চিরকাল এক এবং নিজের সকল জটিল কর্ণের প্রভু এমন এক গোপন চেতনা এবং ইচ্ছার মধ্যে, বিশাল উদ্দেশ্য সাধনের জন্য সর্বদা পর্য্যবসিত করিয়া দিতেছে—ইহাই তাহার মধ্য অবস্থার প্রকৃতি মনে হয়। সুতরাং আমাদের ধরিতে হইবে যে সেই চেতনা ও ইচ্ছা প্রকাশিত ও পরিপূর্ণ হইয়া এক সর্বজনীন স্বেচ্ছা ও সামঞ্জস্য স্থাপিত করিবে—তাহাই হইবে ইহার শেষ পর্ব। এই চিন্তাশক্তি নিজের যে রূপের উপর নিজে ক্রিয়া করে তাহার নাম বস্তু বা পদার্থ (substance) যাহার এক প্রান্ত জড় অল্প প্রান্ত চিৎ, দুইই এক; আমরা যাহাকে জড় বলিয়া বোধ করি তাহার আত্মা ও সত্য হইল চিৎ, আর যাহাকে চিৎ বলিয়া অনুভব করি তাহার দেহ ও রূপ হইল জড়।

অবশ্য ব্যবহারিক ক্ষেত্রে এ উভয়ের মধ্যে বিশাল পার্থক্য রহিয়াছে, সেই পার্থক্যকে ভিত্তি করিয়া অবিচ্ছিন্ন ভাবে বহু জগৎসত্তা আছে এবং তাহাদের মধ্যে ক্রমোন্নতি একটা পরম্পরা আছে। আমরা বলিয়াছি যে চিৎসত্তা যখন ইন্দ্রিয়ের বিষয় রূপে নিজেকে উপস্থাপিত করে তখনই তাহা দ্রব্যরূপ ধারণ করে। যে ভাবে ইন্দ্রিয়ের সঙ্গে সম্বন্ধ স্থাপিত হয় সেই ভাব বা ধরণকে ভিত্তি করিয়া জগতের গঠন এবং তাহার প্রগতি চলিতে থাকে। এই ভিত্তি যে একই হইবে, ইন্দ্রিয়ের সঙ্গে বিষয়ের এই সম্বন্ধের একই অপরিবর্তনীয় রীতি বা একই মূলধারা যে থাকিবে এমন কোন কথা নাই, বরং ইহারও একটা ক্রমোন্নতি বা এবং ক্রমপরিণতিশীল পর্য্যায় বা অঙ্কুর (series) আছে। আমরা জানি

যে শুদ্ধমন যাহার মধ্যে থাকিয়া স্বাভাবিক ও স্বচ্ছন্দ ভাবে কাজ করিতে পারে এমন পদার্থ বা বস্তু আছে—যাহা আমাদের জড় ইন্দ্রিয় যাহাকে দ্রব্য বলিয়া জানে বা ধারণা করিতে পারে তদপেক্ষা বহুগুণে সূক্ষ্ম, নমনীয় ও নবনব আকার ধারণক্ষম (plastic)। আমরা বলিতে পারি যে একপ্রকার মনোময় বস্তু বা পদার্থ আছে, কারণ এক সূক্ষ্মতর মাধ্যম বা পরিমণ্ডলে (medium) যে রূপের উদ্ভব হয়, ক্রিয়া পরিচালিত হয়, অভিজ্ঞতা ইহা আমাদের জানাইতে পারে। তদ্রূপ আমরা বলিতে পারি ক্রিয়াশীল গুরু প্রাণশক্তিময় বস্তুও আছে যাহা সূক্ষ্মতম জড় পদার্থ বা ইন্দ্রিয়গ্রাহ্য জড়শক্তি-প্রবাহ হইতে অন্তর্বিধ। চিৎশক্তিকেও সত্তার গুরু বস্তু বলিতে পারি, যাহা অবশ্য জড় ইন্দ্রিয় অথবা মন বা প্রাণময় বোধের বিষয় হয় না, কিন্তু তাহা গুরু অধ্যাত্ম জ্ঞানালোকের বিষয় হইতে পারে, যাহাতে বিষয়ী বা জ্ঞাতা নিজেরই বিষয় বা জ্ঞেয় পদার্থ হইয়া দাঁড়ায়; অর্থাৎ সেখানে যিনি দেশ ও কালের অতীত তিনি সর্ব অন্তিস্থের আদি উপাদান ও ভিত্তিরূপে এক গুরু চিন্ময় আত্মপ্রত্যয়রূপ আত্মপ্রসারণের মধ্যে নিজেই নিজেকে জানেন। ইহারও অতীত ভূমিতে পৌঁছিলে বিষয় ও বিষয়ীর মধ্যে জানে যত ভেদ থাকিতে পারে তাহা সমস্তই এক পরম একত্বের মধ্যে ডুবিয়া মিলাইয়া যায়, সেখানে আর বস্তু-রূপের কথা উঠিতে পারে না।

অতএব মনের নয়, অধ্যাত্ম ক্ষেত্রের একটা পার্থক্য দর্শনের প্ররুতি বা প্রত্যয় ব্যবহারিক ক্ষেত্রে বাস্তব ভেদরূপে আসিয়া পর্য্যবসিত হইয়াছে, সৃষ্টিতে এইভাবে একটা ধারা নামিয়া আসিয়াছে চিৎ হইতে মনের মধ্য দিয়া জড় পর্য্যন্ত, আবার পরিণতির পথে জড় হইতে মনের মধ্য দিয়া ধারা চলিয়াছে চিত্তের দিকে। কিন্তু ইহাতে খাটি একত্বের কখনও বিলোপ হয় নাই; আমরা যখন সেই আদি ও পূর্ণদৃষ্টি ফিরিয়া পাইব, তখন দেখিব যে জড়ের স্থূলতম ঘনত্বের মধ্যেও সে একত্ব প্রকৃত পক্ষে বিন্দুমাত্র খর্ব্ব বা বিকৃত হয় নাই; ব্রহ্ম যে বিশ্বের কেবল নিমিত্ত কারণ, তিনি যে শুধু বিশ্বকে ধারণ করিয়া আছেন এবং অন্তর্ধামীরূপে ইহার মধ্যে কেবল যে বাস করিতেছেন তাহা নহে, তিনিই ইহার উপাদান এবং একমাত্র উপাদান। জড়ও ব্রহ্ম, ইহা ব্রহ্ম হইতে পৃথক বা ব্রহ্মাতিরিক্ত কিছু নয়। জড় যদি চিৎ হইতে যিচ্ছির

হইতে পারিত তবে জড় ব্রহ্ম নয় একথা বলা চলিত কিন্তু আমরা দেখিয়াছি জড় দিব্য সংস্করণের শেষ রূপ ও বিষয় রূপে প্রকাশিত বিভাব এবং তাহার অন্তরে এবং পশ্চাতে অথও ভগবৎসত্তা নিত্যবিরাজিত। যেমন আপাত জ্ঞানহীন এবং অসাড় জড়ের মধ্যে সর্বত্র এবং সর্বদা অল্পম্যুত রহিয়াছে এক শক্তিশালী গতিশীল প্রাণশক্তি, যেমন গতিশীল কিন্তু আপাত অচেতন প্রাণের মধ্যে গোপন ভাবে আছে এক অব্যক্ত কিন্তু সর্বদা ক্রিয়াশীল মন, যাহার নিগূঢ় প্রবৃত্তিই প্রাণের শক্তিরূপে ব্যক্ত হইতেছে, আবার যেমন কোন কিছুকে নিশ্চিতরূপে জানিবার শক্তি যাহার নাই সেই অবিচ্ছিন্ন অনালোকিত জীবদেহাধিষ্ঠিত মনের পিছনে আছে তাহারই আত্মস্বরূপ অতিমানস, যাহা তাহার গোপন আশ্রয় এবং পরমপরিচালক এবং যাহা সমভাবেই বর্ত্তমান আছে সেই জড়ের মধ্যে, যাহাতে মনের ক্ষুরণ এখনও হয় নাই, তেমনি ভাবে এই জড়, প্রাণ, মন ও অতিমানস যাহার বিভূতিমাত্র সেই শাশ্বত ব্রহ্ম বা সচ্চিদানন্দ ইহাদের সকলের মধ্যে যে কেবল বাস করিতেছেন তাহা নহে পরন্তু তিনিই এই সমস্ত হইয়াছেন যদিও ইহার কেহই তাহার চরম বা পরম সত্তা নয়।

কিন্তু তবু ধারণায় ভেদ এবং ব্যবহারিক ক্ষেত্রে পার্থক্য আছে এবং যদিও স্বরূপতঃ জড় চিৎ হইতে বিচ্ছিন্ন নয় তবু ব্যবহারে দেখা যায় তাহা এতই পৃথক, তাহার ধর্ম এত বিভিন্ন, এমন কি এতই বিরোধী যে জড়জীবন যেন আধ্যাত্মিক জীবনের প্রতিষেধই মনে হয় এবং ইহাকে বর্জন করাই ইহার হাত হইতে মুক্তি পাইবার একমাত্র সহজ পন্থা বলিয়া মনে হওয়া বিচিত্র নহে, কথাটা নিঃসংশয়ে সত্য; কিন্তু সহজ হউক বা কঠিন হউক বর্জন করা সমস্তার সমাধান নহে। তথাপি ইহা নিশ্চিত যে জড়ের মধ্যেই রহিয়াছে গোলক ধাঁধা, ইহাই আনিয়াছে সকল বাধা ও সঙ্কট; কারণ জড়ের জন্তই প্রাণ স্থূল এবং সীমাবদ্ধ, বেদনা এবং মৃত্যু দ্বারা লাহিত; আবার জড়ের জন্তই মনকে প্রায় অন্ধ, ছিন্ন পক্ষ, পিঞ্জরাবদ্ধ হইতে হইয়াছে, এবং উপরের যে আকাশ সম্বন্ধে সে সচেতন সেই বিশাল মুক্ত নভোমণ্ডলে স্বাধীনভাবে বিচরণ করিবার শক্তি তাহাকে চারাইতে হইয়াছে। তাই সর্বভাগী একান্ত মুক্তিসাধকের মনে যদি জড়ের পঙ্কিলতার জন্য জাগে স্থগা, প্রাণের জাস্তব স্থূলতার জন্ত যদি দেখা দেয় বিত্রোহ, অথবা মনের নিজের মধ্যে

বন্ধ সংকীর্ণতা এবং নীচের দিকের দৃষ্টির জন্ত যদি আসিয়া গড়ে অসহিষ্ণুতা ও নিষ্ক্রিয়তা এবং নৈঃশব্দের সাধনা দ্বারা ইহাদিগকে দূরে নিক্ষেপ করিয়া ব্রহ্মের নির্বিকল স্বাতন্ত্র্যের মধ্যে ফিরিয়া যাইবার জন্ত যদি উদয় হয় সঙ্কল্প, তবে তাহার দৃষ্টিভঙ্গীর দিক হইতে তাহাকে দোষ দেওয়া যায় না। কিন্তু কেবল ইহাই একমাত্র দৃষ্টিভঙ্গী নয়। অথবা বহু সাধু সন্তের স্বর্ণসমুজ্জল সমুদ্রত জীবনের দ্বারা এ পথ গৃহীত এবং মহিমামণ্ডিত হইলেও ইহাই পূর্ণ জ্ঞান অথবা জ্ঞানের শেষ কথা ইহা আমাদের মনে করিবার প্রয়োজন নাই। বরং সকল বিক্ষোভ এবং বিদ্রোহ হইতে নিজেকে মুক্ত করিয়া বিশ্বের এই দিব্য বিধানের অর্থ কি তাহা বুঝিবার চেষ্টা করা যাক। চিংকে অস্বীকার করিয়া এই যে জড়ের বিশাল গ্রন্থি পড়িয়াছে, তাহাকে জোর করিয়া কাটিয়া না ফেলিয়া ধৈর্য সহকারে তাহার প্রত্যেকটা সূত্র পৃথক করিয়া এ গ্রন্থিমোচন বা সমস্তার সমাধান করিতে প্রবৃত্ত হওয়া উচিত। তাই কোথায় বাধা, কোথায় বিরোধ তাহা প্রথমে পূর্ণরূপে ও স্পষ্টভাবে বিবৃত করিতে, তাহাদিগকে লঘুভাবে না দেখিয়া প্রয়োজন হইলে বরং একটু অতিরঞ্জিত করিয়াই দেখিতে এবং তাহার পর সমাধানের চেষ্টা করিতে হইবে।

চিত্তের সঙ্গে জড়ের প্রথম বিরোধ এই যে জড়ের মধ্যে অবিচার তত্ত্ব চরমে পৌছিয়াছে। মানুষ যখন কোন কার্যে গভীর ভাবে অভিনিবিষ্ট হয়, তখন সে শুধু নিজে কে তাহা যে ভুলিয়া যায় তাহা নহে, নিজের অস্তিত্ব পর্যন্ত বিস্মৃত হইয়া সাময়িক ভাবে সে ক্রিয়মান কৰ্ম ও তাহা করিবার শক্তিরূপে যেমন পর্যাবসিত হইয়া যায়, এখানে চিং তেমনভাবে আত্মবিস্মৃত হইয়া নিজক্রিয়ার রূপের মধ্যে নিজেকে হারাইয়া ফেলিয়াছে। চিংসত্তা স্বয়ংজ্যোতি, সমস্ত শক্তির পিছনে তাহার আত্মজ্ঞান নিত্য জাগ্রত, সকলের তিনিপ্রভু, কিন্তু জড়ের মধ্যে তিনি যেন বিলুপ্ত, যেন তিনি একেবারে নাই, হয়ত তিনি কোথাও আছেন কিন্তু এখানে যেন জ্ঞানহীন নিশ্চেতন জড়শক্তিমাত্র রাখিয়া গিয়াছেন, সে শক্তি অনন্তকাল ধরিয়া কেবল সৃষ্টি ও ধ্বংস করিতেছে কিন্তু সে নিজে কে, কি সৃষ্টি করে, কেনই বা আর্দ্র সৃষ্টি করে অথবা একবার বাহা সৃষ্টি করে কেন তাহা আবার ভাঙিয়া ফেলে ইহার কিছুই সে জানে না; জানে না, কেননা তাহার মন নাই; তাহার দরদ নাই, কেননা তাহার ক্ষম দরদ নাই। ঘড়িও জড়জগতের বিষয়েও ঐটি সত্য ইহা নহে, যদিও এই সমস্ত মিথ্যা

প্রতিভাসের অন্তরে একটা মন একটা ইচ্ছা এবং মন বা মাননিক সঙ্কল্পের চেয়েও বৃহত্তর একটা কিছু বর্তমান আছে, তবুও যে চৈতন্ত জড়ের অন্ধরাঙ্গি হইতে উন্মিষিত হইয়াছে সেই চৈতন্তের কাছে জড় জগতের এই অন্ধকারময় মূর্তিই খাটি সত্যরূপে প্রতিভাত হয়, এবং যদিও ইহা সত্য নয় মিথ্যা, তবুও এ মিথ্যা পরম শক্তিশালী, কারণ ইহা দ্বারা আমাদের প্রাতিভাসিক সত্তার অবস্থা ও প্রকৃতি নির্ণিত হয় এবং ইহা আমাদের সকল অভীপ্সা ও সাধনাকে অবরুদ্ধ করিয়া রাখে।

কারণ ইহা এক কিছুতকিমাকার ব্যাপার, জড় বিশ্বের ইহাই অতি ভীষণ ও নির্ময় রহস্য এই যে এই অ-মন অর্থাৎ এই যাহা-মন-নহে তাহা হইতে একটা মন অথবা অন্ততঃপক্ষে বহু মন উন্মিষিত হইয়া উঠিয়াছে, জড় বিশ্বের বিধানানুযায়ী বিরাট শক্তিশালী অবিচার মধ্যে বাস করিয়া যাহারা আলোকের জন্ত ক্ষীণভাবে প্রয়াস পাইতেছে, যাহারা ব্যষ্টিভাবে অতি অসহায়, কেবল যখন আত্মরক্ষার জন্ত সমষ্টিভাবে মিলিত হয় তখন তাহাদের অসহায় ভাব কতকটা কাটে—ইহাই ত বিশ্ববিধান বলিয়া বোধ হয়। এই জদয়হীন নিশ্চেতনা হইতে জ্ঞাত হইয়া ইহারই কঠোর শাসনাধীনে বাস করিয়া কত আকৃতিভরা জদয় ইহারই লৌহময় সত্তার অন্ধ এবং অচেতন নিষ্ঠুরতার ভারে জর্জরিত এবং রক্তাক্তকলেবর হইতেছে, সে নিষ্ঠুরতা তাহাদের চেতনার স্পর্শে সচেতন, নৃশংস, হিংস্র ও ভীষণ হইয়া উঠিয়া তাহার নির্ময় বিধান তাহাদের উপর প্রয়োগ করিতেছে। কিন্তু তবু প্রশ্ন জাগে প্রতিভাসের পিছনে এই আপাত প্রতীয়মান রহস্যটা কি? আমরা বুঝিতে পারি যে আত্মহারা চৈতন্ত এইভাবে নিজেকে ফিরিয়া পাইতে চাহিতেছে; প্রথমে বিপুল আত্মবিশ্বাস হইতে অতি ধীরে যত্ননায় ক্ষত বিক্ষত হইয়া বোধশক্তির সজ্জাবনা লইয়া প্রাপরূপে তাহার উন্মেষ, তাহার পর তাহার মধ্যে ক্রমে বোধশক্তি জাগিতেছে, অর্দ্ধক্ষুর্ট, অনতিক্ষুর্ট এবং পূর্ণক্ষুর্টরূপে, আবার তাহার পর প্রাকৃত বোধশক্তিকে অতিক্রম করিয়া তাহার অভীপ্সা জাগে দিব্য আত্মসংবিৎ লাভ করিবার জন্ত, যাহা স্বাধীন, অনন্ত এবং অমৃত। কিন্তু তাহাকে যে বিধানের মধ্য দিয়া এভাবে অগ্রসর হইতে হইতেছে তাহা এ সময়ের বিরোধী ও বিপরীত, তাহাকে জড়ের মিয়ন্ত্রণ বা অবিচার শাসনের বিরুদ্ধে চলিতে হইতেছে। এই জ্ঞানহীন খণ্ডিত জড়ের দ্বারা রচিত ও নিয়ন্ত্রিত হয়, তাহার



সাধনযন্ত্র ও পথ, ইহা প্রতি পদক্ষেপে তাহার উপর অবিজ্ঞা ও সীমার সঙ্কোচ আরোপ করে।

জড় ও চিত্তের সঙ্গে দ্বিতীয় মৌলিক বিরোধ এই যে জড়ের মধ্যে যান্ত্রিক বিধান চরমে পৌঁছিয়াছে, তাই যাহা কিছু মুক্ত হইতে চায় তাহার বিরুদ্ধে সে আনিয়া উপস্থিত করে এক বিরাট অসাড়তা বা তামসিকতা। জড় যে নিজের অসাড় বা নিম্পন্দ তাহা নহে বরং তাহার মধ্যে আছে এক অন্তহীন গতি, অভাবনীয় এক শক্তির খেলা, বিরামহীন এক কর্মধারা, যাহার বিশালতায় আমরা বিশ্বয় বিমুগ্ধ। কিন্তু চিংসতা স্বাধীন, নিজে নিজের এবং নিজ কর্মের প্রভু, তাহাদের দ্বারা বদ্ধ নহে, সে নিয়ম বা বিধানের স্রষ্টা, তাহাদের অধীন নয়, কিন্তু অমিত শক্তি সম্পন্ন এই জড় ইহার উপর আরোপিত যান্ত্রিক বিধানের বাঁধাধারা কঠিন বন্ধনের অচ্ছেদ্য শৃঙ্খলে বদ্ধ, এ বিধান সে বোঝে না, কখনও ধারণা করিতেও পারে নাই; কিন্তু যন্ত্র যেমন অবশ ও অচেতনভাবে চালিত হয় সেও তেমনিভাবে পরিচালিত হইতেছে এবং যন্ত্রের মতই সে জানে না কে কি উপায়ে কি উদ্দেশ্যে এবিধান সৃষ্টি করিয়াছে। প্রাণ যখন উন্মিষিত হইয়া জড়ের রূপ ও শক্তির উপর নিজেকে আরোপ করিতে চায় এবং নিজের প্রয়োজনে নিজের ইচ্ছামত সব কিছুকে ব্যবহার করিতে চায় এবং মন যখন জাগিয়া উঠিয়া নিজের এবং সর্বপদার্থের স্বরূপ কি, কেন কোন্ পদ্ধতিতে সকলে চলে তাহা জানিতে চায় এবং সর্বোপরি যখন সে তাহার জ্ঞানকে ব্যবহার করিয়া সকলের উপর নিজের স্বাধীনতার বিধান এবং নিজনিয়ন্ত্রিত কর্মধারা চালাইতে চায়, তখন জড়-প্রকৃতি খানিক ধনুতাদ্বিত্বের পর অনিচ্ছাসত্ত্বেও যেন হার মানে এবং মনের শাসন কতকদূর পর্য্যন্ত স্বীকার করিয়া লয়, এমন কি যেন মনে হয় যে সে যেন মনের সহায় ও সমর্থক হইয়া পড়িয়াছে। কিন্তু তাহার পর যদি মন আরও অগ্রসর হইতে চায় তবে অতি দৃঢ় বাধা দেয়, এমন ভাবে না বলিয়া বসে যে আর তাহাকে তাহার অনন্য অসাড়তা হইতে নাড়ান যায় না, এমন কি মন ও প্রাণের এই প্রতীতি জন্মাইতে চায় যে তাহাদের আর অগ্রসর হইবার শক্তি নাই। তাহাদের অপূর্ণ জয়কে অল্পসরণ করিয়া পূর্ণ জয় বা সিদ্ধিতে পৌঁছান তাহাদের পক্ষে অসম্ভব। প্রাণ চায় বিস্তার লাভ করিতে, নিজেকে দীর্ঘকাল বাঁচাইয়া রাখিতে এবং ইহাতে সে সফলও হয় কিন্তু যখন চায় সে বিশ্বব্যাপ্তি এবং অমরতা,

তখন তাহার সম্মুখে আসিয়া দাঁড়ায় জড়ের লৌহ কঠিন বাধা, প্রাণ দেখিতে পায় যে সে নিজে সন্ধীর্ণতা এবং মৃত্যু দ্বারা বদ্ধ। মন প্রাণকে সাহায্য করিতে এবং সকল জ্ঞান লাভ করিবার তাহার নিজের যে আকৃতি আছে তাহাকে পূর্ণ করিতে চায়; সে চায় আলোকময় হইতে, সত্যকে পাইতে এবং সত্যময় হইতে, চায় ভালবাসা ও আনন্দের বিধানকে প্রবল করিতে এবং নিজে প্রেমময় ও আনন্দময় হইতে কিন্তু তাহার সম্মুখে সর্বদা আসিয়া দাঁড়ায় জড় জীবনের সহজসংস্কার, জড়ময় বোধের এবং জড়যন্ত্রের বা দেহের অস্বীকৃতি ও বাধা, ইহারা তাহাকে লইয়া যায় বিপথে, ভ্রান্তি ও স্থলতার মধ্যে। ভ্রান্তি তাহার জ্ঞানকে চিরকাল অম্লসরণ করে, অন্ধকার অবিচ্ছিন্ন ভাবে থাকে ইহার আলোকের পটভূমিকা ও সহচররূপে; সত্যের সন্ধান যখন সফল হইয়াছে বা সত্য যখন তাহার করতলগত মনে করে তখন দেখিতে পায় যে তাহা আর সত্য নহে, তাই আবার তাহাকে সত্যাহুসন্ধানে ছুটিতে হয়; প্রেম তাহার কাছে আসে কিন্তু সে নিজেকে তৃপ্তি দিতে পারে না, আনন্দ আসে কিন্তু সে নিজেকে সমর্থন করিতে পারে না এবং ইহাদের প্রত্যেকেই যেন নিজের ছায়া অথবা শূন্যলরূপে লইয়া আসে তাহাদের যত প্রতিপক্ষ—ক্রোধ, ঘৃণা, বিদ্বেষ, উদাসীনতা অথবা ভোগক্লান্তি, (satiety) দুঃখ ও যন্ত্রনা। প্রাণ ও মনের দাবিতে জড়ে জাগে গুণ্ড তার জড়তা বা অসাড়তা, তাই অবিচারকে এবং যাহা অবিচারই বীর্ঘ্য সেই অন্ধশক্তিকে আর জয় করা হয় না।

এরূপ হয় কেন তাহা যখন আমরা খুঁজিতে যাই তখন দেখি জড়ের আর একটি তৃতীয় শক্তির বলেই তাহার অসাড়তা এবং বাধা জয়লাভ করে। জড় চিত্তের কাছে তৃতীয় যে মৌলিক বাধা উপস্থিত করে তাহা এই যে বিভাগ এবং সংঘাতের তত্ত্ব জড়ের মধ্যেই তাহার সর্বোচ্চস্তরে পৌঁছিয়াছে। স্বরূপতঃ অবিভাজ্য হইলেও বিচ্ছিন্ন ও খণ্ড ভাবই জড়ের সকল ক্রিয়ার যেন মূল, এ মূলকে ত্যাগ করিয়া যাইবার হুকুম যেন তার নাই। কারণ তাহার মিলন বা একত্বে পৌঁছিবার দুইটি মাত্র উপায় আছে; হয় খণ্ড ভাবগুলিকে একত্র সমাহার করা অথবা এক খণ্ড ভাবের অপরকে গ্রাস করা, যাহার অর্থই হইল একের দ্বারা অপরের ধ্বংস। এ দুই ভাবের মিলনের প্রত্যেকের মধ্যে আছে ভেদকে নিত্য বলিয়া স্বীকার করা, কেননা প্রথম ভাবের মধ্যেও পরস্পরের সহিত একত্ব স্থাপিত হয় না,

কেবল মাত্র পাশাপাশি সংস্থান বা সমাহার হয় এবং সমাহারের প্রকৃতির মধ্যে বিয়োজনের সম্ভাবনা সর্বদা বর্তমান থাকে এবং তাই পরিণামে পৃথক হইয়া পড়া অথবা ধ্বংস হওয়ার প্রয়োজন আসিয়া পড়ে। এ উভয় উপায় মৃত্যুকে আশ্রয় করিয়া বর্তমান রহিয়াছে, মৃত্যু একটাতে জীবন রক্ষার উপায়, অন্যটাতে জীবনের বিধান বা সৰ্ত্ত। উভয়ইই জাগতিক অস্তিত্বের বা বাঁচিয়া থাকিবার জন্ত এই সমস্ত খণ্ড সত্তার পরস্পরের মধ্যে নিয়ত সংঘাত ও সংগ্রাম অনিবার্য; প্রত্যেকে চাহিতেছে নিজেকে প্রতিষ্ঠা করিতে, নিজের সমাহার বা সমষ্টিকে বজায় রাখিতে, যাহা বাধা দেয় তাহাকে আয়ত্তে আনিতে বা ধ্বংস করিতে, অপরকে আহরণ এবং অল্পরূপে গ্রাস করিতে কিন্তু অপর যখন তাহাকে আয়ত্তে আনিতে চায়, ধ্বংস বা খাণ্ডরূপে ভক্ষণ করিতে চায় তখন সে চায় এড়াইতে, করে বিদ্রোহ, দেয় বাধা। যখন জড়ের মধ্যে প্রাণ তত্ত্বের স্ফূরণ এবং তাহার ক্রিয়ার প্রকাশ হয় তখন সে দেখিতে যায় যে ইহাই তাহার সকল কর্মের ভিত্তি এবং ইহার বশত স্বীকার করিতে সেও বাধ্য। মৃত্যু, বাসনা এবং সীমার বিধান তাহাকে বাধ্য হইয়া মানিতে হয়; তাই ভক্ষণ, অধিকার বা জয় করিবার জন্ত সর্বদা সংগ্রামরত থাকা জীবনের প্রথম পর্বে সর্বদাই যে বর্তমান আছে তাহা আমরা দেখিয়াছি। জড়ে যখন মনস্তত্ত্ব আসিয়া দেখা দেয় মনকেও এই জড়ময় উপাদান লইয়া থাকিতে এবং জড়ের এই ছাঁচের মধ্যে তেমনি ভাবে সঙ্কুচিত হইয়া কার্য করিতে হয়; তাহার চাওয়ার সঙ্গে পাওয়ার নিশ্চিত সম্পর্ক থাকে না, তাহার লাভ ও কাজের উপাদানের মধ্যে তেমনিভাবে সর্বদা চলিতে থাকে, সংযোজন বা সমাহার এবং বিয়োজন বা বিচ্ছেদ; তাই মনোময় মানুষ যে জ্ঞান লাভ করে তাহা চরম বা সংশয়রহিত রূপে হয় না, যাহাকে সত্য বলিয়া বুঝে তাহা যে খণ্ডিত হইয়া যাইবে না ইহা বলা চলে না, মনে হয় যেন ক্রিয়া এবং প্রতিক্রিয়া, ভাঙ্গা এবং গড়ার চক্রাবর্তনের মধ্য দিয়াই তাহার সৃষ্টি ক্রিয়া নিয়ত চলিবে, তাহার সৃষ্টি কিছুকাল পর্যন্ত বজায় থাকিয়া ভাঙ্গিয়া পড়িবে, দীর্ঘকাল ব্যাপী ধ্বংসের মধ্যে তাহার নিশ্চিত প্রগতি কিছু থাকিবে না।

বিশেষতঃ যে প্রাণ ও মন নিজের মধ্যে ফুটিয়া উঠিতেছে তাহার উপর জড় ভীষণভাবে চাপায় নিজ প্রকৃতিগত অবিজ্ঞা, জড়তা বা অসাড়তা এবং বিবিক্ত ভাব, এবং তাহারাই হুঃ, যন্ত্রনা ও অতৃপ্তি জনিত জালায় হুঃসহ বিধান, প্রাণ ও

মনের উপর করে আরোপ। মনশ্চেতনা যদি একেবারে অবিজ্ঞা দ্বারা আচ্ছন্ন হইত, যদি অভ্যস্ত আচারের খোলার মধ্যে সে তৃপ্তির সঙ্গে বাস করিতে পারিত, যদি সে নিজের জ্ঞানহীনতার সম্বন্ধে সচেতন না হইত অথবা তাহার চারিদিকে চেতনা এবং জ্ঞানের অনন্ত সমুদ্র রহিয়াছে এ ধরনের যদি তাহার কাছে আকর্ষণ না পৌঁছিত, তাহা হইলে অবিজ্ঞা তাহার মধ্যে অতৃপ্তির বেদনা জাগাইতে পারিত না। কিন্তু জড়ের মধ্যে চেতনার ক্ষুরণ হয় ঠিক এইখানেই, প্রথমে সে দেখিতে পায় যে যে জগতে সে বাস করে সে জগৎকে সে জানে না এবং তাহাকে স্বখলাভ করিতে হইলে ইহাকে জানা এবং ইহার উপর প্রভুত্ব স্থাপন করা চাই, তাহার পর আবার অবশেষে সে বুঝে এ জ্ঞানও প্রচুর নয় এবং ইহা তাহাকে সার্থক করিয়া তুলিতে পারিবে না। এ জ্ঞান যে শক্তি ও স্বত্ব তাহাকে আনিয়া দিতেছে তাহা অতি অল্প ও অনিশ্চিত এবং সেই সঙ্গে তাহার মধ্যে এই বোধও জাগে যে অনন্ত চৈতন্য জ্ঞান ও সত্য যাহার স্বরূপ এমন এক সত্তা আছে এবং তাহাতে পৌঁছিতে পারিলেই পরম বিজয় এবং অক্ষুরন্ত আনন্দ লাভ হইবে। তেমনি জড়ের মধ্যে হইতে যে প্রাণচেতনা ফুটিয়া উঠিতেছে তাহার মধ্যে জড়ত্বের বাধা, অস্বস্তি, চাঞ্চল্য বা অতৃপ্তি আসিতে পারিত না—যদি প্রাণ পূর্ণরূপে অসাড় হইত, যদি সে তাহার অর্ক সচেতন সীমিত সত্তা লইয়া তৃপ্ত থাকিতে পারিত, যদি তাহার বোধে না জানিত যে এক অনন্ত শক্তি এবং অমর সত্তা আছে এবং তাহার মধ্যে তাহারই অংশরূপে অথচ তাহা হইতে পৃথক হইয়া সে বাস করিতেছে, অথবা যদি তাহার মধ্যে, যাহা সেই অনন্ত ও অমৃতে খাঁটিভাবে পৌঁছিবার জন্ত তাহাকে চেষ্টারত হইতে বাধ্য করে এমন কিছু না থাকিত; কিন্তু প্রাণ প্রথম হইতে ঠিক ইহাই বোধ করিতে এবং ইহাই খুঁজিতে বাধ্য হয়; অনিশ্চয়তার মধ্যে আশ্রয়লাভ করিবার ও টিকিয়া থাকিবার প্রয়োজনে সে প্রবৃত্ত হয় সংগ্রামে। অবশেষে তাহার নিজের অস্তিত্বের সীমা সম্বন্ধে সে হইয়া উঠে সচেতন এবং বিজ্ঞানের এবং স্থানিত্বের, অনন্ত এবং শাস্ত্রের অভিমুখে আকুল আবেগ ও প্রেরণা বোধ করিতে আরম্ভ করে।

প্রাণ মাহুষের মধ্যে আসিয়া যখন পূর্ণ আত্মসচেতন হয়, তখন এই অনিবার্য সংগ্রাম, প্রয়াস এবং অভীর্ণা চরমে পৌঁছে এবং অবশেষে জগতের এই যন্ত্রণা এবং বেজ্ঞ তীক্ষ্ণ ও অসহ্য হইয়া উঠে। দীর্ঘকাল পর্যন্ত মাহুষ তাহার সীমাকে মানিয়া

নিরা সন্তুষ্ট থাকিতে পারে, যে অগতে সে বাস করে সেখানে কাজ চালান পোছের আর্থিক প্রকৃষ্ট স্থাপন করিবার প্রয়াস পাইয়া, অথবা তাহার ক্রমবর্ধমান জ্ঞানের দ্বারা জ্ঞানের অচেতন নিয়মনিষ্ঠার এবং একাগ্র সচেতন অথচ ক্ষুদ্র ইচ্ছা ও শক্তি দ্বারা, অক্ষুণ্ণপরিচালিত বিকৃত শক্তির উপর অন্তরে এবং বাহিরে কিছু পরিমাণে ক্ষয়লাভ করিয়া সে তৃপ্ত থাকিতে পারে। কিন্তু এক্ষেত্রেও সে অল্পভব করে সীমাজনিত পীড়া, দেখিতে পায় যে শক্তি সে লাভ করে তাহার মধ্যে বৃহত্তমটুকু বাকী নীল এবং অনিশ্চিত, তাই সে উপরের দিকে তাকাইতে বাধ্য হয়। সসীম স্থায়ীভাবে সন্তুষ্ট হইয়া থাকিতে পারে না, যতক্ষণ পর্যন্ত সে জানে যে তাহার অপেক্ষা বৃহত্তর কোন সসীম আছে অথবা তাহাকে অতিক্রম করিয়া এমন এক অসীম আছে যাহাতে পৌঁছিবার কোন আশা সে পোষণ করিতে পারে। যদিইবা সসীম এইভাবে রাখণও তৃপ্ত থাকে তবু সেই আপাতসসীম সত্তা সত্যই যদি নিজেকে অসীম বা অনন্ত বলিয়া অনুভব করে অথবা নিজের ভিতরে যদি অসীমের আকর্ষণ একবার দেখিতে পায় কিম্বা তাহার দিকে পৌঁছিবার একটা আবেগ ও আকাঙ্ক্ষা যদি দেখা দেয়, তবে যেমন করিয়াই হউক বা যতটুকুই হউক সসীমের সহিত অসীমের মিলন ও সমন্বয় সাধন, তাহাকে লাভ এবং তাহার কাছে নিজেকে অর্পণ না করিয়া আর সে নিশ্চিন্ত থাকিতে পারে না। মানুষ আপাতসসীম মনে হইলেও প্রকৃতপক্ষে তেমনি এক অসীম বস্তু, তাই অসীমকে না খুঁজিয়া তাহার থাকিবার উপায় নাই। পৃথিবীর সন্তানদের মধ্যে মানুষই প্রথম, যাহার মধ্যে আগে তাহার অন্তরস্থিত ভগবানের ক্ষীণ আভাস, যাহার চেতনার ভাসিয়া উঠে নিজের অসুত্বের অস্পষ্ট অনুভব ও পিপাসা; এবং যতদিন পর্যন্ত এই আভাস ও বোধ অনন্ত জ্যোতি, আনন্দ ও শক্তিতে নিজেকে পরিবর্তিত করিতে না পারে ততদিন পর্যন্ত এ জ্ঞান কষাঘাতে মানুষকে পরিচালিত এবং তাহাকে আত্মোৎসর্গ করিতে প্রবৃত্ত ও বাধ্য করিবে।

জড়ের মূলে যদি এই কঠোর ভেদ বা বিভাগের তত্ত্ব না থাকিত তাহা হইলে জড়ের অজ্ঞানতা এবং অসাড়তার ভিতর যে দিব্য চেতনা এবং শক্তি, জ্ঞান ও সত্ত্ব নিজেকে যেন হারাইয়া ফেলিয়াছিল তাহার এই ক্রমপরিণতি, এই বর্তমান বিকাশ আনন্দের এক ক্ষেত্র হইতে বৃহত্তর ক্ষেত্রে চলিত এবং অবশেষে অনন্ত আনন্দের মধ্যে পরম সুখের উত্তরণ রূপে দেখা দিত। ব্যক্তিগত জীবন তাহার ব্যক্তি-

গত খণ্ড চৈতন্য তাহার দেহমনপ্রাণের সীমার মধ্যে বদ্ধ হইয়া পড়িতেই তাহার পরিণতির স্বাভাবিক বিধান ও ছন্দ ক্ষুণ্ণ ও ভঙ্গ হইয়াছে, ইহাই তাহার দেহে আনিয়া কেলিয়াছে রাগ ও ঘেব, আত্মরক্ষা এবং আক্রমণ, অনৈক্য এবং যজ্ঞার বিধান। কারণ প্রত্যেক দেহ সীমিত চৈতন্ত শক্তি বলিয়া বোধ করে যে তাহারই মত অন্ত সীমিত-চৈতন্তের অথবা বিধ শক্তির আক্রমণ অভিযান্ত্রিক বা অনভীপ্তিত ও যজ্ঞাদায়ক সংস্পর্শ তাহার উপর আসিয়া পড়িতেছে এবং এ সমস্তের চাপে যখন সে প্রসীড়িত হয় অথবা যখন স্পর্শকারী এবং সৃষ্ট চৈতন্তের মধ্যে সামঞ্জস্য স্থাপনে সে অশক্ত হয় তখন অস্বস্তি এবং জালা, আকর্ষণ অথবা বিকর্ষণের সংঘাতে সে বেদনা বোধ করে এবং তাহাকে আত্মরক্ষা বা আক্রমণ করিতে হয়। সে যাহা চায় না বা যে জালা অসহনীয় বোধ করে তাহা সঙ্ক করিতে সর্বদা তাহার ডাক পড়ে। এই বিভাগতত্ত্ব জ্ঞান এবং ইন্দ্রিয়বোধের ক্ষেত্রেও ঐরূপ একই প্রকার প্রতিক্রিয়ার সৃষ্টি করে, সেখানেও সমস্তই বাসনার ছাঁচে ঢালা হইয়া স্বথ ছুঃখ, রাগ ঘেব, পীড়ন অবসানের উচ্চতর বন্দ আসিয়া দেখা দেয়, বাসনার জন্ত আগে প্রাণান্ত উত্তম ও চেষ্টা; প্রবল প্রচেষ্টার কলে দেখা দেয় শক্তির আধিক্য এবং ক্ষীণতা বা অসামর্থ্য, লাভ এবং নৈরাশ্র, অধিকার এবং প্রতিক্ষেপ প্রভৃতির ছন্দ ও বন্দ; দেখা দেয় একটা অবিরাম সংগ্রাম, অস্বস্তি, জালা। সমগ্র মনের মধ্যেও একই ধারা দেখা দেয়। সর্বাঙ্গ সত্যের প্রবাহ চলিবে বৃহত্তর সত্যের মধ্যে, ক্ষুদ্রতর আলোক গৃহীত হইবে বৃহত্তর আলোকের অন্তরে, নিম্নতর ইচ্ছা নিজেকে উৎসর্গ করিবে উচ্চতর ইচ্ছার রূপান্তরকারী শক্তির কাছে, ক্ষুদ্রতর তৃপ্তি অগ্রসর হইয়া মিলিত হইবে বৃহত্তর ও পূর্ণতর তৃপ্তির সঙ্গে, এই ভাবের দিব্য বিধানের পরিবর্তে এই বিভাগতত্ত্বই মনের ক্ষেত্রেও অল্পরূপ বন্দ লইয়া আসে; তাই দেখা যায় সত্যের সঙ্গে আশ্রিত, আলোকের সঙ্গে অন্ধকার, শক্তির সঙ্গে অসামর্থ্য আসিয়া পড়ে; কোন কিছু অহসরণ এবং লাভ-অনিত হুখের পিছনেই আসিয়া উপস্থিত হয় পরাতত্ত্বের ধাক্কা এবং যজ্ঞা এবং লব্ধ বিষয়েও অস্বস্তি এবং বিতৃষ্ণা। নিজের ছর্দশা এবং জালায় সঙ্গে প্রাণ এক দেহের ছর্দশা এবং জালাও মন গ্রহণ করে এবং এই জিতাবের ন্যূনতা এবং প্রাকৃত জীবনের দৈন্ত এবং হীনতা সম্বন্ধে সচেতন হইয়া উঠে। ইহার অর্থই হয় আনন্দের অপ্রাপ্তি ও অস্বীকৃতি, সচ্চিদানন্দের দিব্য জিতব্রহ্মের প্রতিবেশ; এই

প্রতিবেদ যদি অজ্ঞেয় এবং অনতিক্রমণীয় হয়, তবে জীবনের অস্তিত্বই বৃথা হইয়া পড়ে ; কারণ অস্তিত্বের যে ধারা চৈতন্ত্য এবং শক্তির খেলার মধ্যে নিজেকে সঁপিয়া দিয়াছে যে শুধু খেলাই চায় না, চায় খেলার মধ্যে আনন্দ এবং খেলাতে সত্যিকার তৃপ্তি যদি না থাকে, তবে ইহা বৃথা চেষ্টা, একটা বিশাল জাতি, দেহ-ধারী সত্তার একটা অর্থশূন্য প্রলাপ মনে করিয়া অবশেষে স্পষ্টতঃ এ খেলা ছাড়িতেই হয় ।

জগতের সকল দুঃখবাদী ( pessimist ) দর্শনের সমগ্র ভিত্তি এইখানেই, এই দার্শনিকেরা লোকোত্তর জগৎ বা ভূমি সম্পর্কে আশাবাদী বা সুখবাদী ( optimist ) হইতেও পারে কিন্তু এই জাগতিক জীবন সম্বন্ধে—মনোময় জীবের জড় বিশ্বের সহিত সম্পর্কিত সকল সাধনার নিয়তি দেখিয়া অর্থাৎ তাহা যে ব্যর্থভায় পর্যাবসিত হইবে তাহা বুঝিয়া—তাহারা হয় দুঃখবাদী । ইহারা বলে বিভাগ যখন জড়সত্তার মূলগত প্রকৃতি, দেহধারী মনোময় জীবনের মূল বীজই যখন আত্মসঙ্কোচ, অবিজ্ঞা এবং অহমিকা, তখন এই পার্শ্বিক জীবনে আত্মার পরিতৃপ্তি অথবা জাগতিক খেলার মধ্যে কোন দিব্য উদ্দেশ্য বা মহতী সিদ্ধির অল্পসন্ধান করা বৃথা, সে চেষ্টা আত্মপ্রবঞ্চনা মাত্র । অতএব জীবের সত্তা ও চেতনার সঙ্গে দিব্য আত্মানন্দের পুনর্মিলন সম্ভব হইতে পারে কেবল চিহ্নয় দিব্যধামে, এ জগতে নয়, কেবল ব্রহ্মের খাঁটি তত্ত্ব ও নিষ্ক্রিয় সত্তার, প্রাতিভাসিক কোন ক্রিয়াশীলতায় নয় । অনন্ত নিজেকে ফিরিয়া পাইতে পারেন কেবল যদি সান্ত্বের মাঝে নিজেকে পাইবার সকল চেষ্টাকে জ্ঞাত এবং নিষ্ফল বুঝিয়া তাহা হইতে প্রতিনিবৃত্ত হন । জড় জগতে মনোচেতনার প্রকাশও দিব্য পরিপূর্ণতার কোন আশা বা আশ্বাস দিতে পারে না । কারণ বিভাগের তত্ত্ব জড়ের ধর্ম নয় তাহা মনেরই প্রকৃতি, জড় ত মনের একটা মায়া বা জ্ঞানিমাত্র যাহার উপর মনই নিজের বিভাগ এবং অবিজ্ঞার বিধান আরোপ করিয়াছে । সুতরাং এই মায়ায় মধ্যে মন কেবল নিজেকেই ফিরিয়া পাইতে পারে ; খণ্ডতাবের যে তিনটা সত্তা সে নিজে গড়িয়া তুলিয়াছে মন কেবল তাহার মধ্যেই বিচরণ করিতে পারে ; এখানে ব্রহ্মের অখণ্ডতা বা অখ্যাঙ্গ জীবনের দিব্য সত্য মন পাইতে পারে না ।

বিবিক্ত মনই যে জড় সত্তার মধ্যে নিজেকে নিক্ষিপ্ত করিয়া জড়ের মধ্যে বিভাগের তত্ত্ব আনিয়াছে ইহা সত্য, কারণ এ জড় সত্তার কোন আত্মসত্তা

(self-being) নাই ইহা একটা মূল বিশ্ববিভূতি বা আদি প্রতিভাস (original phenomenon) নয়; এক সর্ব বিভাজক মনের ধারণাকে সর্ববিভাজক প্রাণ-শক্তিই জড়ের এই রূপ দিয়াছে। জড়কে অবিশ্বা, অসাড়তা এবং বিভাগের এই প্রাতিভাসিক রূপ দিয়া বিভাজক মন আপনাকে হারাইয়া ফেলিয়াছে এবং নিজের সৃষ্ট কারাগারে নিজেরই গড়া শিকলে নিজে আবদ্ধ হইয়া পড়িয়াছে। ইহা যদি সত্য হয় যে এই বিভাগকারী মন সৃষ্টির আদি তত্ত্ব, তাহা হইলে সকল চেষ্টার শেষ ফল রূপে পরিণামে সেই মনস্তত্ত্বেই পৌছিব। মনোময় জীব জীবন এবং জড়ের সঙ্গে যতই যুগ্ম সংগ্রাম করুক না কেন, তাহাদিগকে পরাভূত করিয়াও তাহাদের দ্বারা আবার পরাভূত হইবে এবং জয় পরাজয়ের এই চক্র যুগ্ম চিরকাল আবর্তিত হইতে থাকিবে, জড়ের মধ্যে জীবের ইহাই হইবে চরম এবং পরম নিয়তি। পক্ষান্তরে কিন্তু সেরূপ ফল ফলিবে না যদি অনন্ত ও অমৃত চিন্তাসত্তাই জড় বস্তুর ঘন আবরণে নিজেকে আবৃত করিয়া থাকেন এবং নিজের সৃষ্টীশীল পরমা অতি-মানসী শক্তি অবলম্বন করিয়া যদি ক্রিয়া করেন অথবা যিনি বহুর মধ্যে এক, তিনি যদি পরিণতির ক্ষেত্রে এই এক বিশেষ খেলায়, কেবল প্রাথমিক ব্যবস্থারূপে মনকে বিভাগ করিবার এবং নিম্নতম তত্ত্ব এই জড়কে রাজত্ব করিবার অধিকার দিয়া থাকেন; অল্প ভাষায় বলিতে গেলে, যদি বিশ্বের রূপের মধ্যে অব্যক্তভাবে যিনি লুকাইয়া আছেন তিনি শুধু মনোময় পুরুষ না হইয়া যদি অনন্ত জ্ঞান এবং অনন্ত ইচ্ছা শক্তি সম্পন্ন অনন্ত সত্তা হন এবং তিনিই যদি প্রথমে প্রাণ ও পরে মনরূপে স্মৃতি হইয়া থাকেন এবং তাহার এতদতিরিক্ত ভাব যদি এখনও অপ্রকাশিত রাখিয়া থাকেন, তাহা হইলে আপাতনিশ্চেষ্টতা হইতে আর এক পূর্ণতর চেতনার প্রকাশ নিশ্চয়ই হইবে। যিনি বিভাজক মনের বিধানের স্থানে দেহ প্রাণ ও মনের উপর এক উচ্চতর দিব্য ক্রিয়া ও গতি আরোপিত করিতে পারিবেন এমন এক অতিমানস চিন্তা পুরুষের আবর্তাব তাহা হইলে আর অসম্ভব থাকে না; বরং বিশ্বপ্রকৃতির তাহাই হয় স্বাভাবিক এবং অপরিহার্য পরিণাম।

আমরা দেখিয়াছি যে এইরূপ অতিমানস পুরুষই বিভাজন বৃত্তির গ্রহিমোচন করিয়া মনকে মুক্ত করিবেন এবং কেবল সর্বব্যাপী অতিমানসের গৌণক্রিয়া রূপে মনের ব্যষ্টিভাব রক্ষা করিবেন; তেমনি আবার বিভাজন বৃত্তির গ্রহিমোচন করিয়া প্রাণকে তিনি মুক্ত করিবেন এবং যে চিন্তাশক্তি নিজের



সত্তা ও আনন্দকে বহর মধ্যে একরূপে পূর্ণ করিয়া ভুক্তিতেছেন কেবল তাহারই গোপন ক্রিয়ারূপে প্রাণের ব্যক্তিভাব ব্যবহার করিবেন। ইহা যদি সম্ভব হয়, তবে এমন কি কারণ থাকিতে পারে যাহাতে তিনি যুক্ত্য, বিজ্ঞান এবং অজ্ঞোত্তরত্বের বর্তমান বিধান হইতে দৈহিক সত্তাকে মুক্ত করিয়া কেবল সান্তের মধ্যে অনন্তের পরমানন্দের খেলায় দিব্য চিৎসত্তার গোপন বিভাষ রূপে ব্যক্তিদেহকে ব্যবহার করিবেন না? অথবা এমনও কি হইতে পারে না যে চিরময় পুরুষ স্বাধীনভাবে পূর্ণরূপে দেহকে অধিকার করিবেন এবং তাহার জড় দেহরূপ পরিচ্ছদের পরিবর্তনের মধ্যে তিনি সচেতন ভাবে থাকিবেন অমর ও অমৃতময় এবং তাহারই একত্ব, প্রেম ও সৌন্দর্য্যের বিধানে পরিচালিত জগতে তিনি থাকিবেন নিজের আনন্দে বিভোর আত্মারাম? এবং যাহা যদি এই জগতের সেই অধিবাসী রূপে আসিয়া থাকে, যাহার মধ্যে অবশেষে মানস সত্তা রূপান্তরিত হইয়া অতিমানস সত্তার পরিণতি হইবে তাহা হইলে ইহাই কি সম্ভব হইবে না যে সে দিব্যময় দিব্যপ্রাণের সঙ্গে এক দিব্য-দেহও গড়িয়া তুলিবে? নিজের সত্তাবনার বর্তমান সীমিত ভাবের দ্বারা অতিক্রান্ত যাহা যাহের কাছে যদিও একথা অতি অদ্ভুত বা অসম্ভব মনে হয়, তবু কি একথা বলা চলেনা যে যাহা যাহের সত্য সত্তার ক্ষুরণ এবং তাহার আলোক আনন্দ ও শক্তির পরিপূর্ণ পরিণতিতে সে এমন ভগবৎ ভাবে তাহার মন প্রাণ দেহ পরিচালনা এবং ব্যবহার করিতে পারিবে, যাহাতে সেই পরম ভগবত্ত্বের দৈহিক রূপে অবতরণ মানবীয় এবং দিব্য এ উভয় ভাব হইতে যুগপৎ সমর্থিত হইবে?

পার্থিব সত্তার এই শেষ পরিণতির বিরুদ্ধে জড় এবং তাহার প্রকৃতি ও বিধান সম্বন্ধে আমাদের বর্তমান ধারণাই শুধু দাঁড়াইয়া আছে। ইজ্রিয় এবং ইজ্রিয়ের বিষয় বস্তুর অথবা জাতাক্রমী ব্রহ্ম এবং জ্ঞেয়ক্রমী ব্রহ্মের সম্বন্ধে আমাদের বর্তমান যে বোধ আছে তাহাই যদি একমাত্র সত্য হয়, অথবা অল্প কোন সম্ভব সম্ভব হইলেও তাহা যদি এ জগতে সম্ভব না হয়, যদি কোন উচ্চতর জুনি বা জগতে গিয়া তাহা অঙ্কিত করিতে হয়, তবে এখানে দিব্যজীবন লাভ হয় অসম্ভব। তাহা হইলে পাধারণ ধর্মে যেমন বলে আমাদের গড়ন কিম্বা পূর্ণতা ও সার্বকতা লাভ করা সম্ভব শুধু কোন দোহকোটির

ভূমিতে কোন দিব্য ধামে উত্তীর্ণ হইয়া, তাহাই সত্য বলিতে হয়; কিন্তু ধর্ম আবার যখন বলে এই পৃথিবীতে পূর্ণ সিদ্ধির বা ভগবানের রাজ্য স্থাপিত হইবে, তাহা মিথ্যা এবং আশ্ববক্ষনা মনে করিতে হয়। এখানে আমরা কেবল অন্তরের মধ্যে প্রস্তুত হইতে বা জয়ের জন্য সাধনা করিতে পারি এবং তার পর ভিতরের মন প্রাণ এবং আত্মাকে মুক্ত করিয়া অপরাজিত এবং অপরাভেয় জড়তত্ত্ব হইতে অথবা বাহ্যর পক্ষে নবজীবন লাভের কোন সম্ভাবনা নাই অমননীয় সেই পৃথিবী হইতে সরিয়া গিয়া অন্য কোথাও আমাদেরকে ভগবৎকৃত খুঁজিতে হয়। কিন্তু আমাদের পার্থিব জীবন এই ভাবে সীমাবদ্ধ করিয়া রাখিবার সিদ্ধান্ত যে আমাদেরকে গ্রহণ করিতেই হইবে এমন কোন কারণ নাই। নিশ্চয়ই জড়েরও অন্তান্ত অনেক সূক্ষ্মতর অবস্থা আছে, পদার্থের একটা উর্দ্ধগ দিব্য পরম্পরা অবশ্যই আছে। অতএব জড় সত্তার নিজেকে রূপান্তরিত করিয়া এক উচ্চতর বিধান ও ধর্মে প্রতিষ্ঠিত হওয়ার সম্ভাবনা আছে, এখন তাহা পরধর্ম বলিয়া বোধ হইলেও তাহাই তাহার স্বধর্ম, কেননা তাহার অন্তরের গহনে সর্বদা তাহা অব্যক্ত সম্ভাবনারূপে বর্তমান আছে।

## ষড়বিংশ অধ্যায় বস্তুর উৎকর্ষ পরম্পরা।

এক অন্নরসময় পুরুষ বা আত্মা আছেন, তাহার অন্তরে  
আছেন প্রাণময় অন্ন আত্মা, যিনি তাহাকে পূর্ণ করিয়া আছেন ;  
তাহার অন্তরের মনোময় অন্ন আত্মা ; তাহার অন্তরে বিজ্ঞান  
ময় অন্ন আত্মা, তাহারও অন্তরে আনন্দময় অন্ন আত্মা আছেন ।

তৈত্তিরীয় উপনিষদ ( ২।১-৫ )

শতক্রতু ইন্দ্রে তাহার। আরোহণ করে বংশদণ্ডের মত,  
শিখর হইতে শিখরান্তরে যত আরোহণ করা যায় তত আরও  
কত করণীয় যে আছে তাহা স্পষ্ট দেখিতে পাওয়া যায় ; ইন্দ্রে  
সেই 'তৎ' এর চেতনা আনেন লক্ষ্যরূপে । ঋগ্বেদ ( ১।১০।১-২ )

ঞ্জেনের মত শকুনের মত তিনি আধারে অধিষ্ঠিত হন  
এবং তাহাকে উর্দ্ধে তুলিয়া ধরেন ; তাহার গতির প্রবাহের  
মধ্যে তিনি কিরণরাজি আবিষ্কার করেন, কারণ তিনি তাহার  
সকল আয়ুধ লইয়া চলেন ; তিনি অপ্-এর সমূলউর্দ্ধিতে সংস্কৃত  
হইয়া থাকেন ; মহেশ্বর রূপে তিনি তুরীয় বা চতুর্থ ধাম প্রকাশ  
করেন ; মর্ত্য যেমন দেহকে মার্জিত করে যুদ্ধের অথ যেমন  
বিপুল ধন অর্জনের অন্ন ছুটিয়া চলে, তেমনি তিনি গর্জন করিয়া  
সকল কোষের মধ্য দিয়া আপনাকে ঢালিয়া দেন এবং এই সমস্ত  
আধারে অল্পপ্রবিষ্ট হন ।

ঋগ্বেদ ( ১।১৬।১২-২০ )

বিবেচনা করিয়া দেখিলে আমরা দেখিতে পাইব যে, যে সমস্ত বিভাবের  
দ্বারা আমরা জড়ের জড়ত্বের সর্বাপেক্ষা ভাল পরিচয় পাই তাহা হইতেছে  
এই যে জড়ের কাঠিন্য আছে, বর্দ্ধমান ভাবে প্রতিরোধ করিবার শক্তি আছে,  
স্পর্শ দ্বারা আমরা তাহাকে ধরিতে পারি এবং স্পর্শের ভিতর দিয়া প্রতি-

ক্রিয়া রূপে আমাদের ভিতরে বোধ আগাইবার সামর্থ্য তাহার আছে। সেই বস্তুই আমাদের নিকট তত খাঁটি জড়ভাবাপন্ন ও সত্য বলিয়া মনে হয়, যাহা আমাদের কাছে যত পরিমাণে বাধা দেয় বা যাহা যত কঠিন ভাবে প্রতিরোধ করে, বাধা দ্বারা ইন্দ্রিয়গ্রাহ্য রূপের এমন একটা স্থায়িত্বের বোধ জন্মে যে আমাদের চেতনা তাহার উপর স্থির হইয়া দাঁড়াইতে পারে। জেমনি যে পরিমাণে কোন বস্তু হয় সূক্ষ্ম, প্রতিরোধের শক্তি হয় যত ক্রীণ, যত তাহাকে ইন্দ্রিয় বোধের দ্বারা কম স্থায়ী ভাবে ধরা যায় ততই তাহা আমাদের নিকট কম জড়ভাবাপন্ন মনে হয়। জড়ের উপর আমাদের প্রাকৃত চেতনার এই যে দৃষ্টিভঙ্গী আছে ইহা হইতেই বুঝা যায় জড় সৃষ্টির মূখ্য প্রয়োজন কি। বস্তু এই জড়রূপ ধারণ করে, যাহাতে চেতনার কাছে সে এমন একটা দৃঢ় ও স্থায়ী রূপ বা মূর্তি উপস্থাপিত করিতে পারে, মন যাহাতে অধিষ্ঠিত হইয়া তাহার ক্রিয়ার ভিত্তিরূপে তাহাকে গ্রহণ করিতে এবং প্রাণ যাহার উপর ক্রিয়া করিবে, সেই রূপের আপেক্ষিক স্থায়িত্ব সম্বন্ধে আশঙ্ক হইয়া, তাহাকে ব্যবহার করিতে পারে। সেইজন্ত দ্রব্যের কঠিন অবস্থা পৃথিবীতে সর্বোপেক্ষা অধিক বলিয়া প্রাচীন বেদে তাহাকেই জড়ত্বের প্রতীকরূপে ধরা হইয়াছে; এইজন্ত আমাদের ইন্দ্রিয়বোধের মূল ভিত্তি হইল স্পর্শ; রসগ্রহণ, স্রাণ, শ্রবণ এবং দর্শনরূপী অস্ত্র সকল ইন্দ্রিয়বোধ নির্ভর করে, বিষয় ও বিষয়ীর ক্রমশঃ অধিকতর সূক্ষ্ম ও পরোক্ষ স্পর্শের উপর। সাংখ্যদর্শন ব্যোম হইতে ক্ষিতি পর্যন্ত কৃত সকলকে পাঁচভাগে যে শ্রেণীবিভাগ করিয়াছে তাহাতেও এই একটা বিশেষ পরিণতি দেখিতে পাই, যে যাহার কম্পন সূক্ষ্মাতিসূক্ষ্ম সর্বোপরি অবস্থিত সেই ব্যোম বা আকাশ হইতে ক্রমশঃ স্থূলতার দিকে গিয়া তাহার চরমে পৌছিয়াছে ভিত্তিরূপী অতিঘন এবং কঠিন ক্ষিতিতত্ত্বে। অতএব শুদ্ধ বস্তু জাগতিক সমস্ত সম্বন্ধের ভিত্তিরূপে দাঁড়াইবার জন্ত যে দ্বারা ধরিয়া অগ্রসর হয় তাহার শেষ অবস্থা হইল জড়, যেখানে মূখ্য কথা চিন্ময় রূপ—সেই রূপ যাহা এখানে ঘনীভূত হইবার, প্রতিরোধ করিবার, স্থায়ী স্থূলরূপ গ্রহণের এবং পরম্পরের নিকট অভেদ হওয়ার চরমে পৌছিয়াছে, ভেদ বিবিক্ততা এবং বিভাগের চূড়ান্ত অবস্থা লাভ করিয়াছে। ইহাই জড় জগতের প্রকৃতি এবং অভিপ্রোভ অবস্থা; ইহাতে বিভাগ বা খণ্ডতা-পূর্ণতা প্রাপ্ত হইয়াছে।

বস্তুর মধ্যে যদি জড় হইতে চিত্তের দিকে একটা উর্দ্ধগ পরম্পরা থাকে—  
 যাহা থাকাই স্বাভাবিক—তবে তাহার উর্দ্ধদিকের পর্কে পর্কে জড়ের বৈশিষ্ট্য  
 বা ধর্ম ক্রমশঃ হ্রাস পাইতে এবং তাহার বিপরীত ধর্মের ক্রমপরিণতি দেখা  
 দিতে থাকিবে এবং তাহার শেষ পর্কে দেখা যাইবে শুধু চিন্ময় আত্মপ্রসারণ;  
 অর্থাৎ রূপের বহুত্ব ক্রমশঃ শিথিল হইতে থাকিবে, বস্তু ও শক্তি ক্রমশঃ  
 দেখা দিবে অধিকতর সূক্ষ্ম ও নমনীয় রূপে; ক্রমেই অধিকতর ভাবে পরম্পরের  
 মিলন, পরম্পরের মধ্যে অল্পপ্রবেশ, পরস্পরকে আপনার অঙ্গীভূত করিয়া  
 নেওয়া, পরম্পরের স্থান গ্রহণ করা হইয়া দাঁড়াইবে সহজ; পরিবর্তিত রূপান্তরিত  
 এবং একত্রে পর্য্যবসিত হইয়া যাওয়া ক্রমেই হইবে স্বাভাবিক। আমরা  
 রূপের স্থায়িত্বের দিকে দৃষ্টি না করিয়া বা তাহার নিকট হইতে সরিয়া গিয়া  
 স্বরূপের নিত্যতার মধ্যে অল্পপ্রবিষ্ট হইতে চাহিব, জড়ের অটল ভেদভাব  
 এবং প্রতিরোধগ্রস্ত সাম্য পশ্চাতে ফেলিয়া আমরা চিত্তের অনন্ত অখণ্ড ও  
 অবিভাজ্য উচ্চতম দিব্যসাম্যের দিকে অগ্রসর হইব। স্থূলবস্তু এবং বিস্তৃত  
 চিন্ময় বস্তুর মধ্যে ইহাই মৌলিক বৈষম্য। জড়ে চিৎশক্তি নিজেকে নিজে  
 ক্রমশঃ বেশী করিয়া পিণ্ডাকারে ঘনীভূত করিয়াছে যাহাতে তাহা সেই চিৎ-  
 শক্তির ঐক্য অল্প পিণ্ডের বিরোধিতা করিতে বা তাহাদিগকে বাধা দিতে পারে।  
 কিন্তু চিন্ময় বস্তুতে শুদ্ধ চৈতন্য নিজের আত্মবোধের পটভূমিকায় মৌলিক  
 অখণ্ডতার অল্পভব অক্ষয় রাখিয়া, একত্ব মূলক আত্ম বিনিময়ের মধ্যে নিজেকে  
 সর্বদা মূর্ত করিয়া তোলে; এমন কি তাহার নিজশক্তির বহুবিচিত্র খেলায়ও  
 হয়, ইহাই ভিত্তি ও সূত্র। এই দুই মেরু বা প্রান্তের মধ্যে এক অনন্ত  
 শ্রেণীবিন্যাসের (gradation এর) সম্ভাবনা রহিয়াছে।

যখন আমরা সিদ্ধ মানবাত্মার দিব্য মন ও দিব্য প্রাণের সঙ্গে, আমরা  
 যাহার মধ্যে বাস করি সেই আপাত অদ্বিত্য স্থূলদেহ ও প্রাকৃত জড়সত্তার  
 কি সম্বন্ধ থাকা সম্ভব তাহা বিবেচনা করিতে চাই, তখন এ সমস্ত আলোচনা  
 অতি প্রয়োজনীয় হইয়া পড়ে। বিশ্বসৃষ্টির গোড়াতেই ইন্দ্রিয়বোধের সহিত  
 বস্তুর যে একটা বিশেষ সম্বন্ধ স্থির হইয়া আছে তাহাই হইবে এই সম্বন্ধের  
 মূলকারণ। কিন্তু ইহাই যে শুধু একমাত্র সম্ভাবিত সম্বন্ধ তাহা নহে; এই  
 মূল সম্বন্ধ অল্প ভাবেরও হইতে পারে। বস্তুর সঙ্গে প্রাণ ও মন অল্প

প্রকারে সম্বন্ধ হইয়াও প্রকাশ পাইতে এবং তাহাদের গন্ধে জড় বিদ্যান ভিন্ন ভাবে দেখা দিতে পারে, অন্ত প্রকার উদারতর কর্মধারা উদ্ভূত হইতে পারে; এমনকি দেহের উপাদান পর্যন্ত এমনভাবে পরিবর্তিত হইয়া যাইতে পারে যে ইন্দ্রিয়বোধের, জীবনের ও মনের খেলা ও ক্রিয়া আরও স্বাধীন ও স্বচ্ছন্দ ভাবে চলিতে পারে। বর্তমান বিদ্যানে আমাদের জড়সত্তার সম্বন্ধে রহিয়াছে মৃত্যু এবং ধ্বংসা, একই সচেতন প্রাণ শক্তির বিভিন্ন বিগ্রহের মধ্যে পরম্পরের প্রতিরোধ ও বর্জন; এখানে ইন্দ্রিয়ের সামর্থ্য সীমিত, প্রাণ-ক্রিয়ার ক্ষেত্র অতিক্রম, তাহার আয়ু কম এবং শক্তি সীমাবদ্ধ, মনও পঙ্কু এবং তমসাচ্ছন্ন, তাহার ক্রিয়া ব্যাহত ও সঙ্কুচিত; প্রাণীদেহের বর্তমান এই বিদ্যানেই ইন্দ্রিয়প্রাণমনরূপী উচ্চতর তত্ত্বের উপরেও এই সমস্ত সীমা ও সঙ্কোচ, দৈন্ত ও দুর্বলতা আরোপ করিয়াছে কিন্তু বিশ্ব প্রকৃতি এই একমাত্র ছন্দে ছাড়া প্রকাশ পাইতে পারেনা তাহা নহে, এতদপেক্ষা উচ্চতর ভূমি এবং উচ্চতর জগৎসমূহ বর্তমান আছে। নিজের পুষ্টি ও পরিণতির ফলে তাহার দৈহিক উপাদানকে বর্তমান অপূর্ণতা হইতে মুক্ত করিয়া, মানুষ এই সমস্ত উচ্চতর ভূমি ও জগতের বিদ্যান তাহার দেহ ও সাধন যন্ত্রের উপর যদি আরোপ করিতে পারে, তবে মানুষের জড় দেহেই চলিতে পারে দিব্য মন ও ইন্দ্রিয়ের খেলা, দিব্য প্রাণের লীলা; এমন কি এই পৃথিবীতে এমন কিছু প্রকাশ ও পরিণতি হইতে পারে যাহাকে আমরা বলিতে পারি দিব্য মানবদেহ। একদিন মানুষের দেহ এই দিব্য ভাবে রূপান্তর প্রাপ্ত হইবে, এই যাত্রা পৃথিবীই আমাদের নিকট প্রকাশ করিবেন তাহার দিব্য সত্তা।

জড় বিশ্ব বিদ্যানেও বস্তুর একটা উর্জগ ধারা আছে যাহা আমাদের লইয়া যায় স্থূল হইতে সূক্ষ্ম, সূক্ষ্ম হইতে সূক্ষ্মতরে। এইভাবে আমরা এই পর্যায়ের উচ্চতম অবস্থায়, জড়বস্তুর সূক্ষ্মতম অতিব্যোমে পৌছিতে পারি। কিন্তু তাহার উপরে কি আছে? মহাশূন্য বা বস্তুত: কিছুই নাই, ইহাত হইতে পারে না; কারণ বিধে কোথাও মহাশূন্য বা পরমনাস্তিত্ব বলিয়া কিছু নাই, তাহাকেই আমরা ঐ নামে অভিহিত করি যাহাকে আমাদের ইন্দ্রিয় মন বা চৈতন্যের সূক্ষ্মতম বিভাব পর্যন্ত ধরিতে পারেনা। ইহাও সত্য নয় যে কোন প্রকারের ব্যোমই সকলের আদিভূত শাশ্বত পদার্থ, তাহার উপরে আর কিছু নাই।

কারণ আমরা জানি যে এমন এক শুদ্ধবস্ত্র ও শুদ্ধশক্তি আছে, যাহা জ্যোতির্ময় রূপে নিজেকে নিজে জানে এবং নিজেতে নিজে আত্ম প্রতিষ্ঠিত এবং যাহা জড়ের মত নিশ্চেতনতা, নিদ্রা এবং অসাড়তার মধ্যে ডুবিয়া গিয়া আত্মহার্য্য হয় নাই; পরন্তু তাহাই শেষ পরিণামে জড় ও জড় শক্তিরূপে দেখা দিয়াছে। তাহা হইলে জড়বস্ত্র এবং এই শুদ্ধ বস্ত্রের মধ্যে কি আছে? কারণ ইহাদের এক হইতে অস্ত্রে আমরা এক লক্ষ্যে পৌঁছিনা, নিশ্চেতন হইতে সোজা চিত্তরূপে চলিয়া যাইনা। অতএব যেমন জড়তত্ত্ব এবং চিত্ততত্ত্বের মধ্যে প্রাণ মন প্রভৃতি তত্ত্ব আছে তেমন নিশ্চেতন জড়বস্ত্র এবং পূর্ণ আত্ম-সংবিশুদ্ধ আত্মপ্রসারণের মধ্যেও আরোহক্রমে নানা স্তর থাকা উচিত এবং বস্তুতঃ আছে।

এই সমস্ত অতলের গভীরে যাহারা প্রবিষ্ট হইয়াছেন তাহারা সকলেই সাক্ষ্য দেন এবং এক বাক্যে স্বীকার করেন যে যাহা জড়ভাব বিবর্জিত অথবা যাহা জড় বিশ্ববিধান অতিক্রম করিয়া গিয়াছে, বস্ত্রের এমন সূক্ষ্ম হইতে সূক্ষ্মতর রূপের বা রূপজগতের পরম্পরা আছে। আমাদের বর্তমান আলোচনার পক্ষে যাহা অতি দুর্ব্বল, গুপ্ত বিস্তার তেমন বিশ্বের মধ্যে প্রবেশ না করিয়া, এইটুকু শুধু বলিতে চাই যে দার্শনিক আলোচনার যে ধারা ধরিয়া চলিয়াছি, তদনুসারে আমরা আরোহক্রমে জড়, প্রাণ, মন, অতিমানস এবং তাহার পরে দ্বিবি জৈক সচ্চিদানন্দের যে কথা বলিয়াছি, এক বিশেষ ভাবে তাহাদের সঙ্গে মিল রাখিয়া, তাহাদের প্রত্যেকের উপযোগী ভাবে বস্ত্রেরও একটা উর্দ্ধগ ধারা বা স্তর বিস্তার আছে; অর্থাৎ বস্ত্রের আরোহক্রমের প্রত্যেক রূপ, পর পর ক্রমোচ্চ বিস্তৃত এই সমস্ত তত্ত্বের মধ্যে তাহার উপযোগী ভাবের তত্ত্বকে আচ্ছন্ন করিয়া, সেই তত্ত্বের বিশ্বব্যাপ্ত আত্মরূপায়ণের বিশিষ্টতার আধার রূপে নিজেকে ব্যবহৃত করিয়াছে।

এখানে এই জড় জগতে সমস্তই জড় বস্ত্রের বিধানের উপর প্রতিষ্ঠিত। এখানে ইঞ্জির বোধ, প্রাণ ও মননের ভিত্তি প্রাচীনেরা যাহাকে পার্শ্ব-শক্তি বলিয়াছেন তাহারই উপর; তাহারা ক্রিতিতত্ত্ব হইতে প্রকাশিত হয় তখন হইতে যাত্রারম্ভ করে, তাহার বিধান স্বীকার করে, সেই মূল তত্ত্বের ক্রিয়াপদ্ধতির সঙ্গে মিল রাখিয়া চলে, ইহারই মধ্যস্থিত সভাবনা দ্বারা তাহাদের

সীমা নির্দিষ্ট হয় ; অল্প কোন সম্ভাবনাকে ফুটাইতে চাহিলেও ইহারই মূল বিধানের হিসাব রাখিতে হয় এমন কি তাহার দিব্য পরিণতির পক্ষেও ইহার উদ্দেশ্য এবং দাবি মানিয়া চলিতে হয়। ইন্দ্রিয়বোধকে জড়বস্তুর এবং প্রাণকে স্নায়ুগুণি এবং প্রাণের আশ্রয়রূপী দৈহিক অঙ্গ প্রত্যঙ্গের (vital organs) মধ্যদিয়া ক্রিয়া করিতে হয় ; মনের ক্রিয়ার ভিত্তিরূপে জড় দেহকে এবং জড় যন্ত্রকে গ্রহণ করিতে, এমনকি বিশুদ্ধ মনের ক্রিয়াতেও জড়ের ক্ষেত্র এবং উপাদান হইতে আবৃত তথ্য লইয়া চলিতে হয়। কিন্তু মন প্রাণ বা ইন্দ্রিয় বোধের স্বরূপপ্রকৃতিতে এমন কিছু নাই যে তাহাদিগকে বাধ্য হইয়া জড়ের দেওয়া এই সীমাকে মানিয়া চলিতেই হইবে। কারণ চক্ষু-কর্ণাদি স্থল ইন্দ্রিয়দ্বারগণ ইন্দ্রিয়বোধ সৃষ্টি করে না বরং তাহারাই বিশ্বগত ইন্দ্রিয় বোধের দ্বারা সৃষ্ট, এখানে তাহার প্রয়োজনীয় একটা কৌশল রূপে ইহার ফুটিয়া উঠে তাহার বাহন বা যন্ত্ররূপে ; স্নায়ুগুণী এবং দেহের যে সমস্ত যন্ত্র প্রাণের আশ্রয় (vital organs), তাহার প্রাণের ক্রিয়া এবং প্রতিক্রিয়া সৃষ্টি করে না বরং তাহারাই বিশ্বগত প্রাণশক্তি দ্বারা সৃষ্ট, এখানে তাহারই প্রয়োজনে একটা কৌশলরূপে ফুটিয়া উঠে তাহার বাহন বা যন্ত্ররূপে ; তেমনি মস্তিষ্ক মনের সৃষ্টি করে না বরং তাহাই বিশ্বগত মনের দ্বারা সৃষ্ট, এখানে তাহার প্রয়োজনীয় একটা কৌশলরূপে ইহা ফুটিয়া উঠে তাহার বাহন ও যন্ত্ররূপে। সুতরাং ইন্দ্রিয়বোধ, প্রাণ ও মনের পক্ষে জড় বিধান মানিয়া চলা একান্ত অপরিহার্য নয়, একটা বিশিষ্ট লক্ষ্যের জন্তই এরূপ চলিতে হইতেছে। জড়জগতের মধ্যস্থিত এক দিব্য বিশ্বগত সঙ্কল্প বা ইচ্ছা, বোধশক্তির সঙ্গে বিষয়ের একটা জড়ভাবে সঙ্ঘর্ষ স্থাপন করিতে চায়, তাহারই ফলে চিন্তাশক্তির একটা জড় বিধান ও নিয়ম প্রতিষ্ঠিত হয় ; সেই ইচ্ছাই যে জগতে আমরা বাস করি, সেখানে প্রাথমিক শাসন, পরিচালনা এবং নিয়ন্ত্রণের জন্ত চিন্তাসত্তার এক জড় বিগ্রহ সৃষ্টি করে ; ইহা সংস্করণের মৌলিক এবং শাখত বিধান নয় ; চিন্তা যাহাতে জড়ের মধ্যে ফুটিয়া উঠিতে পারে সেই প্রয়োজন সাধনের জন্ত ইহা একটা রচিত বিধান মাত্র।

বস্তুর পরবর্তী স্তরে বা ভূমিতে আর জড় রূপ ও শক্তি নয় কিন্তু প্রাণ ও সচেতন বাসনা প্রবর্তক, নিয়ন্তা ও শাসক। সুতরাং এই জড় জগতের উর্জ্বে



প্রথম যে জগতের সাক্ষাৎ পাই তাহার ভিত্তি সচেতন প্রাণশক্তি, সেক্ষণে প্রাণের ঐশ্বর্য ও বাসনার শক্তির জগৎ এবং তাহাদের আত্মরূপায়ণের ক্ষেত্র, এ জগতের মত সেখানে অচেতন বা অবচেতন ইচ্ছা জড়ের শক্তি ও রূপ ধরিয়া প্রকাশ পায় না। সেখানে সকল রূপ ও দেহ, সকল শক্তি, প্রাণ ইন্দ্রিয় বা মননের সকল ক্রিয়া, সকল পরিণতি, সকল সিদ্ধি, সকল আত্ম সম্পৃক্তি এই প্রাণশক্তি দ্বারা শাসিত ও পরিচালিত হয়। সেখানে জড় এবং মনকেও এই প্রাণশক্তির অধীনে থাকিতে হয়, প্রাণ হইতে তাহাদের যাত্রারম্ভ হয়, তাহাকেই ভিত্তি করিয়া তাহাদিগকে চলিতে হয়, তাহার বিধান, শক্তি, সামর্থ্য এবং সীমাদ্বারা তাহারাও সীমিত বা পরিবদ্ধিত হয়; যদি মন সেখানে কোন উচ্চতর সম্ভাবনাকে ফুটাইয়া তুলিতে চায় তবে তাহাতেও তাহাকে এই মূল বাসনাময় প্রাণশক্তির হিসাব রাখিতে হয়, দিব্য প্রকাশের ক্ষেত্রেও প্রাণের উদ্দেশ্য ও দাবিকে জানিয়া ও মানিয়া চলিতে হয়।

উচ্চতর স্তর সমূহেরও বিধান এইরূপ, ইহার পরবর্তী জগতের চালক বা পরিচালক শক্তি মন, বস্তু সেখানে এমন সূক্ষ্ম ও নমনীয় যে মন যে ভাবে চায় সেইরূপে প্রত্যক্ষভাবে তাহা রূপায়িত হইয়া উঠে; মনের ক্রিয়া এবং তাহার আত্মপ্রকাশ ও আত্মসম্পৃক্তির পথে, বস্তু তাহার অধীন ও অহুগত হইয়া চলে। ইন্দ্রিয়বোধ এবং বিষয়ের মধ্যে পরস্পর সম্বন্ধও সেখানে তেমনি সূক্ষ্ম এবং সূক্ষ্ম, স্থূল ইন্দ্রিয়ের সহিত জড় বস্তুর সম্বন্ধ যে ভাবে স্থাপিত সে ভাবে নহে কিন্তু যে সূক্ষ্মতর বস্তুর উপর মন ক্রিয়া করে তাহার সহিত মনের যেকোন সম্বন্ধ হইতে পারে সেইভাবে। সেখানে প্রাণ মনের একরূপ অহুগত ও অধীন, তাহার ধারণা আমাদের এই দুর্বল মন এবং সীমিত, স্থূল ও বিব্রোহী প্রাণবৃত্তি স্পষ্ট ভাবে কল্পনাও করিতে পারেনা। দিব্য প্রকাশের বিধানানুসারে সেখানে মনই প্রভু, তাহার ইচ্ছাই বলবতী, তাহার দাবিই সকলের অগ্রগন্ত। মনের উপরের জগতে মনস্তত্ত্বের স্থান গ্রহণ করে অতিমানস—অবশ্য মন ও অতিমানসের মধ্যে অতিমানসের দ্বারা প্রভাবিত তত্ত্ব সমূহও আছে—এবং তাহারও উপরে আছে শুদ্ধ আনন্দ, শুদ্ধ চিৎশক্তি অথবা শুদ্ধ সং, পরিচালক ও নিয়ামক তত্ত্বরূপে। এইভাবে আমরা বিশ্বস্ততার অপ্রাকৃত ভূমি বা জগৎ সমূহের সম্বন্ধ পাই। বৈদিক ঋষিরা তাহাকে অমৃত বলিয়াছেন তাহার

প্রতিষ্ঠার ক্ষেত্র এই সকল লোককে জ্যোতির্ষয় 'দিব্য ধামানি' দিব্য ধাম-সমূহ বলিয়া তাহারা উল্লেখ করিয়া গিয়াছেন এবং পরবর্তী কালের ধর্মে ইহাদিগকে ব্রহ্মলোক, গোলোক প্রভৃতি নামে অভিহিত করা হইয়াছে। এই সমস্ত জগতের প্রত্যেকটী সংস্করণের কোন না কোন চরম প্রকাশের ক্ষেত্র, মুক্ত জীব তাহার পরিপূর্ণতম স্বরূপ প্রাপ্ত হইয়া এখানে ব্রহ্মের অনন্ত এবং শাশ্বত পরমানন্দে প্রবিষ্ট হয়।

সমস্ত বিশ্বসত্তা যে একটি বিচিত্র জটিল সুখমা ও সামঞ্জস্যে বিধৃত রহিয়াছে এইতত্ত্ব বা সত্য, জড় রূপায়ণের পরপারস্থিত এই সমস্ত উর্দ্ধগ ধারার অমুভূতি ও দর্শনের অন্তরে আমরা দেখিতে পাই। চেতনার যে সঙ্গীর্ণ পরিধির মধ্যে প্রাকৃত মানব মন ও প্রাণ তৃপ্ত ও বদ্ধ আছে তাহার মধ্যোই সমস্ত পর্যাবসিত হইয়া যায় নাই। সত্তা, চৈতন্য, শক্তি, বস্তু সকলেই বহুধাপযুক্ত সিঁড়িতে ওঠা নামা করে তাহার প্রত্যেক ধাপের পর ধাপে আছে সত্তার এক বৃহত্তর আত্মব্যাপ্তি, চৈতন্ত্যের আছে নিজের বহুবিধূত উদারতর প্রসারতার ক্ষেত্র ও আনন্দের বোধ, শক্তির আছে এক বৃহত্তর প্রগাঢ়তা এবং আনন্দময় মহত্তর ও দ্রুততর সামর্থ্য; বস্তু তথায় তাহার মূল সত্যকে প্রতিবিম্বিত করে আরও গভীর সূক্ষ্ম, সূক্ষ্ম, লঘু ও সাবলীল ভাবে। কারণ যাহা যত বেশী সূক্ষ্ম তাহা তত বেশী শক্তিশালী; তাহাকে বলা যায় যে তত বেশী বাস্তব (concrete)। স্থূলতর হইতে তাহা কম সীমিত বা কম বদ্ধ তাহার রূপায়ণে যেমন আছে বৃহত্তর নমনীয়তা, অধিকতর ব্যাপ্তি, মহত্তর সম্ভাব্যতা, তেমনি তাহার সত্তার স্থায়িত্বও অনেক বেশী। সত্তারূপ এ পর্বতের প্রতি উচ্চতর অধিত্যকা হইতে আমরা দেখিতে পাই বিদ্যুততর অমুভূতি ও অভিজ্ঞতার ক্ষেত্র; আমাদের চৈতন্ত্যের উচ্চতর ভূমি এবং আমাদের জীবনের বিপুলতর ঐশ্বর্যময় জগৎ।

তাহা হইলে এই উর্দ্ধগ ধারা আমাদের পার্থিব সত্তার সম্ভাবনাসমূহকে কিভাবে প্রভাবিত করে? কোন প্রভাবই থাকিত না যদি চৈতন্ত্যের প্রত্যেকটী ভূমি, সত্তার প্রত্যেকটী জগৎ, বস্তুর প্রত্যেকটী স্তর, বিশ্বশক্তির প্রত্যেকটী মাত্রা তাহার পূর্বে বা পরে যাহা আছে তাহা হইতে সম্পূর্ণ বিচ্ছিন্ন হইত। কিন্তু ইহার ঠিক বিপরীত কথাই সত্য। চিৎশক্তির প্রকাশ বা অভিব্যক্তি

একটা বিচিত্র ও জটিল বুনানি, তাহা যেখানে কোন বিশেষ তত্ত্বকে আশ্রয় করিয়া রূপায়িত হইয়া উঠিয়াছে, তাহার মধ্যেও তাহার আধ্যাত্মিক সমগ্রতার অন্ত তত্ত্ব সকল সূত্র বা উপাদানরূপে গৃহীত হইয়াছে। অন্ত সকল তত্ত্বের শেষ ফলরূপে আমাদের জড় জগৎস্থষ্ট হইয়াছে, কারণ এই প্রাকৃতিক বিশ্বের রূপায়ণে সে সমস্ত তত্ত্বের প্রত্যেকটি জড়ে নামিয়া আসিয়াছে এবং আমরা যাহাকে জড় বলি তাহার প্রতি কণাতে প্রচ্ছন্ন ভাবে সকল তত্ত্বই নিহিত আছে, তাই তাহাদের গোপন শক্তি দ্বারা সর্বদা জড়ের প্রতিটি ক্রিয়া প্রভাবিত হয়। জড় যেমন একদিকে অবরোহণের শেষ ধাপ তেমনি তাহা আরোহণের প্রথম ধাপ। এই সমস্ত ভূমির, জগতের, স্তরের মাত্রার সকল শক্তিই যেমন জড়ের মধ্যে সংযুক্ত হইয়া আছে তেমনি তথা হইতে তাহাদের বিবৃত ও অভিব্যক্ত হইবার সামর্থ্যও সেখানে আছে। এইজন্ত রাসায়নিকের বায়বীয় ও যৌগিক পদার্থ, পদার্থ বিজ্ঞানের শক্তি ও গতি, সূর্য্য গ্রহনক্ষত্র নীহারিকা প্রভৃতিই জড়সত্তার প্রথম ও শেষ কথা নহে; তাহিত জড় আগাইয়াছে প্রাণ, ফুটাইয়াছে মন কিন্তু এখানেই তাহার ক্রিয়া শেষ হয় নাই, ইহার পরেও তাহাকে অবশেষে অতিমানস এবং অধ্যাত্ম সত্তার উচ্চতর তত্ত্বসকল বিকশিত করিয়া তুলিতেই হইবে। জড়াতীত ভূমি হইতে ক্রমবর্দ্ধমান চাপের ফলে জড় তাহার মধ্যস্থিত এই সকল উচ্চতর তত্ত্ব এবং শক্তিকে মুক্তি দিতে বাধ্য হইয়াছে। তাহা না হইলে, জড় বিধানের কঠিন বন্ধনে ইহার। হয়ত নিজিত ও অব্যক্ত থাকিয়াই যাইত; ইহাদের এইরূপে চিরনিজিত থাকা কখনই সম্ভব নয়, কারণ তাহারা জড়ের মধ্যে যে বর্তমান আছে তাহাই সূচিত করে যে তাহাদের মুক্তি ও প্রকাশের প্রয়োজন এবং উদ্দেশ্যও নিশ্চিত আছে। কিন্তু তথাপি নিয়তর ক্ষেত্রের এই প্রয়োজনীয়তার অল্পকূল সাহায্য আসে উপরের সজাতীয় শক্তির চাপে।

ইহাও সত্য হইতে পারেনা যে অনিচ্ছুক জড়শক্তির জন্ত একগতে প্রাণ, মন, অতিমানস ও সচ্চিদানন্দের একটা ক্ষীণ প্রাথমিক অভিব্যক্তি মাত্র হইয়াই সমস্ত পরিণতি শেষ হইয়া যাইবে। কারণ তাহারা যতই ফুটিয়া উঠে, যতই আগ্রসিত হয়, যতই তাহারা সক্রিয় এবং তাহাদের সকল সম্ভাবনাকে রূপ দিতে লোলুপ হইয়া উঠে, ততই উচ্চতর স্তরের চাপের মাত্রা হয় প্রবল

ও অব্যাহত; যেহেতু জগৎ সকলের অস্তিত্ব, তাহাদের নিকটসম্বন্ধ এবং তাহাদের অস্তিত্বাভ্যয়ের জন্ত এই চাপও সর্বদা নিগূঢ় ভাবে বর্তমান আছে। এই সমস্ত তত্ত্ব কেবল যে নিম্নতর ক্ষেত্র হইতে সঙ্কুচিত এবং সীমাবদ্ধ ভাবে প্রস্কৃতি হইবে তাহা নহে কিন্তু উপর হইতে তাহাদের স্বরূপ শক্তি ও পরিপূর্ণতার বিপুল ঐশ্বর্য লইয়া তাহার জড়সত্তার নামিয়া আসিবে। তখন জড়ের মধ্যে এই সমস্ত তত্ত্ব ও শক্তির ক্রমশঃ বিপুলতর ক্রিয়া ও খেলার জন্ত প্রাকৃত জীবেরও নিজেকে করিতে হইবে উন্নীলিত ও প্রসারিত; একজন্ত চাই উপযুক্ত আধার, বাহন ও যন্ত্র, মাছুষের দেহ প্রাণ এবং চেতনায় তাহাদেরই সম্ভাবনা আছে।

আমাদের স্থূল ইঞ্জিয় এবং স্থূলমন, আমাদের সকল সম্ভাবনা স্থূলদেহের সঙ্কীর্ণ গণ্ডির মধ্যে আবদ্ধ মনে করে, কিন্তু আমাদের দেহ প্রাণ চৈতন্যকে যদি সত্যিই এ সীমার মধ্যে থাকিতে বাধ্য হইতে হয়, নিশ্চয়ই তাহা হইলে পরিণতির অর্থ সঙ্কীর্ণ হইয়া পড়ে এবং মাছুষ বর্তমানে যাহা লাভ করিয়াছে মূলতঃ তদপেক্ষা বৃহত্তর কোন সিদ্ধিতে পৌছিতে আশা করিতে পারে না। কিন্তু এই জড়দেহ আমাদের জড় বা অরময় সত্তারও সবখানি নয়। ঘন বা স্থূল পিণ্ডরূপে যাহা দেখি তাহাই আমাদের জড়তত্ত্ব বা রূপধাতুর সকল অংশ নয়, এ সত্য প্রাচীন রহস্যবিজ্ঞান বহু পূর্বে আবিষ্কার করিয়াছিল। প্রাচীন বেদান্ত বলিয়াছে আমাদের প্রকৃত সত্তার পাঁচভাবে অভিব্যক্তি হয়, ইহাদিগকে অরময় পুরুষ, প্রাণময় পুরুষ, মনোময় পুরুষ, বিজ্ঞানময় পুরুষ ও আনন্দময় পুরুষ বলা হয়, ইহাদের প্রত্যেকের সঙ্গে আছে, যে ধাতু বা পদার্থ দিয়ে আমরা গঠিত তাহার এক একটা বিশিষ্ট রূপায়ণ, প্রাচীনেন্দ্র রূপকের ভাষায় যাহাদিগকে কোষ বলিয়াছেন। পরবর্তী যুগের অধ্যাত্মবিজ্ঞানে পাণ্ডুরা যায় এই পঞ্চ কোষের উপাদান লইয়া আমাদের স্থূল সূক্ষ্ম ও কারণ এই তিন দেহ গঠিত হইয়াছে। বস্তুতঃ চিন্ময় পুরুষ ইহাদের প্রত্যেক দেহে যুগপৎ বাস করে, যদিও এখানে আমাদের বহিষ্কর চেতনায় বর্তমানে আমাদের স্থূল জড় দেহের সম্বন্ধেই আমরা সচেতন। কিন্তু আমরা আমাদের অন্তঃদেহ সম্বন্ধেও সচেতন হইতে পারি। স্থূল শরীর এবং এ সমস্ত শরীরের মধ্যবর্তী আবরণ যদি সরিয়া যায় এবং তাহার ফলে যদি স্থূল দেহবাসী এবং সূক্ষ্ম ও কারণ দেহবাসী পুরুষের মধ্যকার ব্যবধান

যদি অন্তর্ভুক্ত হয় তবে ‘ভৌতিক রহস্য’ বা তথাকথিত ‘অলৌকিক ঘটনা’ সকল দেখা দেয়। আজকাল এ সমস্ত রহস্য বা ঘটনা লইয়া ক্রমেই বেশী আলোচনা চলিতেছে কিন্তু সে আলোচনা আনাড়ির মতই হইতেছে; যদিও ইহার তথ্য অতি অল্প ও অস্পষ্ট ভাবে জানা গিয়াছে কিন্তু তবুও এই সামান্ত জ্ঞান স্বার্থসিদ্ধির জন্য প্রয়োগের খুবই চেষ্টা হইতেছে। প্রাচীন ভারতের হঠযোগী এবং তান্ত্রিকেরা বহু পূর্বে মানুষের প্রাণ ও দেহের এই সমস্ত উচ্চতর ব্যাপারকে একটা রীতিমত সুগঠিত বিজ্ঞানে পরিণত করিয়াছিলেন। সূক্ষ্মদেহে প্রাণ ও মনের ছয়টি কেন্দ্র বা চক্রের অল্পরূপ ছয়টি স্নায়ুকেন্দ্র বা নাড়িচক্র তাহারা স্থূল দেহের মধ্যেও আবিষ্কার করিয়াছিলেন, এবং এমন কতকগুলি সূক্ষ্ম শারীরিক প্রক্রিয়া বাহির করিয়াছিলেন যাহার সাহায্যে বর্তমানে যাহা নিম্নলিখিত ও নিষ্ক্রিয় আছে সেই চক্র বা পদগুলিকে উন্নীত ও ক্রিয়াশীল করা যায়, তখন মানুষ তাহার সূক্ষ্মতর সত্তার উপযোগী এক উচ্চতর জীবন ধারায় প্রবেশ করিতে পারে, এমনকি দেহ ও প্রাণের যে বাধা তাহার বিজ্ঞানময় ও আধ্যাত্মিক সত্তার অল্পভবকে আবৃত করিয়া রাখিয়াছে তাহাও দূর করা যায়। এখানে ইহা উল্লেখ করা যাইতে পারে যে হঠযোগীরা দাবি করেন—এবং অনেক ক্ষেত্রে তাহারা প্রমাণও দিয়াছেন—যে তাহাদের সাধনার একটা প্রধান ফল এই হয় যে তাহারা স্থূল প্রাণশক্তিকে স্ববেশে আনিতে পারেন, যাহার ফলে আধুনিক জড়বিজ্ঞান যাহা দেহগত প্রাণের ক্রিয়ার সঙ্গে অবিচ্ছেদ্য ভাবে জড়িত মনে করে, এমন সাধারণ অভ্যাস অথবা তথ্য কথিত নিয়ম বা বিধান হইতে নিজেকে মুক্ত করিতে পারেন।

চৈতন্যময় জড়দেহের সম্বন্ধে প্রাচীনেরা যে সমস্ত বৈজ্ঞানিক তথ্য আবিষ্কার করিয়াছিলেন তাহাতে আমরা এই একটা প্রধান ব্যাপার ও বিধানের পরিচয় পাই যে জড়ের ক্রমপরিণতির ক্ষেত্রে অস্থায়ী স্থিতিরূপে যে রূপ, যে চেতনা এবং যে শক্তি দেখা দিবে না কেন তাহার অন্তরালে একটা বৃহত্তর এবং সত্যতর সত্তা আছে; বাহু ভাবে তাহারই অভিব্যক্তি হইয়াছে ইন্দ্রিয় গ্রাহ্য এই স্থূলরূপে। আমাদের সত্তার পদার্থ জড় দেহ সৃষ্টি করিয়াই নিঃশেষিত হইয়া যায় নাই; দেহ শুধু মূর্খ পাদপীঠ ও প্রগতির আদিবিন্দু ইহা জীবনের জড় ভিত্তি মাত্র। আমাদের জাগ্রত চেতনার পশ্চাতে যেমন অবচেতনা এবং অধিচেতনার নানা

ভূমি ও বিপুল প্রসার আছে, যাহার সম্বন্ধে আমরা অনিয়মিত ও অলৌকিক ভাবে কখন কখন সচেতন হই, তেমনি আমাদের স্থূল জড়সত্তার পিছনে রূপ পদার্থের সূক্ষ্মতর অন্য অনেক স্তর আছে, তাহাদের সূক্ষ্ম ও বিশুদ্ধতর বিধান এবং মহত্তর শক্তি আমাদের জড় দেহকে ধারণ করিয়া আছে। চৈতন্তের যে ভূমিতে তাহারা রহিয়াছে সেখানে প্রবেশ করিয়া তথাকার সেই উচ্চতর শক্তি ও বিধান আমাদের জড় দেহের উপর নামাইয়া আনিতে এবং জড়ময় জীবনের আবেগ ও সংস্কারের স্থূলতা এবং সীমাবদ্ধতার স্থানে তাহাদের বিশুদ্ধতর উচ্চতর এবং প্রবলতর বিধান প্রতিষ্ঠা আমরা করিতে পারি। যদি তাই হয় তবে যেখানে আমরা দিগকে পাশব জন্ম, জীবন ও মৃত্যুর বিধান মানিয়া চলিতে হয়, যেখানে উপযুক্ত খাদ্য সংগ্রহ করিয়া জীবনকে বাঁচাইয়া রাখা এত দুৰূহ অথচ যেখানে অব্যবস্থা ও ব্যাধি এত স্থলভ, প্রাণের ক্ষুদ্র এবং অচরিতার্থ বাসনার অধীনতা যেখানে এত প্রবল, সেই সাধারণ জীবনের স্থানে যাহা এ সমস্তের কিছুর দ্বারা সীমাবদ্ধ নয় তেমন এক মহত্তর জড়সত্তার প্রতিষ্ঠা যে হইতে পারে তাহা স্বপ্ন বা অসম্ভব কল্পনা বলিয়া আর বোধ হয় না; যুক্তিযুক্ত দার্শনিক সত্যের উপরই সে সম্ভাবনা প্রতিষ্ঠিত হয় এবং আমাদের সত্তার অস্ত্র সমস্ত ব্যক্ত এবং অব্যক্ত সত্য সম্বন্ধে আমরা এতকাল যাহা জানিয়াছি, অজ্ঞত করিয়াছি বা ভাবিয়া স্থির বুঝিয়াছি তাহার সহিতও ইহার মিলন ও সামঞ্জস্য স্থাপিত হয়।

যুক্তি অল্পদূরে ইহাই ত হওয়া উচিত। কারণ আমাদের সত্তার অবিচ্ছিন্ন তত্ত্বপরম্পরা একরূপ ঘনিষ্ঠভাবে পরস্পরের সহিত সম্বন্ধ যে স্পষ্টই বুঝা যায় যে, ইহাদের একটিকে দোষারোপ করিয়া বর্জন এবং অপর সকলগুলি হইতে ছাঁটিয়া ফেলা হইবে এবং বাকীগুলি দিব্য মুক্তিলাভ করিবে, ইহা সম্ভব নয়। মাহুষের জড়ত্ব হইতে অতিমানসে উত্তরণই অল্পরূপভাবে সত্তার পদার্থে উর্দ্ধগ ধারা আনয়ন করিবে এবং অতিমানস সত্তার উপযোগী কারণ দেহের উপাদানকেও রূপান্তরিত করিবে। অতিমানস যেমন নিম্নতর তত্ত্বগুলিকে জয় করিয়া তাহাদিগকে মুক্ত করিবে দিব্য জীবন এবং দিব্য মননরূপে, তদ্রূপ অতিমানস-বস্তুত্ব এবং তাহার শক্তি দেহের যত সীমা ও বাধা আছে তাহা জয় ও দূর করিয়া দেহকেও দিব্যমুক্তি দিবে। ইহার অর্থ এই হইবে অতিমানসের অবতরণে শুধু যে সর্বস্বাধীনমুক্ত চৈতন্তের প্রকাশ হইবে অথবা অহংকারের কাগাগারে

বদ্ধ বাহ্য ইন্দ্রিয়বোধজাত ক্লেশ জ্ঞানের ভিত্তির উপর যে মন ও ইন্দ্রিয়চেতনা দাঁড়াইয়া আছে তাহারাই যে শুধু মুক্তি পাইবে তাহা নহে; সঙ্গে সঙ্গে প্রাণ-শক্তিও ক্রমশঃ সকল সীমা ও বাধা অতিক্রম করিবে, এই পার্থিব জীবনই ভগবানের বাসের উপযুক্ত আধাররূপে গঠিত হইয়া উঠিবে, মানুষ যত্ন্যুকে জয় করিবে, পার্থিব দেহেই অমৃতত্ব লাভ করিবে কিন্তু তাহাতে বর্তমান দেহের প্রতি আসক্তি থাকিবে না অথবা তাহাতে বদ্ধ হইবে না, জড় দেহের বর্তমান বিধানকে অতিক্রম করিয়া ইহা সম্ভব হইবে। কারণ অমৃতত্বের যিনি প্রভু তিনি সত্তার পরমানন্দের দ্বিব্য উৎস হইতে আনন্দের দ্বিব্য সুরা বা রহস্যময় সোমধারার দ্বারা মনোময় সজীব জড়ের পাত্র পূর্ণ করিয়া দিতেছেন এবং সত্তা ও তাহার প্রকৃতির পূর্ণ রূপান্তর সাধনের জন্ত শাস্ত দ্বিব্যশ্রীমণ্ডিত এই সমস্ত কোষের মধ্যে নিজে অল্পপ্রবিষ্ট হইয়াছেন।

## সপ্তবিংশ অধ্যায়

### সত্তার সপ্ততন্ত্রী

মনের অজ্ঞানতার জন্ম জানিতে চাই অন্তর্নিহিত দেবতাদের এই সমস্ত পদের কথা। সর্বজ্ঞ দেবতারা এক বৎসরের শিশুকে গ্রহণ করিয়াছেন এবং তাহারা তাহাকে ঘিরিয়া সাতটি তন্তু দ্বারা এই বুনানি প্রস্তুত করিয়াছেন।

ঋগ্বেদ ( ১।১৬৪।৫ )

প্রাচীন ঋষিরা যে সাতটি মহৎ তত্ত্বকে বিশ্বসত্তার সাতটি প্রকরণ এবং সমগ্র বিশ্বের প্রতিষ্ঠা বলিয়া স্থির করিয়াছিলেন তাহাদিগকে পরীক্ষা করিয়াছি এবং তাহাদের সংযুক্তি এবং বিবৃতির ধারা দেখিয়াছি এবং যে জ্ঞানে আমরা পৌছিতে চাহিয়াছি তাহার ভিত্তি পাইয়াছি। আমরা জানিয়াছি বিশ্বাতীত এবং অনন্ত সং চিৎ ও আনন্দের ত্রৈক তত্ত্ব যাহা ভাগবদ্ সত্তার স্বভাব বা প্রকৃতি তাহাই বিশ্বে যাহা কিছু আছে তাহাদের উৎপত্তিস্থান ও আধার, তাহাদের আদি ও অবসান। চৈতন্তের আলোকদায়ী এবং কার্য্যকরী দুইটি বিভাব আছে, একটি আত্মসংবিতের অপরটি আত্মশক্তির অবস্থা বা প্রতিষ্ঠা এবং বীৰ্য্য। স্থিতি অথবা গতি, নিষ্ক্রিয়তা বা সক্রিয়তা সকল অবস্থায়ই ব্রহ্মসত্তা এই দুই বিভাবের দ্বারা নিজেকে নিজে লাভ করেন। তাহার সৃষ্টিক্রিয়ায় তিনি তাহার সর্বশক্তি-ময়ী আত্মচেতনাদ্বারা তাহার মধ্যে অব্যক্তভাবে যাহা কিছু নিহিত আছে তাহা জানেন এবং তাহার সর্বজ্ঞা আত্মশক্তিদ্বারা সেই সমস্ত সত্তাবনাকে বিশ্ব-সমুত্তিরূপে রূপায়িত এবং পরিচালিত করেন। সর্বসত্তার সৃষ্টিক্রিয়ার কেন্দ্র রহিয়াছে অতিমানস বা সত্ত্বতবিজ্ঞান নামক চতুর্থ এবং মধ্যবর্তী তত্ত্বে। সেখানে আত্মসত্তা এবং আত্মসংবিতের সঙ্গে এক হইয়া আছে এক দিব্য জ্ঞান এবং সেই জ্ঞানের সহিত পূর্ণভাবে মিলিত হইয়া এক ছন্দে গাঁথা আছে এক দিব্য ইচ্ছা, কারণ অতিমানস তাহার উপাদান ও প্রকৃতিতে সেই চিন্ময় সত্তার



জ্যোতির্ষ্ময় ক্রিয়া ও গতিশীল একটা রূপ। জ্ঞান ও ইচ্ছার যুগলমূর্ত্তি এই অতিমানস স্বরূপ সত্যে যথায়থভাবে বিদ্যুত ঋতময় রূপ এবং বিধান, সৃষ্টি এবং প্রকাশের অর্থ এবং উদ্দেশ্য অল্পসারে অব্যর্থভাবে ফুটাইয়া তোলে।

একস্থ ও বহুস্থ এই দ্বৈক তত্ত্বের উপর সৃষ্টি নির্ভর করে এবং এ উভয়ের মধ্যেই সৃষ্টির গতি ও ক্রিয়া চলে; এক আদি একস্থই বহুবিচিত্র ভাব শক্তি ও আধার রূপে ফুটিয়া উঠে, শাশ্বত একস্থই অগণিত জগতের ভিত্তি ও সত্য; সেই একস্থই তাহাদের খেলা এবং প্রকাশ সম্ভব করিয়া তোলে। তাই অতিমানসের মধ্যে আছে সংজ্ঞান ও প্রজ্ঞান এই দুই বৃত্তি বা বিভাব; মূল এক হইতে বহু বাহির হয়, সংজ্ঞানবিভাবের জন্ত যিনি এক তিনি সকল পদার্থই নিজের মধ্যে দেখেন, দেখেন যে তিনি নিজেই সর্ব পদার্থ বা তাহারা তাহার নিজেরই বহু বিভাব মাত্র, আবার প্রজ্ঞানবিভাবের জন্ত তিনি নিজের মধ্যে প্রতি পদার্থকে তাহার ইচ্ছা ও জ্ঞানের বিষয়রূপে যেন পৃথক করিয়া দেখেন। ইহার মূল আত্মসংবিতের মধ্যে সর্বপদার্থই এক সত্তা, এক চৈতন্য, এক ইচ্ছা, এক আত্মানন্দ এবং সমস্ত গতি ও ক্রিয়া যিনি এক এবং অবিভাজ্য তাহারই গতি বা ক্রিয়া, তাহার ক্রিয়াতে তিনি একস্থ হইতে বহুস্থ ফুটাইয়া তোলেন আবার বহুস্থ হইতে একস্থে ফিরাইয়া আনেন এবং এ উভয়ের মধ্যে একটা ঋতময় সর্বত্বের সৃষ্টি করেন, যেন একটা বিভাগ দেখা যায় অথচ সে ভেদবোধ এমন জমাট সত্যে পরিণত হয় না যাহাতে তাহা চেতনাকে বাধিয়া রাখে; একটা সূক্ষ্ম ভেদভাব আসে কিন্তু তাহা বিভক্ত বা পৃথক করিয়া দেয় না; বরং বলা চলে অবিভাজ্য সত্তার মধ্যে যেন একটা রেখা একটা চিহ্ন দেখা দিয়াছে। অতিমানস সেই দিব্য বিজ্ঞান যাহা বিশ্বকে সৃষ্টি ও শাসন করিতেছে যাহা বিশ্বের আধার ও আশ্রয়; ইহা সেই অন্তর্গুঢ় প্রজ্ঞা যাহা আমাদের বিত্তা এবং অবিত্তা উভয়কে ধারণ করিয়া বর্তমান আছে।

আমরা ইহাও আবিষ্কার করিয়াছি যে আমাদেরই এই জগতের কথা বলিতে গেলে, অবিষ্কার অধীনতার মধ্যে অবস্থিত মন প্রাণ ও জড় এই তিন বস্তু এই সমস্ত উচ্চতর তত্ত্বের ক্রিয়া হইতে জাত হইয়াছে; কিন্তু মনে হয় বাহিরের ক্ষেত্রের নিজেরই এই বিভাগ ও বহুত্বের খেলায় যিনি এক তিনি নিজেকে যেন জুলিয়া গিয়াছেন। একত পক্ষে এই তিনটি, দিব্য তত্ত্বচতুষ্টয়ের গৌণশক্তি বা

নিম্নতর বিদ্যুতি ; মন অতিমানসেরই গৌণশক্তি এখানে বিভাগ এবং ঋণ্ডতার ভিতরে আসিয়া দাঁড়াইয়াছে, তাহার অন্তরস্থিত একত্বকে সে বস্তুতঃ ভুলিয়া গিয়াছে, যদিও অতিমানস হইতে আলোকিত হইলে একত্বে সে আবার ফিরিয়া যাইতে পারে। প্রাণ সচ্চিদানন্দের শক্তি বিভাবের গৌণ প্রকাশ, মন দ্বারা সৃষ্ট বিভাগের মধ্যে চিৎশক্তির নানারূপ ও খেলা ফুটাইয়া তোলাই তাহার কাজ, তদ্রূপ সচ্চিদানন্দ যখন নিজে তাহার নিজ চৈতন্য ও শক্তির প্রাতিভাসিক প্রকাশের অধীন হইতে চান তখন তাহারই সংবিভাব জড় বস্তুরূপ ধারণ করে।

ইহা ছাড়া যেখানে মন প্রাণ ও দেহের গ্রন্থি পড়িয়াছে সেখানে যাহাকে আমরা অন্তরাত্মা নামে অভিহিত করি, সেই চতুর্থ আর একটা তত্ত্ব আসিয়া প্রকাশ পাইয়াছে। এই অন্তরাত্মার দুই রূপ, সম্মুখের রূপকে কামপুরুষ বলা হয় যাহা সৰ্ব্বপদার্থকে অধিকার করিতে, সৰ্ব্বপদার্থ হইতে স্বর্থ বা আনন্দ লাভ করিতে সতত চেষ্টাশীল ; ইহার পশ্চাতে ইহা দ্বারাই পূর্ণ বা প্রায় পূর্ণভাবে আবৃত হইয়া আছে ইহার অন্তরূপ যাহা আমাদের খাটি চৈতন্যসত্তা বা চৈতন্যপুরুষ, যাহাকে আত্মার সকল অভিজ্ঞতার ভাণ্ডার বলা যাইতে পারে। মাহুঘের মধ্যের এই চতুর্থ তত্ত্বকে আমরা দেখিয়াছি সচ্চিদানন্দের অনন্ত আনন্দরূপ তৃতীয় তত্ত্ব হইতে নির্গত তাহার নিম্নতর প্রকাশ ও ক্রিয়াক্রমে, সে প্রকাশ হয় আমাদের চেতনার দ্বারা ধরিয়া জাগতিক খেলায় জীবের পরিণতির অবস্থা ও বিধানের অন্তরূপভাবে। যেমন ব্রহ্মসত্তা এক অনন্ত চৈতন্য এবং সেই চৈতন্যের আত্মশক্তি স্বরূপ, তদ্রূপ, সেই অনন্ত চৈতন্য স্বরূপতঃ বিশুদ্ধ এবং অনন্ত আনন্দস্বরূপ। সেই আত্মানন্দ মূলতঃ স্বপ্রতিষ্ঠ এবং আত্মসংবিৎসম্পন্ন। বিশ্ব সেই দিব্য স্বরূপানন্দের খেলা, বিশ্বপুরুষ সেই খেলার আনন্দের সম্যক্ ভোক্তা এবং ভৰ্তা। কিন্তু অবিজ্ঞা ও বিভাগের জন্ত ব্যষ্টি জীবে সে আনন্দ অধিচেতন এবং অতিচেতন সত্তায় উপসংহৃত হইয়া আছে, আমাদের বহিঃচেতনায় ইহার প্রকাশ নাই, তাই ব্যষ্টিচেতনাকে তাহার আত্মপরিণতির পথে বিশ্ব ও বিশ্বাতীত চৈতন্যের দিকে অগ্রসর হইয়া সে আনন্দ খুঁজিতে এবং আবিষ্কার ও লাভ করিতে হয়।

অতএব আমরা ইচ্ছা করিলে সাতটা তত্ত্বের স্থানে আটটা\* গ্রহণ করিতে

\* বেদে সাধারণতঃ সাতটা রশ্মির কথা উল্লেখ আছে, কিন্তু আটটা, নয়টা, দশটা বা বারটা রশ্মির কথাও বেদে বলা আছে।

এবং বলিতে পারি যে দিব্য চারিটি তত্ত্ব একপ্রকার প্রতিসরণ বা তির্য্যগ্গমন (refraction) ক্রিয়ায় বক্রীভূত হইয়া আমাদের প্রাকৃত চারি তত্ত্বরূপে দেখা দিয়াছে। আরোহণ এবং অবরোহণ প্রণালীতে সাজাইলে ইহা এইরূপ দাঁড়ায় :—

সং..... জড় ( বা অন্ন )

চিংশক্তি.... প্রাণ

আনন্দ .... অন্তরাঙ্গা ( বা চৈতন্যপুরুষ )

অতিমানস..... মন ।

ব্রহ্ম তাহার বিস্তৃত সংভাব হইতে চিংশক্তি এবং আনন্দের খেলার মধ্য দিয়া সৃষ্টিশীল। অতিমানসী শক্তিকে অবলম্বন করিয়া বিশ্বসভায় নামিয়া আসিয়াছেন, আমরাও জড় হইতে প্রাণ, অন্তরাঙ্গা ও মনের পুষ্টি ও পরিণতির মধ্য দিয়া আলোকদায়িনী অতিমানসীশক্তিকে আশ্রয় করিয়া সেই দিব্য সত্তার দিকে অগ্রসর হইতেছি। যেখানে মন আসিয়া অতিমানসের সহিত মিশিয়াছে সেখানেই রহিয়াছে পরার্থ এবং অপরাধের গ্রন্থি এবং দুঃখের মধ্যে আছে এক আবরণ; এই আবরণ বিদীর্ণ করিতে পারিলেই মাহুকের মধ্যে দিব্য জীবন ফুটিয়া উঠে। কারণ এই বিদারণের ফলে নিম্নতর সত্তার প্রকৃতির মধ্যে হয় উচ্চতরের জ্যোতির্ময় অবতরণ এবং নিম্নতর সত্তার হয় উচ্চতরের প্রকৃতির মধ্যে সবেগে এবং সবলে আরোহণ, তাহার ফলে সর্বব্যাপক এবং সর্বজ্ঞ অতিমানসের মধ্যে মন ফিরাইয়া পায় তাহার দিব্য আলোক; ভগবদ সত্তার পরমানন্দের মধ্যে অন্তরাঙ্গা পুনরায় সন্ধান পায় তাহার দিব্যাত্মার; সর্বশক্তিময়ী চিংশক্তির মধ্যে প্রাণ সাক্ষাৎলাভ করে তাহার দিব্য শক্তির এবং সং স্বরূপের মূর্তিরূপে জড় দিব্য স্বাধীনতার দিকে নিজেকে করে উন্মীলিত। বর্তমানে মাহুকেই যাহার মহৎ কীর্তি এবং মুকুটমণি সেই পরিণতির উদ্দেশ্যহীন ভাবে চক্রাকারে ভ্রমণ এবং সেই চক্র হইতে কখনও কখনও ছু এক জন ব্যষ্টিজীবের পলায়ন ভিন্ন যদি তাহার অস্ত কোন মহদুদ্দেশ্য বা লক্ষ্য থাকে, যে একা কেবল চিং ও জড়ের মধ্যে থাকিয়া এ উভয়ের পরমমিলন সাধন করিতে পারে সেই মাহুকের পক্ষে, নৈরাশ্র এবং বিশ্বকর্মের উপর ঘৃণা ও বিরক্তি ভরে জীবনরূপ জ্ঞান হইতে অবশেষে জাগিয়া উঠিয়া, তাহাকে পূর্ণরূপে বর্জন করা ছাড়া আর কোন অর্থ

যদি তার অনন্ত সত্তাবনার ভরা জীবনের মধ্যে থাকে, তবে এইরূপ জ্যোতির্গর্ভ মহাশক্তিপূর্ণ দিব্য রূপান্তর, ব্যাটী জীবের মধ্যে ভগবানের উদ্বেগ ও প্রকাশই হইবে সেই উচ্চতম পরম লক্ষ্য, তাহার জীবনের সেই চরম সার্থকতা।

কিন্তু কোন্ মানসিক ও ব্যবহারিক পরিবেশ ও সাধনাধারা মৌলিক সত্তাবনা হইতে গতি ও ক্রিয়ানীল সমুত্তির এই দিব্য রূপান্তর দেখা দিবে, তাহা আলোচনা করিবার পূর্বে আরও অনেক কিছু আমাদেরকে বিবেচনা করিতে হইবে। বিশ্বসত্তায় সচ্চিদানন্দের অবতরণের মূল তত্ত্বাবলি আমরা আলোচনা করিয়াছি কিন্তু তাহাতেই আমাদের চলিবেনা, আমাদেরকে দেখিতে হইবে সেই অবতরণ এখানে কোন্ বিরাট পদ্ধতি বা বিধান অবলম্বন করিয়াছে, বুঝিতে হইবে যে অবস্থার মধ্যে আমরা বর্তমানে বাস করিতেছি, চিৎশক্তির যে বীর্ঘ্য প্রকাশিত হইয়া তাহাকে নিয়ন্ত্রিত ও পরিচালিত করিতেছে, তাহার প্রকৃতি এবং ক্রিয়ার ধারা কিরূপ। বর্তমানে আমাদেরকে প্রথমে দেখিতে হইবে যে যে সাতটা বা আটটা তত্ত্বের কথা আলোচনা করিয়াছি, তাহারাই বিশ্বের সকল বিন্যস্তির মূল স্বরূপ এবং তাহারা সর্বত্র অল্পহ্রাস্ত হইয়া রহিয়াছে। ‘এক বৎসরের শিশু’ রূপী আমাদের মধ্যেও তাহারা আছে, হয় ব্যক্ত বা অব্যক্ত রূপে, কারণ পরিণতিশীল প্রকৃতির মধ্যে আমাদের সাবালকত্ব বা যৌবন প্রাপ্তির এখনও অনেক বিলম্ব আছে। উচ্চতর ত্রিতত্ত্ব, সকল সত্তা এবং সত্তার খেলার উৎপত্তি ও আশ্রয় স্থান, সকল বিশ্ব সেই মূল সত্যের প্রকাশ এবং ক্রিয়ার ফল। পরম অসৎ অথবা বাহ্য একেবারে শূন্য তাহা হইতে বিশ্বের উদ্ভব বা কোন রূপায়ণ হইতে পারে না অথবা সে অসৎ বা শূন্য কোন কিছু অবস্থিত থাকিতে পারে না। যিনি সকল রূপের অতীত অনন্ত সত্তা, বিশ্ব হয় তাহার কোন রূপ অথবা ইহা নিজেই সর্বসত্তা। বস্তুতঃ আমাদের আত্মা যখন বিশ্ব-পুরুষের সঙ্গে মিলিত হয় তখন দেখিতে পাই যে এ দুই ভাবই যুগপৎ সত্য; অর্থাৎ সর্বসংগেই অন্তহীন ছন্দলীলায় এই বিশ্বরূপ ধারণ করিয়াছেন, তাহারই আত্মবোধজাত দেশ ও কালরূপ আত্মপ্রসারণের মধ্যে। আমরা আরও দেখিতে পাই এই সমস্ত রূপ ও ক্রিয়া বাহ্য হইতে জাত এবং বাহ্য দ্বারা নিয়ন্ত্রিত হইতেছে সংস্করণের সেই অনন্ত শক্তির খেলা ছাড়া এই বিশ্বের অথবা কোন বিশ্বেরই ক্রিয়া ও প্রকাশ সম্ভব হইতে পারে না। এই শক্তির ক্রিয়ার জন্ত আমাদেরকে স্বীকার

করিয়া লইতে হয় যে ইহার মূলে এক অনন্ত চৈতন্য আছে এবং এ শক্তি তাহারই ক্রিয়াশক্তি ; কারণ ইহার প্রকৃতির মধ্যে আমরা এক বিশ্বইচ্ছার বা বিশ্ব-সঙ্কল্পের লেখা পাই, যাহা তাহার নিজের চেতনার বিধানে সমস্ত সম্বন্ধ, সকল ক্রিয়া পূর্ব হইতে স্থির ও নির্ণয় করিতেছে এবং চেতনার সে বিধানের পশ্চাতে যদি এক সর্বাবগাহী চেতনা না থাকিত তবে এরূপ নির্ণয় করা সম্ভব হইত না। সেই চেতনাই যাহাকে আমরা বিশ্ব বলি, সত্তার সেই পরিণতি ও সমুত্তির ক্ষেত্রে সকল সম্বন্ধ ও ক্রিয়াকে ধারণ করিয়া রহিয়াছে, স্থির রাখিয়াছে এবং প্রতিফলিত করিতেছে।

অবশেষে বলিতে হয় যে চৈতন্য এইরূপ সর্বজ্ঞ, সর্বশক্তিমান এবং জ্যোতির্ময় রূপে আপনাতে আপনি পূর্ণ প্রতিষ্ঠিত। এই প্রতিষ্ঠার ফলে সত্তাকে স্বভাবতঃ আনন্দস্বরূপ হইতে হইবে, কারণ ইহা ছাড়া আর কিছু হইতে পারে না ; সুতরাং এক বিরাট সার্বভৌম আত্মানন্দ বিশ্বের উৎপত্তি স্থান, স্বরূপ এবং তাৎপর্য। প্রাচীন ঋষি বলিয়াছেন যে “আমাদের আধার বা আয়তন রূপে সদানন্দের এই সর্বব্যাপী আকাশ যদি না থাকিত এবং আনন্দই যদি আমাদের আশ্রয়রূপী আকাশ বা পরিবেশ না হইত তবে কে নিঃশ্বাস ফেলিতে বা নিতে পারিত কেই বা বাঁচিত ?” এই আত্মানন্দ অবচেতনায় নিগূঢ় ও অব্যক্ত হইয়া আছে ; বহিঃচেতনায় মনে হইতে পারে যে ইহা হারাওয়া গিয়াছে ; কিন্তু আমাদের সত্তার মর্ম বা মূলে ইহা যে নিশ্চয়ই আছে কেবল তাহা নহে, আমাদের সমস্ত জীবন সমস্ত সত্তার মূল অর্থ ও তাৎপর্য হইতেছে তাহাকে অন্বেষণ করা, তাহাকে আবিষ্কার করা, তাহাতে পৌছান এবং তাহাকে লাভ করা ; ইচ্ছা এবং শক্তিতে বা আলোক এবং জ্ঞানে অথবা সত্তার স্থিতি এবং ব্যাপ্তিতে কিম্বা প্রেমে এবং আনন্দে জীব যে পরিমাণে আত্ম সচেতন হইয়া উঠে সেই পরিমাণে এই গোপন আনন্দে সে হয় জাগরিত। সত্তার মহোন্মাস, জ্ঞান ও তত্ত্বদর্শনের পরম পরিতোষ, ইচ্ছা বীৰ্য্য এবং সৃজনশক্তি জাত মহাস্বপ্ন, প্রেম ও হর্ষের মধ্যে মিলনের মহা আনন্দ—এই সমস্তই জীবনের প্রসার ও পরিণতির প্রেষ্ঠ ও পরম সম্পদ, কারণ ইহারাই আছে সত্তার গোপন মর্মমূলে এবং তাহার আজিও অনধিগত ভূঙ্গ শিখরে। তাই যেখানেই বিশ্বসত্তার বিকাশ হয় তাহার অন্তরে ও পশ্চাতে এই দিব্যত্মীয় নিশ্চয়ই বর্তমান থাকে।

কিন্তু অনন্ত সত্তা, চৈতন্য এবং আনন্দের প্রাতিভাসিক সত্তারূপে নিজেকে রূপায়িত করিবার কোন প্রয়োজন থাকে না, অথবা তাহা করিতে গেলে তাহা বিশ্ব সত্তার রূপ গ্রহণ করে না, পরন্তু নির্দিষ্ট বিধান বা সম্পর্কশূন্যভাবে শুধু অন্তহীন রূপরাজিরই প্রকাশ মাত্র হয়, যদি সেই জিত্ত্ব বাহার স্বরূপ তিনি তাহার মধ্য হইতে অতিমানস বা দিব্যপ্রজ্ঞারূপী এই চতুর্থ-তত্ত্বকে বাহির না করেন বা ফুটাইয়া না তোলেন অথবা তাহাকে ধারণ করিয়া না থাকেন। প্রত্যেক বিশেষ এক দিব্য ইচ্ছা ও জ্ঞানের শক্তিকে থাকিতেই হইবে, যাহা অনন্ত সত্তাব্যবসায় মধ্য হইতে নির্দিষ্ট এবং বিশিষ্ট স্বরূপ স্থির করে, তদনুসারে বীজের মধ্য হইতে তাহার পরিণাম ফুটাইয়া তোলে, বিশ্ববিধানের বিপুল ছন্দকে লীলায়িত ও নিয়মিত করে এবং তাহাদের অমর ও অনন্ত ত্রুটি এবং শাস্তারূপে জগৎসমূহকে দেখে ও পরিচালিত করে।\* বস্তুতঃ এ শক্তি সচ্চিদানন্দ ছাড়া অল্প কিছু নয়। যাহা তাহার নিজ সত্তায় নাই এমন কিছু তিনি সৃষ্টি করেন না; সেইজন্ত বিশ্বের সকল ঋতময় বিধানের কোন কিছুই বহিরাগত নয়, তাহার নিজের ভিতর হইতে উদ্ভূত; সমস্ত পরিণতি নিজের স্ফূরণ বা প্রকাশ, সকল বস্তুর বীজ বা পরিণামে আছে সত্যেরই বীজ, সেই বীজই সত্তাব্যবসায় সকলের মধ্য হইতে স্থিরীকৃত নির্দিষ্ট পরিণাম ফুটাইয়া তোলে। সেইজন্ত কোন বিধানই চরম বা একান্তিক (absolute) হইতে পারে না, কারণ কেবল এক অনন্ত যিনি একমাত্র তিনিই চরম (Absolute)। তাই যে নির্দিষ্টরূপে বা রীতিতে কোন বস্তু প্রকাশিত হইতেছে তাহাকে অতিক্রম করিয়া তাহার মধ্যে অশেষ সত্তাব্যবসায় বর্তমান আছে; ত্রুষ্কের অন্তর্গত অনন্ত স্বাধীনতার মধ্যে এবং তাহা হইতে বিশেষ ভাব দ্বারা আত্মসীমানির্দেশের ফলে, বস্তুর এই সমস্ত বিশিষ্ট ধর্মের প্রকাশ হইয়াছে। আত্মসঙ্কোচ বা আত্মসীমানির্দেশের এই শক্তি সর্ব সত্যের মধ্যে নিশ্চিতভাবে নিহিত আছে। অনন্ত যদি অন্তহীন সত্তারূপ ধারণ করিতে না পারেন তাহা হইলে তাহাকে অনন্ত বলা যায় না। যদি বলি যে জ্ঞানে, শক্তিতে এবং ইচ্ছাতে আত্মবিশেষণ এবং বহু বিচিত্র প্রকাশের অন্তহীন সামর্থ্য সে চরম বা নির্বিশেষ সত্তায় নাই, তাহা হইলে তাহাকে আর নির্বিশেষ (absolute)

\* কবি, মল্লী, স্বরূপ যিনি তিনি পরিভূ অর্থাৎ তিনিই সর্ব বা সব কিছু হইয়াছেন।

সত্তা বলিয়া মানাই যায় না। সুতরাং এই অভিমানস সত্য বা সত্ত্ব-বিজ্ঞান বিশ্বের সমস্ত সত্তা ও শক্তিতে অন্তর্ভুক্ত রহিয়াছে, অনন্ত থাকিয়াও অনন্ত যাহাতে বিচিত্র সম্বন্ধ ও বিধানসমূহকে, প্রকাশের মহৎ রূপরেখাগুলিকে সংযুক্ত ও ধারণ করিতে পারে, তজ্জন্ত এই অতিমানস শক্তিরূপে ফুটিয়া উঠিবার প্রয়োজন তাহার আছে। বৈদিক ঋষিগণের ভাষায় যিনি নামহীন, তাহার অনন্ত সত্তা, চৈতন্য এবং আনন্দ এই তিন যেমন গুণ ও পরম নাম সেইরূপ ঋতচিং বা অতিমানস তাহার চতুর্থ নাম\* তৎস্বরূপের অবতরণের পথে যেমন তাহা চতুর্থ আমাদের আরোহ বা উত্তরণের পথেও তেমন চতুর্থ।

কিন্তু মনপ্রাণ এবং জড় এই নিম্নতর ত্রিতয় বিশ্বসত্তার পক্ষে অপরিহার্য, অবশ্য যে পৃথিবী বা জড় বিশ্বকে আমরা জানি সেখানে রূপ ও ক্রিয়ার মধ্যে যে ভাবে বা বিধানে ইহার প্রকাশ পাইয়াছে তেমনভাবে যে ইহাদিগকে প্রকাশিত হইতেই হইবে তাহা নহে কিন্তু যতই জ্যোতির্ময় যতই সূক্ষ্ম যতই শক্তিশালী হউক না কেন, কোন না কোন রূপে ইহার না থাকিলে বিশ্বসত্তা সম্ভব হইতে পারে না। কারণ মন স্বভাবতঃ অতিমানসের সেই বৃত্তি যাহা পরিমিত এবং সীমিত করে, যাহা একটি বিশেষ কেন্দ্রে নিবিষ্ট হয় এবং সেই কেন্দ্র হইতে বিশ্বক্রিয়া এবং তাহার ঘাত প্রতিঘাত দেখে। ইহা স্বীকার করি যে কোন বিশেষ জগতে বা ভূমিতে অথবা বিশ্ববিধানে এমনও হইতে পারে যে মনের সীমাবদ্ধ হইবার প্রয়োজন নাই, বরং বলা চলে যে সেখানে যে সত্তা মনকে গোপবৃত্তিরূপে ব্যবহার ব্যবহার করিতেছে, তাহার অল্প দৃষ্টিকোণ হইতে এমন কি যাহা সকলেরই পরম সত্য কেন্দ্র সেখান হইতে দেখিবার সামর্থ্যহীনতা থাকিবার প্রয়োজন নাই, অথবা বিশ্বব্যাপ্ত আত্মবিকিরণের ক্ষেত্র হইতে বৃহৎভাবে দর্শন করাও তাহার পক্ষে অসম্ভব নয়; তথাপি দ্বিবি কর্মের বিশিষ্ট প্রয়োজনের জন্ত যদি তাহার নিজস্ব বিশিষ্ট ক্ষেত্রে নিজেকে দৃঢ়রূপে প্রতিষ্ঠা করিবার শক্তি স্বাভাবিক অবস্থায় না থাকে, যদি কেবল সার্বভৌম আত্মবিকীরণ থাকে, অথবা অনন্ত ক্ষেত্র থাকিলেও কোন প্রকার বিশেষিত করিবার বা স্বাধীনভাবে প্রত্যেক কেন্দ্রের সীমিত ক্রিয়া করিবার শক্তি যদি না থাকে তবে বিশ্বস্থিতি সেখানে হয় না, সেখানে তাহার

---

\* তুরীয়ঃ ষিৎ—তুরীয় বা চতুর্থ একটি কিছু; ইহাকে তুরীয় ধাম বা সত্তার চতুর্থ অবস্থিতিও বলা হইয়াছে।

স্বজন ক্রিয়া আরম্ভ করিবার পূর্বে শিল্পী বা কবির মনে যেমন স্বাধীন ভাবনা থাকে যাহা কোন বিশেষ রূপ গ্রহণের উপযোগী ভাব গ্রহণ করে নাই, তেমনি ভাবে এক দিব্য পুরুষের মধ্যে আত্মগত অন্তহীন ভাবনা শুধু আছে, বিশ্বরূপে সে ভাবনা পরিণত হয় নাই। সত্তার অন্তহীন ব্যাপ্তির মধ্যে তেমন অবস্থা কোথাও নিশ্চয়ই আছে, কিন্তু তাহা আমরা বিশ্ব বলিতে যাহা বুঝি তাহা নহে। সেখানে অতিমানসের যে বিধান, বা যে ছন্দই থাকুক না কেন, তাহা একটা অনির্দিষ্ট অনিয়ত মুক্ত বিধান তাহা পরিণতি, পরিমিতি, অন্যান্যসম্বন্ধের ক্রিয়া প্রতিক্রিয়ায় নির্দিষ্ট ও বিশিষ্ট ধারা প্রকাশ চেষ্টার পূর্ববর্তী অবস্থা। এই পরিমিতি এবং ক্রিয়া প্রতিক্রিয়ার জড় মনের প্রয়োজন, যদিও সে মনের নিজেকে অতিমানসের গোণবৃত্তি ভিন্ন অল্প কিছুরূপে জানিবার প্রয়োজন তখন দেখা না দিতেও পারে, অথবা যদিও আমাদের মর্ত্য প্রকৃতিতে নিজেকে নিজে অবলম্বন অহং এর আশ্রিত হইয়া নান। সম্বন্ধের ক্রিয়া প্রতিক্রিয়াতে মন যেভাবে পরিণত হয়, তেমন পরিণতির ক্ষেত্র সেখানে উপস্থিত না হইতে পারে।

মনের অস্তিত্ব একবার দেখা দিলে, প্রাণ এবং বস্তুরূপ আসিয়াই পড়িবে। কারণ শক্তি ও ক্রিয়ার চৈতন্যের অগণিত নির্দিষ্ট কেন্দ্রে হইতে আগত বীর্ষের নানা সম্বন্ধ এবং অত্মোচ্চক্রিয়ার বিশেষভাবে প্রকাশই প্রাণের ধর্ম। এই সমস্ত চিংকেন্দ্রে দেশ ও কালের মধ্যে যে নির্দিষ্ট বা স্থাপিত হইবেই এমন বলা চলে না। কিন্তু বহু জীবসত্তার এক অবিচল একত্র বিদ্যমানতার মধ্যে অথবা শাস্ত্রের বহু আত্মরূপ যেখানে একটা বিশ্বসামঞ্জস্য রক্ষা করিতেছে তাহার মধ্যে তাহার বিশিষ্টভাবে নির্দিষ্ট হইবে। আমরা যাহাকে প্রাণ বলিয়া জানি বা ভাবি তাহার সহিত এ প্রাণের বহু ভেদ থাকিতে পারে তথাপি মূলতঃ ইহা সেই তত্ত্বেরই ক্রিয়া যাহা এখানে প্রাণশক্তির মূর্তি ধরিয়াছে; এই তত্ত্বকেই প্রাচীন ভারতীয় মণীষীরা বায়ু বা প্রাণ আখ্যা দিয়াছেন, ইহা বিশ্বের সেই প্রাণধাতু বা প্রাণময় উপাদান, বস্তুর মধ্যস্থিত সেই সঙ্কল ও শক্তি বাহার ক্রিয়ার ফলে নির্দিষ্ট রূপ ও ক্রিয়া এবং সত্তার সচেতন গতিধারা দেখা দিয়াছে। তেমনি জড়বস্তু বলিয়া আমরা যাহা বুঝি বা বোধ করি তাহা হইতে অন্তরূপে অনেক সূক্ষ্মভাবে, জড়জগতে আত্মবিভাজন এবং পরস্পরকে বাধা দেওয়ার যে কঠিন বিধান আছে তাহা হইতে বহুপরিমাণে মুক্ত রূপময় উপাদান থাকিতে পারে; রূপ অথবা



দেহ কারাগার না হইয়া সত্তার স্বরূপ বা সাধনোপায়ও হইতে পারে ; তথাপি বিশ্বের ক্রিয়া প্রতিক্রিয়ার জন্ত রূপ এবং বস্তুর নির্দিষ্ট বিশেষভাব থাকিবার প্রয়োজনীয়তা সর্বদাই থাকিবে, যদিও সে বিশেষত্ব কেবল মনোময় রূপ বা দেহ হইতে পারে অথবা তাহা সূক্ষ্মতম মনোময় রূপ হইতেও অধিক জ্যোতির্ময় অধিক সূক্ষ্ম অধিক শক্তিশালী অধিকতর ভাবে সাড়া দিতে পারে এমন কিছু হইতে পারে।

ইহা হইতে আমরা বুঝি যে যেখানেই বিশ্ব আছে, সেখানেই এ সপ্ততত্ত্ব আছে। এমন কি যে জগতে একটা মাত্র তত্ত্ব রহিয়াছে বলিয়া প্রথমে বোধ হয় এবং তাহার পরে তথায় যাহাই আসে তাহা সেই তত্ত্বের রূপ ও পরিণাম বলিয়া মনে হয় এবং যে বিশ্বসত্তায় অল্প তত্ত্বের নিজস্ব রূপ বা অবস্থিতি অপরিহার্য নয় বলিয়া যেন দেখা যায়, সেখানেও বুঝিতে হইবে যে সত্তা একটা প্রান্তির মুখোশ পরিয়াই আমাদের সম্মুখে রহিয়াছে, অথবা যাহা দেখিতেছি তাহা সত্য নহে একটা ভুল বোধ মাত্র। যেখানেই জগতে এক তত্ত্বের প্রকাশ হইয়াছে সেখানে অল্প তত্ত্বগুলি শুধু অব্যক্ত ও নিষ্ক্রিয় ভাবে বর্তমান আছে তাহা নহে কিন্তু প্রত্যেকে গোপনভাবে ক্রিয়াশীল রহিয়াছে। কোন বিশেষ জগতে সত্তার স্বরূপসত্তিতে প্রকাশ্য ভাবে কোমল অথবা তীব্র স্বরে এ সাতটা তত্ত্বী একসঙ্গেই বস্তু হইতে পারে ; আবার অল্প কোন জগতে হয়ত অল্প সব তত্ত্ব একটীর অন্তরালে সংবৃত ও অব্যক্ত হইয়া থাকিতে পারে অথবা সেই তত্ত্বই মৌলিক তত্ত্বরূপে প্রথমে বস্তু বা পরিণত হইতেছে, কিন্তু সেখানেও সে সব সংবৃত তত্ত্বকে বিবৃত বা প্রকাশিত হইতে হইবে ইহাই বিশ্ববিধান। আপাতদৃষ্টিতে অল্প সমস্ত শক্তি বা তত্ত্বকে এক তত্ত্বের মধ্যে অব্যক্ত বা গোপন রাখিয়া যে জগৎ চলিতেছে সেখানেও একদিন সত্তার সাতটা শক্তিই পরিণত হইয়া উঠিবে বা প্রকাশ পাইবে, তাহার সপ্তধা নাম লস্কিত হইয়া উঠিবে ইহাই তাহার নিয়তি।\* তাই জড় বিশ্বকেও বাধ্য হইয়া তাহার অন্তর্গত প্রাণ হইতে দৃশ্যমান প্রাণ, তাহার অন্তর্গত মন হইতে

---

\* এমনও হইতে পারে যে কোন বিশেষ জগতে অল্প তত্ত্বগুলি একের মধ্যে সংবৃত হয় নাই, কেবল একটা মুখ্য তত্ত্বগুলি গোপনকার্য করিতেছে অথবা একের মধ্যে অল্প সবগুলি অন্তর্ভুক্ত হইয়া গিয়াছে। তেমন জগতে পরিণতির কোন প্রয়োজন নাই।

দৃশ্যমান মন ফুটাইতে হইয়াছে এবং তাহার স্বভাব বশে তাহার অন্তর্গত অতিমানস হইতে দৃশ্যমান অতিমানসও ফুটাইয়া তুলিতেই হইবে এবং তাহার মধ্যে প্রচ্ছন্ন চিংখরুপ ব্রহ্মও সং চিং আনন্দ এই ত্রিভাবের ভাষার মহিমায় একদিন উদ্ভাসিত হইয়া উঠিবেন। এখানে শুধু প্রশ্ন হইতেছে—এই পৃথিবীই কি সে প্রকাশ ও আবির্ভাবের ক্ষেত্র হইবে? এই জগতে বা অন্য কোন জগতে এই যুগে অথবা বিরাট কালচক্রের আবর্তনে উপস্থিত অন্য কোন যুগে এই মানুষই কি তাহার আধার ও সাধনযন্ত্র হইবে? প্রাচীন ঋষিরা মানুষের এই মহতী সম্ভাবনাকে বিশ্বাস করিতেন এবং ইহাই তাহার দিব্য নিয়তি বলিয়া জানিতেন। আধুনিক মণীষীরা ইহা কল্পনাও করিতে পারেন না অথবা যদি কল্পনায় ইহার স্থান হয় তবু তাহা সংশয় ও অস্বীকার করিয়া বসেন। মন এবং প্রাণের শক্তি অতিমাত্রায় যাহাতে বৃদ্ধি পাইয়াছে কেবল তেমন এক অতিমানবের মুষ্টি তাহাদের কল্পনায় ভাসিয়া উঠিতে পারে। মানুষের মধ্যে কোন নূতন তত্ত্বের প্রস্ফুরণের সম্ভাবনা তাহারা স্বীকার করেন না। এই সমস্ত ব্যক্ত তত্ত্বের বাহিরে বা উপরে কিছু তাহারা দেখিতে পান না, কারণ আজ পর্যন্ত ইহাদের দ্বারা অঙ্কিত বৃত্তের মধ্যে তাহাদের দৃষ্টি সীমাবদ্ধ। প্রগতিশীল এই জগতে যখন মানুষের মধ্যে এক দিব্য স্ফুলিঙ্গ প্রজ্জ্বলিত হইয়া উঠিয়াছে তখন তাহার আশাকে আপাত প্রকাশিত সম্ভাবনার সীমার গতির মধ্যে আবদ্ধ না রাখিয়া, তাহার আশ্বাহাকে থর্র বা অস্বীকার না করিয়া বরং উর্দ্ধের এই অভীপ্সার মধ্যে বাস করা এবং তাহাকে বাড়াইয়া তোলাই প্রকৃত জ্ঞানের পরিচয়। আমাদের বর্তমান জীবন মধ্যবর্তী কালের শিকামন্দির মাত্র। আধ্যাত্মিক ক্ষেত্রে আমাদের দৃষ্টি ও অভীপ্সাকে আমরা যতই প্রসারিত এবং উর্দ্ধায়িত করি ততই সত্য বিপুলতর ভাবে আমাদের মধ্যে নামিয়া আসিতে চায়, কারণ ইহা অনাদিকাল হইতে আমাদের মধ্যে প্রচ্ছন্নভাবে আছে এই ব্যক্ত প্রকৃতির আবরণ হইতে মুক্ত হইবার একটা আকৃতি ও ইচ্ছাও সেখানে সতত বিদ্যমান।

## অষ্টাবিংশ অধ্যায়

### অতিমানস, মানস এবং অধিমানসী মায়া ।

ঋতের দ্বারা আবৃত এক ধ্রুব এক ঋত বা সত্য আছে যেখানে সূর্য্য তাহার অখগণকে বিমুক্ত করেন । দশ শত ( তাহার রশ্মি ) একত্র হইল—সেই এক স্তম্ভ । দেবতাদের সকল দেহের শ্রেষ্ঠ দেহ আমি দেখিলাম ।

ঋগ্বেদ ( ৫।৬২।১ )

স্বর্ণময় পাত্র দ্বারা সত্যের মুখ আবৃত, হে পৃথ্বী সত্যধর্মের জন্ত দৃষ্টির জন্ত তাহা অপসরণ কর । হে সূর্য্য হে একর্ষি ( এক-মাত্র দ্রষ্টা ) তোমার রশ্মি সকল ব্যুৎসর্জ কর তাহাদিগকে একত্র সংগ্রহ কর—তোমার যে কল্যাণতম রূপ তাহা আমাকে দেখাও, সর্ব্বত্র যে চৈতন্যময় পুরুষ আছেন তিনি ত আমি ।

ঐশোপনিষদ ( ১৫, ১৬ )

সত্য, ঋত বৃহৎ

অথর্ব্ববেদ ( ১২।১।১ )

তাহা দেখা দিল—সত্য হইয়া এবং মিথ্যাও হইয়া । দেখা দিল সত্য হইয়া—এই বাহ্য কিছু আছে ।

তৈত্তিরীয় উপনিষদ ( ২।৬ )

কি করিয়া অবিজ্ঞার মধ্যে এই পতন হইল এ বিষয়টি আমাদের আলোচনার অম্পট রহিয়া গিয়াছে । কিন্তু তাহা পরিষ্কার ভাবে বুঝা দরকার, কারণ আমরা দেখিয়াছি যে মন প্রাণ ও জড়ের মূলপ্রকৃতিতে এমন কিছু নাই বাহ্য তাহাদিগকে জ্ঞানভ্রষ্ট হইতে বাধ্য করিবে । ইহা অবশ্য দেখান হইয়াছে যে ব্যক্তিচেতনা বিশ্ব এবং বিশ্বাতীত চেতনার স্বরূপগত অংশ এবং মূলতঃ অবিচ্ছিন্ন হইলেও ভেদজ্ঞানে কার্য্যভঃ তাহা হইতে বিচ্যুত ও পৃথক হইয়া পড়িয়াছে ; মন

অতিমানসের গোণবৃত্তি বা ক্রিয়া হইয়াও তাহা হইতে বিযুক্ত হইয়াছে, প্রাণ আত্মশক্তির এক বিকৃতি হইয়াও তাহা হইতে বিচ্যুত হইয়াছে, শুদ্ধ সত্যের রূপাংগ হইয়াও জড় তাহা হইতে বিবিক্ত হইয়া পড়িয়াছে। চৈতন্যের এই ভেদ জ্ঞানই অবিচার ভিত্তি। কিন্তু যাহা অবিভাজ্য তাহাতে এই ভেদ ও বিভাগ কি করিয়া দেখা দিল, সংস্করণে চিৎশক্তির আত্মসঙ্কোচের বা আত্মবিলোপের কোন্ বিশেষ ক্রিয়ার ফলে ইহা আসিয়া পড়িল তাহা এখনও স্পষ্টভাবে আলোচনা করা হয় নাই; কারণ সকলই যখন সেই চিৎশক্তির গতি ও ক্রিয়ার ফল, তখন তাহার পূর্ণ-জ্যোতি ও শক্তিকে এইরূপ কোন ভাবে কেবল মাত্র আচ্ছাদিত বা আবৃত করিয়াই অবিচার এই গতিশীল এবং কার্যকরী প্রতিভাস দেখা দিতে পারে। বিজ্ঞা এবং অবিচার যে বৈত প্রতিভাস আমাদের চেতনাতে আলো ও আঁধারের এক মিশ্রণ সৃষ্টি করিয়াছে, অতিমানস সত্যের পূর্ণ দিবালোক এবং নিশ্চৈতন্য জড়ের অন্ধকারের মাঝখানে একটা আধা আলো আধা আঁধার আনিয়া উপস্থিত করিয়াছে তাহা বিশেষ ভাবে পরে আলোচনা করিবার জন্ত রাখিয়া দেওয়া যাইতে পারে। এখন শুধু এইটুকু বলা দরকার যে চিৎপুরুষের একটা বিশেষ স্থিতি এবং ক্রিয়ার উপর ঐকান্তিক অভিনিবেশ এবং কেন্দ্রীকরণই এ অবস্থার মূল কারণ; তাহারই ফলে সত্তা এবং চৈতন্যের অল্প অংশ সকল পশ্চাতে রহিয়া গিয়াছে এবং এইভাবে বর্তমানে উপস্থিত খণ্ডজ্ঞানের কাছে একটা আবরণে তাহা ঢাকা পড়িয়াছে।

তথাপি এই সমস্তার একটা দিক এখনই আলোচনা করা প্রয়োজন। সে দিকটা অতিমানস এবং আর তাহারই গোণবৃত্তিজাত মন, এই দুয়ের ব্যবধানের কথা; এ ব্যবধান অতি দুস্তর। চেতনার এই দুইটি ভূমির মধ্যে যদি কোন গোপন স্তরবিজ্ঞাস না থাকে, তবে সংবৃত্তি মার্গে চিত্তের জড়ে অবতরণ এবং তদনুরূপভাবে বিবৃত্তি বা পরিণতি মার্গে জড়ের চিত্তের দিকে উত্তরণ অর্থাৎ এ দুইয়ের এক হইতে অন্যে রূপান্তর বা পরিবর্তন পূর্ণভাবে না হইলেও একরূপ অসম্ভব মনে হয়। কারণ যে মনকে আমরা জানি তাহা অবিচারই একটা শক্তি, তাহা সত্যকে সন্ধান করিতেছে বটে কিন্তু তাহাকে লাভ করিবার জন্ত অন্ধকারের মধ্যে বহুকাষ্টে হাতড়াইয়া বেড়াইতেছে, সে তাহার ধারণায় যাহা পাইতেছে অথবা বাক্যে প্রকাশ করিতেছে তাহা শুধু মনের গড়া সত্যের সৃষ্টি,

মনের ও ইন্দ্রিয়বোধের তুলি দিয়া আঁকা—তাহাতে আমরা যাহা পাইতেছি তাহা বড় জোর দূরস্থিত সত্যের স্পষ্ট বা অস্পষ্ট আলোক চিত্র বা পরদার উপর প্রতিফলিত ছবি ( photograph or film ) ; পক্ষান্তরে অতিমানস প্রকৃতপক্ষে স্বাভাবিক ভাবেই সত্যে প্রতিষ্ঠিত, তাহার কাছে যে রূপ ফোটে তাহা সত্যেরই সত্যরূপ, ছবি ছায়া বা গড়া-কোন-কিছু নয়। একথা সত্য যে যাহার মধ্যে থাকিয়া তাহাকে ক্রিয়া করিতে হয়, সেই প্রাণ ও দেহের অস্পষ্টতা এবং অন্ধ-কারের জন্ম বিবর্তমান বা পরিণতিশীল মনকে খুবই বাধা প্রাপ্ত হইতে হয়। যে আদি মনস্তত্ত্ব সংবৃতির অবতরণের শ্রোতে নিম্নে নামিয়া আসিয়াছে তাহার মধ্যে যে বিপুল শক্তি আছে আমরা তাহার পূর্ণ পরিচয় আজিও পাই নাই। সে মন তাহার নিজের ক্ষেত্রে স্বাধীনভাবে কাজ করিতে পারে, তাহার গঠনক্রিয়ায় সে পায় উপরের অল্পপ্রেরণা, তাহার সূক্ষ্ম এবং সার্বকর্তার রূপায়ণে সত্যের আলোক স্পষ্টভাবে বর্তমান থাকে, কিন্তু তবুও তাহার ক্রিয়ার মূল প্রকৃতিতে তাহা প্রাকৃত মন হইতে পৃথক হইবার কথা নয়, কেননা তাহারও গতি এবং ক্রিয়া অবিচার মধ্যে, তাহা ঋতচিং বা অতিমানসের অবিভক্ত অংশ এখনও নয়। সত্তার এই অবরোহ এবং আরোহের পথে কোথাও নিশ্চয়ই মধ্যবর্তী এক শক্তি, চেতনার এক ভূমি আছে ; এমন কি হয়ত তদপেক্ষা বেশী কিছুও আছে, হয়ত এমন কিছু আছে যাহার মধ্যে মৌলিক সৃষ্টিশক্তি রহিয়াছে এবং তাহার মধ্য দিয়া জ্ঞানময় বা বিদ্যামন সংবৃত হইয়া অবিদ্যামনে নামিয়া আসিয়াছে ; অতএব আবার তাহার মধ্য দিয়া পরিণতি বা বিবৃতির বিপরীত পরিবর্তনে উত্তরণ আমাদের বুদ্ধিগম্য ও সহজ হইবে। অবরোহণের দিক দিয়া পরিবর্তনের পথে এরূপ মধ্যবর্তী অবস্থা থাকা যেমন খুবই যুক্তিযুক্ত, উত্তরণের পথে কার্য্যতঃ তাহার প্রয়োজনীয়তা তেমনি বেশী। কারণ পরিণতির ধারাতে মৌলিক পরিবর্তন অনেক দেখা যায়, যেমন—অনিরূপিত বা অনিয়ত শক্তি হইতে আসিয়াছে শৃঙ্খলাযুক্ত বা বাহবদ্ধ জড়, নিম্প্রাণ এবং অচেতন জড়ে ফুটিয়াছে প্রাণ, অচেতন বা অবমানস প্রাণ পরিণত হইয়াছে বোধ ও বেদনায়ুক্ত ক্রিয়াশীল প্রাণে, আদিম পশুমন হইতে উদ্ভূত হইয়াছে মানুষের মন, যাহা ধারণা, যুক্তি বিচার ও কল্পনা করিতে সক্ষম, যে মন প্রাণকে পর্য্যবেক্ষণ এবং পরিচালনা করে, নিজেকেও নিজে দেখে, নিজে স্বাধীন সত্তারূপে ক্রিয়া করিতে পারে, এমন কি

সচেতন ভাবে নিজেকে অতিক্রম করিয়া যাইতেও চায়। এই সমস্ত পরিবর্তন, এমন কি তাহা যখন অত্যন্ত বেশী পরিমাণেও ঘটে তখনও অনেকটা অতি ধীরে পূর্বাগত ক্রমের বা স্তরের মধ্য দিয়া এমনভাবে আসিয়া পড়ে যাহাতে তাহা আমাদের কাছে সম্ভবপর ও ধারণার যোগ্য মনে হয়। স্তুরাং অতিমানসী ঋতচিং এবং অবিদ্যামনের মধ্যে যে দ্বস্তর ব্যবধান রহিয়াছে তাহার মধ্যে কিছু না থাকা সম্ভব মনে হয় না।

ইহা স্পষ্ট, যদি মধ্যবর্তী স্তর বা ক্রম সমূহ থাকে, তাহা মাহুষের প্রাকৃত মনের সীমানার বাহিরে অবস্থিত হইবে, প্রাকৃত মন তাহার স্বাভাবিক অবস্থায় সত্তার এই সমস্ত উচ্চতর ভূমিতে প্রবেশ করিতে পারে না ইহাই মনে হয়। মাহুষের চেতনা তাহার মনের, এমন কি মনেরও একটা বিশেষ স্তর বা স্তরসমূহের দ্বারা সীমিত, যে স্তর তাহার বাক্ত মনের নীচে, তাহা তাহার কাছে অবমানস অথবা মননধর্মী হইলেও তাহার স্তর, সে যাহা তাহার সাধারণ অবস্থায় গুণিতে পায় তাহা অপেক্ষা নিম্নতর পর্দায় ধ্বনিত হইতেছে, তাহা তাহার কাছে অবচেতন বোধ হয়, এমন কি পূর্ণ অচেতন হইতে তাহার কোন ভেদ সে দেখিতে পায় না। তাহার মনের উপরে যাহা অবস্থিত, যাহা তাহার কাছে অতিচেতন তাহার অল্পভবযোগ্যতা তাহার নাই, তাহা যেন একপ্রকার জ্যোতির্ময় নিশ্চেতনা। যেমন আলোক অথবা শব্দের স্পন্দন কম অথবা বেশী উভয় দিকে একটা সীমার মধ্যে থাকিলেই তাহা মাহুষের দর্শন বা শ্রবণ যোগ্য হয়, স্পন্দনের সংখ্যা কমিয়া বা বাড়িয়া সীমার বাহিরে গেলে মাহুষ আর যেমন দেখিতে বা শুনিতে পায় না ; এরূপ কম বা বেশী যে ভাবেই হউক তাহার ইন্দ্রিয় শক্তির বাহিরে গিয়া পড়িলে এ উভয়ের মধ্যে কোন তফাৎ অন্ততঃ তাহার কাছে প্রতিভাত হয় না ; তাহার মনশ্চেতনা তেমনিভাবে উভয় দিকে একটা সীমার মধ্যেই স্কুটে, তাহার নীচে বা উপরে গেলে তাহা ধরিবার সামর্থ্য মনের আর থাকে না। পশু মনে মাহুষের সমান না হইলেও সমধর্মী কিন্তু এই পশু মনের সঙ্গেও যোগাযোগের উপায় তাহার অতি সামান্য, তাহার নিজের এবং অন্য মাহুষের যে চেতনার সহিত সে পরিচিত তাহা হইতে পশুচেতনার দ্বারা ভিন্ন এবং সন্ধীর্ণ বলিয়া, তাহাদের মন বা প্রকৃত চেতনা নাই এতদূর পর্য্যন্ত সে বলিয়া বসিতে পারে, অবমানস চেতনাযুক্ত প্রাণীকে সে বাহির হইতে পর্ষবেক্ষণ করিতে পারে কিন্তু তাহার সঙ্গে

যোগস্থাপন বা অন্তরঙ্গভাবে তাহাদের প্রকৃতির মর্মে অনুপ্রবেশ করা তাহার সাধ্যের বাহিরে মনে হয়। ঠিক তেমনি অতিচেতনভূমি তাহার কাছে বন্ধ-করা পুস্তকের মত—সে পুস্তকে হয়ত কেবল অলিখিত সাদা পাতাই থাকিতে পারে। তাই প্রথম দৃষ্টিতে তাহার মনে হয় যে চৈতন্তের এই সমস্ত উচ্চতর ভূমির সম্পর্কে আসিবার কোন উপায় তাহার নাই। যদি তাহাই হয় তবে পরিণতির পথে সে-সব সোপান বা সেতুরূপে ব্যবহার করা চলে না এবং মানুষের প্রগতি মানুষকে যে মনোময় ভূমিতে প্রতিষ্ঠিত করিয়াছে, তাহার পর পারে তাহাকে আর সে লইয়া যাইতে পারে না; তাহার উর্দ্ধমুখী প্রয়াস ও সাধনার পথে প্রকৃতি এই সমস্ত সীমারেখা টানিয়া দিয়া ‘ইতি শেষ’ এই কথাই লিখিয়া দিয়াছে।

কিন্তু আমরা যখন গভীরতর ভাবে দেখি তখন বুঝি, মানুষের এই স্বাভাবিকতা ভ্রান্তিপূর্ণ এবং বস্তুতঃ নানাদিকে মানুষের মন নিজের সীমানার বাহিরে যায়, নিজেকে অতিক্রম করিয়া নানা দিকে অগ্রসর হয়। যে চিৎস্বরূপ জগতের মধ্যে ক্রমশঃ প্রকাশিত হইতেছেন তাহার চৈতন্তের উচ্চতর ভূমির সহিত সম্পর্কে আসিবার পক্ষে ইহারাই প্রয়োজনীয় ও যোগ্য ধারা অথবা আবৃত কিম্বা অর্দ্ধাবৃত পথ। প্রথমতঃ মানুষের পক্ষে জ্ঞানলাভের ক্ষেত্রে বোধির কি স্থান তাহা আমরা দেখিয়াছি। এই সমস্ত উচ্চতর ভূমির স্বর্ণমাছুগত বিশিষ্ট ক্রিয়া অবিচ্ছিন্ন মনের কাছে যে ভাবে স্বভাবতঃ প্রকাশ হয় তাহাকেই বোধি বলে, ইহা অবশ্য সত্য যে মানুষের মনে প্রাকৃত বুদ্ধি মধ্যে আসিয়া পড়িয়া বোধির ক্রিয়া বহুল পরিমাণে আবৃত করিয়া রাখে, সেই জন্ত আমাদের মনের ক্রিয়ার মধ্যে অমিশ্র বোধি অতি কচিৎ দেখা দেয়। কারণ আমরা যাহাকে বোধি নামে অভিহিত করি, তাহা সাক্ষাৎ বা অপরোক্ষ জ্ঞানের একটা বিন্দু কিন্তু তাহা প্রকাশের সঙ্গে সঙ্গে মন তাহাকে বেড়িয়া ধরে এবং নিজের উপাদানের বা সংস্কারের একটা আবরণ পরাইয়া দেয়, সুতরাং বোধি বুদ্ধিময় বা মানসবস্তুর বৃহৎ স্তরের মধ্যে দানা বাঁধার (crystallisation-এর) একটা অদৃশ্য বা অতিকূহ্র মধ্যবিন্দু বা কেন্দ্র (nucleus) রূপে শুধু ক্রিয়া করিতে পারে। অথবা বোধির স্বলব স্পষ্টভাবে প্রকাশ হইবার স্বযোগ পাইবার পূর্বেই মনের কোন অনুকরণকারী বৃত্তি, অন্তর্দৃষ্টি বা কিপ্র বোধশক্তি দ্রুত আসিয়া বোধিকে ধামাইয়া

দেয় বা তাহার স্থান অধিকার করে। এমনও হইতে পারে যে এই নবাগত বোধির দ্বারা ই উদীপিত কোন বেগবান চিন্তাধারা আসিয়া তাহার গতিরোধ করে অথবা মনের সত্য কিম্বা মিথ্যা জ্ঞোতনা বা ইজিত দ্বারা তাহাকে ঢাকিয়া ফেলে; একরূপ ক্ষেত্রে আর খাঁটি বোধির ক্রিয়া থাকে না। তথাপি উপর হইতে আমাদের মন বা মানসরাজ্যের মধ্যে কিছু আসিয়া পড়ে, অথবা আমাদের প্রত্যেক মৌলিক চিন্তা বা কোন বস্তুর প্রকৃত অমুভবের পিছনে আবৃত, অর্দ্ধাবৃত বা বিদ্যুৎচুম্বকের মত ক্ষণপ্রকাশিতভাবে বোধির কোন উপাদান বা তজ্জাত কোন প্রত্যয় থাকে এবং তাহা হইতেই প্রমাণ হয়, মন এবং যাহা মনের উপর অবস্থিত সেই মানসোত্তর ভূমি এ উভয়ের মধ্যে একটা সংযোগ সূত্র বা সেতু আছে। বোধির এই দীপ্তিই লোকোত্তর অধ্যাত্মভূমির সঙ্গে যোগাযোগের এবং তাহাতে প্রবেশের পথ খুলিয়া দেয়; তাহা ছাড়া, ব্যষ্টি অহংএর সীমা অতিক্রম করিয়া একপ্রকার নৈর্ব্যক্তিক এবং সামান্য বা সার্বভৌম প্রত্যয়ের মধ্য দিয়া দেখিবার শক্তি মনের মধ্যে দেখা দেয়। নৈর্ব্যক্তিকতা বিশ্বাত্মার প্রথম ধর্ম; বিশ্ববোধ এবং বিশ্বজ্ঞানের প্রকৃতি এই যে তাহা একদেশী বা সীমিত কোন দৃষ্টিভঙ্গী দ্বারা বন্ধ নহে, তাহা সার্বভৌম। যতই প্রাথমিক হউক এইভাবে আবেশেই সঙ্কুচিত মন বিস্তৃততর হইয়া বিরাতের দিকে, যে গুণ বা ধর্ম উচ্চতর মনোভূমির স্বাভাবিক প্রকৃতি তাহার দিকে, অথবা ভাষায় অতিচেতন বিশ্বমনের দিকে অগ্রসর হয়। আমরা দেখিয়াছি যে এই বিশ্বমনই আদি মানসপ্রকাশ, আমাদের প্রাকৃত মন তাহা হইতেই জাত এবং তাহারই নিয়ন্ত্রিত ক্রিয়া। আবার উপর হইতে কিছু আসিয়া আমাদের মনোরাাজ্যের সীমার মধ্যে যে প্রবেশ করে না তাহা নহে। এইরূপ অমুপ্রবেশের ফলে যাহা দেখা দেয় তাহা প্রতিভা বলিয়া পরিচিত, অবশ্য আবরণের আড়ালেই তাহা আসে, কেননা উচ্চতর ভূমির চৈতন্তের আলোককে এখানে শুধু সর্বাঙ্গী সীমার মধ্যে নহে, পরন্তু সাধারণতঃ এমন ক্ষেত্রে ক্রিয়া করিতে হয়, যেখানে তাহার প্রকৃতিগত বিশেষ শক্তি এবং তাহার প্রকাশের উপযোগী ভাবে নিয়ন্ত্রিত কোন বৈহিক বিধান নাই, তাই তাহাকে প্রায় অসংলগ্ন এবং বিশৃঙ্খল ভাবে দেখা দিতে হয়, মনে হয় যেন তাহা দাঙ্গিঅজ্ঞানশূন্য কোন অতিপ্রাকৃত বা অপ্রাকৃত পরিচালনায়



চলে। শুধু তাহাই নয়, মনোবাজ্যে প্রবেশ করিয়া ইহা নিজেকে মনের অঙ্গরূপ ও তাহার অধীন করিয়া তোলে, তাই আমাদের কাছে বাহ্য আসিয়া পৌঁছে তাহা অনেকটা রূপান্তরিত ও সঙ্কীর্ণ হইয়া পড়ে, তাহাতে যে চৈতন্যকে বলা যায় যে আমাদের অতিক্রম করিয়া মস্তকোপরি অবস্থিত রহিয়াছে সেই চৈতন্যের মৌলিক দ্বিতীয় জ্যোতির্ময় সামর্থ্য আর থাকে না। তথাপি অল্পতরভাবে আলোকিত এবং অল্পতর শক্তিশালী আমাদের সাধারণ মনকে অতিক্রম করিয়া এ সমস্ত ঐশীপ্রেরণা, জ্ঞানপ্রদ দিব্যদর্শন অথবা বোধি দ্বারা অম্লরঞ্জিত বোধ ও দৃষ্টি মাহুয়ের মধ্যে আসে এবং কোন্ উৎস হইতে যে তাহার উদ্ভূত তৎস্বক্কেও সন্দেহের কোন অবকাশ থাকে না। অবশেষে অতীন্দ্রিয় ভাবক এবং অধ্যাত্মচৈতন্যাদিষ্ঠিত সাধকের অম্লভব ও অভিজ্ঞতার অতি বিশাল এবং বহুবিচিত্র ক্ষেত্র আছে, বর্তমান সীমাসকল অতিক্রম করিয়া আমাদের চৈতন্যের সেই ক্ষেত্রে প্রসারণের দ্বার পূর্ব হইতেই উন্মুক্ত রহিয়াছে। অবশ্য অম্লসন্ধানের আকাঙ্ক্ষাবর্জিত মৃত্যু এবং আমাদের প্রাকৃত মনের সাধারণ ভাবের উপর আসক্তি এবং তাহার সীমা উল্লঙ্ঘনে অনিচ্ছার জন্ত আমরা সে দ্বার বন্ধ করিয়া দিতে পারি এবং তাহার মধ্য দিয়া যে লোকোত্তর দৃশ্য উদ্ঘাটিত হয় তাহা হইতে মুখ ফিরাইয়া দাঁড়াইতে পারি। পূর্বগামী সাধকগণের প্রচেষ্টায় এই যে সমস্ত দ্বিতীয় সন্তানবান রাজ্য আমাদের নিকটে আসিয়াছে, অথবা আমাদের আত্মা বা আমাদের মধ্যস্থিত গোপন দ্বিতীয় সত্য স্বক্কে যে জ্ঞান তাহারা মানবমনকে দিয়াছে তাহাদের বৃহত্তর আলোক এবং স্বাভাবিক শক্তি দ্বারা আমাদের অতিক্রম করিবার যে অধিকার আছে আমাদের বর্তমান আলোচনায় আমরা সে সমস্ত উপেক্ষা করিতে পারি না।

চেতন সত্তার উর্দ্ধতর ভূমিতে অধিরোহণের পরপর দুইটি উপায় বা দুই প্রকার গতি আছে, উপায়গুলি সহজ নহে বটে কিন্তু আমাদের সাধকের অতীত নহে। প্রথমটি অন্তরমুখী গতি, আমাদের বহিষ্কৃত মনের মধ্যেই শুধু বাস না করিয়া, আমাদের বাহ্য মন এবং আমাদের বর্তমান গৃহ অন্তরাত্মার মধ্যে যে আবরণ আছে তাহা ভাঙিয়া ফেলা; নিম্নত চেষ্টা ও সাধনার স্বকোশলে এ অবস্থা ধীরে ধীরে লাভ করা যায় অথবা আবেগময় একটা পরিবর্তনের মধ্য দিয়া, এমন কি কখনও বা অতিমাত্রায় শক্তি প্রয়োগের ফলে অতিক্রান্তভাবে ইহা

আসিয়া পড়িতে পারে। যে মানুষ তাহার সাধারণ সীমার মধ্যে বাস করিতে অভ্যস্ত তাহার পক্ষে শেযোক্ত উপার কোনমতেই নিরাপদ নহে। কিন্তু নিরাপদ হউক বা না হউক ইহা করা সম্ভব। এই ভাবে আমাদের অন্তরের গোপন প্রদেশে গিয়া আমরা দেখিতে পাই যে আমাদের এক অন্তরাত্মা, এক অন্তরচারী মন, এক অন্তরচারী প্রাণ, এক অন্তরস্থিত সূক্ষ্ম জড় সত্তা আছে, আমাদের বাহ্য মনপ্রাণ বা দেহের অপেক্ষা যাহার শক্তি অনেক বেশী, যাহার সম্ভাবনা অনেক মহৎ, রূপান্তরিত হওয়ার সামর্থ্য যাহার অধিকতর; জ্ঞান এবং ক্রিয়ার বৈচিত্র্য যাহার মধ্যে অনেক বেশী পরিমাণে এবং গভীরতররূপে ফুটিতে পারে; বিশেষতঃ বিশ্বের শক্তি ক্রিয়া এবং বস্তুর সঙ্গে সাক্ষাৎভাবে যোগাযোগ স্থাপন করিবার শক্তি এই অন্তশ্চেতনার আছে; ইহা সে সমস্ত সাক্ষাৎ ভাবে অল্পভব করিতে এবং নিজেকে তাহাদিগের দিকে মেলিয়া ধরিতে পারে, সাক্ষাৎভাবে ক্রিয়ার দ্বারা তাহার সহিত যুক্ত হইতে পারে এমন কি ব্যাধি ভাবের বিশিষ্ট মনপ্রাণ ও দেহকে অতিক্রম করিয়া এমনভাবে সে প্রসারিত হইতে পারে যে ক্রমশঃ নিজেকে বিশ্বসত্তা বলিয়া অল্পভব করিতে থাকে; দেখিতে পায় যে সে আর বাহ্য প্রাণ মন দেহের সঙ্কীর্ণ সীমার মধ্যে বদ্ধ নয়। এই প্রসারতা বাড়িতে বাড়িতে এমন অবস্থায় পৌঁছিতে পারে যে সে পূর্ণরূপে বিশ্বমনের চৈতন্যে অল্পপ্রবিষ্ট হইতে, বিশ্বপ্রাণের সহিত একত্রে মিলিতে, এমন কি বিশ্বজড়ের সঙ্গেও একত্রে বোধ করিতে পারে। তথাপি এ সাক্ষ্য বিশ্বগত পূর্ণসত্যের সহিত সাক্ষ্য নহে এখানেও বিশ্ব-অবিজ্ঞার অধিকার আছে।

একবার আমাদের সত্তার এই অন্তরলোকে প্রবেশ লাভ করিতে পারিলে আমরা দেখিতে পাই যে আমাদের অন্তরাত্মার এমন সামর্থ্য আছে যাহাতে তাহা নিজেকে আরও উপরের দিকে উন্নীলিত করিয়া ধরিতে এবং উদ্ধারোহণ করিয়া আমাদের বর্তমান মনোময় রাজ্যের পরপারে পৌঁছিতে পারে। আমাদের আধ্যাত্মিক সম্ভাবনার দ্বিতীয় উপায়ের দেখা এদিকে পাওয়া যায়। এ পথে প্রথমে সাধারণতঃ এক বিশাল নিষ্ক্রিয় এবং নীরব আত্মার সাক্ষাৎ আমরা পাই, যাহাকে আমাদের মূল ও সত্য আশ্রয় এবং আমাদের সকল কিছুর ভিত্তি বা প্রতিষ্ঠাভূমি বলিয়া অল্পভব করি। এমন কি এই অনির্দেশ্য এবং অনির্ধ্বনিয় সত্য বা তত্ত্বে আমাদের ক্রিয়াশীল সত্তা এবং আত্মবোধ ডুবাইয়া দিয়া আমরা লয়

পাইতে বা নির্বাণলাভ করিতে পারি। কিন্তু এই আত্মাকে কেবল আমাদের নিজের অধ্যাত্মসত্তারূপে না দেখিয়া অপর সকলেরও প্রকৃত আত্মারূপে আমরা দেখিতে পারি; তখন ইহা বিশ্বসত্তার অন্তরগত স্বরূপ সত্যরূপে আমাদের নিকট দেখা দেয়। সমস্ত ব্যক্তিজ্ঞানের নিঃশেষ পরিনির্বাণে এক নিষ্কিন্ন সিদ্ধিতে অবস্থিত হইয়া আমরা থামিয়া যাইতে পারি—অথবা সমস্ত বিখের ক্রিয়া ও গতি নীরব আত্মাতে অধ্যাত্ম বাহিরের খেলা অথবা ভ্রম জ্ঞান করিয়া বিশ্বাতীত ও পরিবর্তনশূন্য এক পরম অক্ষর ব্রহ্মে অল্পপ্রবিষ্ট হইতে পারি। কিন্তু ইহা ছাড়া, সৰ্ববিলয়ের পথে না গিয়া অতিপ্রাকৃত অল্পভবের আরও একটা ধারার সন্ধান পাওয়া যায়। এ পথে দেখা যায় উপর হইতে আলোক, জ্ঞান, শক্তি, আনন্দ এবং অল্প অতিপ্রাকৃত বীৰ্যের অতিবিশাল ধারা আমাদের শাস্ত ও নীরব আত্মার উপর আসিয়া নামে। যেখানে চিৎস্বরূপের অবিচল প্রতিষ্ঠা এবং যে উত্তরভূমি এই মহৎ জ্যোতির্ময় ধারার উৎস, সেখানেও আমরা উত্তীর্ণ হইতে পারি। ইহা স্পষ্ট যে এ উভয় ধারার যে কোনটাকে অবলম্বন করিয়া আমরা অবিষ্টামনকে অতিক্রম করিয়া অধ্যাত্মচেতনায় অধিরোহণ করিতে পারি। এই দ্বিতীয় অর্থাৎ গতিশীল ধারায় চিৎশক্তির বৃহত্তর ক্রিয়ার কল আমাদের নিকট কেবল শুদ্ধ অধ্যাত্মশক্তি বা গতিরূপে দেখা দিতে পারে, তাহার প্রকৃতি অল্পভাবে অনির্দেশ্যই থাকিয়া যায়, অথবা তাহা অধ্যাত্ম মনের একটা সুবিলম্বিত শ্রেণী প্রকাশ করিতে পারে, যেখানে মন সত্য সম্বন্ধে আর অঙ্গ নয়; মনের এই ধারা অতিমানস না হইলেও অতিমানস ঋতচিৎ হইতে জাত এবং এখনও তাহারই জ্ঞানের কিছু জ্যোতিতে উদ্ভাসিত।

এই শেষের ধারার মধ্যেই আমরা যাহা খুঁজিতেছি, পরিবর্তন সাধনের সেই উপায়, অতিমানস রূপান্তরে পৌছিবার সেই সোপানমালার দেখা পাওয়া যায়। কারণ ইহাতে উন্নয়নের ক্রমোন্নত ধাপসমূহের সন্ধান পাই, যাহার সাহায্যে ক্রমেই আমাদের সহিত উত্তরভূমির বিশাল আলোক ও শক্তির অধিকতর এবং গভীরতর যোগাযোগ স্থাপিত হইতে পারে। এই সমস্ত ধাপের মধ্য দিয়া মন উত্তরায়ণের পথে যাত্রা করিতে পারে অথবা যাহা মনের অতীত সেই তৎস্বরূপ হইতে ইহাদের মধ্য দিয়াই মনে শক্তি ও জ্ঞানের অবতরণ হয়। আমরা অল্পভব করি সমুদ্রের দ্রাবনের স্তায় স্বতঃস্ফূর্ত জ্ঞানের এক বিশালধারা আমাদের মধ্যে

নামিয়া আসিয়া মননের প্রকৃতি ধারণ করে কিন্তু যে অভ্যন্তর ধরণে আমাদের চিন্তা চলে, ইহার প্রকৃতি তাহা হইতে ভিন্ন প্রকারের; কারণ ইহাতে জ্ঞানান্বেষণের চেষ্টা নাই, মন দিয়া গড়া কোন কিছুই চিন্তা নাই, কল্পনা বিচার বা আবিষ্কারের জ্ঞান কষ্টসাধ্য প্রয়াস নাই, সে উচ্চতর মনকে (higher mind) গোপন এবং প্রতিরুদ্ধ সত্য অহুসন্ধান করিয়া বাহির করিতে হয় না, পরন্তু মনে হয় যাহা সত্যে প্রতিষ্ঠিত ইহা সেই মন হইতে আগত স্বতঃপ্রকাশিত এবং স্বতঃস্ফূর্ত জ্ঞান। ইহাও অহুত্বত হয় যে এক দৃষ্টির মধ্যে বিশাল জ্ঞানকে অন্তর্ভুক্ত করিয়া লইবার সামর্থ্য প্রাকৃত মনের অপেক্ষা ইহার অনেক অধিক; ইহার একটি বিশ্বজনীন বা সার্বভৌম প্রকৃতি আছে, ব্যাপ্তি মনের বিশিষ্ট চিন্তার চিহ্ন তাহাতে নাই। এই ঋতময় মননের উপরে আছে এক বৃহত্তর জ্যোতি, যাহাতে বীৰ্য্য এবং গভীরতা স্বাভাবিক ভাবেই উপচিত, সম্মুখে অগ্রসর করিয়া দিবার শক্তিও যাহার অধিকতর, জ্যোতির্ময় সত্যদৃষ্টি যাহার প্রকৃতিগত, প্রাকৃত মনন যাহার ক্ষুদ্রতর গৌণক্রিয়া। বেদে সত্যসূর্য্য বলিয়া যে রূপক দেওয়া আছে তাহা যদি আমরা গ্রহণ করি—বস্তুতঃ অহুতবে এ উপমাকে সত্য বলিয়াই মনে হয়—তাহা হইলে উচ্চতর মনের ক্রিয়াকে স্থির প্রশান্ত সূর্য্যকিরণের এবং তাহার উপরিস্থিত এই জ্যোতির্মানসের (illuminated mind) উন্মেষ ও প্রকাশকে বিদ্যুন্ময় জলন্ত সূর্য্যের নিজস্ব উপাদানের বিশাল জ্যোতিঃপ্রপাতের সঙ্গে তুলনা দিতে পারি। আরো উপরে ইহার অপেক্ষা বিশালতর চিৎশক্তির এক বীৰ্য্যের দেখা পাওয়া যায় যেখানে সত্যদর্শন, সত্যমনন, সত্যবোধ, সত্য অহুত্ব, সত্যক্রিয়া অতি অন্তরঙ্গ ও বিশুদ্ধভাবে বর্তমান, ইহাকে আমরা বিশেষ অর্থে বোধি মন (intuitive mind) নাম দিতে পারি, কারণ যদিও উপযুক্ততর কোন শব্দের অভাবে বুদ্ধির অতীত ক্ষেত্র হইতে আগত যে কোন সাক্ষাৎ জ্ঞানকে আমরা বোধি বলিয়াছি তথাপি বর্তমানে যাহাকে বাস্তব পক্ষে বোধি বলিয়া জানি তাহা স্বয়ং বা আপনা হইতে আপনি জ্ঞাত জ্ঞানের একটি বিশেষ ধারা মাত্র, উত্তর মনের এই নূতন শ্রেণীই তাহার উৎস, বোধি আমাদের জ্ঞানে ইহার নিজস্ব প্রকৃতির কিছুটা ফুটাইয়া তোলে; স্পষ্টতঃ যাহার সহিত আমাদের মন সাক্ষাৎভাবে যোগাযোগ স্থাপন করিতে পারে না এমন এক সত্য জ্যোতি ও আমাদের এই প্রাকৃত মনের ইহা মধ্যস্থ। বিশালতর এই

বোধি-মনেরও বাহ্য উৎস তাহা হইতেছে অতিমানস বা ঋতচিত্তের সহিত সাক্ষাৎভাবে যুক্ত এক অতিচেতন বিরাট বা বিশ্বমন। ইহা এমন এক মৌলিক শক্তি বাহ্য নিম্নের সকল ক্রিয়া মননের সকল বীর্ধ্যকে নিরূপিত এবং নিয়ন্ত্রিত করে ; আমরা বাহ্যকে মন বলিয়া জানি বা বুঝি ইহা তাহা নহে, ইহা অধিমানস (overmind) ; অগৎশ্রুটি বিশ্বাত্মা বা অধিপুরুষের (oversoul) মত ইহা ইহার বিশাল পক্ষপুটে, যেখানে জ্ঞান অজ্ঞানের সহিত মিশ্রিত সেই অপরাঙ্কে সমগ্রভাবে আবৃত করিয়া রাখিয়াছে। ইহা বৃহত্তর ঋতচিত্তের সহিত যেমন নিজেকে যুক্ত করিতেছে তেমন আবার তাহার হিরন্ময় পাত্রে আবরণে পরম সত্যের মুখ আমাদের দৃষ্টি হইতে ঢাকিয়া রাখিয়াছে ; ইহা অনন্ত সম্ভাবনার এক বিপুল বগ্না পর হইতে অপর অর্ধের মধ্যে আনিয়া ফেলিয়াছে, বাহ্য যেমন একদিকে আমাদের তত্ত্বাত্মবী মনের চেষ্টা ও সাধনা তাহার পরম লক্ষ্য এবং গোপন সত্য প্রকাশের বাধাস্বরূপ হইয়াছে তেমন অন্তরিক এ সমস্তের পছাও ইহার মধ্যেই রহিয়াছে। তাহা হইলে এই অধিমানসই সেই গোপন যোগস্থত্র যাহা আমরা খুঁজিতেছিলাম, ইহা সেই শক্তি বাহ্য পরাবিভা এবং বিশ্বগত অবিভাকে যুগপৎ যুক্ত ও বিভক্ত করে।

তাহার প্রকৃতি ও ধর্মে অধিমানস অবিভার ক্ষেত্রে অতিমানস চেতনার প্রতিভূ ; অথবা ইহাকে আমরা অতিমানসের একটা পরমা বা আবরণ বলিতে পারি বাহ্য যুগপৎ তাহার সমজাতীয় ও বিজাতীয় ; যে অবিভার অন্ধকার পরম জ্যোতির সাক্ষাৎ সংস্পর্শ বা অভিঘাত গ্রহণ অথবা সহ্য করিতে পারে না সেই অবিভার উপর অতিমানস এই পর্দার ভিতর দিয়া পরোক্ষভাবে ক্রিয়া করিতে পারে ; এমন কি এই জ্যোতির্ময় অধিমানসের ছটামণ্ডল হইতে কিছু বিকীর্ণ ও বিচ্ছুরিত হইয়া অবিভার যুহু আলোকে পরিণত হইয়াছে এবং সেই বিপরীতধর্মী ছায়া আনিয়া ফেলিয়াছে বাহ্য সকল আলোককে গিলিয়া ফেলিয়াছে, আদৌ যাহার ফলে নিশ্চেতনতার দেখা দেওয়া সম্ভব হইয়াছে। কারণ অতিমানস তাহার সত্যই অধিমানসে সংক্রামিত করে, কিন্তু তখন বাহ্য সত্যদৃষ্টি হইয়াও অবিভার প্রথম জনক, বস্তুর সেই জ্ঞান অনুসারে সেই সমস্ত সত্যকে ক্রিয়া ও গতির মধ্যে রূপায়িত করিয়া তুলিবার ভার অধিমানসের উপর অর্পণ করে। একটা রেখা অতিমানস ও অধিমানসকে বিভক্ত করিয়া রাখিয়াছে

যাহার মধ্য দিয়া স্বচ্ছন্দে যাওয়া আসা চলে, নিয়ন্তর শক্তির সকল সম্পদ এবং সকল দর্শন-শক্তি উচ্চতর হইতে এই রেখা পার হইয়া আসিয়াই তাহাতে সংক্রামিত হয় কিন্তু এই আসিবার সঙ্গে সঙ্গে সে সমস্তের মধ্যে একটা পরিবর্তনও আসিয়া পড়ে। অতিমানসপূর্ণতার মধ্যে সর্বপদার্থের স্বরূপ সত্য সঙ্গা বর্তমান, সেখানে সমগ্র সত্যের সঙ্গে ব্যষ্টিভাবে আত্মরূপায়ণের সত্য স্পষ্ট ও স্পষ্টরূপে একত্রে গ্রথিত আছে, অতিমানস ইহাদের মধ্যে এক অবিচ্ছেদ্য একত্ব সর্বদা রক্ষা করে, পূর্ণভাবে একের মধ্যে অপরে অন্তর্প্রবিষ্ট হয় এবং স্বচ্ছন্দভাবে একত্বের মধ্যে উভয়ের আত্মচৈতন্য বজায় রাখে; কিন্তু অধিমানসে এ অখণ্ডতা আর থাকে না। তথাপি অধিমানস স্বরূপ সত্যের জ্ঞান হইতে ভ্রষ্ট হয় নাই; সমগ্র বা পূর্ণ সত্তাকে আলিঙ্গন করিয়াই সে রহিয়াছে, ব্যষ্টিগত আত্মবৈশিষ্ট্যকে সে কাজে লাগায় কিন্তু তাহা দ্বারা সীমিত হয় না। কিন্তু যদিও ইহাদের একত্ব সে জানে, অধ্যাত্মদৃষ্টিতে অনুভব করে তথাপি তাহার ক্রিয়া এবং গতি সত্যদৃষ্টির উপর নির্ভরশীল হইয়াও তাহা দ্বারা সাক্ষাৎভাবে নিয়ন্ত্রিত হয় না। অবিচ্ছেদ্য পূর্ণ এবং সর্বগত একত্বের নানা বিভাব ও শক্তির সংযোগ ও বিয়োগের এক অসীম সামর্থ্যের মধ্য দিয়া অধিমানসের বীৰ্য প্রকাশ হয়। সে প্রত্যেক বিভাব বা শক্তিতে প্রত্যেকের নিজস্ব প্রয়োজনীয়তা পূর্ণভাবে সাধনের জন্ত এমন একটা স্বতন্ত্র ক্রিয়াশক্তি সঞ্চারিত করে, যাহাতে আমরা বলিতে পারি, প্রত্যেকের নিজস্ব একটা জগৎ যেন গড়িয়া উঠে। অতিমানসের পরিপূর্ণ সমন্বয় ও সামঞ্জস্যের মধ্যে চিদাত্মা এবং কার্যকরী শক্তি বা পুরুষ এবং প্রকৃতিতে কোন বৈষম্য বা এক হইতে অপরের কোন প্রবলতা নাই; স্থিতিশীল এবং গতিশীল সত্যরূপে ইহারা উভয়ে সেখানে একই অক্ষয় তত্ত্বের দুইটা বিভাব মাত্র। অধিমানসই ইহাদের মধ্যে বিভেদ বা বিদারণের উৎপত্তিস্থান—যাহা সাংখ্য-দর্শনের অনপন্যে বিভেদে পরিণত হইয়াছে, যেখানে পুরুষ ও প্রকৃতি দুইটা স্বতন্ত্র তত্ত্ব; প্রকৃতি প্রবল হইয়া পুরুষের স্বাতন্ত্র্য এবং শক্তিকে আবৃত করিয়া, তাহাকে শুধু নিজের রূপ ও ক্রিয়ার ভ্রষ্টা এবং গ্রহীতা বা ভোক্তারূপে পরিণত করিতে পারে; আবার পুরুষও আবরণকারী অনাদি জড়তত্ত্বকে বর্জন করিয়া প্রকৃতি হইতে পূর্ণরূপে বিবিক্ত হইয়া তাহার স্বরূপাবস্থানে, তাহার নিজের স্বতন্ত্র স্বরাজ্যে কিরিয়া যাইতে পারে। একত্ব এবং বহুত্ব, দিব্য ব্যক্তিকতা এবং দিব্য নৈর্ব্যক্তিকতা

প্রভৃতি দ্বিতীয় সত্যের অস্তিত্ব বিভাব বা শক্তি সম্বন্ধেও এই একই কথা খাটে। ইহাদের প্রত্যেকে যে একই সত্যের একটা বিভাব বা শক্তি সে জ্ঞান বা সে অনুভব অধিমানসে বিলুপ্ত হয় নাই বটে, তথাপি সময়ের মধ্যে স্বতন্ত্র সত্তারূপে ক্রিয়া করা, নিজের স্বতন্ত্র আত্মপ্রকাশের মধ্যে তাহার অন্তর্নিহিত সম্ভাবনা সকলকে পূর্ণরূপে ফুটাইয়া ধরা এবং বিবিক্ত প্রকাশের চরম পরিণামকে সক্রিয়ভাবে গড়িয়া তোলার জন্ত প্রত্যেককে ক্ষমতা অর্পণ করা হইয়াছে। তবুও এই সমস্ত বিভিন্নতা যে এক প্রচ্ছন্ন একত্বের ভিত্তিতে ধৃত হইয়া আছে এ বোধ, এ দৃষ্টি অধিমানসে রহিয়াছে; তাই বিবিক্ত শক্তি এবং বিভাবের যত প্রকার সম্বন্ধ এবং সংযোগের সম্ভাবনা আছে, তাহাদের বীৰ্য্যের অস্ত্রোত্ত্বিনিময়ের যত উপায় আছে, তাহাদের সমস্তের রূপায়ণ সেখানে সর্বদা সম্ভব এবং বাস্তবক্ষেত্রে পূর্ণরূপেই তাহা কার্য্যে পরিণত হইতেছে।

সত্তা বা সত্যের এই সমস্ত শক্তির প্রত্যেককে এক একটা দেবতা মনে করিলে আমরা বলিতে পারি অধিমানস বহুকোটি দেবতাকে প্রকাশ করিতেছে, যাহাদের প্রত্যেককে নিজস্ব জগৎসৃষ্টির অধিকার দেওয়া হইয়াছে; অথচ প্রত্যেক জগতের অল্প সমস্ত জগতের সহিত সম্বন্ধ স্থাপনের, যোগাযোগের এবং ক্রিয়া প্রতিক্রিয়ার সামর্থ্য আছে; বেদে দেবতাগণের নানাপ্রকৃতির বিবরণ দেওয়া আছে; বলা হইয়াছে যে ‘একং সদ্ বিপ্রা বহুধা বদন্তি’—এক সত্যকে জ্ঞানীরা নানা নামে অভিহিত করিয়াছেন, অথচ প্রত্যেক দেবতাকে এমন ভাবে উপাসনা করা হয় যেন তিনিই সেই সংস্করণ; তিনি যেন একাই সমস্ত দেবতার সমাহার অথবা তাহারই মাঝে সকল দেবতা বর্তমান, আবার তথাপি প্রত্যেক দেবতা স্বতন্ত্র ভাবেও আছেন, কখনও অল্প সঙ্গী দেবতার সহিত একত্র মিলিত হইয়া, কখনও বা একা, এমন কি কখনও বা একই সংস্করণের শক্তিরূপী অল্প দেবতার বিরুদ্ধে ক্রিয়ারত থাকিয়া। অধিমানসে এই সমস্ত ভাব একই সত্তার লীলা বা খেলার স্বেচ্ছা ও সামঞ্জস্যে বিদ্রুত আছে; অধিমানসে এই তিন অবস্থা স্বতন্ত্র ক্রিয়া বা স্বতন্ত্র ক্রিয়ার ভিত্তিরূপে দেখা দেয়; প্রত্যেক অবস্থার পরিণতি ও পরিণামের নিজস্ব পৃথক ধারা আছে অথচ একটা বৃহৎ স্রস্রস্রতির স্রস্রমার মধ্যে অল্প সকলের সহিত মিলিত হইবার সামর্থ্যও প্রত্যেকের আছে। ত্রৈলোক্যের সং বিভাবের সম্বন্ধে

এই যে কথা বলা হইল তাহা তাহার চিং এবং শক্তির সম্বন্ধেও খাটে। একই মূল চৈতন্য বিভক্ত হইয়া চৈতন্য এবং জ্ঞানের বহু স্বতন্ত্র রূপে দেখা দিয়াছে; চৈতন্যের এই প্রত্যেক রূপ যে ভাবে তাহাকে সিদ্ধ বা পরিণত হইতে হইবে সত্যের সেই ধারা অনুসরণ করিয়া চলে। এক অথও অথচ বহুমুখ সত্ত্ব-বিজ্ঞান বহুভাবে বিভক্ত হইয়া পড়িয়াছে, তাহাদের প্রত্যেকে স্বতন্ত্র জ্ঞান শক্তি হইয়া দাঁড়াইয়াছে, প্রত্যেকের সামর্থ্য আছে নিজের স্বরূপে পৌছিতে বা সিদ্ধ হইতে। একই চিং শক্তি কোটি কোটি শক্তিতে বিভক্ত হইয়াছে। প্রত্যেক শক্তির নিজেকে পূর্ণ করিবার এবং প্রয়োজন হইলে অন্ত শক্তিকে নিজের অধীন আনিয়া নিজের কাজে লাগাইবার অধিকার আছে। তেমনি সংস্করণের একই আনন্দ বিচিত্র অনন্ত আনন্দধারায় প্রবাহিত হইতেছে তাহাদের প্রত্যেক ধারায় এমন সংবেগ বা বীৰ্য আছে যাহাতে সে স্বতন্ত্র ভাবে পূর্ণতা পাইতে পারে এবং অপরের উপর চরম প্রভুত্ব স্থাপন করিতে পারে। এইরূপে অধি-মানস অথও সং-চিং-আনন্দের মধ্যে অনন্ত বহুপ্রস্থ বহুসম্ভাবনাময়ী প্রকৃতি উন্মিষিত করে যাহা অগণিত বিধরূপে ফুটিয়া উঠিতে পারে অথবা যাহা একই ব্রহ্মাণ্ডে একত্রে সমাবিষ্ট হইয়া তাহাদের অনন্ত বিচিত্র খেলার ফলে, সৃষ্টি, তাহার পদ্ধতি, তাহার গতি এবং তাহার পরিণতি নির্দিষ্ট ও নিয়মিত করে।

শাস্ত্রত সং স্বরূপের চিংশক্তি বিশ্বস্রষ্টা বলিয়া, চেতনা যে বিশেষ বিধান, যে বিশেষ ছন্দে কোন জগতে আত্মপ্রকাশ করে তাহা দ্বারাই সে জগতের প্রকৃতি নিরূপিত হয়। ঠিক তেমনি প্রত্যেক ব্যক্তিভাবে চিংশক্তি যে বিশেষ ভাবে ও ভঙ্গীতে বিশেষিত ও বিভাবিত হয়, সে জীবের পক্ষে, যে জগতে সে বাস করে তাহার দর্শন ও বোধ তাহার অনুরূপ ভাবে প্রকাশ পায়। মানুষের মনোময়ী চেতনা বুদ্ধি ও ইন্দ্রিয় দ্বারা বস্তুকে কাটিয়া খণ্ড করিয়া দেখে এবং খণ্ড সকলকে যখন একত্র করিয়া একটা সমগ্র কিছু গড়িতে চায় তাহার সে সকলনেরও রূপ হয় খাটি সমগ্রতার এক খণ্ডিত বা বিচ্ছিন্ন অংশ; এইভাবে সত্যের বহুরূপের মধ্যে সার্বভৌম কোন একরূপের (one generalised formulation of truth) বাসের উপযোগী করিয়া যে গৃহ প্রস্তুত করে, অন্তরূপের বাস তথায় কেবল মাত্র অতিথি, আশ্রিত বা অনুচর রূপে হইতে পারে। অধিমানসে আছে যথার্থ ব্যাপক জ্ঞান, তাই আপাত



দৃষ্টিতে যাহাদের মধ্যে মৌলিক ভেদ রহিয়াছে বলিয়া মনে হয় তাহাদের সকলের স্থানও সেখানে আছে, অধিমানস দৃষ্টিতে তাহারা থাকে এক সম্বন্ধ ও সামঞ্জস্যে বিধৃত হইয়া। মনোময়ী বুদ্ধির কাছে ব্যক্তিকতা এবং নৈর্ব্যক্তিকতা পরস্পর বিরোধী তত্ত্ব। তাই হয় সে এমন এক নৈর্ব্যক্তিক সত্তার ধারণা করে, ব্যক্তিসত্তা বা ব্যক্তিকতা যাহার মধ্যে অবিচ্চার কল্পনা বা সাময়িক রূপ মাত্র; না হয় পক্ষান্তরে সে ব্যক্তিকতাকে বা পরম একব্যক্তিকে মূল সত্য বলিয়া দেখে এবং নৈর্ব্যক্তিকতাকে মনের কল্পনা অথবা প্রকাশ বা সৃষ্টির একটা উপাদান বা উপায় মাত্র মনে করে। কিন্তু অধিমানস জ্ঞানের কাছে এ উভয়ই এক পরমসত্তার বিভিন্ন বা বিভাগযোগ্য শক্তি, ইহাদের প্রত্যেকে আত্মপ্রতিষ্ঠায় নিজের স্বাতন্ত্র্য যেমন চলিতে পারে তেমন তাহাদের ক্রিয়ার বিভিন্ন ধারার মধ্য দিয়া আসিয়া মিলিত হইতেও পারে; এইভাবে তাহাদের স্বাতন্ত্র্য এবং পরস্পর মিলন হইতে চেতনার এবং সত্তার বহু অবস্থা ও রূপ দেখা দিতে পারে যাহাদের প্রত্যেকেই বৈধ ও সিদ্ধ হইয়াও সকলে একত্রে অবস্থিত হইতেও পারে। বিস্তৃত নৈর্ব্যক্তিক সত্তা ও চৈতন্য যেমন সত্য এবং সম্ভবপর, এক পূর্ণ ব্যক্তিক সত্তা ও চৈতন্যও তেমন সত্য ও সম্ভবপর। নৈর্ব্যক্তিক নিগূর্ণব্রহ্ম এবং ব্যক্তিক সত্তা ব্রহ্ম শাস্ত্র সত্যের দুইটা সমান এবং যুগপৎ বর্তমান বিভাব। প্রকাশের একটা গোণবিভাব রূপে ব্যক্তিকতাকে রাখিয়া নৈর্ব্যক্তিকতার অভিব্যক্তি যেমন হইতে পারে তেমন ব্যক্তিকতাই সত্য নৈর্ব্যক্তিকতা তাহার প্রকৃতির এক দিক মাত্র, ইহাও হইতে পারে; চিন্তাসত্তার অনন্ত বৈচিত্র্যের মধ্যে এ উভয় বিভাব মুখোমুখী হইয়া বর্তমান আছে। মনোময়ী বুদ্ধি যাহাদের মধ্যে অসমাধেয় ভেদ দর্শন করে অধিমানসের কাছে তাহারা পরস্পর সাপেক্ষ (correlations), মনের দৃষ্টিতে যাহারা বিপরীত বা বিরোধী, অধিমানসে তাহারা পরিপূরক। আমাদের মন দেখে সর্কগদার্ক জড় হইতে জাত হয়, জড় দ্বারা তাহাদের অস্তিত্ব বজায় থাকে এবং পুনরায় জড়ে লয় পায়; তাই সে সিদ্ধান্ত করে যে জড়ই শাস্ত্র তত্ত্ব, আদি ও চরম সত্য, জড়ই ব্রহ্ম, অথবা সে দেখে সবই প্রাণশক্তি বা মন হইতে জাত হয়, প্রাণ বা মন দ্বারা সঞ্জীবিত থাকে আবার বিশ্বপ্রাণ বা বিশ্বমনে লয় হয়, তাই সে সিদ্ধান্ত করে একগণ বিশ্বপ্রাণশক্তি বা বিশ্বমনের (বা শব্দভাঙ্কর) সৃষ্টি।

আবার যখন সে দেখে সত্ত্ববিজ্ঞান বা চিৎস্বরূপের চিন্নয়ীশক্তি অথবা চিৎস্বরূপ স্বয়ংই জগতের আদি অবস্থিতি ও অবসান, তখন জগৎ তাহার কাছে হয় চিন্নয় বা বিজ্ঞানময়। মন এসমস্ত দৃষ্টির যে কোন একটীতে নিবদ্ধ হইয়া তাহাকেই একান্ত করিয়া দেখে এবং স্বাভাবিক ভেদ দৃষ্টির অন্ত অপর সকলকে বর্জন করে। অধিমানসী চেতনা প্রত্যেক তত্ত্ব হইতে যে দর্শন উৎপত্তি হইয়াছে তাহা সত্য বলিয়াই দেখে; সে দেখে যেমন জগতের জড়ময় সূত্র বা পরিকল্পনা আছে তেমনি প্রাণময় মনোময় বা অধ্যাত্মময় পরিকল্পনাও আছে। প্রতি তত্ত্ব আপন জগতে প্রাধান্ত লাভ করে কিন্তু সেই সঙ্গেই সকল তত্ত্ব যাহার উপাদান এমন এক জগতে সকলেই মিলিত হইতে পারে। চিৎশক্তির যে আত্মরূপায়ণে আমাদের জগৎ প্রকাশ হইয়াছে তাহার ভিত্তি এক আপাতপ্রতীয়মান নিশ্চেতন, যাহার মধ্যে অন্তর্গূঢ় হইয়া আছে এক পরম চিৎসত্তা; স্তবরাং সেই সত্তার সকল শক্তিও একত্রে তাহার সেই নিশ্চেতন গোপনতার মধ্যে রহিয়াছে। তাই জড়বিশ্ব নিজের মধ্যে পর পর প্রাণ, মন, অধিমানস, অতিমানস ও সচ্চিদানন্দকে ফুটাইয়া তুলিয়াছে বা ফুটাইতে চাহিতেছে; ইহাদের প্রত্যেক তত্ত্ব নিজের প্রকাশে অন্ত তত্ত্ব সমূহকে নিজের আত্মপ্রকাশের উপায় স্বরূপ গ্রহণ করে; তাই অধ্যাত্মদর্শনে জড় চিরকাল চিৎসত্তারই প্রকাশ বলিয়া ধরা পড়িয়াছে; অধিমানস দৃষ্টিতে সংস্বরূপের এই সমস্ত আত্মরূপায়ণ স্বাভাবিক এবং সহজবোধ্য। তাহার উৎপাদনের শক্তি এবং কার্য্যকরী গতি ও ক্রিয়ার ধারা অহুসারে সত্তার বহুসম্ভাবনাকে অধিমানস রূপায়িত করিয়া তোলে; সে রূপের প্রত্যেকে নিজের সত্য দৃঢ় ও নিশ্চিত রূপে স্থাপন করে কিন্তু সঙ্গে সঙ্গে অপর সকলের সহিত নানা ভাবে মিলিত ও সমন্বিত হইয়া বিশ্বের এক বিচিত্র ছন্দে ছন্দিত হইয়া উঠিতে পারে; অধিমানস সেই যাহুকর শিল্পী যাহাকে এই জটিল বিশ্বে বহুবর্ণের সূত্রদিয়া একই সত্তার বহুধা প্রকাশের এক বিচিত্র বুনানি প্রস্তুত করিবার শক্তি দেওয়া হইয়াছে।

এই বহু শক্তি ও সম্ভাবনার স্বতন্ত্র পরিণতি এবং মিলনের মধ্যে কোন মহাবিশৃঙ্খলা (chaos), কোন সংঘাত, অথবা সত্য কিম্বা জ্ঞান হইতে কোন প্তন দেখা দেয় না; অন্ততঃ পক্ষে এখন পর্য্যন্ত দেখা দেয় নাই। অধিমানস

সত্যকেই সৃষ্টি করে, ভ্রম বা মিথ্যা নয়। অধিমানসের কোন তপস্যা এবং ক্রিয়াতে সচ্চিদানন্দের কোন বিভাব, শক্তি, ভাব, বীৰ্য বা আনন্দ স্বতন্ত্রভাবে ক্রিয়াশীল হইতে পারে, সে স্বাতন্ত্র্যে সেই তত্ত্বের সত্য পরিণাম প্রকাশিত হইতে পারে কিন্তু কোন এক বিভাবকেই একমাত্র পরমসত্য বলিয়া গ্রহণ করিয়া অপর সকলকে নিম্নতর সত্য বলিয়া ঘোষণা করিবার চেষ্টা অধিমানসে নাই, এখানে প্রত্যেক দেবতা অপর দেবগণকে জানে এবং বিধে তাহাদের প্রত্যেকের বিশিষ্ট স্থান দেখিতে পায়; প্রত্যেক ভাবই অপর সমস্ত ভাবকে এবং তাহাদের অস্তিত্বের দাবিকে স্বীকার করে, প্রত্যেক শক্তি অপর সকল শক্তির স্থান, তাহাদের সত্য এবং পরিণাম মানিয়া লয়। নিজের স্বতন্ত্র পরিপূর্ণতায় বা নিজস্ব অহুভবের মধ্য দিয়া যত প্রকার আনন্দ ফুটিয়া উঠে তাহাদের কেহই অপরের আনন্দ অথবা অপরের অহুভব নিন্দা বা অস্বীকার করে না। অধিমানস বিশ্ব সত্যেরই একতত্ত্ব এবং বিশাল সৌমাহীন ঔদার্য্যই তাহার প্রকৃতি; ইহার বীৰ্য্যে যেমন পৃথক ব্যাষ্টিভাবের ক্রিয়া ও গতি আছে তেমনই বিশ্ব ক্রিয়া ও গতিও রহিয়াছে; ইহা যেন একপ্রকার নিম্নতর অতিমানস— যদিও ইহা মুখ্যতঃ তত্ত্ব সমূহের অবিমিশ্র চরম সত্তা লইয়া ব্যাপ্ত থাকে না— যে সমস্ত সম্ভাবনা গতিশীল বা স্ফুরণোন্মুখ অথবা বস্তুজগতে সত্যের যে সত্য-সমূহ রহিয়াছে তাহা লইয়া তাহার কারবার; অথবা প্রধানতঃ বাস্তব জগৎ বা সৃষ্ট পদার্থকে সার্থক করিবার জন্তই তত্ত্ব সকলের চরম সত্তা ইহার প্রয়োজন হয়। তাহার চেতনা যতখানি ব্যাপক বা সর্বগ্রাহী ততখানি পূর্ণ বা অখণ্ড নহে; কেননা তাহার সমগ্রতা ব্যাপক ভাবের বহু সমাহারের অথবা স্বতন্ত্র বহুবস্তু বা তত্ত্বের সমাবেশ এবং মিলনের দ্বারা গঠিত; এবং যদিও মৌলিক একত্ব সে জানে এবং মানে এবং সেই একত্ব সর্ব পদার্থের মূলে বিরাজিত এবং প্রকাশের সর্বত্র অহুস্থ্যত ইহাও সে বোধ করে, তবু অতিমানস যেমন একান্ত-ভাবে সেই অখণ্ড তত্ত্বকে মর্শ্বগত সত্য এবং সদা বর্তমান রহস্তরূপে সর্বদা দেখে, তাহাকেই সকলের আধার ও প্রভু বলিয়া এবং সকল ক্রিয়া এবং প্রকৃতির পরম হৃদয় ও সমন্বয়ের নিত্যদ্রষ্টা বলিয়া বোধ ও অহুভব করে অধিমানস তেমন পারে না।

অধিমানসচেতনা সর্বব্যাপক, আমাদের মনোময় চৈতন্য বিবিধ, শুধু

অপূর্ণভাবে সমস্ত সাধন করিতে পারে; এ উভয়ের মধ্যে পার্থক্য স্পষ্টভাবে আমরা বুঝিতে পারিব যদি আমাদের বিশ্বের ক্রিয়া সম্বন্ধে এই উভয় চেতনাকে ধারণাকে ভুলনা করি। যেমন অধিমানসের কাছে সকল ধর্মই সত্য, বেহেতু তাহার। একই শাস্ত্র ধর্মের নানাক্রমের পরিণতি; সকল দর্শনই সিদ্ধ। প্রামাণিক, কেননা প্রত্যেক দর্শনই তাহার নিজের ক্ষেত্র হইতে নিজের দৃষ্টিভঙ্গী অনুসারে বিশ্বের সত্য সম্বন্ধে বোধ ও ধারণা; সকল রাজনৈতিক মতবাদ, তত্ত্বদ্বারা লোক ব্যবহারের মধ্য দিয়া, প্রকৃতির নানাশক্তির খেলার মধ্যে বাহার জ্ঞান প্রয়োগ এবং বাস্তব পরিণতির অধিকার আছে তেমন এক বিজ্ঞান শক্তিকে (idea force) ছুটাইয়া তোলা। কিন্তু বাহাতে ঔদার্য্য এবং সার্বজনীনতার আভাস মাত্র অপূর্ণভাবে প্রকাশ পায় আমাদের ভেদদর্শী সেই চেতনায় ইহার। পরস্পর বিরোধীরূপে অবস্থিত; ইহাদের প্রত্যেকে নিজেকে সত্য বলিয়া দাবি করে এবং অপর সকলকে ভ্রান্ত এবং অসত্য বলিয়া অভিযুক্ত করে; নিজেই একমাত্র সত্য হইয়া বাহাতে বাঁচিতে পারে, তজ্জন্ত সে অপর সকলকে খণ্ডিত ও নষ্ট করিতে নিজেকে বাধ্য মনে করে। যখন সে অপর সকলকে যতদূর সম্ভব ভালভাবে দেখে তখনও মনে করে যে সে নিজে মুখ্য সত্য অপর সকল গোণ সত্য মাত্র। কিন্তু অধিমানসী বুদ্ধি এক মুহূর্তের জন্তও এই ভাবের ধারণা, এই একমুখী বা ব্যতিরেকী দৃষ্টির ঝোঁককে অনুমোদন করিবে না, সে সমষ্টির প্রয়োজনেই এরূপ সকল ব্যাধিভাবকে বাঁচিতে দিবে, অথবা সমষ্টির মধ্যে প্রত্যেককে তাহার যথাস্থানে স্থাপিত করিবে কিম্বা প্রত্যেককে তাহার সাধনা ও সিদ্ধির ক্ষেত্র নির্দেশ করিবে। ইহার কারণ আমাদের মনোময়ী চেতনা অবিচার রাজ্যে ভেদের মধ্যে পূর্ণরূপে নামিয়া আসিয়াছে। তাই নামাক্রমে রূপায়িত হইবার অনন্ত সম্ভাবনাযুক্ত অনন্ত বা বিশ্বব্যাপ্ত সমগ্ররূপে সত্যের যে পরামুর্তি আছে তাহা আমরা দেখিতে পাই না কিন্তু আমরা এক বিশিষ্ট অনমনীয় মূর্তিকে সত্য, অপর সকলকে মিথ্যা বলিয়া মনে করি; মিথ্যা, কেননা আমরা বাহা সত্য বলিয়া মনে করি তাহা হইতে তাহার। ভিন্ন এবং ভিন্ন পরিবেশে অবস্থিত। অবশ্য আমাদের এ চেতনা এক পূর্ণ এবং উন্নত জ্ঞানের দিকে অনেকটা অগ্রসর হইয়া যাইতে পারে কিন্তু মনে হয় কর্ণে এক ক্ষীণনে সে জ্ঞানকে রূপায়িত করিয়া তোলা তাহার সাধ্যাতীত। বাট্ট এবং

সমষ্টি সকলের মধ্যে যে পরিণামশীল মন প্রকাশ পাইয়াছে, সে মন বিভিন্নমুখী নানা দৃষ্টি ও কর্ণের দ্বারা চতুর্দিকে প্রেরণ করিতে পারে এবং সে সমস্ত দ্বারাকে কখনও পাশাপাশি থাকিয়া, কখনও বা পরস্পরকে আঘাত করিয়া, আবার কখনও বা কতকটা মিলিয়া মিশিয়া কার্য করিতে দিতে পারে, তাহাদের কতকগুলি বাছিয়া লইয়া একটা সামঞ্জস্য স্থাপন করিতেও পারে কিন্তু সকলকে এক পূর্ণ স্বরসজ্জতির সমগ্রতার মধ্যে নিয়মিত ও নিয়ন্ত্রিত করিয়া আনিতে পারে না। পরিণামশীল অবিচার মধ্যেও বিশ্বমনের সেইরূপ একটা বৃহৎ স্বর-সজ্জতি নিশ্চয়ই আছে, যদিও তাহা স্বরসজ্জতি এবং স্বরবৈষম্য অথবা সংবাদী এবং বিবাদী স্বর নিয়ন্ত্রিত ও মিলিত করিয়াই গঠিত হইয়াছে; এ সমস্তের সম্মুখে একত্বের একটা গতিশীলতাও রহিয়াছে; কিন্তু এ সমস্তের পরিপূর্ণতা বিশ্বমনের গভীরে হ্রত অতিমানস ও অধিমানসের মিলন ভূমির কোন স্তরে নিহিত আছে, কিন্তু ব্যষ্টিমনের পরিণতির ক্ষেত্রে তাহা প্রকাশ হয় নাই; বিশ্বমন তাহার সে গভীর প্রদেশ হইতে বাহিরের এই প্রাকৃত জগতে তাহা আনয়ন করে না অথবা এখনও করে নাই। অধিমানসের জগৎ এক সামঞ্জস্য ও স্বযমার জগৎ, অবিচার যে জগতে আমরা বাস করি সেখানে বৈষম্য এবং সংঘাতই রাজত্ব করিতেছে।

তবুও আমরা অধিমানসের মধ্যে আদি বিশ্বমাঝাকে স্পষ্ট দেখিতে পাই অবশ্য এ মায়া অবিচ্ছায়ায়া নয় বিচ্ছায়ায়া; তথাপি এই শক্তি অবিচ্ছাকে শুধু সজ্জাবিত নয় পরস্তু অপরিহার্য করিয়া তুলিয়াছে। কারণ যখন প্রত্যেক তত্ত্বকে ক্রিয়ার মধ্যে নিজের স্বতন্ত্র দ্বারা অনুসরণ করিয়া চলিবার জন্ত মুক্তি এবং সেই পথে তাহার পূর্ণ পরিণতিতে পৌঁছিবার অধিকার দেওয়া হইয়াছে তখন তেদের তত্ত্বকেও পূর্ণ এবং অব্যাহত ভাবে তাহার পথে চলিবার এবং তাহার চরমে পৌঁছিবার শক্তি ও সুযোগ দেওয়া হইয়া গিয়াছে। বিভাগের তত্ত্বকে একবার স্বীকার করিলে, চেতনা অবতরণের এই অবশ্যজ্ঞাবী দ্বারা ধরিয়া ধুইয়া যাহাকে ‘অপ্রকৃত সলিল’ বলিয়াছে সেই জড়ের নিশ্চেতনার ‘ভূচ্ছা’ বা অতি ক্ষুদ্র বিভাগের দ্বারা আবৃত হইয়া ডুবিয়া যাইবে; এবং যদিও যিনি এক তিনি আপন মহিমায় ইহাতে জাত হন, তবুও যেখানে কোন সমষ্টিতে পৌঁছিতে হইলে ঋণ ও ঋণীকে একত্র জুড়িয়া দেওয়া ছাড়া গতাস্বর নাই, আমাদের

সেই ভেদ ভাবের অস্তিত্ব এবং খণ্ড চেতনার আবরণের পিছনে তিনি প্রথমে সূচায়িত থাকেন। নানা বাধার মধ্য দিয়া এই মহুর প্রস্ফুরণ ও প্রকাশের জন্ত হিরাক্লিটাস (Heraclitus) যে উক্তি করিয়াছেন যে ‘যুঁজুই সকল পদার্থের জনক’ তাহা যেন সত্য মনে হয়। কেননা, প্রত্যেক ভাব, শক্তি, স্বতন্ত্র চেতনা, সজীব সত্তা অবিচ্ছিন্ন প্রয়োজন বশেই অপরের সহিত সংঘর্ষে প্রবৃত্ত হয় এবং স্বতন্ত্র আত্মপ্রতিষ্ঠার দ্বারা বাঁচিয়া থাকিতে, পুষ্ট হইতে এবং নিজেকে পরিপূর্ণ করিয়া তুলিতে চায়—অপরের সহিত সামঞ্জস্য স্থাপন দ্বারা নহে। তথাপি আমাদের মধ্যে অন্তর্গত এবং অজ্ঞাত এক অখণ্ডতা, কোন না কোন প্রকার সামঞ্জস্য, পরস্পরের প্রতি নির্ভরতা, বেন্দ্রের মধ্যে স্তরসঙ্গতি এবং কষ্টসাধ্য একত্বের দিকে ধীরে ধীরে অগ্রসর হইবার জন্ত সাধনা করিতে আমাদেরকে বাধ্য করে। কিন্তু যে সামঞ্জস্য এবং একত্ব আমরা খুঁজিতেছি তাহা কেবল অসম্পূর্ণ প্রয়াস বা অপূর্ণ আকার এবং সদা পরিবর্তনশীল আসন্নতায় (approximation) পর্য্যবসিত না হইয়া গতিশীল ভাবে আমাদের সত্তার প্রতি তন্তুতে পূর্ণ বিকশিত হইয়া উঠুক যদি ইহা চাই, তবে তাহা তখনই সম্ভব হইবে যখন আমাদের মধ্যে লুক্কায়িত বিশ্ব সত্য এবং সত্তার অতিচেতন শক্তি—যাহার মধ্যে তাহার সকলে প্রকৃতই এক হইয়া আছে—প্রকাশিত ও পরিণত হইয়া উঠিবে। এই জগতে জয়গ্রহণ করিয়া যে দিব্য সম্ভাবনাকে পূর্ণ করিতে আমরা আসিয়াছি তাহা সফল করিবার জন্ত অধ্যাত্মমনের উর্দ্ধ স্তরসমূহের, আমাদের সত্তা এবং চৈতন্তের উপর নামিয়া আসা এমন কি অধ্যাত্ম মনকেও অতিক্রম করিয়া যাহা আছে তাহাও আমাদের মধ্যে প্রকাশ হওয়া চাই।

অধিমানস অবতরণ করিয়া সেই রেখা পর্য্যন্ত পৌঁছে যাহা বিশ্ব সত্য এবং বিশ্ব-অবিকাকে বিভক্ত করিয়া রাখিয়াছে; এইখানে অধিমানসের সৃষ্ট প্রত্যেক স্বতন্ত্র ক্রিয়া ও গতির ভেদ ভাবের উপর জোর দিয়া এবং একত্বকে ঢাকিয়া বা অন্ধকারাবৃত করিয়া একাগ্র অভিনিবেশ দ্বারা চিংশক্তির পক্ষে মনকে তাহার উৎস মূল অধিমানস হইতে বিচ্ছিন্ন এবং বিভক্ত করা সম্ভব হয়। এমনি ভাবে একটা বিচ্ছেদ পূর্বেই ঘটিয়াছে অতিমানস এবং অধিমানসের মধ্যে কিন্তু সেখানকার আবরণ ছিল স্বচ্ছ, যাহার মধ্য দিয়া সচেতনভাবে ভাবের আগমন সম্ভব ছিল এবং এ দু-এর মধ্যে একটা আলোক বা জ্ঞানময় সাক্ষ্য বজায় ছিল।

কিন্তু এবার অধিমানস ও মনের মধ্যে যে ঘবনিকা পড়িয়াছে তাহা অক্ষয় তাহার মধ্য দিয়া অধিমানস হইতে ভাবসংক্রমণ আর সচেতন ভাবে হইতে পারেনা, যাহা আসে তাহাকে গোপন অস্পষ্ট ভাবে আসিতে হয়। বিবিক্ত মন ক্রিয়া করে যেন একটা স্বতন্ত্র তত্ত্বরূপে, প্রত্যেক মনোময় জীব, মনের প্রত্যেক মূল ভাব, শক্তি বা বীৰ্য্যে দেখিতে পাওয়া যায় তাহাদের নিজ নিজ বিবিক্ত সত্তার প্রতিষ্ঠা; ইহাদের কেহ যদি অপরের সংস্পর্শে আসে, কাহারও সহিত যদি যোগাযোগ স্থাপিত হয়, কেহ কাহারও সহিত যদি মিলিত হয়, তবু তাহাতে অধিমানসের সার্বজনীন উদারতা বা অধিমানসের মত তাহার ভিত্তিরূপে একত্ব বোধ থাকে না, তাহাতে স্বতন্ত্র খণ্ডগুলির যোজনায় ফলে একটা কৃত্রিম বিবিক্ত সমগ্রতা মাত্র গঠিত হয়; মনের এই গতিকে অবলম্বন করিয়াই আমরা বিশ্ব-সত্য হইতে বিশ্ব-অবিচ্ছিন্ন নামিয়া আসি। অবশ্য এ স্তরেও বিশ্বমন তাহার নিজের একত্ব অনুভব করে, কিন্তু চিৎসত্তাই তাহার উৎপত্তি-স্থান এবং ভিত্তি এ জ্ঞান আচ্ছন্ন হইয়া পড়ে অথবা বুদ্ধিতে শুধু বুঝিতে পারে, কোন স্থায়ী অনুভূতিতে নয়। ইহা যেন নিজের অধিকারে নিজ কর্তৃত্বই কাজ করিতেছে মনে করে, তাহার কর্মের উপাদান যে উৎস হইতে আসে তাহার সঙ্গে তাহার সাক্ষাৎ যোগাযোগ থাকে না, ইহার খণ্ডাত্মক এককগুলিও পরস্পরের অথবা বিশ্বসমগ্রতার প্রত্যক্ষ জ্ঞান হইতে বঞ্চিত হইয়াই কার্য্য করে কেবল শুধু সংস্পর্শ এবং যোগাযোগের ফলে একটা পরোক্ষ জ্ঞান লাভ করিতে পারে; সে জ্ঞানে মূল একত্ব বোধ এবং সেই বোধ হইতে পরস্পরের মধ্যে অল্পপ্রবেশ এবং অপরোক্ষ অনুভূতির যে শক্তি আসে, তাহা থাকে না। ইহার বিপরীত ধর্ম্মী অজ্ঞান ও বিভাগের ভিত্তি হইতেই এ মনঃশক্তির সকল কর্ম্মধারা উৎপন্ন হয়; যদিও এ সমস্ত ক্রিয়া একটা সচেতন জ্ঞানের ফল কিন্তু সে জ্ঞান খণ্ডজ্ঞান, খাঁটি এবং পূর্ণ আত্মজ্ঞান নয় অথবা খাঁটি এবং পূর্ণ জগৎজ্ঞান নয়; এই খণ্ডজ্ঞানের প্রকৃতি, প্রাণ এবং সূক্ষ্ম ভূতেও সংক্রামিত হয় এবং যে জড়বিশ্ব নিশ্চেতনের চরম পতন হইতে উদ্ধৃত হয় তাহার মধ্যে পরে আবার ফুটিয়া উঠে।

তথাপি আমাদের অধিচেতন এবং অন্তর মনের মত, আমাদের প্রাকৃতিক মনের অপেক্ষা এ মনের পরস্পরের যোগাযোগ এবং মিলনের শক্তি, মনন ও

যৌয়ের সায়র্ধ্য ংখনও ংনেক বেষী ংছে ; ংবিভা পূর্ৱরূপে দেখা দেয় নাই। সচেতন ভাবে ংকটা স্বয়মা ও সায়র্জন্ত স্বাপন, সত্যস্বকে পরস্পর মিলিত ংং পরস্পরের প্রতি নির্ভরশীল হইয়া কোন কিছু গড়িয়া তোলার শক্তি ংধিকতর ভাবে ইহার ংধিগত। ংমন ংখনও ংদ্ধ প্রাণশক্তি বা প্রতিক্রিয়াশক্তিহীন জড়ের দ্বারা ংচ্ছন্ন ও বিক্ষুব্ধ হইয়া পড়ে নাই। ইহা ংবিভার ভূমি বটে কিন্তু ংখনও মিথ্যা বা ভ্রমের কেন্দ্র হইয়া পড়ে নাই ; ংন্ততঃপক্ষে মিথ্যা ংং ভ্রমের মধ্যে পতন ংখনও ংনিবার্য হইয়া উঠে নাই। ংবিভা ংখানে সীমা ও সঙ্কোচ ংনিয়াছে বটে কিন্তু তাহার সঙ্গে মিথ্যাকে ংখনও ভাঙ্কিয়া ংনে নাই, জ্ঞান সীমিত হইয়া পড়িয়াছে, ংপূর্ণ ও ংংশিক জ্ঞান দেখা দিয়াছে কিন্তু জ্ঞান বা সত্যকে ংকেবারে ংসীকার করা হয় নাই ংথবা তাহাদের বিপরীত কিছু ংপস্থিত হয় নাই। ভেদবর্শী জ্ঞানের ভিত্তিতে প্রতিষ্ঠিত ংংশিক সত্য, প্রাণ ও মূহু জড়ও টঙ্কিয়া থাকে কারণ চিৎশক্তির যে ংকান্ত ংভিনিবেশ ইহাদের মধ্যে ভেদ ংনয়ন করে তাহা প্রাণ হইতে মনকে বা জড় হইতে প্রাণ ও মনকে ংকেবারে বিচ্ছিন্ন বা ংবৃত করে নাই। পূর্ণ বিচ্ছেদ দেখা দেয় শুধু নিশ্চেতনের ংধিকারে ংনিয়া পৌছিলে, সেই নিশ্চেতনের তমসচ্ছন্ন গর্ভ হইতে ংমাদের নানামূখী ংবিভার ংই জগৎ প্রসূত হইয়াছে। বস্তুতঃ সংবৃতির ( involution ) পথে ংন্ত যে সমস্ত সচেতন স্তর রহিয়াছে তাহারা চিৎশক্তি দ্বারা গঠিত ও নিয়ন্ত্রিত, ইহাদের প্রত্যেক ভূমিতে ংস্মকেন্দ্রীকতা ংছে, প্রত্যেকেই নিজের ভিতরকার সঙ্ঘাবনা ফুটাইয়া তুলিতে চায়, মন প্রাণ বা জড় যাহাই যে ভূমির মুখ্য তত্ত্ব হউক না কেন তাহা ংপন ংপন স্বতন্ত্র ভিত্তি ভূমির ংপর দাঁড়াইয়া কাজ করে ; কিন্তু যাহা করে তাহাতে নিজের সত্যই ফুটিয়া উঠে, ংস্তি ংথবা সত্য ংং মিথ্যা, জ্ঞান ংং ংজ্ঞানের গ্রহি তাহাতে থাকে না। কিন্তু শক্তি ও রূপের ংপর ংকান্তিক ংভিনিবেশ ও কেন্দ্রীকরণের কলে প্রাতিভাসিক ভাবে চৈতন্ত, শক্তি হইতে বিচ্ছিন্ন হইয়া পড়ে ংথবা ংদ্ধ নিজায় ংচ্ছন্ন হইয়া শক্তি ও রূপের ংপর মধ্যে যেন ংপনাকে হারাইয়া ফেলে, তাহার পরে যখন ংও ভাবের মধ্যে দিয়া বহু চেষ্টা ও সাধনায় চৈতন্তকে তাহার ংস্বরূপ ফিরিয়া পাইবার চেষ্টা করিতে হয় সেই সময় ভ্রম ংসিঙে বাধ্য হয় ংং মিথ্যার ংধির্ভাবে ংপরিস্হািত হইয়া পড়ে।



তথাপি তাহা এক অনাদি অসং হইতে উদ্ভূত শ্রান্তি যাত্রা নহে ; বরং জায়া বন্দিতে পারি যে জগৎ নিশ্চেতন হইতে জাত হইয়াছে তাহার। তাহার অপরিহার্য্য সত্য ও বিধান । কারণ তদ্ব্যতীতঃ নিশ্চেতনের মুখোশের অন্তরালে থাকিয়া যে জ্ঞান নিজেকে ফিরিয়া পাইবার চেষ্টা করিতেছে, তাহাই অবিকারপে দেখা যাইতেছে । ফিরিয়া পাইবার পথে, পাওয়া এবং না পাওয়ার চন্দ্র দোলা প্রথমে চলিতে থাকে, যে সকল ফল সে লাভ করে তাহা স্বাভাবিক, এমন কি তাহাদের পরিণতির পথে অপরিহার্য্য, তাহার। পতনের খাঁটি পরিণাম । এমন কি এক হিসাবে বলা যায় যে পতন হইতে পুনরুদ্ধারের ইহাই সত্য সাধনা । স্বরূপ হইতে বিচ্যুতির প্রথম ফল এই হইয়াছে যে সংস্বরূপ আপাত প্রতীয়মান অস্তিত্বের মধ্যে, চৈতন্য আপাত প্রতীয়মান নিশ্চেতনের মধ্যে, স্বরূপের আনন্দ বিশ্বব্যাপী এক বিশাল বোধশক্তিহীনতার মধ্যে যেন ডুবিয়া আপনাদিগকে হারাইয়া ফেলিয়াছে । স্বরূপে ফিরিবার বা নিজেকে পুনরাবিষ্কার করিবার বা পুনরায় ফিরিয়া পাইবার পথে খণ্ডভাবে অল্পভূতলাভের প্রয়াসের অবশ্রম্ভাবী পদ্ধতি বা বিধানরূপে, জীবন ও মরণ এই দ্বৈতভাবের মধ্য দিয়া সংস্বরূপ, সত্য এবং মিথ্যা বা জ্ঞান এবং ভ্রম এই দুইভাবের মধ্য দিয়া চিং, স্থখ এবং দুঃখ এই দুই প্রকার অল্পভূতির মধ্য দিয়া স্বরূপানন্দ প্রতিবিম্বিত বা ভাষান্তরিত হয় । সত্য, জ্ঞান, আনন্দ, অমৃতময় সৎভাবের প্রকৃত অল্পভূতি এখানে প্রকাশিত সত্যের স্বতোবিরোধী । পরিণতির ক্ষেত্রে অবস্থিত প্রত্যেক জীব যদি স্বচ্ছন্দে এবং স্বাভাবিকভাবে তাহাদের অন্তরস্থিত চৈতন্যস্তার অথবা প্রকৃতির ক্রিয়ার মধ্যে অন্তর্নিহিত অতিমানসের ভাবে সাড়া দিতে পারিত তবেই বর্তমান অবস্থার বিরোধী সম্ভাবনা সত্য হইত, কিন্তু এইখানেই অধিমানসের সেই বিধান আসিয়া দাঁড়ায় যাহাতে প্রত্যেক শক্তিকে স্বতন্ত্রভাবে নিজের সম্ভাবনা ফুটাইয়া তোলার অধিকার দেওয়া হইয়াছে । এক আদি নিশ্চেতন এবং খণ্ডিত চেতনা যেখানে প্রধান বা মূলতঃ সে জগতে স্বাভাবিক সম্ভাবনাই হইবে অন্ধকার বা অজ্ঞানের শক্তিসমূহের উদ্ভব বা প্রকাশ ; যে অজ্ঞানের জন্যই তাহার। বাঁচিয়া থাকিতে পারে তাহাকে রক্ষা করিবার দিকেই ত হইবে এ শক্তি সকলের স্বাভাবিক প্রয়াস । অথচ স্বভাবের বশেই তাহাতে জানিবার জন্য থাকিরে একটা অজ্ঞানতার ডরা প্রচেষ্টা তাহার বলে মিথ্যা এবং ভ্রম আসিয়া দেখা দিবে ;

কাঁচিবার জন্য থাকিবে একটা অজ্ঞানতাময় সাধনা তাহা হইতে অন্যায় এক অনর্থের উদয় হইবে; ভোগ করিবার জন্য চলিবে অহংকারে ভরা একটা উৎকট চেষ্টা বাহা হইতে ঋণ ভাবের সূত্র দুঃখ বা সন্তাপ জাত হইবে। তাহাদের উপর যে ছাপ প্রথমে পড়িয়াছে তাহার অপরিহার্য প্রকৃতিই তাহা; যদিও পরিণতির ক্ষেত্রে ইহাই আমাদের মধ্যস্থিত একমাত্র সম্ভাবনা নহে। তথাপি যেহেতু অসং সত্যেরই গোপন রূপায়ণ, নিশ্চয়তন এক গোপন চৈতন্য, বোধ-শক্তিহীনতা বা অসাড়া মুখোশ পরা এক প্রচ্ছন্ন আনন্দ স্তরায় এ সমস্ত গোপন সত্যের উন্মেষ ও প্রকাশ হইবে তাহাও ঐক্য সত্য। একদিন অবশেষে আসিবেই, যেদিন অন্ধকারময় এক অনন্ত হইতে জাত এই আপাতবিরোধী বিশ্বলীলার মধ্যেই গুপ্ত বা অব্যক্ত অতিমানস এবং অধিমানস প্রকাশিত হইয়া নিজেদিগকে পূর্ণ করিয়া তুলিবে।

এই পরমসিদ্ধি লাভকে দুইটা বিষয় সহজতর করিয়া দেয়। জড়সৃষ্টির দিকে নামিবার পথে অধিমানস অল্পবিস্তর পরিবর্তন সাধন করিয়া নিজের কয়েকটি রূপ গঠিত করিয়াছে যাহারা গোপন সত্য আমাদের ধারণা ও অনুভবের নিকট লইয়া আসে, ইহাদের মধ্যে বোধিমানসের কথা বিশেষভাবে উল্লেখ করা যাইতে পারে, যাহার সত্যের বিদ্যুৎঝলক আমাদের সাধারণ জীবনের মধ্যে অনুপ্রবিষ্ট হইয়া তাহার অনেক স্থান উদ্ভাসিত করে এবং আমাদের চেতনার বিস্তৃত ক্ষেত্র আলোকিত করে। অধিমানসের এই সমস্ত পর্যায় প্রথমতঃ বিস্তৃততর রূপে আমাদের অন্তরের সত্তার মধ্যে নিজেদিগকে খুলিয়া ধরে এবং তাহার কলঙ্করূপ আমাদের বহিঃসত্তায়ও চেতনার এই সমস্ত উর্দ্ধলোক হইতে আলোকের দূতেরা আগমন করে; আমরা তাহাদের মধ্যে বর্দ্ধিত ও পুষ্ট হইয়া সমৃদ্ধ ও অতিমানস সত্তাতে রূপান্তরিত হইতে পারি, তখন আর আমরা বুদ্ধি এবং ইন্দ্রিয় বোধের দ্বারা সীমিত থাকি না। সার্বভৌম বোধ ও অনুভব করিতে এবং স্বরূপ সত্য ও তাহার রূপের প্রত্যক্ষ সংস্পর্শে আসিতে পারি। বস্তুতঃ এই সমস্ত উচ্চতর ভূমি হইতে বিদ্যুৎচমকের মত জ্ঞানালোক আমাদের নিকট আসে কিন্তু এ অনুপ্রবেশ অধিকাংশ ক্ষেত্রে হয় আংশিক, অনিয়মিত বা গুপ্ত; বিস্তার লাভ করিয়া এই সমস্ত মহত্তর সত্যের স্বরূপ লাভ করা এবং তাহাদিগকে আমাদের জীবনে রূপায়িত করিয়া তোলা আমাদের এখনও বাকী আছে কিন্তু

এ সম্ভাবনাত্তে পৌছিমার সামর্থ্য আমাদের আছে। দ্বিতীয়তঃ আমরা দেখিয়াছি যে নিশ্চৈতন হইতে আমরা পরিণতির ক্ষেত্রে উদ্ভিত হইয়াছি তাহার মধ্যে বোধিমানস, অধিমানস এমন কি অতিমানস যে কেবল অহুসৃত এবং সংযত হইয়া বর্তমান আছে এবং তাহাদের ফুটিয়া উঠা যে শুধু অপরিহার্য্য তাহা নহে, অন্তর্গত ভাবে অবস্থিত হইয়া প্রচ্ছন্নভাবে তাহারা ক্রিয়াশীল রূপেই আছে এবং বিশ্বের মন প্রাণ ও জড়ের ক্রিয়ার মধ্যে বোধির বিদ্যুৎঝলকের মধ্য দিয়া প্রস্ফুরিত হইতে চাহিতেছে। ইহা অবশ্য সত্য, তাহাদের এ ক্রিয়া গোপনেই চলিতেছে, এমন কি যখন তাহা উন্মিষিত হইয়া উঠে তখনও তাহাদের মাধ্যমে তাহাদের প্রকাশ হয় ও ক্রিয়া চলে সেই জড় প্রাণ ও মনের দ্বারা তাহারা বিকৃত ও পরিবর্তিত হইয়া পড়ে এবং সহজে তাহাদের প্রকাশ চিনিতে পারা যায় না। এই জগতে প্রথম হইতেই অতিমানস সাক্ষাৎভাবে সৃষ্টিশক্তিরূপে আত্মপ্রকাশ করিতে পারে না, কেন না তাহা হইলে নিশ্চৈতন এবং অবিচার্য্য আবির্ভাব অসম্ভব হয় অথবা ধীর মন্থর গতিতে যে প্রয়োজনীয় পরিণতি চলিতেছে তাহা বিদ্যুৎগতিতে রূপান্তরের দৃশ্যরূপে পরিণত হয়। তবুও প্রতি পদে জড় শক্তির ক্রিয়ার মধ্যে অপরিহার্য্যতার যে একটি ছাপ দেখিতে পাই তাহা অতিমানসী সৃষ্টিশক্তিরই দেওয়া; তেমনি মন ও প্রাণের যতপ্রকার পরিণতি, তাহাদের সম্ভাবনার নানা ধারাসমূহের যতপ্রকার খেলা, তাহাদের পরস্পরের যত প্রকার সমাহার ও মিলন তাহার মধ্যে আমরা অধিমানসের অহুপ্রবেশের পরিচয় ও চিহ্ন দেখিতে পাই। মন ও প্রাণ যেমন জড় হইতে মুক্তি পাইয়াছে, তেমনি যথাসময়ে গোপনে অবস্থিত ভগবৎ সত্তার এই সমস্ত মহত্তর শক্তিও সংযুতি হইতে মুক্ত হইয়া ফুটিয়া উঠিবে এবং উপর হইতে তাহাদের পরম জ্যোতি আমাদের মধ্যে অবতীর্ণ হইবে।

অবিচার্য্য মধ্যে অবস্থিত আমাদের বর্তমান জীবনকে নিষ্ফল বা মুক্তিপণ রূপে গ্রহণ করিয়া সেই জীবনেরই পরমফল রূপে এই প্রকাশের ক্ষেত্রে দ্বিতীয় জীবন লাভের যে সম্ভাবনা কেবল আছে তাহা নহে কিন্তু আমরা যে ভাবে এসমস্ত দেখিয়াছি তাহা যদি সত্য হয় তবে প্রকৃতির এই পরিণতির প্রচেষ্টা চরম ও পরম লক্ষ্যকতার মহিমায় সঞ্চিত হওয়া অপরিহার্য্য।

প্রথম অংশ সমাপ্ত

## শুদ্ধি পত্র ।

নিৰ্ভুল কৰিবাব ইচ্ছা ও চেষ্টা সৰ্ব্বোৎকৃষ্ট কৰি কুল বহিৰা গিয়াছে । বানান  
তুল ছাড়া অন্য যে সমস্ত তুল চোখে পড়িয়াছে, তাহা এবং তাহার সংশোধন  
নীচে দেওয়া গেল ।

পত্রাঙ্ক	পংক্তি	কি আছে	কি হইবে
৩	২	বিরোধ	বিরোধ
৩	১০	সৰ্বশক্তি-মত্তা	সৰ্বশক্তিমত্তা
৭	১	অড় ও ব্রহ্ম	অড়ও ব্রহ্ম
১০	১০	পরমৈশ্বর্যের) একদিক	পরমৈশ্বর্যের একদিক)
১৫	২৩	ব্যবহার করিয়া	ব্যবহার করিয়া ।
২০	৬	ব্যাপারেটা	ব্যাপারটা
২২	১	ইহারা এ	ইহারা একই
৩০	৬	আত্মা ও	আত্মাও
৩২	২৩	যে	সে
৩৭	১৮	শাস্ত্র	শাস্ত্র
৪৭	১৭	কালাতীতে	কালাতীত
৫৭	৫	বীতশোক হয়	বীতশোক হয়
৫৭	৭	তাহা	তাহার
৫৭	১৩	বিকৃতকারক	বিকৃতিকারক
৫৭	১৬	পুরুষ	পুরুষের
৫৭	১৮	পতন হয়	পতনরূপে
৫৯	১৪	সম্বয়ের	সম্বয়ের
৭৬	২৬	চেয়ে সং	চেয়ে সত্তা
৮২	১৩	বৃহত্তর	বৃহত্তর ;
৮৩	১১	সায়	সায়
৯৪	১৭	করিতেছে	করিতেছে
৯৫	২০	দেখি না	দেখি না ।
৯৯	২৪	বোধ হইলেও	বোধ হইলেও ।
১৪৬	২৮	অতঃকর্ত্ত	অতঃকর্ত্ত

পত্রাঙ্ক	পংক্তি	কি আছে	কি হইবে
১৪৮	২৩	মনঃকলিত	মনঃকলিত
১৫২	২৪	প্রত্যকে	প্রত্যেকে
১৬৫	৭	বিশ্বজীবনকে	বিশ্বজীবনকে
১৬৮	২১	জন্য	জন্য ;
১৭৪	২৮	অনিমানসের	অতিমানসের
১৭৮	২৬	আখ্যা শ্লোক	আখ্যাশ্লোক
১৮৫	৩	দব্য	দিব্য
১৮৬	৩	আশ্বন্যোবা'	আশ্বন্যোব'
১৮৭	৫	তাহার	তাহারা
১৯৩	১১	যে রূপরাজি এবং মনশ্চেতনা	যে মনশ্চেতনা,
২০৬	৮	সত্যসকল	সত্যসকল
২১৫		অমুভবের	অমুভবের
২১৮	৫	রূপেই	রূপেই
২৫১	১৪	জীবব্যক্তি	জীবব্যক্তি
২৫৮	২৫	জ্যোতির্ময়ী	জ্যোতির্ময়ী
২৭১	১৮	সত্তার ও	সত্তারও
২৭৪	২১	প্রেরণ করিতে পারি	প্রেরণ করিতে
২৮৩	১	সমাসীনা।	সমাসীনা,
৩০০	১ এবং ২	অসহিষ্ণুতা ও নিষ্ক্রিয়তা এবং	অসহিষ্ণুতা এবং নিষ্ক্রিয়তা ও
৩০১	১	মানসিক	মানসিক
৩০৪	২৮	জ্বালায়	জ্বালায়
৩২২	১১	উন্নীলিত	উন্নীলিত
৩২২	২৭	ভিত্তি	ভিত্তি
৩৩৮	১	ইন্দ্রিবোধের	ইন্দ্রিবোধের
৩৪০	২৫	বা	বা











